

नमो नमो निम्मल दंसणस्स



# आगमसुत्ताणि (सटीकं)

भागः - १६

संशोधक सम्पादकश्च :

मुनि दीपरत्नसागर

बालब्रह्मचारी श्री नेमिनाथाय नमः  
नमो नमो निम्मल दंसणस्स  
श्री आनंद-क्षमा-ललित-सुशील-सुधर्मसागर गुरुभ्योनमः

# आगम सुत्ताणि (सटीकं)

भागः-१६ निशीथ-छेदसूत्रम्-२

उद्देशकाः-७.....१३ पर्यन्ताः

:- संशोधकः सम्पादकश्चः :-

मुनि दीपरत्नसागर

ता. १४/४/२०००

रविवार २०५६

चैत्र सुद ११

४५- आगम सुत्ताणि-सटीकं  
मूल्य रु.११०००/-

卐 आगम श्रुत प्रकाशन 卐

:- संपर्क स्थल :-

“आगम आराधना केन्द्र” शीतलनाथ सोसायटी विभाग-१,  
फ्लेट नं-१३, ४-थी मंझिल, व्हायसेन्टर, खानपुर,  
अहमदाबाद (गुजरात)

## निशीथ-छेदसूत्रस्य विषयानुक्रमः

भागः-१५ - उद्देशकः-१.....६ पर्यन्ताः गताः

भागः-१६ - उद्देशकः-७.....१३ अत्रे वर्तमानाः

भागः-१७ - उद्देशकः-१४.....२० पर्यन्ताः आगामि भागे मुद्रिताः

| मूलाङ्कः | विषयः   | पृष्ठाङ्कः | मूलाङ्कः | विषयः   | पृष्ठाङ्कः |
|----------|---|------------|----------|---|------------|
| ४७०-५६०  | उद्देशकः-७  | ३          |          | - क्लेश उपशमन विधानं<br>- प्रायश्चित्त दान - विधानं<br>- विचरण सम्बन्धि विधानं<br>- पर्युषणा सम्बन्धि विधानं  |            |
|          | - मैथुन सेवन इच्छा-<br>- मैथुनेच्छया माला करणं,<br>लोहादिसञ्चय, हार निर्माणः,<br>कम्बलादि निर्माणः, अक्षि-<br>सञ्चालन आदि निषेध-विधानं  |            | -७४६     | उद्देशकः-११   | १९३        |
| -५७९     | उद्देशकः-८  | १६         |          | - धातुपात्र सम्बन्धी निषेधः<br>- अवर्णवाद निषेधः<br>- भय, विस्मय, विपर्यय-<br>आदिनाम् निषेध-विधानं<br>- आहार सम्बन्धी विधानं<br>- प्रवज्या विधानं-इत्यादि                       |            |
|          | - स्त्रीयाः सार्धेन विहार,-<br>- स्वाध्याय, निषेध-विधानं<br>- आरामागारादि स्थाने<br>स्त्रीयाः सार्धं स्वाध्याय,-<br>विहार, आहार, वार्ता<br>सम्बन्धी निषेध-विधानं<br>- आहार-विधानं |            | -७८८     | उद्देशकः-१२   | ३०५        |
| -६०७     | उद्देशकः-९  | ४२         |          | - त्रसप्राणि बन्धन निषेधः<br>- प्रत्याख्यानभङ्ग निषेधः<br>- पृथ्वीकायादि विराधना निषेधः<br>- गृहस्थ सम्बन्धे निषेध-विधानं<br>- नदीउत्तरणे विधानं                                |            |
|          | - राजपिण्ड निषेधः<br>- राजस्य अन्तपुरे प्रवेश निषेधः<br>- राजस्य अभिषेक दर्शने-<br>निषेध विधानम्  |            | -८६२     | उद्देशकः-१३   | ३५३        |
| -६५४     | उद्देशकः-१०   | ५९         |          | - निषद्या सम्बन्धी विधानं<br>- अन्यतीर्थिक एवं गृहस्थ<br>सम्बन्धे निषेध विधानं<br>- मुखदर्शन निषेध-विधानं<br>- औषध एवं उपचार निषेधः<br>- पार्श्वस्वादि सम्बन्धे<br>निषेध-विधानं |            |
|          | आगाढ एवं फरुष वचन निषेधः<br>- निमित्त कथन निषेधः<br>- शिष्य निष्केटिका<br>- विपरिणामकरण निषेधः<br>- अभ्यागत साधु सम्बन्धि-विधानं  |            |          |   |            |

## આર્થિક અનુદાતા

-પ.પૂ. માલવભુષણ તપસ્વી આચાર્યદેવ શ્રી નવરત્નસાગર સૂરીશ્વરજી મ.સા.ની પ્રેરણાથી શ્રી લાલભાઈ દેવચંદ શાહ તરફથી - નકલ એક.

-પ.પૂ. સરળ સ્વભાવી-શ્રીમદ્ ભગવતીસૂત્ર વ્યાખ્યાન પદુ આચાર્યદેવ શ્રી નરદેવસાગરસૂરીશ્વરજી મ.સા. તથા પૂજ્યશ્રીના શિષ્યરત્ન તપસ્વી ગણિવર્યશ્રી ચંદ્રકીર્તિસાગરજી મ.સા.ની પ્રેરણાથી શ્રી પુરુષાદાનીય પાર્શ્વનાથ શ્વે. મૂર્તિ. જેન સંઘ, દેવકીનંદન સોસાયટી, અમદાવાદ તરફથી નકલ એક.

-પ.પૂ. શાસન પ્રભાવક-ક્રિયારાગી આચાર્યદેવશ્રી વિજય ઋચકચંદ્ર સૂરીશ્વરજી મ.સા.ની પ્રેરણાથી એક સદ્ગૃહસ્થ તરફથી નકલ એક.

-પ.પૂ. સાહિત્યપ્રેમી મુનિરાજ શ્રી સર્વોદય સાગરજી મ.સા.ની પ્રેરણાથી-“અચલગચ્છાધિપતિ પ.પૂ.આ.ભ.શ્રી ગુણસાગરસૂરીશ્વરજી મ.સા.ના શિષ્યરત્ન પ.પૂ. મુનિરાજ શ્રી ચારિત્રરત્નસાગરજી મ.ની ૧૯મી અઢાઈ નિમિત્તે-શ્રી ચારિત્રરત્ન ફા.ચે.ટ્રસ્ટ તરફથી નકલ એક.

-પ.પૂ. વૈયાપૃત્યકારિકા સાધવી શ્રી મલયાશ્રીજી મ.સા.ના શિષ્યા વ્યવહાર વિચક્ષણા પૂ. સાધવી શ્રી હિતજ્ઞાશ્રીજી મ.ની પ્રેરણાથી જેન આરાધના મંદિર-“જ્ઞાનખાતા” તરફથી નકલ એક.

-પ.પૂ. સૌમ્યમૂર્તિ સાધવીશ્રી સૌમ્યગુણાશ્રીજી મ.ની પ્રેરણાથી પ.પૂ. ગુરુમાતા-વાત્સલ્યમૂર્તિ સા.શ્રી રત્નત્રયાશ્રીજી મ.ની પંચમી પુન્યતિથિ નિમિત્તે શ્રીમતી લીલમબેન પ્રાણલાલ પી. દામાણી તરફથી નકલ એક.

-પ.પૂ. સ્વનામધન્યા સા. શ્રી સૌમ્યગુણાશ્રીજી તથા તેઓના શિષ્યા સા.શ્રી સમજ્ઞાશ્રીજીની પ્રેરણાથી-૨૦૫૩ના યશસ્વી ચાતુર્માસ નિમિત્તે શ્રી પાર્શ્વપદ્માવતી જેન સંઘ, પાણલનગર, અમદાવાદ તરફથી નકલ બે.

-પ.પૂ. રત્નત્રયારાધકા સાધવીશ્રી સૌમ્યગુણાશ્રીજી તથા તેઓશ્રીના શિષ્યા સા. શ્રી સમજ્ઞાશ્રીજીની પ્રેરણાથી સંવત ૨૦૫૪ના નિર્મળ આરાધનામય ચાતુર્માસની સ્મૃતિમાં-ઘાટલોડિયા (પાવાપુરી) જેન શ્વે. મૂર્તિ. સંઘ, અમદાવાદ તરફથી નકલ એક.

-પ.પૂ. સાધ્વી શ્રી રત્નત્રયાશ્રીજી મ.ના પરમ વિનેયા સા.શ્રી સૌમ્યગુણાશ્રીજીની પ્રેરણાથી તેઓના સંસારીભાઈશ્રી ઘન્દ્રવદનભાઈ દામાણીના અનુમોદનીય પુરુષાર્થથી “આગમ દીપ-સંપુટ”ના બદલામાં પ્રાપ્ત રકમમાંથી-નકલ ચાર.

-પ.પૂ. પ્રશમરસનિમગ્ના સાધ્વીશ્રી પ્રશમશીલાશ્રીજી મ.ની પ્રેરણાથી-સમ્મેતશિખર તિર્થોદ્ધારિકા પ.પૂ. સાધ્વીશ્રી રંજનશ્રીજી મ.સા.ના શિષ્યા અપ્રતિમ યેયાવૃત્ત્યકારિકા સા.શ્રી મલયાશ્રીજી તત્ શિષ્યા સા.શ્રી નરેન્દ્રશ્રીજી-તત્ શિષ્યા સા. શ્રી પ્રગુણાશ્રીજી મ.ના. આત્મશ્રેયાર્થ-અરિહંત ટાવર, જૈન સંઘ, મુંબઈ તરફથી નકલ એક.

-પ.પૂ. આગમોદ્ધારક આચાર્યદેવશ્રી ના સમુદાયવર્તી પ.પૂજ્ય યેયાવૃત્ત્યકારિકા સા.શ્રી મલયાશ્રીજી મ.ના શિષ્યા પૂ.સા. શ્રી કૈવલ્યશ્રીજી મ.ના શિષ્યા પૂ.સા.શ્રી ભવ્યાનંદશ્રીજી મ.સા.ના સુશિષ્યા મિષ્ટભાષી સાધ્વીશ્રી પૂર્ણપ્રજ્ઞાશ્રીજી મ.સા. તથા તેમના વિનિત શિષ્યા સા. શ્રી પૂર્ણદર્શિતાશ્રીજી તથા સા. પૂર્ણનંદીતાશ્રીજીની પ્રેરણાથી-સર્વોદય પાર્શ્વનાથ ચેરીટેબલ ટ્રસ્ટ, મુલુન્ડ મુંબઈ તરફથી નકલ એક.

-પ.પૂ. યેયાવૃત્ત્યકારિકા સાધ્વીશ્રી મલયાશ્રીજી મ.ના પ્રશિષ્યા સા.શ્રી ભવ્યાનંદશ્રીજીમ.ના સુવિનિતા સા.શ્રી કલ્પપ્રજ્ઞાશ્રીજી તથા કોકીલકંઠી સા. શ્રી કૈરવપ્રજ્ઞાશ્રીજી ની પ્રેરણાથી -મેહુલ સોસાયટી, આરાધનાભવન, સુભાષનગર, વડોદરાની બહેનો તરફથી નકલ એક

-શ્રી વિશાશ્રીમાળી તપગચ્છજ્ઞાતિ-જ્ઞાનખાતું, જૈન પાઠશાળા, જામનગર તરફથી નકલ બે.

-શ્રી મંગળ પારેખનો ખાંચો-જૈન શ્વે. મૂર્તિ. સંઘ, અમદાવાદ. તરફથી ૨૦૫૪ના ચાતુર્માસિ નિમિત્તે નકલ બે.

- શ્રી આકોટા જૈન સંઘ, વડોદરાની બહેનો તરફથી નકલ એક.

-શ્રીમતી નયનાબેન રમેશચંદ્ર શાહ, વડોદરાની પ્રેરણાથી આગમોના સેટના બદલામાં પ્રાપ્ત રકમમાંથી નકલ પાંચ.

શેષ સર્વે રકમ “અમારા”આજ પર્યન્ત પ્રકાશનોના  
બદલામાં પ્રાપ્ત થયેલી છે.

नमो नमो निम्मल दंसणस्स  
पंचम गणघर श्री सुधर्मास्वामिने नमः

## ३४.२ निशीथ-छेदसूत्रम्

सटीकं

[प्रथमं छेद सूत्रम्]

उद्देशका : ७.....१३ पर्यन्ताः

मूलम् + (निर्युक्तियुक्तेन) भाष्यम् + चूर्णिः

उद्देशक :- ७

चू- छद्दुद्देसगे सत्तमुद्देसगो एवं संबज्जति-

[भा. २२८७] आहारमंतभूसा, मालियमादी उं बाहिरा भूसा ।

विगती विगतिसहावा, व बाहिरं कुञ्ज संठप्पं ॥

चू- छद्दुद्देसगस्स अंतिमसुत्ते विगतीआहारो पडिसिद्धो, मा तेन विगतिआहारेण य पीणियसरीरस्स अंतरभूसा भविस्सति । सत्तमुद्दे सगेवि आइमसुत्ते मालिगपडिसेहो, मा बाहिरबूसा भविस्सति । अहवा - विगतीआहारातो संजमविगतसभावो बाहिरविभूसानिमित्तं तणमालियाति करेज्ज तप्पडिसेहणत्थं इमं सुत्तं-

मू. (४७०) जे भिक्खू माउग्गामस्स मेहुणवडियाए तण-मालियं वा भुंज-मालियं वा वेत्त-मालियं वा मयण-मालियं वा पिंछ-मालियं वा पौडिअ-दंत मालियं वा सिंग-मालियं वा पत्त-मालियं वा पुप्फ-मालियं वा फल-मालियं वा बीय-मालियं वा हरिय-मालियं वा करेइ; करेतं वा सातिज्जति ॥

मू. (४७१) जे भिक्खू माउग्गामस्स मेहुणवडियाए तण-मालियं वा भुंज-मालियं वा वेत्त-मालियं वा मयण-मालियं वा पिंछ-मालियं वा पौडिअदंत-मालियं वा सिंग-मालियं वा संख-मालियं वा हड्ड-मालियं वा भिंड-मालियं वा कट्ट-मालियं वा पत्त-मालियं वा पुप्फ-मालियं वा फल-मालियं वा बीय-मालियं वा हरिय-मालियं वा धरेइ; धरेतं वा सातिज्जति ॥

मू. (४७२) जे भिक्खू माउग्गामस्स मेहुणवडियाए तण-मालियं वा भुंज-मालियं वा वेत्तमालियं वा मयण-मालियं वा पिंछ-मालियं वा पौडिअदंत-मालियं वा सिंग-मालियं वा संख-मालियं वा हड्ड-मालियं वा भिंड-मालियं वा कट्ट-मालियं वा पत्त-मालियं वा पुप्फ-मालियं वा फल-मालियं वा बीय-मालियं वा हरिय-मालियं वा पिणहइ, पिणहं, तं वा सातिज्जति ॥

चू- वारणातितणेहिं पंचवण्णमालियाओ कीरंजहा महराए । भुंजमालिया, जहा - विज्जातियाणं जडीकरणे । वेत्त-कट्टेसु कडगमादी कीरंति, कट्टे वा चुंदप्पडिया भवंति । मयणे मयणपुप्फा कीरंति, पंचवण्णा । भेंडेसु भेंडाकारा करंति, मोरंगमयी वा । मक्कडहड्डेसु हड्डमयी डिंभाणं गलेसु

बज्जति, हत्थि-दंतेसु दंतमयी, वराडगेसु कवडगमयी । महिससिंगेसु जहा पारसियाणं, पत्तमालिया तगरपत्तेसु माला गुज्जति ।

अहवा - विवाहेसु अनेगविहेसु अनेगविहो वंदनमालियाओ कीरंति । फलेहिं गुजातितेहिं रुदक्खेहिं वा पुत्तंणीवगेहिं वा वोंडीवमणे तप्फलेहि वा माला कीरति । अन्नेन वा कारवेइ, अनुमोयति वा । कयं वा अपरिभोगत्तणेण धरेति, पिणद्धति अप्पणो सरीरं आभरेति, सब्वेसु वि मेहुणपडियाए। एत्थ एककेळाओ पदात आणादिया दोसा आय-संजम-विराधना य भवति ॥

[भा.२२८८] तणमालियादिया उ, जत्तियमेत्ता उ आहिया सुते ।

मेहुण्ण-परिन्नाए, ता उ धरेंतस्स आणादी ॥

[भा.२२८९] तण-वेत्त-मुंज-कट्टे, भिंड-मयण-मोर-पिच्छ-हड्डमयी ।

पोंडियदंते पत्तादि, करे धरे पिणद्धे आणादी ॥

[भा.२२९०] सविकारो मोहुदीरणा य वक्खेव रागऽणाइणं ।

गहणं च तेन दंडिग, गोमिय भाराधिकरणादी ॥

चू-सलिंगातो सविकारया लब्भति, आय-पर-मोहुदीरणं वा करेति, सुत्तथ्येसु वा पलिमंथो, सरागो वा लब्भति, अमाइण्णं तित्थकरेहि य अदिन्नं, तेणगेहिं वा तदट्टाए घेप्पति, असाहु त्ति काउं दंडिगेहिं वा घेप्पति, गोम्मिएहिं घेप्पति, भारेण य आयविराहणा, अनुवकारित्ता य अधिकरणं भवति, फालण-छिंदणधंसणादिएसुं वा आतविराहणा, झुसिराझुसिरेहिं य संजमविराहणा, लोगे य उड्डाहो ॥ जम्हा एते दोसा तम्हा न करेति, नो धरेति, नो पिणद्धति । भवे कारणं-

[भा.२२९१] बितियपदमणप्पज्जे, अप्पज्जे वा वि दुविध तेइच्छे ।

अभिओग असिव दुब्भिक्खमादिसू जा जहिं जतणा ॥

चू-अणप्पज्जो सव्वाण वि करेज्ज, न य पच्छित्तं । अप्पज्जो वा दुविध तेइच्छे तारिस खरियादीणं आराहणट्टाए करेज्ज । ताहे ताओ लोभावियाओ पडिसेवणं देज्ज । पढमं ता जाओ अप्पमोलाओ वा पच्छा बहुमोलाओ । एवं दुब्भिक्खे वि भेंडगादि कण्णपूरगादि काउं दंडियस्स उवड्डविज्जंति, सो परितुट्ठो भत्तं दाहिति ॥

मू. (४७३) जे भिक्खू माउग्गामस्स मेहुणवडियाए अय-लोहाणि वा तंब-लोहाणि वा तउय-लोहाणि वा सीसग-लोहाणि वा रूप-लोहाणि वा सुवण्ण-लोहाणि वा करेति, करेंतं वा सातिज्जति ॥

मू. (४७४) जे भिक्खू माउग्गामस्स मेहुणवडियाए अय-लोहाणि वा तंब-लोहाणि वा तउय-लोहाणि वा धरेइ, धरेंतं वा सातिज्जति ॥

मू. (४७५) जे भिक्खू माउग्गामस्स मेहुणवडियाए अय-लोहाणि वा तंब-लोहाणि वा तउय-लोहाणि वा सीसग-लोहाणि वा रूप-लोहाणि वा सुवण्ण-लोहाणि वा परिभुंजति, परिभुंजंतं वा सातिज्जति ॥

चू- हिरण्णं रूपं-

[भा.२२९२] अयमादी लोहा खलु, जत्तियमेत्ता उ आहिया सुते ।

मेहुण्ण-परिन्नाए, एताइ धरेंतस्स आणादी ॥

[भा. २२९३] सधिगारो मोहुद्दीरणा य वक्खेव रागऽणाइण्णं ।

गहणं च तेन दंडिय-दिट्ठंतको नंदिसेणेन ॥

घू- मेहुणट्टाए करंते पिणिहितस्स ङ्का आणादिया य विराहणा । धमंत-फूमंतस्स संजम-छक्काय-विराहणा । राउले वा मूइअइ तथ्य बंधणातिआ य दोसा । सुवण्णं वा कारविज्जति, लोहादि वा कुइंतस्स आयविराहणा वा, तेहिं वा धेप्येअ ॥ जम्हा एते दोसा तम्हा नो करेति, नो धरेति, नो पिणद्धति । कारणे कारे -

[भा. २२९४] बितियपदमणप्पज्जे, अप्पज्जे वा वि दुविध तेइच्छे ।

अभिओग असिव दुब्बिक्खमादिसू जा जहिं जतणा ॥

घू- रायाभिओगेण मेहुणट्टे वा करेअ । बलामोडीए वा काराविज्जति, दुब्बिक्खे वा असंथरंतो सयं करेअ ।

मू. (४७६) जे भिक्खू माउग्गामस्स मेहुणवडियाए हाराणि वा अद्धहाराणि वा एगावलीं वा मुत्तावलीं वा कणगावलीं वा रयणावलीं वा कडगाणि वा तुडियाणि वा केऊराणि वा कुंडलाणि वा पट्टाणि वा मउडाणि वा पलंबसुत्ताणि वा सुवण्णसुत्ताणि वा करेति, करंतं वा सातिज्जति ॥

मू. (४७७) जे भिक्खू माउग्गामस्स मेहुणवडियाए हाराणि वा अद्धहाराणि वा एगावलीं वा मुत्तावलीं वा रुणगावलीं वा रयणावलीं वा कडगाणि वा तुडियाणि वा केऊराणि वा कुंडलाणि वा पट्टाणि वा मउडाणि वा पलंबसुत्ताणि वा सुवण्णसुत्ताणि वा धरेति; धरंतं वा सातिज्जति ॥

मू. (४७८) जे भिक्खू माउग्गामस्स मेहुणवडियाए हाराणि वा अद्धहाराणि वा एगावलीं वा मुत्तावलीं वा कणगावलिं वा रयणावलीं वा कडगाणि वा तुडियाणि वा केऊराणि वा कुंडलाणि वा पट्टाणि वा मउडाणि वा पलंबसुत्तामि वा सुवण्णसुत्ताणि वा परिभुंजति, परिभुंजंतं वा सातिज्जति ॥

घू- कुंडलपं कण्णाभरणं, गुणं कडीसुरायं, मणी सूर्यमणीमादय, तुडियं बाहुरक्खिया, तिन्नि सरातो तिसरियं, वालंभा मउडादिसु ओचूला, अगारीणं वा गलोलइया, नाभिं जा गच्छइ सा पलंबा साय उलंवा भण्णति । अट्टारसलयाओ हारो, नवसु अट्टहारो, विचित्तेहिं एगसरा एगावली, मुत्तिएहिं मुत्तावली, सुवण्णमणिएहिं कणगावली, रयणहिं रणावली, चउरंगुलो सुवण्णओ पट्टो, त्रिकूटो मुकुटः ।

[भा. २२९५] कडगाई आभरणा, जत्तियमेत्ता उ आहिया सुत्ते ।

मेहुण्ण-परिन्नाए, एताइ धरंतस्स आणादी ॥

[भा. २२९६] सविगारो मोहुद्दीरणा य वक्खेव रागऽणाइण्णं ।

गहणं च तेन दंडिय-दिट्ठंतो नंदिसेणेन ॥

घू- मेहुणपडियाए ङ्का, जच्चेव लोहेसु विराधना । कारणे-

[भा. २२९७] बितियपदमणप्पज्जे, अप्पज्जे दा वि दुविध तेइच्छे ।

अभिओग असिव दुब्बिक्खमादिसू जा जहिं जतणा ॥

मू. (४७९) जे भिक्खू माउग्गामस्स मेहुण वडियाए आईणाणि वा सहिणाणि वा कल्लाणि वा सहिणकल्लाणि वा आयाणि वा कायाणि वा खोमाणि वा दुगुल्लाणि वा तिरीऽपट्टाणि वा



मलयाणि वा पत्तुण्णामि वा अंसुयाणि वा चीणंसुयाणि वा देसरागाणि वा अभिलाणि वा गज्जलाणि वा फाडिगाणि वा कोतवाणि वा कंबलाणि वा पावारगाणि वा कणगाणि वा कणगकताणि वा कणगपट्टाणि वा कणगखचियाणि वा कणगफुल्लियाणि वा वग्घाणि वा विवग्घाणि वा आभरणाणि वा आभरणविचित्ताणि वा उद्दाणि वा गोरमिगाईणगाणि वा किण्हमिगाईणगाणि वा नीलमिगाईणगाणि वा पेसाणि वा पेसलेसाणि वा करेति करेतं वा सातिज्जति ।

मू. (४८०) जे भिक्खू माउग्गामस्स मेहुण वडियाए आईणाणि वा सहिणाणि वा.... जाव.... पेसाणि वा पेसलेसाणि वा धरेति धरंतं वा सातिज्जति ।

मू. (४८१) जे भिक्खू माउग्गामस्स मेहुण वडियाण आईणाणि वा.... जाव.... पेसलेसाणि वा परिभुंजति परिभुजंतं वा सातिज्जति ।

घू- अजिणं चम्मं, तम्मि जे कीरंति ते आईणाणि, सहिणं सूक्ष्मं, कल्लाणं स्निग्धं, लक्षणयुक्तं वा, किं चि सहिणं कल्लाणं च, चउभंगो । आयं नाम तोसलिविसए सीयतलाए अयाणं खुरेसु सेवालतरिया लग्गंति, तथ वत्था कीरंति । कायाणि कायविसए काकजंघस्स जहिं मणी पडितो तलागे तथ रत्ताणि जाणि ताणि कायाणि भण्णंति । दुते वा काये रत्ताणि कायाणि । पोंडमया खोम्मा, अन्ने भण्णंति - रुक्खेहिंतो निग्गच्छंति, जहा “बडेहिंतो पादगा साहा” दुगुल्लो रुक्खो तस्स वागो घेतुं उदूखले कुट्टिज्जति पाणिण ताव जाव झूसीभूतो ताहे कज्जति एतेसु दुगुल्ली, तिरीडरुक्खस्स वागो, तस्स तंतू पट्टसरिसो सो तरिलो पट्टो, तम्मि कयाणि तिरीडपट्टाणि ।

अहवा - किरीडयलाला मयलविसए मयलामि पत्तामि कोविज्जति, तेसु वालएसु पत्तुणा दुगुल्लातो अब्भंतरहिते जं उप्पज्जति तं अंसुयं, सुहमतरं चीणंसुयं भण्णति । चीणविसए वा जं तं चीणंसुयं, जत्थ विसए जा रंगविधी ताएष देसे रत्ता देसरागा । रोमेसु कया अमिला ।

अहवा - निम्मला अमिल घट्टिणी घटिता ते परिभुज्जमाणा कडं कडेंति । गीज्जतसमाण सदं करेति ते गज्जला । फडिगपाहाणनिभा फाडिगा अच्छा इत्यर्थः । कोतवो वरको उवारसा कंबला खरडगपारिगादि पावारगा, सुवण्ण दुते सुत्तं रज्जति, तेन जं वुत्तं तं कणगं, अंता जस्स कणगेण कता तं कणगयकं, कणगेण जस्स पट्टा कता तं कणगपट्टं । अहवा - कणगपट्टा मिगा, कणगसुत्तेण फुल्लिया जस्स पाडिया तं कणग-खचित्तं, कणगेण जस्स फुल्लिताउ दिन्नाउ तं कणगफुल्लियं । जहा कद्दमेण उड्डेडिज्जति । वग्घस्स चम्मं वग्घाणि, चित्तग-चम्मं विवग्घाणि । एत्थ छपत्रिकादि एकाभरणेण भंडिता आभरणत्थपत्रिकं चंदलेहिक-स्वस्तिक-घंटिक-मोत्तिकमादीहिं भंडिता आभरणविचित्ता, सुणगागिती जलचरा सत्ता तेसिं अजिणा उट्टा ।

अन्ने भण्णंति - उट्टं चम्मं गोरमिगाणं अइणा गोरमिगादिणा पेसा पसवा तेसिं अइणं । अन्ने भण्णंति - पेसा लेसा य मच्छादियाण एते-

[भा.२२९८] सहिणादी वत्थ खलु, जत्तियमेत्ता य आहिया सुत्ते ।

मेहुण्ण-परिन्नाए, ताइ धरंतम्मि आणादी ॥

[भा.२२९९] सविगारो मोहुद्दीरणा य वक्खेव रागऽणाइण्णं ।

गहणं च तेन दंडिय-दिट्ठंतो नंदिसेणेन ॥

घू- आणादि भारो भय-परितावणादि सव्वे दोसा वत्त्वा ॥

[भा.२३००] बितियपदमणप्पज्जे, अप्पज्जे वा वि दुविध तेइच्छे ।

अभिओग असिव दुब्भिक्खमादिसू जा जहिं जतणा ॥

मू. (४८२) जे भिक्खू माउग्गामस्स मेहुणवडियाए अक्खंसि वा ऊरंसि वा उयरंसि वा थणंसि वा गहाय संचालेइ, संचालेंतं वा सातिज्जति ॥

चू- अक्खा नाम संखाणियप्पदेसा । अधवा - अन्नतरं इंदियजायं अक्कं भण्णति, उवगच्छया कक्खा भण्णति, वक्खंसि वा ऊरंसि, हत्यादिएसु वा मेहुणवडियाए संचालेति चउगुरुं ।

[भा.२३०१] अक्खादी द्वाणा खलु, जत्तियमेत्ता उ आहिया सुत्ते ।

जो घेतुं संचाले, सो पावति आणमादीणि ॥

चू- आणादिया दोसा, जस्स सा अविरइया रूसति । अहवा - सच्चैव रूसेज्ज, गेणहणादयो दोसा ॥

[भा.२३०२] बितियपदमणप्पज्जे, अप्पज्जे वा वि दुविध तेइच्छे ।

अभिओग असिव दुब्भिक्खमादिसू जा जहिं जतणा ॥

मू. (४८३) जे भिक्खू माउग्गामस्स मेहुणवडियाए अन्नमन्नस्स पाए आमज्जेज्ज वा पमज्जेज्ज वा, आमज्जंतं वा पमज्जंतं वा सातिज्जति ॥

मू. (४८४) जे भिक्खू माउग्गामस्स मेहुणवडियाए अन्नमन्नस्स पाए संबाहेज्ज वा पलिमद्देज्ज वा, संबाहेतं वा पलिमद्देतं वा सातिज्जति ॥

मू. (४८५) जे भिक्खू माउग्गामस्स मेहुणवडियाए अन्नमन्नस्स पाए तेल्लेण वा घएण वा वसाए वा नवनीएण वा मक्खेज्ज वा भिलिंगेज्ज वा, मक्खेंतं वा मिलिंगेंतं वा सातिज्जति ॥

मू. (४८६) जे भिक्खू माउग्गामस्स मेहुणवडियाए अन्नमन्नस्स पाए लोद्धेण वा कक्केण वा उल्लोलेज्ज वा उव्वट्टेज्ज वा, उल्लोलेंतं वा उव्वट्टेंतं वा सातिज्जति ॥

मू. (४८७) जे भिक्खू माउग्गामस्स मेहुणवडियाए अन्नमन्नस्स पाए सीओदग-वियडेण वा उसिणोदग-वियडेण वा उच्छोलेज्ज वा पधोएज्ज वा, उच्छोलेंतं वा पधोएतं वा सातिज्जति ॥

मू. (४८८) जे भिक्खू माउग्गामस्स मेहुणवडियाए अन्नमन्नस्स पाए फुमेज्ज वा रएज्ज वा, फुमेंतं वा रएतं वा सातिज्जति ॥

मू. (४८९) जे भिक्खू माउग्गामस्स मेहुणवडियाए अन्नमन्नस्स कायं आमज्जेज्ज वा पमज्जेज्ज वा, आमज्जंतं वा पमज्जंतं वा सातिज्जति ॥

मू. (४९०) जे भिक्खू माउग्गामस्स मेहुणवडियाए अन्नमन्नस्स कायं संबाहेज्ज वा पलिमद्देज्ज वा, संबाहेतं वा पलिमद्देतं वा सातिज्जति ॥

मू. (४९१) जे भिक्खू माउग्गामस्स मेहुणवडियाए अन्नमन्नस्स कायं तेल्लेण वा घएण वा वसाए वा नवनीएण वा मक्खेज्ज वा भिलिंगेज्ज वा मक्खेंतं वा भिलिंगेंतं वा सातिज्जति ॥

मू. (४९२) जे भिक्खू माउग्गामस्स मेहुणवडियाए अन्नमन्नस्स कायं लोद्धेण वा कक्केण वा उल्लोलेज्ज वा उव्वट्टेज्ज वा उल्लोलेंतं वा उव्वट्टेंतं वा सातिज्जति ॥

मू. (४९३) जे भिक्खू माउग्गामस्स मेहुणवडियाए अन्नमन्नस्स कायं सीओदग-वियडेण वा उसिणोदग-वियडेण वा उच्छोलेज्ज वा पधोएज्ज वा, उच्छोलेतं वा धोएतं वा सातिज्जति ॥

मू. (४९४) जे भिक्खू माउग्गामस्स मेहुणवडियाए अन्नमन्नस्स कायं फुमेज्ज वा रएज्ज वा, फुमेंतं वा रएंतं वा सातिज्जति ॥

मू. (४९५) जे भिक्खू माउग्गामस्सम मेहुणवडियाए अन्नमन्नस्स कायंसि वणं संबाहेज्ज वा पलिमद्देज्ज वा, संबाहेंतं वा पलिमद्देंतं वा सातिज्जति ॥

मू. (४९६) जे भिक्खू माउगस्स मेहुणवडियाए अन्नमन्नस्स कायंसि वणं संबाहेज्ज वा पलिमद्देज्ज वास संबाहेंतं वा पलिमद्देंतं वा सातिज्जति ॥

मू. (४९७) जे भिक्खू माउग्गामस्स मेहुणवडियाए अन्नमण्णस्स कायंसि वणं तेल्लेण वा, घएण वा वसाए वा नवणीएण वा मक्खेज्ज वा भिलिंगेज्ज वा, मक्खंतं वा भिलिंगंतं वा सातिज्जति ॥

मू. (४९८) जे भिक्खू माउग्गामस्स मेहुणवडियाए अन्नमन्नस्स कायंसि वणं लोख्खेण वा कक्खेण वा उल्लोलेज्ज व उव्वट्टेज्ज वा, उल्लोलेंतं वा उव्वट्टेंतं वा सातिज्जति ॥

मू. (४९९) जे भिक्खू माउग्गामस्स मेहुणवडियाए अन्नमन्नस्स कायंसि वणं सीओदगवियडेण वा उसिणोदग-वियडेण वा उच्छोलेज्ज वा पधोएज्ज वा, उच्छोलेंतं वा पधोएंतं वा सातिज्जति ॥

मू. (५००) जे भिक्खू माउग्गामस्स मेहुणवडियाए अन्नमन्नस्स कायंसि वणं फुमेज्ज वा रएज्ज वा, फुमेंतं वा रएंतं सातिज्जति ॥

मू. (५०१) जे भिक्खू माउग्गामस्स मेहुणवडियाए अन्नमण्णस कायंसि गंडं वा पिलगं वा अरइयं वा असियं वा भगंदलं वा अन्नयरेणं तिक्खेणं सत्थजाएणं अच्छिदेज्ज वा विच्छिदेज्ज वा, अच्छिदेंतं विच्छिदेंतं वा सातिज्जति ॥

मू. (५०२) जे भिक्खू माउग्गामस्स मेहुणवडियाए अन्नमन्नस्स कायंसि गंडं वा पिलगं वा अरइयं वा असियं वा भगंदलं वा अन्नयरेणं तिक्खेणं सत्थजाएणं अच्छिदिता विच्छिदिता पूयं वा सोणियं वा नीहरेज्ज वा विसोहज्ज वा, नीहरेंतं वा विसोहेंतं वा सातिज्जति ॥

मू. (५०३) जे भिक्खू माउग्गामस्स मेहुणवडियाए अन्नमन्नस्स कायंसि गंडं वा पिलगं वा अरइयं वा असियं वा भगंदलं वा अन्नयरेणं तिक्खेणं सत्थजाएणं अच्छिदिता विच्छिदिता नीहरिता विसोहेत्ता सीओदग-वियडेण वा उसिणोदग-वियडेण वा उच्छोलेज्ज वा पधोएज्ज वा, उच्छोलेंतं वा पधोएंतं वा सातिज्जति ॥

मू. (५०४) जे भिक्खू माउग्गामस्स मेहुणवडियाए अन्नमन्नस्स कायंसि गंडं वा पिलगं वा अरइयं वा असियं वा भगंदलं वा अन्नयरेणं तिक्खेणं सत्थजाएणं अच्छिदिता विच्छिदिता नीहरिता विसोहेत्ता उच्छोलेत्ता पधोएत्ता अन्नयरेणं आलेवण-जाएणं अलिपेज्ज वा विलिपेज्ज वा, आलिपंतं वा विलिपंतं वा सातिज्जति ॥

मू. (५०५) जे भिक्खू माउग्गामस्स मेहुणवडियाए अन्नमन्नस्स कायंसि गंडं वा पिलगं वा अरइयं वा असियं वा भगंदलं वा अन्नयरेणं तिक्खेणं सत्थजाएणं अच्छिदिता विच्छिदिता नीहरिता विसोहेत्ता उच्छोलेत्ता पधोएत्ता आलिपित्ता विलिपित्ता तेल्लेण वा घएण वा वसाए वा नवणीएण वा अब्भंगेज्ज वा मक्खेज्ज वा अब्भंगंतं वा मक्खंतं वा सातिज्जति ॥

**मू. (५०६)** जे भिक्खू माउग्गामस्स मेहुणवडियाए अन्नमन्नस्स कायंसि गंडं वा पिलगं वा अरइयं वा असियं वा भगंदलं वा अन्नयरेणं तिकखेणं सत्थजाएणं अच्छिदिता विच्छिदिता नीहरेता विसोहेत्ता उच्छोलेत्ता पधोएत्त अलिंपित्ता विलिंपित्ता अब्भंगेत्ता मक्खेत्ता अन्नयरेण धूवण-जाएण धुवेज्ज वा पधूवेज्ज वा धूवंतं वा पधूवंतं वा सातिज्जति ॥

**मू. (५०७)** जे भिक्खू माउग्गामस्स मेहुणवडियाए अन्नमन्नस्स पालु-किमियं वा कुच्छि-किमियं वा अंगुलीए निवेसिय निवेसिय नीहरइ, नीहरंतं वा सातिज्जति ॥

**मू. (५०८)** जे भिक्खू माउग्गामस्स मेहुणवडियाए अन्नमन्नस्स दीहाओ नहसीहाओ कप्पेज्ज वा संठवेज्ज वा, कप्पंतं वा संठवेतंतं वा सातिज्जति ॥

**मू. (५०९)** जे भिक्खू माउग्गामस्स मेहुणवडियाए अन्नमन्नस्स दीहाइं जंध-रोमाइं कप्पेज्ज वा संठवेज्ज वा, कप्पंतं वा संठवेतंतं वा सातिज्जति ॥

**मू. (५१०)** जे भिक्खू माउग्गामस्स मेहुणवडियाए अन्नमन्नस्स दीहाइं वत्थि-रोमाइं कप्पेज्ज वा संठवेज्ज वा, कप्पंतं वा संठवेतंतं वा सातिज्जति ॥

**मू. (५११)** जे भिक्खू माउग्गामस्स मेहुणवडियाए अन्नमन्नस्स दीहाइं चक्खु-रोमाइं कप्पेज्ज वा संठवेज्ज वा, कप्पंतं वा संठवेतंतं वा सातिज्जति ॥

**मू. (५१२)** जे भिक्खु माउग्गामस्स मेहुणवडियाए अन्नमन्नस्स दीहाइं कक्ख-रोमाइं कप्पेज्ज वा संठवेज्ज वा, कप्पंतं वा संठवेतंतं वा सातिज्जति ॥

**मू. (५१३)** जे भिक्खू माउग्गामस्स मेहुणवडियाए अन्नमन्नस्स दीहाइं मंसु-रोमाइं कप्पेज्ज वा संठवेज्ज वा, कप्पंतं वा संठवेतंतं वा सातिज्जति ॥

**मू. (५१४)** जे भिक्खू माउग्गामस्स मेहुणवडियाए अन्नमन्नस्स दंते आघंसेज्ज वा पघंसेज्ज वा, आघंसंतं वा पघंसंतं वा सातिज्जति ॥

**मू. (५१५)** जे भिक्खू माउग्गामस्स मेहुणवडियाए अन्नमन्नस्स दंते उच्छोलेज्ज वा पधओएज्ज वा, उच्छोलेतंतं वा पधोएतंतं वा सातिज्जति ॥

**मू. (५१६)** जे भिक्खू माउग्गामस्स मेहुणवडियाए अन्नमन्नस्स दंते फुमेज्ज वा रएज्ज वा, फुमेतंतं वा रएतंतं वा सातिज्जति ॥

**मू. (५१७)** जे भिक्खू माउग्गामस्स मेहुणवडियाए अन्नमन्नस्स उट्ठे आमज्जेज्ज वा पमज्जेज्ज वा, आमज्जंतं वा पमज्जंतं वा सातिज्जति ॥

**मू. (५१८)** जे भिक्खू माउग्गामस्स मेहुणवडियाए अन्नमन्नस्स उट्ठे संबाहेज्ज वा पलिमद्देज्ज वा, संबाहेतंतं वा पलिमद्देतंतं वा सातिज्जति ॥

**मू. (५१९)** जे भिक्खू माउग्गामस्स मेहुणवडियाए अन्नमन्नस्स उट्ठे तेल्लेण वा घएण वा वसाए वा नवनीएण वा मक्खेज्ज वा भिलिंगेज्ज वा, मक्खेतंतं वा मिलिंगेतंतं वा सातिज्जति ॥

**मू. (५२०)** जे भिक्खू माउग्गामस्स मेहुणवडियाए अन्नमन्नस्स उट्ठे लोद्धेण वा कक्केण वा उल्लोलेज्ज वा उव्वट्ठेज्ज वा उल्लोलेतंतं वा उव्वट्ठेतंतं वा सातिज्जति ॥

**मू. (५२१)** जे भिक्खू माउग्गामस्स मेहुणवडियाए अन्नमन्नस्स उट्ठे सीओदग-वियडेण वा उसिणोदग-वियडेण वा उच्छोलेज्ज वा पधोएज्ज वा, उच्छोलेतंतं वा पधोएतंतं सातिज्जति ॥

**मू. (५२२)** जे भिक्खू माउग्गामस्स मेहुणवडियाए अन्नमन्नस्स उट्ठे फुमेज्ज वा रएज्ज वा,

फुमेंतं वा रएंतं वा सातिज्जति ॥

मू. (५२३) जे भिक्खू माउग्गामस्स मेहुणवडियाए अन्नमन्नस्स दीहाइं उत्तरोद्वाइं कप्पेज्ज वा संठवेज्ज वा, कप्पेंतं वा संठवेतं वा सातिज्जति ॥

मू. (५२४) जे भिक्खू माउग्गामस्स मेहुणवडियाए अन्नमन्नस्स दीहाइं अच्छिपत्ताइं कप्पेज्ज वा संठवेज्ज वा, कप्पेंतं वा संठवेतं वा सातिज्जति ॥

मू. (५२५) जे भिक्खू माउग्गामस्समेहुणवडियाए अन्नमन्नस्स अच्छीणि आमज्जेज्ज वा पमज्जेज्ज वा, आमज्जंतं वा पमज्जंतं वा सातिज्जति ॥

मू. (५२६) जे भिक्खू माउग्गामस्स मेहुणवडियाए अन्नमन्नस्स अच्छीणि संबाहेज्ज वा पलिमदेज्ज वा, संबाहेतं वा पलिमदेतं वा सातिज्जति ॥

मू. (५२७) जे भिक्खू माउग्गामस्स मेहुणवडियाए अन्नमन्नस्स अच्छीणि तेत्थेण वा घएण वा वसाए वा नवनीएण वा मक्खेज्ज वा भिलिंगेज्ज वा मक्खेंतं वा भिलिंगेंतं वा सातिज्जति ॥

मू. (५२८) जे भिक्खू माउग्गामस्स मेहुणवडियाए अन्नमन्नस्स अच्छीणि लोद्धेण वा कक्केण वा उल्लोलेज्ज वा उव्वट्टेज्ज वा, उल्लोलेंतं वा उव्वट्टेंतं वा सातिज्जति ॥

मू. (५२९) जे भिक्खू माउग्गामस्स मेहुणवडियाए अन्नमन्नस्स अच्छीणि सीओदगवियडेण वा उसिणोदग-वियडेण वा उच्छोलेज्ज वा पधोएज्जवा, उच्छोलेंतं वा पधोएंतं वा सातिज्जति ॥

मू. (५३०) जे भिक्खू माउग्गामस्स मेहुणवडियाए अन्नमन्नस्स अच्छीणि फुमेज्ज वा रएज्ज वा, फुमेंतं वा रएंतं वा सातिज्जति ॥

मू. (५३१) जे भिक्खू माउग्गामस्स मेहुणवडियाए अन्नमन्नस्स दीहाइं भुमग-रोमाइं कप्पेज्ज वा संठवेज्ज वा, कप्पेंतं वा संठवेतं वा सातिज्जति ॥

मू. (५३२) जे भिक्खू माउग्गामस्स मेहुणवडियाए अन्नमन्नस्स दीहाइं पास-रोमाइं कप्पेज्ज वा संठवेज्ज वा, कप्पेंतं वा संठवेतं वा सातिज्जति ॥

मू. (५३३) जे भिक्खू माउग्गामस्स मेहुणवडियाए अन्नमन्नस्स कायाओ सेयं वा जल्लं वा पंकं वा मलं वा नीहरेज्ज वा विसोहेज्ज वा, नीहरेतं वा विसोहेतं वा सातिज्जति ॥

मू. (५३४) जे भिक्खू माउग्गामस्स मेहुणवडियाए अन्नमन्नस्स अच्छि-मलं वा कण्ण-मलं वा दंत-मलं वा नह-मलं वा नीहरेज्ज वा विसोहेज्ज वा नीहरेतं वा विसोहेतं वा सातिज्जति ॥

मू. (५३५) जे भिक्खू माउग्गामस्स मेहुणवडियाए अन्नमन्नस्स गामानुगामं दूइज्जमाणे सीस-दुवारियं करेइ, करेतं वा सातिज्जति ॥

चू- अन्नमन्नस्स पाए पमज्जति, इमो साहू इमस्स, इमो वि इमस्स । दोण्ह वि एस संकप्पोमाउग्गामस्स अभिरमणिज्जा भविस्सामो त्ति काउं ।

[भा.२३०४] पायप्पमज्जणादी, सीसदुवारादि जो गमो छडे ।

अन्नोन्नस्स तु करणे, सो चव गमो उ सत्तमए ॥

[भा.२३०५] बितियपदमणप्पज्जे, अप्पज्जे वा वि दुविध तेइच्छे ।

अभिओग असिव दुब्भिक्खमादिसू जा जहिं जतणा ॥

[भा.२३०६] अन्नोन्न-करण-वज्जा, जे सुत्ता सत्तमम्पि उद्दिट्ठा ।

उभयस्स वि विण्णवणे, इत्थी-पुरिसाण तो सुणसु ॥

चू-अन्नोन्नकरणसुत्ता जे सत्तमुद्देसे वुत्ता ते वज्जेउं सेसगा पाय-पमज्जणादी-जाव-सीसदुवा-  
रादि । अहवा - तणमालियादी - जाव - सीसदुवारसुत्तं ते उभयस्स वि इत्थी - पुरिसाणं विण्णवणाए  
दट्ठव्वा । किमुक्तं भवति - इत्थी पुरिसं विन्नेवेति, पुरिसो इत्थीं विन्नेवेति ॥

[भा. २३०७] एसेव गमो नियमा, नपुंसगेषुपि इत्थि पुरिसाणं ।

पादादि जा दुवारं, सरिसेसु य बालमादीसु ॥

चू-पुरिसो हत्थीणवत्थं नपुंसगं विन्नेवेति । इत्थी वि पुरिसनेवत्थं नपुंसगं विन्नेवेति । एसरिसेसु  
बालमादीसु" ति - इत्थी इत्थिरूवं बालं चुंबति । पुरिसो पुरिसरूवं बालं चुंबति चसद्दातो विसरिसेसु  
अ जति मेहुणवडियाए - बालं चुंबति, आदिसद्दातो अबालं पि, तो चउगुरुं ।

मू. (५३६) जे भिक्खू माउग्गामं मेहुणवडियाए अनंतरहियाए पुढवीए निसीयावेज्ज वा  
तुयट्ठावेज्ज वा, णिसीयावेत्तं वा तुयट्ठावेत्तं वा सातिज्जति ॥

मू. (५३७) जे भिक्खू माउग्गामस्स मेहुणवडियाए ससिण्णिद्धाए पुढवीए निसीयावेज्ज वा  
तुयट्ठावेज्ज वा, निसीयावेत्तं वा तुयट्ठावेत्तं वा सातिज्जति ॥

मू. (५३८) जे भिक्खू माउग्गामस्स मेहुणवडियाए ससरक्खाए पुढवीए निसीयावेज्ज वा  
तुयट्ठावेज्ज वा, निसीयावेत्तं वा तुयट्ठावेत्तं वा सातिज्जति ॥

मू. (५३९) जे भिक्खू माउग्गामस्स मेहुणवडियाए महाकाडाए पुढवीए निसीयावेज्ज वा  
तुयट्ठावेज्ज वा, निसीयावेत्तं वा तुयट्ठावेत्तं वा सातिज्जति ॥

मू. (५४०) जे भिक्खू माउग्गामस्स मेहुणवडियाए चित्तमंताए पुढवीए निसीयावेज्ज वा  
तुयट्ठावेज्ज वा, निसीयावेत्तं वा तुयट्ठावेत्तं वा तुयट्ठावेत्तं वा सातिज्जति ॥

मू. (५४१) जे भिक्खू माउग्गामस्स मेहुणवडियाए चित्तमंताए सीलाए निसीयावेज्ज वा  
तुयट्ठावेज्ज वा, निसीयावेत्तं वा तुयट्ठावेत्तं वा सातिज्जति ॥

मू. (५४२) जे भिक्खू माउग्गामस्स मेहुणवडियाए चित्तमंताए लेलूए निसीयावेज्ज वा  
तुयट्ठावेज्ज वा, निसीयावेत्तं वा तुयट्ठावेत्तं वा सातिज्जति ॥

मू. (५४३) जे भिक्खू माउग्गामस्स मेहुणवडियाए कोलावासंसि वा दारूए जीवपइट्ठिए  
सअंडे सपाणे सबीए सहरिए सओसे सउदए सउत्तिंग-पणग-दगमट्ठिय-मक्कडा-संताणगंसि  
णिसीयावेज्ज वा तुयट्ठावेज्ज वा, निसीयावेत्तं वा तुयट्ठावेत्तं वा सातिज्जति ॥

चू- अनंतरहिता नाम सचिन्ता । अंतं ठिता अंता, न अंता अनंता मध्यस्थिता इत्यर्थः । सा  
सीतवातादिर्हिं सत्थेहिं रहिता अशस्त्रपहता । अशस्त्रपहतत्वाच्च आद्यपदार्थत्वेन सचिन्ताख्या-  
नमित्यर्थः । तम्मि जो मेहुणनिमित्तं निसियावेति तुयट्ठावेति वा तस्स इत्थं । पुहविनिष्फन्नं इत्थं । एवं  
स्वतः अचिन्ता आउक्काएणं पुण ससिण्णिद्धा, सचित्तपुढविरयेण ससरक्खा, महंता कंदा (रूवा)  
सिला, सचिन्ता सचेयणा सिला, लेलू लेट्ठ, कोला धुणा, ताण आवासो धुणितं कायमित्यर्थः ।

अहवा - तं दारुं कोलेहिं विरहियं अन्नतरेसु जीवेसु पइट्ठियं, इमेसु वा पिपीलियादिअंडेसु  
पडिबद्धं, पाणा कुंथुमादी, सालगादी बीया, दुव्वादी हरिया, उस्सा वा तम्मि ठिता, उत्तिंगो  
कीलियावासो, पणगो उल्ली, दगं पामीयं, कोमारा मट्ठिया । अथवा - उल्लिया मट्ठिया, कोलियापुडगो  
मक्कडसंताणओ । अहवा - संताणओ पिपीलियादीण । मेहुणपडियाए चउगुरुं । संघट्ठणादि

कायनिष्कन्तं च ।

[भा.२३०८] पुढवीमादीएसुं, माउग्गामे उ मेहुणट्टाए ।  
जे भिक्खू निसियावे, सो पावति आणमादीणि ॥

[भा.२३०९] बितियपदमणप्पज्जे, अप्पज्जे वा वि दुविध तेइच्छे ।

अमिओग असिव दुब्भिक्खमादिसू जा जहिं जतणा ॥

मू. (५४४) जे भिक्खू माउग्गामस्स मेहुणवडियाए अंकंसि वा पलियंकंसि वा निसीयावेज्ज वा तुयट्टावेज्ज वा, निसीयावेतं वा तुयट्टावेतं वा सातिज्जति ॥

मू. (५४५) जे भिक्खू माउग्गामस्स मेहुणवडियाए अंकंसि वा पलियंकंसि वा निसीयावेत्ता वा तुयट्टावेत्ता वा असनं वा पानं वा खाइमं वा साइमं वा अनुग्घासेज्ज वा अनुपाएज्ज वा अनुग्घासंतं वा अनुपाएंत्तं वा सातिज्जति ॥

चू- एणेण ऊरूएणं अंको, दोहिं पलियंको । एत्थ जो मेहुणट्टाए निसियावेति तुयट्टावेति वा इहा । ते चेव दोसा । दिट्ठे संकादिया गेणहणादिया दोसा । अनु पश्चादभावे, अप्पणा असितुं पच्छा तीए ग्रासं देति, एव करोडगादीसु अप्पणा पाउं पच्छा तं पाएति ।

[भा.२३१०] अंके पलियंके वा, माउग्गामं तु मेहुणट्टाए ।

जे भिक्खू निसियावे, सो पावति आणमादीणि ॥

[भा.२३११] बितियपदमणप्पज्जे, अप्पज्जे वा वि दुविध तेइच्छे ।

अभिओग असिव दुब्भिक्खमादिसू जा जहिं जतणा ॥

मू. (५४६) जे भिक्खू माउग्गामस्स मेहुणवडियाए आगंतागारेसु वा आरामागारेसु वा गाहावइ-कुलेसु वा परियावसहेसु वा निसीयावेज्ज वा तुयट्टावेज्ज वा, निसीयावेतं वा तुयट्टावेतं वा सातिज्जति ॥

मू. (५४७) जे भिक्खू माउग्गामस्स मेहुणवडियाए आगंतागारेसु वा आरामागारेसु वा गाहावइ-कुलेसु वा परियावसहेसु वा निसीयावेत्ता वा तुयट्टावेत्ता वा असनं वा पानं वा खाइमं वा साइमं वा अनुग्घासेज्ज वा अनुपाएज्ज वा अनुग्घासंतं वा अनुपाएंत्तं वा सातिज्जति ॥

चू- दो सुत्ता । अर्थ तृतीयोद्देशके पूर्ववत् । नवरं - मेहुणवडियाए इहा ।

[भा.२३१२] आगंतागारादिसु, माउग्गामं तु मेहुणट्टाए ।

जे भिक्खू निसियावे, सो पावति आणमादीणि ॥

[भा.२३१३] बितियपदमणप्पज्जे, अप्पज्जे वा वि दुविध तेइच्छे ।

अभिओग असिव दुब्भिक्खमादिसू जा जहिं जतणा ॥

मू. (५४८) जे भिक्खू माउग्गामस्स मेहुणवडियाए अन्नतरं तेइच्छं आउट्ठति, आउट्ठंतं वा सातिज्जति ॥

चू- अन्नवरं नाण चतुव्विधाए तिगिच्छाए-वादिय-पेत्तिय-संभिय-सन्निवातियाए आउट्ठति नाम करेति इहा । जा वि सत्यधंसणपीसणविराहणा, जं च सा पउणा असंजमं काहिति । अहवा - से अविरओ पासेज्ज ताहे सो भणेज्ज - केणेस तिगिच्छं कारावितं ? अन्नतरस्स पदोसं गच्छेज्ज ।

[भा.२३१४] अन्नतरं तइच्छं, माउग्गामं तु मेहुणट्टाए ।

जे भिक्खू कुञ्जाहि, सो पावति आणमादीणि ॥

[भा. २३१५] वितियपदमणप्पज्जे, अप्पज्जे वा वि दुविध तेइच्छे ।

अभिओग असिव दुब्बिक्खमादिसू जा जहिं जतणा ॥

मू. (५४९) जे भिक्खू माउग्गामस्स मेहुणवडियाए अमणुन्नाइं पोग्गलाइं नीहरइ (अवहरति), नीहरंतं (अवहरंतं) वा सातिज्जति ॥

मू. (५५०) जे भिक्खू माउग्गामस्स मेहुणवडियाए मणुन्नाइं पोग्गलाइं उवकिरति (उवहरति), उवकिरंतं (उवहरंतं) वा सातिज्जति ॥

चू- अमणुन्नो पोग्गले अवहरति । मणुन्ने उवहरति संपाडेति ।

[भा. २३१६] अमणुण्णाऽवहारं, उवहारं चेव तह मणुण्णाणं ।

जे भिक्खू पोग्गलाणं, देहट्टाणे व आणादी ॥

चू- अवहारो उवहारो वा एक्केको दुविधो - सरीरे ठाणे य । सरीरे दुविहो - अंतो बाहिं च ॥ इमो अंतो-

[भा. २३१७] वमण-विरेगादीहिं, अब्भंतर-पोग्गलाण अवहारो ।

तेल्लुव्वट्टण-जल-पुप्फ-चुण्णमादीहि बज्झाणं ॥

चू- असुइभूया स संदूसिय-सेंभिय-पित्त-रुहिरादियाण वमण-विरेयणादीहिं अवहारो । बाहियो सरीरातो पूय-सोणिय-सिंघाण-लाल-कण्णमलादि तेल्लुव्वट्टणादीहिं वज्जं अवहरति ॥

जत्थ ठाणे अच्छति तत्थिमं करेति ।

[भा. २३१८] कयवर-रेणुच्चारं, मुत्तं चिक्खल्ल-खाणु-कंटाणं ।

सद्दादमणुन्नाणं, करेज्ज तट्टाण अवहारं ॥

चू- बहु झुसिरदव्वसंकरो कयवरो, रेणु धूली, उच्चार-पासवण-चिक्खल्ल-खाणु-कंटादीयं च जहा रुदियादिसद्दाणं असुभगंधाण य अहिमडादीपं तट्टाणातो अवहारं करेति । सुभाण य उवहारं करेति ॥

[भा. २३१९] आवरिसायण उवल्लिपणं च चुण्ण-कुसुमोवयारं च ।

सद्दादि मणुण्णाणं, करेज्ज तट्टाण उवहारं ॥

चू- जत्थ जत्थ अच्छति सा इत्थी तं ठाणं संपमज्जित्ता उदगेणावरिसति, छगणपाणिण्ण वा उवल्लिपति, पडवासादिए वा चुण्णे उक्खिवति, पुप्फोवयारं वा करेति, गीयादि वा सद्दे करेज्ज, अवेनेति उवहरेति वा मेहुणट्टा ङ्गा । दिट्ठे संकादिया दोसा, घरं संजओ सोवेति त्ति उट्टाहो ॥

[भा. २३२०] वितियपदमणप्पज्जे, अप्पज्जे वा वि दुविध तेइच्छे ।

अभिओग असिव दुब्बिक्खमादिसू जा जहिं जतणा ॥

मू. (५५१) जे भिक्खू माउग्गामस्स मेहुणवडियाए अन्नयर पसु-जायं वा पक्खि-जायं वा पार्यंसि वा पक्खंसि वा पुच्छंसि वा सीसंसि वा गहाय उज्जिहति वा पव्विहति वा संचालेति उज्जिहेतं वा पव्विहेतं वा संचालेतं वा सातिज्जति ॥

चू- अभिलाइया पसुजाती । हंसचकोरादिया पक्खिजाती । पक्खादिया अंगावयवा पसिद्धा । तेसु गहाय उज्जिहति उप्पाडेति, पगरिसेण वहइ खिवति पव्विहति । अहवा - प्रतीपं



विहं पविहं मुंचतीत्यर्थः । मेहुणद्वाए संचालेति वा ङ्गा । सा तडफडेङ्गा, तस्स अप्पणो वा आयवि-  
राहणा । कायादीण वा उवरि पडेङ्ग ।

[भा.२३२१] पक्खी-पसुमादीणं, सिंगादीएसु जो उ घेत्लूणं ।

उव्वीहे पव्वीहे, मेहुणद्वा य आणादी ॥

[भा.२३२२] वितियपदमणप्पज्जे, अप्पज्जे वा वि दुविध तेइच्छे ।

अभिओग असिव दुब्बिक्खमादिसू जा जहिं जतणा ॥

मू. (५५२) जे भिक्खू माउग्गामस्स मेहुणद्वाए अन्नयरं पसु-जायं वा पक्खि-जायं वा सोतंसि  
कट्ठं वा कल्लिं वा अंगुलियं वा सलागं वा अनुप्पवेसित्ता संचालेति, संचालेत्तं वा सातिज्जति ।

सू-पसु पुव्ववण्णितो, कल्लिंचो वंसकप्परी, घडिया सागा, अन्नतरं सोतं अहिद्वाणं, जोणीदारं,  
वासो अनुकूलं पवेसो अनुप्पवेसो, थोयं वा पवेसोऽनुप्पवेसो । संचालनं विघट्टनं । मेहुणद्वा ङ्गा ।  
आणादिया य दोसा, परितावणादि ए मूलं, दिट्ठे संकादिया ।

[भा.२३२३] पक्खी-पसुमाईणं, जे भिक्खू सोय कट्ठमादीणि ।

अनुपविसेउं चाले, मेहुणद्वाए आणादो ॥

[भा.२३२४] नव सोओ खलु पुरिसो, सोया इक्कारसे व इत्थीणं ।

मनुयगईसु एवं, तिरि-इत्थीणं तु भतियव्वा ॥

सू- दो कण्णा, दो अच्छी, दो नासा, मुहं, अंगादानं, अधिद्वाणं, च एते नव पुरिसस्स,  
इत्थीए ते चेव अन्ने दो थणा एते एक्कारस - एवं मनुयगतीए । तिरिएसु इमं भाणियव्वं ॥

[भा.२३२५] एक्कार-तेर-सत्तर, दुत्थणि चउ अट्ठ अव भयणा तु ।

निव्वाघाते एते, वाघाएणं तु भइयव्वा ॥

सू- अयमादिदुत्थणि ११ गवादी १३ सूयरमादी १७ निव्वाघाए एवं । वाघाए एगच्छिणी  
अया दस सोत्ता, तिपयोधरा गौ ॥

[भा.२३२६] वितियपदमणप्पज्जे, अप्पज्जे वा वि दुविध तेइच्छे ।

अभिओग असिव दुब्बिक्खमादिसू जा जहिं जतणा ॥

सू- अणपज्जो (अप्पज्जो) दुविधतेगिच्छाए वा सुक्कपोग्लणिग्घायणडं, रायाभिओगेण  
वा, असिवे संजयपंता असंजउ त्ति काउं न मारेति, दुब्बिक्खे वा समुद्देसड्ढा कोति गाविमादी व  
नेङ्गा ॥

मू. (५५३) जे भिक्खू माउग्गामस्स मेहुणवडियाए अन्नयरं पसु-जायं वा पक्खि-जायं वा  
अयमित्थि त्ति कट्ठ आलिंगेज्ज वा परिस्सएज्ज वा परिचुंबेज्ज वा विच्छेदेज्ज वा आलिंगंतं वा परिस्सयंतं  
वा परिचुंबंतं वा विच्छेदंतं वा सातिज्जति ॥

सू- आलिंगनं स्पर्शनं, उपगूहनं परिष्वजनं, मुखेन चुंबनं, दंतादिभिः सकृत् छेदनं, अनेकशो  
विच्छेदः विविध प्रकारो वा छेदः वोच्छेदः, जं सा नहमादीहिं परिताविज्जति । दिट्ठे संकादिया  
दोसा ।

[भा.२३२७] पक्खीपसुमादीणं, एसा इत्थि त्ति जो करिय भिक्खू ।

दंत-नहादीएसुं, मेहुणद्वा य आणादी ॥

सू- मेहणद्वाङ्गा ।

[भा.२३२८] वितियपदमणप्पज्जे, अप्पज्जे वा वि दुविध तेइच्छे ।

अभिओग असिव दुब्भिक्खमादीसू वा जहिं जतणा ॥

सू. (५५४) जे भिक्खू माउग्गामस्स मेहुणवडियाए असनं वा पानं वा खाइमं वा साइमं वा देइ, देंतं वा सातिज्जति ॥

सू. (५५५) जे भिक्खू माउग्गामस्स मेहुणवडियाए असनं वा पानं वा खाइमं वा साइमं वा पडिच्छइ, पडिच्छंतं वा सातिज्जति ॥

सू- मेहुणद्वाए देति पडिच्छति यङ्क ।

[भा.२३२९] जे भिक्खू असनादी, माउग्गामस्स मेहुणद्वाए ।

देज्जा व पडिच्छेज्जा, सो पावति आणमादीणि ॥

[भा.२३३०] वितियपदमणप्पज्जे, अप्पज्जे वा वि दुविध तेइच्छे ।

अभिओग असिव दुब्भिक्खमादिसू जा जहिं जतणा ॥

सू. (५५६) जे भिक्खू माउग्गामस्स मेहुणवडियाए वत्थं वा पडिग्गहं वा कंबलं वा पायपुंछणं वा देइ, देंतं वा सातिज्जति ॥

सू. (५५७) जे भिक्खू माउग्गामस्स मेहुणद्वाए वत्थं वा पडिग्गहं वा कंबलं वा पायपुंछणं वा पडिच्छइ, पडिच्छंतं वा सातिज्जति ॥

सू- मेहुणद्वाए देति पडिच्छति यङ्क ।

[भा.२३३१] जे भिक्खू वत्थादी, माउग्गामस्स मेहुणद्वाए ।

देज्जा य पडिच्छेज्जा, सो पावति आणमादीणि ॥

[भा.२३३२] वितिपदमणप्पज्जे, अप्पज्जे वा वि दुविध तेइच्छे ।

अभिओग असिव दुब्भिक्खमादिसू जा जहिं जतणा ॥

सू. (५५८) जे भिक्खू माउग्गामं मेहुणवडियाए सज्जायं वाएइ, वाएंतं वा सातिज्जति ॥

सू. (५५९) जे भिक्खू माउग्गामं मेहुणवडियाए सज्जायं पडिच्छइ, पडिच्छंतं वा सातिज्जति ॥

सू- इह सज्जायग्गहणातो सुत्तमत्थो वा, तं उवदिसति, सव्वेपदा मेहुणद्वाए ङ्गा ।

[भा.२३३३] पंचविधं सज्जायं, माउग्गामस्स मेहुणद्वाए ।

जे भिक्खू कुज्जाही, सो पावती आणमादीणि ॥

[भा.२३३४] वितियपदमणप्पज्जे, अप्पज्जे वा वि दुविध तेइच्छे ।

अभिओग असिव दुब्भिक्खमादिसू वा जहिं जतणा ॥

सू- दुविधे तेगिच्छाए चरियाणि वा उदिसति ॥

सू. (५६०) जे भिक्खू माउग्गामस्स मेहुणवडियाए अन्नयरेणं इंदिएणं आकारं करेइ करेंतं वा सातिज्जति ॥ तं सेवमाणे आवज्जति चाउम्मासियं परिहारद्वाणं अनुग्घाइयं ॥

सू- सोआदि अन्नतरं इंदियं जो मेहुणद्वाए करेति सो आवज्जति पावति चाउम्मासातो निष्फणं चाउम्मासियं, समयसण्णाए अनुग्घाइयं गुरुगं । अहवा - छेदो पर्यवकरणं उवघातो, यथा

उन्धातियसङ्घं । नास्योद्घातः अनुद्घातः । गुरुत्वात् दुस्तरत्वाच्च अनुद्घातमित्यर्थः ।

[भा.२३३५] आगारमिदिएमं, अन्नतराएण मातुगामस्स ।

जे भिक्खू कुञ्जाही, सो पावति आणमादीणि ॥

चू- अन्नतरेण इंदिएण इंदियाणि वा आगारे करेति सो आणादिदोसे पावति ॥

इत्थिअनुरत्तस्स पुरिसस्स इमे आगारा-

[भा.२३३६] काणच्छि रोमहरिसो, वेवहू सेओ वि दिट्ठमुहराओ ।

नीसासजुता य कधा, वियंभियं पुरिसआयारा ॥

चू- काणच्छि करेति । जस्स अनुरत्तो दट्ठं रोमंचो भवति, हरिसो वा भवति । अहवा - रोमाण हरिसो रोमहरिसो रोमंचेत्यर्थः, शरीरस्य ईषत् कंपो भवति । प्रस्वेदो भवति । दिट्ठीए मुहस्स रागो जायति । सनिश्वासं भाषते । पुनः पुनस्तत् कथां वा करोति, "पुनः पुनः विजुंभिका भवति । एते पुरिसागारा ॥ जा पुरिसांनुरत्ता इत्थी तस्सिमे आगारा-

[भा.२३३७] सकडक्खपेहणं वाल-सुवणं कण्ण-नासकंडुयणं ।

छण्णंगदंसणं घट्टणामि उवगूहणं बाले ॥

चू- छण्णंगदंसणं ।

[भा.२३३८] नीयल्लयदुच्चरिताणुकित्तणं तस्सुहीण य पसंसा ।

पायंगुट्टेण मही-बिलेहणं निट्ठभणपुव्वं ॥

चू- जस्स अनुरत्ता तस्सग्गतो अप्पणो नियल्लगाण दुच्चरियं कित्तेति ।

[भा.२३३९] भूसण-विघट्टणाणि य, कुवियाणि सगव्वियाणि य गयाणि ।

इति इत्थी-आगारा, पुरिसायारा य जे भणिता ॥

चू- एते आगारे करंते संघाडादिमा दिट्ठो भत्तसंक्रादि, गेणहणादि दोसा य ।

[भा.२३४०] बितियपदमणप्पज्जे अप्पज्जे वा वि दुविध तेइच्छे ।

अभिओग असिव दुब्भिक्खमादिसू जा जहिं जतणा ॥

उद्देशकः-७ समाप्तः

मुन दीपरलसागरेण संशोधिता सम्पादिता निशीथसूत्रे सप्तम उद्देशकस्य

[भद्रबाहु स्वामी रचिता निर्युक्ति युक्तं] संघदासगणि विरचितं भाष्यं

एवं जिनदास महत्तर विरचिता चूर्णः परिसमाप्ता ।

उद्देशकः-८

चू- उक्तः सप्तमः । इदानीं अष्टमः । तस्स इमो संबंधो-

[भा.२३४१] कहिता खलु आगारा, ते उ कहिं कतिविधा उ विन्नेया ।

आगंतागादिसु, सविगारविहारमादीया ॥

चू- सत्तमस्स अंतसुत्ते थीपुरिसागारा कहिता । ते कहिं हवेज्ज ? आगंतागारादिसु । ते आगंतागारादी समए कतिविहा गामे आगारा विन्नेया ? इह अपुव्वरूवियाणि ।

मू. (५६१) जे भिक्खू आगंतारेसु वा आरामागारेसु वा गाहावइ-कुलेसु वा परियावसहेसु

वा एगो इत्थीए सद्धिं विहारं वा करेइ, सज्जायं वा करेइ, असनं वा पानं वा खाइमं वा खाइमं वा आहारेइ, उच्चारं वा पासवणं वा परिट्टवेइ, अन्नयरं वा अनारियं निट्टुरं अस्समणपाओग्गं कहं कहेति, कहंतं वा सातिज्जति ॥

चू- एगो साहू एगाए इत्थियाए सद्धिं समाणं, गामाओ गामंतरो विहारा । अहवा-गतागतं चंकमणं सज्जायं करेति, असणादियं वा आहारेति, उच्चार-पासवणं परिट्टवेति । एगो एगित्थीए सद्धिं वियारभूमिं गच्छति । अनारिया कामकहा निरंतरं वा अप्रियं कहं कहेति कामनिट्टुरक-हाओ । एता चेव असमणपायोग्गा । अथवा - देसभत्तकहादी जा संजमोवकारिका न भवात सा सव्वा असमणपाउग्गा ॥

[भा. २३४२] आगंतारागारे, आरामागारे गिहकुला वसहे ।

पुरिसिन्धि एगनेगे, चउक्कभयणा दुपक्खे वि ॥

चू- एगे एगित्थीए सद्धिं, एगे अनेगित्थीए सद्धिं, अनेगा एगित्थीए सद्धिं, अनेगा अनेगित्थीए सद्धिं ॥

[भा. २३४३] जा कामकहा सा होतऽनारिया लोकिकी व उत्तरिया

निट्टुर भल्लीकहणं, भागवतपदोसखामणया ॥

चू- तत्थ लोइया-नरवाहणदंतकथा । लोगुत्तरिया-तरंगवती, मलयवती, मगधसेनादी । निट्टुरं नाम “भल्लीधरकहुणं” - एगो साधू भरुकच्छा दक्खिणापहं सत्थेण यातो य भागवएण पुच्छितो किमेयं भल्लीघरं ति ? तेन साहुणा दारवतिदाहातो आरब्भं जहा वासुदेवो य पयाओ, जहा य कूरचारगभंजणं कोसंवारणपवेसो, जहाजरकुमारागमो, जहय जरकुमारेणं भल्लिणा हओ य । एवं भल्लीघरुप्पत्ती सव्वा कहिया । ताहे सो भागवतो पदुट्टो चिंतेति-जइ एयं न भविस्सति तो एस सभणो घातेयव्वो । सो गओ दिट्टो यऽनेन पादे भल्लीए विट्ठो । ताहें आगंतूण तं साहुं खामेति भणति य एए एवं चिंतियमासी तं खमेज्जासि । एवमादी निट्टुरा । एवमादि पुरिसाण वि ता न जुज्जेति कहिउं, किमु वा एगित्थियाणं ॥

[भा. २३४४] अवि मायरं पि सद्धिं, कथा तु एगागियस्स पडिसिन्द्धा ।

किं पुन अनारयादी, तरुणित्थीहिं सह गयस्स ॥

चू- माइभगिणिमादीहिं अगमम्मित्थीहिं सद्धिं एगानिगस्स धम्मकहा वि काउं न वट्ठति ।

किं पुन अण्णाहिं तरुणित्थीहिं सद्धिं ।

[भा. २३४५] अन्ना वि अप्पसत्था, धीसु कथा किमु अनारिय असब्भा ।

चंकमण-ज्जाय-भोयण, उच्चारेसुं तु सविसेसा ॥

चू- अन्ना इति धम्मकथा, अविस्सद्दाओ सवेरग्गा, सा वित्थीसु एगागिणियासु विरुद्धा, किं पुन अनारिया, अनारियाण जोग्गा अनारिया, सा य कामकहा, असभा जोग्गा असब्भा । अहवा-असब्धा जत्थ उल्लविज्जति । चंकमणे सति विब्भम-इंगितागारं दट्ठुं मोहुब्भवो भवति, सज्जाए मनहरसद्देण, भोयणदाणग्गहणातो विसंभे, उच्चारे ऊरुगादि-छण्णंगदरिसणं ॥

[भा. २३४६] भयणपदाण चउण्हं, अन्नतरजुते उ संजते संते ।

जे भिक्खू विहरेज्जा, अहवा वि करेज्ज सज्जायं ॥

धू- भयणपदा-चउब्भंगो पुव्वुत्तो ।

[भा.२३४७] असनादी वाऽऽहारे, उच्चारदि य आचरेज्जाहि ।

निट्टमसाधुज्जुतं, अन्नतरकधं च जो कहए ॥

[भा.२३४८] सोआणा अणवत्थं, मिच्छत्त-विराधनं तथा दुविधं ।

पावति जम्हा तेणं, एए तु पदे विवजेज्जा ॥

धू- दिट्ठे संका, भोइगादि, जम्हा एते दोसा तम्हा न कप्पति विहाराद काउं ॥

कारणे पुण करेज्जा-

[भा.२३४९] बितियपदमणप्पज्जे, गेलण्णुसग्ग-रोहगऽद्धाणे ।

संभम-भय-वासासु य, खंतियमादी य निक्खमणे ॥

धू- अणप्पज्जो सो सव्वाणि विहारादीणि करेज्ज ॥ इदानिं 'गेलण्णे'-

[भा.२३५०] उद्देसम्भि चउत्थे, गेलण्णे जो विधी समक्खाओ ।

सो चेव य बितियपदे, गेलण्णे अट्टमुद्देसे ॥

धू- इदानिं "उवसग्गे"त्ति तत्थिमं उयाहरणं-

[भा.२३५१] कुलवंसम्भि पहीणे, सस-भिसएहिं तु होइ आहरणं ।

सुकुमालिय-पव्वज्जा, सपच्चवाया य फासेणं ॥

धू- इहेव अङ्गभरहे वाणारसीणगरीए वासुदेवस्स जेइभाओ जरकुमारस्स पुत्तो जियसत्तू राया । तस्स दुवे पुत्ता ससओ भसओ य, धूया य सुकुमालिया । असिवेण सव्वम्भि कुलवंसे पहीणे तिन्नि वि कुमारगा पव्वतिता । सा य सुकुमालिया जोव्वणं पत्ता । अतीवसुकुमाला रूववती य । जतो भिक्खादिवियारे वच्चइ ततो तरुणजुआणा पिट्ठओ वच्चंति । एवं सा रूवदोसेण सपच्चवाया जाया ।; एतीए गाहाए इमाओ वक्खाणगाहाओ-

[भा.२३५२] जियसत्तु-नरवरिंदस्स, अंगया सस-भिसो य सुकुमाला ।

धम्मं जिनपन्नत्ते, कुमारग चेव पव्वइया ॥

[भा.२३५३] तरुणाइण्णे निच्चं, उवस्सए सेसिगाण रक्खट्ठा ।

गणिणि गुरुणो उ कहणं, वीसुवस्सए हिंडए एगो ॥

धू- तं निमित्तं तरुणेहिं आइण्णे उवस्सगे सेसिगाण रक्खणट्ठा गणिणी गुरुण कहेति । ताहे गुरुणा ते सस-भिसगा भणिया-संरक्खह एयं भगिणिं । ते घेत्तुं वसुं उवस्सए ठिया । ते य बलवं सहस्सजोहिणो । ताणेगो भिक्खं हिंडति एगो तं पयत्तेण रक्खति । जे तरुणा अहिवडंति ते हयविहए काउं घाडेति । एवं तेहिं बहुलोगो विराधितो ॥ तत्थ उ तरुमिणिणगरीए पंचसताहिं साहूहिं ठिता सपक्खोमाणं च-

[भा.२३५४] हंतविहतविप्परद्धे, बण्हिकुमारेहि तुरमिणीनगरे ।

किं काहिति हिंडंतो, पच्छा ससओ व भिसओ वा ॥

[भा.२३५५] चक्की वीसतिभागं, सव्वे वि य केसवाओ दसभागं ।

मंडलिया छब्भागं, आयरिया अद्धमद्धेणं ॥

चू- एवं ते किलिस्समाणे णाउं -

[भा. २३५६] भायनुकंपपरिण्णा, समोहणं एगो भंडगं बितिओ ।  
आसत्थवणियगहणं, भाउ य सारिच्छ दिक्खा य ॥

चू- भायणुकंपाए सुकुमालिया अनसनं पव्वज्जति । बहुदिनखीणा सा मोहं गता । तेहिं नायं कालगय त्ति । ताहे तं एगो गेण्हति, बितिओ उपकरणं गेण्हति । ततो सा पुरिसफासेण रातो य सीयलवातेण निज्जंती अप्पातिता सचेयणा जाया । तहावि तुण्हिक्का ठिता, तेहि परिड्विविया, ते गया गुरुसगासं । सा वि आसत्था । इओ य अदूरेण सत्थो वच्चति । दिट्ठा य सत्थवाहेणं गहिया, संभोतिया रूववती महिला कया, कालेण भातियागमो, दिट्ठा, अब्भुट्ठियाय दिन्ना भिक्खा । तहावि साधवो निरक्खंता अच्छं । तीए भणियं - किं निरक्खह ?

ते भणांति - अम्ह भगिणीए सारिक्खा हि, किंतु सा मता, अम्हेहिं चेव परिड्विविया, अन्नहा न पत्तियंता । तीए भणियं - पत्तियह, अहं चिय सा, सव्वं कहेति । वयपरिणया य तेहिं दिक्खिया । एवमादिया उवसग्गेण चउब्भंगन्तरेण वसेज्जा ॥ इदानिं “रोधग” त्ति दारं-

[भा. २३५७] सेणादी गम्मिहिती, खेतुपादं इमं वियाणित्ता ।

असिवे ओमोयरिए, भयचक्काऽनिग्गे गुरुगा ॥

चू- मासकप्पाउग्गं खेतं भेतुं सेणं गम्मिहिति, सेणाए वा अभिपडंतिए ताहे तो खेत्ताओ गम्मति, आदिसद्दाओ संवड्ढंमि । वासकप्पखेत्ते इमे उवद्दवा होंति - असिवुवघातो ओम-बोहियभओप्पाओ य परचक्कागम्मुयाओ, एते नाउं जति न निग्गच्छति तो चउगुरुगं पच्छित्तं ॥

[भा. २३५८] आणादिया य दोसा, विराधना होति संजमाताए ।

असिवादिम्मि परुविते, अहिगारो होति सेनाए ॥

चू- अनितस्स आणादी दोसा आयसंजमविराहणा य । जया असिवादी सव्वे प्रतिपदं परुवित्ता भवंति तदा इह सेनापदेनाहिकारो कायव्वो । तं पुण असिवादी इमे जाणंति अनागयमेव ॥

[भा. २३५९] अविसेस-देवत-निमित्तमादी अबितह पवित्ति सोऊणं ।

निग्गमण होति पुव्वं, अन्नाते रूद्धे वोच्छिण्णे ॥

चू- ओहिमादिअतिएण नायं, देवयाए वा कहियं, अविसेसवादिनिमित्तेण वा नायं, पवित्तवत्ता तं वा अवितहं नाउं, ततो अनागतं निग्गंतव्वं, अणाते सहसा रोहिते, वोच्छिन्नेसु वा पहेसु न निग्गच्छति, न दोसा ॥ तम्हा अनागयं-

[भा. २३६०] सोच्चा व सोवसग्गं, खेतं मोत्तव्वमनागतं चेव ।

जइ न मुयति सगाले, लग्गइ गुरुए सवित्थारे ॥

चू- नाउं जति अनागयं न मुंचति तो चउगुरु सवित्थारं भवति ॥ इमो वित्थारो “परिताव महादुक्खो” - कारग गाहा । इमेहिं पुण कारणेहिं अनितो वि सुद्धो-

[भा. २३६१] गेलण्ण-रोह-असिवे, रायदुट्ठे भए व ओमम्मि ।

उवधी सरीरतेणग, नाते वि न होइ निग्गमणं ॥

चू- गिलाण पडिबद्धो, रोहिते निग्गमो नत्थि, बाहिं असिवं । अहवा - रायदुट्ठं ओमं वा बाहिं, उवाहेसरीरतेणगा बाहिं ॥

[भा. २३६२] एएहि य अन्नेहि य, न निग्गया कारणेहि बहुएहिं ।

अच्छंते होति जतणा, संवट्टे नगररोहे य ॥

चू- एतेहिं य अन्नेहिं य कारणेहिं य अच्छंताण देससंवट्टेण नगररोधे य इमा जयणा ॥ बोहिगादिभएण परचक्रभएण च बहू गामा संवट्टिया एक्कतोठिता संवट्टो भण्णति, तेच्चिय रायधिद्धिता सेना । तेसिमाजयणा-

[भा.२३६३] संवट्टम्मि तु जतणा, भिक्खे भत्तट्ट-वसहि-थंडिल्ले ।

तम्मि भए पत्तम्मी, अवाउडा एगतो ठंति ॥

चू- तत्थ “भिक्खे” ति दारं-

[भा.२३६४] वइयासु व पल्लीसु व, भिक्खं काउं वसंति संवट्टे ।

सव्वम्मि रज्जखोभे, तत्थेव य जाइ थंडिल्ले ॥

चू- संवट्टेण वा वासे सच्चित्ते सच्चित्तो पुढविक्काओ ति काउं न हिडंति, पुव्वट्टितासु वतितासु पल्लीसु वा भिक्खं हिडंता ततो चेव थंडिल्ले भोत्तुं राओ संवट्टे वसंति । अध वइयादि नत्थि, सव्वम्मि रज्जखोभो, तो तत्थेव संवट्टे जाणि थंडिल्लअचिताइं तेसु भिक्खं गेण्हंति ॥ अह नत्थि थंडिल्लअचिता ताहे इमा जयणा-

[भा.२३६५] पूअलिय सत्तु ओदण, गहणं पडलोवरिं पगासमुहे ।

सुक्खादीण अलंभे, अजवंते वा विलक्खणता ॥

चू- उल्लम्मि पडंते मा पुढविकायविराहणा भविस्सति तेन मंडगादि सुक्खपूअलियाए “असंसत्त” सुत्तगाहा । सुक्खोयणं वा कुम्मासा, पगासमुहे भायणे गेण्ठि, पडलोवरिद्धितै चेव । अह सुक्खं न लब्भति, न वा सरीरस्स जावगं, उल्ले घेप्पमाणो लेवाडिते पडले लेवाडगं लक्खेति । इदानिं “भत्तट्टे” ति-

[भा.२३६६] पच्छन्नासति वहिता, अह सभयं तेन चिलिमिणी अंतो ।

असती य व सभयम्मि व, धरेंति अल्लेत्तरे भुंजे ॥

चू- संवट्टस्स बाहिरे पच्छण्णे भत्तट्टं करेतु, असति पच्छण्णस्स सभए संवट्टस्स अंतो चेव चिलिमिलिं दाउं भुंजति । असति चिलिमिलीए सभए वा चिलिमिली न पागडिज्जंति ताहे अल्लभायणाणि धरेंति, अल्लदा कमढगादिसु भुंजंति ॥

[भा.२३६७] काले अपहुप्पंते, भए व सत्थे व गंतुकामम्मि ।

कप्पुवरि भायणाइं, काउं एक्को उ परिवेसे ॥

चू- अह वारगेण काले न पहुप्पति, भए वा तुरियं भोयव्वं, संवट्टादिसव्वो चलितो गंतुकामो ताहे भायणा कप्पुवरिं ठवेउं सव्वे कमढगादिसु भुंजंति, एक्को परिवेसति ॥

[भा.२३६८] पत्तेयचड्डगासति, सज्झिलगा एगतो गुरु वीसुं ।

ओमेण कप्पकरणं, अन्नो गुरु नेक्कओ वा वि ॥

चू- सव्वेसिं चड्डगा न पहुप्पंति ताहे सज्झिलगा - जे वा पीतिवसेण एक्कतो मिलंति एक्कतो भुजंति, गुरु वीसुं भुंजति, जाहे भुत्ता ताहे ओमेण आयामणं चड्डगाणं कायव्वं, गुरुसंतियं कमढगं न तेसि मेलिज्जति, अन्नो कप्पेति । अहवा - अपहुव्वमाणेसु एक्कतो कप्पिज्जंति ॥

इदानिं भायण-कप्पविही-

[भा. २३६९] माणस्स कप्पकरणं, दहेल्लग-मुत्त-कडुयुरुक्खेसु ।

तस्सऽसति कमढ कप्पर, काउजमीवे पदेसे वा ॥

चू- उदित्तागादि दह्मभूमीए गोमुत्तियपदेसेसु वा खारकडुयुरुक्खहेट्ठा वा, एवमादि थंडिलाण असति कमढगे घडादिकप्परे वा भायणस्स कप्पं काउं अन्नत्थ नेउं थंडिले, गते वा संवट्ठे पच्छा परिमिलियाजीवपदेसेसु परिठवेति । स एवातुरे थंडिलस्स वा अभावे धम्माधम्मा-कासाजीवपदेसबुद्धिकाउं परिट्ठवेति । इदानिं “वसहि” ति दारं-

[भा. २३७०] गोणादी वाघाते, अलब्भमाणे व बाहि वसमाणा ।

वातदिसि सावतभए, सयं पडालिं पकुब्बंति ॥

चू- संवट्ठस्संतो निराबाधे मिलियपदेसे वसंति, अंतो वा - गोणमहिसादिएहिं तपप्फडंतेहिं वाघातो, अलंभे वा जतो धाडीभयं ततो वज्जेउं वसंति । अह सावयभयं ताहे वायानुकूलं वज्जेति, अंतो बाहिं वा वसमाणा सीत-वातातव-जल-सावतरक्खणट्ठा पुब्बकताए पडालीए ठायंति । असति फासुएहिं सयं करेति । आगाढे वि धारणं काउं वसंति । वतिए वि एवं ॥ इदानिं उच्चारविधी भण्णति । “थंडिले” ति दारं-

[भा. २३७१] पढमासति सेसाण व, मत्तए वोसिच्च रयणिए ।

थंडिल्ल निवेसे वा, गतेसु, सभए पदेसेसुं ।

चू- पढमं अनावातमसंलोअं, तस्सासति सेसाण आपायसंलोयादिया, असति दिवसतो अच्छिउं रातो मत्तए वोसिच्च भभाए थंडिले परिट्ठवेति, तत्थ सन्निवेसे वा गते वोसिरति परिट्ठवेति वा । अह पिट्ठतो भयं अनधियासो वा ताहे धम्मादिपदेसेसु वोसिरति । दारं । इदानिं “तम्मि भए” पच्छद्धं । जो न परचक्कादिभएण संवट्ठे पइट्ठा तम्मि पत्ते परचक्के घाडियागमे वा सब्बोवकरणं गुविलपदेसे ठवेउं “अवाउडा एकतो” ति अन्नतो एकपदेसे ठायंति ॥ कम्हा एवं करेति ? भण्णति-

[भा. २३७२] जिनलिंगमप्पडिहतं, अवाउडा वा वि दडु वज्जेति ।

थंभणि मोहणिकरणं, कतजोगो वा भवे करणं ॥

चू- अचेलिया जिनलिंगं उस्सग्गे ठिया य, एवं ठिते न कोति उवह्वेति, एस उववातो अपडिलेहितो जिनमुद्रेत्यर्थः । अहवा - ते तेणआ अवाउडे दडुं सयमेव वज्जेति, विज्ज-मंतपभावेण थंभण-मोहणं करेति, सहस्सजोही वा तीसत्थे वा कयजोगो तस्स तारिसे आकपं उभयगच्छसंरक्खणट्ठा करणं भवे ।

“संवट्ठे” ति गतं । इदानिं “नगररोहे” ति दारं-

[भा. २३७३] संवट्ठनिग्गयाणं, नियट्ठणा अद्धरोधजयणा य ।

भत्तट्ठण थंडिल्ले, सरीरभिक्खे विगिंचणता ॥

चू- जे मासकप्पखेत्ताण निग्गंतुं संवट्ठे ठिया ते संवट्ठनिग्गया । ते इदानिं उखंदवोरएणं संवट्ठातो नियत्तिउ नगरं पविट्ठा ॥

जे अनगारा तो न निग्गता तेसिं इमा अट्ठमासे रोहगजयणा भण्णति-

[भा. २३७५] हानि जा एगट्ठा, दो दारा कडग चिलिमिणी वसभा ।

तं चेव एगदारे, मत्तगसुधोवणं च जतणाए ॥



[भा. २३७५] रोहे उ अट्टमासे, वासासु सभूमि ए निवा जंति ।

रुद्धे उ त्रेन नगरे, हावन्ति न मासकप्पं तु ॥

चू- अट्ट उदुबद्धिते मासे रोहेउं निवा वासासुं अप्पणो रज्जातिं गच्छंति, उदुबद्धे रोहिते तथावि साधू वासकप्पो न हावियच्चो, अट्टवसहीओ अट्टभिक्षायरियातो, अट्टवसहीओ अमंचंतेण भिक्षायरियाओ ॥ पुणो वि सत्तवसहीओ अमंचंतेण अट्टादी भिक्षायरिया । एवं-जाव-एगा वसही एगा भिक्षायरिया । एतदुक्तं भवति “हानी जा एगट्टा” इमा य गाहा एत्थ-अत्थे जोएयच्चा ॥

[भा. २३७६] भिक्खस्स व वसधीय व, असती सत्तेव चतुरो जा एक्का ।

लंभालंभेएक्केक्कगस्सऽनेगा उ संजोगा ॥

चू- कंठा । दारं ॥ “अद्धरोधगजयण” ति गयं । इदानिं “हानी जा एगट्टा” ति अस्य द्वितीयं व्याख्यानं - सपक्ख - परपक्खवसहिजयणा य भण्णति । तत्थिमे विकप्पा - पत्तेया समणाणं । पत्तेया समणीणं । महाजनसम्मदेण वा दुब्बभवसहीए समण-समणीण एगट्टा । अहवा - सव्व-पासंडित्थीण एगट्टा । सव्वपासंडपुरिसाण य एगट्टा । अहवा - सव्वपासंड पुरिसइत्थीण एगट्टा । अहवा - सव्वपासंड पुरिसित्थीण एगट्टा ॥ पत्तेयसमणविकप्पे “पासंडित्थी” तत्थिमा जयणा-

[भा. २३७७] एगत्थ वसंताणं, पहं दुवारासती सयं करणं ।

मज्झेण कडगचिलिमिलि तेसुभओ थेर-खुड्डीओ ॥

चू- संजय-संजतीणं पत्तेयवसहिअभावे जदा एगवसहीए वसंति तथा चउसाले पिहं दुवारे वसंति पिहदुवारासति सयमेव कूडं छेतुं दुवारं करंति । गिहमज्झे कुड्ढासति कडगं चिलिमिलिं वा ठावेंति कडगासणं थेरा ठायंति । संजतीणं खुड्ढियाओ थेराण परतो खुड्ढा । खुड्ढीण परतो थेरी । खुड्ढण परओ मज्झिमा संजतिवग्गे थेरीण परतो मज्झिमाओ । मज्झिमाण परतो तरुणा । संजतिवग्गे वि मज्झिमाण परतो तरुणीओ एसा विही दढकुड्ढिगिहे । एवं सव्वं वसभा जयणं करंति ॥

पुव्वद्धस्स वक्खाणं गतं । “तं चेव एगदारे” ति अस्य व्याख्या-

[भा. २३७८] दारदुगस्स तु असती, मज्झे दारस्स कडगपोत्ती वा ।

निक्खम-पवेसवेला, ससद्दपिंडेण सज्जाओ ॥

चू- बितियदुवारस्सासति करणं वा न लब्भति तदा एगदुवारं कडगचिलिमिलीहिं दुधा वि कज्जति, अद्धेण संजया अद्धेण संजतीतो निग्गच्छंति । अह संकुडं न लब्भति वा विसज्जिउं ताहे परोप्परं निग्गमणवेलं वज्जेति वंदेण, ससद्दं निप्फिडंति, पिंडेण सज्जायं करंति, संगारकहं न करंति पढंति वा ॥ “तेसु भतो थेरखुड्ढीओ” ति अस्य व्याख्या-

[भा. २३७९] अंतम्मि व मज्झंमि व, तरुणी तरुणा तु सव्वबाहिरओ ।

मज्झे मज्झिम-थेरी, खुड्ढुग-थेरा य खुड्ढी य ॥

चू- दढकुड्ढे अंते सपच्चवायमागासे सज्झे तरुणीओ । शेषं गतार्थम् ।

इदानिं “मत्तगे” ति दारं-

[भा. २३८०] पत्तेय समण दिक्खिय, पुरिसा इत्थी य सव्वे एगट्टा ।

पच्छण्ण कडगचिलिमिलि, मज्झे वसभा य मत्तेणं ॥

चू- पतेगा जत्थ त्थीवज्जा सव्वपासंडा एगवसहीए ठिया, जत्थ वा सव्वे पासंडा धीसहिया एगड्डिया तत्थिमा जयणा - जो पच्छण्णपदेसो तत्थ ठायंति, असतिं पच्छण्णस्स मज्झेणं कडगचिलिमिली वसभा देति अप्पसागारियकाइयभूमीए असति दिवा रातो वा वसभा मत्तगेहिं जतियंति । वसभगहणं ते खेतण्णा अप्पसागारियं परिठवेति । एवं संजतीओ वि पासंडित्थिमज्झे जयंति । अहवा - “वसभा०” ति जत्थ संजतासंजतीणं एगदुवारा एगवसही तत्थ अप्पसागारिय काइयभूमीए असति बाहिं वा सपच्चवातो रातो तरुणीओ अंते, मज्झे वा वसभिणीओ, मत्तएसु काइयं वोसिरिउं मज्झिमाण अप्पेति, ताओ थेरीण, तेरी खुड्डीणं, थेरा वसभाणं, ते परिडुवेति ॥

[भा. २३८१] पच्छण्ण असति निण्हग, बोडिय भिक्खू असोय सोए य ।

पउरदव-चड्डगादी, गरहा य सअंतरं एक्को ॥

चू- पच्छण्णकडगचिलिमिलीण असति णिण्हएसु ठायंति, तेसु असति बोडिएसु, तेसु असति भिक्खुपएसु, एवं पुव्वं असोयवादीण, पच्छ सोयवाइसु ठिया, आयमणादिकिरियासु पउरदवेणं कज्जं करेति, चड्डगं कमढगं, तेसु भुंजति, गरहापरिहरणत्थं, संतरं ठिया “एगे” ति खुड्डगादि एगो चड्डगाण कप्पं करेति । अहवा - एगो साधू आयमणादिकिरियासु अंतरे ठायति ॥

“पत्तेय समणा दिक्खिय” अस्य व्याख्या-

[भा. २३८२] पासंडीपुरिसाणं, पासंडित्थीण वा वि पत्तेगे ।

पासंडित्थि पुमाणं, व एगतो होतिमा जतणा ॥

चू- पुरिसा पत्तेयं, इत्थी पत्तेयं । अथवा - पुरिसा इत्थी य सव्वे एगतो ठिता । इमा जयणा । “पच्छण्ण असति निण्हग” अस्यार्थस्य स्पृशनं ॥

[भा. २३८३] जे जहिं असोयवादी, साहम्मं वा वि जत्थ तहिं वासो ।

निहुता य जुद्धकाले, न वुग्गहो नेव सज्झाओ ॥

चू- साधम्मिया णिण्हयबोडिएसु भिक्खएसु वि कारुणियत्तं जीवातिपयत्थाणि वा जेसु अत्थितं तेसु तेसु ठायंति, जुद्धकालो रोधगमित्यर्थः । न तत्थ सपक्ख-परपक्खेहिं सद्धि वुग्गहं करेति, न च सज्झायं करेति ॥ “अद्धरोहगजयणा” सम्भत्ता । भत्तट्ठाणे वि एत्थेव गता । इदानि “थंडिले” ति-

[भा. २३८४] तं चेव पुव्वभणियं, पत्तेगं दिस्समत्त कुरुकूयं ।

थंडिल्ल-सुक्ख-हरिते, पवायपासे पदेसे वा ॥

चू- पुव्वभणियं “अनावायमसंलोए” एयं चेव पत्तेयं । अहवा - सेसं थंडिलेसु पत्तेयमग्गहणं करेति ॥ “मट्टिय कुरुकूयं” च अस्य व्याख्या-

[भा. २३८५] पढमासति अमणुण्णे, तराण गिहियाण वा वि आलोए ।

पत्तेय मत्त कुरुकूय, दवं व पउरं गिहत्थेसुं ॥

चू- पढमं अनावायमसंलोयं, तस्सासति अमणुन्नाय आवातं गच्छेति, तस्सासति पासत्थादियाणं । ततो बितियभंग असोअ-सोआण गिहिपासंडियाण य कमेण आलोयं गच्छेति । पच्छद्धं कंठं ॥

[भा. २३८६] तेन पर गिहत्थाणं, असोयवादीण गच्छ आवायं ।

इत्थी नपुंणएसु वि, परम्मुहो कुरुकुया सेव ॥

चू- ततो ततियभंगे गिहिपासंडिय असोय सोयाण कमेण आवातं गच्छे । तेन परं वितियभंगे इत्थीनपुंसालोयं गच्छेति । परम्मुहो कुरुकुचं च करेति । ततो ततियभंगे हत्थिनपुंसावातं, तत्थ वंदेण वोलं करंता वच्चंति । जयणाए पूर्ववत् । एसा थंडिलजयणा । बाहिं न लब्भति निग्गंतुं जं अंतो थंडिलं विदिन्नं तत्थ वोसिरे, जति नत्थ हरितं सुक्खो वोसिरेति, असति सुक्खस्स मलियमीसेसु वोसिरति । अहो य भूमी न पासइ ताहे धम्मादिपदेसेसु वोसिरतो सुद्धो ।

इदानिं “सरीरे” त्ति दारं-

[भा. २३८७] पच्छण्ण-पुव्वभणिते, विदिन्न थंडिल सुक्ख हरिते वा ।

अगड वरंडग दीहिय, जलणे पासे य देसेसु ॥

चू- रोधगे सरीरपरिद्ववणविधी अवरदक्खिणाए चेव दिसाए अनावातमसंलोयं पच्छण्णपुव्वभणियं परिद्ववणियं से रयहरणादि उवकरणं पासे ठविज्जति ॥

[भा. २३८८] अन्नाते परलिंगे, नाउवओगद्ध मा उ मिच्छत्तं ।

नाते उड्डाहो वा, अयसो पत्थारदोसा वा ॥

चू- अन्नाओ वा जो तस्स परलिंगं कज्जति । तं पि उवओगकालाओ परतो कज्जति, मा सो मिच्छत्तं गमिस्सति । जो जन-नातो तम्मि परलिंगं न कज्जति, मा जनो भणिहिति एते मातिणो, पावायारा, परोवघातिणो य, एवं उड्डाहो, पवयणोवघातो, पत्थारदोसो य । एतद्दोसपरिहरणत्थं सल्लिगेण चेव विदिन्ने थंडिले परिद्वविज्जति । अह हरितं ताहे सुक्खसु, असति मीसमलिएसु अगडे वा अनुण्णायं, पागारोवरिएण वा खिवियव्वं, दीहियाए वा वहंतीए छुभियव्वं, जलणे वा जलंते छुभियव्वं । एतेसिं वा पासे ठविज्जति । अह न लब्भति ताहे धम्मादिपएस त्ति काउं एतेसु खिवंति ॥ इदानिं “भिक्ख” त्ति दारं-

[भा. २३८९] न वि कोइ किं चि पुच्छति, निंतमनिंतं च बाहि अंतो वा ।

आसंकिते पडिसेहो, गमणे आणादिणो दोसा ॥

चू- जत्थ रोधगे अंतो बाहिं वा न को ति पडिपुच्छति, निप्फिडंतो पविसंतो वा तत्थिच्छा, अंतो बाहिं वा अडंति । जत्थ आसंकियं “को एस ? कतो वा आगतो ? मा एस अंतो कहेहिति, कहिं वा निग्गच्छति ? मा एस भेदं दाहिति” एरिसे आसंकिते पडिसेहे न गंतव्वं । आणादिया य दोसा ॥

[भा. २३९०] पउरऽन्नपानगमणे, चउरो मासा हवंतऽनुग्घाता ।

सो य इतरे य चत्ता, कुल-गण-संघए य पत्थारो ॥

चू- संथरंतो जति गच्छति चतुगुरु, जो गच्छति तेन अप्पा परिच्चतो, इतरे य अच्छंता ते य एतेन परिच्चत्ता, बाहिरा वा रिउ त्ति काउं गेण्हंति । भेदं पयच्छंति त्ति अब्भंतरा गेण्हंति । उभओ वि कुल-गण-संघ-पत्थारसंभवो ॥

[भा. २३९१] अंतो अलब्भमानेसनमादीसु होइ जइतव्वं ।

जावंतिए विसोधी, अमच्चमादी अलाभे वा ॥

चू- फासुए एसणिज्जे य अंतो अलब्भमाणे अंते चेव पनगपरिहानीए जयंति । जावंतिया

विसोहिकोडीए जाव - चउलहुंपत्तो । विसोहिकोडीए असति अमच्चो दाणसद्धादिया वा ओभासिज्जति, दैताण अविंसोहिकोडीए वि घेप्पंति ॥

[भा. २३९२] आपुच्छिय आरक्खिय, सेट्ठि सेनावति अमच्च-रायाणं ।

निग्गमण-दिट्ठरूवे, भासा वि तहिं असावज्जा ॥

चू- तहावि अलब्भंते, आरक्खितो कोट्टपालो, तं पुच्छंति, अहं असंथरं निग्गच्छामो, दारं ने देहि । जति सो भणेज्ज मा नग्गच्छह, अहं भे देमि, ताहे घेप्पंति । अह सो भणेज्ज - “नत्थि मे भत्तं, बीहेमि य रत्तो सेट्ठिं पुच्छह” । ताहे सेट्ठिं पुच्छंति । एवं सेनावति, अमच्चं, रायाणं, दित्तसु गहणं । तेसिं वा अणुन्नाते निग्गच्छंति । दारपालाण य साहू दरिसिज्जंति एते दिट्ठरूवे करेह । एते भत्तद्धा नेति अतिंति, न किं चि तुब्भेहिं वत्तव्वा, बाहिं निग्गएहिं य असावज्जा भासा भासियव्वा ॥

[भा. २३९३] मा नीह सयं दाहं, संकाए वा न देंति निग्गंतुं ।

दाणम्मि होइ गहणं, अनुसद्धादीणि पडिसेहे ॥

चू- आरक्खियादि पुच्छिया भणंति - “ना नीह, अह्मे सयं भत्तं देमो”, ते पुण भेदसंकाए निग्गंतुं न देंति । ते जति अविंसुद्धं देंति तहावि गहणं । अह नो भत्तं नो निग्गंतुं देंति ताहे अनुसद्धी धम्मकहा विज्जामंतादिया वा पयुज्जंति ॥ जता निग्गच्छंति तदा बहिया वि इमं विधिं पयुज्जंति-

[भा. २३९४] बहिया वि गमेतूणं, आरक्खगमादिणो ततो निति ।

हित-नट्ट-चारियादि, एवं दोसा जट्ठा हंति ॥

चू- अंतो बहिं च गमिते सव्वे चारिगादिदोसा परिचत्ता भवंति ॥

बहिया जे साहू पट्टविज्जंति ते इमेहिं गुणेहिं जुत्ता-

[भा. २३९५] पियधम्मे दट्ठधम्मे, संबंधं विकारिणो करणदक्खं ।

पडिवत्तीण य कुसले, तब्भूते पेसते बहिता ॥

चू- जेसिं अंतो बाहिं च सयणसंबंधो अत्थि, अविकारी न उब्भडवेसा, न कंदप्पसीला भिक्खग्गहादिकिरियदक्खा, पडिवत्ती प्रतिवचनं त प्रति कुशला बाहिं खंधारो आगतो तत्थ जे जा उप्पणा, ते बाहिं पेसिज्जंति ॥ “भासा वि तहि असावज्ज” ति अस्य व्याख्या-

[भा. २३९६] केवइय आस-हत्थी, जोधा धण्णं च केत्तियं नगरे ।

परितंत अपरितंता, नागरसेना व न वि जाणे ॥

चू- बाहिरच्चैहिं पुच्छितो न भणाति, न जामामि ॥

ते भणंति - तत्थेव वसंता कहं न याणह ? साहू भणंति -

[भा. २३९७] सुणमाणे वि न सुणिमो, सज्जाए समिति गुत्ति आउत्ता ।

सावज्जं सोऊण वि, न हु लब्भाऽऽइक्खिउं जइणो ॥

चू- जइ किं चि सुणिमो तहावि सावज्जं न युज्जति अक्खिउं । अंतो वि पुच्छितो भिक्खादिउवओगे न नायं । अंतो बहिया य - इमं उत्तरं “बहु सुणेति” - सिलोगे ॥ एवं हिंडंते पडुप्पन्ने समुदाणे-

[भा. २३९८] भत्तइणमालोए, मोत्तूणं संकिताइ ठाणाइं ।

सच्चिन्ने पडिसेहो, अतिगमणं दिट्ठरूवाणं ॥

चू- “भक्तदृष्टमालोए” ति अस्य व्याख्या-

[भा.२३९९] सावग सन्निठाणे, ओयवितेतर करंति भक्तदृष्टं । तेसऽसती आलोए, चडुग कुरुयाइ नो छन्ने ॥

चू- जत्थ सद्धो य सद्धी य उभयं पि अप्पसागारियं तत्थ भक्तदृष्टं करंति, असती एगतरोयविते, इयरग्गहणेण अनोयविएवि, असति अहाभद्दएसु वा, एतेसिं असतीए अडवीए असंकणिञ्जे घणदरद्वारेण वज्जेता, आलोए पगासे भक्तदृष्टं करंति, चारिगादिसंकाए नो छन्ने करंति । सचित्तो सेहो जइ को ति पव्वाइउं ठाति तस्स पडिसेहो, न पव्वावेति । अह कोइ काउं लिंगं पविसति, ताहे भणंति - अम्हे गया नामंकिया दारेण निग्गता, तं जइ तुमे घेप्पसि तो अवस्सं मारिज्जसि, दारे गणिया पुच्छिया भणंति - न जानामो कोइ एस ति, पविसंता भणंति दारिदुं “अम्हे ते चेव इमे दिदुक्खे करेसि” ॥

[भा.२४००] भक्तद्वित्तऽपाहाडा, पुनरवि घेत्तुं अतिंति पज्जतं ।

अनुसद्धी दारिदुं, अन्ने वऽसती य जं अंतं ॥

चू- एवं भक्तद्विया तदूणे भायणे पुणरवि पज्जतं घेत्तुं अतिंति, जति दारपालो मग्गति वा न वा पवेसं देति, रुद्धेसु जइ अन्नो कोइ अनुकंपाए देज्ज तत्थ अनुमती, न वा वारिज्जति, अन्नदातारस्स वा असतीते तं जं अंतं पंतं दिज्जति ॥

[भा.२४०१] रुद्धे वोच्छिण्णे वा, दारिदुं दो वि कारणं दीवे ।

इहरा चारियसंका, अकाल ओखंदमादीसु ॥

चू- अह निग्गताण दारं रुद्धं स्थगितमित्यर्थः, गमागमो य वोच्छिण्णो, अब्भितरा साहू बाहिरा जे भिक्खा निग्गया एते वि दो वि दारपालस्स भिक्खादि निगमणकारणं दीवेति । इहरा अकहीए साहू निग्गता, न ते पविट्ठा, नूनं ते चारिया आगता आसी, जे ते साहू निग्गता ते न पविट्ठा, नूनं तेहिं एस उक्खंद ओकद्विओ ॥

[भा.२४०२] बाहिं तु वसितुकामं, अतिनेति पेल्लिया अनिच्छंतं ।

गुरुगा पराजय जए, बितियं रुद्धे व वोच्छिण्णे ॥

चू- भिक्खद्वृत्तानिग्गताण जइ कोइ साहू बाहि वसित्तुमिच्छति तं पि ते सहाया बला पवेसंति । एगे अनेगे वा निक्कारणे बाहिं वसते चउगुरुगा । अब्भितरिल्लाण पराजय-जए अनेगे दोसा भवंति । बितियपदेण सव्वं नित्थरं नगरं रुद्धं, गमनागमो वोच्छिण्णो, एवं अपविसंतो दारिदुं वा अनिवेदेते सुद्धो ॥ एवं रोहकारणे - इत्थीहिं सह विहारादि पदा हवेज्ज । “रोधणे” ति दारं गतं । इदानिं “अद्धाणे” ति अद्धाणे जत्थ सपच्चवायं । तत्थ जति संजतीतो सत्थेणं पधाविता तत्थ सत्थे जति बोधियतेणाइमयं हवेज्ज तत्थ गमणे, राओ वा सुवंताणं, इमा जयणा-

[भा.२४०३] मज्झमि य तरुणीओ, थेरीओ तासि होंति उभयंतो ।

थेरि बहिट्ठा खुड्डी, खुड्डीबहिट्ठा भवे थेरा ॥

[भा.२४०४] थेरबहिट्ठा खुड्ठा, खुड्डीबहिट्ठा उ होंति तरुणा उ ।

दुविधमि वि अद्धाणे, सपच्चवायमि एस गमो ॥

चू- तरुणीओ मज्झे कीरंति, तासिं पिदुत्तो अग्गओ य थेरीओ हवंति, तासिं उभयंतं थेरा,

धेराणं उभयंते खुड्डा, तेसिं उभयंतो तरुणा, दुविधं अद्धानं-पंथो मग्गो य । तम्मि सपच्चवाए एएस गमो भणितो । एवं अद्धाने वा इत्थीहिं सद्धिं विहारदिया पदा भवे ।

इदानि “संभ भय वासं” तिन्नि वि दारा एगगाहाए दंसेति-

[भा. २४०५] आऊ अगणी वाऊ, तेणग रद्धादि संभमो भणितो ।

बोहियमेच्छादिभए, गोयरचरियाए वासेणं ॥

चू- आऊमादिया संभमा, बोहियमेच्छादिभयं । गोयरं अडंता वासेण अब्भहता एगनिलए वि होज्जा ॥

[भा. २४०६] जलसंभमे थलादिसु, चिडंताणं भवेज्ज चउभंगो ।

एगतरुवस्सए वा, वूढगलंते व सव्वत्तो ॥

चू- एगो एगित्थीए समं हवेज्ज, आउक्कायसंभमेणं उदगवाहगे थले एगं उण्णयं थलं पव्वयं डोगरं वा, तत्थ चिडंताणं चउभंगसंभवो हवेज्ज . जलसंभमे वा खेत्ताओ खेतं संकमेज्ज । एत्थ वि चतुभंगसंभवो । एगतरवसधीए वा वूढाए जाव अन्ना वसधी न लब्भति ताव चतुभंगसंभवो, सव्वओ वा एगपक्खस्स वसधी गलति, एवं पि एगड्ढिताण चउभंगो ॥

[भा. २४०७] एगतरझामिए उवस्सयम्मि डज्जेज्ज वा वि मा वसधी ।

ऐमेव य वातम्मि वि, तेणभया वा निलुक्काणं ॥

चू- संजत-संजतीण एगतरस्स झामिता वसधी । वसहिसंरक्खद्धा वा ताण वसधिं गता । झामितवसधिं वा खेत्ताओ खेतं संकामिज्जति । एवं वाते वि चउभंगसंभवो हवेज्ज । तेणगभएण वा गुविले चउभंगसंभवेण निलुक्का अच्छंति ॥

भा (२४०८) भोइयमाइवोरेधे, रद्धादीणं तु संभमे होज्जा ।

बोहिय-मेच्छभए वा, गुत्तिनिमित्तं च एगत्थ ॥

चू- भोइयस्स भोइयस्स विरोहो, एवं गामस्स गामस्स य, रद्धस्स रद्धस्स य, एरिसे संभमे चउभंगसंभमो हवेज्ज । बोहियमेच्छभएण पलायाण चउभंगसंभवेन विहारसज्जाय असणादिया, उच्चारादिमा वा एगत्थ निलुक्काण संभवो हवेज्ज, गुत्तिं वा रक्खणं करेताण संभवेज्जा ॥

भ. (२४०९) पुव्वपविट्ठेगतरे, वासभएणं विसेज्ज अन्नतरो ।

तत्थ रहिते परंमुहो, न य सुण्णे संजती ठंति ॥

चू- वासासु वासावासे पडंते संजतो संजती वा किं चि निव्वोवरिसं ठाणं पविट्ठं हवेज्ज, पच्छा इयरं पविसिज्ज । तत्थ जनविरहिते दो वि परोप्परं परंमुहा अच्छंति, सज्जायजुत्ता य । सुद्ध वि वासे पडंते संजती सुण्णट्ठाणे नो पविसति । इदानि “खंतिमाईण निक्खमणे” ति-

[भा. २४१०] कारण एग मडंबे, खंतिगमादीसु मेलणा होज्ज ।

पव्वज्जमब्भुपगमे, अप्पाण चउव्विहा तुलणा ॥

चू- असिवादिकारणेण एगागिओ छिन्नमडंबं गतो हवेज्ज, तत्थ य “खंतियमादी” असंकणित्थी मिलेज्ज, सा य पव्वज्जम्भुवगमं करेज्ज, ततो अप्पानं चउव्विहाए दव्व-खेत-काल-भावतुलनाए तुलेति ॥ एसेव अत्थो इमाहिं गाहाहिं भण्णति-

[भा. २४११] असिवादिकारणगतो, वोच्छिन्नमडंबं संजतीरहिते ।

कहिता कहित उवड्डिय, असंकइत्थीसिमा जयणा ॥

चू-अङ्गाइय जोयणअंतरे जस्स अन्नं वसिमं नत्थि तं छिन्नमडंबं सा असंकणिज्जत्थी धम्मं कहिते अकहित वा पव्वज्जं उवड्डिता, तत्थिमा जयणा अप्पणो दव्वतो तुलणा ॥

[भा.२४१२] आहारादुप्पादण, दव्वे समुत्तिं व जाणते तीसे ।

जति तरति नित्तु खेत्ते, आहारादीणि वऽद्धाणे ॥

चू-दव्वतो जति आहारं उवहि सेज्जं वा तरति उप्पाएतुं, समुइ नाम-जो तीसे सभावो भुक्खालू सीयालू । जति य तं पढमालियादि संपाडेउं सक्केति, महरादि पाणगं वा एयाणि उप्पाएउं सक्केति, ततो पव्वावेति । खेत्ततो जइ अद्धाणं नेउं तरति, जति य अद्धाणे आहारादी उप्पाएउं सत्तो ॥

[भा.२४१३] गिम्हातिकालपाणग, निसिगमणोमेसु वा वि जति सत्तो ।

भावे कोधादि जई, गाहे नाणे य चरणे य ॥

चू-कालतो जति गिम्हाकाले रिउक्खमं पाणगं पवायवसही य आदिसद्दातो सीतकालादिसु य जंतम्मि रिउम्मि दुल्लभं तं जति उप्पाएतुं सत्तो, रातो वा जति सत्तो नेउं, ओमे वा जति आहारुप्पादणं काउं सत्तो, भावे जति अप्पणो कोहादियाणं जयं काउं सत्तो, रत्तस्स वा जयं कारावेउं सत्तो । नाणचरणाणि वा जति सत्तो अनिव्वेएण गाहेउं, चक्कवालसामायारिं च गाहेउं जइ सत्तो ॥

[भा.२४१४] गुरुगणिणिपादमूलं, एवमपत्ताए अप्पुतुलणाए ।

आवकधसमत्थो वा, पव्वावे एतरे भयणा ॥

चू- जो वा जावज्जीवं समत्थो वट्ठावेउं सो नियमा पव्वावेति, इयरो असमत्थो य, तस्स भयणा । जइ से अन्नो वट्ठावगो अत्थि तो पव्वावेति । अह नत्थि न पव्वावेइ । एसा भयणा ॥

[भा.२४१५] अब्भुज्जतमेगतं, पडिवज्जित कामो सो वि पव्वावे ।

गण गणि सलद्धिते उ, एमेव अलद्धिजुत्तो वि ॥

चू-अब्भुज्जियमरणं परिन्नादि, अब्भुज्जिय-विहारो जिणकप्पादि । एयं एगतं अब्भुज्जितिविहारं पडिवज्जितुकामो । इत्थिया य उवड्डिया पव्वज्जं । जति अन्नो गणे गणी सलद्धी अत्थि तीसे परियट्ठियव्वा ते ताहे तं तस्स अप्पेउं अप्पणा अब्भुज्जिविहारं पडिवज्जति । अह नत्थि अन्नो वट्ठवगो ताए नो अब्भुज्जयविहारं पडिवज्जइ । तं परियट्ठति । किं कारणं ? अब्भुज्जियविहारतो तस्स विधिपरियट्ठणे बहुतरिया निज्जरा । अलद्धिजुत्तो वि अन्नवट्ठावगसंभवे पव्वावेति, इयरहा नो ॥

[भा.२४१६] पव्वावणिज्ज-तुलणा, एमेवित्थ तदिक्खणा होति ।

अविदिति-तुलणा उ परे, उवड्डिते-तुलणा य आतगता ॥

चू- जो पव्वावणिज्जो तस्स वि एसेव दव्वादिया चउव्विहा तुलणा कज्जति ।

चोदग - आह - जति ता तस्स माता वा भगिनी वा तो सो तस्सा समुइ जाणाति चेव, किं तुलिज्जति ? उच्यते - कताइ सो खुड्डलओ चेव तेसिं मज्झाओ फिडितो तो न जाणइ, एवं परे अविदिते तुलणा भवति । जस्स पुण सुह-दुह-कोहादिया समुती नज्जति तस्स नत्थि तुलणा । तम्मि उवड्डिते आयतुलणा भवति ॥ तस्स पव्वावणिज्जस्स इमा तुलणा भवति-

[भा.२४१७] पारिच्छ पुच्छमण्णह, कायाणं दायणं च दिक्खा य ।

तत्थेव गाहणं पंथे, नयनं अप्पाय इत्तरिया ॥

[भा.२४१८] पेज्जाति पातरासे, सयणासणवत्थ पाउरणदव्वे ।

दोषीण दुञ्चलाणि य, सयणादि असकृता एण्हि ॥

चू-परिच्छा नाम तुलणा । सा भण्णति-पुञ्चं तुममन्नहा दञ्चादिएसु उचिया, इयाणिं पञ्चतियाए अनन्हा । पुञ्चं अनुप्पए खीरादिपेज्जाओ इत्थिया [इच्छिया] पायरासा-पढमालिया त्ति वुत्तं भवति, इदानिं सा नत्थि मज्झण्हे भिक्खं अडित्ता पारेयञ्चं । उदुवद्धे सयणभूमिए, इक्कड कट्ठिणादिसंथारगेसु वासासु आसणं ।

पुञ्चं आसंसादिस इदानिं उदुवद्धाए निसज्जाए वासासु नं संथारग-भिसिगादिएसुं । पुञ्चं तुज्ज वत्थपाउरणा महद्धणमुल्ला सण्हा य प्रासि, इयाणिं ते अमहद्धणमुल्ला थूलकडा य । पुञ्चं ते रुप-सुवण्णादिसु भोयणं, इदानिं ते लाउ-कमढादिसु । आहारो वि ते पुञ्चं नेहावगाढे रिउक्खमो अनुकूलो य, इदानिं ते वोसीणो निब्बलो असंस्कृतः । एण्हि सयणादिया वि असंस्कृता ।

“एण्हि” ति-इदानिं ॥

[भा. २४१९] पडिकारा य बहुविधा, विसयसुहा आसि तेन पुण एण्हि ।

चंक्रमण्णहाण धुवणा, विलेवणा ओसहाइं च ॥

चू-पडियारा नाम सरीरसंस्कारा, चंक्रमणादि विविधरोगोवसमणियओसहाणि । एवं दव्वे गतं ॥ इमं खेत्ते-

[भा. २४२०] अद्धाण दुक्ख सेज्जा, सरेणु तमसा य वसधिओ खित्ते ।

परपातेसु गयाणं, वुत्थाण व उदु-सुहघरेसु ॥

चू-मासकप्पे पुण्णे अद्धाणं निरनुवाणएहिं । दुक्खकारियाओ सेज्जाओ रेणुकज्जवाओ, अजोतिकडाओ तमसाओ, एवं पव्वज्जाए । गिहवासे पुन तुमं सिवियादिएहिं आसादिएहिं जाणेहिं उद वातणिवातेसु य हरितोवलित्तेसु य ऊसिता, कहं पव्वज्जाए धितिं करेज्जह ॥

[भा. २४२१] आहारादुवभोगो, जोग्गो जो जम्मि होइ कालम्मि ।

सो अन्नहा न य निसिं, अकालऽजोग्गो य हीणो य ॥

चू-आहारादिओ उवभोगो जो जम्मि काले जोग्गो सो पव्वज्जाकाले अन्नहा विवरीतो । निसिं च जावजीवं न भोत्तञ्चं, दिया वि वेलातिक्रमे लब्भते, अजोग्गो अननुकूलो, सो वि हीणो ओमोदरियाए ॥ एण्हि भावे-

[भा. २४२२] सव्वस्स पुच्छणिज्जा, न य पडिकूलेइ सइरमुइतत्था ।

खुड्डी वि पुच्छणिज्जा, चोदण-फरुसादिया भावे ॥

चू-गिहवासे राओ पच्चुड्ठिता मुहसलिलादिएहिं सव्वस्स पुच्छणिज्जा आसी, गिहवासे न ते कोति पडिकूलं करेति, आगमगमादिएहिं य “सतिर” मिति सेच्छा, “उदित” मिति भाविया, इदानीं ते खुड्डी वि पुच्छणिज्जा । असामायारिकरणे फरुसवयणेहिं चोतिज्जिहिसि । सव्वं सोढव्वं ॥ इमं संखेवओ भण्णति-

[भा. २४२३] जा जेन व तेन जधा, व लालिता तं तहण्णहा भण्णति ।

सोताइ-कसायण य, जोगाण य निग्गहो समिती ॥

चू-सुहभाविता अन्नहा भण्णति, न दुक्खभाविता । सोयादिभिंदियाणं सदा निग्गहो कायव्वो, कोहादिकसाया जेयव्वा, मणादि अप्पसत्थाण जोगाण निग्गहो कायव्वो, इरियादिसमितीसु अ



सदा समियाए होयव्वं ॥ इयाणि “कायाणं” ति-

[भा. २४२४] आलिहण-सिंच-तावण-, वीयण-दंत-धुवणादिकजेसु ।

कायाणानुवभोगो, फासुगभोगो परिमितो य ॥

चू-पुढविकाए नो आलिहण विलीहणादी कायव्वा, आउक्काए सिंचणादि, अगनीए तावणादि, वाते वीयणादि, वणस्सतीए दंतधावणादी, एवमादिसु कजेसु अनुवभोगो, जो भोगो सो फासुएण, तेन वि परिमितेण ॥

[भा. २४२५] अब्भुवगता य लोओ, कप्पड्ढग लिंगकरण दावणता ।

भिक्षव्वगहणं कहेति व, नेति वहं ते दिसा तिन्नि ॥

चू- एवं सव्वं अब्भुवगच्छति जइ तो से लोचो कज्जति । दावणं च दिक्खाए त्ति, जो साधू कप्पड्ढगस्स नियंसेति, एवं से परिहरणलिंगकरमं दाइज्जति “तत्थेव” ति छिन्नमंडवे, अप्पणो समीवे गहणासेवनसिक्खं गाहेति, उग्गमादि विसुद्धभिक्षागहणं च कारेति, पंथं व नेति, संबद्धइत्थिसहिएण असंबंधिइत्थीहिं वा पुरिसमीसेण वा संबंधिपुरिससत्थेण वा असंबंधेहिं वा भद्दगेहिं - जाव - गुरुसमीवं पत्ता ताव “इत्तरं” दिसाबंधं करेति । इमं, अहं ते दिसा तिन्नि-अहं ते आयरिओ, अहं ते उवज्झाओ, पवत्तीण य । गुरुसमीवं पुण पत्ताए गुरू वाहिंति । एवं बितियपदे एगे एगित्थीए सद्धिं चउभंगसंभव इत्यर्थः ॥

मू. (५६२) जे भिक्षू उज्जाणंसि वा उज्जाण-गिहंसि वा उज्जाण-सालंसि वा निज्जांसि वा निज्जाण-गिहंसि वा निज्जाण-सालंसि वा एगो एगाए इत्थीए सद्धिं विहारं वा करेति, सज्जायं वा करेति, असनं वा पानं वा खाइमं वा साइमं वा आहारेति, उच्चारं वा पासवणं वा परिट्ठवेति, अन्नयरं वा वा अनारियं पिहुणं अस्समण-पाउग्गं कहं कहेति, कहेंतं वा सातिज्जति ॥

मू. (५६३) जे भिक्षू अट्टंसि वा अट्टालयंसि वा चरियंसि वा पागारंसि वा दारंसि वा गोपुरंसि वा एगो एगाए इत्थीए सद्धिं विहारं वा करेति, सज्जायं वा करेति, असनं वा पानं वा खाइमं वा साइमं वा आहारेति, उच्चारं वा पासवणं वा परिट्ठवेति, अन्नयरं वा अनारियं पिहुणं अस्समण-पाउग्गं कहं कहेति, कहेंतं वा सातिज्जति ॥

मू. (५६४) जे भिक्षू दगंसि वा दग-मगगंसि वा दग-हंसि वा दग-तीरंसि वा दग-ट्टाणंसि वा एगो एगाए इत्थीए सद्धिं विहारं वा करेइ, सज्जायं वा करेइ, असनं वा पानं वा खाइमं वा साइमं वा आहारेति, उच्चारं वा पासवणं वा परिट्ठवेति, अन्नयरं वा अनारियं पिहुणं अस्समण-पाउग्गं कहं कहेति, कहेंतं वा सातिज्जति ॥

मू. (५६५) जे भिक्षू सुण्ण-गिहंसि वा सुण्ण-सालंसि वा भिन्न-गिहंसि वा भिन्न-सालंसि वा कूडागारंसि वा कोट्टागारंसि वा एगो एगाए इत्थीए सद्धिं विहारं वा करेइ, सज्जायं वा करेइ, असनं वा पानं वा खाइमं वा साइमं वा आहारेति, उच्चारं वा पासवणं वा परिट्ठवेति, अन्नयरं वा अनारियं पिहुणं अस्समण-पाउग्गं कहं कहेति, कहेंतं वा सातिज्जति ॥

मू. (५६६) जे भिक्षू तण-गिहंसि वा तण-सालंसि वा तुस-गिहंसि वा तुस-सालंसि वा छुस-गिहंसि वा छुस-सालंसि वा एगो एगाए इत्थीए सद्धिं विहारं वा करेइ, सज्जायं वा करेइ, असनं वा पानं वा खाइमं वा साइमं वा आहारेति, उच्चारं वा पासवणं वा परिट्ठवेति, अन्नयरं वा

अनारियं पिहुणं अस्समण-पाउग्गं कहं कहेति, कहेतं वा सातिज्जति ॥

**मू. (५६७)** जे भिक्खू जाण-सालंसि वा जाण-गिहंसि वा जुग्गसालंसि वा जुग्ग-गिहंसि वा एगो एगाए इत्थीए सद्धिं विहारं वा करेइ सज्जावं वा करेइ असनं वा जाव आहारेइ, उच्चारे वा पासवणं वा परिट्टवेतिस अन्नयरं वा अनारियं विहुणं अस्समण-पाउग्गं कहं कहेति, कहेतं वा सातिज्जति ॥

**मू. (५६८)** जे भिक्खू पणिय-सालंसि वा पणिय-गिहंसि वा परिया-सालंसि वा परिया-गिहंसि वा कुविय-सालंसि वा कुविय-गिहंसि वा एगो एगाए इत्थीए सद्धिं विहारं वा करेइ, सज्जायं वा करेइ, असनं वा पानं वा खाइमं वा साइमं वा आहारेति, उच्चारं वा पासवणं वा परिट्टवेति अन्नयरं वा अनारियं पिहुणं अस्समण-पाउग्गं कहं कहेति, कहेतं वा सातिज्जति ॥

**मू. (५६९)** जे भिक्खू गोण-सालंसि वा गोण-गिहंसि वा महा-कुलंसि महा-गिहंसि वा एगो एगाए इत्थीए सद्धिं विहारं वा करेइ, सज्जायं वा करेइ, असनं वा पानं वा खाइमं वा साइमं वा आहारेति, उच्चारं वा पासवणं वा परिट्टवेति, अन्नयरं वा अनारियं पिहुणं अस्समण-पाउग्गं कहं करेइ, कहेतं वा सातिज्जति ॥

**चू-** उज्जाणं जत्थ लो गो उज्जाणियाए वच्चति, जं वा ईसि नगरस्स उवकंठं ठियं तं उज्जाणं । रायादियाण निग्गमणट्ठाणं निज्जाणिया, नगरनिग्गमे जं ठियं तं निज्जाणं एतेसु चेव गिहा कया उज्जाण - निज्जाणगिहा । नगरे पागारो तस्सेव देसे अट्टालगो । पागारस्स अहो अट्टहत्थो रहमग्गो चरिया । बलाणगं दारं, दो बलाणगा पागारपडिबद्धा । ताण अंतरं गोपुरं । जेन जेनो दगस्स वच्चति सो दग-पहो दग-वाहो दग-मग्गो दग-ब्भासं दग-तीरं । सुण्णं गिहं सुन्नागारं । देसे पडियसडियं भिन्नागारं । अधो विसालं उवरुवरिं संवह्मितं कूडागारं । धन्नागारं कोट्टागारं । दब्भादितणट्ठाणं अदोपगासं तणसाला । सालिमादि-तुसट्ठाणं तुस-साला, मुग्गमादियाण तुसा । गोकरीसो गोमयं, गोणादि जत्थ चिट्ठंति सा गोसाला, गिहं च । जुगादि जणाप अकुड्डा साला सकुड्डं गिहं । अस्सादिया वाहणा, ताणं साला गिहं वा । विक्केयं भंडं जत्थ छूढं चिट्ठंति सा साला गिहं वा । पासंडिणो परियागा, तेसि आवसहो साला गिहं वा । छुहादिया जत्थ कम्मविज्जंति सा कम्मंतसाला गिहं वा । मह पाहन्ने बहुत्ते वा, महंतं गिहं महागिहं, बहुसु वा उच्चारएसु महागिहं । महाकुलं पि इब्भकुलादी पाहण्णे बहुजनआइण्णं बहुत्ते । इमा सुत्तसंगहगाहा-

[भा. २४२६] उज्जाणऽट्टाल दगे, सुण्मा कूडा व तुस भुसे गोमे ।

गोणा जामा पणिया, परियाग महाकुले सेवं ॥

**चू-** एवं जहा पढमसुते । एवं एतेसु उस्सग्गाववातेण चउभंगसंभवो वत्तव्वो ॥

इमं “उज्जाणवक्खाणं”-

[भा. २४२७] सभमादुज्जाणगिहा, निग्गमणगिहा वनियमादिणं इयरे ।

नगरादिनिग्गमेसु य, सभादि निज्जाणगेहा तु ॥

**चू-** इयरे ति निज्जाणे, वनियमादिया निग्गमगहियं कयं णिज्जाण - गिहं । अहवा - पच्छन्देणं वितियं वक्खाणं ॥ सालागिहाण इमो विसेसो -

[भा. २४२८] साला तु अहे वियडा, गेहं कुड्डसहितं तुऽनेगविधं ।

वणिभंडसाल परिभिक्षुगादिमहबहुगपाहण्णे ॥

चू- पणियसाला पणियवसवो, महाकुलं पच्छद्वेण व्याख्यातं ।

मू. (५७०) जे भिक्षू राओ वा वियालं वा इत्थि-मज्झगते इत्थि-संसते इत्थि-परिवुडे अपरिमाणाए कहां कहेइ, कहेतं वा सातिज्जति ॥

[भा.२४२९] संज्ञा राती भणिता, संज्ञाए उ विगमो वियालो तु ।

केसिं ची वोच्छत्थं, पच्छन्नतरे दुविधकाले ॥

चू- रातीति राती संज्ञा, तीए विगमो वियालो । अथवा - जंसि काले चोरादिया रज्जंति सा राती संज्ञावगमेत्यर्थः, ते छिय जम्मि काले विगच्छंति सो वियालो संज्ञेत्यर्थः ॥

[भा.२४३०] इत्थीणं मज्झम्मी, इत्थी-संसतेपरिवुडे ताहिं ।

चउपंच उ परिमाणं, तेन परं कहेत आणादी ॥

चू- इत्थीसु उभओ ठियासु मज्झं भवति उरुकोप्परमादीहिं संघट्टंतो संसत्तो भवति, दिट्ठीए वा परोप्परं संसत्तो, सब्वतो समंता परिवेढिओ परिवुडो भण्णति । परिमाणं-जाव-तिन्नि चउरो पंच वा वागरणानि, परतो छट्ठादि अपरिमाणं कहां कहेतस्स चउगुरुगं आणादिया य दोसा ॥

एस सुत्तत्थो । इदानिं निज्जुत्ती-

[भा.२४३१] मज्झं दोणहंतगतो, संसत्तो ऊरुगादिघट्टंतो ।

चतुदिसिठिताहि परिवुडो, पासगताहि व अफुसंतो ॥

चू- अहवा - एगदिसिठियाहिं वि अफुसंतीहिं परिवुडो भण्णति ॥

[भा.२४३२] दुविधं च होति मज्झं, संसत्तो दिट्ठि दिट्ठि अंतो वा ।

भावो वि तासु निहतो, एमेवित्थीण पुरिसेसु ॥

चू- च सद्दाओ संसत्तं पि दुविधं - ऊरुगादिघट्टंतो संसत्तो दिट्ठीए वा, इत्थीण वा मज्झे, दिट्ठीण वा मज्झे । अहवा - संसत्तस्स इमं वक्खाणं - तेन तासु भावो निहतो निवेसितो, ताहिं वा तम्मि निसेवितो, परस्परं गृह्णानीत्यर्थः । इमे दोसा-

[भा.२४३३] इत्थीमातिसुहीणं, अचियत्तं आसि आवणा छेदो ।

आत-पर-तदुभए वा, दोसा संकादिया चेव ॥

चू- इत्थीणं जो नायओ भाया पिया पुत्त भच्चयमादी ताण वा जे सुही मित्ता एतेसिं अचियत्तं हवेज्ज, अचियत्तं वा उप्पन्ने दिया असिवावेत्तिं ङ्क । रातो ङ्का । तेसिं अन्नेसिं वा तसहिमादियाणं वोच्छेदं करेज्ज आय-पर-उभयसमुत्थाणा एक्कतो मिलियाण दोसा हवेज्ज । अह संकंति एते रातो मिलिता किं पुण अनायारं करेज्ज, संकिते चउगुरुं, निस्संकिते मूलं । गेणहणादिया दोसा तम्हाणो रातो इत्थीणं धम्मो कहेयव्वो ॥ भवे कारणं-

[भा.२४३४] बितियपदमणप्पज्जे, नातीवग्गे य सन्निसेज्जासु ।

णाताचारुवसग्गे, रन्नो अंतेपुरादीसु ॥

चू- अणवज्जो वा नातिवग्गं वा सो चिरस्स गतो ताहे भणेज्ज - रत्तिधम्मं कहेह, ताहे सो कहेज्ज-वरं; कोइ धम्मं पव्वज्जं वा पडिवजेज्ज । सावग-सेज्जातर-कुलेसु वा असंकणिजेसु अदुड्डीसीलेसु वा नायायारेसु । उवसग्गो वा जहा अंतेपुरि अभिवुत्तो । अहवा - राया भणेज्ज - अंतेपुरस्स मे धम्मं

कहेह, ताहे अक्खेज्ज ॥ तत्थिमं विधानं-

[भा. २४३५] नच्चासण्णम्मि ठिओ, दिट्ठिमबंधंतो ईसि व किढीसु ।

वेरग्गं पुरिसविमिस्सियासु किट्ठिगाजुयाणं वा ॥

चू- नासण्णे ठितो, भण्णि य-दूरे ठायह, मा य मे संघट्टेह, तासु दिट्ठिं अबंधंतो ईसि वुड्ढासु दिट्ठी बंधंतो वेरग्गकहं कहेति, पुरिसविमिस्साण वा कहेति । अहवा - सच्चा इत्थीओ ताहे धेरविमिस्साण कहेति ॥ २४३५ ॥

मू. (५७१) जे भिक्खू सगणिच्चियाए वा परिणिच्चियाए वा निग्गंथीए सच्चिं गामाणुग्गामं दूइज्जमामे पुरओ गच्छमाणे पिट्ठओ रीयमाणे ओहयमणसंकप्पे चिंता-सोय-सागरसंपविट्ठे करतलपल्हत्थमुहे अट्टज्जाणोवगए विहारं वा करेइ, सज्जायं वा करेइअं असनं वा पानं वा खाइमं वा साइमं वा आहारेइ, उच्चारं वा पासवणं वा परिट्ठवेइ, अन्नयरं वा अनारियं पिहुणं अस्समण-पाउग्गं कहं कहेइ, कहेतं वा सातिज्जति ॥

[भा. २४३६] स-गणिच्चिया स-सिस्सिणि, अधवा वि स-गच्छवासिणी भणिता ।

पर-सिस्सिणि पर-गच्छे, नायच्चा पर-गणिच्चिओ ॥

चू- सगणिच्चिया, ससिस्सिणी वा, सगच्छवासिणी वा । परसिस्सिणी वा, परगणवासिणी वा परिगणिच्चिया ॥ २४३६ ॥

[भा. २४३७] पुरतो व मग्गतो वा, सपच्चवाते अपच्चवाते य ।

वच्चंताणं तेसिं, चउक्कभयणा अबोच्चत्थं ॥

चू- पुरोत अग्गतो ठितो साधू वच्चति । अहवा - पिट्ठतो मग्गतो ठितो साधू वच्चति ॥ एत्थ चउभंगो इमो-

[भा. २४३८] पुरतो वच्चति साधू, अधवा पिट्ठेण एत्थ चउभंगो ।

अहव न पुरओऽवाओ, पिट्ठे वा एत्थ वा चतुरो ॥

चू- पुरतो साधू वच्चति नो मग्गतो । नो पुरतो मग्गओ वच्चति । बहूसु पुरतो वि मग्गतो वि । नो पुरतो नो मग्गतो पक्खापक्खी सुण्णो वा । अहवा - इमो चउभंगो- पुरतो सावायं, नो पिट्ठतो । नो पुरतो, पिट्ठतो सावायं । पुरतो वि सावायं, पिट्ठतो वि सावातं । नो पुरतो नो पिट्ठतो सावातं । निब्भए “अव्वोच्चत्थं” गंतव्वं - पुरओ साधू, पिट्ठतो संजतीतो ॥

[भा. २४३९] भयणपदाण चतुण्हं, अन्नतरातेण संजतीसहिते ।

ओहतमनसंकप्पो, जो कुज्ज विहारमादीणि ॥

चू- संजतिसहिओ जति ओहियमणसंकप्पो विहरति ज्जा ॥

[भा. २४४०] सो आणा अणवत्थं, मिच्छत्त-विराधनं तथा दुविधं ।

पावति जम्हा तेणं, एते तु पदे विवज्जेज्जा ॥

चू- सो पुण किं ओहयमणसंकप्पो विहरति ? भण्णति-

[भा. २४४१] अद्धितिकरणे पुच्छा, किं कहितेणं अनिग्गहसमत्थे ।

दुक्खमणाए किरिया, सिट्ठे सत्तिं न हावेस्सं ॥

चू- ताओ ओहयमणसंकम्पं दडुं पुच्छंति, जेडुजो ? किं अधितिं सरेह ? ताहे संजतो भणेज्जा - जो निग्गहसमत्थो न भवति तस्स किं कहिएण ? ताहे संजतीओ भणंति - “दुक्खे अनाते किरिया न कज्जति, माए पुण दुक्खपडियारो सोढा, अप्पणो सत्तिं न हावेस्सं ॥ एवं भणिते तह वि गारवेण अकहेते संजतीतो इमं भणंति -

[भा.२४४२] अहं वि करेति अरती, सूइतदुक्खं इमं असीसंतं ।

इति अनुरत्तं भावं, नातुं भावं पदंसेति ॥

चू- असीसंतं अकहिज्जंतं । ताओ अमुगतभावाओ नाउं अब्भुद्धम्मो अप्पणो भावं दंसेति । आकारविकारं करेज्ज । एवं सपरोभय - समुत्थादोसा भवति ॥ किं चान्यत्-

[भा.२४४३] पंथे ति नवरि नेम्मं, उवस्सगादीसु एस चेव गमो ।

निस्संकिता हु पंथे, इच्छमनिच्छे य वावती ॥

चू- निब्भमेत्तं नेमं ताण पुरतो, नो उवस्सए वि ओहियमणसंकम्पेण अच्छियच्चं, संजती जइ इच्छति ताहे चारित्रविराहणा, जइ नो इच्छइ ताहे संजयस्स आयविराहणा, चिंताए वेहानसं करेज्ज ॥ कारणे-

[भा.२४४४] बित्थियपदमणप्पज्जे गेलण्णुवसग्ग-दुविधमद्धाने ।

उवध सरीर-तेणग, संभम-भय-खेत्त संक्रमणे ॥

चू- अणप्पज्जो ओहयमणसंकम्पो भवे ॥ गेलण्णे इमं-

[भा.२४४५] पाउग्गस्स अलंभे, एगागि-गिलाण खंतियादिसु वा ।

डंडिगमाउवसग्गा, मुच्चेज्ज कथं च इति चिंता ॥

चू- गिलाणपाउग्गं न लब्भति ताहे अधितिं करेज्ज । खंतियादिसु वा गिलाणीसु वा अधितिं करेज्ज । उवसग्गे इमं-डंडिएण उवसग्गिजंतो उवसग्गिजंतोसु वा चित्तं करेज्ज, उवसग्गे डंडिएण अप्पणो संजतीण वा उवसग्गे कीरंति कहं मुचेज्जामो त्ति चित्तं करेज्ज ॥

“उवही सरीरतेणग” त्ति अस्य व्याख्या-

[भा.२४४६] उवधी सरीर चारित्त भाव मुच्चेज्ज किह नुहु अवाया ।

ववसायसहायस्स वि, सयती चित्तं धितिमतो वि ॥

चू- उवधीतेणगा सरीरतेणगा य । संजतीण वा चारित्ततेणगा । कहिं एतेहिंतो अविग्घेण नित्थरेज्ज । एरिसे कज्जे समत्थस्स वि चित्तं सीदति ॥

[भा.२४४७] परिसंतो अद्धाने, दवग्गिभयसंभमं च नाऊणं ।

वोहियमेच्छभए वा, इति चिंता होति एगस्स ॥

चू- अद्धाने परिस्संतो तण्हा खुहत्तो वा अद्धानं कहं नित्थरेज्ज । दगवाहसंभमे अगिसंभमे भयादिसंभमे वा चिंता भवति । वोहियमेच्छभएण वा चिंतापरो भवेज्ज ॥

इदानिं “खेत्तसंकमेण” त्ति दारं-

[भा.२४४८] निग्गंथीणं गणधर-परुवणा खेत्तपेहणा वसधी ।

सेज्जातर वीयारे, गच्छस्स य आणणा दारा ॥

चू- एरिसो संजतीणं गणधरो भवति -

[भा.२४४९] पियधम्मे दढधम्मे, संविग्गेऽवज्ज ओयतेयंसी ।

संगहुवग्गह-कुसलो, सुत्तथविदू गणाधिपती ॥

चू- पियधम्मो नामेगे नो दढधम्मे । एवं चउभंगो । ततियभंगिल्लो गणधरो । संविग्गो दव्वे भावेय । दव्वे भिगो, भावेसाधू । संसारभउव्वग्गो मा कतो वि पमाण्ण छल्लिज्जीहामि त्ति सततोवउत्तो अच्छति । वज्जं पावं तस्स भीरू । ओयतेयस्सि त्ति ॥

[भा. २४५०] आरोह-परीणाहो, चितमंसो इंदियाइऽपडिपुण्णो ।

अह ओयो तेयो पुण, होइ अनोत्तप्पता देहे ॥

चू- उस्सेहो आरोहे भण्णति, वित्थारो परिणाहो भण्णति, एते जस्स दो वि तुल्ला, चियमंसोबलियसरीरो, इंदियपडिपुण्णो नो विपल्लिंदिओ, न चक्खुविगलादीत्यर्थः । अहेति-एस ओओ भण्णति । तेजो सरीरे । अणोत्तप्पता “त्रपूष” लज्जायां (अ) लज्जनीयमित्यर्थः । वत्थादिएहिं जो संगहकरो, ओसहभेसज्जेहिं उवग्गहकरो, क्रियापरो कुसलो, सुतथे जाणंतो विदू भण्णति । एरिसो गणाहिवती भण्णति ॥ गणधरपरूवणे त्ति दारं गतं ।

इदानिं “खेत्तपेहणे” त्ति दारं-

[भा. २४५१] खेत्तस्स उ पडिलेहा, कायव्वा होइ आनुपुव्वीए ।

किं वच्चती गणधरो, जो वहती सो तणं चरइ ॥

चू- खेत्तपडिलेहणकमो जो सो चेव आणुपुव्वी । संजतीणं खेत्तं संजतेहिं पडिलेहियव्वं नो संजनीहिं, तथ वि गणधरेण । चोदगाह - किं वच्चति गणधरो ? उच्यते - जो वहती सो तणं चरति । एवं जो गणभोगं भुंजति सो सव्वं गणचिंताभरं वहति ॥

[भा. २४५२] संजतिगमणे गुरुगा, आणादी सउणि-पेसि-पेळ्णता ।

तुच्छालोभेण य आसियावणादी भवे दोसा ॥

चू- संजतीओ खेत्तपडिलेहगा गच्छति, तो आयरियस्स चउगुरुं आणादिया य दोसा । जहा सउणी वीरल्लस्सउणस्स गंमा भवत, एवं ताओ वि दुइग्गम्माओ भवति । सव्वस्स अभिलसणिज्जा भवति, मंसपेसि व्व विसयत्थीहि य पेळ्ळिज्जति । तुच्छं स्वल्पं, तेन वि लोभिज्जति । आसियावणं हरणं, एवमादि दोसा भवति ॥

[भा. २४५३] तुच्छेण वि लोहिज्जति, भरुयच्छाहरण नियडिसहेणं ।

निंतनिमंतण वहणे, चेइयरूढाण अक्खिवणं ॥

चू- भरुयच्छे रूववतीतो संजतीओ दडुं आगंतुगवणियओ नियडिसह्हित्तणं पडिवण्णो, वीसंभिया गमणकाले पव्वत्तिणिं विन्नेवेति । वहणद्व्याणे मंगलद्वानंतादि विवत्तेमि, संजतीओ पड्वेह । पड्विविया । वहणे चेइयवंदणद्व्या आरूढा । पयट्टियं वहणं । “अक्खिवणं” ति एवं हरणदोसा भवति ॥ २४५३ ॥

[भा. २४५४] एमादिकारणेहिं, न कप्पती संजतीण पडिलेहा ।

गंतव्वं गणधरेणं, विहिणा जो वण्णित्तो पुव्विं ॥

चू- पुव्वति-ओहनिज्जुत्तीए । दारं । इदानिं “वसहि” दारं-

[भा. २४५५] घणकुड्डा सकवाडा, सागारिय भगिणिमाउ पेरंते ।

निप्पच्चवाय जोग्गा, विच्छिण्ण पुरोहडा वसथी ॥

चू- पक्किट्टगादि घणकुड्डा, सह कवाडेण सकवाडा, सेज्जातरमातुभगिणीणं जे घरे ते संजतिवसहीए पेरंतेण ठिता, दुट्टतेणगादि पच्चवाया नत्थि, महंत पुरोहडा य ॥

[भा.२४५६] णासण्ण नाइदूरे, विधवा-परिणतवयाण पडिसेवे ।

मज्झत्थ विकाराणं, अकुतूहलभाविताणं च ॥

चू- विहवा रंडा, प्रमहंता परिणतवया, मज्झत्था न कंदप्पसीला, गीतादिविगाररहितातो, संजतीण भोयणादिकिरियासु अकोतुआ, धम्मे साधुसाधुणीहिं वा भाविता एरिसा पडिसेवे सवासिणीओ ॥ वसहि त्ति गतं ॥ इदानिं “सज्जायरे” त्ति दारं-

[भा.२४५७] गुत्तागुत्तदुवारा, कुलपुत्ते सत्तिमंत गंभीरे ।

भीत परिसमद्वविते, अज्जासज्जायरे भणिता ॥

चू- कुलुपत्ते ति तिन्निपदा पढियसिद्धा ॥ सो य इमो-

[भा.२४५८] भोइय-महयरमादी, बहुसयणो पेळ्ळओ कुलीणो य ।

परिणतवओ अभीरू, अनभिग्गहितो अकोहल्ली ॥

चू- सत्तिमंतो महंतमवि पओयणं अज्ज वसही उप्पन्ने पओयणे अभिरू अनभिग्गहित-मिच्छंतो । सेसं कंठं ॥ इयाणिं “वीयारे” त्ति, अनावायमसंलोगादी चतुण्हं भंगाणं तेसिं कयमो पसत्थो ? तेसिं किं वियारभूमी ? अंतो पसत्था, बाहिं पसत्था ? भण्णति-

[भा.२४५९] वीयारे बहि गुरुगा, अंतो विय तइयवज्जते चेव ।

ततिए वि जत्थ पुरिसा, उवेंति वेसित्थियाओ य ॥

चू- उस्सग्गेण संजतीणं अंतो वियारभूमी, जइ बाहिं वियारभूमी गच्छंति तो आवरियस्स चउगुरुं । अंतो ततियभंगे अनुन्नायं, तत्थ विही-आवां अंतो वि सेसभगेसु चउगुरुं । ततिए वि जइ पुरिसा आवयंति वेसित्थियाओ य तहावि चउगुरुं ॥

[भा.२४६०] जत्तो दुस्सीला खलु, वेसित्थि नपुंस हेड्ड तेरिच्छा ।

सा तु दिसा पडिकुड्डा, पढमा बितिया चउत्थी य ॥

चू- परदारभिगामी दुस्सीला हेड्डोवासणहेउं जत्थ लोयकरा ठाअंति जत्थ य वाणरादि तिरिया बद्धा घिट्ठंति तत्थ इमे उवेंति ॥

[भा.२४६१] चार भड घोड मेंठा, सोलग तरुणा य जे य दुस्सीला ।

उब्भामित्थी वेसिय, अपुमेसु य एंति तु तदट्ठी ॥

चू- पंचालवट्टादि घोडा, सोला तुरगपरियट्टगा, उब्भामगवेसित्थिय अपुमेसु य तदट्ठिणो अन्ने वा आगच्छंति ॥ “हेड्ड” त्ति अस्य व्याख्या-

[भा.२४६२] हेड्डउवासणहेउं, नेगागमणम्मि गहण उड्डाहो ।

वानर मयूर हंसा, छगलग-सुणगादि-तेरिच्छा ॥

चू- गुज्जादेसोवासणहेउं ते जति उदिण्णमोहा संजति गेण्हंति तो उड्डाहो । “तेरिच्छि” त्ति अस्य व्याख्या- “वानर” पच्छद्धं । एते किल इत्थियं अभिलसंति ॥

[भा.२४६३] जइ अंतो वाघातो, बहिया सिं ततियया अनुण्णाता ।

सेसा नाणुन्नाया, अज्जाण वियारभूमीओ ॥

चू- बहिया वि इत्थियावातो ततियभंगो तो अनुण्णाओ ॥

इदानिं “गच्छस्स आणण” ति दारं-

[भा. २४६४] पडिलेहियं च खेतं, संजतिवग्गस्स आणणा होंति ।

निक्कारणम्मि मग्गतो, कारण पुरतो व समगं वा ॥

चू- जया खेत्ताओ खेतं संजतीतो संचारिज्जंति तदा निब्भए निराबाहे साधू पुरओ ठिता ताओ य मग्गतो ठिता आगच्छंति । भयातिकारणे पुण साधू पुरतो मग्गतो पक्खापक्खियं वा समंतओ वा ठिया गच्छंति ॥

[भा. २४६५] निष्पच्चवाय-संबंधि-भाविते गणधरप्पबितिय-ततिओ ।

नेति भए पुण सत्थेण, सद्धिं कतकरणसहितो वा ॥

चू- संजतीण संबंधिणो जे संजता तेहिं सहितो गणधरो अप्पबितिओ अप्पततिओ वा निष्पच्चवाए नेति । सपच्चवाए सत्थेण सद्धिं नेति । जो वा संजतो सहस्सजोही सत्थे वा कयकरणो तेन सहितो नेति ॥

[भा. २४६६] उभयद्वातिनिविद्धं, मा पेले वइणि तेन पुरएणे ।

तं तु न जुज्जति अवणय, विरुद्ध उभयं च जतणाए ॥

चू- एणे आयरिया भणंति - पुरतो वि ठिया संजतीतो गच्छंतु । किं कारणं ? आह - काइयसण्णानिवेद्धं संजयं मा वइणी पेलेहिति, सो वा वइणिं, तम्हा पुरओ गक्खंतुं ।” तं न जुज्जति । कम्हा ? तासिं अविणतो भणति, लोगविरुद्धं च । तम्हा उभयं जयणाए करेज्ज । का जयणा ? जत्थ एणो काइयं सण्णं वोसिरति तत्थ सव्वे वि चिद्धंति, ततो वि चिद्धंते दद्धुं मग्गतो चेव चिद्धंति, ताओ वि पिद्धतो सरीरच्चितं करेति । एवं दोसा न भवंति ॥

मू. (५७२) जे भिक्खू नायगं वा अनायगं वा उवासयं वा अनुवासयं वा अंतो उवस्सयस्स अद्धं वा रातिं कसिणं वा रातिं संवसावेइ संवसावेतं वा सातिज्जति ॥

मू. (५७३) जे भिक्खू नायगं वा अनायगं वा उवासयं वा अनुवासयं वा अंतो उवस्सयस्स अद्धं वा रातिं कसिणं वा रातिं पडियाइखइ न पडियाइक्खंतं वा सातिज्जति ॥

चू- “नायगो” स्वजनो, “अनायगो” अस्वजनः, “उवासगो” श्रावकः, इयरो अनुवासगो । “अद्धं” रातीए दो जामा, “वा” विकप्पेण एगं वा जामं, चउरो जामा कसिणा राती, वा विकप्पेण तिन्नि जामा । एगवसहिए संवासो “वसाहि” ति भणाति, अन्नं वा अनुमोदति । जो तं न पडिसेधेति, अन्नं वा अपडिसेधंतं अनुमोयति तस्स चउगुरु ।

[भा. २४६७] नातगमनातगं वा, सावगमस्सावगं च जे भिक्खू ।

अद्धं वा कसिणं वा, रातिं तू संवसाणादी ॥

चू- आणा अनवत्थिया दोसा ॥

[भा. २४६८] साधुं उवसमाणो, उवासतो सो वती य अवती वा ।

सो पुण नातग इतरे, एवऽनुवासे वि दो भंगा ॥

चू- साधुं उवासतीति उवासगो, थूलगपाणवहादि वता जेन गहिता सो वती, इयरो अवती । सो दुविहो वि सयणो असयणो य । एवं अनुवासए वि दो भंगा । “भंगा” इति प्रकारा



इत्यर्थः ।

इमं पुन सुतं इत्थि पडुच्च-

[भा.२४६९] इत्थि पडुच्च सुतं, सहिरण सभोयणे च आवासे ।

जति निस्सागय जे वा, मेहुण-णिसिभोयणे कुञ्जा ।

चू- जइ इत्थी उवसग्गे संवसति, सइत्थीओ वा पुरिसो, अनित्थीओ वा सहिरण्णो, गहियभत्तपाणो जो, एते साधुवसहीए आवासेति, रातो साधुं वा पडुच्च आगता वसधिठिया मेहुणं करेति रातो वा भुंजति, एएसु सुत्तणिवातो ङ्का । एतद्दोसविष्पमुक्के पुरिसे ङ्क ॥

कहं पुन अद्धराइए एगं वा जामं तिन्नि वा जामा संभवति ?-

[भा.२४७०] जति पत्ता तु निसीधे, पए व नितेसु अद्धमन्थरे ।

एगतरमुभयतो वा, वाघातेणं तु अद्धनिसिं ॥

चू- जइ अद्धरते वा एगम्भि वा जामे गते तिहिं वा जामेहिं गतेहिं पत्ता हवेज्ज “एगतर” ति गिहत्था संजता वा, “उभय” ति गिहत्था संजता य । एवं वाघायकारणेण वा अप्पणो वा रुतीए पए निग्गच्छंताण अद्धनिस्सादि संभवो भवति ॥ गिहिणा सह वसंताणं इमे दोसा-

[भा.२४७१] सागारिय अधिकरणे, भासादोसा य वालमातंके ।

आउय-वाघातम्भि य, सपक्ख-परपक्ख-तेणादी ॥

चू- काइयसण्णावोसिरणे उदगस्स अभावे कारणतो मोयायमणेण वा पादपमज्जणे वा सागारियं भवति, आउज्जोवणवणियादि अधिकरणं । अहवा - निंतानिंते चलणादिसंघट्टिते “अधिकरणं” कलहो हवेज्ज । जति संजति भासाहिं भासंति तो गिहत्था गेण्हंति । अह गारखिय भासाहिं भासति तो असंजतो वोलिंति । सो गिहत्थो सप्पेण खइतो आयंकेण वा मतो अधायुकालेण वा मतो ताहे संका ॥

[भा.२४७२] किंचण अट्ठा एएहिं, घातितो गहण-दोस-गमणं वा ।

अन्ने वा वि अवहिते, संका गहणादिया दोसा ॥

चू- नूनं एयस्स गिहत्थस्स किंचण आसि तं आयु संजएहिं उट्ठविओ, गेण्हणादिया दोसा । “सपक्खे” ति कोइ सेहो असेहो वा अब्भुद्धम्मो तं हिरण्णं जाणित्ता तं से हरिउं नासेज्जा । एयं गमणग्गहणं । “परपक्खे” ति सहिरण्णं जाणित्ता तं गिहत्थं अन्नो कोइ गिही हरेज्ज ताहे संजता संकिञ्जति । ताहे सो रायकुलं गुंतुं कहेज्ज, संजएहिं मे हिरण्णं आसियावियं । तत्थ गेण्हणादिया दोसा । आदिग्गहणातो वा उभयं हरेज्ज ॥ जम्हा एते दोसा-

[भा.२४७३] तम्हा न संवसेज्जा, खिप्पं निक्कामते तओ ते उ ।

जे भिक्खू न निक्खामे, सो पावति आणमादीणि ॥

चू- निक्खमणं निष्फेडणं, “ततो” ति आश्रयात्, ते इति गृहस्थाः साधूहिं वत्तव्वा “निग्गच्छह” ति ॥ भवे कारण-

[भा.२४७४] बितियपदं गेलण्णे, पडिणीए तेन सावयभए वा ।

सेहे अद्धाणम्भि य, कप्पति जतणाए संवासो ॥

चू- गिलाणट्ठा वेज्जो आनितो, पडिणीए वा उवह्वेतें कोति बिइज्जो आनिज्जति । एवं

तेनसावयभएसु वा सेहो वा जाव न पव्वाविज्जति, अद्धाणीए वा सह आगतं न निक्खामे  
“अद्धाणपवण्णा वा समगं पविट्ठा” ॥

[भा. २४७५] आगंतुगं तु वेज्जं, अन्नट्टाणासती य संवसते ।

पडिणीए तु गिहीणं, अल्लियति गिही व आनेति ॥

चू- गतार्थाः । जयमा जहा अधिकरणं उट्टाहादी न भवंति तहा जयंतीत्यर्थः ॥

मू. (५७४) जे भिक्खू नायगं वा अनायगं वा उवासयं वा अनुवासयं वा अंतो उवस्सयस्स  
अद्धं वा रातिं कसिणं वा रातिं संवासावेति, तं पडुच्च निक्खमति वा पविसति वा, निक्खमंतं वा  
पविसंतं वा सातिज्जति ॥

चू- “पडुच्च” ति जाहे सो गिहत्थो काइयादि निग्गच्छति ताहे संजतो वि चिंतते “एस काइयं  
गतो अहमवि एयन्निस्साए काइयं गच्छामि, उट्टावेति वा एहि, वच्चामो ।

[भा. २४७६] संवासे जे दोसा, निक्खमण-पवेसणम्मि ते चेव ।

नातव्वा तु मतिमता, पुव्वे अवरम्मि य पदम्मि ॥

चू- जे संवासे अधिकरणादी दोसा भवंति ते निग्गच्छंते वि ॥ इमे अधिकतरा-

[भा. २४७७] गिहिसहितो वा संका, आरक्खिगमादि गेण्णणादीया ।

उभयाचरणदवासति, अवण्ण-अपमज्जणादीया ॥

चू- गिहत्थसहितो ति काउं चोरपारदारिओ ति काउं संका भवति, ताहे दंडवासियादीहिं  
गेण्णणादी दोसा । काइयसण्णा-उभयं, तं वोसिरतो दवादि असतीए उट्टाहो लोगो अवण्णं भासति,  
पादथंडिलादी य न पम्जति संजमविराहणा ॥

मू. (५७५) जे भिक्खूरन्नो खत्तियाणं मुदियाणं मुद्धाभिसित्ताणं समवाएसु वा पिंड-नियरेसु  
वा इंद-महेसु वा खंद-महेसु वा रुद-महेसु वा मुगुंद-महेसु वा भूत-महेसु वा जक्ख-महेसु वा नाग-  
महेसु वा धूम-महेसु वा चेइय-मदहेसु वा रुक्ख-महेसु वा गिरि-महेसु वा दरि-महेसु वा अगड-  
महेसु वा तडाग-महेसु वा दह-महेसु वा नदि-महेसु वा सर-महेसु वा सागर-महेसु वा आगर-महेसु  
वा अण्मयरेसु वा तहप्पगारेसु विरूवरूवेसु महा-महेसु असनं वा पानं वा खाइमं वा साइमं वा  
पडिग्गाहेति, पडिग्गाहेतं वा सातिज्जति ॥

चू- खत्तिय इति जातिग्गहणं, मुदितो जाति-सुद्धो, पितिमादिण्ण अभिसित्तो मुद्धाभिसित्तो,  
समवायो गोड्ढिमत्तं, पिंडनिगरो दाइभत्तं, पिति-पिंडपदानं वा पिंडनिगरो, इंदमहो, खंधो स्कंद  
कुमारो, भागिनेयो रुद्रः, मुकुंदो बलदेवः, चेतितं देवकुलं, कहिं चि रुक्खस्स जत्ता कीरइ गिरिपव्वइए  
जत्ता, नागदरिगादि धाउवायविलं वा सेसा पसिद्धा । एतेसिं एगतरे महे जत्थ रन्नो असिया,  
पत्तेगं वा रन्नो भत्ते जो गेण्हति ज्जा ।

[भा. २४७८] समवायाई तु पदा, जत्तियमेत्ता उ आहिया सुत्ते ।

तेसिं असनादीणं, गेण्हंताऽऽणादिणो दोसा ॥

[भा. २४९] गणभत्तं समवाओ, तत्थ न कप्पं जहिं निवस्संसी ।

पितिकालो पिंडनिवेदणं तु निवनीयसामण्णो ॥

चू- पितृपिंडप्रदानकालो मथा (यथा) श्राद्धेषु भवति ॥

[भा. २४८०] इंदमहादीएसुं, उवहारे निवस्स जनवत्तपुरे वा ।

वितिमिस्सितो न कप्पति, भद्दग-पंतादि दोसेहिं ॥

चू-इंदादीणमहेसु जे उवहार निजंति बलिमादिया जनेन पुरेण वा, ते जइ मिवपिंडवइमिस्सितो न संकप्पति, भद्रपंतादिया दोसा ॥

[भा.२४८१] रन्नो पत्तेगं वा, वि होज्ज अहवा वि मिस्सिता ते तु ।

गहणागहणेगस्स उ, दोसा उ इमे पसज्जंति ॥

चू-अन्नसंतियं गेण्हंति, रन्नो संतियस्स अगगहणं । अह रन्नस्सेगसंतियस्स वा गहणे अगगहणे वि दोसा ॥ गहणे दुविधा - भद्द-पंतदोसा इमे-

[भा.२४८२] भद्दगो तण्णीसाएष पंतो घेप्पंत दड्डुणं भणति ।

अंतो घरे इच्छथ, इह गहणं दुड्डुधम्मोत्ति ॥

चू भद्दतो चिंतेति एएण उवाएण गेण्हंति ताहे अभिक्खणं समवायादिसंखडीतो करेति, लोणेण वा समं पत्तेगं वा । पंतो तत्थ समवायादिसु घेप्पंतं दड्डुणं भणति - अंतो मम घरे न इच्छथ इय मम संतियं जनवयभत्तेणसह गेण्ह, अहो ! दुड्डुधम्मो, ततो सो रुद्धो ॥

[भा.२४८३] भत्तोविधिवोच्छेदं, णिव्विसय-चरित्त-जीवभेदं वा ।

एगमनेगपदोसे कुज्जा पत्थारमादीणि ॥

चू-मत्तादी वोच्छेदं करेज्ज, मा एतेसिं को उवकरणं देज्ज, णिव्विसए वा करेज्ज, चरित्ताओ वा भंसेज्ज, जीवियाओ वा ववरोवेज्ज, एगस्स वा पदुस्सेज्ज अनेगाण वा । कुल-गण-संघे वा पत्थारं करेज्ज ॥ इमे अगहणे दोसा-

[भा.२४८४] तेसु अगेण्हंतेसू, तीसे परिसाए एवमुप्पज्जे ।

को जाणति कि एते, साधू धेत्तुं न इच्छंति ॥

चू-साधूहिं अगेण्हंतेहिं तीसे गोड्ढि परिसाए एवं चित्तमुप्पज्जति को पुन कारणं जाणेज्ज, किमित्तकस्माद्धेतोरित्यर्थः ॥

[भा.२४८५] इतरसिं गहणम्मी, निव-चोल्लग-वज्जणे जनासंका ।

जातीदोसं से ते, जाणंतागंतओ सो य ॥

चू-इयरे गोड्ढिजयणा तेसिं चोल्लगस्स गहणे निवचोल्लगस्स वज्जणे जणस्स आसंका भवति - एते साधु नूनं से हीनजाति ति जाणंति दोसं । सो य तत्थ आगंतुगो करकंडुवत् । जनेन घूसियं, रन्ना उवालद्धं, ताहे पदुद्धो भत्तोवहिवोच्छेदादिए दोसे करेज्ज ॥

[भा.२४८६] तम्हा न तत्थ गमणं, समवायादीसु जत्थ रन्नो उ ।

पत्तेगं वा भत्तं, अन्नेन जनेन वा मिस्सं ॥

चू-गोड्ढियसमवायभत्तेसु वा पत्तेयभद्दं कुलगणसम्मिस्सं वा रन्नो नो गेण्हे ॥

[भा.२४८७] वित्तियपदं गेलण्णे, निमंतणा दव्वदुल्लभे असिवे ।

ओमोयरियपदोसे, भए य गहणं अनुन्नातं ॥

चू-आगाढे गेलण्णे अन्नतो न लब्भति ताहे घेप्पंति, अभिक्खणं निमंतमाणस्स घेत्तुं पसंगं वारेंति, जं वा से नत्थि तं मग्गंति, दुल्लभं दव्वं च अन्नतो नत्थि, असिवगहिया अन्ने गिहा, नो रन्नो । ओमे रन्नो गेहे लब्भति, अन्नो अधिकतरो राया पदुद्धो, अन्नतो बोहिगादि भयं, एवमादिएहिं

कारणेहिं गहणं अनुन्नायं ॥

मू. (५७६) जे भिक्खू रन्नो खत्तियाणं मुदियाणं मुद्धाभिसित्ताणं उत्तर-सालंसि वा उत्तर-गिहंसि वा रीयमाणं असनं वा पानं वा खाइमं वा साइमं वा पडिग्गाहेति, पडिग्गाहेतं वा सातिज्जति ॥

चू-अत्यानिगादिमंडवो उत्तरसाला, हयगयाण वा साला उत्तरसाला, मूलगिहमसंबद्धं उत्तर-गिहं ।

[भा. २४८८] उत्तर-साला उत्तर-गिहा य रन्नो हवंति दुविधा तु ।  
गहणागहणे तत्थ उ, दोसा ते तं च बितियपदं ॥

[भा. २४८९] सालत्ति नवरि नेमं, उज्जाण-पवेसण सव्वहिं वज्जे ।  
सालाणं पुण गहणं, हतादि हितणट्टमासंका ॥

चू-निभमेत्तं “नेमं” उदाहरणमात्रं, हयादि हिते नट्टे वा संका भवति । कल्ले एत्थ संजया आगया, तेहिं हडं हडेतु वा अन्नेसिं कहियं, तेहिं वा हडं ॥ उत्तरसालागिहाणं” इमं वक्खाणं-

[भा. २४९०] मूलगिहमसंबद्धा, गिहा य साला य उत्तरा हीति ।  
जत्थ व न वसति राया, पच्छ कीरंति जावऽण्णे ॥

चू-जत्थ वा कीडा पुव्वं गच्छति न वसति ते उत्तरसालागिहा वत्तव्वा । जे वा पच्छ कीरंते ते उत्तरसालागिहा । एतेसु ठाणेसु मीसं अमीसं वा जो गेण्हति ते चेव दोसा । तं चेव पच्छित्तं । तं चेव बितियपदं ॥

मू. (५७७) जे भिक्खू रन्नो खत्तियाणं मुदियाणं मुद्धाभिसित्ताणं हय-सालागयाण वा गय-सालागयाण वा मंत-सालागयाण वा गुज्झ-सालागयाण वा रहस्स-सालागयाण वा मेहुण-सालागयाण वा असनं वा पानं वा खाइमं वा साइमं वा पडिग्गाहेति, पडिग्गाहेतं वा सातिज्जति ॥

चू-हयगयासालासु हयगयाण उवजेवण पिंडमानियं देति, तत्थ रायपिंडो अंतरायदोसो य सेससालासु पड्डा भत्ता । अहवा - सुत्ताऽभिहियसालासु ठितादीण अणाहादियाण भत्तं पयच्छंति । जो गेण्हति ज्जा ।

[भा. २४९१] हयमादी साला खलु, जत्तियमेत्ता उ आहिया सुत्ते ।  
गहणागहणे तत्थ उ, दोसा ते तं च बितियपदं ॥

चू-रन्नो रायपिंडो त्ति न गेण्हति, अननेसिं गेण्हति ? जे ईसरादिया दंसणपट्टगे आपणंति । अन्नेसिं तस्स गहणसंभवो भवति ॥

मू. (५७८) जे भिक्खू रन्नो खत्तियाणं मुदियाणं मुद्धाभिसित्ताणं सन्निहि-सन्निचयाओ खीरं वा दहिं वा नवनीयं वा सपिं वा गुलं वा खंडं वा सक्करं वा मच्छंडियं वा अन्नयरं वा भोयणजातं पडिग्गाहेति, पडिग्गाहेतं वा सातिज्जति ॥

चू-सन्निही नाम दधिखीरादि जंविणासि दव्वं, जं पुण घय-तेल्ल-वत्थ-पत्त-गुल-खंड-सक्कराइयं अविनासि दव्वं, चिरमवि अच्छइ न विणस्सइ, सो सचतो । विडं कृष्णलवणं, सामुद्रकादि उद्भिज्जं ।

[भा. २४९२] सन्निधिसन्निचयातो, कीरादी वत्थपत्तमादी वा ।

गहणागहणे तत्थ उ, दोसा ते तं च बितियपदं ॥

[भा.२४९३] ओदण-गोरसमादी, विनासि दब्बा तु सन्निधी होति ।  
सक्कुलि-तेल्ल-घय-गुला, अविनासी संचइय दब्बा ॥

चू- “सक्कुली” पर्पटिः ॥

मू. (५७९) जे भिक्खू रन्नो खत्तियाणं मुदियाणं मुद्धाभिसित्ताणं उस्सड्ड-पिंडं वा संसट्टपिंडं वा अनाह-पिंडं वा किविण-पिंडं वणीमग-पिंडं वा पडिग्गाहेति, पडिग्गाहेतं वा सातिज्जति तं सेवमाणे आवज्जइ चाउम्मासियं परिहारट्टाणं अनुग्घाइयं ॥

[भा.२४९४] ओसट्टे उज्झिय-धम्मिए उ संसट्टे सावसेसे सु ।  
वणिमग जातणपिंडो, अनाहपिंडे अबंधूणं ॥

चू- ऊसट्टे उज्झिय-धम्मिए । संसत्तपिंडो भुत्तावसेसं । वणिमगपिंडो नाम जो जायणवित्तिणो, दानादि फलं लवित्ता लभंति, तेसिं जं कडं तं वणिमगपिंडो भण्णति । अनाहा अबंधवा, तेसिं जो कओ पिंडो । एतेसिं जो गेण्हति ज्जा ॥

[भा.२४९५] एतेसामण्णतरं, जे पिंडं रायसंतियं गिण्हे ।  
ते चेव तत्थ दोसा, तं चेव य होइ बितियपदं ॥

चू- दोसा ते चेव, बितियपदं ॥

उद्देशकः-८ समाप्तः

मुनि दीपरत्नसागरेण संशोधिता सम्पादिता निशोथसूत्रे  
अष्टमोद्देशकस्य (निर्युक्ती युक्तं) भाष्यं, एवं चूर्णितः समाप्ता ।

उद्देशकः-९

चू- अट्टमुद्देसगस्स अंतमसुत्ते पत्थिवपिंडविचारो, इहावि नवमस्स आदिसुत्ते सो चेवाधिकतो । एस संबंधो

मू. (५८०) जे भिक्खू रायपिंडं गेण्हइ, गेण्हंतं वा सातिज्जति ॥

मू. (५८१) जे भिक्खू रायपिंडं भुंजइ, भुंजंतं वा सातिज्जति ॥

[भा.२४९६] पत्थिव-पिंडोऽधिकारो, अयमवि तस्सेव एस नवमस्स ।  
सो कतिविधोत्ति वा, केरिसस्स रन्नो विंवज्जो उ ॥

चू. सो कतिविहो पिंडो ? केरिसस्स वा रन्नो वज्जेयव्वो ॥

[भा.२४९७] जो मुद्धा अभिसित्तो, पंचहि सहिओ पभुंजते रज्जं ।  
तस्स तु डो वज्जो, तच्चिवरीयम्मि भयणा तु ॥

चू- सुद्धं परं प्रधानमाद्यमित्यर्थः, तस्स आदिराइणा अभिसित्तो मुद्धो मुद्धाभिसित्तो, सेनावइ अमच्च पुरोहिय सेट्ठि सत्थवाहसहिओ रज्जं भुंजति । एयस्स पिंडो वज्जणिज्जो । सेसे भयणा । जति अत्थ दोसो तो वज्जे, अह नत्थि दोसो तो नो वज्जे ॥

[भा.२४९८] मुदिते सुद्धभिसित्तो, मुदितो जो होति जोणितो सुद्धो ।  
अभिसित्तो च परेहिं, सयं च भरहो जधा राया ॥

चू- मुइए मुद्धाभिसित्ते । मुइते, नो मुद्धाभिसित्ते । नो मुइए, मुद्धाभिसित्ते । नो मुइते नो मुद्धाभिसित्ते । मुइतो जो उदितो उदियकुल-वंस-संभूतो, उभयकुलविसुद्धो, मुद्धाभिसित्तो मउडपट्टबंधेन पि [प] याहिं वा अप्पणा वा अभिसित्तो जहा भरहो । एस मुद्धाभिसित्तो ॥

[भा. २४९९] पढमग-भंगो वज्जो, होतु व मा वा वि जे तहिं दोसा ।

सेसेसु होति पिंडो, जहिं दोसा तं ववज्जति ॥

चू- पढमभंगो वज्जो, सेस-ति-भंगे अपिंडो, अपिंडे वि जत्थ दोसा सो वज्जणिज्जो ॥

राय-पिंडस्स इमो भेओ-

[भा. २५००] असनादिया चउरो, वत्थे पाए य कंबले चेव ।

पाउंछणगा य तथा, अट्टविहो राय-पिंडो उ ॥

[भा. २५०१] अट्टविध-राय-पिंडे, अन्नतरागं तु जो पडिगाहे ।

सो आणा अणवत्थं, मिच्छत्त-विराधनं पावे ॥

चू- अन्नतरं जो गेणहति क्का । आणादिया य दोसा ॥

[भा. २५०२] ईसर-तलवर-माडंबिएहिं सेट्टीहिं सत्थवाहेहिं ।

निंतेहि य अनिंतेहि य, वाघाओ होइ भिक्खुस्स ॥

[भा. २५०३] ईसरभोइयमादी, तलवरपट्टेण तलवरो होइ ।

वेंटणबद्धो सेट्टी, पच्चंतणिवो तु माडंबी ॥

चू- दश ऐश्वर्ये, ऐश्वर्येण युक्तः ईश्वरः, सो य गामभोतियादिपट्टबंधो । रायप्रतिमो चामरविरहितो तलवरो भण्णति । जम्भि य पट्टे सिरिया देवी कज्जति तं वेंटणगं, तं जस्स रन्ना अनुत्रातं सो सेट्टी भण्णति । जो छिण्णमंडवं भंजति सो माडंबिओ, पच्चंतविसयणिवासी राया माडंबिओ जो सरज्जे पररज्जे य पच्चभिण्णातो । सत्थं वाहेति सो सत्थवाहो ॥

[भा. २५०४] जा निति इंति तावऽच्छणे उ सुत्तादिभिक्खपरिहाणी ।

रीया अमंगलं ति य, पेला हणणा इहरथा वा ॥

चू- एतेहिं एवमादीएहिं पविसंतोहिं वा निक्खमंतोहिं वा वाघातो भिक्खुस्स भवति । आस-हत्थि-पाय ति-रहसंघट्टे पविसंतस्स भायणाणि भिज्जेज्ज । अन्नतरं वा इंदियाजायं लुसेज्ज । अह जाव ते अतिति निति वा ताव उदिकखंते तो सुत्तत्थभिक्खापरिहाणी य भवति । इरिओवउत्तस्स अभिधाओ भवति, आसादि निरिक्खंतस्स संजमविराधना, कस्स “अमंगलं” ति काउं अस्सादिणा पेळ्ळणं, कस्सादिणा वाघातं देज्जा । “इहरह” ति - जनसम्मद्दे अहाभावेणं पेळ्ळणं घातो वा भवे ॥ अहवा - तत्थिमे दोसा-

[भा. २५०५] लोभे एसणघातो, संका तेन नपुंस इत्थी य ।

इच्छंतमनिच्छंते, चातुम्मासा भवे गुरुगा ॥

[भा. २५०६] अन्नत्थ एरिसं दुल्लभं ति गेणहे अनेसणिज्जं पि ।

अन्नेन वि अवहरिते, संकेज्जति एस तेणो ति ॥

[भा. २५०७] वाघातो सज्जाए, सरीरवाघात भिक्खवाघातो ।

राखत्तिय चउभंगो, इत्थं वाघातदोसा य ॥

चू- रायकुलघरं पविड्ढस्स अंतेपुरियाहिं उक्कोसं दव्वं नीणियं, तं च अनेसणिज्जं । सो चिंतेति - अन्नत्थ एरिसं नत्थि, दुल्लभं वा दव्वं, ताहे लोभेण अनेसणिज्जं पि गेण्हेज्जा । “संका तेन” ति रन्नो वा घरे उच्छुद्धविप्पइण्णे अन्नेन वि अवहडे संजतो आराती ति संकिज्जति । लुद्धो वा अप्पणो चेव कए गेण्हेणादिया दोसा । अथवा - तेणगो चिंतेति - एतेण लिंगेण पवेसो लब्धिहिति, लिंगं काउं पविसेज्ज ॥ “नपुंसइत्थिय” ति अस्य व्याख्या-

[भा.२५०८] अलभंता पवियारं, इत्थि नपुंसा बला पि गेण्हंति ।  
आयरियकुल-गणे वा, संधे व करेज्ज पत्थारं ॥

चू- इत्थि-नपुंसा तत्थ निरुद्धेदिया विरहितोगासे बला वि साहू गेण्हेज्ज, जति पडिसेवति चरित्तविराहणा, अह तीए भणितो नेच्छति ताहे सा कूवेज्ज - एस मे समणो बला गेण्हति, तस्स पंतावणादिया दोसा । एवं आय-पर-उभयमुत्था य दोसा भवंति । अहवा - रुद्धो राया आयरिय-कुल-गण-संघ-पत्थारं करेज्ज ॥

[भा.२५०९] अन्ने वि होंति दोसा, आइण्णे गुम्परयणमादीया ।  
तन्नीसाए पवेसो, तिरिक्ख-मणुया भवे दुद्धा ॥

चू- रयणादि-आइण्णे गुम्भिय तिट्ठाणइल्ला अइभूमिं पविट्ठो तेहिं घेप्पइ हम्मति वा, तन्नीसाए वा अवहरणइ अन्नो पविसति, वाणरादि वा तिरिया दुद्धा तेहिं उवह्विज्जंति, अणारियपुरिसा वा दुद्धा वा हणिज्ज ॥ “आइण्णे” ति अस्य व्याख्या-

[भा.२५१०] आइण्णे रयणाइं, गेण्हेज्ज सयं परो व तन्नीस ।  
गोभिय-गहणा हणणा, रन्ना य णिवेदिते जे तु ॥

चू- रन्नो वावाओ, रन्नो वा उवन्नीए जं राय पंतावणाइ करिस्सति ॥

[भा.२५११] चारिय-चोराभिमरा, कामी पविसंति तत्थ तन्नीसा ।  
वाणर-तरच्छ-वग्घा, भिच्छादि-नरा व घातेज्जा ॥

चू- एते साधुणिस्साए पविसेज्ज । जति वि साहुस्स पवेसो अनुन्नातो तहा वि मेच्छमनुया अयाणंता धाएज्ज ॥ भवे कारणं-

[भा.२५१२] दुविधे गेलण्णम्मि य, निमंतणा दव्वदुल्लभे असिवे ।  
ओमोयरियपदोसे, भए य गहणं अनुन्नातं ॥

चू- आगाढं अनागाढं च । अनागाढे तिखुत्तो मग्गिऊण जति न लब्धति ताहे पनगपरिहाणीए जाहे चउगुरुं पत्तो ताहे गेण्हंति, आगाढे खिप्पमेव गेण्हति । “भिक्खं गेण्हाहि” ति निमंतिओ रन्ना, भणाति - “जइ पुणो न भणिहिसि तो गेण्हामो” निब्बंधे वा गेण्हति । दव्वं वा किं चि दुल्लभं तित्तमहातित्तगादी, असिवे वा अन्नतो अलब्भमाणे राजकुलं वा असिवेण नो गहियं तत्थ गेण्हति । ओमे वा अन्नतो अलब्भंते, अन्नम्मि वा असिवे, राया न पडुड्ढ, कुमारे वा, ताहे रन्नो धरातो अभिगच्छंते गेण्हति । बोहिग-मेच्छ-भए वा तत्थ ठितो गेण्हति । एवमादिएहिं कारणेहिं गहणं रायपिंडस्स अणुन्नातं ॥

मू. (५८२) जे भिक्खू रायंतेपुरं पविसति, पविसंतं वा सातिज्जति ॥

[भा.२५१३] अंतेउरं च तिविधं, जुण्ण नवं चेव कण्णगाणं च ।

एकैकं पि य दुविधं, सद्वाणे चैव परठाणे ॥

चू- रन्नो अंतेपुरं तिविधं - ण्हसियजोव्वणाओ अपरिभुज्जमाणीओ अच्छंति, एयं जुण्णंते-  
पुरं । जोव्वणयुत्ता परिभुज्जमाणेओ नवंतेपुरं । अप्पत्तजोव्वणाण रायदुहियाण संगहो कन्नंते-  
पुरं । तं पुण खेततो एकैकं दुविधं - सद्वाणे परद्वाणे य । सद्वाणत्थं रायघरे चैव, परद्वाणत्थं  
वसंतादिसु उज्जाणियागयं ॥

[भा. २५१४] एतेसामननतरं, रन्नो अंतेउरं तु जो पविसे ।

सो आणा अणवत्थं, मिच्छत्त-विराधनं पावे ॥

[भा. २५१५] दंडारक्खिय दोवारिहिं वरिसधर-कंचुइजेहिं ।

निंतेहि अनिंतेहि य, वाघातो चैव भिक्खुस्स ॥

चू- एतीए गाहाए इमं वक्खाणं-

[भा. २५१६] दंडधरो दंडारक्खिओ उ दोवारिया उ दारिद्धा ।

वरिसधर-बद्ध-चिप्पिति, कंचुगिपुरिसा तु महतरगा ॥

चू- दंडगहियग्गहत्यो सव्वतो अंतेपुरं रक्खइ । रन्नो वयणेण इत्थिं पुरिसं वा अंतेपुरं नीनेति  
पवेसेति वा, एस दंडारक्खितो । दोवारिया दारे चैव निविद्धा रक्खंति । वरिसधरा जेसिं जातमेत्ताण  
चैव दोभाउयाच्छेज्जं दाउणं गालिता ते वद्धिता । जातमेत्ताण चेद जेसिं मेलिंतेहिं चोतिआ ते  
चिप्पिसा । रन्नो आणत्तीए अंतेपुरियसमीवं गच्छंति, अंतेपुरियाणत्तीए वा रन्नो समीवं गच्छंति  
ते कंचुइया । जे रन्नो समीवं अंतेपुरियं नयंति आनेति वा रिउण्हायण्हातं वा कहं कहंति, कुवियं  
वा पसादेति, कहंति य रन्नो, विदिते कारणे अन्नतो वि जं अग्गतो काउं वयंति, ते महतरगा ॥  
अन्ने य इमे दोसा-

[भा. २५१७] अन्ने वि होंति दोसा, आइण्णे गुम्मरयणइत्थीओ ।

तन्नीसाए पवेसो, तिरिक्ख-मणुया भवे दुद्धा ॥

[भा. २५१८] सद्दाइ इंदियत्थोवओगदोसा न एसणं सोधे ।

सिंगारकहाकहणे, एगतुरुभाए य बहु दोसा ॥

चू- तत्थ गीयादिसद्दोवओगेण इरियं एसणं वा न सोहेति, तेहिं पुच्छितो सिंगारकहं कहेज्ज,  
तत्थ य आयपरोभयसमुत्था दोसा ॥ इमे परद्वाणे-

[भा. २५१९] बहिया वि होंति दोसा, केरिसिया कहण-गिण्णहादीया ।

गव्वो बाउसियत्तं, सिंगाराणं च संभरणं ॥

च- उज्जाणादिठियासुकोइ साधु कोउगेण गच्छेज्ज, ते चैव पुव्ववण्णिया दोसा, सिंगारकहाकहणे  
वा गेण्णहादिया दोसा, अंतेपुरे धम्मकहणेण गव्वं गच्छेज्ज, ओरालसरीरो वा गव्वं करेज्ज, अंतेपुरे  
पवेसे उब्भातितो ऽह्मि हत्थपादादिकप्यं करेते बाउसदोसा भवंति, सिंगारे य सोउं पुव्वरयकीलिते  
सरेज्ज । अहवा - ताओ दद्धं अप्पणो पुव्वसिंगारे संभरेज्ज, पच्छा पडिगमणादि दोसा हवेज्ज ॥

[भा. २५२०] बितियपदमणाभोगा, वसहि-परिक्खेव सेज्ज-संथारे ।

हयमाई दुद्धाणं, आवतमाणाण कज्जे व ॥

चू- अनाभोगेण पविट्ठो । अहवा - अंतेपुरं परद्वाणत्थं साधुणा न नातं - “एयाओ अंतेपुरिओ”



त्ति, पुव्वाभासेण पविट्टो अयाणंतो । अहवा - साहू उज्जाणादिसु ठिता, रायतेउरं च सव्वओ समंता आगतो परिवेडिय ठियं, अन्नवसहि - अभावे य तं वसहिं अंतेपुरं मज्जेण अतिंति निंति वा । अहवा - संथारगस्स पच्चप्पणहेउं पविट्टे । अहवा - सीह-वग्घ-महिसादियाण दुट्ठाण पडिनीयस्स वा भया रायंतेपुरं पविसेज्ज । अन्नतो नत्थि नीसरणोवातो, “कज्जे” ति कुल-गण-संधकज्जेसु वा पविसेज्ज, तत्थ देवी दट्टव्वा, सा रायाणं उपनेति ॥

मू. (५८३) जे भिक्खू रायंतेपुरियं वदेज्जा - “आउसो रायंतेपुरिए ! नो खलु अहं कप्पति रायंतेपुरं निक्खमित्तए वा पविसित्तए वा इमहं तुमं पडिग्गहणं गहाय रायंतेपुराओ असनं वा पानं वा खाइमं वा साइमं वा अभिहडं आहट्टु दलयाहि” जो तं एवं वदति वदेतं वा सातिज्जति ॥

चू- नीहरिय निष्क्राम्य, गृहीत्वा आहत्य मम ददातीत्यर्थः ।

[भा.२५२१] जे भिक्खू वएज्जाहि, अंतेउरियं न कप्पते मज्जं ।

अंतेउरमतिगंतुं, आहारपिंडं इहाणादी ॥

च- अंतेपुरवासिणो अंतेपुरिया रन्नो भारिया इत्यर्थः । इहेव बाहिं ठियस्स मम आहाराति अ नय ॥ इमे दोसा-

[भा.२५२२] गमनादि अपडिलेहा, दंडियकोवे हिरण्णसच्चित्ते ।

अभिओग-विसे हरणं, भिदे विरोधे य लेवकडे ॥

चू- गच्छंती आगच्छती य छक्कायविराहेज्ज, अपडिलेहिए य गमागमे भिक्खा न कप्पति, अपडिलेहिए वा भायणे गेण्हेज्ज, दंडिओ वा दट्टुं पदुसेज्ज, संकेज्ज वा अनायारं, हिरन्नादि वा किंचि तेणियं पच्छतीया तत्थ छुभेज्ज, पलंबादि वा सचित्तं छुभेज्ज, ओरालियसरीरस्स वा वसीकरणं देज्ज, अप्पणा पदुट्टा अन्नेन वा पउत्ता विसं देज्ज, भायणं वा हरेज्ज, अजाणंती वा भायणं भिंदेज्ज, खीरंवि हवी विरोहिदव्वे एकत्तो गेण्हेज्ज, पोग्गलादि वा संजमविरुद्धं गेण्हेज्ज, लेवाडेज्ज वा पत्तगवंधं ॥

[भा.२५२३] लोभे एसणघातो, संका तेणे चरित्तभेदे य ।

इच्छंतमनिच्छंते, चाउम्मासा भवे गुरुगा ॥

चू- उस्सोसगलोभेण एसणघातं करेज्ज, नूनं से उब्भामगो सकिंतो ज्जा, निस्संकिते मूलं, तेण्ठे वा संकेज्ज - किं पि हरिउं एयस्स पणामियं, आयपरोभयसमुत्थेहिं दोसेहिं चरित्तभेदो, अगारीए य बला गहिहे इच्छंते चरित्तभेदो, उट्टाहभया अनिच्छंतो ज्जा ।

[भा.२५२४] दुविधे गेलण्णम्मि, निमंतणा दव्वदुल्लभे असिवे ।

ओमोयरियपदोसे, भए सा कप्पते भणित्तुं ॥

मू. (५८४) जे भिक्खू नो वएज्जा, रायंतेपुरिया वएज्जा - “आउसंतो समणा ! नो खलु तुज्जं कप्पइ रायंतेपुरं निक्खमित्तए वा पविसित्तए वा आहरेयं पडिग्गहणं अतो अहं रायंतेपुराओ असनं वा पानं वा खाइमं वा साइमं वा अभिहडं आहट्टु दलयामि” जो तं एवं वदंती, पडिसुणेतं, पिडिसुणेतं वा सातिज्जति ॥

चू- साहूण आयरगोयरं जाणमाणी भणेज्ज-

[भा.२५२५] एसेव गमो नियमा, नायव्वो होति बितियसुत्ते वि ।

पुव्वे अवरे य पदे, दुविहे उवहिम्म वि तहेव ॥

चू- दुविहो उवही - ओहीओ उवग्गहितो । तत्थ वि एसेव गमो वत्तव्वो ॥

मू. (५८५) जे भिक्खू रत्तो खत्तियाणं मुदियाणं मुद्धासित्ताणं दुवारियं भत्तं वा पसुभत्तं वा भयग-भत्तं वा बल-भत्तं वा कयग-भत्तं वा हय-भत्तं वा रय-भत्तं वा कंतार-भत्तं वा दुब्भिक्ख-भत्तं वा दमग-भत्तं वा गिलाण-भत्तं वा वद्दलिया-भत्तं वा पाहुण-भत्तं वा पडिग्गाहेइ, पडिग्गाहेत्तं वा सातिज्जति ॥

[भा. २५२६] रन्नो दुवारमादी, भत्ता वुत्ता य जत्तिया सुत्ते ।  
गहणागहणे तत्थ, दोसा उ इमे पसज्जति ॥

[भा. २५२७] दोवारियपुव्वुत्ता, बलं पयादी पसु हयगयादी ।  
सेवग-भोइगमादी, कयऽकयवित्ती नव पुराणा वा ॥

[भा. २५२८] कंतार-निग्गताणं, दुब्भिक्खे दमग वरिसवद्दलिया ।  
पाहुणग अतिहियाए, सिया य आरोग्गसालितरं ॥

चू- दोवारिया दारपाला । बलं चउव्विहं-पाउक्कबलं आसबलं हत्थिबलं रहबलं । एतेसिं कयवित्तीण वा अकयवित्तीण वा णावालग्गण वा जं रायकुलातो पेइग्गादि भत्तं निग्गच्छति । कंताराते अडविनिग्गयाणं भुक्खत्ताणं जं दुब्भिक्खे राया देति तं दुब्भिक्खभत्तं, दमगा रंका तेसिं भत्तं दमगभत्तं, सत्ताहवद्दले पडंते भत्तं करेति राया अपुव्वाणं वा अविधीण भत्तं करेति राया । अहवा - रन्नो को ति पाहुणगो आगतो तस्स भत्तं आदेसभत्तं, आरोग्गसालाए वा “इतरमि” ति विणावि आरोग्गसालाए जं गिलाणस्स दिज्जति तं गिलाण-भत्तं ॥

[भा. २५२९] भद्दो तन्निस्साए, पंतो घेप्पंत दद्दुणं भणति ।  
अंतो घरे न इच्छह, इह गहं दुद्धधम्म ति ॥

[भा. २५३०] भत्तोवहिवोच्छेयं, निव्विसिय चरित्त-जीवभेदं वा ।  
एगमनेगपदोसे, कुज्जा पत्थारमादीणि ॥

[भा. २५३१] तेसु अगिण्हंतेसू, तीसे परिसाए एवमुप्पज्जे ।  
को जाणति किं एते, साहू घेत्तुं न इच्छंति ॥

[भा. २५३२] दुविहे गेलण्णम्मी, निमंतणा दव्वदुल्लभे असिवे ।  
ओमोयरियपदोसे, भए व गहणं अनुन्नात्तं ॥

मू. (५८६) जे भिक्खू रन्नो खत्तियाणं मुदियाणं मुद्धाभिसित्ताणं इमाइं छद्दोसाययणाइं अजाणिय अपुच्छिय अगवेसिय परं चउराय-पंचरायाओ गाहावति कुलं पिंडवायपडियाए निक्खमति वा पविसति वा निक्खमंतं वा पविसंतं वा सातिज्जति, तं जहा-कोड्डागार-सालाणि वा भंडागारसालाणि वा पाण-सालाणि वा खीर-सालाणि वा गंज-सालाणइ वा महानस-सालाणि वा ॥

चू- “इमे”त्ति प्रत्यक्षीभावे, षडिति संख्या, दोसाणं आययणं ठाणं निलए त्ति, अविज्ञाय भिक्षायै प्रविशति, चतुरात्रात् परतः, आदेशेन वा पंचरात्रात् परतः क्क, सपरिखेवातो अंतो पविसति, अंतातो वा बाहिरियं निग्गच्छति, धण्णभायणं कोड्डागारो, “भांडागारो” - हिरण्ण-

सुवण्णभायणं, जत्थ उदगादि पानं सा पाणसाला भण्णति, खीरघरं खीरसाला, जत्थ धण्णं दभिज्जति सा गंजसाला, उवक्खडणसाला महाणसो, पुव्वदिट्ठेपुच्छा, अपुव्वे गवेसणा, अपुच्छंतस्स ङ्का । इमा निज्जुत्ती-

[भा.२५३३] छदोसायतणे पुण, रन्नो अविजाणिऊण जे भिक्खू ।  
चउराय-पंचरायं, परेण पविसाणमादीणि ॥

[भा.२५३४] कोट्टागारा य तथा, भंडागारा य पानगारा य ।  
खीर-घर-गंज-साला, महानसाणं च छायतणा ॥

चू- जत्थ सण-सत्तरसाणि घण्णाणि कोट्टागारो । भंडागारो जत्थ सोलसविहाइं रयणाइं । पानागारं जत्थ पाणियकम्मं तो सुरा-मधु-सीधु-खंडगं-मच्छंडिय-मुद्धियपभित्तीण पानागणि । खीरघरं जत्थ खीरं-दधि-नवनीय-तक्कादीणि अच्छंति । गंजसाला जत्थ सण-सत्तरसाणि-धण्णाणि कोट्टिज्जति । अहवा - गंजा जवा ते जत्थ अच्छंति सा गंजसाला । महानससाला जत्थ असन-पान-खातिमादीणि नानाविहभक्खे उवक्खडिज्जति ॥ एतेसु इमे दोसा-

[भा.२५३५] गहणाईया दोसा, आययणं संभवो त्ति वेगट्ठा ।  
दिट्ठेयर पुच्छि गविसण गंजसाला उ कुट्टणिया ॥

चू- गहणादियाणं दोसाणं आययणं ति वा संभवट्ठाणं ति वा एगट्ठं, पुव्वदिट्ठे पुच्छा तत्थेव ताणि जत्थ पुरा आसीत्यर्थः, “इतरे”-अदिट्ठे गवेसणं-कवतियाणि ? कतोमुहाणि वा ? कम्मि वा ठाणे ? किं चिंधाणि वा ? शेषं गतार्थम् ॥

[भा.२५३६] पढमे बितिए ततिए, चउत्थमासावि चउगुरु अंते ।  
उच्चातो पढमदिने, बितिया एगेसि ता पंच ॥

चू- जत्थ पढमदिवसे न पुच्छति मासलहुं, बितियदिवसे न पुच्छति मासगुरुं, ततियदिवसे न पुच्छति चउलहुं ति । तिण्हं परेमं अंते त्ति चतुर्थदिवसे चउगुरुं । एगे भणंति - पढमदिने परिसंतो वक्खेण वा अपरिसंतो ताहे बितियदिणातो आरब्भ पंचदिने चउगुरुं, एवं चउराउ त्ति वुत्तं भवति ॥

[भा.२५३७] अहवा पढमे दिवसे, भिन्नमासादि पंचमे गुरुगा ।  
वीसादी व एगेसिं, परेण पंचण्ह दिवसाणं ॥

चू- पढमदिवसे भिन्नमासे ॥ ङ्का । पंचमे चउगुरुं ङ्का । अथवा - पढमदिने वीसादि ॥ ङ्का । छट्ठ दिवसे चउगुरुं, ङ्का । एवं सुत्ते वण्णियं पंच गता ॥ ततो परं-

[भा.२५३८] भद्देसु रायपिंडं, आवज्जति गहणमादिपंतेसु ।  
असिवे ओमोयरिए गेलण्णपदे य बितियपदं ॥

चू- भद्देसु रायपिंडदोसा, पंतेसु गेण्णदादयो दोसा, जे रक्खगा ते भद्दपंता । भद्दा भणंति - किं अज्जो ! अतिगता ? पंता चारिय चोर त्ति काउं पंतावणगेण्णदादी करेज्ज । बितियपदे असिवादियं पणगपरिहाणीए जइउं जाहे चउगुरुं पत्तो ताहे गेण्हेज्ज ॥

मू. (५८७) जे भिक्खू रन्नो खत्तियाणं मुदियाणं मुद्धाभिसित्ताणं अइगच्छमाणाण वा निग्गच्छमाणाण वा पयमवि चक्खुदंसणपडियाए अभिसंधारेत्ति, अभिसंधारेत्तं वा सात्ति-

जति ॥

चू-अतियानं प्रवेशः, बहिर्निर्गमो निर्याणं, चक्षुंसणाण ददुं प्रतिज्ञा । अथवा - चक्षुषा दर्शयामीति प्रतिज्ञा, एगपदं पि गच्छति तस्स आणादिया दोसा ।

[भा. २५३९] जे भिक्खू रातीणं, निग्गच्छंताण अहव निंताणं ।  
चक्खुपडियाए पदमवि, अभिधारे आणमादीणि ॥

चू-अतिति प्रविशंति, एकमवि पदं अभिधारेतो आणादिदोसे पावति ॥  
[भा. २५४०] संकप्पुद्धियपदभिदणे य दिट्ठेसु चैव सोही तु ।

लहुओ गुरुगो मासो, चउरो लहुगा य गुरुगा य ॥  
[भा. २५४१] मणउद्धियपदभेदे, य दंसणे मासमादि चतुगुरुगा ।

गुरुओ लहुगा गुरुगा, दंसणवज्जेसु य पदेसु ॥  
[भा. २५४२] पडिपोग्गले अपडिपोग्गले य गमणं नियत्तमं वा वि ।

विजए पराजए वा, पडिसेहं वा वि वोच्छेदं ॥

चू-“रायाणं पासामि” ति मनसा चिंतेति मासलहुं, उट्ठिते मासगुरुं, पदभेदे चउलहुं, दिट्ठे चउगुरुं । अहवा - बितियादेसेण - मनसा चिंतेति मासगुरुं, उट्ठिते चउलहुं, पदभेदे चउगुरुं, एगपदभेदे वि चउगुरुगा किमंग पुण दिट्ठे । आणादि विराधना भदंपंता दोसा य ।

जो भदतो सो पडिपोग्गले ति - साधुं दप्प्वा धुवा सिद्धि अच्छिउकामो वि गच्छइ ताहे अधिकरणं भवति, जं च सो जुज्जाति-करेस्सति, जति से जयो ताहे निच्चमेव संजए रतो काउं गच्छति । “अपडिपोग्गले” ति - इमेहिं लुत्तसिरेहिं वि दिट्ठेहिं कतो मे सिद्धि, गंतुकामो वि नियत्तेति । अह कहां वि गतो पराजिओ ताहे पच्चागतो पदूसति, पउट्ठो य जं काहिति भत्तोवकरणपव्वयंताण य पडिसेहं करेज्ज, उवकरणवोच्छेदं वा करेज्ज । अपहरतीत्यर्थः ॥

अहवा - इमे दोसा हवेज्ज-

[भा. २५४३] दडूण य रायट्ठिं, परीसहपराजितोऽत्थ कोती तु ।  
आसंसं वा कुज्जा, पडिगमणादीणि वा पदानि ॥

चू-आसंसा निदानं कुज्जा । अहवा - तस्समीवे अलंक्रियविभूसियाओ इत्थीओ ददुं पडिगमणं - अन्नतिथिणीं सिद्धपुत्तिं संजतीं वा पडिसेवति, हत्थकम्मं वा करेति । अहवा - कोइ ईसरपुत्तो कुमारो पव्वइतो, सो तं रायाणं थी-परिवुडं दडूण चिंतेइ - लद्धं लोइयं अम्हेहिं एरिसीणं नानुभूतं, ताहे पडिगच्छेज्जा ॥ भवे कारणं-

[भा. २५४४] वित्थियपदमणप्पज्जे, अभिधारऽविकोविते व अप्पज्जे ।  
जाणंते वा वि पुणो, कुल-गण-संघाइकज्जेसु ॥

चू-कुलादिकज्जे जइ राया पधाविओ ताहे न अल्लियंति मग्गतो गच्छति । एवं पडियरिऊण जतिते पडिपुग्गलादयो दोसा न भवंति तो जहिं ठिओ तहिं अल्लियंति ॥

मू. (५८८) जे भिक्खू रन्नो खत्तियाणं मुदियाणं मुद्धामिसित्ताणं इत्थीओ सव्वालं-कारविभूसियाओ पयमवि चक्खुदंसणपडियाए अभिसंघारेति, अभिसंघारेतं वा सातिजति ॥

[भा. २५४५] जे भिक्खू इत्थियाए, सव्वंकारभूसियाए उ ।

चक्रबुवडियाए पदमवि, अमिधारे आणमादीणि ॥

[भा.२५४६] मणउट्टियपयभेदे, य दंसणे मासमादि चतुगुरुगा ।  
गुरुओ लहुगा गुरुगा, दंसणवज्जेसु य पदेसु ॥

[भा.२५४७] केइत्थ भुत्तभोगी, अभुत्तभोगी य केइ निक्खंता ।  
रमणिज्जलोइयं ति य, अम्हं पेयारिसं आसि ॥

चू- भुत्तभोगिणो सति विभवे निक्खंता पुणो संभवता वच्चंति ॥

[भा.२५४८] पडिगमण अन्नतित्थिय, सिद्धी संजति सलिंगहत्थे य ।  
वेहानस ओहाणे, एमेव अभुत्तभोगी वि ॥

चू- पेढे पूर्ववत् । अभुत्तभोगी वि उप्पन्नकोउओ पडिगमणादी पदे करेज्ज ॥ किं चान्यत्-

[भा.२५४९] रीपाति अनुवओगो, इत्थी-नाती-सुहीणमचियत्तं ।  
अजित्तिदिय उट्टाहो, आवडणे भेद पडणं च ॥

चू- तन्निरिक्खंतो रीयाए अनुवउत्तो भवति, इत्थीए जे सयणा सयणाण वा जे सुहीणो तेसिं अचियत्त भवति, जहा से अनुरत्ता दिट्ठी लक्खिज्जति तथा से अंतगओवि भावो नज्जति अजिइंदिओ एवं उट्टाहो । तं निरिक्खंतो खाणगादिसु आवडेज्ज, भायणं वा भिंदेज्ज, सयं वा पडेज्ज, हत्थं पादंवा लूसेज्ज, आयविराधना ॥

[भा.२५५०] बितियपदमणप्पज्जे, अभिधारऽविकोविते व अप्पज्जे ।  
जाणंतो वा वि पुणो, मोह-तिगिच्छाइ-कज्जेसु ॥

चू- मोहतिगिच्छाए वसभेहिं समं अप्पसागारिए ठितो निरिक्खति ॥  
- सो इमं विधिमतिकंतो पासइ-

[भा.२५५१] निव्वीयमायतीए, दिट्ठीकीवो असारिए पेहे ।  
अद्धाणाणि व गच्छति, संवाहणमणादि दच्छंति ॥

चू- निव्वीतियादियं जाहे आतीतो ताहे अप्पसारिए दिट्ठितो दिट्ठीए कीवो पासति, जइ से पोगलपरिसाडो जाओ तो लट्ठं, अनुवसमंते संबाधादिए वा देच्छति, अद्धाणं गच्छेज्ज, तत्थ दच्छंति पदभेदे वि नत्थि पच्छित्तं ॥

मू. (५८९) जे भिक्खूरन्नो खतियाणं मुदियाणं मुद्धाभिसिताणं मंस-खायाणं वा मच्छखायाणं वा छवि-खायाणं वा बहिया निग्गयाणं असनं वा पानं वा खाइमं वा साइमं वा पडिग्गाहेइ, पडिग्गाहेतं वा सातिज्जति ॥

चू- भिगादिपारद्धिनिग्गता मंसखादगा - दह-नइ-समुहेसु मच्छखादगा, छवी कलमादिसंगा, ता खामो त्ति निग्गया उज्जाणियाए वा नियकुलाण ।

[भा.२५५२] मंस छवि भक्खणट्ठा, सव्वे उट्टनिग्गया समक्खाया ।  
गहणागहणे सत्थउ, दोसा ते तं च बितियपदं ॥

चू- तेसु छसु उट्टसु राइण निग्गताणं तत्थेव असन-पान-खाइमं-सातिमं उक्करेंति तडियकप्पडियाण वा तत्थेव भत्तं करेज्ज । तत्थ भदपंतादयो दोसा पूर्ववत् । अन्नेसिं गहणे, रन्नो अगहणे इमं वक्खाणं ॥

[भा.२५५३] मंसक्खाया पारद्धिनिग्गया मच्छ-गति-दह-समुहे ।

छवि-कलमादीसंगा, जे य फला जम्मि उय उडुम्मि ॥

चू- तत्थ गया पगते कारवेत्ति ॥

मू. (५९०) जे भिक्खू रन्नो खत्तियाणं मुदियाणं मुद्धाभिसित्ताणं अन्नयरं उववूहणियं समीहियं पेहाए तीसे परिसाए अनुड्डियाए अभिण्णाए अब्बोच्छिन्नाए जो तमन्नं पडिग्गाहेति, पडिग्गाहेतं वा सातिज्जति ॥

अह पुण एवं जाणेज्ज - “इहज्ज रायखत्तिए परिवुसिए” जे भिक्खू ताए गिहाए ताए पयसाए ताए उवासंतराए विहारं वा करेइ, सज्जायं वा करेइ. असनं वा पानं वा खाइमं वा साइमं वा आहारेइ, उच्चारं वा पासवणं वा परिट्टवेइ, अन्नयरं वा अणारियं पिहुणं अस्समण-पाउग्गं कहं कहेति, कहेतं वा सातिज्जति ॥

चू- क्षतात्त्रायन्तीति क्षत्रिया, अन्नतरग्गहणेन भेददर्शनं, शरीरं उपबृहयंतीति उपबृहणीया, समीहिता समीपमतिता, तं पुण पाहुडं, पेहाए प्रेक्ष्य । उववूहणिय ति अस्य पदस्य व्याख्या-

“अथे” त्ययं निपातः, उक्तः पिंडः, वसहिविसेसणो पुण सहो यथावक्ष्यमाणं एवं जाणेज्जा - “ज्ञा” अवबोधने, “इह” भूप्रदेशे “अज्जे” ति वर्तमानदिने, परिवुसे पर्युषिते वसतेत्यर्थः । जे भिक्खू तस्मिन् गृहे निकृष्टतरो अपवरकादि प्रदेशः, तस्मिन्नपि निकृष्टतरः खद्धास्थानं अवकाशः विहारादि करेज्ज तस्स ज्ज ।

[भा. २५५४] मेहा धारण इंदिय, देहाऊणि विवज्जए जम्हा ।

उववूहणीय तम्हा, चउव्विहा सा उ असनादी ॥

चू- शीघ्रं ग्रन्थग्रहणं मेघा, गृहीतस्याविस्मरणेन धृति धरिणा, सोर्तिदियमाइंदियाणं सविसए पाडवजणणं, देहस्सोपचओ, आउसंवट्टणं, जम्हा एते एवं उववूहति तम्हा उववूहणिया । सा य चउव्विहाअसणादि ॥ “तीसे परिसाए अनुड्डिए” ति अस्य व्याख्या-

[भा. २५५५] आसन्नमुक्का उड्डिये, भिन्न उ विनिग्गया ततो केई ।

वोच्छिन्ना सव्वे निग्गया उ पडिपक्खओ सुत्तं ॥

चू- जेणंतस्स रन्नो उववूहणिया आनिया, पिट्टओ ति वुत्तं भवति, तं जो ताए परिसाए अनुड्डिताए गेण्हति तस्स ज्जा । रायपिंडो चेव सो । आसणाणि मोत्तुं उद्धड्डिताए अचछंति, ततो केति निग्गता भिण्णा, असेसेसुं निग्गतेसु वोच्छिन्ना, एरिसे न रायपिंडो । पडिपक्खे सुत्तं - अनुड्डिताए अभिण्णाए अब्बोच्छिण्णाए इत्यर्थः ॥

[भा. २५५६] रन्नो उववूहणिया, समीहितो वक्खडा त दुविहा तु ।

छिन्नाच्छिन्ने तत्थ उ, दोसा ते तं च बितियपदं ॥

चू- उवक्खडा अनुवक्खडा य । ओदनकुसणादि उवक्खडा य, खीरदहिमादि अनुवक्खडा, सव्वेसु परिविट्ठेसु छिन्ना परिविस्समाणी अच्छिन्ना सा उववूहणिया । तीए परिसाए अनुवड्डिताए अभिण्णाए अब्बोच्छिन्नाए उववूहणियाए धेप्पमाणीए ते चेव भद्दपंते दोसा तं चेव बितियपदं ॥

[भा. २५५७] राया उ जहिं उसिते, तेसु पएसेसु बितियदिवसादि ।

जे भिक्खू विहरेज्जा, अहवा वि करेज्ज सज्जायं ॥

[भा. २५५८] असनादी वाहारे, उच्चारादीणि वोसिरेज्जा वा ।

सो आणा अणवत्थं, मिच्छत्त-विराधनं पावे ॥

चू- आणादिणो दोसा, तस्मिन् गृहे यस्मिन् राजा स्थितः आसीत्, ततो रायोच्छरियाओ रक्खिज्जति, तत्थ गहणादयो दोसा । अह उच्चारपासवणं परिट्ठवेति ताहे तमेव छन्नाऽऽ-विज्जति ॥

[भा.२५५९] पम्हुट्ट अवहए वा, संका अभिचारुगं च किं कुणति ।  
इति अभिनववुत्थम्मि, चिर वुत्थऽचियत्तगहणादी ॥

चू- तत्थ किं चि पम्हुट्टं । पम्हुट्टं नाम पडियं, वीसरियं वा किं चि होज्ज, अन्नेन वि अवहरिते संकिज्जति, पम्हुट्टस्स हरणवुद्धीए इंदियठिया उच्चाटण-वसीकरणामि, एस एत्थ ठितो अभिचारुअं करेति । अहिणवपवुत्थे एते दोसा, चिरपवुत्थ अपत्तियं, गहणादिया दोसु वि ।

[भा.२५६०] अहवा सचित्तकम्मे, दड्डुणोधारिते तु ते दिव्वे ।  
अत्थाणी वासहरे, निवण्णसंबाहिओ व ईह ॥

चू- तासु सचित्तकम्मासु वसहीसु अन्नारिसो भावो समुप्यज्जति-एत्थ अत्थाणि मंडवो, एत्थ से वासघरं, एत्थ निवण्णो, एत्थ संबाधितो, एवमादि ठाणा दड्डुं ॥

[भा.२५६१] भुत्तभुत्ताण तहिं, हवंति मोहुब्भवेण दोसा उ ।  
पडिगमणादी तम्हा, एए उ पए वि वज्जेजा ॥

चू- भुत्तभोगीण तं सुमरिउं मोहुब्भवो भवे, इतरेसिं कोउएण ॥ कारणेण-

[भा.२५६२] बितियपदमणप्पज्जे, उस्सण्णाइन्न-संभमभए वा ।  
जयणाएऽणुन्नवेत्ता, कप्पंति विहारमादीणि ॥

चू- अनवज्जो सव्वाणि वि करेज्ज, उस्सण्णं नाम न तत्थ कोति वावारं वहति, प्रोज्जितमित्यर्थः, आइण्णं - सव्वलोगो आयरति, अन्नवसहीए अभावे अग्गमादिसंभमे वा बोहिगादिभये वा जयणाए तप्पडियरगे अनुन्नवेत्ता विहारमादीणि करेति ॥

मू. (५९१) जे भिक्खू रन्नो खत्तियाणं मुदियाणं मुद्धाभिसित्ताणं बहिया जत्ता-संठियाणं असनं वा पानं वा खाइमं वा साइमं वा पडिग्गाहेइ, पडिग्गाहेंतं वा सातिज्जति ॥

मू. (५९२) जे भिक्खू रन्नो खत्तियाणं मुदियाणं मुद्धाभिसित्ताणं बहिया जत्ता-पडिनियत्ताणं असनं वा पानं वा खाइमं वा साइमं वा पडिग्गाहेइ, पडिग्गाहेंतं वा सातिज्जति ॥

चू- जाहे परविजयट्ठा गच्छति ताहे मंगलसंतिनिमित्तं दियादीण-भोयणं काउं गच्छति, पडिनियत्ता वि विजए संखडिं करेति ।

[भा.२५६३] जत्तुग्गतारादीमं, अहवा जत्ता उ पडिनियत्ताणं ।  
गहणागहणे तत्थ उ, दोसा ते तं च बितियपदं ॥

चू- गहणागहणे भट्टपंतदोसा, रन्नो न गेण्हंति अन्नेसिं गेण्हंति, अन्नेहिं वा अत्तट्ठियं गेण्हंति, ते चेव दोसा, तं चेव बितियपदं ॥

[भा.२५६४] मंगलममंगलिच्छा, नियत्तमनियत्तमे य अहिकरणं ।  
जावंतिगमादी वा, एमेव य पडिनियत्ते वी ॥

चू- जत्ताभिमुहस्स नियत्तस्स वा मंगलबुद्धीए अमंगलबुद्धीए वा । मंगलबुद्धीए गच्छति

पविसति वा, अमंगलबुद्धीए नगच्छति न वा गिहं पविसति । दुहा वि अधिकरणं । जावन्तियमादीणि वा दोसेण दुद्धं भत्तं गेण्हेजा ॥

मू. (५९३) जे भिक्खू रन्नो खत्तियाणं मुदियाणं मुद्धामिसित्ताणं नइ-जत्ता-पड्डियाणं असनं वा पानं वा खाइमं वा साइमं वा पडिग्गाहेइ, पडिग्गाहेतं वा सातिज्जति ॥

मू. (५९४) जे भिक्खू रन्नो खत्तियाणं मुदियाणं मुद्धाभिसित्ताणं नइ-जत्ता-पडिणियत्ताणं असनं वा पानं वा खाइमं वा साइमं वा पडिग्गाहेइ, पडिग्गाहेतं वा सातिज्जति ॥

मू. (५९६) जे भिक्खू रन्नो खत्तियाणं मुदियाणं मुद्धाभिसित्ताणं गिरि-जत्ता-पडिनियत्ताणं असनं वा पानं वा खाइमं वा साइमं वा पडिग्गाहेति, पडिग्गाहेतं वा सातिज्जति ॥

[भा. २५६५] गिरिजत्तपड्डियाणं, अहवा जत्ताओ पडिनियत्ताणं ।

गहणागहणे तत्थ उ, दोसा ते तं च बितियपदं ॥

[भा. २५६६] गिरिजत्ता गयगहणी, तत्थ उ संपड्डिया नियत्ताणं ।

गहणागहणे तत्थ उ, दोसा ते तं च बितियपदं ॥

चू- चारिबंधं हत्थिगहणी तीए गच्छति ॥

मू. (५९७) जे भिक्खू रन्नो खत्तियाणं मुदियाणं मुद्धाभिसित्ताणं महाभिसेयंसि वट्टमाणांसि निक्खमति वा पविसति वा, निक्खमंतं वा पविसंतं वा सातिज्जति ॥

चू- जे त्ति निद्देसे, भिक्खू पुव्ववण्णिओ, “राजू दीसो”, ईसरतलवरमादियाणं अभिसेगाणमहंततरो अभिसेयो महाभिसेओ, अधिरायत्तेण अभिसेयो, तम्मि वट्टंते जो तस्समीवेण मज्झेण वा निक्खमति वा तस्स आणादी दोसा ॥

[भा. २५६७] रन्नो महाभिसेगे, वट्टंते जो उ निक्खमे भिक्खू ।

अहवा वि पविसेजा, सो पावति आणमादीणि ॥

[भा. २५६८] मंगलमंगले वा, पवत्तण निवत्तणे य थिरमथिरे ।

विजए पराजए वा, वोच्छेयं वा वि पडिसेहं ॥

चू- मंगलबुद्धीए पवत्तण अधिकरणं, अमंगलबुद्धीए नियत्तणे अधिकरणदोसा, वोच्छेदादिया य, जइ से थिररज्जं विजओ वा जातो पुणो पुणो मंगलिएसु अत्थेसु साहवो तत्थ ठविज्जंति अधिकरणं च । अथिरे पराजए वा वोच्छेदं पडिसेहं वा, निव्विसयादि करेज्ज । अहवा -

[भा. २५६९] दडूण य रायहिं, परीसह-पराजिओऽत्थ कोई तु ।

आसंसं वा कुजा, पडिगमणाईणि व पयाणि ॥

[भा. २५७०] बितियपदमणप्पज्जे, अभिचारऽविकोविते व अप्पज्जे ।

जाणंते वा वि पुणो, अनुन्नवणादीहिं कज्जेहिं ॥

चू- काए विधीए अनुन्नवितव्वो ? किं पुव्वं पच्छा मज्जे अनुन्नवेयव्वो ? उच्यते-

[भा. २५७१] नाउणमणुननवणा, पुव्वि पच्छा अमंगलमवण्णा ।

उवओगपुच्छिऊणं, न नाए मज्जे अनुणवणे ॥

[भा. २५७२] ओहादीयाभोगिणि, निमित्तविसएण वा वि नाऊणं ।

भद्दे पुव्वाणुण्णा, पंतमणाए य मज्झम्मि ॥



चू- ओहिमादिणा नाणविसेसेण आभोगिनिविजाए वा अवितहनिमित्ते वा उवउज्जिऊण, अप्पणो असति अन्नं वा पुच्छिऊणं थिरंति रज्जं नाऊणं अनुन्नवणा पुव्विं भवति । अथिरं वा रज्जं नाऊणं पुव्विं अनुन्नाविज्जंतो अमंगलबुद्धी वा से उप्पज्जति, पच्छा अवज्ञाबुद्धी उप्पज्जति, ओहिमादिनामाभावे वा मज्झे अनुन्नवेति ॥

[भा.२५७३] अनुन्नविते दोसा, पच्छा वा अप्पियं अवण्णो वा ।

पंतं पुव्वममंगल, निच्छुभण पओस पत्थारो ॥

चू- मम रज्जाभिसेए अट्टारस पगतीओ सव्वपासंडा य अग्वे घेत्तुमागया इमे सेयभिक्खुणो पागता तं एते अप्पथद्धा आलोकज्ञा । अहवा-अहमेतेसिं अप्पिओ, निव्विसयादी करेज्ज, पच्छा वि अवज्ञादोषा भवंति, पुव्वं अमंगलदोसो, तम्हा ते अनुन्नवेयव्वा ॥

[भा.२५७४] आभोएत्ताण विदू, पुव्विं पच्छा निमित्तविसेण ।

राया किं देमि त्ति य, जं दिन्नं पुव्वरादीहिं ॥

चू- धम्मलाभेत्ता भणंति - अनुजाणह पाउग्गं, ताहे जइ जाणति पाउग्गं, भद्दग वा ताहे भणाति - जाव अनुन्नायं । अयाणगो राया भणाति - किं देमि ? ताहे साहवो भणंति - जं दिन्नं पुव्वरातीहिं ॥

[भा.२५७५] जाणंतो अनुजाणति, अजाणतो भणाति तेहि किं दिन्नं ।

पाउग्गं ति य वुत्ते, किं पाउग्गं इमं सुणसु ॥

चू- किं दिन्नं पुव्वरातीहिं ? साहवो भणंति - इमं सुणसु-

[भा.२५७६] आहार उवहि सेज्जा, ठाण निसीयण तुयद्द-गमणादी ।

थी-पुरिसाण य दिक्खा, दिन्ना ने पुव्वरादीहिं ॥

[भा.२५७७] भद्दो सव्वं वितरति, दिक्खावज्जमनुजाणते पंतो ।

अनुसट्ठातिमकाउं, निंते गुरुगा य आणादी ॥

चू- पंतो भणाति-मा पव्वावेह, सेसं अनुण्णायं, जइ तुब्भे सव्वं लोगं पव्वावेह, किं करेमो ? एवं पडिसिद्धा अनुसट्ठादी अकाउं ततो रज्जातो णिंति चउगुरुं, आणादिणो ॥ इमे य दोसा-

[भा.२५७८] चेइय-सावग-पव्वतितकामअतरं-बाल-वुट्ठा य ।

चत्ता अजंगमा वि य, अभत्ति तित्थस्स हानी य ॥

चू- एते सव्वे परिचत्ता भवंति, चेतियतित्थकरेसु अभत्ती, पवयणे हानी कता, एत्थ पडिसिद्धं अन्नत्थ वि पडिसिद्धं, एवं न कोति पव्वयति एवं हानी ॥

[भा.२५७९] अच्छंताण वि गुरुगा, अभत्ति तित्थे य हानी जा वुत्ता ।

भणमाण भाणवेत्ता, अच्छंति अनिच्छे वच्चंति ॥

चू- पडिसिद्धे वि अच्छंताण चउगुरुं । अन्नत्थ वि भविय जीवा बोहियव्वा । ते न बोहेति । अउ तत्थ अच्छंता सयं भणंता अन्नेहि य भणाविता किं चि कालं उ दिक्खंति, सव्वहा अनिच्छंते अन्नरज्जं गच्छंति ॥

[भा.२५८०] संदिसह य पाउग्गं, दंडिगो निक्खमण एत्थ वारेति ।

गुरुगा अनिग्गमम्मी, दोसु वि रज्जेसु अप्पबहुं ॥

चू- “पुव्वभणियं तु जं भण्णाति - कारग-गाहा” एत्थ पिडसेहे देसाणुन्ना । का अनुन्ना ?  
इमा, “दोसु वि रज्जेसु अप्पबहु” त्ति - तस्स दो रज्जे हवेज्ज ॥

[भा. २५८१] एकह्नि विदिण्ण रज्जे, रज्जे एगत्थ होइ अविदिन्नं ।  
एगत्थ इत्थियाओ, पुरिसज्जाता य एगत्थ ॥

चू- अहवा - सो भणेज्ज - मम दो रज्जे, एगत्थ पव्वातेह, एगत्थ मा । तत्थ साहवो रज्जेसु  
अप्पबहुं जाणिरूण जत्थ बहुय पव्वयंति तत्थ गच्छंति । अहवा - एगत्थ रज्जे इत्थियाओ अब्भुणुन्नाया,  
एगत्थ पुरिसा, दोसु वि रज्जेसु एगतरं वा ॥

[भा. २५८२] तरुणा धेरा य तहा, दुग्गयगा अट्ठगा य कुलपुत्ता ।  
जवयगा नागरगा, अब्भंतरबाहिरा कुमरा ॥

चू- अहवा - भणेज्ज - धेरे पव्वावेह, मा तरुणे । अहवा - मा धेरा, तरुणा । दुग्गए पव्वावेह,  
मा अट्ठे । अहवा - अट्ठे मा, दुग्गते । कुलपुत्ते-कुलपुत्तगहणाओ सुसीला, सुसीले पव्वावेह, मा  
दुस्सले । अहवा - दुस्सीले, मा सुसीले । एवं जानपदा, नागरा, नगरब्भंतरा, बाहिरा, कुमारा  
अकतदारसंगहा ॥

[भा. २५८३] ओहीमाती नातुं, जे दिक्खमुवेत्ति तत्थ बहुगा उ ।  
ते वेत्ति समनुजाणसु, असती पुरिसे य जे य बहु ॥

चू- असति त्ति ओहिमादीण, पुरिसे पव्वावेत्ति जो वा थी-पुरिसादियाण बहुतरो वग्गो तं  
पव्वावेत्ति ॥

[भा. २५८४] एताणि वितरति तर्हि, कम्मघण कक्खडो उ निव्विसए ।  
भरहाहिवो नऽसि तुमं, पभवामी अप्पणो रज्जे ॥

चू- कोत्ति एयाणि वितरति, कोत्ति पुण अतिपंतो “कम्मघणो” त्ति - कम्मबहुलो “कक्खडो”  
तिव्वक्कम्मोदए वट्ठमाणो निव्विसए आणवेज्ज । तत्थ पुलागलद्धिमादिणा वत्तव्वं - भरहाहिवो  
नऽसि तुमं । सो भणति - जइ वि णो भरहाहिवो तहावि अप्पणो रज्जे पभवामि ॥

सो पुण णिव्विसए इमेण कज्जेण करेति-

[भा. २५८५] दिक्खेहिं अच्छंता, अमंगलं वा मए इमे दिट्ठा ।  
मा वा न पुणो देच्छं, अभिक्खणं चेति निव्विसए ॥

चू- मा अच्छंता दिक्खेहिं, अमंगलं वा, इमे मए दिट्ठा मा पुणो अभिक्खणं देच्छामि,  
एतेण कारणेण निव्विसए ॥ भणति तत्थ-

[भा. २५८६] अनुसट्ठी धम्मकहा, विज्जनिमित्ते पभुस्स करणं वा ।  
भिक्खे अलब्भाणे, अट्ठाणे जा जहिं जयणा ॥

चू- अनुसट्ठी धम्मकहा विज्जा-मंत-निमित्तादिएहिं उवसामिज्जति । अनुवसमंते जति पभूतो  
करणं करेति ॥

[भा. २५८७] वेउव्वियलद्धी वा, ईसत्थे विज्जओरसबली वा ।  
तवलद्धि पुलागो वा, पेत्थेति तमेतरे गुरुगा ॥

चू- जहा भगवया “विण्हुणा” अनगारेण, ईसत्थए क जो कयकरणो, विज्जासमत्थो वा

जहा “अञ्जखउडो”, सहस्सजोही वा उरस्सबलेण जुत्तो, तवसा वा जस्स तेलञ्ची उप्पणा, पुलागलञ्ची वा एरिसो समत्थो वंधिता पुत्तं सरञ्जे ठवेति ।

अहवा-अप्पणा वट्टावेति जावरायपुत्तो जोग्गो लद्धो । इतरो पुण असमत्थो जइ पेलेति तो चउगुरुगा । अनुवसमंते निग्गंतव्व, निग्गएहिं उग्गुमुप्पायणेसणासुद्धं भुंजतेहिं गंतव्वं, जाहे न लब्भइ ताहे पणगपरिहाणीए जतितुं घेप्पति, अद्धाणे जा जयमा वुत्ता सा जयणा इहा वि दट्टव्वा।

**मू. (५९८)** जे भिक्खू रन्नो खत्तियाणं मुदियाणं मुद्धाभिसित्ताणं इमाओ दसअभिसेयाओ रायहानिओ उद्धिद्धाओ गणियाओ वंजियाओ अंतो मासस्स दुक्खुत्तो वा तिक्खुत्तो वा निक्खमति वा पविसति वा, निक्खमंतं वा पविसंतं वा सातिज्जति । तं जहा-चंपा महुरा वाणारसी सावत्थी साएयं कंपिल्लं कोसंबी मिहिला हत्थिणपुरं रायगिहं वा ॥

**चू-** “इमा” प्रत्यक्षीभावे, दस इति संख्या, राईण ठाणं रायधाणि त्ति उद्धिद्धातो, गणियाओ दस, देजियाओ नामेहिं, अंतो मासस्स दुक्खुत्तो तिक्खुत्तो वा निक्खम-पवेसं करंतेस्स इ ।

[भा.२५८८] दसहिं य रायहाणी, सेसाणं सूयणा कया होइ ।

मासस्संतो दुग-तिग, ताओ अतितम्मि आणादी ॥

**चू-** अत्राओ वि नयरीओ बहुजनसंपगाढाओ नो पविसियव्वं ॥ इमा सूत्रस्य व्याख्या-

[भा.२५८९] इम इति पच्चक्खम्मी, दस संखा जत्थ राइणो ठाणा ।

उद्धिद्ध-रायहाणी, गमिता दस वंज चंपादी ॥

**चू-** नामेहिं वंजियाओ चंपादि ॥

[भा.२५९०] चंपा महुरा वाणारसी य सावत्थिमेव साएतं ।

हत्थिणपुर कंपिल्लं, मिहिला कोसंबि रायगिहं ॥

**चू-** बारसचक्कीण एया रायहाणीओ ॥

[भा.२५९१] संती कुट्टू य अरो, तिन्नि वि जिनचक्की एक्कहिं जाया ।

तेन दस होंति जत्थ व, केसवजाया जणाइण्णा ॥

**चू-** जासु वा नगरीसु केसवा अन्ना वि जा जणाइण्णा सा वि वज्जणिज्जा ॥ तत्थ को दोसो ?

[भा.२५९२] तरुणा वेसित्थि विवाहरायमादीसु होति सतिकरणं ।

आउज्ज-गीयसद्दे, इत्थीसद्दे य सविचारे ॥

**चू-** तरुणे ण्हातविलित्ते थीगुम्पपरिवुडे दट्टूण, वेसित्थीओ उत्तरवेउव्वियाओ, वीवाहे य विवाहरिद्धिसमिद्धे आहिंडमाणो, रायाऽनेयविविहरिद्धिजुत्ते निंतानिते दट्टुं भुत्तभोगीणं सतिकरणं, अभुत्ताणं कोउयं पडिगमणादी दोसा । आदिसद्दातो बहु नडनड्दादि आओज्जाणि वा ततविततादीणि गीयसद्दाणि वा ललिय-विलासहसिय-भणियाणि, मंजुलाणि य इत्थीसद्दाणि, सविगारगगहणातो मोहोदीरगा ॥

[भा.२५९३] रूवं आभरणविहिं, वत्थालंकार भोयणे गंधे ।

मत्तुम्मत्तविउव्वण, वाहण-जाणे सतीकरणं ॥

**चू-** सिंगारागाररूवाणि, हारऽद्धहारादिया आभरणविधी, वत्था “आजीनसहिणादिया” सत्तमुद्देसगाभिहिता, केसपुप्फादिअलंकारो, विविधं वंजणोववेयं भोयणजायं भुंजमाणं पासित्ता,

मिगंड-कम्पूरागरु-कुंकुमचंदण-तुरुक्खादि ए गंधे, तथा मत्ते विलोलधोलंतनयमे, उत्त प्राबल्येन मत्ते उन्मत्ते दरमत्तो वा उन्मत्तो, विविधवेसेहिं विउब्बिया, आसादिवाहणारूढा, सिबियादि एहिं जाणेहिं गच्छामामे पासित्ता, सतिकरणादि एहिं दोसेहिं संजमाओ भजेज्ज । अहवा - वेहनसं गद्धपट्टं वा करेज्ज ॥ इमे य विराधनादोसा-

[भा. २५९४] हय-गय-रह-सम्मद्दे, जणसम्मद्दे य आयवावत्ती ।

भिक्षु वियार विहारे, सज्जायज्जाणपलिमंथो ॥

चू- हय-गय-रह-जाणसम्मद्देण आयविराहणा भवेत बहुजणसम्मद्देण रोहिय-रत्थासु दिक्खंतस्स भिक्षुवियारे विहारेसु सज्जाएसु य पलिमंथो अच्चाउले ज्ञाणपलिमंथो ॥

जम्हा एते दोसा तम्हा एत्थ न गंतव्वं । भवे कारणं-

[भा. २५९५] बित्तियपदे, असिवादी, उवहिस्स वा करणे व लेवस्स ।

बहुगुणतरं च गच्छे, आयरियादि व्व आगाढे ॥

चू- अन्नो असिवं तेन अतिगम्मति, उवही वा अन्नओ न लब्भति, तत्थ सुलभो लेवो, गच्छवासीण वा तं बहुगणं खेतं, आयरियाण वा तत्थ जवणिज्जं पाउगं वा लब्भति । आदिसद्दाओ बाल-वुद्ध-गिलाणाण वा अन्नतरे वा आगाढे पओयणे ॥ अहवा-

[भा. २५९६] रायादि-गाहणद्दा, पदुद्ध-उवसामणद्ध-कजे वा ।

सेहे अतिच्छंता, गिलाण वेज्जोसहद्दा वा ॥

चू- रन्नो धम्मगाहणद्दा । रन्नो अन्नस्स वा पदुद्धस्स उवसमद्दा । सेहो वा तत्थ ठितो सण्णायगाण य अगम्मो, तम्मज्जेण वा गच्छिउकामो, गिलाणस्स वा वेज्जोसह - निमित्तं ॥

मू. (५९९) जे भिक्षू रन्नो खत्तियाणं मुदियाणं मुद्धाभिसित्तामं असनं वा पानं वा खाइमं वा साइमं वा परस्स नीहडं पडिग्गाहेति, पडिग्गाहेतं वा सातिज्जति । तं जहा-खत्तियाण वा राईण वा कुराईण वा राय-संसियाण वा राय-पेसियाण वा ॥

चू- क्षतात् त्रायन्तीति क्षत्रिया आराक्षकेत्यर्थः, अधिवो राया, कुस्सितो राया कुराया ।

अहवा-पच्चंत-नि कुराया, जे एतेसिं चेव प्रेष्या पेसिता, एतेसिं मीहडं-निसडुं-दत्तमित्यर्थः ।

[भा. २५९७] खत्तियमादी ठाणा, जत्तियमेत्ता उ आहिया सुत्ते ।

तेसू नीहड-गहणे, दोसा ते तं च बित्तियपदं ॥

मू. (६००) जे भिक्षू रन्नो खत्तियाणं मुदियाणं मुद्धाभिसित्ताणं असनं वा पानं वा खाइमं वा साइमं वा परस्स नीहडं पडिग्गाहेति, पडिग्गाहेतं वा सातिज्जति । तं जहा-नडाण वा नट्टाण वा कच्छुयाण वा जल्लाण वा मल्लाण वा मुट्टियाण वा वेलंबगाण वा कहगाण वा पवगाण वा लासगाण वा दोखलयाण वा छत्ताणुयाण वा ॥

चू- नाडगादि नाडयंता नडा, नट्टा अकेल्ला, जल्ला राज्ञः स्तोत्रपाठकाः, अनाहमल्लगाणं पविट्टा मल्ला, मुट्टिया जुज्झणमल्ला, वेलंबला खेलं वा (?) अक्खातिगा कहाकारगा कहगा, नदीसमुद्दादिसु जे तरंति ते पवगा, जयसद्दपयोत्तारो लासगा भंडा इत्यर्थः ।

[भा. २५९८] नडमादी ठाणा खलु, जत्तियमेत्ता य आहिया सुत्ते ।

तेसू नीहड-गहणे, दोसा ते तं च बित्तियपदं ॥

मू. (६०१) जे भिक्खू रन्नो खत्तियाणं मुद्धाभिसित्ताणं असनं वा पानं वा खाइमं वा साइमं वा परस्स नीहडं पडिग्गाहे, पडिग्गाहेतं वा सातिज्जति । तं जहा-आस-पोसयाण वा हत्थि-पोसगाहेतं वा सातिज्जति । तं जहा-आस-पोसयाण वा हत्थि-पोसयाण वा महिस-पोसयाण वा वसह-पोसयाण वा सीह-पोसयाण वा वग्घ-पोसयाण वा अय-पोसयाण वा पोय-पोसयाण वा मिगपोसयाण वा सुण्ह-पोसयाण वा सूयर-पोसयाण वा मेंढ-पोसयाण वा कुक्कुड-पोसयाण वा चीरल्ल-पोसयाण वा हंस-पोसयाण वा मयूर-पोसयाण वा सुय-पोसयाण वा ॥

चू- बृहत्तरा रक्तपादा वट्टा, अल्पतरा लावगा ।

[भा.२५९९] पोसगमादी ठाणा, जत्तियमेत्ता उ आहिया सुत्ते ।

तेसू नीहड-गहणे, दोसा ते तं च बितियपदं ॥

मू. (६०२) जे भिक्खू रन्नो खत्तियाणं मुदियाणं मुद्धाभिसित्ताणं असनं वा पानं वा खाइमं वा साइमं वा परस्स नीहडं पडिग्गाहेति, पडिग्गाहेतं वा सातिज्जति । तं जहा-आस-दमगाण वा हत्थि-दमगाण वा ॥

मू. (६०३) जे भिक्खू रन्नो खत्तियाणं मुदियामं मुद्धाभिसित्ताणं वा असनं वा पानं वा खाइमं वा साइमं वा परस्स नीहडं पडिग्गाहेइ, पडिग्गाहेतं वा सातिज्जति । तं जहा-आस-मिंठाण वा हत्थि-मिंठाण वा ॥

मू. (६०४) जे भिक्खू रन्नो खत्तियाणं मुदियाणं मुद्धाभिसित्ताणं असनं वा पानं वा खाइमं वा साइमं वा परस्स नीहडं पडिग्गाहेइ, पडिग्गाहेतं वा सातिज्जति । तं जहा आस-रोहाण वा हत्थि-रोहाण वा ॥

[भा.२६००] दमगादी ठाणा खलु, जत्तियमेत्ता उ आहिया सुत्ते ।

तेसू नीहड-गहणे, दोसा ते तं च बितियपदं ॥

[भा.२६०१] आसाण य हत्थीण य, दमगा जे पढमताए विनियंति ।

परियट्टमेंठ पच्छा, आरोहा जुद्धकालम्मि ॥

चू- जे पढमं वियणं गाहेति ते दमगा, जे जना जोगासणेहिं वावारं वहेति ते मेंठा, जुद्धकाले जे आरुंहति ते आरोहा ॥

मू. (६०५) जे भिक्खू रन्नो खत्तियाणं मुदियाणं मुद्धाभिसित्ताणं असनं वा पानं वा खाइमं वा साइमं वा परस्स नीहडं पडिग्गाहेति, पडिग्गाहेतं वा सातिज्जति । तं जहा - सत्थवाहाण वा संवाहावयाण वा अब्भंगावयाण वा उव्वट्टावयाण वा मज्जावयाण वा मंडावयाण वा छत्त-ग्गहाण वा चामर-ग्गहाण वा हडप्प-ग्गहाण वा परियट्ट-ग्गहाण वा दीविय-ग्गहाण वा असि-ग्गहाण वा धणुग्गाहाण वा सत्ति-ग्गहाण वा कोंत-ग्गहाण वा ॥

चू- ईसत्थमादियाणि रायस्थाणि आहयंति कथयंति ते सत्थवाहा, पडिमहंति जे ते परमद्वा शयन-काले परिपिंइंति, शतपाकादिना तैलेन अब्भंगेति, पादेहिं, उव्वेइति, ण्हावेति जे ते मज्जावका, मउडादिणा मंडेति जे ते मंडावगा, वस्त्रपरावर्तं गृणहन्ति जे ते परियट्टगा, आभरणभंडय “हडप्पो”, चावं धणुयं, असी खगं ।

[भा.२६०२] सत्थवाहादी ठाणा, जत्तियमेत्ता उ आहिया सुत्ते ।

तेसू नीहड-गहणे, दोसा ते तं च बितियपदं ॥

मू. (६०६) जे भिक्खूरन्नो खत्तियाणं मुदियाणं मुद्धाभिसित्ताणं असनं वा पानं वा खाइमं वा साइमं वा परस्स नीहडं पडिग्गाहेति, पडिग्गाहेतं वा सातिज्जति । तं जहा - वरसि-धराण वा कंचुइज्जाण वा दोवारियाण वा डंडारक्खियाण वा ॥

[भा. २६०३] वरिसधरद्वाणादी, जत्तियमेत्ता उ आहिया सुत्ते ।

तेसू नीहड-गहणे, दोसा ते तं च बितियपदं ॥

मू. (६०७) जे भिक्खूरन्नो खत्तियाणं मुदियाणं मुद्धाभिसित्ताणं असनं वा पानं वा खाइमं वा साइमं वा परस्स नीहडं पडिग्गाहेति, पडिग्गाहेतं वा सातिज्जति । तं जहा - खुज्जाण वा चिलाइयाण वा वामणीण वा पडभीण वा बब्बरीण वा पाउसीण वा जोणियाण वा पल्हवियाण वा ईसणीण वा थारुगिणीण वा लउसीण वा लासीण वा सिंहलीण वा आलवीण वा पुलिंदीण वा सबरीण वा परिसणीण वा, तं सेवमाणे आवज्जति चाउम्मासियं परिहारद्वाणं अनुग्घाइयं ॥

चू-शरीरवक्रा खुजा, पट्टिवदुगाहारा (पट्टी कुज्जागारा) निग्गता वडभं, सेसा विसयाभिहाणेहिं वत्तव्वं ।

[भा. २६०४] खुजाई ठाणा खलु, जत्तियमेत्ता उ आहिया सुत्ते ।

तेसू नीहड-गहणे, दोसा ते तं च बितियपदं ॥

[भा. २६०५] अद्धाण-सद्ददोसा, दुगुंछिता लोए संकसतिकरणं ।

आत-परसमुत्थेहिं, कहुणगहणादिया दोसा ॥

चू-खुजादियासु गच्छंतस्स अद्धा (द्वा)णदोसा । गीयादिया य सद्ददोसा । दुगुं छिताओ य ताओ लोए, अप्पायारसेवणे संकिज्जति । भुत्ताण सतिकरणादिया दोसा । इतराण कोउयं । आय-पर-उभयसमुत्था य दोसा । सो वा इत्थिं, इत्थी वा तं बला गेण्हेज्ज । गेण्हण-कहुणदोसा ॥

उद्देशकः-९ समाप्तः

मुनिदीपरलसागरेण संशोधिता सम्पादिता निशीथसूत्रे नवमउद्देशकस्य  
[भद्रबाहु स्वामि रचिता निर्युक्ति युक्तं] संघदास गणि विरचितं भाष्यं  
एवं जिनदास महत्तरविरचिता चूर्णिः परिसमाप्ता ।

उद्देशकः-१०

चू-उक्त- नवमोद्देशकः । इदानीं दशमः । तस्सिमो संबंधो-

[भा. २६०६] मा भुंज रायपिंडं, ति चोइतो तत्थ मुच्छितो गिद्धो ।

खुजाती मा वच्चसु, आगाढ च उप्पती दसमे ॥

चू-गुरुणा चेतितो मुच्छिय गिद्धे एकार्थवचने । अहवा - तं भुंजंतो संजमासंजमं न याणाति मूर्छितवत्, मुच्छितो अभिलाषमात्रगृद्धः । अहवा - खुजादियाणमालयं वच्चेति । चोदितो आगाढवयणं भणेज्ज । एस उप्पती आगाढवयणस्स । दसमुद्देशगस्स एस संबंधो ॥

मू. (६०८) जे भिक्खू भदंतं आगाढं वदति, वदंतं वा सातिज्जति ॥

चू-“जे” इति निद्देशे, “भिक्खू” पुव्ववणिओ, “भदि कल्याणे सुखे च दीसिस्तुतिसौख्येषु

वा”, माहात्म्यस्य सिलोकः “भदंतो” आचार्यः । अत्यर्थः गाढं आगाढं । “वद् व्यक्तायां वाचि”  
अन्नं वा वदंतं अनुमोदेति । निज्जुत्ती-

[भा.२६०७] आगाढं पि य दुविहं, होइ असूयाइ तह य सूयाए ।  
एएसिं पत्तेयं, दोण्हं पि परूवणं वोच्छं ॥

चू- आगाढं द्विविधं - असूताए सूताए वा ॥ आगाढफरुसोभयसुत्ताण तिन्न वि इमं सरूव-

[भा.२६०८] गाढुत्तं गूहणकरं, गाहेतुम्हं व तेन आगाढं ।  
नेहरहितं तु फरुसं, उभए संजोयणा नवरं ॥

चू- गाढं उक्तं गाढुत्तं, तं केरिसं ? “गूहणकरं” अन्यस्याख्यातुं न शक्यते । अहवा -  
सरीरस्योष्मा येनोक्तेन जायते तमागाढं । नेहरहितं निष्पिवासं फरुसं भण्णति । गाढफरुसं  
उभयं, ततियसुत्ते-संजोगो दोण्ह वि ॥

सूयासूयवयणाणं इमेहिं दारेहिं सरूवं जाणियव्वं-

[भा.२६०९] जाति-कुल-रूव-भासा, धन बल परियाग जस तवे लाभे ।  
सत्त-वय-बुद्धि धारण, उग्गह सीले समायारी ॥

[भा.२६१०] अम्हे मो जातिहीना, जातीमंतेहि को विरोहो ने ।  
एस असूया सूया, तु नवरि परवत्थु-निद्देसो ॥

चू- लोकप्रसिद्धं उल्लिगितवचनं सूचा । अत्र तादृशं न गृहीतव्यं, इह तु परं दोषेण सूचयति  
स्पष्टमेव दोषं भाषतीत्यर्थः । परवत्थु-निद्देसो नाम भंतं चेव भणति - तुमं जातिहीणो त्ति ।

[भा.२६११] अम्हे मो कुल-हीणा, को कुलपुत्तेहिं सह विरोहो ने ।  
एशः असूया सूया, तु नवरि परवत्थु-निद्देसो ॥

[भा.२६१२] अम्हे मो रूव-हिणा, सरूवदेहेसु को विरोहो ने ।  
एस असूया सूया, तु नवरि परवत्थु-निद्देसो ॥

[भा.२६१३] अम्हे मो अकतमुहा, अलं विवाएण ने कतमुहेहिं ।  
एस असूया सूया, तु नवरि परवत्थु-निद्देसो ॥

चू- वाग्मी-कृतमुखः । भासाए द्वितीयव्याख्यानम्-

[भा.२६१४] खर-फरुस-निड्डुरं ने, वक्कं तुज्झं मिय-महुर-गंभीरं ।  
एस असूया सूया, तु नवरि परवत्थु-निद्देसो ॥

चू- सरोसवयणमिव अकतं खरं, प्रणय-नेह-नित्तण्हं फरुसं, जगारादियं अनुवयारं निड्डुरं,  
“ने” इत्यात्मनिर्देशे, अक्खरेहिं मितं, अत्थअभिधाणेहिं मधुरं, सरेण गंभीरं ॥

[भा.२६१५] अम्हे मो धन-हीना, आसि अगारम्मि इह्मिं तुब्भे ।  
एस असूया सूया, तु नवरि परवत्थु-निद्देसो ॥

[भा.२६१६] एमेव सेसएसु वि, जोएयव्वा असूय-सूयाओ ।  
आतगता तु असूया, सूया पुण पागडं भणति ॥

अप्पणो दोसं भासति, न परस्स एसा असूया । न अप्पणो, परस्स फुडमेव दोसं भासति एसा  
सूया, सूयंतीत्ति सूया । ओरसबल-युक्तो बलवान् । परियायो प्रव्रज्याकालः । लोके ख्यातिर्महात्मा

इति यशः, संजमो वा चउत्थादिओ तवो । आहारोवकरणादिएसु लद्धिमं लाभो । सत्वेन युक्तः शक्तो वा शक्तः । प्रथमे वयसि वर्तमानः त्रिदशवत् वयवं, जो वा जम्मि वए ठितो तस्स तथा गुणं भासति । उप्पत्तियादिवुद्धिजुत्तो बुद्धिमं । धारणा ढढस्मृति । बहुबहुविधक्षिप्रानिश्चितासंदिग्धघुवाणां उग्गहं करेति । अवकोहादिणा सीलेण जुत्तो सीलवं । चक्रवालसामायारीए जुत्तो कुसलो वा । एते अत्था सब्बे सूयासूएहिं भाणियव्वा ।

[भा. २६१७] एक्केक्का सा दुविहा, संतमसंता य अप्पणि परे य ।

पच्चक्खं परोक्खा वि य, असंतं पच्चक्खं दोसयरा ॥

चू- आतगता असूया, परगता सूया । असूया संतासंता य । सूया वि संतासंता य । जहत्येण ठियं संतं । अभूतार्थं अनृतं असंतं । परस्स जं पभासति तं (परोक्खं) पच्चक्खं वा असंतं पच्चक्खं महंतदोसतरं भवति ॥ अहवा - इमेहिं अप्पानं परं वा पसंसति निंदति वा-

[भा. २६१८] गणिवायते बहुसुते, मेधा वायरिय धम्मकहि वादी ।

अप्पकसाए थूले, तेणुए दीहे य मडहे य ॥

[भा. २६१९] अन्हे खमणा न गणी, को गणिवसहेह सह विरोहो ने ।

एस असूया सूया, तु नवरि परवत्थु-निद्वेसो ॥

[भा. २६२०] अगणिं व गणिं बूया, गणिं व अगणिं तु हासमादीहिं ।

एवं सेसपएसु वि, सप्पडिवक्खं तु नेयव्वं ॥

चू- सेसा पदा बहुस्सुयादिया । विचितं बहुयं च सुयं बहुस्सुतो । तिविधो मेधावी-गहण-धारणा-मेरामेधावी य । आयरिओ गच्छाहिवती, तत्थेवं भासति अन्हे के आयरियत्तस्स जे सामायारिं पि न यानामो । अहवा भणाति - तुमं को आयरियत्तस्स, जो सामायारि पि न याणसि । चउच्चिहाए अक्खेवणिमादियाए धम्मकहालद्धीए जुत्तो । समयपरसमाएसु कतागमो उप्पन्नप्पतिभो वादी । बहुअल्पकषायं । क्रियासु अदक्षः स्थूरः । तनुर्दक्षः । जड्डामो थूर देहा को तनुदेहेहिं ने सह विरोहो । घट्टेमो निच्च उवरिं, रमडहसरीरेहिं को विरोहो ने । निंदं वा करेति थुती य । परमप्पणो कंहंतरं नाउं परवयणपयोगवसा पच्चत्तरमप्पणा देति ॥

एतेसामण्णतरं आगाढं जो वदति तस्सिमा सोही ।

[भा. २६२१] छेदादी आरोवण, नेयव्वा जाव मासियं लहुयं ।

आयरिए वसभम्मि य, भिक्खुम्मि य खुड्डुए चेव ॥

[भा. २६२२] आयरिओ आयरियं, आगाढं वयति पावइ छेयं ।

वसभे छग्गुरु भिक्खुम्मि छलहू खुड्डुए गुरुगा ॥

चू- आयरिओ आयरियं आगाढं वदति छेदो । आयरिओ वसभं फ्रां । आयरिओ भिक्खुं फ्रां । आयरिओ खुड्डुं झा ॥

[भा. २६२३] वसभे छग्गुरुगाई, छलहुगा भिक्खू खुड्डु गुरुगाई ।

अंतो पुण सिं चउलहू, मासगुरु मासलहुओ य ॥

चू- वसभो आयरियं आगाढं वदेति (गु) । वसभो वसभं (ल) वसभो भिक्खुं झा । वसभो खुड्डुं झा । भिक्खू आरियं आगाढं वदति फ्रुं । भिक्खू वसभं झा । भिक्खू भिक्खुं झा । भिक्खू खुड्डुं



मासगुरु । खुडुओ आयरियं आगाढं वदति ॥ खुडुओ वसभं ॥ खुडुओ भिक्खु मास लघु ।  
खुडुओ खुडुयं मासलघुं ॥ अहवा - अन्यः प्रायश्चित्ततत्क्रमः ।

[भा. २६२४] पंचण्हायरियाइं, चेया एक्केक्क हासणा अहवा ।  
राइंदियवीसंतं, चउण्ह चत्तारि वि विसिद्धा ॥

चू- आयरिय वसभ भिक्खू थेरो खुडुओ य छेदादी वीसराइंदियाइ अंते एतेणं चेव  
चारणियप्पओगेणं चारेयव्वं । जत्थ जत्थ चउगुरुगं तत्थ तत्थ सुत्तण्णिवाओ दइव्वो ॥ अहवा -  
पुव्वुत्ताण चउण्हं चउगुरुगं तवकालविसेसियं । अहवा - सब्वेसिं अविशिद्धं चउगुरुं ॥

[भा. २६२५] जं चेव परड्डाणे, आसायंतो उ पावए ओमं ।  
तं चेव य ओमो वि य, आशाइंतो वि रायणियं ॥

चू- परड्डाणं पर प्रधानं ज्येष्ठामित्यर्थः । जं सो ओमं आसादेतो पावति, ओमो वि तं चेव जेइं  
आसादेतो पावति ॥ २६२५ ॥

[भा. २६२६] एएसामण्णयरं, आगाढं जो वदे भदंतारं ।  
सो आणा अणवत्थं, मिच्छत्त-विराधनं पावे ॥

चू- असंखडयादयो दोसा, पक्खापक्खग्गहणे य गच्छभेदो ॥ कारणे भणेज्जा वि-

[भा. २६२७] बितियपदमणप्पज्जे, अप्पज्जे वा वएज्ज खिसंतो ।  
उवलंभट्ठा य तथा, सीयंते वा वदेज्जा हि ॥

चू- अणवज्जो वा साहू भणेज्जा, अणवज्जो वा भदंतो भणेज्ज । अप्पज्जो वा भणेज्ज खिसणपरं  
भदंतं । सो आयरिओ बहुस्सुओ जातिहीनो सीसपडिच्छए अभिक्खं जातिमावीहिं खिसति, सो  
सुत्तथे उवजीविउं न सक्केति, ताहे तस्स जातिसरणाए खिसं उवालंभं वा करेज्ज । जो आयरिओ  
जाइहीणो “अहं न नज्जामि” ति अन्ने साहू जातिमातिएहिं खिसति ॥

तस्स अन्नापदेसेण इमा खिसा-

[भा. २६२८] जातिकुलस्स सरिसयं करेहि न हि कोइवो भवे साली ।  
आसललियं वराओ, चाएति न गदभो काउं ॥

चू- तुज्ज वि जं कुलं जाती वा तं अन्हेहिं परिन्नायं तो अप्पणो चेव जातिकुलं सरिसं  
करेहि । मा कोइवसमाणो होउं अप्पानं सालिसरिसं भण्णतु । नो वा गदभसमाणेहिं होउं जाती  
अस्सललितं काउं सक्कति ॥ विरूवेण खिसमाणो इमं भण्णति-

[भा. २६२९] रूवस्सेव सरिसयं, करेहि न हु कोइवो भवे साली ।  
आसललियं वराओ, चाएति न गदभो काउं ॥

चू- वायगो-गणी, आयरिओ वा, जेण कतो तस्सिमा खिसा-

[भा. २६३०] अह वायगो ति भण्णति, एस किर गणी अयं च आयरिओ ।  
सो वि मण्णे एरिसओ, जेण कओ एस आयरिओ ॥

चू- इमो उवालंभो खिसते । सीतंते वा-

[भा. २६३१] जाती-कुलस्स सरिसं, करेहि मा अप्पवेरिओ होहि ।  
होज्ज हु ते परिवातो, गिहि-पक्खे साहु-पक्खे य ॥

चू- परिवयणं परिवातो अयसो अगुणकित्तणं इत्यर्थः । अहवा - इमो उवालंभो -

[भा. २६३२] जुत्तं नाम तुमे वायएण गणिया व एरिसं काउं ।

आयरिण व होउं, काऊणं किं च काहामो ॥

चू- जुत्तमिति युज्यते योग्यं वा, नामशब्दः पादपूरणे, इदं, नेति निर्देशे, वाचको वा आयरियस्स वा होउं किं एरिसं काऊण जुज्जति । अह तुब्भे चेव मज्जायरवखगा होतुं करेह तो अम्हे किं काहामो ॥ सीदंते वा इमो उवालंभो-

[भा. २६३३] अहवा न मज्ज जुत्तं, भदंत एयारिसाणि वोत्तुं जे ।

गुरुभत्ति-चोइतमणो, भणामि लज्जं पवहिऊणं ॥

[भा. २६३४] वरतर मए सि भणितो, न यावि अन्ने पच्चुवालद्धे ।

छन्ने मम वेण्णप्पं, भणेज्ज अन्नो पगासेतो ॥

चू- अहं ते पच्छण्णे दोसपच्छायणं करेतो भणामि, अन्नो पुण दोसकित्तणं करेतो बहुजणमज्जे भणेज्ज, तेन वरतरं मए सि भणितो ॥ एवं भणिज्जंतो जति रूसेज्ज तो इमं भण्णति-

[भा. २६३५] तुम्हे मम आयरिया, हितोवएसि त्ति तेन सीसोऽहं ।

एवं वियाणमाणा, न हु जुज्जति रूसिउं भंते ॥

चू- जेण मे हितोवएसं देह तेन तुब्भे ममं आयरिया, हिओवदेसिणो त्ति काउं अहं वि सीसत्तणं मे पडिवण्णो । किं च - जो जेण जम्मि ठाणम्मि ठावितो दंसणे व चरणे वा, सो तं तओ चुतं तम्मि चेव काउं भवे निरिणो । एवं वियाणमाणा तुब्भे किं रूसह ॥

[भा. २६३६] एमेव सेसएसु वि, तस्सेव हितद्विया वदागाढं ।

रागं कुसुंभओ मुयइ न वि हु अवकोइओ संतो ॥

चू- एतं पायसो खिसंत-सीदंते भणति । “सेसेसु वि” अणप्पज्झादिएसु तस्सेव गुरुस्स हियइत्ता वदे आगाढं । अहवा - एयं आगाढवयणं च भदंते भणियं, सेसेसु वि उवज्झायादिएसु हियइत्ता वदे आगाढं । चोदगाह - जाणंतेहिं गुरु कहं आगाढं भण्णति ? उच्यते - कुसुंभगो अविकोवितो रागं जहा न मुंचति तथा गुरु वि एगंते जाव फुडोवदेसेण न विकोवितो ताव अनायारसेवणं न मुंचति ॥ किं चान्यत्-

[भा. २६३७] वत्थुं वियाणिऊणं, एवं खिंसे उवालंभेज्जा वा ।

खिसा तु निप्पिवासा, सपिवासो हो उवालंभो ॥

चू- आयरिय-उवज्झायादिया खर-मउयसज्झा वा रायमाइइहिं-मंता एते वत्थुं जाणिऊण खिसा उवालंभो वा पयुंजियव्वो । निडुरं निण्हेहवयणं खिसा, मउयसिणेहवयणं उवालंभो ॥

[भा. २६३८] खिसा खलु ओमम्मी, खरसज्जे वा विसीयमाणम्मि ।

रायणिय-उवालंभो, पुव्वगुरु महिहिं माणी य ॥

चू- ओमे खरसज्जे खिसा पउज्जति । रातिणिओ आयरिओ जेडो वा पुव्वं गुरु आसी सो य कम्मभारिययाए पासत्थादी जातो, उन्निक्खंतो वा, रायादिमहिहिंओ वा, अनिहिंमं पि जो माणी, एतेसु उवालंभो पयुज्जति ॥

मू. (६०९) जे भिक्खू भदंतं फरुसं वयइ, वयंतं वा सातिज्जति ॥

[भा.२६३९] जं लहुसगं तु फरुसं, बितिओद्देसम्मि वण्णितं पुव्वं ।  
ते चेव निरवसेसं, दसमुद्देसम्मि नायव्वं ॥

चू- जहा बितिओद्देसे फरुसं तथा इहं पि उस्सग्गऽववातेहिं वत्तव्वं । नवरं - इह आयरिये सुत्तनिवाओ ॥

मू. (६१०) जे भिक्खू भदंतं आगाढं फरुसं वयइ, वयंतं वा सातिज्जति ॥

[भा.२६४०] एसेव गमो नियमा, मीगसुत्ते वि होति नायव्वो ।  
आगाढ-फरुसगम्मि, पुव्वे अवरम्मि य पदम्मी ॥

चू- जो एतेसु दोसु पुव्वुत्तेसु सुत्तेसु गमो सो चेव इह मीसगसुत्ते गमो दइव्वो । नवरं - संजोगपच्छित्तं भाणियव्वं ॥

मू. (६११) जे भिक्खू भदंतं अन्नयरीए अच्चासायणाए अच्चासाएति, अच्चासाएंतं वा सातिज्जति ॥

चू- दसासु तेत्तीसं आसादणा भणिता, तासिं अन्नतराए आसादणाए आसादेति । आडित्युपसर्गो मर्यादावाचकः “सद्” विसरणगत्यवसानेषु । गुरुं पडुच्च विनयकरणे ज फलं तमायं सादेतीति आसादना । सा य आसादणा चउव्विहा-

[भा.२६४१] दव्वे खेत्ते काले, भावे आसायणा मुणेयव्वा ।  
एएसिं नाणत्तं, वोच्छामि अहानुपुव्वीए ॥

चू- चउण्ह दव्वादियाण इमा वक्खा-

[भा.२६४२] दव्वे आहारादिसु, खेत्ते गमणादिएसु नायव्वा ।  
कालम्मि विवच्चासे, मिच्छा पडिवज्जा भावे ॥

चू- दव्वे आहारादिएसु । सेहे रातिणिणएण सद्धिं असनं वा पानं वा खाइमं वा साइं वा आहारेमाणे तत्थ सेहतराए खद्धं खद्धं आहारेति । सेहे राइणिणएण सद्धिं असनं वा पानं वा खाइमं वा साइमं वा पडिग्गाहेत्ता तं रातिनियं अनापुच्छित्ता जस्स इच्छे त्ति तस्स खद्धं खद्धं दलयति । आदिग्गहणाओ वत्थादिया गुरुणो अदंसिया पडिभुंजति । खेत्ते पुरतो पासतो मग्गओ वा आसन्नं गमणं करेति, आदिग्गहणातो चिड्डणनिसीयणादी आसन्ने करेति । कालम्मि विवच्चासो नाम सेहो रातिनियस्स रातो वा वियाले वा वाहरमाणस्स अपडिसुणेत्ता भवति । विणयेण पडिसुणेयव्वं । तस्स पुण विनएण अपडिसुणेमाणस्स उस्सुत्तं भवति, तेन विवच्चासो भवति । भवे जं गुरु भणति तं न पडिवज्जति, अपडिवज्जंतं य मिच्छा भवति ॥

[भा.२६४३] काले उ सुयमाणे, अपडिसुणेंतस्स होति आसयणा ।  
मिच्छादिफरुसभावे, अंतरभासा य कहणा य ॥

चू- “काले”त्ति रातो वा वियाले वा गुरुणो वाहरेंतस्स सुणेंतो वि असुणेंतो विव अच्छति । एसा कालासादणा । इदानिं भावासादणा - मिच्छा पडिवत्तित्तो भावे त्ति हिसि त्ति वत्ता, किं तुमं ति वा, फरुसं भणाति, गुरुणो वा धम्मकहं कहेंतस्स अंतरभासा एसा भावासायणा ॥

दव्वादिएसु चउसु वि इमो अविनयदोसो-

[भा. २६४४] गुरुवच्चइया आसयणा तु धम्मस्स मूलछेदो तु ।  
चतुपददोसा एते, एत्तो व विसेसियं वोच्छं ॥

चू- गुरुविनयकरणे कम्मक्खए जो आतो तं सादेति । अहवा - गुरुपच्चतितो नाणादिया आयो, तं अविनयदोसेण सादेति न लभतीत्यर्थः । विनओ धम्मस्स मूलं, सो य अविनयजुत्तो तस्स छेदं करेति । अहवा - धम्मस्स मूलं सम्मत्तं, गुरुआसादणाए तस्स छेदं करेति । दव्वादिएसु चउसु वि एते साधुभूतो दोसा भणिया ॥ एत्तो एक्केस्स विसेसेण भणाति-

[भा. २६४५] सच्चित्तखद्धकारग, अविकडणमदंसणे भवे दोसा ।  
इंगाल अविहि तेणिं, गलगुछूढात्ति सेसेसुं ॥

चू- गुरुणो अनालोतियं अपडिदेसियं वा जइ भुजति तो इमे दोसा - सच्चित्तं फलकंदादी भुजेज्ज, अतिप्पमाणे वा भुजेज्ज, तं अजीरंतं आदिज्ज वमेज्ज मारेज्ज व सरीरस्स वा अकारगं भुजेज्ज तेन से वाही भवेज्ज, इंगालसधूमं वा भुंजे, अविधीए वा भुंजे सुरसुरं चवचवं, दुअं विलंबितं सपरिसाडिं मणवयकाएसु वा अगुत्तो भुंजे, सत्तविहालयवज्जिते तेणियं भवति, ठाणादिसप-गासण्या भायणपक्खेवण्या गुरुभावे सत्तविहो आलोगो, सता वि जयणा सुविहियाणं । “सेसेसु” ति राइणिणण सद्धि खद्धं खद्धं, डायं डायं, रसियं रसियं, अमणुन्नं मणुन्नं इत्यादि गलए लगेज्जा, तुरिए अतिप्पमाणेण वा कवले उच्छूढ आयविराहणादिया दोसा ॥

दव्वासादणा गता । इदानिं खेत्तासादणा दोसा-

[भा. २६४६] घट्टण-रेणु-विनासो, तिपास-ओभावणा भवे पुरतो ।  
खेत्ते काल-पलित्ते, गिलाण असुणेंत अधिकरणं ॥

चू- आसन्नं गच्छंतस्स गुरुणा संधट्टणा भवति, पादुट्टियरेणुना य वत्थविनासो भवति सो जति पासतो वामतो दाहिणतो मग्गतो य पुरतो गच्छंते ओभावणा आयरियस्स । एस खेत्तासादणा गता । इमे काले रातो वियाले वा पेह्लते आयरियस्स वाहरंतस्स अपडिसुणेमाणस्स सीसस्स गिलाणविराहणा हवेज्ज, उवकरणदाहो वा, अजंगमो आयरिओ इज्जे, अपडिसुणेमाणो वा अन्नेन साहुणा भणितो - कीस अकण्णसुएण अच्छसि ति, उत्तरादुत्तरेण अधिकरणसंभवो ॥

कालासादना गता । इदानिं भावासादना-

[भा. २६४७] सेहादीण अवण्णा, परउत्थियगम्म परिभवो लोए ।  
भावासायण दोसा, सम्ममनाउट्टणा चेव ॥

चू- सेहादिणो विचित्तेज्ज जहा - एते अहं जेइतरा आयरियस्स अवज्ञां करेति तथा नज्जति नूनं एस पतितो, ते वि सेहा अवज्ञां करेज्ज, एवं ससिस्सेहिं परिभूतो परतित्थियाण वि गम्भो भवति, लोगे य परिभूतो भवति । एते भावासादणा दोसा । गुरुणो उवदेसपदाणे सामणाउट्टंतस्स भावासादणा चेव ॥ “मिच्छा पडिवज्जणा भावे” ति अस्य व्याख्या-

[भा. २६४८] मिच्छापडिवत्तीए, जे भाव जत्थ होंति सब्भूया ।  
तेसू वितहं पडिवज्जणा य आसायणा तम्हा ॥

चू- मिच्छा अनृतं प्रतिपदनं प्रतिपत्ति, जत्थेति दव्वादिएसु जीवादिपदत्थेसु वा सुत्तज्जयण-

सुयक्खंधेसु वा, सब्भूया जे जिनपन्नत्ता भावा, ते गुरु अयाणंतो परिसामज्जे पन्नवेत्ति, तत्थ उवदेसो सीसो तुण्हिक्को अच्छति, जाहे उट्ठिओ वक्खाणाओ ताहे सीसो एगंते गुरुणो सब्भावं साहति । अह सीसो तेसु पदत्थेसुपरिसामज्जे चेव वितहपडिवज्जणा एत्थ वुत्थाणं करेज्ज ताहे अविनयो भवति, अविनयपडिवत्तीए य तम्हा आसायणा भवति । अहवा - परिसामज्जे गुरु चोदितो वितहपडिवज्जणं करेज्ज, न सम्यक् प्रतिपद्यतीत्यर्थः । तम्हा सीसस्स आसायणा भवति । अहवा - गुरु जाणंतो चेव अन्नहा अत्थं पन्नवेत्ति, मा परप्पवादी दोसं भण्णं जहा सब्बस्स केवलस्सा जुगवं दो नत्थि वओगा । एगोपयोगप्रतिपादनमित्यर्थः । तं च सेहतरातो जाणति - जहा अप-सिद्धंतं पन्नवेत्ति, तत्थ जति वितहं पडिवज्जति आसादना सेहस्स ॥

चोदगाह - जमत्थं आयरिओ न याणति तमत्थं सीसो कहं जाणति ? भण्णति-

[भा.२६४९] जंऽगारनगारत्ते, सुत तु सहसंभुतं य जं किं चि ।  
तं गुरु अन्नहकहणे, नेवमिदं मिच्छपडिवत्ती ॥

चू-जंतेन सेहतराएण गिहत्थत्तणे सुएल्लयं, अनागारत्ते वा अन्नतो सुयं, अप्पणा वा ऊहितं, तं गुरुस्स अन्नहा कहित्तस्स सो भणेज्जा - न एयं भवति त्ति, निच्छापडिवत्तिओ आसादणा भवति ॥

[भा.२६५०] एवं भणतो दोसो, इमं सुतं वऽन्नहिं मए एवं ।  
सब्भूयमसब्भूए, एवं मिच्छाउ पडिवत्ती ॥

चू-एवं गुरुपडिकूलं भणतो आसादना दोसो भवति । अहवा - सीसो गुरुं भणइ - तुज्ज एवं पन्नवेत्तस्स समयविराहणा दोसो भवति । मम एयं सुयं अन्नायरियसमीवे । एवं पन्नविज्जंते समयविराहणा दोसो न भवति । एवं सीसस्स सब्भूयमसब्भूयए वा परिसामज्जे मिच्छापडिवत्तिओ आसादना भवति ।

[भा.२६५१] जितियं पढमे ततिए, य होति गेलण्णकज्जमादीसु ।  
अद्धाणादी बितिए, ओसन्नादी चउत्थम्मि ॥

चू- बितियंति अववायपदं, पढमेत्ति दब्बासायणा, ततिए त्ति कालासादना, बितिए त्ति अद्धाणादिसु खेत्तासादणा, चउत्थे त्ति ओसन्नादिसु ठियस्स । तत्थ पढमततिय त्ति गेलण्णं पडुच्च बितियपदं भवति ॥

[भा.२६५२] होज्ज गुरुओ गिलाणो, अपत्थदव्वं व तं च से इट्ठं ।  
अविगडमदंसितं वा, भुंजे खद्धं व दलएज्जा ॥

चू-गुरु गिलाणो, तस्स य जं अपत्थदव्वं तं लद्धं, ताहे तं अवियडितं अदंसियं वा सयं भुंजे, अन्नस्स वा अनापुच्छाए खद्धं खद्धं दलयति । मा सो रातिणिणो सयं भुंजिहिति, एवं गुरुक्खण्णट्ठा अविनयं पि करंतो सुद्धो ॥

[भा.२६५३] कंटाइ-साहणट्ठा, अवथंभट्ठा वऽलीनो अद्धाणे ।  
संबाधुवस्सए वा, विस्साम-गिलाण छेदसुए ॥

चू-खेत्तासादणं पडुच्च अववातो भण्णति-अद्धाणे कंटादि-साहणट्ठा पुरतो गच्छति । विसमे वा अवलंबणट्ठा पासतो अल्लीणो गच्छति । गिलाणस्स वा अवथंभणट्ठा अल्लीणो अच्छति ।

संबाधुवस्सए वा आसन्नठितो अच्छति गच्छति वा । आयरियस्स वा विस्सामणं करंतो आसन्नं चिट्ठति संघट्ठेति वा । गिलाणस्स उव्वत्तणादी करंतो संघट्ठणादी करेति आसन्नं वा चिट्ठति । छेयसुयं वा वक्खाणंतो अप्पसद्दं वक्खाणेति मा अपरिणया सुणेहिंति, ताहे सोतारा आसन्नं ठविज्जंति ॥ इमो कालाववादो-

[भा. २६५४] काले गिलाणवावड, सेहस्स व सारियं भवे बाहिं ।

संबाधुवस्सए वा, अधिकरणाई उ मा दोसा ॥

चू- राओ वा दिया वा गिलाणवावडो गुरुस्स वाहरंतस्स न देज्ज सद्दं, सेहस्स वा सागारियं बाहिं अंतो ठितो सुणेतो वि सद्दं न देज्ज, मा सण्णायगा सरं पच्चभिजाणित्ता उप्पवाहिंति । साहूहिं वा ओतप्रोतं संबाधुवस्सए या सज्जं अलंभंतो उल्लंघिउं वयंतस्स वा अधिकरणादी दोसा तन्हा तत्थ ठियो चेव सद्दं करेज्जा । अहवा - गिहत्थसंबद्धे उव्वस्सए कारणठिया न मे अधिकरणादि दोसा भाविस्संति तन्हा आयरिओ सणियं वाहरति, तं च असुणंतो तुसिणीओ सुद्धो, अधिकरणदोसभया वा तुसिणीओ अच्छति तहा वि सुद्धो ॥

[भा. २६५५] उल्लावं तु असत्तो, दाउं गिलाणो तहेव उट्ठेउं ।

तुसिणी तत्थ गओ वा, सुणेज्ज सो वाहरंतस्स ॥

चू- दिवा रातो वा वाहरंतस्स गुरुस्स गिलाणो उल्लावं दाउमसत्तो गिलाणो तुसिणीओ अच्छेज्ज, उट्ठेउं वा असत्तो तत्थ गतो पडिसुणेज्ज । शब्दं ददातीत्यर्थः ॥

इदानिं भावस्स अववादो भण्णति-

[भा. २६५६] भण्णति रहे जइ एवं, हवेज्ज णिद्धोसमिहरहा दोसा ।

तुज्जे वि ताव ऊहह, भण्णति पगासे वि द्ढमूढे ॥

चू- सेहतराएण आयरिओ परिसामज्जे न वत्तव्वो जहा तुमं पन्नवेसि एवं न भवति ति । तो कहिं तेन भाणियव्वं ? उच्यते - “रहे” एगंते भण्णति जहाहं पन्नवेमि । जति एवं भण्णति तो निद्धोसं । “इहरहा” जहा तुमं पन्नवेह एवं समयविराहणा दोसो भवति । तुब्भे वि मयाभिहितं अत्थं ऊहह-किं घडति न घडतीति, ताव शब्दः परिमाणवाचकः, जहा इमेण मे पहेण गंतव्वं जावतितं दट्ठं, एव इणमत्थं पुव्वावरेण ताव ऊहह जाव भवे अभिगओ । अहवा - पदपूरणे (वा) दट्ठं-दट्ठं जो मडू भूतत्थं अपडिवज्जंतो पगासं परिसामज्जे वि भण्णति ॥

“ओसन्नादी चउत्थम्मि” अस्य व्याख्या-

[भा. २६५७] विरहे उ मठायंतं, ओसन्नं भण्णति परिसमज्जे वि ।

न वि जामसि हित्तादि व, नडपडियं किं तुहंतेण ॥

चू- ओसन्नो आयरिओ, विरहे एगंते बहु भणितो - “सगोरवविरमाहि”त्ति अट्ठायंतो अविरमंतेत्यर्थः, परिसामज्जे वि भण्णति - न याणसि तुमं हितं वा अहियं वा नडपडित्तेण वा किं तुज्जतेण, पादेहिं वा संघट्ठिज्जति जेण सो अवमाणितो चिंतेति एते मं देवयमिव पेक्खंता इदानिं मं ओसन्नदोसेण दासमिव पासंति तं न एतेसिं दोसो, मज्झ दोसो, उज्जमामि ॥

मू. (६१२) जे भिक्खू अनंतकाय-संजुत्तं आहारं आहारेइ, आहारंतं वा सातिज्जति ॥

चू- अनंतकातो मूलकंदो, अल्लगफलादि वा एवमादिसम्मिस्सं जो भुंजति तस्स चउगुहं ।

[भा. २६५८] जे भिक्खू असनादी, भुंजेज्ज अनंतकायसंजुत्तं ।

सो आणा अणवत्थं, मिच्छत्त-विराधनं पावे ॥

चू- आणादिया दोसा भवन्ति । इमे दोसा-

[भा. २६५९] तं कायपरिच्चयती, तेन य भुत्तेण संजमं चयती ।

अतिखद्ध अनुचितेण य, विसूइगादीणि आयाए ॥

चू- इमा आयविराहणा - तेन रसालेण अतिखद्धेण अनुचितेण य विसूतियादी भवे मरेज्ज वा, अजीरन्ते वा अन्नतरो रोगातंको भवेज्ज, एवं आयविराहणा । जम्हा एते दोसा तम्हा न भोत्तव्वं ॥ कारणे भुंजेज्जा-

[भा. २६६०] असिवे ओमोयरिए, रायदुडे भए व गेलण्णे ।

अद्धाणरोहए वा, जयण इमा तत्थ कायव्वा ॥

चू- इमा वक्खमाण-जयणा-

[भा. २६६१] ओमं ति-भागमद्धे, ति-भाग आयंबिले चउत्थादी ।

निम्मिस्से मिस्से या, परित्तऽन्ते य जा जतणा ॥

चू- जहा पलंबसुते वक्खमाणा, जहा वा पेढे भणिया तहा वत्तव्वा । इमो से अक्खरत्थो - ओम एसणिज्जं भुंजति तिभागेण वा ऊणं एसणिज्जं भुंजति, अद्धं वा एसणिज्जं तिभागं वा एसणिज्जं, आयंबिलेण व अच्छति, चउत्थं वा करेति, न य अनंतकायसम्मिस्सं भुंजति, जाहे निम्मिस्सं न लब्भति ताहे परित्तकायमिस्सं गेण्हति, जाहे तं पि न लब्भति ताहे अनंतकायमिस्सं गेण्हति, जा य पणगादि जयणा सा दडुव्वा ॥

मू. (६१३) जे भिक्खू आहाकम्मं भुंजइ, भुंजंतं वा सातिज्जति ॥

चू- आधाकडं आहाकम्मं, तं जो भुंजति तस्स चउगुरुं आणादिणो य दोसा । तस्स आहाकम्मस्स कहं संभवो हवेज्ज ? इमो भण्णति-

[भा. २६६२] साली-घय-गुल-गोरस, नवेसु वल्लीफलेसु जातेसु ।

पुण्णइ दाणसट्ठा, आहाकम्मं निमंतणया ॥

चू- कस्स ति दानरुइणो अभिगमसट्ठस्स वा नवो साली घरे पवसितो ताहे दानसट्ठो चित्तेति - पुव्वं जतीण दाउं पच्छा अप्पणा परिभोगं काहामि ति आहाकम्मं करेज्ज । जहा सालीए एवं घृते गुडे गोरसे वा तुं बादिवल्लिफलेसु जातेसु पुण्णिनिमित्तं दाणसट्ठति आहाकम्मं काउं साहुणो निमतेज्ज ॥ तस्स य आहाकम्मस्स इमे दोसा-

[भा. २६३३] आहाकम्मं तिविहे, आहारे उवधि वसहिमादीसु ।

आहाराकम्मं, चउव्विधं होइ असनादी ॥

चू- आहाकम्मं तिविधं - आहारे उवधि वसहीए य । आदिसट्ठो नामादिभेप्रदर्शनार्थ, उत्तरभेदप्रदर्शनार्थ वा । आहाराहाकम्मं चउव्विधं असनादियं ॥

[भा. २६३४] उवही आहाकम्मं, वत्थे पाए य होइ नायव्वं ।

वत्थे पंचविधं पुण, तिविहं पुण होइ पायम्मि ॥

चू- उवधिआहाकम्मं दुविधं - वत्थे पादे य । तत्थ वत्थे पंचविह - जंगियं भंगियं सणियं पत्तयं तिरीडपट्टं च । पादे तिविहं - लाउय दारुय मट्टियापादं च । एतेसिं वक्खाणं पूर्ववत् ॥

[भा. २६६५] वसही आधाकम्मं, मूलगुणे चव उत्तरगुणे य ।

एकैकं सत्तविहं, नायव्वं आनुपुव्वीए ॥

चू- वसहीआहाकम्मं दुविध - मूलगुणाहाकम्मं उत्तरगुणाहाकम्मं च । मूलगुणे सत्तविहं इमं - पट्टीवंसो दो धारणाओ चत्तारि य मूलवेलीओ । उत्तरगुणे इमे सत्त - वंसग-कडण-ओकंचण-छावण-लेवण-दुवार-भूमिकम्मे य । एतेसिं वक्खाणं पूर्ववत् ॥ आहाकम्मस्स इमे एगड्डिया-

[भा. २६३६] आहा अथे य य कम्मे, आयाकम्मे य अत्तकम्मे य ।

तं पुण आहाकम्मं, नायव्वं कप्पती कस्स ॥

चू- आहाए नामादिचउव्विहो निक्खेवो । दव्वाहा धणुं आहियं जीवा अग्गे आरोपिता इत्यर्थः, बइल्लाण वा खंधे जुगं आहितं । भावाहा आहाकर्मग्रहणादात्मनि कर्म आहितं, आत्मा वा कर्मणि आहितः । अहे कम्मे वि चउव्विहो निक्खेवो । उच्चानीचे नीचतरे च द्रव्यं क्रियते तं दव्वाहे कम्मं । आहाकम्मग्गहणातो जम्हा विसुद्धसंजमद्वाणेहिंतो अप्पाणं आवसुद्धठाणे अहो अहो करेति तम्हा भावाहोकम्मं ।

आयाहम्मे वि चउव्विधो निक्खेवो । दव्वायाहम्मे अनुवउत्तो पाणातिवायं करंतो । भावाते नाण-दंसण-चरणा, तं हणंतो भावाताहम्मं । अत्तकम्मे वि चउव्विहो निक्खेवो । दव्वे अत्तकम्मं अनुवउत्तस्स किरिया । भावे अत्तकम्मं अनुवउत्तस्स किरिया । भावे अत्तकम्मं आहाकम्मपरिणतो परकम्मं अत्तकम्मी करति । तं पुण आहाकम्मं कस्स पुरिसस्स कप्पति न कप्पति वा ? अहवा - कस्स तित्थे कथं कस्स कप्पति न कप्पति वा ॥ आधाकम्मकारी इमं दुविधं उद्दिस्स करेज्जा - ओहेण विभागेण वा । सो पुण ओहविभागो इमेहिं चउहिं दारेहिं अनुगंतव्वो-

[भा. २६६७] संघस्स पुरिम-पच्छिम-समणाणं चेव होइ समणीणं ।

चउण्हं उवस्सयाणं, कायव्व परूवणा होति ॥

चू-आहाकम्मकारी सामण्णेण वा विसेसेण वा संघुद्देसं करेति । एवं समणं-सामण्ण-विसेसेणं वा उद्दिस्सति । चउण्हं उवस्सयाणं सामण्णेण विसेसेण वा उद्देसं करेति । ते य इमे चउरो उवस्सया - पंचयामसमणाण एगो, समणीण बितिओ, एवं चाउज्जामियाण वि दो, एवं चउरो ॥

[भा. २६६८] संघं मसुद्धिसित्ता, पढमो बितिओ य समण-समणीणं ।

ततिओ उवस्सए खलु, चउत्थओ एगपुरिसं तु ॥

चू-आहाकम्मकारी सामण्णे चउरो संकप्पेउं आहाकम्मं करेति - एगो संघं, बितिओ समण-समणीओ, ततिओ उवस्सए उद्दिसिउं करेति, चउत्थो एगपुरिसं उद्दिस्सति ॥

[भा. २६६९] जदि सव्वं उद्दिसिउं, संघं तु करेति दोण्ह वि न कप्पे ।

अहवा सव्वे समणा, समणी वा तत्थ वि तहेव ॥

चू- यदीत्यभ्युपगमे, सर्वमिति सामान्येन सर्वसंघं उद्दिसिउं करेति तो दोण्ह वि चउजाम-पंचजामाण न कप्पति । अहवा - दो पुरिम-मज्झिमा । अहवा - सव्वे समण-समणी य मण्णेण उद्दिसति । तत्थे त्ति सामनुद्देसे तहेव जहा कडं संघस्स तथा समण-समणीण वि चउजाम-पंचजामाण वि सव्वेसिं अकप्पं भवति ॥ विभागुद्देसे मं विहाणं-

[भा. २६७०] जइ पुण पुरिमं संघं, उद्दिसती मज्झिमस्स तो कप्पे ।

मज्झिम उद्दिट्ठे पुण, दोण्हं पि अकप्पियं होइ ॥



चू- जइ पुरिं उसभसामिसंघं उद्दिसिउं करेति तो मज्झिम-बावीस-तित्थकरण संघस्स कप्पं भवति, पच्छिमाण अकप्पं । अह मज्झिम-संघस्स उद्दिसिउं कडं तो दोण्ह वि पुरिम-मज्झिमाण अकप्पं । अहवा- चउजाम-पंचजामाणं दोण्ह वि अकप्पं । पच्छिमुद्दिट्ठे पुरिम-पच्छिमाण अकप्पं मज्झिमाण कप्पं ॥

[भा.२६७१] एमेव समणवग्गे, समणीवग्गे य पुव्वनिद्दिट्ठे ।  
मज्झिमगाणं कप्पे, तेसि कडं दोण्ह वि न कप्पे ॥

चू- पुव्वमिति रिसभसामिणो तित्थे जे समणा समणीओ वा ते उद्दिसिउं करेति, तो तेसिं अकप्पं, मज्झिमाण पुण कप्पं । तेसिं मज्झिमाण कडं दोण्ह वि पुरिमाण मज्झिमाण अकप्पं ॥

[भा.२६७२] पुरिसाणं एगस्स वि, कयं तु सव्वेसि पुरम-चरिमाणं ।  
न वि कप्पे ठवणा मेत्तगं तु गहणं तहिं नत्थि ॥

चू- ओहेण एगपुरिसं समुद्दिस्स जं कयं तं सव्वेसिं पुरिम-पच्छिमाण अकप्पं । मज्झिमाण विसेसो - एगेण गहिएण सेसाण तत्थ कप्पं भवति । पुरिम-पच्छिमाण पुण एगेण वि गहिए सेसाण वि सव्वेसिं अकप्पं भवति “ठवणा” इति प्रज्ञापनमात्रं नात्र संभवोऽस्तीत्यर्थः ।

अह मज्झिमगं एगं उद्दिसिउं करेति पुरिम-पच्छिमाणं समण-समणीणं सव्वेसिं अकप्पं । मज्झिमाणं पुण तस्सेवेगस्स अकप्पं सेसाणं भवति ॥

[भा.२६७३] एवमुवस्सयपुरिमे, उद्दिट्ठं तं न पच्छिमा भुंजे ।  
मज्झिमतव्वज्जाणं, कप्पे उद्दिट्ठसमुव्वा ॥

चू- एवं जति सामण्णेण उवस्सयाणं करेति तो सव्वेसिं अकप्पं भवति । अह पुरिमोवस्सए उद्दिसिउं करेति तो पुरिमाण-पच्छिमाण य सव्वेसिं अकप्पं, मज्झिमाणं पुण कप्पं भवति । अह मज्झिमोवस्सए सव्वोउद्दिसिउं करेति तो मज्झिमाण पुण पुरिम-चरिमाण य सव्वेसिं अकप्पं चेव भवति । “मज्झिमतव्वज्जाणं कप्पे”ति अस्य व्याख्या - जति मज्झिमसमणाण उवस्सए उद्दिसिउं करेति ते चेव समणे वज्जेउं मज्झिमाण चेव सेसाण समण-समणिउवस्सगाण कप्पं भवतीत्यर्थः । “उद्दिट्ठसमुव्व”ति अस्य व्याख्या - पुव्व इति रिसभसामि वा । अहवा-पंचजामा ते उद्दिट्ठसमा, तेषां न कल्पयतीत्यर्थः । एवं प्रायसं पुरिम-मज्झिमाण भणितं ॥

इमं तु प्रायसं मज्झिम-पच्छिमाणं भणति-

[भा.२६७४] सव्वे समणा समणी, मज्झिमगा चेव पच्छिमा चेव ।  
मज्झिमग-समण-समणी, पच्छिमगा समण-समणीओ ॥

चू- “सव्वे समणा समणी” एत्थ सामण्णेण भणिते सव्वेसिं अकप्पं । “मज्झिमगा चेव” मज्झिमगाण समण-समणीण य उद्दिट्ठं पच्छिमाण सव्वेसिं अकप्पं, मज्झिमपासावच्चिज्जाण सव्वेसिं कप्पं । मज्झिम-समणाण उद्दिट्ठं मज्झिम-समणीण कप्पं, सेसाणं सव्वेसिं अकप्पं । मज्झिम-समणीण उद्दिट्ठं मज्झिम-समणाण चेव कप्पं, सेसाण सव्वेसिं अकप्पं । पच्छिम-समणा उद्दिट्ठं पच्छिमगाण समणाण समणीण य अकप्पं, मज्झिमगाण दोण्ह वि कप्पं । पच्छिम-समणीण उद्दिट्ठे वि एवं चेव भाणियव्वं ॥

[भा.२६७५] उवसग-गणित-विभावित, उजुगज्झा य वंकज्झा य ।

मज्झिमग उज्जुपन्ना, पेच्छा सण्णाइयागमणं ॥

चू-बहूणं उवस्सगारणं मज्जे पंच इति गणिया । अमुग इति नामेहिं विभातिया गणियविभाति एसु चउभंगो कायव्वो । मज्झिमाण पढमभंगे गणियविभातितान चे अकप्प, सेसाण कप्पं । मज्झिमाण बितियभंगे जाव गणियप्पमाणेहिं न गहियं ताव स्ववेसिं अकप्पं, तप्पमाणेहिं गहिते सेसाण कप्पं भवति ।

मज्झिमाण ततियभंग जावतिया सरिसनामा सव्वेसिं अकप्पं सेसाण कप्पं भवति । मज्झिमाण चउत्थभंगे सव्वेसिं अकप्पं भवति । चोदग आह - किं कारणं - चउज्जामाण उद्दिट्ठवज्जाण कप्पं, पंचाजामाण सव्वेसिं चेव अकप्पं ? अत्रोच्यते - पुरिमा रिज्जु जड्ढा य । पच्छिमा वंक जड्ढा य । मज्झिमा उज्जुपन्ना नाणमंता य । तिविधाण वि साहूण नडपेच्छग-दिट्ठंतेण निदरिसणं कज्जति । साहूण सण्णायगकुलागयाण गिहिणो उग्गमादिदोसे करेज्ज । तत्थ वि तिहा निदरिसणं कज्जति ॥

[भा. २६७६] नडपेच्छं दट्ठणं, अवस्स आलोयणा न से कप्पे ।

कउगाती सो पेच्छति, न ते वि पुरिमाण तो सव्वे ॥

चू-नडबिलंविणोणडा । पुरिमाण साहू भिक्खादिनिग्गता, नडं दट्ठण उज्जुत्तणेणं आयरियाणं अवस्स आलोयणं देंति, आयरिएण य भमिओ न वट्ठति, न साहूण नडपेक्खणा कप्पते काउं । आमं ति अब्भुवगता पुणो अडंतो कउआदी पेच्छति, छत्तो कउगो भण्णति - आलोइए गुरूहिं भणितो - न तुमं पेच्छसु । सो भण्णति - नडो वारितो न कउगो, एस मया कउओ दिट्ठो । आयरिओ भणइ - कउओ वि न कप्पते दट्ठुं । एवं उज्जुत्तणेण जावतितं पडिसिज्जति तावतियं वज्जेति । जाहे न सव्वं कप्पति त्ति वारितो ताहे सव्वे नडा वज्जेति ॥

[भा. २६७७] एमेव उग्गमादी, एक्केक्कणिवारितेरते गिणहे ।

सव्वे वि न कप्पंति, त्ति वारिओ जा जियं चयति ॥

चू- एमेव पुरिमाण उग्गमादिदोसं वारितो वज्जेइ, इतरं गेणहति, जाहे वारिओ सव्वे वि उग्गमादिदोसा न कप्पंति ताहे सव्वे जावज्जीवं परिच्चयति ॥ एवं सण्णायगा साहू वि एक्केक्को वारितो ठायति-

[भा. २६७८] सण्णातगा वि उज्जुत्तणेण कस्स कडं तुज्ज एयं ति ।

मम उद्दिट्ठं न कप्पति, कीतं अन्नस्स वा पकरे ॥

चू-जहा साहू सण्णायगावलोयणेण सण्णायगकुलं गतो तदा सण्णायगा वि किंचि अब्भुच्चयं करेज्ज । साहूणा पुच्छिया कस्सेयं तुहे कयं, ते उज्जुत्तणेण कहयंति तुज्जमेयं ति । सो साहू भणति - मम उद्दिट्ठं भत्तं न कप्पति, ताहे सो गिही कीयकडादि य करेति, अन्नस्स वा साहुस्स आहाकम्मादि करेज्ज ॥

[भा. २६७९] सव्वेसि संजयाणं, उग्गमदोसा निवारिया सव्वे ।

इति कहिते पुरिमाणं, सव्वेसिं ते उ न करेति ॥

चू- एवं गिहीण जाहे कहियं सव्वे उग्गमदोस सव्वेसिं साहूणं न कप्पंति ताहे ते गिहिणो सव्वे उग्गमदोसे सव्वेसिं साहूणं न करेति । इति उपप्रदर्शनार्थं । पुरिमा एव तिष्ठन्तीत्यर्थः ॥

“उज्जु-जड्ढत्तणाण” इमं वक्खाणं-

[भा. २६८०] उज्जत्तणं से आलोयणाए जड्ढत्तणं से जं भुंजे ।

तज्जातिए न जाणति, गिही वि अन्नस्स अन्ने वा ॥

चू- जं से आलोएति तं से उज्जुत्तणं । जं तज्जातीए सव्वे दोसे न वज्जति एयं से मतीए जडत्तणं । गिहिणो वि जं अन्नस्स निवारियस्समण्णं करेति, अन्नो व उग्गमदोसे करेति, एयं सिं मतीए जडत्तणं, जं पुण पुच्छिता फुडं साहंति एयं सिं उज्जुत्तणं ॥ “मज्झिम-उज्जुपज्जाणं” इमं वक्खाणं-

[भा.२६८१] उज्जुत्तणं से आलोयणाए पन्ना तु सेसवज्जणया ।

सण्णायगा वि दोसेण करेत्तण्णेण सव्वेसिं ॥

चू- जं रहे पडिसेविउं आलोएति, एयं से उज्जुत्तणं । जं तज्जातीए सव्वे दोसे वज्जति, एयं से पन्नत्तणं । गिहिणो वि जहा एस एयस्स दोसो अकप्पो तथा तज्जातीया सव्वे अकप्पा, जहा एयस्स तथा सव्वसाहूणं । अन्ने उग्गमदोसे अन्नेसिं साधूणं न कप्पंतीत्यर्थः ॥

“पच्छिमा वंकजड्डु”ति अस्य व्याख्या-

[भा.२६८२] वंका उ न साहंती, पुट्टा य भणंति उण्ह-कंटादी ।

पाहुणग-सद्ध-ऊसव, गिहिणो वि य वाउलं तेवं ॥

चू- वंकत्तणतो दोसे पडिसेविउं न साहंति, नालोचयंति, जडुत्तणं से जं जाणंती अजाणंती वा आत्माऽ तिचारे प्रवर्तते । पुच्छिओ - तुमे नडो दिट्ठो ? भणति - न मे दिट्ठो । तो किं तथ्य चिट्ठितो ? भणति - त्त उण्हेणाभिहतो चिट्ठतो, कंटगो वा लग्गो, सो तथ्य चिट्ठतेणावणीतो । गिहिणो वि पुच्छिता भणंति - पाहुणा आगता तेन मए अब्भुच्चओ कओ, अप्पणो कओ वा एरिसे भत्ते सद्धा उस्सवो वा अज्ज अण्हाणं, एवं गिहिणो वाउलेंति-व्यामोहमुत्पादयंति, न सम्भावमाख्यायंतीत्यर्थः । एतेण कारणेण चाउजाम-पंचजामाण आकम्मग्गहणे विसेसो कतो । एवं संजतीण वि संजयसरिसगमो दट्ठव्वो ॥

[भा.२६८३] एतेसामण्णतरं, आहाकम्मं तु गेण्हती जो उ ।

सो आणा अनवत्थं, मिच्छत्त-विराधनं पावे ॥

चू- बितियपदेण इमेहिं कारणेहिं भुंजेज्जा-

[भा.२६८४] असिवे ओमोयरिए, रायदुट्ठे भए व गेलण्णे ।

अद्धाण रोहए वा, धित्तिं पडुच्चा व आहारे ॥

चू- असिवगहिओ त्ति, तो पच्छ भोयणट्ठा । असिवगहितो वा, अलंभंतो बाहिं वा असिवं तेन अनितो ओमे वि अकव्वंतो राअदुट्ठे अप्पसारियं अच्चंतो, बोहिगभए भिक्खाए अनिग्गच्छंतो, गेलण्णे ओसधं पत्थभोयणं वा, अद्धाणे अद्धाणकप्पो असंधरंतो वा आहाकम्मलंभे गहणं करेज्ज । रोहए वि अप्फव्वंतो दुब्बलधित्ती वा प्राणसंधारणट्ठा आहारे, अन्नतरं वा कारणं पडुच्च आहारेज्ज ॥ गिलाण अद्धाणेसु इमा वक्खा-

[भा.२६८५] आयरिए अभिसेए, भिक्खुम्मि गिलाणगम्मि भयणाओ ।

तिक्खुत्तो अडविपएसे, चतुपरियट्ठे ततो गहणं ॥

[भा.२६८६] गुरुगो जावज्जीवं, सुद्धमसुद्धेण होइ कायव्वं ।

वसभे बारसवासा, अट्टारस भिक्खुणो मासा ॥

चू- आयरिओ गिलाणो सुद्धस्स अलाभे आहाकम्मं भयति सेवतीत्यर्थः । एवं अभिसेओ

भिक्षूय । अद्धाणे पडिसेवणा पवेसउत्तिण्णा मज्झे वा तिक्खुत्तो हिंडिउं च परियट्ठे पणगहाणीए असंथरंतो जाहे चउगुरुं पत्तो ताहे गेण्हति । एवं न तस्स दोषेत्यर्थः ॥

मू. (६१४) जे भिक्षू पडुप्पन्नं निमित्तं वागरेति, वागरेतं वा सातिज्जति ॥

मू. (६१५) जे भिक्षू अनागयं निमित्तं वागरेति, वागरेतं वा सातिज्जति ॥

चू-पडुप्पन्नं नाम वट्टमाणं लाभालाभाति वट्टमाणे वागरेति । अणागतं एष्यं निमित्तं वागरेति-आगामस्स काले लाभाति वागरेति । छव्विहं निमित्तं इमं-

[भा. २६८७] लाभालाभ-सुह-दुक्ख-जीवित-मरण तीतवज्जाइं ।

गिहि-अन्नतिथियाण व, जे भिक्षू वागरिज्जाणा ॥

चू-लाभालाभं सुहं दुक्खं जीवितं मरणं-एताणि छ अतीतकालवज्जामि वागरेति वर्तमान एष्ये इत्यर्थः । गिहीणं अन्नतिथियाणं वा जो वागरेज्ज भिक्षू सो आणादिदोसे पावेज्ज ॥

छव्विह-वट्टमाणगप्रदर्शनार्थ-

[भा. २६८८] पट्टविओ मे अमुओ, लभति न लब्भति व तस्सिमा वेला ।

वीमंसा दुक्खीहं, सुहीति अमुअं च ते दुक्खं ॥

चू-अमुगो मया अमुगसमीवं पेसितो लाभनिमित्तं सो तत्थ तं लभेज्ज न लभेज्ज ? अहवा - इमा तस्स आगमनवेला, सो लद्धलाभो अलद्धलाभो वा आगच्छति न वा ? वीमंसद्धा वा कोइ पुच्छेज्ज - किमहं सुही दुक्खी वा ? अहवा - वट्टमाणकाले चेव वागरेति इमं ते सारीरं दुक्खं माणसं वा वट्टति ॥

[भा. २६८९] जीवति मओ त्ति वा, संकितम्मि एगतरगस्स निद्देसं ।

एवं होहिति तुज्झं, तस्स व लाभादओ एस्से ॥

चू-को ति विदेसत्थो न नज्जति जीवति मतो वा, एरिसे संकिते पुच्छितो एगतरनिद्देसं करेज्ज, एवं वट्टमाणे । एस्से वि जस्स पुच्छिज्जति - सो पच्चक्खो परोक्खो वा । पच्चक्खो भण्णति - तुज्झं एस्से काले एवं होहिति । लाभो अलाभो वा, सुहं दुक्खं वा, जीवियं मरणं वा । परोक्खे तस्स-एस्से काले इमो लाभो अलाभो वा, सुहं दुक्खं, जीवितं मरण वा भविस्सति ॥

जीविय त्ति भणिते-

[भा. २६९०] आनंदं अपडिहयं, संखडिकरणं च उभयथा होइ ।

खेत्तादि मरण कोट्टण, अधिकरणमणागयं जं च ॥

चू-आनंदं अपडिहयं करेति वर्धमानकमित्यर्थः । मतो त्ति भणितो संखडिकरणं करेज्ज । एवं उभयथा अवि अधिकरणदोसो भवति । अहवा - मतो त्ति भणिते खित्तचित्तो भवे मरति वा, उर-सिर-कुट्टणादि वा करेज्ज, मत्तिकिच्चकरणेसु वा अधिकरणं भवे । अहवा - अनागते निमित्ते वागरिते एते खित्तचित्तादिया दोसा भवंति ॥

जं च निमित्त-बलेण कज्जसंघमं करेज्ज ॥

[भा. २६९१] उच्छाहो विसीदंते, अगंतुकामस्स होति गमणं तु ।

अहिकरण थिरीकणं, कय विक्कय सन्नियत्ती य ॥

चू-अणागतनिमित्तवागरणेण कज्जे विसीदंतस्स उच्छाहो कतो भवति । लाभत्थिणो परदेसं

अंगंतुकामस्स अवस्स ते लाभो भविस्सति त्ति गमणं करेति । किसिमादि अधिकरणेसु विसीदंतस्स अवस्स वुद्धी भविस्सति त्ति वागरिए अधिकरणे स्यैर्यं भवति । अहवा - परदेसं गंतुकामस्स इहेव लाभो भविस्सति त्ति थिरीकते अधिकरणं भवति । इमं किणाहि इणं विक्किणाहि । इतो कम्मरंभातो सन्नियत्ताहि इमम्मि कम्मरंभे पयइसु, एवं ते लाभो भविस्सति । एवं अधिकरण दोसा ॥ इमे य दोसा-

[भा.२६९२] आएस विसंवादे, पओस-निच्छुभणादी-वोच्छेओ ।  
अहिकरणं अन्नेन व, उड्डाहऽन्नाण-वातो य ॥

चू-आएसे य विसंवतिए पदोसं गच्छेज्ज । वसहीओ वा निच्छुभेज्ज । आहारादिवसहाण वा वोच्छेदं करेज्ज । अन्नेन वा निमित्तिएण सद्धिं अधिकरणं भवे, अन्नेन वा निमित्तिएण संवादिते साधूण अन्नाण-वादो भवति, उड्डाहो य भवेज्ज ॥

[भा.२६९३] नियमा तिकालविसए, निमित्ते छव्विहे हवति दोसो ।  
सज्जं उ वट्टमाणे, आतुभए तत्थिमं नायं ॥

चू-नियमा अवस्सं दोसो भवति, तिकालविसए अतीते वट्टमाणे एस्से य, छव्विहे लाभादिए सयमेव वर्तमानकाले आदेसे दोसो भवति, उभयमिति अप्पणो परस्स वा, तत्थिमं नातं धट्ठांत इत्यर्थः ॥

[भा.२६९४] आकंपिता निमित्तेण, भोइणी होतिए चिरगतम्मि ।  
पुव्वभणितं कधंते, आगतुरुद्धो य वलवाते ॥

[भा.२६९५] दाराभोगण एगागि, आगमो परियणस्स पच्चोणीं ।  
पुच्छा य खमणकहणं, सादीयंकारसुविणादी ॥

[भा.२६९६] कोहो बलवा-गब्भं, च पुच्छितो भणति पंचपुंडासो ।  
फालण दिट्ठे जति नेवं तुह अवितहं कति वा ॥

चू- एगो निमित्तिओ तेन भोतिणी गामसामिणी आकंपिता अविसंवातिनिमित्तेन आ-उट्ठिता । अन्नाता सा भोतिणी भोतियं चिरगतं पुच्छति - कया सो भोतितो आगच्छति ? तेन कहियं - अमुगदिने अमुगवेलाए आगच्छति । ताहे तस्स नेमित्तियपुव्वभणितं इत्थिमादिपरियाणे सव्वं कहेति । सती असती त्ति मे दारं, तस्स आभोगणट्ठा एगागी आगतो पेच्छति - सव्वपरियणो पच्चोणीए निग्गतो अ, मग्गति ता पच्चोणी ।

तेन पुच्छियं - कहं ते णायं ? तेहिं कहियं - एरिसो तारिसो खमगो नेमित्तिओ, तेन कहियं । सो गतो तं बाहिरित्ता निमित्तं पुच्छति । तेन वि से सुविणादिसादीयंकारं निमित्तं अवितहं कहियं । सो भोतिओ तंमि कहिते ईसालुयभावेण रुद्धो वडवाएसं पुच्छति - एस वलवा गब्भिणी, एतीए किं भविस्सति ? तेन भणियं - पंचपुंडो आसो भविस्सति । तेन तक्खणा चेव फालविया दिट्ठा । ताहे भोतितो भणति - “जइ एवं न होतं तो तुह एवं पोहं फालियं होतं ।” एवं अवितनेमित्तिया केत्तिया भविस्संति, जम्हा एते दोसा तम्हा न वागरे ॥ भवे कारणं-

[भा.२६९७] असिवे ओमोयरि, रायदुडुं भए व गेलण्णे ।  
अद्धाण रोहए वा, जयणाए वागरे भिक्खू ॥

[भा.२६९८] एतेह संथरंतो, पणगादी कम्मऽइच्छितो संतो ।

एस्सेव पडुप्पन्नं, व भणति भद्देसु उवउत्तो ॥

चू- एतेहिं कारणेहिं असंथरंतो पणगपरिहाणीए जाहे आहाकम्मं अइक्कंतो ताहे पुव्वं आगमिस्स निमित्तं वागरेति भद्देसु अतीव उवउत्तो, पच्छ आगमिस्स पडुप्पन्नं ॥

मू. (६१६) जे भिक्खू सेहं अवहरइ, अवहरेंतं वा सातिज्जति ॥

चू- सेहणिज्जो सेहो, जो तं अणो भव्वं अवहरति तस्स चउगुरुं । तं च सेहं न लभति ।

[भा. २६९९] सेहऽवहारो दुविहो, पव्वावियए यऽपव्वयंतं य ।

एक्केको वि य दुविहो, पुरिसित्थिगतोय नायव्वो ॥

चू- सेहावहारो दुविहो - पव्वतिते अपव्वतिते वा । पुणो दुविहो - एक्केको पुरिसित्थिभेदेण नायव्वो ॥ किहं पुण तस्सावहारो हवेज्ज - ?

[भा. २७००] पव्वावणिज्ज बाहिं, ठवेत्तु भिक्खुस्स अतिगते संते ।

सेहस्स आसिआवण, अभिधारेंतो य पावयणी ॥

चू- कोति पव्वावणिज्जं ससहि सेहं धेत्तुं पड्डितो । तं भिक्खाकाले एगत्य गामे बाहिं ठवेउं भिक्खट्ठा पविट्ठो, सो य अन्नेन साहुणा सेहो दिट्ठो । ततो स तेणं विष्पयारेउं आसियावितो । साधुविरहितो वा एगागी अभिधारेंतो वयंतो अंतरा अन्नेने विष्पयारेउं पव्वावितो । एते दो वि जया पावयणी जाता तदा अप्पणा चेव अप्पणो दिस-परिच्छेदं करिस्संति ॥

जेन सो बहि-ड्डितो दिट्ठो सो इमो-

[भा. २७०१] सन्नातिगतो अद्धाओ व वंदणग पुच्छ सेहो मि ।

सो कत्थ मज्झ कज्जे, छायपिवासुस्स वा अडती ॥

चू- सण्णाभूमिनिग्गतेन दिट्ठो, आदिसद्दातो भत्तादिपरिद्धावणा-निग्गतेण दिट्ठो । अहवा - केणइ अद्धाणनिग्गतेण दिट्ठो । सेहेण वंदितो साधू पुच्छति - को सि तुमं ? कतो वा आगतो ? कहिं वा पड्डितो ? सेहेण भणियं - अमुगेण साहुणा सद्धिं पड्डितो पव्वज्जाभिष्पाएण । सो कत्थ साधू ? सेहो भणति - मज्झ कज्जे छायस्स पिवासियस्स वा भत्तपाणट्ठा अडइ ॥

सो साधू भणाति-

[भा. २७०२] मज्झमिणमन्नपानं, भुंजसु (उवजीव)ऽनुकंपयाए सुद्धो उ ।

पुट्टमपुट्टे कहणे, एमेव य इयरहा दोसा ॥

चू- जति सो साहू साहम्मिउ ति अनुकंपाते भत्तपानं ददाति तो सुद्धो । सेहेण पुच्छितो अपुच्छितो जइ धम्मं अनुकंपाए कहेति तो एमेव सुद्धो । अह अवहणट्ठा भत्तं पानं वा देति, धम्मं वा अक्खति, तो से चउगुरुं पच्छित्तं, सेहं च न लभति ॥ इमे य अवहरणपयोगा-

[भा. २७०३] भत्ते पन्नवग निगूहणा य वावार झंपणा चेव ।

पडुवण सयं हरणे, सेहेऽव्वत्ते य वत्ते य ॥

चू- अवहरणट्ठाए- “मम संबंधं एस्सइ” ति भत्तं से देति, धम्मं वा से पन्नवेइ । सो सेहो तस्स आउट्ठो भणति - तुज्झ समीवे निक्खमामि, किं तु कहिं वि मे गुविलपदेसे निगूहह, तस्स हं पुरतो न ठायामि । ताहे सो तं वावारेति - अमुगत्य नलुक्काहिति । तत्थ निलुक्कं साधू पलालादिणा झंपेति - स्थगयतीत्यर्थः । अहवा - अन्नेहिं सद्धिं अन्नगामं पडुवेति । एगाणिं वा पडुवेइ - “अमुगत्य

वच्चह अहमवि अमुगदिने तत्थ ण्हामि” । अहवा - सयमेव घेत्तुं अवहरति । एतेस छसु पदेसु सेहे अव्वत्ते वत्ते य ॥ इमं पच्छित्तं-

[भा.२७०४] गुरुओ चउलहु चउगुरु, छल्लहु छगुरुगमेव छेदो य ।  
भिकखूणाइरियाणं, मूलं अणवट्ट पारंची ॥

चू- भिकखू जति अव्वत्तसाहुस्स अवहरणट्टा भत्तं देति मासगुरुं । धम्मस्स पन्नवणाते चउलहुं । निगूहणवयणे चउगुरुं । वावारणे छल्लहुं । झंपणे छगुरुं । पट्टवणे सयं हरणे छेदो । एवं अव्वत्ते । वत्ते पुण चउलहुगाओ आढत्तं मूले ठायति । गनिग्गहमातो उवज्झातो तस्स चउलहुगा आढत्तं अणवट्टे ठायति । आयरियस्स चउगुरुगाढत्तं पारंचीए ठायति ॥ एवं ससहाए अवहरणं भणियं । जो पुण असहाओ अभिधारंतो वयति तत्थिमं-

[भा.२७०५] अभिहारेंत वयंतो, पुट्टो वच्चामहं अमुगमूलं ।  
पन्नवण भत्तदानं, तहेव सेसा पया नत्थि ॥

चू- कोइ सेहो असहाओ एगागी कंचि आयरियं अभिधारतो वच्चति । तेन अंतरा गामे पंथे वा साधू दिट्ठो, नीयावत्तं से वंदणं कतं । तेन साहुणा पुच्छितो - कहिं वच्चसि ? कतो वा आगओ ? तेन कहियं - अमुगायरियस्स सगासे पव्वयणट्टा वच्चामि । जति भिकखू वुग्गाहणट्टा अव्वत्तस्स भत्तदानं धारेति तो मासगुरुं, धम्म-पन्नवणाते चउलहुं । वत्ते चउलहुं चउगुरुगा । उवज्झायआयरियाणंछल्लहु उग्गुरुगा । हेट्टे एक्केक्कपदं हुसति । सेसा निगूहणादिया पदा नत्थि । अवराहपदाभावातो पच्छित्तं पि न विज्जति ॥ एस अपव्वाविए विधी भणितो । इमो पव्वाविते-

[भा.२७०६] पुरिसम्मि इत्थिगम्मि य, पव्वावितगम्मि एस चेव गमो ।  
नायव्वो निरवसेसो, अव्वत्ते तहेव वत्ते य ॥

चू- जो अपव्वाविए विही पव्वाविए वि एस चेव विधी । अव्वत्ते वत्ते य निरवसेसो दट्टव्वो ॥

[भा.२७०७] एवं तु सो अवहितो, जाहे जातो सयं तु पावयणी ।  
निक्कारणे य गहितो, वच्चति ताहे पुरिल्लाणं ॥

चू- एवं जो अवहितो सो जाहे सयमेव पावयणी जातो अधीतानुयोगीत्यर्थः । एसो अन्नो वा जो निक्कारणे केणति गहितो सो अप्पणो सयमेव दिसापच्छेदं काउं पुणो बोहिलाभट्टताए पुरिल्लाण चेव वच्चति ॥ भत्तदानादि अवहडस्स इमो अववादो भण्णति-

[भा.२७०८] अन्नस्स व असतीए, गुरुम्मि अब्भुज्जेतगतरजुत्ते ।  
धारेति तमेव गणं, जो य हडो कारणजाए ॥

चू- जेण अवहडो तस्स गच्छे अन्नो आयरिओ-नत्थि । अहवा - अत्थि सो अब्भुज्जयमरणेणं अब्भुज्जयविहारेण वा जुत्तो प्रतिपन्नेत्यर्थः । ताहे सो अवहडो तं चेव गणं धरेइ न पुरिल्लाणं गच्छति । जइ केणइ आयरिएणं कारणजाएण अवहडो सो तं चेव गणं धरेइ, न पुरिल्लाणं गच्छति ॥ एवं चेव विसेसियतरं भण्णति-

[भा.२७०९] कारणजाए अवहडो, गणं धरेमाणा सो हरंतस्स ।  
जावेगो निम्मातो, पच्छा से अप्पणो इच्छा ॥

चू- जो कारणेण अवहडो अन्नाभावे सो गणं धरंतो हरंतस्स आभव्वो भवति । सो जेण

कारणेण अवहडो जति तं कारणं न पूरेति तो पुरिल्लाण चेव आभव्वो हवति, न हरंतस्स । जो कारणेण अवहडो सो तम्मि गणे ताव अच्छति जाव एगो गीयत्थो णिम्मातो, पच्छा से अप्पणो इच्छा, तत्थ वा अच्छति, पुरिल्लाण वा गच्छति । इतरो पुण निक्कारणावहडो एगम्मि निम्माए पुरिल्लाण गच्छति, न तस्येच्छा इत्यर्थः ॥

[भा. २७१०] एतेसामन्नतरं, अवहारं जो करेज्ज सेहस्स ।  
सो आणा अणवत्थं, निच्छत्त-विराधनं पावे ॥

चू- किं पुण तं कारणं जेण अवहारं करेति ?

[भा. २७११] नाऊण य वोच्छेदं, पुव्वगते कालियाणुजोगे य ।  
सुत्तत्थजाणगस्सा, कप्पति सेहावहारो उ ॥

चू- कस्स ति आयारयस्स पुव्वगते वत्थं पाहुडं वा कालियसुत्ते वि सुत्तक्खंधो अज्झयणं उद्देसो वा अत्थि, तमन्नस्स नत्थि । जति तं अन्नस्स न संकामिज्जति तो वोच्छिज्जति । एवं नाऊण भत्तपाणपन्नवणादिएहिं अव्वत्तंवत्तं वा सुत्तजाणओ पुरिसो सेहावहारं करेज्ज । एवमादिकारणेषु कल्पते इत्यर्थः ॥

[भा. २७१२] एमेव य इत्थीए, अभिधारंतीए तह वयंतीए ।  
वत्तऽव्वत्ताए गमो, जहेव पुरिसस्स नायव्वो ॥

चू- एवं इत्थी वि अभिधारंती जा गच्छति ससहाई वा जा वयति । वत्ताए अव्वत्ताए वा जहेव गमो पुरिसाण तहेव इत्थीए वि नायव्वो बोधव्वमित्यर्थः ॥

मू. (६१७) जे भिक्खू सेहं विप्परिनामेति, विप्परिणामेत्तं वा सातिज्जति ॥

चू- क्रीति सेहो अहमेतस्स आयरियस्स समीवे पव्वायामित्ति परिणतो, तं विविधैः प्रकारैरात्मानं तेन परिनामयति ति विपरिनामेति । अहवा - विविधप्रकारैरात्मानं परिनामयति । विगतपरिनामेति विगतपरिनामं वा करोतीति विप्परिनामेति ।

[भा. २७१३] विप्परिनामणसेहे, पव्वावियए यऽपव्वयंते य ।  
एक्केक्का सा दुविहा, पुरिसिस्त्थिगया य नायव्वा ॥

[भा. २७१४] तह चेव भिहारंते, वंदिय पुच्छा य भत्तपन्नवणा ।  
तह वि असंबज्जंते, विप्परिनामो इमेहिं तु ॥

चू- तत्थेति जहाऽवहारे सहायो अभिधारंतो वा कस्सइ आयरियस्स पासं वच्चइ, अंतरा य अन्नेन साहुना दिट्ठो । सेहेण य विनयपुव्विं तस्स वंदणयं कयं । साहुणा पुच्छित्तो कहिं वच्चसि ? तेन भणियं - अमुगायरियस्स सगासं पव्वतिउं वच्चांमि । ताहे सो तं विप्परिनामेति भत्तदानधम्मपन्नवणाए य ॥ तह वि अपडिवज्जमाणं इमेहिं विप्परिनामेति-

[भा. २७१५] आहिंडए विवित्ते, मद्दविए जाति लाभ सुत्त अत्थे ।  
पूइय महणे नेता, संगहकुसो कहक वादी ॥

चू- “आहिंडए” ति अस्य व्याख्या-

[भा. २७१६] आहिंडति सो निच्चं, वयं तु नाहिंडगा न वत्थव्वा ।  
अहवा वि स वत्थव्वो, अन्हे पुण अनियता वासा ॥

चू- सो तम्मि विप्परिनामंतो भणइ- “मम पासे निक्खमाहि । सो आहिंडिओ इओ इओ



पडिहिंडइ, डालं डालिओ, तुमं पि तेन समं हिंडंतो सुत्तत्थाणं अनाभागी भविस्ससि । अम्हे पुण न आहिंडगा, न वत्थव्वा, जतो मासकप्पविहारेण विहरामो, तो अम्हेहिं समाणं सुहं अच्छिहिसि, अनिग्गच्छंतो सुत्तत्थाणं य अभागी न भविस्ससि ।”

अहवा - तस्स भावं नाऊण भणेज्जा- “सो वत्थव्वो एगगामणिवासी कूवमंडुक्को इव न गाम-नगरादी पेच्छति । अम्हे पुण अनियतवासी, तुमं पि अम्हेहिं समाणं हिंडंतो नानाविध-गाम-नगरागर-सन्निवेशरायहाणिं जानवदे य पेच्छंतो अभिधानकुसलो भविस्ससि, तथा सर-वावि-वप्पिणि-नदि-कूव-तडाग-काणणुज्जाण-कंदर-दरि-कुहर-पव्वते य नानाविह-रुक्खसोभिए पेच्छंतो चक्कुसुहं पाविहिसि, तित्थकराण य तिलोगपूइयाण जम्मण-निक्खमण-विहार-केवलुप्पाद-निव्वाणभूमीओ य पेच्छंतो दंसणसुद्धिं काहिसि, तथा अन्नोन्नसाहुसमागमेण य सामायारिकुसलो भविस्ससि, सव्वापुव्वे य चेइए वंदंतो बोहिलाभं निज्जित्तेहिसि अन्नोन्न-सुय-दाणाभिगमसहेसु संजमाविरुद्धं विविध-वंजणोववेयमणं घय-गुल-दधि-क्षीरमादियं च विगतिपरिभोगं पाविहिसि” ॥

[भा.२७१७] एमेव सेसएसु वि, पडिपक्खगएण निंदती तं तु ।

जति वि य सो होति तथा, तह वि य विस्सासणा सा उ ॥

चू-सेसा विवित्तमादिया पदा । जे तस्स सेहस्स अनुकूला ते अप्पणा दंसेति, पडिपक्खपदेहिं तं निंदति । जस्स पासं पडित्तो जहा सो निंदति जइ वि तथा भवति तहावि विस्सासणा विपरिनामणा इत्यर्थः । अम्हे विवित्ता निरतियारा गुणाधेया । सो अविवित्तो मूलगुणातियारेहिं संपन्नो सारंभो सपरिग्रह इत्यर्थः । अम्हं आयरिओ अम्हे य मद्दवजुत्ता । सो अप्पणो परिवारो य से कोहणो, अप्पे वि अवराहे कते भणति, निच्छुब्भति वा । इमे अम्हाणं आयरिया जातिकुलेन य संपन्ना, सव्वजनस्स पूयणिज्जा, गुरुगा य । सो पुण जाइहीणो । किं च-इमे अम्हाणं आयरिया लद्धिसंपन्ना, आहारोवकरणवसहीओ य जहा अभिलसिया उपज्जंति पकामं च निच्चित्तेहिं अच्छियव्वं ।

सो पुण अलद्धिओ, तस्स जे सीसा ते निच्चं आहारोवकरणमादियाण अडंता सुत्तत्थाणं अभागिणो अगीयत्था य, तुमं पि तारिसो भविस्ससि । इमे य अम्हाणं आयरिया बहुस्सुया अहो य रातो य वायणं पयच्छंति । तस्स पुण नमोक्कार, चेइअवंदन-पडिक्कमणेसु वि संदेहो । इमे य अम्हाणं आयरिया अत्थधारिणो अत्थपोरिसिं पयच्छंति सीसपडिच्छएहिं आकुला । सो पुण अगीयत्थो, एगानिएहिं तस्स समीवे अच्छियव्वं । इमो य अम्हाणं आयरिओ रातीसर-तलवरमादिएहिं महाजनेन य पूजिओ । तं पुण न को ति जाणति पूएति वा, मय-मायवच्छओ विवाहेंडलो, अनाढितो सव्वलोयस्स । इमो य अम्हाणं आयरिओ महाजननेतारो । सो य एगागी, नत्थि से को ति ।

इमे अम्हाणं आयरिया बाल-वुह-सेह-दुब्बल-गिलाणादियाण संगहोवग्गहकुसला । सो पुण न किं चि अनुअत्तेति, असंगहितो अप्पापोसओ । इमो य अम्हाणं आयरिओ अक्खेवणिमादियाहिं कहाहिं सरायपरिसाए धम्मं कहेउं समत्थो । सो पुण वायकुंठो । इमो परवादिमहणो न कोइ उत्तरं दाउं समत्थो । सो पुण एक्कं पि अक्खरं निरवेक्खं वोतुं असत्तो । एवं ताव अपुच्छितो विप्परिनामेति ॥ अह सो सेहो पुच्छेज्जा-

[भा.२७१८] दिट्ठमदिट्ठे विदेसत्थ गिलाणे मंदधम्म अप्पसुए ।

निष्फत्ति नत्थि तस्स, तिविहं गरहं च सो कुणति ॥

चू-कोति सेहो कंचि आयरियं अभिधारंतो वच्चति, तेन अंतरा को ति साहू पुच्छितो-अमुगा मे आयरिया कर्हिं चि दिट्ठा, सुता वा ? सो साहू भणति किं तेहिं ? सेहो भणाति - पव्वतितुकामो हं ताण समीवे । ताहे सो दिट्ठे वि भणाति - न मे दिट्ठा । सुते वि भणाति - न मे सुता । धवा - सदेसत्थे वि भणाति विदेसं गता । अहवा - अगिलाणे वि भणाति गिलाणा । सो वच्चसे बितिज्जतो किं चि काहिसि ? अधवा भणाति - जो तस्स पासे पव्वयति सो अवस्सं गिलाणो भवति । अहवा - जो तस्स पासे पव्वयति सो निच्च गिलाणवेयावच्चवावडो भवति । अहवा भणाति - सो मंदधम्मो, किं तुज्ज मंदधम्मता रुच्चति ? किं च ते मंदधम्महिं सह संसग्गीए ? अहवा भणाति - सो अप्पसुतो, तुमं च गहणधारणा समत्थो । तस्स पासगतो समाणो किं काहिसि ? अहवा - तुमं चैव ते पढावि-हिसि । अहवा भणाति - तस्स निष्फत्ती नत्थि । जं सो पव्वावेति सो मरति, उन्निक्खमति वा । अहवा - से तिविधं - मनोवाक्कायगरहणं करेति । अहवा - नाणे दंसण चरणे । एवं विप्परिणामेति, न तम्हा एवं वदेज्ज । दिट्ठादिएसु सब्भावं चैव कहेज्ज ॥ इमा विही जइ पुच्छिते-

[भा. २७१९] जति पुण तेन न दिट्ठा, नेव सुया पुच्छितो भणति अन्ने ।

जदि वा गया विदेसं, सो साहति जत्थ ते विसए ॥

चू-जो सेहेण पुच्छितो जति तेन आयरिया न दिट्ठा, नेव सुता कत्थ गामे णगरे विसए वा, तो पुच्छितो भणति - अहं न याणामि, अन्ने साहू पुच्छसु । अह जाणति जहा ते विदेसं गतो ताहे कहयति - जत्थ ते विसए एवं गामं नगरं पि कहयति ॥

[भा. २७२०] सेसेसु तु सब्भावं, नाऽतिक्खति मंदधम्मवज्जेसु ।

गूहंते सब्भावं, विप्परिणति हीनकहणे य ॥

चू-सेसेसु ति गिलाणादिएसु पदेसु जइ वि एसो गिलाणादिभावे वट्ठति तथा वि गिलाणादिभावे नाइक्खति मंद-धम्मं वज्जेउं, मंद-धम्मं पुण आतिक्खति । नाण-दंसण-चित्तसंपन्नो वादी धम्मकही मद्दवो विनीतो संगहोवग्गहकरी-एरिसे भावे गूहंतस्स विप्परिणाममा भवति, अधिकं पि अन्नायरिएहिं तों जइ हीनं कहेति ॥ अहवा इमा गरहा-

[भा. २७२१] सीसोकंपिय गरहा, हत्थविलंबिय अहो य हक्कारे ।

अच्छी कण्णा य दिसा, वेला नामं न घेत्तव्वं ॥

चू-पुच्छितो सीसं कंपेति, हत्थे वा धुणति, विलंबिये वा कुणति, अहो कट्ठं ति वा भणति, अहो न नज्जति वा, हा हा अहोऽकज्जं ति वा भणति, अच्छीणि वा मिलावेइ, अनिमिसनयनेन वा खणमेकं अच्छति, तम्माग्गहणे वा हत्थेहिं कण्णे ठएविति । अहवा - भणाति - जाए दिसाए सो, ताए दिसाए वि न ठायव्वं । निरन्नेहिं इमाए वेलाए तस्स नामंपि न घेत्तव्वं ॥ अहवा-

[भा. २७२२] पव्वयसी आमं कस्स ति सगासे अमुगस्स निदिट्ठे ।

आयपराहिकसंसी, उवहणइ परं इमेहिं तु ॥

चू-कोइ सेहो कंचि अभिधारंतो वच्चति, अंतरा अन्नो आयरिओ साहू वा दिट्ठो, वंदिओ पुच्छिओ तुमं पव्वयसि ? सेहो भणाति - "आमं" ति अनुमयत्थे । साहुणा भणियं - "कस्स सगासे ?" सेहो भणाति - "अमुगायरियस्स" ति निदिट्ठे । ताहे सो साधू अप्पानं परसमीवातो

अधिकं पसंसति ॥ परं च इमं उवाएहिं-

[भा.२७२३] अबहुस्सुता यऽसद्धा, अहच्छंदि तेहि वा वि संसग्गी ।

ओसन्नो संसग्गी, वि तेहि एक्केक्कए दो दो ॥

चू-अहंबहुस्सुओ, सो पुण अबहुस्सुओ । अहं सुद्धपाढी । सो असुद्धसुतो । सो वा अहाच्छंदि, अहाच्छंदिहें वा संसग्गी, ओसन्नो वा ओसन्नेहि वा से संसग्गी । एवं पासत्थादिएसु वि दो दो दोसा वत्तव्वा ॥ तिविहगरहा संदरिसणत्थं इमं भण्णति-

[भा.२७२४] सीसोकंपण हत्थे, कण्णा अच्छि दिसि काइगा गरहा ।

वेला अहो अहंति य, नामं ति य वायिगी होति ॥

चू-सीसो कंपण हत्थविलंबणाकण्णङ्गाणं, अच्छीण निमिल्लणं, अन्नदिसामुहेहिं ठायव्वं इति एसा सव्व काइगी गरहा । इमाए वेलाए नामं न घेत्तव्वं, अहोकारकरणं, हाहकारकरणं च, तस्स नामं पि न घेत्तव्वमिति । एसा वातिगी गरहा भवति ॥ इमा माणसी गरहा-

[भा.२७२५] अह माणसिगी गरहा, सूतिज्जति नेत्त-वत्त-रागेहिं ।

धीरत्तणेण य पुणो, अभिनंदति नेव तं वयणं ॥

[भा.२७२६] असढस्स नत्थि सोही, सेहो पुण पुव्व परिणतो होइ ।

विप्परिनामे गुरुगा, आणाती अनंतसंसारी ॥

चू-माणसी गरहा नेत्तविकारेण वक्त्रविकारेण य सूइज्जति - ज्ञायते इत्यर्थः । अहवा - पव्वयामि त्ति भणिते साहु त्ति वा सुद्धत्ति वा किच्चमेयं भवियाणंति एवं नो अभिनंदति, धीरत्तणेण वा तुण्हिक्को अच्छति ॥ अहवा तिविहा गरहा-

[भा.२७२७] नाणे दंसण चरणे, सुत्ते अत्थे य तदुभए चेव ।

अह होति तिविह गरहा, काए वाए मने चेव ॥

चू-नाणं से गरहिति - नडपढिण्ण वा किं तस्स नाणेण । मिच्छद्दिट्ठी वा सो वप्पव्ववो (चंव्वाओ) सातियारदंसणो । अचरिती सादियारचरिती वा । अहवा तिविहा गरहा - सुत्थे अत्थे उभए । सुत्ते खलियादि, अत्थं पुण परियच्छति । सुत्तं से अखलियादिगुणजुत्तं, अत्थे संकियादि, उभयं पि से असुद्धं, न जाणति वा । अहवा - काइयादि इमा तिविहा गरहा - कायं से गरहिति, हुंडादिसंठियं वा गरहिति, पोच्चङ्गमादी मणसे गरहिति, अणूहत्तणादी वा वहलप्पन्नो वा । एवं अन्नतरे गरहप्पगारे कत्ते तस्स संका भवति । को जाणति किं पि सो करेति, अवस्समकज्जकारी जेण से अववादं गेण्हति । अहवा - से उप्पज्जति जस्स नामं न घेत्तव्वं ता एयस्स दिसाए न ठायव्वं, एते य साहुणो अलियं न भणंति, अवस्सं सो दुराचारो, माऽहं पि तत्थ गतो विणसिस्सं, एत्थ अन्नत्थ वा पव्वायामि त्ति ॥

[भा.२७२८] एयाणि य अन्नाणि य, विप्परिनामणपयाणि सेहस्स ।

उवहि-नियडिप्पहाणा, कुव्वंति अनुज्जुगा केई ॥

चू-एताणित्ति जाणि भणियाणि, अन्नाणि दव्व-खेत्त-काल-भावे य, सेहविप्परिनामणपदानि भवंति । तत्थ दव्वे - मणुण्ण आहारादियं देति । खेत्ततो । - तप-वातिणि इत्ते मणुन्नकूले पदेसे ठवेति । कालओ - वेलाए चेव ददाति । भावतो - अनुकूलं चेव करेति, हियमहुरं वा उवदेसति,

संवज्जणहा एवं विष्णामेति ।

किति उवही ? तिविहा - कम्मोवधी भावोवधी सरीरोवधी । इह तु कम्मोवधीपहाणा तीत्र-कर्मोदए वर्तमाना इत्यर्थः । परस्य व्यंजकत्वेन अधिका कायक्रिया नियडी भण्णाति । ऋजुभावविरहिता अनुज्जता ते एवं विष्परिनामणं कुर्वन्ति ॥

[भा. २७२९] एएसामण्णतरं, विस्ससणं जे करेति सेहस्स ।

सो आणा अणवत्थं, मिच्छत्त-विराधनं पावे ॥

चू- एतेसिं पगाराणं जो अन्नतरेण विस्सासेइ - विष्परिनामेति सेहं सो आणादि दोसे पावति, चउगुरुयं च से पच्छित्तं, तं च सेहं न लभति, पुरिल्लाणं चेव सो आहव्वो, साहम्मियतेणियं च दुल्लभबोधियं च कम्मं बंधति । असंखडे य आयसंजमविराहणा भवे । सेहविष्परिनामे य मिच्छत्तं । जन्हा एते दोसा तन्हा नो विष्परिनामे ॥ एवं पव्वइउकामे, पव्वइएवि एवं चेव, इत्थीए वि एवं चेव । बितियपदं चेवं-

[भा. २७३०] नाऊण य वोच्छेयं, पुव्वकए कालियानुओगे य ।

सुत्तत्थजाणगस्सा, कप्पति विस्सासणा ताहे ॥

मू. (६१८) जे भिक्खू दिसं अवहरति, अवहरंतं वा सातिज्जति ॥

चू- दिशेति व्यपदेशः प्रव्रजनकाले उपस्थापनाकाले वा । यो आचार्य उपाध्यायो वा व्यपदिश्यते सा तस्य दिशा इत्यर्थः । तस्यापहारी - तं परित्यज्य अन्यमाचार्य उपाध्यायं वा प्रतिपद्यते इत्यर्थः । संजतीए पवत्तिनी अवि या ।

[भा. २७३१] रागेण व दोसेण व, विसावहारं करेज्ज जे भिक्खू ।

सो आणा अणवत्थं, मिच्छत्त-विराधनं पावे ॥

चू- रागेण किं चि नीयल्लगं पासित्ता रागो जातो ताहे तं दिसं गेण्हति, पुरिल्ले आयरिओक्ख्जाए उड्ढेति । दोसेण कोति कम्हि त्ति कारणे उ दुसद्धो, समणो अन्नं आयरियं संदिपति । तस्स चउगुरुं पच्छित्तं आणादिणो दोसा भवंति ॥ अहवा - इमेण रागेण उद्दिसति-

[भा. २७३२] जाति कुल रूव भासा, धण बल परिवार जस तवे लाभे ।

सत्त वय बुद्धि धारण, उग्गहसीले समायारी ॥

चू- मातिपक्खविसुद्धा दब्भजाइ, पियपक्खविसुद्धं इक्खागुमादियं कुलं, सुविभत्तंगोवंग अहीनपंचेदियत्तणं रूवं, मियमधुरफुडाभिहाणा भासा, धणिमं पव्वतितो पव्वतियस्स वा तत्थ धनमत्थि, उवचिय-मंस-सोणिओ बलवं, विरियंतरायखयोवसमेन वा बलवं, ससमय-परसमय-विसारयत्तनेन लोगे लोगुत्तरे य जसो, चउत्थादिणा बाहिरब्भंतरेण वा तवेण वा जुत्तो, आहारोवकरणलाभसंपन्नो, विद्धि-आवतीसु अनुस्सुओ अविक्कमा य सत्तमंतो, दुदारज्जवसाणो वा सत्तमंतो, तीसति-वरिसो तिदसो इव वयवं, उप्पाइयादिचउव्विहबुद्धिउववेदो बुद्धिमं, बहुं धरेति, बुहविधं धरेति, अनिस्सियं धरेइ, असंदिद्धं धरेइ, धुवं धरेइ, दुद्धरं धरेइ, एवं उग्गहणे वि, खमादिसीलउववेतो सीलवं, चक्कवालसमायारीए जुत्तो कुसलो य ॥ एवं-

[भा. २७३३] एएहिं तु उववेयं, रागेण परं तु उद्दिसति कोई ।

जच्चाइविहूणं वा, उञ्जति कोइ परिभवेणं ॥

चू- एतेहिं उववेयं कोइ रागेण अन्नं आयरियं उद्दिसति । एतेहिं चेव जच्चादिएहिं विहूणं कोति परिभवेण परिचयति, दोषेण इत्यर्थः ॥

[भा. २७३४] अहवण मेत्तीपुव्वं, पूया लद्धि परिवारतो रागे ।

अहिगरणमसम्माणे, सभावनिट्ठं च दोसेणं ॥

चू- अहवणशब्दो विकल्पप्रदर्शने, मित्तभावो मैत्री, तत्पूर्वं तन्निमित्तं, महायणपूइयं तेन वा सो पूतितो, आहारादिलसिद्धसपन्नं परिवारसंपन्नं वा । एतेहिं गुणेहिं उववेयं रागेण आयरियं पडिवज्जति । आयरिएण पुण सद्धि अधिकरणे उप्पन्ने, आयरिएण वा असम्माणिओ, सभावेण वा अनिट्ठं आयरियं परिच्चयति, एस दोसेण ॥ पुरिसांतरियं परिच्चाए अन्नमुद्दिसणे य इमे दोसा-

[भा. २७३५] आणादिया य दोसा, विराधना होति संजमायाए ।

दुल्लभबोहियत्तं, बितियवयविराहना चेव ॥

चू- तित्यकारणं आणाभंगो, आदिसद्दातो अनवत्था, जहा एयस्स एयमसच्चं तहा अन्नं पि । एवं मिच्छत्तं जणयति । बितियपयविराहणे संजमविराहणा । अन्नेन भणितो “किमायरियं परिच्चयसि” त्ति, उत्तरोत्तरेण अधिकरणं । एत्य आयसंजमविराहणा । दुल्लभबोधीयत्तं च निव्वत्तेति । तम्हा दिसावहारं नो करे ॥ बितियपदेण अन्नमायरियं उद्दिसेज्जा वि-

[भा. २७३६] बितियपदं आयरिए, ओसन्नोहाइए य कालगते ।

ओसन्नो छव्विहो खलु, वत्तमवत्तस्स मग्गणया ॥

चू- जइ आयरिओ ओसन्नो जातो, ओधावितो वा, कालगतो वा, एए तिन्नि दारा । एत्य ओसन्नो छव्विहो - पासत्थो, ओसन्नो, कुसीलो, संसत्तो, अहाछंदो, नितिओ य । तम्मि अच्छे आयरिओ जो संकप्पिओ वत्तो अनत्तो वा । सो वत्तावत्तो कहं गणं धरेति त्ति चउभंगेण मग्गणा कज्जति । सोलसवरिसारेण वयसा अवत्तो, परेण वत्तो । अनधीयनिसीहो अगीयत्थो सुत्तेण अब्वत्तो, सुत्तेण गायत्थो वत्तो । सुत्तेण वि वत्तो, वएण वि वत्तो, पढमभंगो । बितिओ - सुअ-वत्तो, न वएण । ततिओ - सुए नअवत्तो, वएण वत्तो । चउत्थो - दोहिं वि अवत्तो ॥

[भा. २७३७] वत्ते खलु गीयत्थे, अब्वत्ते वएण अहवऽगीयत्थे ।

वत्तित्य सार पेसण, अहवाऽऽसण्णे सयं गमणं ॥

चू- वएणवत्ती गीयत्थे एस पढमभंगो, खलु दपूरणे । अब्वत्ते वएण एस बितियभंगो पढमभंगो अहवा-अगीयत्थे एस ततियभंगो पढमभंगिल्लो । उभयवत्तो तस्स इच्छा अण्णमायरियं उद्दिसति वा न वा । सो वत्तो तमोसण्णायरियं सारेति - चोदयतीत्यर्थः । कहं ? अन्नं गीतं पेसेति । अहवा - आसण्णे उ सयं गंतुं चोदेति, तं पेसेति, सयं वा गच्छति ॥ २७३७ ॥

[भा. २७३८] एगाह पणगपक्खे, चाउम्मासे वरिसे जत्थ वा मिलति ।

चोदेति चोदवेति व, अमिच्छे वट्ठावत्ते सयं तु ॥

चू- एगाहो त्ति, आसन्ने दिने दिने गंतुं सारेति, एगाहो वा एगतं, पंचण्हं दिनान वा सारेति । एवं पक्खे चाउम्मासे वरिसंते य जत्थ वा समोसरणादिसु मिलति तत्थ वा सारेति । सव्वहा अनिच्छंते तं गणं सयमेव वट्ठावेत ॥

[भा. २७३९] अन्नं च उद्दिसावे, पयावणट्ठा न संगहट्ठाए ।

जति नाम गारवेणं, मुएञ्जऽनिट्टे सयं ठाति ॥

चू- सो उभयवत्तो अन्नं वा आयरियं उद्दिसति । स्यात् किमर्थ ? पतावणद्वा, न गच्छस्स संगहोवग्गहट्ठता, स्वयमेव शक्तमत्वात् । मम जीवंते चेव अन्नमायरियं उद्दिसति, जति नाम एरिसेण गारवेण ओसन्नत्तणं मुएञ्जति तथावि साधु, सव्वहा अनिच्छे सयमेव आयरियपदे ठायति ॥ गतो पढममंगो । इदानिं बितियभंगो-

[भा. २७४०] सुयवत्तो वयावत्तो, भणति गणं तेऽहं धारिउमसत्तो ।

सारेहि सगणमेयं, अन्नं च वयासु आयरियं ॥

चू- सो सुत्तेण वत्तो वएण अव्वत्तो । सो तं आयरियं भणति - एयं ते गणं अहं अपडुप्पन्नवयतणाओ य धारेउं असत्तो, एहि तुमं एयं सगणं सारेहि । अहवा - न सारेहि तो अहं अन्नं आयरियं वयामो इत्यर्थः ॥

[भा. २७४१] आयरिय उवज्जायं, इच्छंते अप्पणो य असमत्थो ।

तिगसंवच्छरमद्धं, कुल-गण-संधे दिसाबंधो ॥

चू- अपडुप्पन्नवयत्तणातो गणं वद्दावेउमसत्थो अन्ने आयरिओ वज्जाए उद्दिसिउमिच्छंतो पुव्वायरियं भणाति - अहं अन्नस्स आयरियस्स नो उवसंपज्जामो, सो ने उवसंपन्नाण अहं सचित्तादी हरति, तुमं जति सगणं न सारेसि तो अहं निसद्धं चेव अन्नं आयरियं पडिवज्जामो । कुलिच्चं कुलसमवायं दाउं कुले उवद्दायंति, ताहे कुलेण जो दत्तो स तेसिंतिन्नि वरिसाणि सचित्तादि नो हरति ॥ तिण्हं वरिसाणं परतो इमा विधी-

[भा. २७४२] सच्चित्ताति हरंति न, कुलं पि नेच्छामो जं कुलं तुज्जं ।

वच्चामो अन्नगणं, संधं वा जति तुमं न द्वासि ॥

चू- पुव्वायरियस्स अग्गतो भणितं - जं तुह कुलं तं कुलिच्चो अहं तिण्ह वरिसाणं उवरि सचित्तादि हरति, जइ तुमं अमहायरिओ न ठासि तो अहं अतो वि परतो गणं संधं वा दूरतरं वयामो । ताहे गणायरियं उद्दिसावेति, गणसमवाए वा उवद्दायंति । सो वि संवच्छरं सचित्तादी न हरति, एवं संधे उवद्दायंति, सो वि छम्मासं सचित्तादी न हरति, एवं बितियपदेन दिसावहारं करेति ॥

[भा. २७४३] एवं पि अठायेंतो, तावेतुं अद्धपंचमे वरिसे ।

सयमेव धरेति गणं, अनुलोमेणं च णं सारे ॥

चू- एवं अद्धपंचमे वरिसे पुव्वायरियं चोदणाहिं “तावेउं” अवतावेउं जाहे सो न ठाइ ताहे अद्धपंचमेहिं वरिसेहिं वयवत्तीभूतो सयमेव गणं धरेति, जत्थ य पासति तत्थ य पुव्वायरियं अनुलोमेहिं वयणेहिं सारेति - चोदयतीत्यर्थः ॥

[भा. २७४४] अहव जति अत्थि थेरा, सत्ता परियट्ठिऊण तं गच्छं ।

दुहतो वत्त सरिसओ, तस्स उ गमओ मुणेयव्वो ॥

चू- अहवित्ययं विकल्पवाची, अप्पणा गीयत्थो, अन्ने य से थेरा गच्छपरियट्ठगा अत्थि, तो अन्नं आयरियं न उद्दिसंति । कम्हा न उद्दिसंति ? भण्णति - जतो से पढमभंगसरिसो चेव एस गमो भवति ॥ गतो बितियभंगो ॥ इदानिं ततियभंगो-

[भा. २७४५] वत्तवत्तो उ अगीओ, जति थेरा तत्थ केइ गीयत्था ।

तेसंतिए पढंतो, चोदिति सिं असति अन्नत्थ ॥

चू- जो पुण वयसा प्राग्रौढवयो वत्तो अगीयत्थो पुण जइ य सगच्छे थेरा गीयत्था तो सो तहिं थेराणं अंतिए समीवे पढंतो गच्छस्स चोदनातिसारणं करेति, ओसन्नायरियं च चोदेति, तेसि गीयत्थेराणं असति गणं घेतुं अघेतुं वा अन्नायरियसमीवे उवसंपज्जति सुत्तहाणं अट्ठा ॥ गतो ततियभंगो । इदानिं चउत्थो-

[भा.२७४६] जो पुण उभयावत्तो, पवट्ठावग असति सो उ उद्दिसति ।

सव्वे वि उद्दिसंता, मोत्तूण इमे तु उद्दिसति ॥

चू-जो सुत्तेण वएण अब्वत्तो सो गणवट्ठावगस्स असति अन्नं आयरियं उद्दिसति -उवसंपज्जते इत्यर्थः एते चउभंगिल्ला सव्वे वि इमे मोत्तुं उद्दिसंति ॥

[भा.२७४७] संविग्गमगीयत्थ, असंविग्गं खलु तहेव गीयत्थं ।

असंविग्गमगीयत्थं, उद्दिसमाणस्स चउगुरुगा ॥

चू- संविग्गं अगीयत्थं, असंविग्गं गीयत्थं, असंविग्गं अगीयत्थं एते आयरि-उवज्झायत्तेण उद्दिससंतस्स चउगुरुगं भवति । तस्स य चउगुरुगादि ॥ तस्स कालपरिमाणं इमं-

[भा.२७४८] सत्तरत्तं तवो होइ, तओ छेदो पहावती ।

छेदेण छिन्नपरियाए, ततो मूलं ततो दुगं ॥

चू- एते अजोग्गे उद्दिसिउं अन्नाउडुंतस्स सत्तदिने चउगुरु भवति । अन्ने सत्तदिने छल्लहुं, अन्ने सत्तदिने छग्गुरुं । ततो परं अन्ने सत्तदिने चउगरुछेदो । एवं छल्लहु छग्गुरुगा वि छेदा सत्तदिने नेया । ततो एककेक्कं दिणं मूलं अणवट्ठा पारंचीया भवंति । अहवा - छग्गुरुगतवोवरि छग्गुरुगो चेव छेदो सत्तदिने, ततो मूलअणवट्ठपारंचीया एककेक्कं दिनं । अहवा - छग्गुरुगतवोवरि पणगादिओ छेदो सत्त सत्त दिनेसु नेयो, ततो परं मूलं अणवट्ठपारंचीया । एयं पच्छित्तं वियाणमाणेण संविग्गो गीयत्थो उद्दिसियव्वो ॥

[भा.२७४९] छट्ठाणविरहियं वा, संविग्गं वा वि वयति गीयत्थं ।

चउरो य अनुग्घाया, तत्थ वि आणादिणो दोसा ॥

चू- छट्ठाणविरहियं संविग्गं गीयत्थं सदोसंजति उद्दिसति तो चउगुरुगा पायच्छित्तं आणादिया य दोसा भवंति ॥ “छट्ठाणविरहियं” अस्य व्याख्या-

[भा.२७५०] छट्ठाणा जा नितिओ, तव्विरहितकाहियादिया चउरो ।

ते वि य उद्दिसमाणा, छट्ठाणगयाण जे दोसा ॥

चू- पासत्थो उस्सण्णो कुसीलो संसत्तो अहाच्छंदो नितितो य-एतेहिं छहिं ठाणेहिं विरहितो सदोसो को भवति ? भण्णति - काहियादिया चउरो । काहीए मामाए संपसारए पासणिए । अहवा - काहिए पासणिए माणाए अकयकिरिए । एते उद्दिसमाणस्स ते चेव दोसा जे छट्ठाणगते भणिया ॥ ओसन्ने त्ति गयं । इदानिं “ओहातिय-कालगते” त्ति दो दारा-

[भा.२७५१] ओहातिय-कालगते, जाहिच्छा ताहे उद्दिसावेति ।

अव्वत्ते तिविहे वी, नियमा पुण संगहट्ठाए ॥

चू- जति वि आयरिओ ओहातितो । ओहावणं च दुविधं - सारूवियत्तणेण वा गीहत्थत्तणेण

वा । कालगए वा आयरिए जो पढमिल्लेसु तिसु भंगेसु अव्वत्ता तिन्नि भणिया तेसिं जाहे इच्छा आयरियउद्देसे ताहे उद्दिसावेति अन्नमायरियं पडिवज्जंत ति । (जे उभयतो अवत्ता) ते पुण अव्वत्तत्तणाए नियमा गच्छसंगहट्टताए अन्नमायरियं पडिवज्जंति ॥

एस भिक्खू भणितो । आयरिय उवज्झाएसु इमो विधि-

[भा. २७५२] तीसु वि दीवितकज्जा, विसज्जिया जति य तस्स तं नत्थि ।

निक्खिविय वयंति दुवे, भिक्खू किं दानि निक्खिवितुं ॥

[भा. २७५३] दोणहट्टाए दोणह वि, निक्खिवणा होति उज्जमंतेसु ।

सीयंतेसु तु सगणो, वच्चति मा ते विणासेज्ज ॥

[भा. २७५४] वत्तम्मि जो गमो खलु, गणवच्छे सो गमो उ आयरिए ।

निक्खमणे तम्मि वत्ता, जमुद्दिसे तम्मि ते पच्छा ॥

चू-इह गणावच्छेतितो उवज्झाओ । जया उवज्झाओ आयरिओ वा अन्नं आयरियं उद्दिसति ताहे जो उभयवत्तम्मि भिक्खुम्मि विधी, सच्चेव गणावच्छेए आयरिए य विधी दट्ठव्वो । नवरंगणनिकखेवं काउं वयंति । सगणे जे अन्नआयरिय-उवज्झाया संविग्गा गीयत्था ते तेसिं गणनिकखेवं करेति । असंविग्गा अगीता तेसु जति निक्खिवंति तो तेन निक्खिप्पमाणा चत्ता भवंति । तम्हा असंविग्गाऽगीतेसु न निक्खिवे । अन्नाभावे सगणो चेव वच्चति । समुद्दिसति आयरियं तम्मि ते “तम्मि”त्ति तस्य, ते सर्वे शिष्या भवंति - पच्छित्तण उवसंपन्नकालाओ पच्छाउवसंपज्जण-कालादारभ्येत्यर्थः ॥

[भा. २७५५] ओहावित ओसन्ने, भणति अणाहा वंय विणा तुज्झे ।

कम-सीसमसागरिते, दुप्पडियरगं जतो तिण्हं ॥

चू-ओहाइयं ओसन्न वा आयरियं जत्थ पासति तत्थिं भणति - तुज्झेहिं विणा अणाहा वयं, वयमित्यात्मनिर्देशे, असागारियपदेसे, तस्स ओसन्नोहातितायरियस्स कमेसु पादेसु सीसेण निवडति, भणइ - “एहि ! पसादेण अब्भुट्ठेह, सणाहीकरेह अम्हे, मा मुमाउ य डिंभयं पि व इओ तओ दुलुदुलेमो । सीसो पुच्छति - तस्स गिही-भूयस्स आचारित्तिणो किं पादेसु निवडिज्जति ? आयरिओ भणति - दुप्पडियरगं जओ तिण्ह मातु पितु धम्मायरियस्स य । एते परमोवकारिणो । एतेसिं दुक्खेण पच्चुवकारो काउं सक्रति ॥ किं चान्यत्-

[भा. २७५६] जो जेण जम्मि ठाणम्मि ठावितो दंसणे व चरणे वा ।

सो तं ततो चुयं, तम्मि चेव काउं भवे निरिणो ॥

चू- जो जेण धम्मोवदेसप्पदाणादिणा दंसमे चरणे वा ठावितो सो तं गुरुं दंसण-चरणेहिंतो चुयं तेसु चेव दंसण-चरणेसु ठाविउं निग्गयरिणो निरिणी भवति - कृतप्रत्युपकारेत्यर्थः ॥ जया आयरिय उवज्झाया गणपरिवुडा अन्नायरियं उवसंपज्जंति तदा इमो विधी-

[भा. २७५७] निक्खिवणा अप्पाणे, परे य संतेसु तस्स ते देति ।

संघाडते असंते, सो वि न वावारऽणा पुच्छा ॥

चू- जदा तेहिं आयरिय-उवज्झाएहिं आलोयणप्पदाणेण अप्पा उवनिक्खित्तो भवति, तदा भणति - इमे य मे साहू, एस परिनिक्खेवो । तेन वि आयरिएण अप्पाणो संतेसु साहुसु न घेतव्वा,



तस्स चेव ते देति । अह वत्थव्वायरियस्स असती साहूण ताहे सव्वे ते धेत्तुं पडिच्छायरियस्स एणं संघाडगं कप्पागं देति । सो कि अ पाडिच्छायरिओ वत्थव्वायरियस्स अणापुच्छाए ते सिस्से न वावारेति पेसणादिसु ॥

मू. (६१९) जे भिक्खू दिसं विप्परिनामेइ, विप्परिनामेंतं वा सातिज्जति ॥

चू- इमा सुत्तस्स सुत्तेण सह संबंधगाहा-

[भा.२७५८] सयमेव य अवहारो, होति दिसाए न मे गुरु सो तु ।

अह भणिता विप्परिनामणा उ अन्नेसिमा होति ॥

चू- सयमिति स्वयं अतिक्रान्तसूत्रे विप्परिनामणा आत्मगता अभिहिता, इमा पुण वक्खमाणसुत्ते अन्ने अन्नस्स दिसाविप्परिनामणं करेति ॥

[भा.२७५९] रागेण व दोसेण व, विप्परिनामं करेति जे भिक्खू ।

दुविहं तिविह दिसाए, सो पावति आणमादीणि ॥

चू- दिसं विप्परिनामेति स रागेण वा दोसेण वा । रागेण तम्मि सेहे अज्झोववातो गाढं ताहे तेन रागेण विप्परिनामेउं अप्पणो अंतेण कट्ठेति । दोसेण पदुड्ढो मा तस्स सीसो भवउ त्ति विप्परिनामेति । आयरियोवज्झाया दुविहा दिसा साहूणं । आयरियोवज्झाया पवत्तिणी य तिविहा संजतीण दिसा, एया दिसा विप्परिनामेंतस्स आणादिया दोसा ॥

सो पुण इमेहिं विप्परिनामेति-

[भा.२७६०] डहरो अकुलीणो त्ति य, दुम्मेहो दमग मंदबुद्धि त्ति ।

अवि यऽप्लाभलद्दी, सीसो परिभवति आयरियं ॥

चू- “डहरो”त्ति अस्य व्याख्या-

[भा.२७६१] डहरो एस तव गुरु, तुमं च धेरो न जुज्जते जोगो ।

अविपक्कबुद्धि एसो, वए करेज्जा व जं किं चि ॥

चू- कोति सेहो परिणयवओ तरुणायरियस्स समीवे पव्वत्तितुकामो अन्नेन भण्णति - “डहरो एस तव गुरु तुमं च परिणयवओ, नेस आयरिय-सीससंजोगो जुज्जति, कहं पुत्त-नत्तुअ-समाणस्स सीसो भविस्सति ? कहं वा विनयं काहिसि ? किं च ते सयणादिजणो भणीहिति” त्ति । अहवा भणाति - सो डहरो अविपक्कबुद्धि, अविपक्कबुद्धित्तणेण य अकज्जं पि कज्जं वदति अविपक्कबुद्धित्तणातो जं किं चि दोसं करेज्ज । एवं विप्परिनामेति । अहवा - सो विप्परिनामंतो सब्भूतं वा किंचि दोसं वदे, असब्भूतं वा किंच दोसं वएज्ज ॥

[भा.२७६२] एमेव सेसेएसु वि, तं निंदंतो सयं परं वा वि ।

संतेण असंतेण व, पसंसए तं कुलादीहिं ॥

चू- सेसा कुलादिया पदा, तेहिं कुलादिएहिं पदेहिं त णिंदति । जस्स उवड्ढितो सो पुण सओ परओ वा संतेहिं वा असंतेहिं कुलादिएहिं जस्स पदुड्ढो सयं परं व तं निंदति । तस्स सेहस्स जमुदिसति तम्मि संतेहिं वा संतेहिं वा सयं परायगं वा संसति । इमो कुलीणो, सो अकुलीणो । इमो मेहावी, सो दुम्मेहो । इमो ईसर-निक्खंतो, सो दमगो । अहवा - इमो वत्थपत्तादिएहिं ईसरो, सो दमगो । इमो बुद्धिसंपण्णो, सो अबुद्धिमं । अपि चासो अल्पलाभलद्दी, इमो सलद्धिमं । इमेहिं

कारणेहिं सिस्सो, परो वा परिभवति आयरिय । अहवा - पसंसते कुलादीहिं सेहं - तं कुलमंतो सो अकुलजो । एवं सेसपदेसु वि ॥ कारणे विप्परिनामणं पि करेज्ज-

[भा. २७६३] नाऊण य वोच्छेयं, पुव्वकए कालियानुजोगे य ।  
सुत्तत्थ जाणगस्सा, कप्पति विस्सासणा ताहे ॥

मू. (६२०) जे भिक्खू बहियावासियं आदेसं परं ति-रायाओ अविफालेत्ता संवसावेति, संवसावेतं वा सातिज्जति ॥

चू- आगतो आदेसं करोतीति आएसो, प्राघूर्णकमित्यर्थः । सो य अन्नगच्छवासी बहियावासी भण्णति । तमागतं परोत तिरायातो, परतो तिण्हं दिणाणं ति, अविफालिय “विष्फालणा” नाम वियडणा - किं निमित्तं आगता ? अणजंतो वा भदंत ? कतो आगता ? कहिं वा वच्चह ? एवं अविफालेंतस्स चत्थदिमे चउगुरुं भवति, आणादिणो य दोसा ।

[भा. २७६४] बहियऽण्णगच्छवासी, आदेसं आगयं तु जो संतं ।  
तिण्ह दिवसाण परतो, न पुच्छति संवसाणादी ॥

चू- आगतो अफालेंतस्स दोसा-

[भा. २७६५] पढमदिन बितिय-तति, लहु गुरु लहुगा य सुत्त तेन परं ।  
संविग्गमणुन्नितरे, व होंतऽपुट्टे इमे दोसा ॥

चू- पढमदिने अविफालेंतस्स मासलहुं, बितियदिने मासगुरुं, ततियदिने चउलहुं, “तेन परं” ति - चउत्थ दिने सुत्तणिवातो चउगुरुमित्यर्थः । संविग्गो उज्जमंतो, मणुण्णो संभोतितो, इयरो असंभोतितो पासत्थादिणो वा । एए जति अपुच्छितो संवासेइ तो इमे दोसा भवंति ॥

[भा. २७६६] उवचरग अहिमरे वा, छेवतितो तेन मेहुणट्ठी वा ।  
रायादवकारी वा, पउत्तओ भावतेणो वा ॥

चू- कताइ सो तेन वेसग्गहणेणं उवचरो भंडितो गच्छति, अहिमरो बंदिओ गच्छति, छेवतितो असंविग्गहितो भण्णति, सपक्खपरपक्खतो, तेणगो वा गच्छति, मेहुणं सेवित्तुमागतो, मेहुणट्ठी वा गच्छति रन्नो वा अवकारं काउमागतो, रन्नो वा अवकारकारणाए गच्छति, वा विकप्पो, आयरियस्स वा उदायिमारकवत्, भावतेणो सिद्धंतावहरणट्ठाए केणति पउत्तो आगतो, अप्पणा वा गोविंदवाचकवत्, एवमादि दोसा भवंति ॥ अपुट्टे पुच्छितो वा इमं भणे-

[भा. २७६७] उवसंपयावराहे, कज्जे कारणिय अट्टजाते वा ।  
बहिया उ गच्छवासिस्स दीवणा एवमादीहिं ॥

चू- तुज्जं चैव उवसंपज्जणट्ठा आगतो, अवराहालोयणं वा दाहामि ति आगतो, कुल-गम-संघकज्जेण वा, असिवादीहिं वा कारणेहं आगतो, अट्टजायनिमित्तेण वा आगतोऽहं । सो बहिया गच्छवासी विष्फालितो एवमादी कारणे दीविज्जा, आयरिओ वि विष्फालणा एवमाइकारणे सुहं जाणति । कारणे तिण्ह दिणाणं परतो न विष्फाले, आलयणं वा न पडिच्छे ॥

[भा. २७६८] कज्जे भत्तपरिन्ना, गिलाण राया य धम्मकही वादी ।  
छम्मासादुक्कोसा, तेसिं तु वइक्कमे गुरुगा ॥

चू- कुल-गण-संघ-कज्जेण आयरिओ वावडो न विष्फालेति । भत्तपरिण्णी, अनसनोवविट्ठो,

तथ वा वाउलो, गिलाणकज्जेण वावडो, दिनं वा सव्वं धम्ममाइक्खत्, वरवादिणा वा सद्धिं वादं करेति, एवमादिकारणेहिं तिण्ह दिणाणं परतो अविफालेंतो वि सुद्धो । उक्कोसेण जाव छम्मासा, छम्मासातिक्रमपढमदिने अविफालेंतस्स चउगुरुगा ॥

[भा. २७६९] अन्नेन पडिच्छावे, तस्सऽसति स तं पडिच्छते रत्तिं ।

उत्तर-वीमंमासुं, खिन्नो व निसिं पि न पडिच्छे ॥

चू-तिराति-वक्कमे अन्नेन वि आलोयणं पडिच्छावेति । अन्नस्स वा आलोयणारिहस्सासति सयमेव राओ पडिच्छति । अह राओ वा परवादुत्तरवीमसाए वावडो, दिवा वादकारणेण खिन्नो विमंसंतो रातो वि न पडिच्छति । एवं छम्मासा पत्ता । छम्मासंते वि अन्नेहिं पडिच्छावेति, एसेव भाव इत्यर्थः ॥ २७६९ ॥

[भा. २७७०] दोहि तिहि वा दिनेहिं, जति छिज्जति तो न होइ पच्छितं !

ते णपरमणुण्णवणा, कुलाइ रन्नो व दीवेंति ॥

चू-छण्ह मासाणं परतो जति दोहिं तिहिं वा दिनेहिं कज्जं छिज्जति परिसमाप्यते इत्यर्थः, तो पच्छितं न भवति । अध छम्मासा परतो दोहिं तिहिं वा दिनेहिं कज्जं न समप्पति तो कुल-गण-संघस्स रन्नो वा णिदेदेति तहिं जो हं वावडो भविस्सामि तेन नागमिस्सं ॥ कारणेण विष्फालेज्जा-

[भा. २७७१] बितियपदमणप्पज्जे, अन्नगणादागयं न विष्फाले ।

अप्पज्जं च गिलाणं, अच्छितुकामं च वच्चंतं ॥

चू-अणवज्जो “न विष्फाले” त्ति, न विष्फालिज्जति वा, अवज्जो वा गिलाणो न पुच्छति, गिलाण वावडो वा, सो वा आदेसो गिलाणो न पुच्छिज्जति, निलाणवावडो वा आएसो न पुच्छिज्जति । अहवा-तेन अपुच्छिए चेव कहियं - जहा तुज्ज सगासे अच्छिउकामो आगतो । अहवा - अपुच्छि-एण चेव कहियं - इहाहं वसितं इमिणा कारणेण गच्छामि चेव । एवं अविफालेंतो सुद्धो ॥

मू. (६२१) जे भिक्खू साहिकरणं अविओसविय-पाहुडं अकड-पायच्छितं परं ति-रायाओ विष्फालिय अविष्फालिय संभुंजति, संभुंजंतं वा सातिज्जति ॥

चू-जे त्ति निद्देसे । भिक्खू पुव्ववण्णितो । सह अधिकरणेण साधिकरणो, कषायभावा-शुभभावाधिकरणसहिते इत्यर्थः । विविधं विविधेहिं पगारेहिं वा ओसवियं उवसामियं, किं तं पाहुडं - कलहमित्यर्थः । न वि ओसविअं अविओसवियं पाहुडं, तम्मि पाहुडकरणे जं पच्छितं तं कडं जेण सो कडपच्छितो, अ मा नो ना प्रतिषेधे न तत् कृतं प्रायश्चित्तं अकृतप्रायश्चित्तं, जो तं संभुजण संभोएण संभुंजति - एगमंडलीए संभुंजति त्ति वुत्तं भवति । अहवा - दानग्गहणसंभोएण भुंजति, तस्स चउगुरुगा आणादिणो य दोसा । इमे अधिकरणनिरुत्ता एगद्धिया य-

[भा. २७७२] अहिकरणमहोकरणं, अहरगतीगाहणं अहोतरणं ।

अद्धितिकरणं च तथा, अहीरकरणं च अहीकरणं ॥

चू-भावाधिकरणं कर्मबन्धकारणमित्यर्थः । अहवा - अधिकं अतिरित्तं उत्सूत्रं करणं अधिकरणं, अधो अधस्तात् आत्मनः करणं, अधरा अधमा जघन्या गति, तामात्मानं ग्राहयतीति, अधो-अधस्तादवतारभूमिगृहमिश्रेण्यानि वा, न धृतिः अधृतिरित्यत्यर्थः अस्याः करणं, अधीरस्य

असतमंतस्य करणं अधिकरणं । अहवा - अधीः अबुद्धिमान् पुरषः, स तं करोतीत्यधिकरणं ॥

[भा. २७७३] साहिकरणो य दुविहो, सपक्ख-परपक्खतो य नायव्वो ।

एक्केको वि य दुविहो, गच्छगतो निग्गतो चेव ॥

चू- साधिकरणो साधु दुविधेन अधिकरणेन भवति । तं चइमं दुविधं सपक्खाधिकरणं परपक्खाधिकरणं च । सपक्खाधिकरणकारी गच्छगतो गच्छनिग्गतो वा । एवं परपक्खाधिकरणं दुविधं ॥ तं पुण अधिकरणं इमेहिं, कारणेहिं उप्पज्जति-

[भा. २७७४] सच्चित्तऽचित्तमीसो, वयोग-परिहारिओ य देसकहा ।

सम्ममणाउट्टंते, अहिकरणमतो समुप्पजे ॥

चू- “सचित्ते”ति अस्य व्याख्या-

[भा. २७७५] किमणाऽऽभवं गिण्हसि, गहियं व न देसि मज्झ आभवं ।

सच्चित्तेतरमसे, वितहा पडिवज्जओ कलहो ॥

चू- सेहो सेही वा एगस्स उप्पन्नो ! तमन्नो गिण्हमाणो भणिओ - किमाभवं गिण्हसि ? पुव्वगहियं वा मग्गितो मज्झ आभवं किं न देसि ? एवं सचित्ते । एवं इयरे अचित्ते मीसे य वितहं विवरीयं पडिवज्जतो अधिकरणं भवति ॥ तिन्नि दारा गता । इदानीं “वयोगते” ति-

[भा. २७७६] विच्चाभेलण सुत्ते देसी भासापवंचणे चेव ।

अन्नम्मि य वत्तव्वे, हीनाहियमक्खरे चेव ॥

चू- सुत्ते विच्चाभेलणा - अन्नोन्नज्जयणसुयक्खंधेसु घडमाणे आलावए विवितुं जोएंते - विच्चाभेलणा भवति । देसी भासा-मरहड्डविसए चोदिति, कुणियं वा भणंतो हसिज्जसि - वेयणचेच्चाहिं एवं कुणं कुट्ठिं वा करोतीत्यर्थः । अन्नम्मि य वत्तव्वे - कुंदं चंदं, हीनक्खरे - भास्कर इति वक्तव्ये भाकर इति, अधिअक्खरे सुवन्नं सुसुवन्नं ॥ “परिहारिय”ति अस्य व्याख्या-

[भा. २७७७] परिहारिगमठवेंते, ठविए अणट्टाए निव्विसंते य ।

कुच्छियकुले य पविसति, चोदितऽनाउट्टणे कलहो ॥

चू- गुरु-गिलाण-बाल-वुड्ड-आदेसभादियाण जत्थ पाउग्गं लभति ते परिहारियकुले, ते न ठवेति, अणट्टा वा निव्विसति - प्रविशतीत्यर्थः । अहवा - परिहरणिज्जा परिहारिया, ते य कुला, ते विसंतो चोदितो अनाउट्टंते उट्टंते वा कलहो भवे ॥ “देसकहे”ति अस्य व्याख्या-

[भा. २७७८] देसकहा परिकहणे, एक्के एक्के य देसरागम्मि ।

मा कर देसकहं वा, अठायमाणंमि अहिगरणं ॥

चू- दस-इत्थि-भत्त-रयकहा करंतो चोदितो- “मा करे देसकहं, न वट्टति” ति । “कोऽसि तुमं ? जेण मं वारेसि”, अट्टायंते - अधिकरणं भवे । अहवा - एक्को सुरट्टं वण्णेति, लाटो विसओ वितिओ, भणाति - “किं तुमं जाणेसि कूवमंडुक्को, दक्खिणावहो पहाणो” । एवं एक्केक्क देसरागेण उत्तराउत्तरेण अधिकरणं भवति । एवमादिएसु कज्जेसु चोदिज्जते सम्ममाउट्टंते अधिकरणं समुप्पजे ॥ एवं उप्पन्ने अधिकरणे-

[भा. २७७९] जो जस्स उ उवसमती, विज्जवणं तेन तस्स कायव्वं ।

जो उ उवेहं कुज्जा, आवज्जति सो इमे ठाणे ॥

चू- साधू जस्स साहुस्स उवसमति सो तेन साहुण उवसामेयव्वो विज्झवेयव्वो । जो पुण उवेहिं करेति सो इमेहिं ठाणेहिं पच्छित्तं आवज्जति । उवेहं करेति, ओहसणं करेति, उत्तुअति सहायकिच्चं वा करेति ॥

[भा.२७८०] लहुओ उ उवेहाए, गुरुओ सो चेव उवहसंतस्स ।

उत्तुयमाणे लहुया, सहायगत्ते सरिसदोसो ॥

चू- उवेहं करंतस्स मासलहुं । उवहसंतस्स सो चेव मासो गुरुओ । उत्-प्राबल्येन तुदति उत्तुदति प्रचोदयतीत्यर्थः । तस्स चउलहुगा । सहायगतं पुण करंतो अधिकरणकारिणा सरिसदोसो सपिसपायच्छिती य भवति ॥ उवेहाए त्ति इमं वक्खाणं-

[भा.२७८१] परवत्तियाण किरिया, मोत्तु परडुं च जयसु आयट्ठे ।

अवि य उवेहा वुत्ता, गुणा य दोसा य एवं तु ॥

चू- अधिकरणं करंतो दडुं तुण्हिक्को मज्झत्येण वा भावेण अच्छति । अन्ने वि भणंति - “परप्रत्यया परभवा क्रिया कर्मसंबंधः सो अस्माकं न भवति, उवसामंतेण परडो कओ भवति, तम्हा तं परडुं मोत्तुं- “जयसु”त्ति परं जत्तं करेह ज्ञाणादि-नाणादिए आयट्ठे आत्मार्ये । अवि य ओहनिज्जुत्तीए वुत्तं - “उवेहेत्ता संजमो वुत्तो”, एवं उवक्खेवेण सज्झ यादि गुणा भवंति, परडुवक्खेवेण सुत्तत्थपल्लिमादिया दोसा भवंति ॥ अहवा - आयरिओ अन्नो वा साधू अन्नेन साहुणा भणिओ - एतेहिं अधिकरणं करेहि किं न उवसमेह ? ताहे भणाति-

[भा.२७८२] जति परो पडिसेविज्जा, पावियं पडिसेवणं ।

मज्झ मोनं चरंतस्स, के अट्ठे परिहायति ॥

चू- एवं भणतो मासलहुं । सेसं कंठं ॥ “ओहसण-उत्तुअणा” एकेकगाहाए वक्खाणेति-

[भा.२७८३] एसो वि ताव दमयउ, हसति व तस्सोम्मता य ओहसणा ।

उत्तरदानं मा उसराहि अह होति उत्तुयणा ॥

चू- दोण्हं अधिकरणं करंताणं एवम्भि सीदंते आयरिओ अन्नो वा भणति-एसो वि ताव एवं दमयतु । उत्तरेण वा एणं अपोहंतो तं अट्ठहासेहि हसति । एस ओहसणा । इमा उत्तुअणा - उत्तरदाण सिक्खावणं । अहवा भणाति - मा यस्स ओसराहि मा वा एतेण जीप्पीहिसि । एवमादि उत्तुअणा ॥ इमं “सहायत्तस्स” वक्खाणं-

[भा.२७८४] वायाए हत्थेहिं, पाएहिं दंत-लउडमादीहिं ।

जो कुणति सहायत्तं, समाणदोसं तयं बिंति ॥

चू- दोण्ह कलहं करंताणं तत्थेगस्स एगो साहू सहायत्तणं करेति, वायाए कलहेति, हत्थेण वा हणति, पाएण वा पण्हं देति, दंतेहिं वा खायति, लउडेण वा हणेति । एवमादिएहिं जो सहायत्तं करेति सो तेन अधिकरणसाधुणा समाणदोसो ॥ आयरियाण उवेहाए इमे दोसा । सामण्णेण (समाणे) वा अधिकरणे अनुवसामिज्जंतो इमं दोसदरिसणत्तं उदाहरणं- खहचर-थलचराणि य सत्ताणि आसिताणि । तत्थ य एणं महल्लं हत्थिजूहं परिवसति । अन्नता पासुत्तं चिड्ढति । तत्थ य अदूरे दो सरडा भंडिउमारद्धा । वणदेवयाए य ते दडुं सव्वेसिं सभाए आघोसियं-

[भा.२७८५] नागा जलवासीया, सुणेह तस-थावरा ।

सरडा जत्थ भंडंति, अभावो परियत्तई ॥

[भा. २७८६] वनसंडसरे जल थल खहच वीसमण देवयाकहणं ।

वारेह सरडुवेक्कण, धाडण गयनास चूरणता ॥

चू-देवयाए भणियं मा एते सरडे भंडंते उवेक्खह, वारेह । तेहिं जलचर-थलचरेहिं चितियंकिमहं एते सरडा भंडंता काहिति ? तत्थ य एगो सरडो भंडंतो भग्गो पेल्लितो सो धाडिजंतोसुहसुत्तस्स हत्थिस्स बिलं ति काउं नासावुडं पविट्ठो । बितीओ वि पविट्ठो । ते सिरकवाले जुद्धं लग्गा । हत्थी विउलीभूतो महतीए असमाहीए वेयणट्ठो य “चूरणं” ति-तं वनसंडं चूरियं, बहवे तत्थ वासिणो सत्ता घातिता । जलं च आडोहंतेण जलचरा घातिता । तलागपाली भेदिता । तलागं विणट्ठं । जलचरा सब्बे विणट्ठा । एवं साहुस्स वि उवेहं करेमाणस्स महंतो दोसो उप्पज्जति । तेन उवेक्खित्ता पिट्ठापिट्ठी करेज्ज । पक्खापक्खिएण य रायकुलं बणं निच्छुभण-कडगमद्दं करेज्ज ॥ कि चान्यत्-

[भा. २७८७] तावो भेदो अयसो, हानी दंसण-चरित्त-नाणाणं ।

साहुपदोसो संसारवद्धणो साहिकरणस्स ॥

चू-चतुर्थोद्देशके पूर्ववत् ॥ अयं विशेष-

बा. (२७८८) अतिभणिय अभणिते वा, तावो भेदो य जीवचरणाणं ।

रूवसरिसं न सीलं, जिहं मन्ने भवे अयसो ॥

चू-जसत्थापसत्थो तावो भवति, सो साधू मया बहुविधेहिं असब्भदोसेहिं अब्भक्खातो आकुट्ठो वा वा परितप्पइ । एस पसत्थो । इमो अप्पसत्थो - “किं वा मए तस्स जातिसारणं न कतं, हा चुक्कोमि” ति परितप्पि । रूवाणुरुवं से सीलं नत्थि ति अयशः । अहवा-लोगाववातो भवति । जिहमनेन कृतं - लज्जनीयमित्यर्थः, “मन्ने” ति-एवं मन्यामहे, एवमादि अयशो भवति ॥

[भा. २७८९] अक्कुट्ठतालिते वा, पक्खापक्खिकलहेण गणभेदो ।

एगतर-सूयएहि य, रायादीसिट्ठे गहणादी ॥

चू-जारजातो ति वयणेण अक्कुट्ठो, हस्तदंडादिना प्रहारदानं ताडनं, अन्नोन्नपक्ख-परिग्गहकरणेण गणभेदो भवति । एगपक्खेण रायकुले कहिते । अहवा सूचएहिं चाडएहिं कहिए - तत्थ गेणहणादिया दोसा भवंति ॥ “हानी दंसण-चरित्त-नाणाणं” ति अस्य व्याख्या-

[भा. २७९०] चत्तकलहो वि न पढति, अवच्छलत्ते य दंसणे हानी ।

जह कोहाइ विवट्ठी, तह हानी होति चरणे वि ॥

चू-कलहुत्तरकालं पि कसायदोससंतावियमणो न पढति, साहुपदोसकरणत्तणेण अवच्छलत्तं भवति, अवच्छलत्ते य दंसणहाणी भवति । जहा जहा कोहादियाण वट्ठी तहा तहा चरित्तहाणी भवति ॥ जम्हा एते दोसा तम्हा उवेहा न कायव्वा । तो किं कायव्वं ? भण्णइ-

[भा. २७९१] आगाढे अहिगरणे, उवसम ओकट्ठणा उ गुरुवयणं ।

उवसमह कुणह ज्ञायं, छड्णता सागपत्तेहिं ॥

चू-अधिकरणे आगाढे-कक्खडे उप्पन्नो कोहाभभूता उवसामेयव्वा, कलहेता य पासट्ठिएहिं अवकट्ठेयव्वा । गुरूहिं उवसमणट्ठा इमं वयणं भणियव्वं - अज्जो ! उवसमेह । अनुवसमंताण कओ संजमो ? कओ वा सज्जाओ ? तम्हा उवसमेह, उवसमिता य सज्जायं करेह । मा दमग-

पुरिसा इव कणगरससंठाणियं संजमं कसाय-साग-रुक्ख-पत्तेसु निस्सारयाए संजमं छड्डेह ॥  
अहवा गुरु भणति-

[भा.२७९२] जं अज्जियं समीख-ल्लएहिं तव-नियम-बंभमइएहिं ।

तं दानि पेच्छ नाहिह, छड्डेता साग-पत्तेहिं ॥

चू- “छड्डणया सागपत्तेहिं”ति, अत्र धटान्तो जहा- एगो परिवायगो दमगपुरिसं चिंतासोगसागरपविट्ठं करतल-पल्हत्थमुहं अत्थोवज्जणमुपायचिंतनपरं पासति । पुच्छति य - किमेवं चिंतापरो? तेन से सब्भावो कहिओ - “दारिद्राभिभूओ मि” ति । तेन भणियं - “इस्सरं ते करेमि, जतो भणामि ततो गच्छाहि, जं च भणामि तं सव्वं कायव्वं ।” ताहे ते संबलं धेतु पव्वयणिगुंजं पविट्ठा । परिव्वायगेण य भणितो - एस कणगरसो सीतवातातवपरिसमं अगणंतेहिं तिसाखुहावेदणं सहंतेहिं बंभचारीहिं अचित्त-कंद-मूल-पत्त-पुप्फ-फलाहारीहिं समीपत्तपुडेहिं भावओ अरुस्समणेहिं धेत्तव्वो । एस से उवचारो ।

तेन दमगेण सो कणगरसो उवचारेण गहितो कडुयदोद्धियं भरियं । ततो निग्गतो तेन परिव्वायगेण भणियं-सुरुट्ठेण वि तुमे एस सागपत्तेण न छड्डियव्वो । तओ सो परिवायगो गच्छंतो तं दमगपुरिसं पुणो पुणो भणति - ममं पभावेणं इस्सरो भविस्ससि । सो य पुणो पुणो भणमाणो रुट्ठो भणति - जं तुज्झ पभावेण इस्सरत्तणं तेन मे न कज्जं, तं कणगरसं सागपत्तेण छड्डेति । ताहे परिव्वायगेण भणियं - हाहा दुरात्मन् ! जं अज्जियं समीख-ल्लएहिं तव-नियम-बंभमइएहिं । तं दानि पेच्छ नाहिह, छड्डेता सागपत्तेहिं ॥

अहवा - गुरु ते अधिकरणकरे साहू भणति-

[भा.२७९३] जं अज्जियं चरित्तं, देसूणाए वि पुव्वकोडीए ।

तं पि कसाइयमेत्तो, नासेइ नरो मुहत्तेणं ॥

चू- “समीखल्लएहिं”ति दिट्ठंतो दव्वखल्ला य गहिया, “तवनियमबंभमतिएहिं” ति दिट्ठंतोवसंहारो भावखल्ला गहिता । तेन परिव्वायगेण सो दमगपुरिसो भणति - तुमं इदानिं परिव्वायकालातो पच्छा परितप्पमाणो जाणेहिसि - “हा दुडु मे कयं जं कनगरसो सागपत्तेहिं छड्डितो” । आयरितो वि ते अधिकरणकरे भणति - तुब्भे वि मा कलहेह । मा पच्छा परितप्पिहिह, जहाबहुकालोवज्जितो संजम-कनगरसो साग-रुक्ख-पत्तसंठाणिएसु कसाएसु छड्डितो निरत्थयं अप्पा एत्तियं कालं पव्वज्जाए किलिट्ठो ति । एवं आयरिओ सामणतो भणति ॥

अह अविधीए वारेति-

[भा.२७९४] आयरिओ एगं न भणे अह एग निवारे मासियं लहुयं ।

राग-द्वेस-विमुक्को, सीयघरसमो य आयरिओ ॥

चू- आयरिओ जति एगं अविकरणिसाहुं अनुसासति, बितियं नानुसासति ततो, आयरियस्स मासलहुं । तम्हा आयरिएण रागदोसविमुक्केण भवियव्वं । दिट्ठंतो - “सीयधरं” - वट्ठकीरयण-निम्मियं चक्किणो सीयधरं भवति, वासासु निवाय-पवातं, सीयकाले सोम्हं, गिम्हे सीयलं । जहा तं चक्किणो सीयधरं सव्वरिउक्खमं भवति तथा पाययपुरिसस्स वि ते सव्वरिउक्खमा भवंति । जहा तं विसेसं न करेति तथा आयरिओ वि विसेसं न करेति ॥

विसेसं पुण करंतस्स इमो दोसो भवति-

[भा. २७९५] वारेइ एस एयं, ममं न वारेइ पक्खराएणं ।  
बाहिरभावं गाढतरं च मं पेक्खसी एक्कं ॥

चू- एस आयरिओ एयं साहुं अत्तबुद्धीए वारेति । मम पुण परभावबुद्धीए न वारेति । एवं पक्खगरागे कज्जमाणे सो एगो साहु बाहिरभावं गच्छति, गाढतरं वा अधिकरणं करेति । अहवा -आयरियं भणेत्र - “तुमं मं एक्कं बाहिरं पेच्छसि” ति अप्पानं उब्बद्धिउं मारेति (तो) आयरियस्स पारंचियं, उन्निक्खमति वा तो मूलं ॥

अह अधिकरणं काउं अनुवसंतो चेव अच्छति गच्छे तो इम विधी-

[भा. २७९६] गच्छ अनिग्गयस्सा, अनुवसमंतस्सिमो विही होति ।  
सज्जाय भिक्ख भत्तइऽवासते चतुरहेक्केक्के ॥

चू- पुव्वद्धं कंठं । सूरुदए सज्जायकाले चोइज्जइ, बिइयं भिक्खोत्तरणकाले, तइयं भत्तइकाले, चउत्थं पदोसे आवस्सयवेलाए । एवं चउरो वारा एक्केक्क अहे चोदिज्जति ॥ गोसे पडिक्कंताणं सज्जाए अपइविए अंतरे एसमादि कारणे अधिकरणं उप्पजे ।

[भा. २७९७] दुप्पडिलेहियमादीसु, चोदितो सम्मं अपडिवज्जंते ।

न वि पइवेति उवसम, कालो न सुद्धो छि(जि)यं वासी ॥

चू- दोसदुइं पडिलेहणं करंतो, आदिसद्दातो अपडिलेहंतो चोदितो तम्मि अनाउट्टंते अधिकरणं भवे, जति अपइविति सयं चेव उवसंतो लद्धं । अह एक्को, दो वि वा न उवसमंति, ताहे आयरिया पइवणवेलाए इमं भणंति - इमे साहु न पइवेति । उवसमह अज्जो ! सो पच्चुत्तरं देति - “अवस्सं कालो न सुद्धो, छि(जि) यं वा साहुं सुतं, गज्जियं वा साहुं सुतं, ततो न पइवेति”, एवं वुत्ते सव्वे पइवेति, सज्जायं करंति । अनुवसमंस्स मासगुरुं पच्छित्तं ॥

भिक्खोत्तरण-वेलाए पुणो आयरिया भणंति-

[भा. २७९८] नो तरती अभत्तइी, न च वेलाऽभुंजणे न तिन्नं सि ।

न पडिक्कमंति उवसम, निरतीचारा नु पच्चाह ॥

चू- अज्जो ! साहवो भिक्खाए नो तरति, उवसमाहि । सो पच्चुत्तरं देति “नूनं” न भत्तइी, न वा भिक्खावेला, तेन नो तरंति” । एवं वुत्ते भिक्खाए अवतरंति । तस्स अनुवसंतस्स बितियं मासगुरुं । सन्नियट्टेसु गुरु भणाति - अज्जो ! न भुंजंति साहु, उवसमह । सो पच्चुत्तरं देति “सूणं न जीरतण्हे” । एवं वुत्ते सव्वे एगततो भुंजंति । तस्स ततियं मासगुरुं । पुणो गुरु पदोसे पडिक्कमणकाल भणाति - “अज्जो ! साहु न पडिक्कमंति, उवसमाहि । पच्चुत्तरमाह “नूनं निरतिचारा” । इत्थ चउत्थे ठाणे अनुवसमंतस्स चउगुरुं । एवं गोसकाले अधिकरणे उप्पन्ने विधी भणिओ ॥

[भा. २७९९] अन्नम्मि व कालम्मि, पढंत हिंडंत मंडलाऽऽवासे ।

तिन्नि व दोन्नि व मासा, होति पडिक्कंत गुरुगा उ ॥

चू- अन्नम्मि काले सज्जाए पइविते जति अधिकरणं उप्पन्नं पढंताण, तो तिन्नि चोदणाकाला, दोन्नि मासगुरु । भिक्खं हिंडंताणं अधिकरणे - दोन्नि चोदणाकालो, एगं मासगुरुं । भुत्ताण अधिकरणे उप्पन्ने - एगो चोदनाकालो, एत्थ नत्थि मासगुरुं । अनुवसंतस्स पडिक्कमंते चउगुरुमेव



भवति ॥

[भा.२८००] एवं दिवसे दिवसे, चाउक्कालं तु सारणा तस्स ।

जति वारे न सारेती, गुरुण गुरुगो उ ततिवारे ॥

चू- पुव्वद्धं कंठं । जति वारा आयरिओ तं सारणद्वाणेषु न सारेति तति गुरुणो मासगुरुणा भवन्ति ॥

[भा.२८०१] एवं तु अगीयत्थे, गीयत्थ सारिते गुरु सुद्धो ।

जति तं गुरु न सारे, आवत्ती होइ दोण्हं पि ॥

चू- एवं दिने दिने सारणाविधी अगीयत्थस्स । गीयत्थं पुण एगदिणं चउसु ठाणेषु सारंतो, परतो असारंतो वि सुद्धो । जति पुण तं गीयं अगीयं वा गुरुण सारेति तस्स य अनुवसंतस्स, एवं दोण्ह वि आवत्ती-पच्छित्तं भवति । अन्ने भणति-अगीयस्स अनुवसंतस्स वि नत्थि पच्छित्तं, अगीयं अचोदंतस्स गुरुस्स पच्छित्तं । गीतं पुण जति गुरु न चोदेति तो आवत्ती दोण्ह वि भवति ॥

[भा.२८०२] गच्छो य दोन्नि मासे, पक्खे पक्खे इमं परिहवेती ।

भत्तद्धं सज्झायं, वंदणऽलावं ततो परेणं ॥

चू- एवं अनुवसंतं गच्छो दोन्नि मासे सारेति । इमं पुण गच्छे पक्खे पक्खे परिहवेति । अनुवसंतस्स पक्खे गते गच्छो तेन समं भत्तद्धं न करेति । वितियपक्खे गते सज्झायं तेन समाणं न करेति । ततियपक्खे तस्स वंदनं न करेति । चउत्थपक्खे गते आलावं पि तेन समाणं वज्जेति ॥

[भा.२८०३] आयरिओ चउमासे, संभुंजइ चउरो देति सज्झायं ।

वंदनऽलावं चतुरो, तेन परं मूल निच्छुभणा ॥

चू-आयरिओ पुण अनुवसंतस्स वि चउरो मासे भत्त-पान-दान-ग्गहण-संभोगेण संभुंजति, चउण्हं उवरि भत्तं वज्जेति । चउरो सज्झायं देति, तओ सज्झायं वज्जेति । वंदनालावपदे दो वि चउरो मासे करेइ, ततो वरिसे पुण्णे संवच्छरिए पडिक्कंते मूलं पच्छित्तं, गणाओ य निच्छुभति ॥

[भा.२८०४] एवं बारसमासे, दोसु तपो सेसए भवे छेदो ।

परिहायमाण तद्विवसे, तवो मूलं पडिक्कंते ॥

चू- एवं बारसमासे अनुवसंतं अछंतं दोसु तवो आदिमेषु जाव गच्छेण वज्जितो सेसेसु दससु मासेसु छेदा पंचराइदिओ जाव संवत्सरं पत्तो । पज्जोसवणारातिपडिक्कंताणं अधिकरणे उप्पन्ने एसा विधी । दिवसमासे परिहावेत्ता 'तद्विवस' इति पज्जोसवणादिवसे अधिकरणे उप्पन्ने तवो मूलं च भवति, न छेदो । पडिक्कमणकाले वा उप्पन्ने मूलमेव केवलं पडिक्कमंतं भवति ॥ एसेवऽत्थो भण्णति-

[भा.२८०५] एवं एक्केक्कदिणं भवेत्तु ठवणा दिने वि एमेव ।

चेइयवंदणसारिते, तम्मि य काले तिमासगुरू ॥

चू- भद्वयसुद्धपंचमीए अनुदिए आइच्चे अधिकरणे उप्पन्ने संवच्छरो भवति, छट्ठीए एगदिणूणो संवच्छरो भवति, एव एक्केक्कदिणं परिहवंतेण आणेयत्वं जाव ठवणादिणो त्ति पर्युपासमादिवस इत्यर्थः । तम्मि ठवणादिने अनुदिए आइच्चे अधिकरणे उप्पणं एवमेव चोदणा सज्झायपट्टवनकाले चोदिज्जति, पुणो चेइयवंदणकाले चोइज्जति, अनुवसंतो पुणो पडिक्कमणवेलाए, एवं तम्मि

पञ्जोसवणकालदिवसे तिमासगुरु भवति ॥

[भा. २८०६] मूलं तु पडिक्कंते, पडिक्कमंते व होज्ज अहिगरणं ।

संवच्छरमुस्सग्गे, कयम्मि मूलं न सेसाइं ॥

चू- पडिक्कंते मूलं भवति । एसा ठवणदिवसविधी । अह अद्धपडिक्कंताण चेव अधिकरणं भवे संवत्सरीए काउस्सग्गे कते मूलमेव केवलं, न सेसा पच्छित्ता भवति ॥

[भा. २८०७] संवच्छरं च रुद्धं, आयरिओ रक्खती पयत्तेमं ।

जति नाम उवसमेज्जा, पव्वतराजी सरिसरोसो ॥

चू- एवं आयरिओ तं रुद्धं संवत्सरं पयत्तेण रक्खति । किमर्थं ? उच्चते-जति नाम उवसमेज्ज । अह नो उवसमति संवच्छरेण वि तो सो पव्वतराईसरिसरोसो भवति ॥

[भा. २८०८] अन्न दो आयरिया, एक्केक्कं वरिसमुवसमंतस्स ।

तेन परं गिहि एसो, बितियपदं रायपव्वतिए ॥

चू- मूलायरियसमीवावो निग्गयं अन्ने दो आयरिया कमेण एक्केक्कवरिसं पयत्तेण चेव विधिणा संरक्षंति । जेण उवसामितो तस्सेव सीसो । तेणं ति तस्मात् तृतीयवर्षात् परतः “सो” त्ति स गृही क्रियते । संघस्तस्य लिंगमवहरतीत्यर्थः । बितियपदेण वा दंडियपव्वइयस्स लिंगं न हिज्जति ॥ एसा विही भिक्खुस्स भणिया । उवज्झायरियाण वि एसेव विही । नवरि - इमो विसेसो-

[भा. २८०९] एमेव गणायरिए, गच्छम्मि तवो तु तिन्नि पक्खाइ ।

दो पक्खा आयरिए, पुच्छा य कुमारदिद्धंतो ॥

चू- इह गणाचार्यग्रहणादुपाध्यायः परिगृह्यते, तस्स अनुवसमंतस्स गच्छे वसंतस्स तिन्नि पक्खा तव भवति, परतो छेदो । आयरियस्स अनुवसमंतस्स दो पक्खतवो भवति, परतो छेदो । सीसो पुच्छति - “किं सरिसावराहे विसमं पच्छित्तं देह ? तम्हा रागदोसी भवंतो” । एत्थ आयरिओ कुमार-दिद्धंतं देति ॥ जे ते उवज्झायस्स तिन्नि पक्खा ते दिवसीकता ।

[भा. २८१०] पणयालदिने गणिणो, चउहा काउं सपाय एक्कारा ।

भत्तट्ठणसज्जाए, वंदनऽलावे य हावेति ॥

चू- ते चउभागेण कता सपाता एक्कारसदिवसा भवंति । तत्थ गच्छो उवज्झाएणं समं वसधीए एक्कारसदिणं भत्तट्ठं करेति एवं सज्जायवंदनालावे वि, परतो पणयालदिणाण दसग्गे छेदो ॥ आयरियस्स दो पक्खा दिवसीकता ।

[भा. २८११] तीसदिने आयरिए, अद्धट्ठदिना उ हावणा तत्थ ।

परतो गच्छेण चउपदेहिं तु, निज्जूढे लग्गती छेदो ॥

चू- ते चउभाएण विभत्ता अद्धट्ठमादिणा भवंति, तत्थ गच्छो आयरिएण सह अद्धट्ठमे दिने भत्तं करेति, एवं सज्जाए वंदनालावे य, गच्छेण निसेहो चउहिं भत्तट्ठणादिएहिं पदेहिं । पन्नरसराइंदिए छेदे लग्गति ॥ भिक्खू उवज्झायायरियाणं अन्नगमसंकंताणं सामण्णं भण्णति-

[भा. २८१२] संकमतो अन्नगणं, सगणेण य वज्जितो चउपदेहिं ।

आयरिओ पुण वरिसं, वंदनऽऽलावेहिं सारेति ॥

चू- सगच्छेणं जदा भत्तट्ठानादिएहिं पदेहिं वज्जितो तदा अन्नगणं संकंतो । तं अन्नगणायरिओ

वन्दनाऽऽलपदेहिं भुंजंतो सारंतो य वरिसं रक्खंति ॥

[भा.२८१३] सज्जायमातिएहिं, दिने दिने सारणा परगणे वी ।  
नवरं पुण नाणत्तं, तवो गुरुस्सेतरो छेदो ॥

चू-परगणेवि संकंतस्स ज्जायमादिएहिं चउहिं ठाणेहिं सारणा कज्जति । नवरं-परगणसंकमणे इमो विसेसो - गुरुस्स असारंतस्स तवो इयरो त्ति साधु, तस्स अन्नगणे अनुवसमंतस्स पढमदिने चे छेदो भवति ॥ “पुच्छा य कुमारदिट्ठंतो” त्ति अस्य व्याख्या-

[भा.२८१४] सरिसावराहदंडो, जुगरन्नो भोगहरण बंधादी ।  
मज्झिमे बंधवहादी, अब्वत्ते कण्णादि खिसा य ॥

चू-आयरितो भणाति - सरिसे वि अवराहे विसरिसं दंडं दलयंता जहा य नो रागदोसिल्ला भवामो तहा कुमारेहिं दिट्ठंतो कज्जति-एगस्स रन्नो तिन्नि पुत्ता - जेडो मज्झिलो कनिट्ठो । तेहिं य तिहिं वि आमंतियं “पियरं मारित्ता रज्जं तिहा विभयामो” । तं च रन्ना नायं । तत्थ जेडो जुवराया, एस पहाणवत्थु त्ति काउं किमेरिसं अज्झवसति त्ति तस्स भोगहरणबंधण-ताडण-खिसणा य सव्वे पगारा कता ।

मज्झिमो अवहडो एयऽपहाणो त्ति काउं न तस्स भोगहरणं कतं, बंध-वह-खिसणादिया कता । अब्वत्तो कनिट्ठो एतेहिं वियारिओ त्ति काउं कण्णचवेडयं दंडो खिसादंडो कतो, न भोगहरण-बंधणदंडा कता । जहा लोगो तहा लोगुत्तर वि वत्थुसरिसो दंडो कज्जति ॥

पमाणपुरिसे अकिरियासु वट्ठंते इमे अप्पच्चयमादी बहुतरगा दोसा भवंति-

[भा.२८१५] अप्पच्चय वीसत्थत्तणं च लोगगरहा य दुरभिगमो ।  
आणाए य परिभवो, नेव भयं तो तिहा दंडो ॥

चू- एते चेव आयरिया भवंति, अकसायं चारित्त भवति, एवं सच्चुवदेसेसु अप्पच्चयो भवति । सेसा साहवो वि कसायकरणादिसु वीसत्था भवंति । लोगा गरहंति-एमेव कलीमूलो त्ति । रोसणो य गुरु सीसपाडिच्छयाणं दुरहिगमो भवति, रोसणस्स य आणं परिहांवेति सिस्सा नेव से सीसा बीहंति । अतो वत्थुविसेसकारणतो तिहा दंडो कतो ॥

[भा.२८१६] गच्छम्मि य पडुवित्ते, जेन पदे निग्गता ततो बितियं ।  
भिक्खु गणायरियाणं, मूलं अणवट्ठ पारंची ॥

चू- जति तवे पडुवित्ते निग्गच्छति तो मूलं पावति, एवं भिक्खुस्स । गणावच्छेत्तियस्स य अणवट्ठे ठायति । आयरियस्स चरिमे । अहवा - पडुवियं प्रारब्धं, जेण पदेण प्रारब्धेण गच्छातो निग्गता ततो जं पदं बितियं तं अन्नगणे गयस्स पारब्भति । निदरिसणं-जति गच्छातो भत्तट्ठपदेण निग्गतो तो अन्नगणं गयस्स गणो तेन समाणं न भुंजति, सज्जायं पुन करेति । एवं जति सज्जायपदेण निग्गतो वंदनं करेति । वंदने निग्गयस्स आलावं करेति । आलावपएण निग्गयस्स परागच्छो चउहिं वि पदेहिं वज्जेति । एवं भिक्खुस्स, गणी उवज्जाओ, आयरियस्स, एतेसिं चेव मूल-अणवट्ठ-पारंचीया अंतो पच्छिता सगणातो अनिग्गताण निग्गयाण य ॥

एवं सामण्णेण भणियं । इमं निग्गताण भण्णाति

[भा.२८१७] खर-फरुस-निट्ठुराई, अह सो भणितुं अभाणियव्वाइं ।

निग्गमण कलुसहियए, सगणे अट्टापरगणे य ॥

चू- “खर-फरुस-निट्टुराई” ति अस्य व्याख्या-

[भा. २८१८] उच्चसर-सरोसुत्तं, हिंसयं मम्मवयणं खरं तं तु ।

अक्कोस-निरुवयारुत्तमसब्भं निट्टुरं होति ॥

चू- उच्चेण महंतेण सरेण जं सरोसं उक्तं तं खरं । जं पुण हिंसगं मम्मघट्टणं च तं फरुसं । जगारादियं अक्कोसवयणं । ककार-डकारादियं च निरुवयारं । असभाजोगं असब्भं जहा कोलिकः । एरिसं निट्टुरं होइ । एरिसाणि अभाणियव्वाणि ॥ भणिओ कालुसहियओ, निग्गतो सगच्छातो सो । सगणे अट्टफड्डया, परगणियव्वया वि अट्टफड्डया । जे परनियव्वा ते संभोइया अट्ट, असंभोइएसु वि अट्ट, जे अन्नसंभोतिया ते उज्जयचरणा ओसन्ना । सो एतेसु गतो-

[भा. २८१९] अट्टइ अट्टमासा, मासा दो होति अट्टसु पयारो ।

वासासु असंचरणं, न चेव इयरे वि पेसंति ॥

चू- सगणिच्चएसु अट्टफड्डएसु पक्खे पक्खे संचरंतस्स अट्टइ मासा भवंति, परगणच्चिएसु फड्डएसु अट्टइ मासा, एते सव्वे वि अट्टमासा । अट्टसु उदुबद्धिएसु मासेसु भिक्खू विहारो भवति तेन अट्टगहणं कयं । वासासु चउसु मासेसु तस्स अधिकरणसाहुस्स संचरणं नत्थि - वासाकालो ति काउं । “इअरे वि” तिजम्मि फड्डए सो संकमति तेवि तं पन्नवेत्ता वर्षाकाल-इति कृत्वा न प्रेषयंति । जतो आगतो तत्थ जे तस्स गणो अट्टफड्डगा तेसु संकमंतस्स तेहिं असज्जाय-भिक्ख-भत्तट्टणापडिक्कमणवेलासु सो सारेतव्वो, उवसमति ति । जति न सारेति तो मासगुरुं पच्छित्तं, तस्स पुन अनूवसमंतस्स दिवसे दिवसे पंच रातिंदिया छेदो भवति ॥

[भा. २८२०] सगणम्मि पंचराइंदियाइं दस परगणे मणुण्णेषु ।

अन्नेसु होति पन्नर-वीसा तु गयस्स ओसन्ने ॥

चू- परगणे संभोतिएसु संकंतस्स दसराइंदिओ छेदो, अन्नसंभोतिएसु पन्नरसराइंदिओ छेदो । ओसन्नेसु वीसराइंदिओ छेदो । एवं भिक्खुस्स भणियं ॥ इमं उवज्जायरियाणं-

[भा. २८२१] एमेव उवज्जाए, दसदिवसादी तु भिण्णमासंतो ।

पन्नरसादी उ गणी, चउसु वि ठाणेषु मासंतो ॥

चू- एवं उवज्जायस्स वि, नवरं - दसराइंदिओ छेदो आदि, भिन्नमासो छेदो अंतं । गुरुस्स आयरियस्स तस्स चउसु ठाणेषु सगण-परगण-संभोइय परगण-अन्नसंभोतिय ओसन्नेसु य पन्नरसरातिंदिओ छेदोआदी, मासिओ छेदो अंतं ॥

एयं पुरिसेण सगणादिट्ठाण विभागपच्छित्तं दंसियं । इदानिं एवं चेव ठाणेषु पुरिसविभागठाणं पच्छित्तं दंसिज्जति-

[भा. २८२२] सगणम्मि पंचराइंदियाइं भिक्खुस्स तद्विवसछेदो ।

दस होति उवज्जाए, गणि आयरिए य पन्नरस ॥

चू- सगणे संकंतस्स भिक्खुस्स पंचर इंदिओ छेदो, उवज्जायस्स दस, आयरियस्स पन्नरस रातिंदिया छेदो ॥

- [भा.२८२३] अन्नगणे भिक्खुस्स, दस तु रातिंदिया भवे छेदो ।  
पन्नरस उवज्झाए, गणि आयरिए भवे वीसा ॥
- [भा.२८२४] संविग्गमन्संभोइएहिं भिक्खुस्स पन्नरसछेदो ।  
वीसा य उवज्झाए, गणि आयरिए य पणवीसा ॥
- [भा.२८२५] एवं एक्केक्कदिणं, हवेत्तु ठवणादिने वि एमेव ।  
चेइयवंदनसारिते, तम्मि वे काले तिमासगुरू ॥
- [भा.२८२६] पासत्थादिगयस्सा, वीसं राइंदियाए भिक्खुस्स ।  
पणवीस उवज्झाए, गणि आयरिए भवे मासो ॥

चू- गणस्य गणे वा आचार्यः । अहवा - गणित्वमाचार्यत्वं च यस्याऽसौ गणि आयरिओ ॥  
इदानिं सगणादि ठाणे भिक्खुमादिपुरिसपक्खविभागेण य छेदसंकलणा भण्णति-

- [भा.२८२७] अट्टाइज्जा मासा, पक्खे अट्टहिं मासा हवंति वीसं तु ।  
पंच उ मासा पक्खे, अट्टहि चत्ता उ भिक्खुस्स ॥

चू- अधिकरणं काउं अनुवसंतो भिक्खु सगणं संकंतो तस्स पक्खेणं दिने दिने पंचरातिंदिएण  
छेदणे अट्टाइज्जमासा परियागस्स छिज्जंति, पन्नरसएण पंचगुणिउं, तीसाए भागे हिते अट्टाइज्जा  
मासा हवंति । अट्ट सगणफड्डया । तेसु तस्सेव पणगच्छेदणं वीसं मासा छिज्जंति, पन्नरस अट्टहिं  
गुणितो पुणो पंचहिं गुणिता तीसाए भागे हिते वीसं मासा भवंति । परगणसंभोइएसु संकंते  
पक्खेण (दसएण) छेदेण पंचमासा छिज्जंति । तस्सेव (दसएण) चेव छेदेण परगणे अट्टहिं पक्खेहि  
वत्तालीसं मासा छिज्जंति । एवं भिक्खुस्स ॥ उवज्झायस्स सगणे-

- [भा.२८२८] पंच उ मासा पक्खे, अट्टहि मासा हवंति चत्ता उ ।  
अट्टइमासपक्खे, अट्टहि सट्टी भवे गणिणो ॥

चू- पुव्वद्धं पूर्ववत् । उवज्झायस्स परगणे पन्नरसेण छेदेण पक्खेण अट्टइमासा छिज्जंति  
पंचदसहिं गुणता पंचदसा पंचवीसुत्तरा दोसया भवंति, ते तीसाए भागे हिते अट्टइमासा  
भवंति । उवज्झायस्स परगणे अट्टसु फड्डएसु अट्टहिं पक्खेहिं पन्नरसेण छेदेण सट्टिं मासा छिज्जंति,  
पन्नरस पन्नरसेहिं गुणिता पुणो अट्टहिं गुणिता तीसाए भागे हिते सट्टी भवंति । एवं गणिणो  
उपाध्यायस्येत्यर्थः ॥ इदानिं आयरियस्स सगणे-

- [भा.२८२९] अट्टइमास पक्खे, अट्टहि मासा हवंति सट्टीओ ।  
दसमासा पक्खेणं, अट्टहऽसीती उ आयरिए ॥

चू- पूर्ववत् पुव्वद्धं । आयरियस्स परगणे संकंतस्स पक्खेण वीसएण छेदेण दसमासा छिज्जंति,  
पन्नरस वीसहिं गुणिता तीसाए भागे हिते दसमासा भवंति । परगणट्टफड्डेसु अट्टसु आयरियस्स  
अट्टपक्खेहि वीसएण छेदेण असीति मासा छिज्जंति । पन्नरस अट्टहि गुणिता पुणो वीसहि गुणिता  
तीसाए भागे हिते असीति मासा भवंति ॥

इदानिं - एतेसिं चेव भिक्खु-उवज्झायायरियाणं संविग्ग-अन्नसंभोतिएसु ओसन्नेसु य  
संकलिग्रछेदो भणति । तत्थ भिक्खुस्स अन्नसंभोतियओसन्नेसु-

- [भा.२८३०] अट्टइमास पक्खे, अट्टहि मासा भवंति सट्टीओ ।  
दसमासा पक्खेणं, अट्टहऽसीती य भिक्खुस्स ॥

**चू- गुणगार-भागहारेहिं मासुप्पादणं पूर्ववत् ॥ उवज्झायस्स अन्नसंभोइएसु-**  
**[भा. २८३१]** दसमासा पक्खेणं, असि अट्टहि य हवंति नायव्वा ।  
 अद्धतेरसपक्खे, अट्टहि य सयं भवे गणिणो ॥

**चू- पुव्वद्धं पूर्ववत् । उवज्झायस्स ओसन्नेसु संकंतस्स पक्खेण पणवीसएण छेदेन**  
 अद्धतेरसमासा छिज्जंति, पन्नरस पणुवीसाए गुणिता तीसाए भागे हिते अद्धतेरसमासा भवंति ।  
 तस्सेव अट्टसु ओसन्नेसु फट्टएसु अट्टहिं पक्खेहिं पणुवीसएण छेदेण सतं मासाणं छिज्जति, पन्नरस  
 अट्टहिं गुणिया पुणो पणुवीसगुणिता तीसाए भागे हिते सयं मासाणं भवति ॥

आयरियस्स अन्नसंभोतिएसु संकंतस्स-

**[भा. २८३२]** अद्धं तेरस पक्खे, मासाण सयं च अट्टहिं भवति ।  
 पन्नरस-मास-पक्खे, अट्टहि वीसुत्तरं गणिणो ॥

**चू- पूर्वार्थं पूर्ववत् । आयरिस्स ओसन्नेसु पक्खेण तीसेण छेदेन पन्नरस मासा छिज्जंति ।**  
 आयरियस्स ओसन्नफट्टएसु तीसेण छेदेण अट्टहिं पक्खेहिं वीसुत्तरं माससयं छिज्जति, गुणगार-  
 भागाहारा पूर्ववत् ॥

**[भा. २८३३]** चोएति रागदोसे, सगण-परगणे इमं तु नाणत्तं ।  
 पंतावण निच्छुभण, परकुल घरघाडिए न गता ॥

**चू- सीसो चोदेति -** “रागदोसी भवति, जं सगणे थोवं-पच्छित्तं देह परगणादिसु बहुयं, एस  
 सगणे भे रागो, परगणे भे दोसो” । आयरिओ भणति-इमं तु चेदणाणत्तं करंता दिट्ठंतसामत्थेण  
 न रागदोसी भवामो सुण, जहा अगस्स गिहिणो चउरो भज्जाओ । ताओ य तेन कम्हि एगे अवराहे  
 कते पंतावेत्ता “नीह ममं गिहाओ” ति निच्छूढा । तत्थेगा कम्हि यि परघरम्मि गया । बितिया  
 कुलघरं । ततिया भत्तुणो - एगसरीरो, घाडिउ त्ति वयंसो, तस्स घरं गता । चउत्था निच्छुभंती वि  
 बारसाहाए लग्गा हम्ममाणी विन गच्छति, भणति य “कतोणं वच्चांमि, नत्थि मे अन्नो गतविसओ,  
 जति वि मारेहि तहावि तुमं चेव गतीसरणं ति” तत्थेव ठिता ।

तुट्ठेण चउत्थी घरसामिणी कता । ततियाए घाडियाघरं जंतीए सो चेव अनुवत्तिओ विगयरोसेण  
 खरंटिया आणिया य । बितियाए कुलघरं जंतीए “अवतावेइ” ति अन्नेहिं भणिणएण विगयरोसेण  
 खरंटिया दंडिया य । पढ्मा दूरणट्ट त्ति न ताए किं चि पओअणं, महंतेण वा पच्छित्तं दंडेउ  
 आणिज्जति । एवं उवसंहारो - परघरसंठाणिया ओसन्ना, कुलघरसंठाणिया असंभोइआ, घाडियसमा  
 संभोइया, अनिग्गमे घरसमो सगच्छो । जाव दूरतरं ताव महंततरो दंडो भवित इत्यर्थः ॥ भणियं  
 पक्खाधिकरणं । इदानिं परपक्खाधिकरणं भण्णति । तस्स पुण उप्पत्ती कहं हवेज्ज ?

- अतो भण्णति-

**[भा. २८३४]** अचियत्त-कलपवेसे, अइभूमि अनेसणिज्ज-पडिसेहे ।  
 अवहारऽमंगलुत्तरस भावअचित्तमिच्छत्ते ॥

**चू- कम्मि य कुले साहू पविसंता अचियत्ता, तं च अजाणंता अनाभोगओ वा पविट्ठा, तत्थ**  
 सो गिहवती आउसेज्ज वा हणेज्ज वा । साधू वि असहंतो पच्चाउसे, अतो अधिकरणं उप्पज्जति ।  
 एवं अतिभूमिपविट्ठे । भिक्खा वा अनेसणिज्जा पडिसिद्धा, सेहो वा से सण्णाततो अवहडो,  
 जत्तानिग्गतो वा गिहत्थो साहुं दट्ठुं “अमंगलं” ति भण्णति, समयविचारे वा गिही उत्तरदाउमसत्थो,

सहावेण वा कोति साधू अचियत्तो तं दड्ढुं, अभिग्गहीयमिच्छद्दिही वा ।

[भा.२८३५] अहिगरण गिहत्येहिं, ओसरणं कहुणा य आगमनं ।

आलोयण पेसवणं, अपेसणे होंति चउलहुगा ॥

चू- एवमादिएहिं कारणेहिं गिहत्येण समानमधिकरणमुप्पज्जति । अधिकरणं करंतो साधू वितियसाहुणा ओसारेयव्वो, अनोसरंतो बाहाए गहाय कड्ढियव्वो । “आगमनं” ततो द्विय सन्नियडंति, आलोएति य गुरुणो “अधिकरणं कतं” ति, ताहे गुरु वि उवसमणद्धा तत्थ वसभे पड्डवेति, जति न पेसवेति तो गुरुणो चउलहुं पच्छित्तं ॥

[भा.२८३६] आणाइणो य दोसा, विराहणा होति संजमाताए ।

वुग्गाहण सत्येणं, वारण अगनी विसं उवधी ॥

चू- सो गिही अनुवसमंतो संजमायविराहणं करेज्ज । जति पभू तो उन्निकखमावेज्ज, अप्पभू वा पभुणा उन्निकखमावेज्ज, एवमादि-संजमविराधना । कसादिणा घाएज्ज एवमादि आयरिवाधना भवेज्ज । गिहतो अमुवसमंतो लोगं वुग्गाहेज्ज - नत्थि एतेसिं धम्मो । अहवा भणेज्ज - सणं वोसिरित्ता एते विक्खिरंति, न निल्लेवेति वा, एसा पवयणविराधना । खग्गादिणा वा सत्येण हणेज्ज, भिक्खं वा वारेति, अगनिना वा उवहिं उवस्सयं वा हेज्ज, विसगरादि वा देज्ज, उवहिं वा हरावेज्ज ॥ एसा संजमायविराहणा दड्ढव्वा । तं पुन वारणं इमेसु ठाणेसु करेज्ज-

[भा.२८३७] रज्जे देसे गामे, निवेसणगिहे य वारणं कुणति ।

जा तेन विना हाणी, कुल-गण-संधे य पत्थारो ॥

चू- भत्तोवकरणवसहिमादिणा वारिते तेम विणा जा परिहाणी पीडा वा साहूणं तं गुरु वसभे अपेसवेंतो पावति । अहवा - पभवेंतो सव्वं चेव कुल-गण-संधं पत्थारेज्ज -विस्तरेण विनाशं कुर्यादित्यर्थः ॥

[भा.२८३८] एयस्स नत्थि दोसो, अपरिक्खगदिक्खगस्स अह दोसो ।

पभु कुज्जा पत्थारं, अपभू वा कारवे पभुणा ॥

चू- गिही चिंतैति एयस्स साहुस्स नत्थि दोसो, जो एयं अनुवसंतं अपरिच्छित्तं दिक्खेति तस्स दोसो, तं चेव घायेति । पभू एवं सयमेव पत्थारं करेति, अपभू वा रायवल्लभो अवल्लभो वा अत्यपदाणेण पभुणा कारवेति ॥ जम्हा एते दोसा-

[भा.२८३९] तम्हा खलु पड्डवणं, पुव्वं वसभा समं च वसभेहिं ।

अनुलोमण पेच्छामो, त्ति नेति अनिच्छमाणो वि वसभेहिं ॥

चू- गिहिउवसमणद्धा पुव्विं आयरिओ वसभे पड्डवेति, न तं अधिकरणं करेति, वसभेहिं वा समं सयमेव आयरितो गच्छति, गया अनुलोमवयणेहिं, “अनुलोमणं” त्ति प्रगुणीकरम-मित्यर्थः । अह सो गिही अनुणिजंतो भणेज्ज - “तं ता कलहयितं आणेह, पेच्छामो, पच्छा खंमी-हामी वा ।” ताहे वसभा तं तस्स अभिप्पायं नाऊण समीव णेति । अह सो साधू अनिच्छो ताहे वसहेहि अनिच्छमाणो वि बला नेयव्वो ॥ ते पुण इमेरिसगुणजुत्ता वसभा पुव्विं पड्डविजंति ।

[भा.२८४०] तस्संबंधि सुही वा, पगया ओयस्सिणो गहियवक्का ।

तस्सेव सुही सहिया, गर्मेति थेरा तगं पुव्वं ॥

चू-“तस्स”त्ति-गिहिणो जे सयण, मित्ता वा, लोगे वा पगता प्रख्याता, “उय”त्ति तेयस्सिणो खीरासवादि-लद्धिसंपन्ना, मिष्टवाक्या सव्ववहारप्रयोगवशा भणंता गिहियवक्का भवंति, एरिसा वसभा तस्स गिहिणो जे अन्ने गिहीसंबंधे सुहिणो वा तेहिं सहिया गमेति, पूर्वमिति प्रथमं, पश्चात् साधुं नयिष्यंति, थिरसभा वा थेरा, परिनयवया वा थेरा ॥ तस्सग्गतो इमेरिसं भणंति-

[भा. २८४१] सो निच्छुभति साधू, आयरिए तं च जुज्जसि गमेतुं ।

नाऊण वत्थुभावं, तस्स जति नंति गिहिसहिता ॥

चू-जेण साहुणा तुमे समं कलहितं सो साधू आयरिएण घाडिज्जति, अहं आयरिया न सुद्धु सुणेति, तव च आयरियं जुज्जति गमेउं, जइ आयरियं गमेति खमति य तो लट्ठं । “पेच्छामो”त्ति अस्य व्याख्या - “नाउण वत्थु” पच्छद्धं, कूराकूरं गिहिवत्थुभावं । केण वाऽभिप्पाएण भणति - “आणेहि”त्ति किं हंतुकामो खमेउकामो वा ? एवं नाऊण तस्स जइ णेति तो जे संबंधी सुही वा गिही तेहि सहिता तं साहू नेति ॥ अह सो गिही तिक्कसाओ उवसामिजंतो वि न उवसमति तो तस्स साहुस्स गच्छस्स य संरक्खणद्धा इमा विधी-

[भा. २८४२] वीसुं उवस्सते वा, ठवेति पेसिंति फड्डपतिणो वा ।

देति सहाते सव्वे, व निति गिहिते अनुवसेंते ॥

चू- वीसुं पृथक् अन्नमि उवस्सयमि एत साहुं ठवेति, अन्नगामे वा जे फड्डया तेसु जे आयरिया तं ताण पट्टवेति, नितस्स य सहाए देति, अह मासकप्पो पुण्णो तो सव्वे निति, एवं गृहस्थे अनुपशांते निर्गच्छन्तीत्यर्थः ॥ अह सो गिही उवसामिजंतो उवसमति, साहू नोवसमति तो से भिक्खादिकिरियादिसु इमं पच्छित्तं-

[भा. २८४३] अविओसियमि लहुगा, भिक्खवियारे य वसहि गामे य ।

गणसंकमणे भणंते, इहं पि तत्थेव वच्चाहि ॥

चू-जति अनुवसंतो साहू भिक्खं हिंजति, वियार-विहारभूमिं वा गच्छति वसहीउप्पायणद्धा वा गामं पविसति, वसहीओ वा अन्नसाधु-वसहिं गच्छति, तो सव्वेसु चउलहुगा पच्छित्तं । अतिविककसायाभिभूतो अन्नं गणं संकंतो तं अन्नगणिच्चया भणंति - “इहं पि गिहीअसहणा अत्थि तुमं पि असहणो, मा तेहिं समाणं अधिकरणं काहिति, तत्थेव वच्चाहि” ॥

[भा. २८४४] इह वि गिही अविहणा, न य वोच्छिण्णा इहं तुह कसाया ।

अन्नेसिं पायासं, जणइस्ससि वच्च तत्थेव ॥

[भा. २८४५] सिद्धमि न संगिज्जइ, संकंतमि उ अपेसणे लहुया ।

गुरुगा अजयण-कहणे, एगतरपदोसतो जं च ॥

चू-अनुवसंते हि साहुमि अन्नं गणं संकंते मूलायरिएण साहुसंघाडगो पट्टवेयव्वो । तत्थ सो गतो तेन संघाडएण सिट्ठे कहिते सो तेहिं न संगहियव्वो । अह पुण मूलायरिओ तेसिं साहुसंघाडयं न पट्टवेति तो चउलहुं, सो साहुसंघाडगो बहुजणमज्जे “एस निद्धम्मो गिहीहिं समाणं अधिकरणं काउमाउओ” एवं अजयणकहणे चउगुरुगा पच्छित्तं । अजयणाते कहिते सो साधू एगतरस्स पट्टो जं क हिति तं ते अजयणाकही पावेति । “एगतरो” त्ति साहुसंघाडगो गिही य । अहवा - साहुसंघाडगो मूलायरिओ य । अधवा - मूलायरिओ जस्स समीवं संकंतो य ॥ तन्हा अजयणं



वज्रेण इमा विधी-

[भा.२८४६] उवसामितो गिहत्थो, तुमं पि खामेहि एहि वच्चामो ।

दोसा हु अनुवसंते, न सुज्झए तुज्झ सामयियं ॥

चू-पुव्वं गुरुणो एगंते कहेउं पच्छा सो साधू एगंते भण्णति - “उवसामितो सो गिहत्थो, एहि वच्चामो, तुमं पि तं खामेह, अनुवसमंतस्स इहलोगपरलोगे य बहु दोसा । समभावो-सामायियं, तं सकसायस्स नो विसुज्जेज्जा” । एवं एगंते भणितो जति नोवसमति तो एवं चेव गणमज्जे भण्णति, एवं भणिए कोति गच्छति, कोति न गच्छति ॥ तिब्बकसायपरिणतो य भण्णति - “तस्स गिहिणो निमित्तेणं इहं पि ठाणं न लभामि-

[भा.२८४७] तमतिमिरपडलभूओ, पावं चिंतेइ दीहसंसारी ।

पावं ववसितुकामो, पच्छित्ते मग्गणा होति ॥

चू-कण्हचउद्दसीए राओ भासुरदव्वाभावोतमं भण्णति, तम्मि चेव रातो जदा रयरेणुधूमधूमिगा भवति तदा तमतिमिरं भण्णति, जदा पुण ताए चेव रातीए रयायिया मेहदुद्धिनं च भवति तदा तमतिमिरपडलं भण्णति-सुद्धं अंधकारं न तत्थ पुरिसो किं चि पासति । एवं पुरिसो कसाय-उदएण तिब्बतिव्वतरतिव्वतमेण तमतिमिरपडलभूतो भण्णति । भूतशब्दः द्रव्यान्धकारसादृश्यो-पम्यार्थे द्रष्टव्यः । अहवा-तम एवं तिमिरं-तमतिमिरं तमतिमिरमेव पडलं-तमतिमिरपडलं, अंध-कारविशेषमित्यर्थः, तेन उवमा कज्जति तेन तमतिमिरपडलभूतो । इहापि भूतशब्दः उपमार्थे । यथा अन्धकारेण न किंचिदुपलभ्यते एवं तीव्रकषायोदयात्र चारित्रगुणः कश्चिदुपलभ्यते ।

अहवा - पित्तुदयविकारेण य दव्वचक्खिदियस्स सबलीकरणं तिमिरं भण्णति । दव्विदिय-सबलभावे य दंसनावरणकम्मोदओ भवति । सिंभुदयविकारेण य दव्वचक्खिदियस्संतरणं पडलं भण्णति, तब्भावे य चक्खुदंसणावरणोदओ । एवं तिमिरपडलेहिं पुरिसस्स तमो भवति - न किंचित् पश्यतीत्यर्थः । तेन उवमा जस्स कज्जति सो भण्णति तमतिमिरपडलभूतो । इहापि भूत-शब्दो उपमार्थे, यथाऽसौ पुमान् दर्शनावरणोदयात्र किंचित् पश्यति । एवं चारित्रावरणकषायो-दयादिह परलोके हितं न किंचित् पश्यति । ऐश्वर्याज्जीविताद्वा भ्रंसनं पापं तं तस्स गिहत्थस्स चिंतेति । तम्मि पाप-पवसिते पच्छित्ते इमा मग्गणा भण्णति ॥

[भा.२८४८] वच्चामि वच्चामाणे, चतुरो लहुगा य होंति गुरुगा य ।

पहरण मग्गण लद्धे गहणम्मि य छल्लहू गुरुगा ॥

चू-वच्चामि तं गिहत्थं पंतावेमि ति संकप्पकरणे चउलहुआ, पदभेदातिपंथे वच्चंतस्स चउगुरुगा, पहरणमग्गणे छल्लहुगा, पहरणे लद्धे गहिते य छग्गुरुगा ॥

[भा.२८४९] उग्गिन्दिन्न अमाये, छेदो तिसु वेगसारणे मूलं ।

दोसु य अणवड्ढप्पो, तप्पभित्तिं होति पारंची ॥

चू-उग्गिण्णे छेदो, पहरिते मूलं । अन्ने भणंति - उग्गिण्णे पहरिते य अमते छेदो, मते मूलं । “जं जत्थ” ति परितावणादियं च जं जत्थ संभवति तं वत्तव्वं ॥ अहवा - तं संजयं गिहत्थवहाए आगतं सो चेव गिहत्थो ।

[भा. २८५०] तं चेव निद्वेती, बंधण निच्छुभण कडगमदो वा ।  
आयरिए गच्छम्मि य, कुलगणसंधे य पत्थारो ॥

चू- तं संजयं निद्वेति व्यापदयति बंधति वा, वसहि-निवेसण-गाम-नगर-देस-रज्जातो वा  
णिच्छुभति घाडयतीत्यर्थः, जंतेण वा पीलति । अहवा - कडगमदो एगस्स रुद्धो सव्वं चेव गछं  
व्यापादयति । जहा खंदगगच्छो पालएण । अहवा - आयरियाण बंधण-निच्छुभण-कडगमदं  
करेति, एवं कुलसमवायं दातुं कुलस्स करेति । एवं गणस्स संघस्स एस पत्थारो । अह एगं अणेगे  
वा गामे नगरे पंथे वा जंजत्थ पासति तं तत्थेव व्यापादयति । एस पत्थारो भण्णति ॥ एवं  
एगागिणो वच्चंतस्स आरोवणा दोसा य भणिया । इदानिं सहायसहियस्स आरोवणा भण्णति-

[भा. २८५१] संजयगणे गिहिगणे, गामे नगरे य देसे रज्जे य ।

अहिवति रायकुलम्मि य, जा जहिं आरोवणा भणिता ॥

चू- बहू संजते मेलेत्ता तं संजयगणं सहायं गेण्हति । एवं गिहिगणं । तं पुन गामं नगरं देसं  
रज्जं, अहिपति त्ति अह एतेसिं चेव अधिवा सहाया, ते गेण्हति । अन्नं वा किं चि रायकुलं सहायं  
गेण्हति, जहा-सगा कालगऽज्जेण । एगागिणो जा संकप्पादिगा आरोवणा भणिता इहावि सच्चेव  
दड्व्वा ॥

[भा. २८५२] संजयगुरु तदहिवो, गिही तु गाम पुर देस रज्जे वा ।

एएसिं चिय अहवा, एगतरजुओ उभयओ वा ॥

चू- संजयाणं जो गुरु सो तदधिवो भण्णति । अहवा - संजताण अधिवो गुरु । गिहीण  
तदधिवो गिहत्थो भवति । तुशब्दो विकल्पे, पासंडी चेत्यर्थः । गाम-पुर-देस-रज्जाण जे अधिवा  
भण्णति - गामस्स गामउडो व्यापृतक् इत्यर्थः । पुरस्स सेट्ठी कोट्टवालो वा, देसस्स देसकुट्ठो वा,  
देसव्यापृतको वा, रज्जस्स महामंत्री, राजा वा, एतेसिं एगतरेण उभएण वा संजुत्तो गच्छति ॥  
“जा जहिं आरावणा भणिता” अस्य व्याख्या - संजयगणेण तदधिवेण वा सहितो वच्चांमि त्ति  
संकप्पे चउलहुं ।

[भा. २८५३] तहिं वच्चंते गुरुगा, दोसु उ छल्लहुग गहणे छग्गुरुगा ।

उग्गिन्न पहरण, छेदो मूलं जत्थ वा पंथे ॥

चू- एगतरोभएण वा संजते पदभेदातिपंथे वच्चंतस्स चउगुरुं, पहरण-मग्गणदिट्ठे य दोसु  
पदेसु छल्लहुं, गहिए छग्गुरु, उग्गिन्नपहरिएसु दोसु पदेसु जहासंखं छेदो मूलं च, परितावणादियं  
पंथे वा पुट्टवादियं सव्वं दड्व्वं । गिहत्थादिएहिं एगतरोभयसहितो गच्छामि त्ति संकप्पेति चउगुरुं,  
पदभेदादिपंथे पहरणमग्गणे य दोसु वि पदेसु छल्लहुं । शेषं पूर्ववत् । एवं भिक्खुस्स भणियं ॥

[भा. २८५४] एसेव गमो नियमा, गणि आयरिए य होइ नायव्वो ।

नवरं पुण नाणत्तं, अणवड्ढप्पो य पारंची ॥

चू- उवज्जाए आयरिए य एसेव विधी । नवरं- हेट्ठा पदं हुसति उवरिं अणवड्ढ-पारंचीया  
भवन्ति । अहवा - तवारिहा सारिसा चेव, उवज्जायस्स मूलठाणे अणवड्ढो, आयरियस्स पारं-  
चियं ॥ तवारिहाण इमो विसेसो-

[भा. २८५५] भिक्खुस्स दोहि लहुगा, गणवच्छे गुरुग एगमेगेणं ।

उवज्जाए आयरिए, दोहिं गुरुगं तु नाणत्तं ॥

चू- भिक्खूस्स दोहिं वि लहुगा । आयरिये संते उवज्झाओ गणवच्छो वि भण्णति, तस्स तवारिहा अन्नतरेण तवेण वा कालेण वा गुरु आदिज्जति । अन्ने भणंति - तवगुरु चेव । कालगते आयरिए उवज्झाओ जाव अनभिसित्तो आयरियपदं अनुसीलंतो एवं उवज्झाओ आयरिओ भण्णति, आयरियस्स तवारिहा दोहि वि गुरुगा, एयं “नाणत्तं” विसेसो ॥

[भा.२८५६] काऊण अकाऊण व, उवसंत उवड्डियस्स पच्छित्तं ।

सुत्ते उ पड्डवणा, असुते रागो य दोसो वा ॥

चू- गिहत्थस्स अवकारं काउं अकाउं वा जतो उवसंतो गुरुस्स आलोयण-विहाणेण अपुणकरणेण उवड्डियस्स तस्स पच्छित्तं सुत्तेण पड्डविज्जति ति, पड्डविज्जति - तस्याग्रतो निगधते “इदं ते प्रायश्चित्तमिति” । असुत्तोवदेसणं पुण पायच्छित्तं अपं देंतस्स रागो, बहुं देंतस्स दोसो ॥

[भा.२८५७] थोवं जति आवन्नो, अतिरेगं देति तस्स तं होति ।

सुत्तेण उ पड्डवणा, सुत्तमनिच्छंते निज्जुहणा ॥

चू- जति थोवं आवण्णो तत्थ जति आयरिओ तस्स अतिरेगं देति, ऊणं वा, तो जत्तिएण अहियमूणं वा देति, तमायरियस्स पच्छित्तं भवति । तम्हा सुत्तेण पड्डवणा । जो पुण सुत्तं नेच्छति सुत्तत्थाभिहियं वा पच्छित्तं नेच्छति, तस्स निज्जुहणा विसंभोग इत्यर्थः ॥

[भा.२८५८] जेणऽहियं ऊणं वा, ददाति तावतियमण्णो पावे ।

अहवण सुत्तादेसे, पावति चउरो अनुग्घाया ॥

चू- पूर्वार्ध गतार्थम् । अहवा - आयरिओ ऊणातिरित्तं देंतो सुत्तादेसेण चउगुरुं पावति । तं च इमं सुत्तं - “जे भिक्खूउग्घातियं अनुग्घातियं वदति । अनुग्घातियं उग्घातियं वदति । उग्घातियं अनुग्घातियं देइ । अनुग्घातियं उग्घातियं देइ” तस्स चउगुरु पच्छित्तं भवतीत्यर्थः ॥

[भा.२८५९] वितियं उप्पाएतुं, सासणपंते असज्झ पंचपदा ।

आगाढे कारणम्मी, राया संसारिए जयणा ॥

चू- कोइ पडिणीओ गिहत्थो, तस्स सासणहेतुं, तेन समाणमधिकरणमुप्पादेउं सो सासि-ज्जति । अप्पणा असमत्थो आगाढे कारणे (संजय-गामं) गामं नगरं देसं रज्जं एतेहिं पंचहिं पदेहिं सहितो सासेति, असमत्थो असहाओ वा रायसंसारियं कुज्जा, अनुसद्धी धम्मकहा-विज्जा-निमित्तादिएहिं जइउं । एसा जयणा । अहवा - पुव्वं गामभोइयस्स, पच्छा तस्सामिणो, एवं उत्तरुत्तरं, पच्छा जाव राया संसारियं कुज्जा । एसा वा जयणा-रायाणे पुण पंते तं रायाणं फेडिउं तव्वंसजं अन्नवंसजं वा भद्दयं ठवेति ॥ जो इमेहिं गुणेहिं जुत्तो फेडेति तस्स-

[भा.२८६०] विज्जा-ओरस्सबली, तेयसलद्धी सहायलद्धी वा ।

उप्पाएतुं सासति, अतिपं कालगऽज्जो वा ॥

चू- जो विज्जाबलेण जुत्तो जहा-अज्ज खउडो । उरस्सजेण वा बाहुबलेण जुत्तो जहा-बाहु-बली । तेयलद्धीए वा सलद्धी जहा-बंभदत्तो पुव्वभवे संभूतो । सहायलद्धीए वा जहा-हरिएस-बलो । एरिसो अधिकरणं उप्पाएउं अतिपंतं सासेति । जहा-कालगऽज्जेण गद्दभिल्लो सासिओ । को उ गद्दभिल्लो ? को वा कालगऽज्जो ? कम्मि वा कज्जे सासितो ? भण्णति-

उज्जेनी नाम नगरी । तत्थ य ‘गद्दभिल्लो’ नाम राया ! तत्थ ‘कालगज्जा’ नाम आयरिया

जोतिस-निमित्त-बलिया । तान भगिनी रूववती पढमे वए वट्टमाणी गद्दभिल्लेण गहिता । अंते पुरे छूढा । अज्जकालगा विन्नवेत्ति, संघेण य विन्नत्तो न मुंचति । ताहे रुद्धो अज्जकालगो पइण्णं करेति- “जइ गद्दभिल्लं रायाणं रज्जाओ न उम्मूलेमि, तो पवयण-संजमोवग्घायगाणं तमुवेक्खगाणं य गतिं गच्छामि” । ताहे कालगज्जो कयणेण उम्मत्तली भूतो तिग-चउक्क-चच्चर-महाजनट्टाणेसु इमं पलवंतो हिंडंति- “जइ गद्दभिल्लो राया तो किमतः परं । जइ वा अंतेपुरं रम्मं तो किमतः परं । विसओ जइ वा रम्मो तो किमतः परं । सुनिवेट्टा पुरी जइ तो किमतः परं । जइ वा जज्जो सुवेसो तो किमतः परं । जइ वा हिंडामि भिक्खं तो किमतः परं । जइ सुण्णे देउले वसामि तो किमतः परं ॥ एवं भावेउं सो कालगज्जो पारसकुलं गतो । तत्थ एगो साहि त्ति राया भण्णति, तं समल्लीणो निमित्तादिएहिं आउट्टेति । अन्नया तस्स साहानुसाहिणा परमरायाणेण कम्मि यि कारणे रुट्टेण कट्टरिगा मुट्टेउं पेसिया सीसं छिंदाहि त्ति, तं आकोप्पमाणं आयातं सोयं विमणो संजातो । ताहे कालगज्जेण भणितो मा अप्पानं मारेहि । साहिणा भणियं - परमसाभिणा रुट्टेण एत्थ अच्छिउं न तरइ ।

कालगज्जेण भणियं - एहि हिंदुगदेसं वच्चामो । रन्ना पडिस्सुयं । तत्तुल्लाण य अन्नेसिं पि पंचानउतीए साहिणा संअंकेण कट्टरियाओ मुट्टेउं पेसियाओ । तेन पुच्चिल्लेण दूया पेसिया मा अप्पानं मारेह । एह वच्चामो हिंदुगदेसं । ते छन्नउत्तिं पि सुरट्टमागया । कालो य नवपाउसो वट्टइ वरिसाकाले न तीरति गंतुं । छन्नउइं मंडलाइं कयाति (णि) विभत्तिऊणं । जं कालगज्जो समल्लीणो सो तत्थ राया अधिवो राया ठवितो, ताहे सगवंसो उप्पन्नो । वत्ते य वरिसाकाले कालगज्जेण भणिओ-गद्दभिल्लं रायाणं रोहेमो । ताहे लाडा रायाणो जे गद्दभिल्लेण अवमाणिता ते मेल्लेउं अन्ने य ततो उज्जेणी रोहिता । तस्स य गद्दभिल्लस्स एक्का विज्जा गद्दहिरूवधारिणी अत्थि । सा य एगम्मि अट्टालगे परवलाभिमुहा ठविया । ताहे परमे आधिकप्पे गद्दभिल्लो राया अट्टमभत्तोववासी तं अवतारेति । ताहे सा गद्दभी महंतेण सट्टेण नादति, तिरिओ मणुओ वा जो परबलिच्चो सट्टं सुणेति स सब्बो रुहिरं वमंतो भयविहलो नट्टसण्णो धरणितलं निवडइ । कालगज्जो य गद्दभिल्लं अट्टमभत्तोववासिं नाउं सट्टवेहीण दक्खाणं अट्टसतं जोहाण निरूवेति - “जाहे एस गद्दभी मुहं विडंसेति जाव य सट्टं न करेति ताव जमगसमगं सराण मुहं पूरेज्जेह” ।

तेहिं पुरिसेहि तहेव कयं । ताहे सा वाणमंतरी तस्स गद्दभिल्लस्स उवरिं हणिउं मुत्तेउं व लत्ताहिं य हंतुं गता । सो वि गद्दभिल्लो अबलो उन्मूलिओ । उहिया उज्जेणी । भगिनी पुनरवि संजमे ठविया । एवं अधिकरणमुप्पाएउं अतिपंतं सासेंति । एरिसे वि महारंभे कारणे विधीए सुद्धो अजयणापच्चतियं पुन करेति पच्छित्तं ॥

मू. (६२२) जे भिक्खू उग्घातियं अनुग्घातियं वदति, वदंतं वा सातिज्जति ॥

मू. (६२३) जे भिक्खू अनुग्घातियं उग्घातियं वदति, वदंतं वा सातिज्जति ॥

मू. (६२४) जे भिक्खू उग्घातियं अनुग्घातियं देति, देंतं वा सातिज्जति ॥

मू. (६२५) जे भिक्खू अनुग्घातियं उग्घातियं देति, देंतं वा सातिज्जति ॥

चू-उग्घातियं लहुयं भण्णति, अनुग्घाइयं गुरुगं । “वदति” प्ररूपयति, “ददाति” आरोपयति । एवं विवरीएसु परूवणादानेसु चउगुरुगं पच्छित्तं ।

[भा.२८६१] उग्घायमनुग्घायं, वऽनुग्घायं तथा य उग्घायं ।  
जे भिक्खू पच्छित्तं, वएज्ज दिज्जा व विवरीयं ॥

चू- प्रायश्चित्तस्य न्यूनाधिकदाने आज्ञाभंगदयो दोषाः-

[भा.२८६२] सो आणा अणवत्थं, मिच्छत्त-विराधनं तथा दुविधं ।  
पावति जम्हा तेणं, अब्बिवरीयं वदे दे वा ॥

चू- विवरीयं परूवेतो देतो वा तित्थगराणं आणाभंगं करोति, अन्नहा परूवणदानेसु य अणवत्था कता भवति, अन्नहा परूवणदानेहि य मिच्छत्तं जणेति, जहा एयं तथा अन्यदपि सर्वमलीकमिति, ऊणे चरणस्स असुद्धी, अधिके साघुपीडा । एवं दुविहा विराहणा भवति, जम्हा एते दोसा तम्हा अविवरीयं वदति देति वा ॥

[भा.२८६३] परितावमणनुकंपा, भयं च लहुगम्भि पत्ते गुरु देतो ।  
वीसत्थया न सुज्झइ, इयरे अलियं वदंते य ॥

चू- लहुगम्भि पत्ते गुरुं देते साहुस्स परितावणा कता, अननुकंपा य, भयेण य पुणो नालोयेति । इतरे त्ति गुरुं पत्ते लहुं देते वीसत्थयाए य पुणो पडिसेवेति, न य से चारित्तं सुज्झइ । एते देते दोसा । वदंते पुण दोसु वि सुत्तेसु अलियं भवति ॥ किं चान्यत्-

[भा.२८६४] अप्पच्छित्ते उ पच्छित्तं, पच्छित्ते अइमत्तया ।  
धम्मस्सासायणा तिब्वा, मग्गस्स य विराधणा ॥

चू- अप्पच्छित्ते अनावत्तीए जो पच्छित्तं देति, पत्ते वा आवत्तीए जो अतिप्पमाणं पच्छित्तं देति, सो सुअचरण धम्मस्स आसादणं गाढं करोति, दर्शनाज्ञानचरणामकस्य च मार्गस्य विराधनां करोति ॥ “धर्मस्ये”त्ति अस्य व्याख्या-

[भा.२८६५] सुय-चरणे दुहा धम्मो, सुयस्स आसायणऽन्नहा दाने ।  
ऊणं देते न सुज्झति, चरणं आसायणा चरणे ॥

चू- अन्नहा वदंतेण सुत्त विराहियं । ऊणं देतेण चरणं विराधित्तं ॥ मग्गस्ये ति व्याख्या-

[भा.२८६६] नाणाति-तिविहा मग्गो, विराहितो होति अन्नहा दाणे ।  
सुयमग्गो वेगट्ठा, मग्गो य सुयं चरणधम्मो ॥

चू- पुव्वच्छं कंठं । सुयं ति वा मग्गो त्ति वा एगट्ठं । अहवा - मग्गो सुअं भण्णति, धम्मो चरणं, एते विराहंतेण मोक्खमग्गो विराहितो भवति । एवं समजं-आयविराहणातो असंखडादयो य दोसा, देवयवा छलेज्ज ॥

[भा.२८६७] बितियं गुरुवएसा, तवबलिए उभयदुब्बल्लेऽबलिते ।  
वेयावच्च अनुग्गह, विगिंचणट्ठाए विवरीयं ॥

चू- आयरियपरंपरोवदेसेण आगंतं गुरुं लहुं वा वदंते देतो वा सुद्धो । “तवबलिय”त्ति चउत्थमादितव करणे बलिओ, सो उग्घातिपायच्छित्ते दिन्ने भणाति - “किं ममेतेण कज्जं ति, अन्न पि देति ।” ताहे आयरितो अनुग्घातं देति, भणाति - “इमं चेव पच्छित्तं, एतं मे अनुवउत्तेण दिन्तं ।” “उभयदुबलो” नाम धितीए संघयणेण य, तस्स अनुग्घातिए वि उग्घातं दिज्झइ, जहा तरति वोढं । धितिसंघयणाण एगतरबलिए य तयनुरूवं दिज्झइ । “बलिए”त्ति - उभएण वि

बलियस्स चियमंससोणियस्स दप्पुद्धरस्स उग्घातिए वि अनुग्घातं दिज्जति । जो आयरियाण वेयावच्चकरणे अब्भुज्जतो तस्सं साणुग्गहं दिज्जति । भणियं च - “वेयावच्चकरणं होति अनुग्घाए वि उग्घातं” । अनुग्गहकसिणेण वा से दिज्जति, पायच्छित्ते दिन्ने छहिं दिवसेहिं गतेहिं अन्न छम्मासा जतितुं आवन्नो झोसिय छ आदिल्ला अन्ने छम्मासा दिज्जति । जो वा विगिंचियव्वो तस्स अपच्छित्ते वि पच्छित्तं दिज्जति, अप्पे वा बहुं दिज्जति, वरं पच्छित्तो मग्गो नस्सिहिति ॥

मू. (६२६) जे भिक्खू उग्घाइयं सोच्चा नच्चा संभुंजइ, संभुंजंतं वा सातिज्जति ॥

मू. (६२७) जे भिक्खू उग्घाइय-हेउं सोच्चा नच्चा संभुंजइ, संभुंजंतं वा सातिज्जति ॥

मू. (६२८) जे भिक्खू उग्घाइय-संकप्पं सोच्चा नच्चा संभुंजइ, संभुंजंतं वा सातिज्जति ॥

मू. (६२९) जे भिक्खू उग्घातियं उग्घातिय-हेउं वा उग्घातिय-संकप्पं वा सोच्चा नच्चा संभुंजइ, संभुंजंतं वा सातिज्जति ॥

मू. (६३०) जे भिक्खू अनुग्घातियं सोच्चा नच्चा संभुंजइ, संभुंजंतं वा सातिज्जति ॥

मू. (६३१) जे भिक्खू अनुग्घाइय-हेउं सोच्चा नच्चा संभुंजइ, संभुंजंतं वा सातिज्जति ॥

मू. (६३२) जे भिक्खू अनुग्घाइय-संकप्पं सोच्चा नच्चा संभुंजइ, संभुंजंतं वा सातिज्जति ॥

मू. (६३३) जे भिक्खू अनुग्घातियं अनुग्घाइय-हेउं वा अनुग्घाइय-संकप्पं वा सोच्चा नच्चा संभुंजइ, संभुंजंतं वा सातिज्जति ॥

मू. (६३४) जे भिक्खू उग्घाइयं वा अनुग्घाइयं वा सोच्चा नच्चा संभुंजइ, संभुंजंतं वा सातिज्जति ॥

मू. (६३५) जे भिक्खू उग्घाइय-हेउं वा अनुग्घाइय-हेउं वा सोच्चा नच्चा संभुंजइ, संभुंजंतं वा सातिज्जति ॥

मू. (६३६) जे भिक्खू उग्घाइय-संकप्पं वा अनुग्घाइय-संकप्पं वा सोच्चा नच्चा संभुंजइ, संभुंजंतं वा सातिज्जति ॥

मू. (६३७) जे भिक्खू उग्घाइयं वा अनुग्घाइयं वा उग्घाइय-हेउं वा अनुग्घाइय-हेउं वा उग्घाइय-संकप्पं वा अनुग्घाइय-संकप्पं वा सोच्चा नच्चा संभुंजइ संभुंजंतं वा सातिज्जति ॥

चू- एते छ सुत्ता । उग्घातियं नाम जं संतरं वहति लघुमित्यर्थः । अनुग्घातियं नाम जं निरंतरं वहति गुरुमित्यर्थः । “सोच्चं” ति अन्नसगासाओ, “नच्चं” ति अन्नसगासाओ, “नच्चं” ति सयमेव जाणित्ता, “संभुंजे” ति एगओ भोजनं । उग्घाइयहेउसंकप्प उग्घातियाण तिण्ह वि इमं वक्खाणं-

[भा. २८६८] उग्घातियं वहन्ते, आवन्नुग्घायहेउगे होति ।

उग्घातियं-संकप्पिय, सुद्धे परिहारियतवे य ॥

चू- उग्घातियं ति पायच्छित्तं वहंतस्स - पायच्छित्तमापन्नस्स जाव मनालोइयं ताव हेउं भण्णाति, आलोइए “अमुग्गदिने तुज्जेयं पच्छित्तं दिज्जिहिति” ति संकप्पियं भन्नति । एयं पुण दुविधं पि दुविहं वहति - सुद्धतवेण वा परिहारतवेण वा । हेऊ वि सुद्धस्स तवस्स वा परिहारतवस्स वा । संकप्पियं पि सुद्धतवेण वा परिहारतवेण वा ॥ अनुग्घाइयहेउ-संकप्पाण अनुग्घाइयाण तिण्ह वि इमं वक्खाणं-

[भा.२८६९] अनुग्धातियं वहंते, आवन्नऽनुघातहेउगं होति ।  
अनुघातिय-संकप्पिय, सुद्धे परिहारिय तवे य ॥

चू- पूर्ववत् । नवरं - अनुग्धातिए ति वत्तव्वं ॥ जे सग्छे सुद्धपरिहारतवाण आरूढा ते णज्जंति चेव । जे परागच्छातो आगता ते पुच्छिज्जंति-

[भा.२८७०] को भंते ! परियाओ, सुत्तत्थ अभिग्गहो तवोकम्मं ।  
कक्खडमकक्खडेसु य, सुद्धतवे मंडवा दोन्नि ॥

चू- इमा पढमा पुच्छा-

[भा.२८७१] गीयमगीओ गीओ, महंति कं वत्थु कस्स व सि जोग्गो ? ।  
अग्गीउ त्ति य भणित्ते, थिरमथिर तवे य कयजोग्गो ॥

चू- सो पुच्छिज्जति - किं तुमं गीयत्थो अगीयत्थो ? जति सो भणति - गीतो महंति । तो पुण पुच्छिज्जति - किं आयरिओ ? उवज्झाओ ? पव्वत्तओ ? थेरो ? गणावच्छेतितो ? वसभो ? एतेसिं एगतरे अक्खाए पुच्छिज्जति - कयमस्स तवस्स जोग्गो - सुद्धस्स, परिहारतवस्स ? अह सो अगीतोमि त्ति भणिज्जा आपुच्छिज्जति - थिरो अथिरो त्ति । थिरो द्ढो, तवकरणे बलवानित्यर्थः । अथिरो अंतरादेव भज्जते, नांतं नयतीत्यर्थः । पुणो थिरो अथिरो वा पुच्छिज्जति - तवे कयजोग्गो तवकरणेनाभ्यस्ततवो ॥

[भा.२८७२] सगणम्मि नत्थि पुच्छा, अन्नगणादागयं च जं जाणे ।  
परियाओ जम्म दिक्खा, अउणत्तीस वीसकोडी वा ॥

चू- सगणे एयाओ नत्थि पुच्छाओ, जओ सगणवासिणो सव्वे नज्जंति जो जारिसो, अन्नगणागतं पि जं जाणे तं न पुच्छे । “भंते त्ति आमंतणवयणं, “परियाए” त्ति परियाओ दुविहो - जम्मपरियाओ पव्वज्जापरियाओ य । जम्मपयाओ जहन्ने न जस्स एगूणतीसवासा । कहं ? जम्मडुविरेस पव्वतितो, नवमवरिसे उवद्धावितो, वीसतिवरिसस्स दिड्ढिवाओ उद्विड्ढो, वरिसेण जोगसमत्तो एवं एते अउणतीसं वासा । उक्कोसेण देसूणा पुव्वकोडी । पव्वज्जा एगूणवीसस्स दिड्ढिवातो उद्विड्ढो वरिसेण समत्तो, एते वीसं, उक्कोसेण देसूणा पुव्वकोडी ॥

इदानिं “सुत्तत्थमि” त्ति अस्य व्याख्या-

[भा.२८७३] नवमस्स ततियवत्थू, जहन्न उक्कोस ऊणगा दस उ ।  
सुत्तत्थऽभिग्गहे पुण, दव्वादितवो रयणमादी ॥

चू- नवमस्स पुव्वस्स जहन्नेनं ततियं आयारवत्थू, तत्थ कालनाणं वण्णिज्जति, जाहे तं अधीयं । उक्कोसेण जाहे ऊणगा दस पुव्व अधीता । समत्तदसपुव्विणो परिहारतवो न दिज्जति । सुत्तत्थस्स एयं पमामं । “अभिग्गहे” त्ति अभिग्गहा दव्वखेत्तकालभावेहिं । “तवोकम्मं” पुण “रयणमादि” त्ति, रयणावली आदिसद्दातो कणावावली सीहनिक्कीलियं जवमज्जं वइमज्जं चदाणयं ॥ “कक्खडेसु य पच्छद्धं” अस्य व्याख्या - सुद्धपरिहारतवाणं कतमो कक्खडो ? कयमो वा अकक्खडो ? एत्थ सेल-एरंड-मंडवेहिं दिड्ढंतो कज्जति-

[भा.२८७४] जं मायति तं छुभति, सेलमए मंडवे न एरंडे ।  
उभयबलियम्मि एवं, परिहारो दुब्बले सुद्धो ॥

चू- सेलमंडवे जं मायइ तं छुभति, न सो भज्जति । एरंडमए पुण जावतियं सहइ तावतियं

छुभति । एवं “उभयबलि”ति धिइसंवयणोवजुत्ते जं आवज्जते तं परिहारतवेण दिज्जति । जो पुण धितिसंघयणेहिं “दुब्बलो”ति हीनो तस्स सुद्धतवो वा हीनतरं पि दिज्जति ॥ सीसो पुच्छति - किं सुद्धपरिहारतवाण एगावत्ती उत भिन्ना ? उच्चते-

[भा. २८७५] अविसिद्धा आवत्ती, सुद्धतवे चेव तह य परिहारे ।  
वत्थुं पुण आसज्जा, दिज्ज ते तत्थ एगतरो ॥

चू- सुद्धपरिहास्तवाण अविसेसिया आवत्ती आयरिया दीवन्ति । संघयणोवजुत्तं जाणिऊणं परिहारतवो दिज्जति, इतरो वा सुद्धतवो, एवं एगतरा दिज्जति ॥

इमेरिसाण सव्वकालं सुद्धतवो दिज्जति-

[भा. २८७६] सुद्धतवो अज्जाणं, अगियत्थे दुब्बले असंघयणे ।  
धितिबलिए य समन्नागएसु सव्वेसु परिहारो ॥

चू- अज्जाणं अगीयत्थस्स, धितीए दुब्बलस्स, संघयणहीने, एतेसिं सुद्धतवो दिज्जति । धितिबलजुत्तो संघयणसमण्णिए पुरिसे परिहारतवो दिज्जति ॥ परिहारतं पडिवज्जते इमा विही-

[भा. २८७७] विउसग्गो जाणणट्ठा, ठवणाभीएसु दोसु ठवितेसु ।  
अगडे नदी य राया, दिड्ढंतो भीय आसत्थे ॥

चू- परिहारतवं पडिवज्जते दव्वादि अप्पसत्थे वज्जेत्ता पसत्थेसु दव्वादिसु काउसग्गो कीरइ, सेससाहू जाणणट्ठा । आलावणादिपदाण य ठवणा ठविज्जति, तेसु अठविएसु जति भीतो तो आससो कीरइ ति । इमेहिं म बीहे, पायच्छिंतं, सुज्झइ, महती य निज्जरा भवति । कप्पड्डि-यअनुपरिहारिया य दो सहाया ठविता । इमेहिं अगड-नदी-तीराइदिड्ढंतोहिं भीतस्स आसासो कीरति । अगडे पडियस्स आसासो कीरति-एस नो धावति, रज्जू आणिज्जति । अचिरा उत्तारेज्जसि, मा विसादं गेण्हसु । एवं जति नाऽऽसासिज्जति तो कया ति भीएण तत्थ चेव मरेज्ज ।

नदिपूरुगेण हीरमाणो भण्णति - तडं अवलंबाहि, एस तारगोदतिगादि घेतुमवतरिउमुत्तारेहिंसि मा विसादं गेण्हसु । रायगहिओ वि भण्णति - एस राया जति वि दुड्ढो तथा वि विण्णविज्जंतो पुरिसादिएसु आयारं पस्सति, अइ डंडं न करेति, एवं आसासिज्जंतो आससति, दढचित्तो य भवति ॥ काउस्सग्गो य किं कारणं कीरइ ? उच्चते-

[भा. २८७८] निरुवस्सग्गनिमित्तं, भयजणणट्ठा य सेसगाणं तु ।  
तस्सप्पणो य गुरुणो, य साहए होइ पडिवत्ती ॥

चू- साहुस्स निरुवस्सग्गनिमित्तं सेससाहूण य भयजणणट्ठा काउस्सग्गो कीरइ । सो य दव्वओ वढमादिखीरुक्खो, खेत्तओ जिनघरादिसु, कालओ पुव्वसूरे पसत्थादिदिनेसु य, भावतो चंदताराबलेसु, तस्सप्पणो गुरुणो य साहए सुपडिवत्ती भवति सो य जहण्णेण मासो, उक्कोसेण छम्मासा ॥ तम्मि परिहारतवं पडिवज्जंतो आयरिओ भण्णति - एयस्स साहुस्स निरुवस्सग्गनिमित्तं ठमि काउस्सग्गं जाव वोसिरामि । “लोगस्सुज्जोयगरं” अनपेहेत्ता “नमो अरिहंताणं”ति पारेत्ता “लोगस्सुज्जोयगरं” कट्ठित्ता आयरिओ भण्णति-

[भा. २८७९] कप्पड्डिओ अहं ते, अनुपरिहारी य एस ते गीओ ।  
पुव्विं कयपरिहारो, तस्सऽसयण्णो वि दढदेहो ॥

चू- आयरिओ, आयरियनिउत्तो वानियमा गीतत्थो तस्स आयरियाण पदानुपालगो, कप्पड्डित्तो



भण्णति । सो भणाति - अहं ते कप्पट्ठाती । परिहरियं गच्छंतं सव्वत् अनुगच्छति जो सो अनु परिहारितो, सो वि नियमा गीयत्थो, सो सेदिज्जति, एस ते अनुपरिहारी । सो पुण पुव्वकयपरिहारी, पुव्वकयपरिहारियस्स असति अन्नो वि अकयपरिहारो धितिसंघयणजुत्तो दढ्ढेहो गीयत्थो अनुपरिहारितो ठविज्जति ॥ एवं दोसु ठविएसु इमं भण्णति-

[भा.२८८०] एस तवं पडिवज्जति, न किं चि आलवदि मा न आलवह ।

अत्तद्ध चिंतगस्सा, वाघातो भे न कायव्वो ॥

चू- एस आयविसुद्धिकारओ परिहारतवं पडिवज्जति । एस तुब्भे न किं चि आलवति, तुब्भे वि एयं मा आलवह । एस तुब्भे सुत्तत्थेसु सरीरवट्टमाणी वा न पुच्छति, तुब्भे वि एयं मा पुच्छह । एवं परियट्टणादिपदा सव्वे भाणियव्वा । एवं आलवणादिपदे आत्मार्थचिंतकस्य ध्यानपरिहारक्रियाव्याघातो न कर्तव्यः ॥ इमे ते आलवणादिपदा-

[भा.२८८१] आलावण-पडिपुच्छण-परियट्टुट्टाण वंदनग मत्तो ।

पडिलेहण-संघाडग-भत्तदाण-संभुंजणे चव ॥

चू- आलावो देवदत्तादि, पुच्छा सुत्तत्थादिएसु, पुव्वाधीतसुत्तस्स परियट्टणं, कालभिक्खादियाण उट्टाणं, राओ सुत्तट्ठित्थिहं खमणमायं वा वंदणं, खेलकाइयसण्णासंसत्तमत्तगो न सोहेति तस्संतिओ वा न घेप्पति, उवकरणं परोप्परं न पडिलेहंति, संघाडगा परोप्परं न भवंति, अभत्तदाणं परोप्परं न करेति, एगमंडलीए न भुंजति, यच्चान्यत् किंचित् करणीयं तं तेन साधं न कुर्वन्तीत्यर्थः ॥ इमं गच्छवासीण पच्छित्तं-

[भा.२८८२] संघाडगाओ जाव उ, लहुगो मासो दसण्ह तु पदाणं ।

लहुगा य भत्तदाणे, संभुंजणे होंतिऽनुघाता ॥

चू- जति गच्छिल्लगा परिहारियं आलवति तो ताण मासलहु, एवं जाव संघाडगपदं अट्टमं सव्वेसु मासलहुं, जति गच्छिल्लया हंद भत्तं गेण्हसु तो चउलहुं, एगट्टं भुंजंताण चउगुरुं ॥

परिहारियस्स इमं पच्छित्तं-

[भा.२८८३] संघाडगा उ जो वा, गुरुगो मासो दसण्ह तु पदाणं ।

भत्तपयाणे संभुंजणे य परिहारिए गुरुगा ॥

चू- परिहारियस्स अट्टसु पएसु मासगुरुं भत्तदाणसंभुंजणे चउगुरुं ॥ कप्पट्ठियस्स अनुपरिहारियस्स दोण्ह वि एग संभोगो, एते दो वि गच्छिल्लएहिं समाणं आलावं करेति वंदामो ति य भणाति, सेसं न करेति । कप्पट्ठिय-परिहारियाण इमं परोप्पर-करण-

[भा.२८८४] कितिकम्मं च पडिच्छति, परिण्ण पडिपुच्छं पि से देति ।

सो वि य गुरुमुवचिद्धति, उदंतमवि पुच्छित्तो कहति ॥

चू- कपट्ठित्तो परिहारियवंदं पडिच्छति । “परिण्ण” ति पच्चक्खाणं देति । सुत्तत्थेसु पडिपुच्छं देति । “सो” ति परिहारिओ कप्पट्ठियं उदचिद्धति, अब्भुट्टाणादिकिरियं सुस्सूतं चे करेति, सण्णादि गच्छंतो अच्छेइ, पुच्छित्तो कप्पट्ठित्तेण “उदंत” इति सरीरवट्टमाणी कहेति ॥

[भा.२८८५] उट्टेज्ज निसीएज्जा, भिक्खं गेण्हेज्ज भंडगं नेहे ।

कुविय-पिय-बंधवस्स व, करोति इतरो च तुसिणीओ ॥

चू-परिहारितो तवकिलामितो जइ दुब्बलयाए उट्टेउं न सक्केइ ताहे अनुपरिहारियस्स अग्गतो भणेति - उट्टेज्जामि, निसेएज्जामि, भिक्खं हिंडेज्जामि । उट्टविओ जति भिक्खं हिंडिऊण सक्कति ता हिंडति । अह न सक्केति तो अनुपरिहारिओ परिहारियभायणेहिं हिंडित्तु देति । जइ न सक्केइ भंडगं पडिलेहेउ ताहे अनुपरिहारिओ से पडिलेहणियं करेइ । जइ न सक्केति सण्णाकाइयभूमिं गंतुं । तत्थ परिहारिओ-भणाति-काइयसण्णाभूमिं गच्छेज्जामि, ताहे से अनुपरिहारिओ मत्तए पनामेति । एवं जहा पियबंधुणो कुविओ बंधू जं करणीयं तं तुसिनीयभावेण सव्वं करेति । एवं “इयरो” त्ति अनुपरिहारितो करेति ॥

[भा. २८८६] सुत्तनिवाओ इत्थं, परिहारतवम्मि होइ दुविधम्मि ।

तं सोच्चा नच्चा वा, संभुंजंतस्स आणादी ॥

चू-एत्थ सुत्तनिवाओ - जो परिहारतवं दुविधं उग्घायं अनुग्घायं वहइ तं सोच्चा नच्चा वा जो संभुंजति तस्स आणादिया दोसा भवंति ॥

[भा. २८८७] बितियपदसाहुवंदण, उभओ गेलण्ण थेर असती य ।

आलवणादी उ पदे, जयणाए समायरे भिक्खू ॥

चू-साधुवंदनं ति अन्नगच्छं सा संपट्टिता । अन्नो साधू ते दड्ढु भणाति-अमुगसाहुस्स वंदनं करेज्जह, सो परिहारतवं पडिवन्नो जस्स परिभाइतं (तियं) हत्थे, सो अयाणंतो वंदितं वंदनयं कथेति, तस्स न दोसो । “उभओ गेलण्णं” त्ति कप्पट्टियं अनुपरिहारिय परिहारिओ अ एते जति तिन्नि वि गिलाणा ताहे गच्छेत्थया सव्वं जयणाए करेति । का जयणा ? भण्णति - गच्छेत्थया परिहारिय-भायणेहिं हिंडित्ता कप्पट्टियस्स पनामेति, सो अनुपरिहारियस्स पनामेति, सो वि परिहारियस्स । अत्थ कप्पट्टियानुपरिहारिया पनामेउं पि न वएति तो सयमेव गच्छेत्थया करेति । जति गच्छेत्थया सव्वे वि गिलाणा तो ते कप्पट्टियादिया तिन्नि जयणाए सव्वं पि करेज्जा । परिहारिओ गच्छेत्थयायणेषु आनिउं अनुपरिहारियस्स पनामेति, से कप्पट्टियस्स, सो वि गच्छेत्थयाणं । “थेर असतिए” त्ति थेरा आयरिया, तेसि वेयावच्चकरस्स असती, वेयावच्चकरवाधाए वा अन्नो य सलद्धीओ नत्थि, ताहे परिहारिओ वि करेज्ज जयणाए, सो गुरुभायणेषु हिंडिउं अनुपरिहारियस्स पनामेति । कप्पट्टियस्स वा से वि आयरियाणं देति । एवमादिसु कज्जेसु आलवणादीपदे जयणाए भिक्खू समाचरेदित्यर्थः ॥

सुत्ताणि फ़ुं । इदानिं एतेसिं चेव छण्हं सुत्ताणं दुगादिसंजोगसुत्ता वत्तव्वा । तत्थ दुगसंजोगे पन्नरस सुत्ता भवंति । तत्थ पढमं दसमं पन्नरसमं च । एते तिन्नि दुगसंजोगसुत्ता सुत्तेणेव गहिया, सेसा बारस अत्थतो वत्तव्वा । तिगसंजोगेण वीसं सुत्ता भवंति । तत्थ छट्ठु पन्नरसमं च दो वि सुत्ता सुत्तेणेव गहिता, सेसा अट्ठारस अत्थेणेव वत्तव्वा । चउसंजोगेणं पन्नरस, ते अत्थेणेव वत्तव्वा । पंचसंजोगेण छ, तेवि अत्थेण वत्तव्वा । छक्कगसंजोगे एक्कं तं सुत्तेणेव भमितं । एवं एते सत्तावन्नं संजोगसुत्ता भवंति । एतेसिं अत्थो पुव्ववसुत्तसमो । दुगसंजोगेण उग्घातियं अनुग्घातियं वा कहं संभवति ? भण्णति - आवती से उग्घातिया कारणे उ दानं अनुग्घातियं । एवं उग्घायानुग्घाय-संभवो । अहवा - तवेण अनुग्घातं कालतो उग्घातियं, एवं उवउज्जिऊण भावेतव्वं ॥

मू. (६३८) जे भिक्खू उग्गयवित्तीए अनत्थमिय-मणसंकप्ये संघडिए निच्चित्तिगिच्छा-

समावन्नेणं अप्याणेणं असनं वा पानं वा खाइमं वा साइमं वा पडिग्गाहेत्ता संभुंजति, संभुंजंतं वा सातिज्जति । अह पुण एवं जाणेज्जा- अनुग्गए सूरिए, अत्यमिए वा से जं च मुहे, जं च पाणिंसि, जं च पडिग्गहे, तं विगिंचिय विसोहिय तं परिट्टवेमाणे नाइक्कमइ । जो तं भुंजइ, भुंजंतं वा साति० चू- “जे” ति निहेसे, “भिक्खू” पुव्ववण्णिओ । उग्गतो उदितो । को सो ? आदिच्चो । वत्तणं वित्तीजीवनोपायमित्यर्थः । उग्गते आदिच्चे वित्ती जस्स सो उग्गतवित्ती । पाठांतरेण वा उग्गतमुत्ती, उग्गताए आदिच्चमुत्तीए जस्स वित्ती सो उग्गतमुत्ती । अहवा - “मूर्ति” शरीरं, तं जस्स प्रतिश्रयावग्रहात् उदिते आइच्चे वृत्ति-निमित्तं प्रचारं करोति सो वा उग्गयमुत्ती भण्णति । अनत्थमिए आदिच्चे जस्समनसंकप्पो भवति स भण्णति - अनत्थमियमणसंकप्पो । उग्गयवित्तीगहमातो सोलसभंगीए पच्छिल्ला अट्ट भंगा गहिता । अनत्थमियसंकप्पगहणातो बित्तियसोलसभंगीए पच्छिल्ला चेव अट्ट भंगा गहिता । एतेहिं सव्वभंगसूयणा कता । संथडिओ नाम हट्टसमत्थो, तद्विवसं पज्जतभोगी वा अध्वानप्रतिपन्नो क्षपक ग्लानो वा न भवतीत्यर्थः । वित्तिगिच्छा विमर्षमतिविप्लुता संदेह इत्यर्थः, सा निग्गता वित्तिगिच्छा जस्स जो णिव्वित्तिगिच्छो भवति । उदिय अनत्थमिय संथडिय निव्वित्तिगिच्छे य असनादि भुंजंतो सुद्धो ।

अह पुण सुद्ध-भुत्तो एवं जाणति निव्वित्तिगिच्छेण चित्तेण जहा - “अनुदितो अत्यमितो वा आदिच्चो” से जं च मुहे पक्खित्तं, जं च पाणिणा गहियं, जं च पडिग्गहे ठवियं, तं च “विज्जाणे” ति परिठविते, “विसोहेमाणे” ति निरवयवं करंतो, नो प्रतिषेधे, अतिक्रमणं लंघणं, धम्मो ति सुत रणधम्मो, जिनाणं च, नो अतिक्रमति । जो पुण अमुदियऽत्यमिते ति निव्वित्तिगिच्छेण चित्तेण भुंजति तस्स चउगुरुं पच्छित्तं । एवं संथडीए वित्तिगिच्छे वि सुत्तं । असंथडीए निव्वित्तिगिच्छे वित्तिगिच्छे य दो सुत्ता । एवं एते चउरो सुत्ता । इदानिं निज्जुत्तीए सुत्तसंगहगाहा-

[भा.२८८८] संथडममंथडे वा, निव्वित्तिगिच्छे तहेव वित्तिगिच्छे ।

काले दव्वे भावे, पच्छित्ते मग्गणा होति ॥

चू- पूर्वार्धं गतार्थम् । पढमं सुत्तं सथडीए निव्वित्तिगिच्छे । तत्थ-तिविधा पच्छित्तमग्गणा । कालदव्व-भावेहिं । कालपच्छित्तपरुवणत्थं भंगपरुवणा कज्जति । अनुदियमनसंकप्पे अनुदियगवसी अनुदियगाही अनुदियभोती । “अनुदियमनसंकप्प” ग्गहणेण भावो चेव केवलो घेप्पति, सव्वत्थानुपाती ।

“अनुदियगवसि” ति-उवओगादिकालतो जाव भिक्खं न गेण्हति । “अनुदियगाहि” ति आदिभिक्खग्गहणकालतो जाव न भुंजति । “अनुदियभोति” ति आदिलंबणाओ जाव पच्छिमो लंबणो । एतेसु छउसु पदेसु सपडिपक्खेसु भंगरयणलक्खणेण सोलस भंगा रएयव्वा । रइएसु जत्थ मज्झिल्लपदेसु दोसु परोप्परविरोहो दीसति । मज्झिल्लेसु वा एक्कम्मि दोसु वा उदितो दिट्ठो अंतिल्ले य अनुदितो ते भंगा विरुज्झमाणा वज्जा, सेसा गज्झा । अनत्थमियमणसंकप्पे अनत्थमियगवसी अनत्थमियगाही अनत्थमियभोती-एतेसु चउसु पदेसु सपडिपक्खा सोलस भंगा कायव्वा । एत्थ मज्झिल्लपदेसु जत्थ परोप्परं विरोहो दीसति । मज्झिल्लेसु वा एक्कम्म दासु वा अत्थामओ दिट्ठो, अंते य अनत्थमिओ ते भंगा विरुज्झमाणा वज्जा, सेसा गज्झा ॥ अनुदिय-उइय-अत्थमिय-अनत्थमिएसु चउसु वि ठाणेसु अविरुज्झमाणभंगपरिनामपददरिमणत्थं । भण्णति-

[भा. २८८९] अनुदियमणसंकप्पे, गवेस-गहणे य भुंजणे चेव ।  
उग्गतणत्थमिते वा, अत्थं पत्ते य चत्तारि ॥

चू-पढमो वितितो चउत्थो अड्डमो य - एते चउरो घडंति । सेसा चउरो न घडंति । उदितमनसंकप्पे वि पढमो वितिओ चउत्थो अड्डमो य - एते चउरो घडंत । सेसा चउरो न घडंति । अनत्थमियमणसंकप्पे पढमो वितिओ चउत्थो अड्डमो य - एते चउरो गज्झा, सेसा चउरो वज्जा । अत्थंपत्ते वि - एते चउरो गज्झा । चतुरग्गहणं सर्वथानुपाती ॥

“अनुदियमनसंकप्पो” ति अस्य व्याख्या-

[भा. २८९०] सूरे अनुग्गयम्मि उ, अनुदित उदितो य होति संकप्पो ।  
एमेव ऽत्थमितम्मि वि, एगयरो होति संकप्पो ॥

चू- अनुदि ए सूरि ए अनुदियमणसंकप्पो उदियमणसंकप्पो वा भवति । उदिते वि अनुदितो उदितो वा मणसंकप्पो भवति । एवं अत्थमि ए वि अत्थमियमणसंकप्पो उदियमणसंकप्पो वा भवति । उदिते वि अनुदितो उदितो वा मणसंकप्पो भवति । एवं अत्थमि ए वि अत्थमियमणसंकप्पो अनत्थमियमणसंकप्पो वा । अनत्थमि ए वि अत्थमियमणसंकप्पो वा अनत्थमियमणसंकप्पो वा । एवं एगतरो संकप्पो भवति ॥

[भा. २८९१] अनुदित-मनसंकप्पे, गवेस-गहणे य भुंजणे गुरुगा ।  
अह संकियम्मि भुंजति, दोहि लहू उग्गए सुद्धो ॥

[भा. २८९२] अत्थंगय-संकप्पे, गवेसणे गहण-भुंजणे गुरुगा ।  
अह संकियम्मि भुंजति, दोहि लहु अनत्थमि ए सुद्धो ॥

चू- “उग्गयवित्ती” अस्य सूत्रपदस्य व्याख्या-

[भा. २८९३] उग्गयवित्ती मुत्ती, मणसंकप्पे य होति आएसा ।  
एमेव य ऽनत्थमिते, धाते पुण संखडी पुरतो ॥

चू- उग्गय इति वा, उदओ ति वा एगडं । वर्तनं वृत्तिः । उग्गए सूरि ए जस्स वित्ती सो उग्गयवित्ती । आदेसंतरेण वा उग्गयमुत्ती भण्णइ । उग्गताए आइच्चमुत्तीए जस्स वित्ती सो उग्गयमुत्ती भण्णति । अहवा - मूर्तिः शरीरं, तं उग्गए आइच्चे वित्तिनिमित्तं जस्स चेड्ढति सो उग्गयमुत्ती भण्णति । मणसंकप्पो ति वा, अज्झवसाणं ति वा, चित्तं ति वा, एगडं । तम्मि मणसंकप्पे आदेशा इमे कायव्वा-अनुदिते वि आदिच्चे मणसंकप्पेण उदिते वृत्तिरेव भवति, न प्रायश्चित्तमित्यर्थः । च शब्दः समुच्चए, जहा अनुदि ए उदियमणसंकप्पेण णिद्दोसो तहा उदि ए वि अनुदियमणसंकप्पेण सदोषेत्यर्थः । अत्थमि ए वि तहेव ति । अत्थमि ए वि आतिच्चे अनत्थमियमणसंकप्पेण वृत्तिरेव भवति न प्रायश्चित्तं । इहापि आदेशांतरं कर्तव्यं - जहा अत्थमि ए वि अनत्थमियमणसंकप्पेण णिद्दोसो तहा अनत्थमि ए वि अत्थमियमणसंकप्पेण सदोषेत्यर्थः । अहवा - उग्गयवित्ती उग्गयमुत्ती एतदेवादेशांतरं द्रष्टव्यम् । अहव - “मणसंकप्पेण ०” इति उपरिष्ठादवक्ष्यमाणं अनुदिते अत्थमिते वा कथं गहणसंभवो भवति ? अतो भणति - “धाते पुण संखडी पुरतो” ति । “धायं” ति वा “सुभिक्षं” ति वा एगडं । तम्मि सुभिक्षे संखडीए

संभवो भवति । सा य संखडी दुविधा - पुरे संखडी, पच्छा संखडी च । पुव्वादिच्चे पुरेसंखडी।म  
ज्झण्हपच्छातो पच्छासंखडी । इह पुण जा अनुदिते सा पुरेसंखडी । पुणसद्गहणाओ अत्थिए वा  
पच्छसंखडीसंभवो भवे ।

अहवा - धातग्गहणं अववादप्रदरशनार्थम् । सुभिक्षे संथरंते वा निकारणे जत अनुदिते  
अत्थमिते वा गहणं करेति तो पच्छित्तं, इहरहा पुन न भवति ॥ सूत्रपदद्वयस्य-गाथाद्वयेन व्याख्या  
क्रियते । पूर्वं प्रकृतभंगा उच्यंते । अनुदिय-उदिय-सोलसगंभीए इमे अट्ट घडेमाणा जहासंखेण  
ठवियव्वा-पढमो, बितिओ, चउत्थो, अट्टो, नवमो, दसमी, बारसमो, सीलसमो य । सेसा अट्ट  
वज्जिता । ततो अनत्थमिय अत्थमियसोलसभंगीए एते चेव अट्ट भंगा उद्धरित्ता । पढम-बितिज्जा  
भंगा पंचम-छट्टभंगट्ठाणेसु कायव्वा । पंचम-छट्टा पढम-बितिज्जाठणेसु कायव्वा । ततिय-चउत्थभंगा  
सत्तम-अट्टमभंगट्ठाणेसु कायव्वा । सत्तमऽट्टमा ततिय-चउत्थठणेसु कायव्वा । अहवा - पढमे-  
बितिय-ततिय-चउत्थभंगा पंचम-छट्ट-सत्तमऽट्ट भंगाण हेट्टा कमेण ठावेयव्वा एवं ठविएसु ततो  
इमं गंथमाह-

[भा.२८९४] अनुदियमणसंकप्पे गवेसगह भोयणम्मि पढमलता ।

बितियाए तिसु असुद्धा, उग्गयभोई उ अंतिमओ ॥

चू- अनुदियमणसंकप्पे अनुदियगवेसी अनुदियगाही अनुदियभोती । एसा पढमलता ।  
बितियालता - आदिल्लेसु तिसु पदेसु संकप्प-गवेसण-ग्गहणपदेसु असुद्धा, अंतिल्लं भोगिपदं  
तम्मि सुद्धा ॥

[भा.२८९५] ततियाए दो असुद्धा, गहणं भोती य दोण्हि वी सुद्धा ।

संकप्पम्मि असुद्धा, तिसु सुद्धा अंतिमलता तु ॥

चू- ततियलताए-दो संकप्प-गवेसणपदं च असुद्धा, गहण-भोगीपदं च एतेसु दोसु वि  
सुद्धा । चउत्थलताए-संकप्पपदं एक्कं असुद्धं, गवेसणं गहणं भोगीपदं च तिन्नि वि सुद्धा । अनुदियस्स  
अंतिल्ला लतेत्यर्थः ॥ इदानिं - सुद्धे णं भावेणं चत्तारि लताओ भण्णति - सो आदिच्चो उदितो  
अनुग्गतो वा नियमा उग्गयंति भण्णति-

[भा.२८९६] उग्गयमनसंकप्पे, अमुदितएसी य गाह भोई य ।

एमेव य बितियलय, सुद्धा आइमि अंते य ॥

चू- उदियमनसंकप्पे अनुदियगवेसी अनुदियगाही अनुदियभोती । एसा उदिते पढमलता ।  
बितियलताए - वि एवं चेव । नवरं - आति-अंतपदेसु सुद्धा । मज्झिल्लेसु दोसु पदेसु असुद्धा ॥

[भा.२८९७] ततियलताए गवेसी, होति असुद्धो उ सेसगा सुद्धा ।

चत्तारि वि होंति पया, चउत्थलतियाए उदयचित्ते ॥

चू- ततियाए एगं गवेसणापदं असुद्धं, सेसा संकप्पगहणभोगिपदं च तिन्नि वि सुद्धा ।  
सव्वेसु पदेसु चउत्थलतिया विशुद्धा उदयचित्तत्वत् । एवं अत्थमिताऽनत्थमिते वि अट्ट लता,  
चउरो असुद्धा, चउरो सुद्धा, तासिं विभागदरिसणत्थं भण्णति - अत्थमियं अनत्थमियं वा सूरियं  
नियमा अत्थमियं भण्णति ॥

[भा.२८९८] अत्थंगयसंकप्पे, पढमवरं एसि गहण भोई य ।

दो संतेसु असुद्धो, बीया मज्जे हवई सुद्धो ॥

चू-अत्थंगयसंकप्पे अनत्थमियगवेसी अनत्थमियगाही अनत्थमियबोजी एसा पढमलता ।  
बितिया आदिअंतेसु दोसु वि असुद्धा । मज्जे गवेसगहणेसु दोसु वि सुद्धा ।

[भा. २८९९] तइया गवेसणाए, होइ विसद्धा उ तीसु अविमुद्धा ।  
चत्तारि वि होंति पया, चउत्थलइगाए अत्थमिए ॥

चू-ततियलता - एगम्मि गवेसणपदे सुद्धा, सेसेसु तिसु असुद्धा । चउत्थलताए चत्तारि वि  
पदा असुद्धा, अत्थमियमणसंकप्पे ति काउं ॥ अविमुद्धलता गता । इदानिं विसुद्धलताओ भण्णति  
-अत्थमियं अनत्थमियं वा नियमा अनत्थमियं भण्णति-

[भा. २९००] अनत्थंगयसंकप्पे, पढमा एसी य गहण भोई य ।  
मण एसि गहणसुद्धो, बितिया अंतम्मि अविमुद्धा ॥

चू-अनत्थंगयसंकप्पे अनत्थमियगवेसी अनत्थमियगाही अनत्थमियभोजी । एस पढम-  
लता । बितियलताए - आदिल्ला तिन्नि पदा विसुद्धा, अंतिल्लभोगिपदेण आवसुद्धा ॥

[भा. २९०१] मन एसणाए शुद्धा, ततिया गहभोयणे य अविमुद्धा ।  
संकप्पे नवरि सुद्धा, तिसु वि असुद्धा उ अंतिमगा ॥

चू-ततियलता - संकप्पे य गवेसणे य सुद्धा, गहणभोगिपदेहिं दोहिं असुद्धा । चउत्थलता -  
संकप्पेण नवरि-सुद्धा, सेसेसु तिसु पदेसु गवेसण-गहण-भोगीहिं असुद्धा, अंतिमा इति चतुर्थलता ॥  
एत्थ - अइसु अविमुद्धे सु इमं पच्छित्तं-

[भा. २९०२] पढमाए बितियाए, ततिय चउत्थी य नवम दसमीए ।  
एक्कारसि बारसियए, लताए चउरो अनुग्घाया ॥

चू- एतासु अइसु वि लतासु चउरो अनुग्घाया-चउगुरु इत्यर्थः । ते अनुदियलतासु चउसु  
तवकालविसेसिया कायव्वा ॥ इमा पुण सुद्धलताओ-

[भा. २९०३] पंचम-छ-सत्तमियाए, अइमिया तेर चोइसमियाए य ।  
पन्नरस सोलसी वि य, लतातो एया विसुद्धातो ॥

चू-एतेसु पच्छित्तं नत्थि विशुद्धभावत्वात् ॥ जं भणियं “उपरिष्टाद्वक्ष्यमाणमि” ति तद्वक्ष्यति-

[भा. २९०४] दोण्ह वि कयरो गुरुओ, अमुग्गयत्थमियभुंजमाणानं ।  
आदेस दोन्नि काउं, अनुग्गते लहु गुरु इतरो ॥

चू- सीसो पुच्छति - अनुदियमणसंकप्पस्स अत्थमियमणसंकप्पस्स य कयमो गुरुतरओ ?  
आयरिओ भणति - एत्थ आएसदुगं कायव्वं । एत्थ एगे भणति - “अनुग्गतातो अत्थमियभोजी  
गुरुअतरओ । कम्हा ? जम्हा सो संकिलिइपरिनामो दिवसातो भोतुं अकिलंतो चेय पहे रातीए  
भुंजति, अविमुज्झमाणकालो य । अनुदियभोजी पुण सव्वराति अहियासेउं किलंतो भुंजति  
विसुज्झमाणकालो तेन लहुअतराओ ।”

अन्ने भणति - “अत्थमियभोजीओ अनुदियभोजी गुरुअतरतो । कम्हा ? जम्हा सो सव्वराति  
सहिउं थोवं कालं न सहति तेन सो संकिलिइपरिनामो । इयरो पुण चिंतेइ - बहुं मे कालो सोढव्वो  
तेम भुंजइ अतो लहुततरो ।” इमो स्थियपक्खो - अनुदिए पतिसमयं विसुज्झमाणकालो ति  
गुरुतरो । एयं सव्वं कालनिष्फणं पच्छित्तं भणियं ॥ इदानिं दव्व-भावनिष्फणं पच्छित्तं

भण्णति । त पुण इमेहिं ठाणेहिं नायं होज्ज-

[भा.२९०५] गविसण गहिए आलोय नमोक्कारे भुंजणे य संलेहे ।

सुद्धो विगिंचमाणो, अविगिंचणे होतिमा सोही ॥

चू- अनुदितो अत्यमितो वा इमेहिं ठाणेहिं नातो, कए उवओगे पदभेदकए नायं जहा अनूदितो अत्यमितो वा ततो छिय स नियत्तंतो सुद्धो । अह गवेसणं करंतेण तनायं ततो चेव स नियत्तंतो सुद्धो । अह गहिते पायं जं गहितं तं विगिंचंतो सुद्धो । अह आलोएंतेण नायं तह वि विगिंचंतो सुद्धो । अह भुंजिउकामो नमोक्कारं करंतेण नायं तो विगिंचंतो सुद्धो ।

अहं भुंजतेण नायं सेसं विगिंचंतो सुद्धो । अह सव्वमि भुत्ते संलेहसेसं तं विगिंचंतो सुद्धो । “अविगिंचणे” ति णाते जति भुंजति तो दव्वभावनिप्फणं पच्छित्तं भवति ॥

इमं दव्वनिप्फणं-

[भा.२९०६] संलेह पंच भागे, अवह्ठ दो भाए पंचमो उ भिक्खुस्स ।

मास चतु छच्च लहु गुरू, अभिक्खगहणे तिसू मूलं ॥

चू- संलेहा तिन्नि लंबणा, अनुग्गते अत्यमिते वा संलेहसेसं नाउं भुंजति । पंचलंबणसेसं वा जति भुंजति । “भागो” ति-तिभागो, दसलंबणा जति ते भुंजति । अवह्ठ अद्धं, पन्नरसलंबणा ते सव्वं जति भुंजति । “दो भागं” ति-दोन्नि भागा वीसं लंबणा । तीसाए पंच मोत्तुं सेसा पणवीसं ते जति भुंजति । एतेसु संलेहणादिएसु इमं पच्छित्तं - मासलहुं मासगुरुं चउलहुं छल्लहुं छग्गुरुं । अभिक्खसेवं पडुच्च बितियवाराए मासगुरुं आदि छेदे ठायति ततियवाराए चउलहुगादि मूले ठायति ॥ एवं भिक्खुस्स ।

[भा.२९०७] एमेव गणायरिए, अणवह्ठप्पो य होति पारंची ।

तम्मि वि सो चेव गमो, भावे पडिलोम वोच्छामि ॥

चू- गणि उवज्जाओ, तस्स वि एमेव चारणागमो । नवरं - तस्स मासगुरुगादि आढत्तं ततियवाराए अणवह्ठे ठायति । आयरियस्स वि एमेव गमो । नवरं - चउलहुगादि आरद्धं तिहिं वाराहिं पारंचिए ठायति । एवं दव्वनिप्फणं जहा जहा दव्ववुद्धी तथा तथा पच्छित्तवुद्धी भवति । गतं दव्वनिप्फणं । इदानिं भावे पडिलोमं भणामि - जहा जहा दव्वपरिहाणी तथा तथा पच्छित्तवुद्धी स्वल्पस्वल्पतरभावेन गृह्णत्वात् ॥

[भा.२९०८] पणहीण तिभागद्धे, तिभागसेसे य पंचमो तु संलेहे ।

तम्मि वि सो चेव गमो, नायं पुण पंचहिं गतेहिं ॥

[भा.२९०९] एमेव भिक्खगहणे, भावे ततियम्मि भिक्खुणो मूलं ।

एमेव गणायरिए, सपया सपदा पदं हसति ॥

चू- तम्मि मावपच्छित्ते जो दव्वे चारणप्पगारो सो चेव दह्व्वो । नवरं - नाणत्तं, “पंचहिं गतेहिं” ति पंचभिर्मुक्त्तैः सेसा पणवीसं तीसा । पनगेन हीना सेसा वीसं भुंजंतो मासगुरुं । अद्धं सेसा पन्नरस लंबणा भुंजंतो चउलहुं । तिभागो दस लंबणा ते भुंजंतो चउगुरुगा । तीसाए पंच लंबणा मोत्तुं सेसा पणवीसं ते अनाभोगतो परिभुत्ता, नाते पुण सेसा पंच परिभुंजंतस्स छल्लहुआ । संलेहसेसं भुंजति छग्गुरुगा । बितियवाराए मासगुरुगा आढत्तं छेदे ठायति । ततियवाराए

चउलहुया आढतं मूले ठायति भिक्खुस्स । उवज्झायस्स मासगुरुगादि आढतं ततियवाराए अणवहे ठायति । आयरियस्स चउलहुओ आढतं ततियवाराए पारंघिए ठायति । जे दव्वभावेसु तवारिहा पच्छित्ता ते तवकालेहि दोहिं वि गुरुगा भवंति ॥ उग्गयवित्ती अनत्थमियसंकप्पा य दोपदा व्याख्याता । इदानीं “संथडिए” ति - सूत्रपदस्य व्याख्या

[भा. २९१०] संथडिओ संथरंतो, संततभोई व होति नायव्वो ।

पज्जत्तं अलभंतो, असंथडी छिन्नभत्तो वा ॥

चू- भत्तपानं पज्जत्तं लभंतो, संथडो भण्णति । अहवा - संथडति दिने दिने पज्जत्तं अपज्जत्तं वा भुंजंतो संथडीओ भण्णति । जो पुण पज्जत्तं भत्तपानं न लभति चउत्थादिणा छिन्नभत्तो वा सो असंथडीतो भण्णति ॥ “निव्वितिगिंछ” ति अस्य सूत्रपदस्य व्याख्या-

[भा. २९११] नीसंकमणुदितो अतिछित्ता व सूरु ति गेण्हती जो उ ।

उदित चरंतो वि हु सो, लग्गति अविसुद्धपरिनामो ॥

चू- उदिए अनत्थमिए वा जस्स निस्संकितं - निस्संदिद्धं चित्ते ठियं जहा आदिच्चो अनुदितो आतच्छिओ व ति - अस्तमितः सो अविसुद्धपरिनामातो पच्छित्ते लग्गति ॥

[भा. २९१२] एमेव य उदितो ति य, चरति ति व सोढमुवगयं जस्स ।

स विवज्जए वि सुद्धो, विसुद्धपरिनामसंजुत्तो ॥

चू- सोढामात निस्संदिद्धं चित्ते उवगतं, जहा आदिच्चो उदितो चरति वा, सो जति विवज्जते भवति तथा वि विशुद्धपरिनामयुक्तत्वात् शुद्धयते ॥ चक्खुअविसयत्थ आदिच्चो इमेहिं नज्जति उदितो अत्थमितो वा-

[भा. २९१३] समि-चिंतिणियादीनं, पत्ता पुप्फा य नलिनिमादीनं ।

उदयत्थमणं रविणो, कहेति विगसंत मउलेत्ता ॥

चू- समिपत्ता चिंतिणिपत्ता य नलिनिमादीण य पुप्फा-एते वियसंता रविणो उदयं कंति । एते चेव मउलंता अत्थमनं कथंति ॥ कहं पुण आदिच्चो उदितो अत्थमितो वा न दीसति ? उच्यते - इमेहिं अंतरितो-

[भा. २९१४] अब्भ-हिम-वास-महिगा, महागिरी राहु रेणु रयछण्णो ।

मूढ-दिसस्स व बुद्धी, चंदे गेहे व तेभिरिए ॥

चू- अब्भसंथडेहिमनिकरे वा पडमाणे, वासेण वा उत्थइते, महियाए वा पडमाणीए पच्छातितो, महागिरिणा वा अंतरितो, राहुणा वा सव्वग्गहणे गहितो, उदित अत्थमतो रेणुपंसू ताए छातितो, रएण व छातितो, दिसामूढो वा अवरदिसं पुव्वं मण्णमाणो सो नीयं आइच्चं दट्ठुं “उदयमत्तो ति आदिच्चो” धेत्तुं भत्तपानं च वसहिं पविट्ठो जाव भुंजति ताव अत्थमियं अंधकारं च जायं ततो नातं जहा “अत्थंते भुत्तो मि” ति ।

गिहब्भंतरे कारणजाते दिवा सुत्तो, पदोसे चंदे उदिते वि पबुद्धो, विवरेण जोण्हपविट्ठं पासित्ता चित्तेति - “एस आदिच्च-तावो पविट्ठो” सोय तिमिराभिभूतो मंदं मंदं पासति, गिहीहि निमंति तो भुत्तो य । एवमादिएहिं कज्जेहिं अनुदियं उदियं भणेज्ज, उदियं वा अनुदियं भणिज्जा, अनत्थमिए वा अत्थमियं संकप्पं करेज्जा, अत्थमि वा अनत्थमियसंकप्पं करेज्ज ॥ निव्वितिगिंछेण य



सुत्तुवदेसगहितं । जतो भण्णति-

[भा.२९१५] सुत्तं पडुच्च गहिते, नातं इहरा तु स न भुंजंतो ।  
जो पुण भुंजति नाउं, पडुच्च तं सुत्तमेतं तु ॥

चू- “सुत्तं पडुच्च”ति सूत्रप्रमाणाद् गृहीतं, जतो सुत्तेण भणितं - “उग्गयवित्ती अनत्थमियमणसंकप्पे संथडीए निव्वित्तिगिच्छे असमं वा ङ्क पडिगाहेत्ता आहारं आहारेज्जा” न दोषेत्यर्थः । गृही भुत्ते वा पश्चाद् ज्ञातं अनुदितो अत्थमितो वा, “से जं च मुहेत्वादि” सुत्तं । “इहरह” ति जो सो अनुदितं अत्थमियं वा पुव्वामेव जाणंतो न गेण्हंतो भुंजंतो वा । जो पुण अनुदियं अत्थमियं वा नाउं भुंजति तं पडुच्च इमं सुत्तं भण्णति । तं भुंजमाणे अन्नेसिं वा दलयमाणे राती-भोयणपडिसेवणापत्ते आवज्जति चाउम्मासियं परिहारठाणं अनुग्घातिमं ॥

“विगिंचण-विसोहणपदाण” इमं वक्खाणं-

[भा.२९१६] सव्वस्स छट्ठण विगिंचणा उ मुह-हत्थ-पायछूढस्स ।  
फुसण धुवणा विसोहण, स किंच बहुसो य नाणत्तं ॥

चू- अनुदितो अत्थमितो ति नाउं जं मुहे पक्खित्तं तं खेल्लमल्लए निच्छुभइ, जं पाणिणा गहितं तं पडिग्गहे निक्खिवति, जं पडिग्गहे तं थंडिले विगिंचति । एवं सव्वविगिंचणा भण्णति । फुसण ति निच्छोडणा, धुवण ति कप्पकरणं, एसा विसोधणा भण्णति । अहवा - छट्ठणा फुसणा धुवणाण एक्कसिं करणं विगिंचणा, बहुसो एतेसिं चेव कारणे विसोहणा एयं विगिंचण-विसोहणाणत्तं भणितं ॥ एवं करंतो नातिक्रमते धम्मं- “धम्म” मिति अस्य व्याख्या-

[भा.२९१७] नातिक्रमते आणं, धम्मं मेरं व रातिभत्तं वा ।  
अत्तट्ठेगागी वा, सय भुंजे देज्ज वा इयरे ॥

चू- तित्थकाराणाऽतिक्रमणं करेति, सुयधम्मं नातिक्रमति, चारितमेरं न लंधेति, रातित्तं नातिक्रमति, अनुदितं अत्थमितं वा नाउं तं भुंजमाणा । “अन्नेसिं दलमाणे”ति अस्य व्याख्या - अत्तलाभभिग्रही सयं भुंजति, कारणेण वा जो एगाग सो वि सयं भुंजति, इयरो पुण अनत्तलाभी अनेगागी वा अन्नेसिं दलिज्ज ॥ संथडिओ निव्वित्तिगिच्छो सम्मतं सुत्तं -

इदानिं संथडिओ वित्तिगिच्छो भण्णति-

मू. (६३९) जे भिक्खू उग्गयवित्तीए अनत्थमियसंकप्पे संथडिए वित्तिगिच्छाए समावन्नेणं अप्पाणेणं असनं वा पानं वा खाइमं वा साइमं वा पडिग्गाहेत्ता संभुंजइ, संभुंजंतं वा साइज्जइ । अह पुण एवं जाणेज्जा - “अनुग्गाए सूरिए अत्थमिए” वा से जं च मुहे, जं च पाणिसि, जं च पडिग्गहे, तं विगिंचिय विसोहिय तं परिट्टवेमाणे नाइक्कमइ । जो तं भुंजइ, भुंजंतं वा सातिज्जइ ॥

[भा.२९१८] एवं वित्तिगिच्छे वी, दोहि लहू नवरि ते उ वतकाले ।  
तस्स पुण हवंति लया, अट्ठ असुद्धा न इतराओ ॥

चू- संथडिओ वित्तिगिच्छो, सो वि एवं चेव वत्तव्यो । नवरं - तस्स जे तवारिहा पच्छित्ता ते तवकालेहिं दोहिं वि लहुगा । “तस्से”ति विइगिंछस्स । “पुण” सद्दो पुव्वकयभंगकमातो विसेसणे । असुद्धा एव केवला अट्ठ-लता भवंति, “इतरातो” सुद्धातो न भवंति, वित्तिगिंछस्स प्रतिपक्षाभावात् ॥

[भा. २९१९] अनुदितउदियो किह नु, संकप्पो उभयओ अदिट्ठे उ ।

धरति न व त्ति च सूरु, सो पुण नियमा चउणहेक्को ॥

चू- “उभय” ति उदयकाले वा अत्यमणकाले वा । अब्भादिएहिं कारणेहिं अदिट्ठे आइच्चे संका भवति-किं उदितो अनुदितो ति । अत्यमणकाले वि किं सूरु धरति न व त्ति संका भवति । सो पुण नियमा अनुदितो उदितो वा, अनत्यमितो अत्यमितो वा । एतेसिं चउणह विकप्पानं अन्नतरे वट्ठति, उदयं पडुच्च वितिगिंछ-मणसंकप्पो वितिगिंछगवेसी वितिगिंछगाही वितिगिंछ-भोती । एवं अट्ठभंगा कायव्वा । अत्यमणं पडुच्च एवं चेव अट्ठभंगा कायव्वा । दोसु वि अट्ठभंगीसु चउरो चउरो अलक्खणा उद्धरियव्वा । इमे य घेतव्वा - पढमो बितिओ चउत्थो अट्ठमो य । अत्यमणलतासु य एते चउरो घेतव्वा । अट्ठसु वि य लतासु चउगुरुअं पच्छित्तं, उभयलहुं, दव्वभावनिष्फणं पि पच्छित्तं पूर्ववत्, नवरं - उभयलहुं पच्छित्तं दट्ठव्वं ॥ संथडिओ वितिगिंछो गतो । इदानिं असंथडिओ निव्विड्गिंछो भण्णति-

मू. (६४०) जे भिक्खू उग्गयवित्तीए अनत्यमियसंकप्पे असंथडिए निव्वितिगिंछासमावन्नेणं अप्पाणेणं असनं वा पानं वा खाइमं वा साइमं वा पडिग्गाहेत्ता संभुंजइ, संभुंजंतं वा सातिज्जति । अह पुण एवं जाणेज्जा - “अनुग्गए सूरिए अत्यमिए” वा, से जं च मुहे, जं च पाणिंसि, जं च पडिग्गहे, तं विगिंचिय विसोहिय तं परिट्ठवेमाणे नाइक्कमइ । जो तं भुंजइ, भुंजंतं वा सातिज्जति ॥

मू. (६४१) जे भिक्खू उग्गयवित्तीए अनत्यमियसंकप्पे असंथडिए वितिगिंछासमावन्नेणं अप्पाणेणं असनं वा पानं वा खाइमं वा साइमं वा पडिग्गाहेत्ता संभुंजइ, संभुंजंतं वा सातिज्जति । अह पुण एवं जाणेज्जा - “अनुग्गए सूरिए अत्यमिए” वा, से जं च मुहे, जं च पाणिंसि, जं च पडिग्गहे, तं विगिंचिय विसोहिय तं परिट्ठवेमाणे नाइक्कमइ । जो तं भुंजइ, भुंजंतं वा सातिज्जति ॥

चू- सो असंथडितो तिविधो इमो-

[भा. २९२०] तवगेलण्णऽद्धाणे, तिविधो तु असंथडो विहे तिविहो ।

तवऽसंथडिमीसस्स वि, मासादारोवणा इणमो ॥

[भा. २९२१] एग दुग तिन्नि मासा, चउमासा पंचमासा छम्मासा ।

सव्वे वि होति लहुगा, एगत्तुरवट्ठिआ जे णं ॥

चू- छट्ठऽट्ठमादिणा तवेण किलंतो असंथडो, गेलण्णेण वा दुव्वलसरीरो असंथडो, दीहद्धाणेम वा पज्जत्तं अलभंतो असंथडो । एतेसु तिसु वि पुव्वकमेण सोलस लता कायव्वा । अलक्खणा उद्धरिता । सेसेसु पच्छित्तं कालनिष्फन्नं पूर्ववत् । दव्वभावपच्छित्ते इमो विसेसो । तत्थ तवासंथडे तवेण विगिट्ठेण किलामितो पारणए आउरो अनुदियं अत्यमियं वा नाउं सलेहसेसं भुंजति मासलहुं, पंच सेसे भुंजति दोमासियं, दसलंबणे समुद्दिसति तिमासलहुं, पन्नरसलंबणे समुद्दिसति चउमासलहुं, वीसलंबणे समुद्दिसति पंचमासलहुं, पंच विसुद्धचित्तेण समुद्दिट्ठा सेसा पणुवीसं अनुदियं अत्यमियं वा नाउं भुंजति छम्मासलहुं । सव्वे एते लहुगा मासा जेण एगुत्तरवट्ठी दिट्ठा ॥

“वुट्ठि” ति भणिते सीसो पुच्छति - कतिविहा वट्ठी ? आयरिओ आह-

[भा.२९२२] भिक्खुस्स ततियगहणे, सद्धानं होति दव्वनिप्फण्णे ।  
भावम्मि उ पडिलोमं, गणि आयरिए वि एमेव ॥

[भा.२९२३] दुविहा उ होइ वुद्धी, सद्धाने चेव तह य परठाणे ।  
सद्धानम्मि उ गुरुगं, परठाणे लहू य भयणा वा ।

चू- सद्धानवुद्धी नियमा गुरु भवति । जदा मासलहू तो मासं चेव सद्धानं संकमति, तदा विसेत्यं नियमा मासगुरु संकमति । एवं दुमासलहुतो दुमासगुरुं । परद्धानवुद्धी नाम विसरिसा संखा जहा - मासातो दुमासो, दुमासातो तिमासो एवं जाव पंचमासातो छम्मासो । परद्धानवुद्धीए लहुतो लहु वा भवति गुरु वा । बितियवाराए दुमासादत्तं छेदे ठायति, ततियवाराए तिमासलहुतो आदत्तं मूले ठायति, एवं भिक्खुस्स । उवज्झायस्स एवं चेव, नवरं - दुमासलहुओ आदत्तं तिहिं वाराहि अणवट्टे ठायति । आयरियस्स तिमासलहुतो आदत्तं तिहिं वाराहि चरमे ठायति । एवं दव्वनिप्फण्णे पच्छित्तं । भावे पडिलोमं भाणियव्वं ॥

तवासंथडिओ गतो । इदानिं गेलंन्ना संघडिओ-

[भा.२९२४] एमेव य गेलण्णे, पडवणा नवरि तत्थ भिन्नेणं ।  
चउहिं गहणेहिं सपयं, कस्स अगीयत्थसुत्तं तु ॥

चू- गेलण्णासंथडी वि एवं चेव, नवरं - लहुभिण्णमासातो आदत्तं पंचमासलहुए ठायति । चउत्थवाराए भिक्खुस्स मूलं । उवज्झायारियाणं हेट्टा पदं हुसति, चउहिं वाराहिं सपदं भवति । भावे पडिलोमं दडव्वं ॥ गतो गेलण्णासंथडिओ - इदानिं “अद्धाणासंथडिओ, विहे तिविधो” त्ति अस्य व्याख्या-

[भा.२९२५] अद्धाणासंथडिए, पवेस मज्झे तहेव उत्तिण्णे ।  
मज्झम्मी दसगाती, पवेसे उत्तिण्णे पणगाती ॥

चू- अद्धाणासंथडी तिविधो - विहपवेसे, विहमज्झे, विहोत्तारे । तत्थ पढमं मज्झे भणाति - भिक्खुस्स संलेहादिएसु छसु ठाणेसु दस-रातिंदियादी आरोवणाए दोमासियाए ठायति, एवं सत्तमवाराए मूलं फुसति । उवज्झाओ पन्नरसरतिंदियादि सत्तमवाराए अणवट्टे ठायति । आयरिओ वीसरतिंदियादि सत्तमवाराए चरमं पावतीति । भावे एवं चेव पडिलोमं । इदानिं पवेसे उत्तिण्णे य भण्णति - पवेसे उत्तारे य दोसु वि संलेहणादिसु छसु पदेसु पणगेणं पडवणा कज्जति मासलहुए ठायति, भिक्खुस्स अट्टमवाराए मूलं भवति । उवज्झायस्स दसादि अट्टमवाराए अणवट्टं आयरियस्स पन्नरसादि अट्टमवाराए चरिमं पावति । भावे एवं चेव पडिलोमं ।

सीसो पुच्छइ - “किं कारणं ? अद्धाणासंथडिओ मज्झे खिप्पं सपदं पावितो ? आदि अंतेसु चिरेण पावितो ?” आयरियो भणाति - आदी अद्धाणयस्स भयं उप्पज्जति - “कहमद्धाणं णित्थरिस्सामि” त्ति, अंते वि अद्धाणस्स भुक्खा-तिसाकिलामितो त्ति, कारणेण चिरेण सपदं पावति । मज्झे पुण जितभयो नातिकिलंतो य अब्भत्थणातो य खिप्पं सपदं पावति । एत्थ कालनिप्फणं तवकालेहि विसिद्धं । एत्थ एक्केक्काओ पादातो आणादिया दोसा, रातीभोयणदोसा य । “कस्स अगीयत्थसुत्तं तु” अस्य व्याख्या- सीसोस पुच्छति - “एयं जं भणियं पच्छित्तं, एयं कस्स” ? आयरियो भणति - एवं सुत्तमगीयत्थस्स । भण्णइ - “किं कारणं ?” भण्णइ - सो

कजाकजं जयणाजयणं वा अगीतो न जाणति ॥ गीतो पुण जहत्थं जाणंतो-

[भा. २९२६] उग्यमनुग्गए वा, गीयत्थो कारणे नऽतिक्कमति ।

दूताऽऽहिंडविहारी, ते वि य होंती सपडिवक्खा ॥

चू- गीयत्थो पुण कारणे उप्पणे उग्गए वा अनुग्गए वा गेण्हंतो जयणाए अरत्तदुट्ठो य भुंजंतो आणं धम्मं रातीभोयणं वा नातिक्कमति । तेय अद्धाणपडिवण्णया तिविधा - दूइजंता वा आहिंडगा वा विहरंता वा । एक्केक्का सपडिवक्खा कायव्वा ॥ इमेण भेदेन-

[भा. २९२७] दूइजंता दुविहा, निक्कारणिया तहेव कारणिया ।

असिवादी कारणिया, चक्के थूभाइया इयरे ॥

चू- दूइजंता दुविहा - निक्कारणिया य कारणिया य । असिवोमोदरिय-रायदुट्ठ-खुभिय-उत्तिमडुकारणे वा, अहवा - उवधिकारणा, लेवकारणा वा, गच्छ वा बहुगुणतरं ति खेतं, आयरियादीण वा आगाढकारणे, एतेहिं कारणेहिं दूइजंता कारणिया । निक्कारणिया असिवादिवज्जिता उत्तरावहे धम्मचक्कं, मधुराए देवणिम्मिय थूभो, कोसलाए व जियंतपडिमा तित्थकरण वा जम्मभूमीओ, एवमादिकारणेहिं गच्छतो निक्कारणियो ॥

[भा. २९२८] उवदेस अनुवदेसा, दुविहा आहिंडगा मुणेयव्वा ।

विहरंता वि य दुविहा, गच्छगया निग्गया चेव ॥

चू- आहिंडगा दुविधा - उवदेसाहिंडगा अनुवदेसाहिंडगा य । उवदेसो सुत्तत्थे घेतुं भविस्सायरिओ देसदरिसणं करेति विसयायारभासोवलंभनिमित्तं, एसो उवएसाहिंडगो । अनुवदेसाहिंडगो कोउगेण देसदंसणं करोति । विहरंता दुविधा - गच्छगया गच्छनिग्गया य । गच्छवासिणो उदुबद्धे मासं मासेण विहरंति । गच्छनिग्गता दुविहा - विधिनिग्गया अविधिनिग्गया य । विधिनिग्गया जिनकप्पिया, पडिमापडिवण्णगा, अहालंदिया, सुद्धपरिहारिया य । अविधिनिग्गया चोदणादीहिं चोइजंता चोयणं असहमाणा गच्छतो निग्गच्छंति ॥

एतेसिं भेदानं इमे अनुदिय अत्थमितेसु लग्गंति-

[भा. २९२९] निक्कारणियाऽनुवदेसगा वि लग्गंति अनुदितऽत्थमिते ।

गच्छा विनिग्गया वि हु, लग्गे जति ते करेज्जेवं ॥

चू- निक्कारणिया अनुवदेसाहिंडगा अविधिनिग्गया य अनुइय अत्थमिये जति गेण्हंति भुंजंति वा तो पच्छित्ते लग्गंति । जे पुण कारणिगा उवएसाहिंडगा गच्छगया य एए कारणे जयणाए गेण्हंता भुंजंता य सुद्धा । गच्छनिग्गता वि जति अनुइयऽत्थमिए गेण्हंति भुंजंति वा तो पच्छित्ते लग्गंति । जे पुण विधिनिग्गया ते अनुदियऽत्थमिते नियमा न गेण्हंति त्रिकालविषयज्ञान-सम्पन्नत्वात् ॥ अहवा - अन्यो विकल्पः गच्छाद्धिनिर्गतानां-

[भा. २९३०] अहवा तेसिं ततियं, अप्पत्तोऽनुग्गतो भवे सूरु ।

पत्तो य पच्छिमं पोरिसं तु अत्थंगतो तेसिं ॥

चू- “अहवा” - शब्दो विकल्पवाची । तेसिं जिनकप्पियादीणं ततियं पोरिसिं सूरु “अपत्तो” अनुदितो भण्णति, पच्छिमं च पोरिसिं पत्तो सूरु अत्थंगतो भण्णति, तेसिं च भत्तं पंथो य ततियाए नियमा । अन्यथा न कुर्वतीत्यर्थः । असंथडी निव्वितिगिच्छो भणितो ॥ इदानिं “मीसो”त्ति -

मीसो वितिगिच्छो भणति । किह पुण तस्स वितिगिच्छा भवति ? इमेहिं-

[भा.२९३१] वितिगिच्छ अब्भसंथड, सत्थो व पधावितो भवे तुरितं ।

अनुकंपाए कोई, भत्तेण निमंतणं कुणति ॥

चू-अब्भसंथडादिएहिं वितिगिंछो भवति । अब्धानपवण्णा सत्थेण अतरा य अन्नो अभिमुहो सत्थो आगतो । दो वि एगड्ढाणे आवासिता । अभिमुहागंतुगसत्थिगेण य केणई अनुकंपाए साहू निमंतिता भत्तादिणा । साहु जम्मि सत्थे सो चलितो आदिच्चोदयवेलाए उदितो अनुदितो त्ति संकाए गहियं ॥ इहं पि तिविधे असंथडीए वितिगिच्छे अड्ड लता असंथडिए निव्वितिगिंछे तवाग्हिं पच्छित्तं उभयगुरुं, वितिगिंछे पुण उभयलहुं, सेसं तं चेव सव्वं मासादियं पच्छित्तं-

[भा.२९३२] ततियभंगासंथडिनिवि-तिगिच्छ सोही तु कालनिष्फण्णा ।

चउलहुयं सव्वे वि हु, उभयगुरु एत्थ पच्छित्ता ॥

[भा.२९३३] एमेव चरिमभंगो, नवरं एत्थ हवंति अड्ड लता ।

उभयलहुए स (य) जाणसु, कालादी एत्थ पच्छित्तं ॥

मू. (६४२) जे भिक्खूराओ वा, वियाले वा सपानं सभोयणं उग्गालं उग्गिलित्ता पच्चोगिलइ, पच्चोगिलंतं वा सातिज्जति ॥

चू-रतिं वियालाण पुव्वकतं वक्खाणं । सह पानेन सपानं, सह भोयणेण सभोयणं । उदगिरणं उग्गरो, रलयोरेकत्वात् स एव उग्गलो भण्णति, सित्थविरहियं पाणियं केवलं उड्डोएण सह गच्छतीत्यर्थः, भत्तं वा उड्डोएण सह आगच्छति, उभयं वा । तं जो उग्गिल्लात पच्चोगिलति अन्नं वा सातिज्जति । कहं पुण सातिज्जति ? कस्स वि उग्गा आगतो । तेन अन्नस्स सिद्धं - उग्गालो मे आगतो पच्चोगिलिओ य । तेन भणियं सुंदरं कयं, एसा सातिज्जणा । तस्स पायच्छित्तं चउगुरुं, आणादिया य दोसा । एस सुत्तत्थो । इदानिं निज्जुत्ती-

[भा.२९३४] उद्दरे वमित्ता, आइयणे पणगवुड्ढि जा तीसा ।

चत्तारि छच्च लहु गुरु, छेदो मूलं च भिक्खुस्स ॥

चू-दुविधा दरा - घन्नदरा पोट्टदरा य, ते उद्दं जाव भरिया तं उद्दरं भण्णति, पर्यायवचनेन सुभिक्ष मित्यर्थः । तस्मिन् समिक्षे पज्जतियं अणादि धेत्तुं भोत्तुं च वमेत्ता अविसिद्धभत्तलोभेण जो पुणो पच्चादियति । जइ दिवसो एगलंबणादी जाव ताव चउलहुं । छहिं आरद्धं-जाव-दस एतेसु चउगुरुं । एक्कारसाति-जाव-पन्नरस ताव छल्लहुं । सोलसादि-जाव-वीसं ताव छगुरुं । एगवीसादि-जाव-पणवीसं ताव छेदो । छव्वीसादि-जाव-तीसा लंबणा उग्गिलिउं पच्चोगिलतिं ताव मूलं । एवं पंचगुवरिवट्ठीए भिक्खुस्स भणियं ॥

[भा.२९३५] गणि आयरिए सपयं, एगग्गहणे वि गुरूण आमामी ।

मिच्छत्तऽमच्चबहुए, विराहणा तस्स वऽण्णास्स ॥

चू-“गणि” त्ति - उवज्झाओ, तस्स चउगुरुगादि अणवट्ठे ठायति । आयरियस्स छलहुगादि आढत्तं सपदमिति पारंचिए ठायति ।

[भा.२९३६] एवं ताव दिवसो, रतिं सित्थे वि चतुगुरु होति ।

उद्दरग्गहा पुण, उववाए कप्पते ओमे ॥

[भा. २९३७] रातो व दिवसतो वा, उग्गाले कथ्य संभवो होज्ज ?

गिरिजन्नसंखडीए, अट्टाहिय तोसलीए वा ॥

चू- एवं ताव दिवसओ । राओ पुण एगसित्थग्गहणे वि चउगुरुं । उद्दहरगहणेण अववातो दंसितो, जेण ओमादिसु कप्पति । आणाति आणा तित्थकरणं कोविता भवति । अणवत्था कता । मिच्छंतं च जणेति - जहावादी तहाकारी न भवति । अहवा - वंतादानं दद्धं सेहो सिढिलभावो पडिगमणं वा करेज्जा । राया वा विप्परिनामेज्जा । वारणं वा भिक्खादियाण करेज्जा । असारं वा पवयणं भणेज्ज । अमुइत्तणेण वा हड्डसरक्खादिजणेहिं अतिसतिया भणेज्जा । तस्स वऽन्नस्स आयविराधना भवेज्ज ।

एत्थ दिट्ठंतो - अमच्चबटुएण । एगो रंकवटुओ अंचियकाले संखडीए मज्झियकूरं जिमितो अतिप्पमाणं । निग्गयस्स रायमग्गमोगाढस्स हिययमुच्छल्लं अमच्चपासायस्स हेट्ठा वमिउमारद्धो । आलोयणठितेण य अमच्चेण दिट्ठो । सो य बहुगो वमेत्ता तमाहारमविणट्ठं पासित्ता लोभेण भुंजिउमारद्धो । अमच्चस्स तं दद्धं अंगमुदधुसियं, उट्ठं च कयं, सो अमच्चो दिने दिने जेमणवेलाए जिमितो वा तं संभरिता उट्ठं करेति । एवं तस्स वग्गली वाही जातो, विणट्ठो य । सो वि वडुओ एवं चेव विणट्ठो । एवं आयविराहणा होज्ज । जम्हा एते दोसा तम्हा पमाणमित्तं भोत्तव्वं, जेण उग्गालसंभवो तोसलिविसए वा ॥

[भा. २९३८] अद्धाणे वत्थव्वा, पत्तमपत्ता दुहा य अद्धाणे ।

पत्ता य संखडिं जे, जइणमजयणाए ते दुविहा ॥

चू- ते संखडिभोइणो संजया ते दुविहा - अद्धाणपडिवण्णा, वत्थव्वा य । वत्थव्वा ते तत्थेव मासकप्पेण ठिता, ते दुविधा - संखडिपेही संखडिअपेही य । अद्धाणपडिवण्णा दुविधा - तत्थेव गंतुकामा, अन्नत्थ वा गंतुकामा । जत्थ सा संखडी तत्थेव गंतुकामा ते दुविधा - जयणपत्ता अजयणपत्ता य । जे अनुस्सुया पदभेदं अकरंता सुत्तत्थपोरिसीओ य करंता आगच्छंति ते जयणपत्ता । जे पुण संखडिं सोच्चा उस्सुअभूआ तुरियं सुत्तत्थे अकरंता ते अजयणपत्ता । जे पुण अद्धाणिया अन्नत्थगंतुमणा ते दुविधा - पत्तभूमिगा अपत्तभूमिगा य ॥

[भा. २९३९] वत्थव्वजयणपत्ता, एगगमा वि होति नायव्वा ।

अजयणवत्थव्वा वि य, संखडिपेही उ एगगमा ॥

चू- तत्थ संखडि-अपलोइणो, जे य तत्थेव गंतुकामा जयणपत्ता, एते दो वि चारणियाए एगगमा भवंति । जे तत्थेव गंतुकामा अजयणपत्ता, जे य वत्थव्वा संखडिपेहिणो एते दो वि चारणियाए गगमा भवंति ॥ “पत्ता य संखडिं जे” अस्य व्याख्या-

[भा. २९४०] तत्थेव गंतुकामा, वोलेउमणा व तं उवरिएणं ।

पयभेय अजयणाए, पडिच्छ-उव्वत्तसु य भंगे ।

चू- जत्थ गामे संखडी तत्थेव गंतुकामा, जे वा तस्स गामस्स - “उवरिएणं” ति मज्झेण गंतुकामा, देसीभासाए व्वे (च) वत्थेण ति वुत्तं भवति । ते जति सभावमतीए पदभेदं करंता एगमादिदिणं वा पडिक्खंति, अवेलाए “उवत्तं” ति सुत्तत्थपोरिसीअगेमण वा पत्ता जयणपत्ता भवंति । एतेसिं जे इतरे ते जयणापत्ता ॥ “पत्तमपत्ता दुहा य अद्धाणे” अस्य व्याख्या-

[भा.२९४१] संखडिमभिधारेता, दुगाउया पत्तभूमिया होंति ।  
जोयणमाति अप्पत्तभूमिता बारस उ जाव ॥

चू- संखडिगामस्स जे पासेण गंतुकामाए संखडिमभिधारेतुं अद्धजोयणाओ अच्छंति ते पत्तभूमिया भवंति, जे पुण जोयणमादिसु ठामेसु जाव बारसजोयणा ते सव्वे अपत्तभूमिया भवंति ॥

[भा.२९४२] खेत्तंतो खेत्तबहिया, अप्पत्ता बाहि जोयणदुए य ।  
चत्तारि अट्ट बारस, जग्गसु व विगिंचणातियणा ॥

चू- खेत्तंतो-जाव-अद्धजोयणो संखडिमभिधारेता आगच्छंति एते पत्तभूमिगा, जे पुण खेत्तबाहिरतो जोअणातो दुजोअणातो जाव बारसण्हं वा जोयणेणं संखडिमभिधारेता आगच्छंति एते अपत्तभूमिगा । संखडीए जाव दट्ठं भोच्चा पदोसे न जग्गंति, वेरत्तियं कालं न गेण्हंति, “विगिंचण”त्ति उग्गालं उग्गालेत्ता विगिंचंति, उग्गिलित्ता वा आदियंति ॥

एतेसु चउसु पदेसु इमा वारणा कज्जति-

[भा.२९४३] वत्थव्वजयणपत्ता, सुद्धा पणगं च भिन्नमासो य ।  
तव कालेसु विसिद्धा, अजयणमादीसु वि विसिद्धा ॥

चू- वत्थव्वा संखडिअपेहिणो जयणापत्ता य जेण ते संखडीए जाव दट्ठं भोच्चा पच्छा पाउसीयं पोरिसिए न करेति, मा ण जीरिहिति, तो आयरिए आपुच्छित्ता निवण्णा सुद्धा । ते चेव जति वेरत्तियं न करेति तो पंचराइंदिया तवलहुगा कालगुरु । अह उग्गालो आगतो विगिंचति य तो भिन्नमासो तवगुरुओ काललहू । अह तं उग्गाला आदियति तो मासलहुं उभयुरुं । वत्थव्वसंखडिपेहिणो अजयणपत्ता य एतेसिं दोण्ह वि संखडीए भोच्चा पादोसियं न करेति मासलहुं । वेरत्तियं न करेति एत्थ वि मासलहुं । उग्गालेति विगिंचति एत्थ वि मासलहुं । आदियंति एत्थ मासगुरुं । एत्थ वि तवकालेहिं विसेसियव्वा ॥

[भा.२९४४] तिसु लहुओ गुरु एगो, तीसु य गुरुओ य चउलहू अंते ।  
तिसु चउलहुया चउगुरु, तिसु चउग्गुरु छल्लहु अंते ॥

[भा.२९४५] तिसु छल्लहुया छग्गुरु, तिसु छग्गुरुया य अंतिमे छेदो ।  
छेदादी पारंची, बारसमादीसु तु चउक्कं ॥

चू- “तिसु लहुओ गुरु एगो” ति गतार्थं । जे अन्नत्थ गंतुकामा पत्तभूमिगा अद्धं जोयणातो संखडिनिमित्तागता तेसिं पादोसियासु तिसु ठाणेसु मासगुरुं, अंते चउलहुगा । जे अपत्तभूमिगा संखडिनिमित्तं जोयणतो आगता तेसिं पादोसिआदिसु तिसु पदेसु चउलहुं, अंते चउगुरुं । जे पुण दुजोयणातो आगता तेसिं आदिपदेसु चउगुरुं, अंते छल्लहुगा । जे पुण चउण्हं जोयणाणमागता तेसिं छल्लहुगा, (अंते छग्गुरुया ।] जे अट्ट जोयमाणमागता तेसिं छग्गुरुगा, अंते छेदो । जे बारसण्हं जोयणाणमागता ते निस भोच्चा पादोसियं न करेति । छेदो वेरत्तियं न करेति । आदिसद्दातो मूलं विगिंचंति अणवट्ठो आदियंति पारंचियं । “छेदादी पारंची” - आदिसद्दातो मूलणवट्ठा एते चउरो पायच्छित्ता । बारसमादीसु तु चउक्कं जे तस्स आदिओ आरब्भ कमेण ठावेयव्वा । अहवा -पडिलोमेण बारसादिसु पदेसु सव्वेसु चउक्कं दट्ठव्वं ॥ सव्वेसुय चउक्कापदेसु जे तवारिह तवकालेहिं

विसेसियव्वा दोहिं लहुं, तवगुरुं, कालगुरुं, अतो दोहिं विगुरुं भणितो वि एस अतो पत्थारमंतरेण न सुद्धु अवबोधो त्ति । पत्थार-निदरिसणत्थं भण्णति-

[भा. २९४६] अद्धाणे वत्थव्वा, पत्तमपत्ता य जोयणदुवे य ।  
चत्तारि अद्ध बारस, न जग्गसु विगिंचणातियणे ॥

चू- अह सुद्धेण उद्धेण अद्धघरसया तिरियं चउरो एवं बत्तीस घरा कायव्वा । पढमघरऽद्धयपंतीए अधो अधो इमे अद्ध पुरिसविभागा लिहियव्वा । अद्धाणिया वत्थव्वया जयणाकारी, एगो पुरिसविभागो । अद्धाणिया वत्थव्वया अजयणकारी, बित्तिओ विभागो । पत्तभूमया ततितो । अपत्तभूमगा जोयणागंता चउत्थो । दु-जोयणागंता पंचमो । चउ-जोयणागंता छट्ठो । अद्ध-जोयणागंता सत्तमो । बारस-जोयणागंता अद्धमो । उवरिमतिरिया य चउक्कपंतीए उवरिं कमेण इमे चउरो विभागा लिहियव्वा । न जग्गसु वा विगिंचणा य, आदियणा, सव्वं गतत्थं ॥ आदिम-चउक्कपंतीए बित्तियधरातो कमेण इमे पच्छित्ता ठवेयव्वा-

[भा. २९४७] जे पुण संखडिपेही, अजयणपत्ता य तेसि इमा ।  
पाओ सिय वेरत्तिय, उग्गालविगिंचणातियणे ॥

[भा. २९४८] पणगं च भिन्नमासो, मासो लहुगो य पढमओ सुद्धो ।  
मासो तवकालगुरु, दोहि वि लहुगो य गुरुगो य ॥

चू- बित्तियथरए पणगं । तत्तियधरए भिन्नमासो । चउत्थे मासलहुं । उक्कमेण भणियं । पढमघरे सुद्धो त्ति । अंतिल्ले जो य मासो सो तवकालेहिं दोहिं वि गुरुगो । पनगतवो तवेण लहुगो । भिन्नमासो तवेण गुरुगो त्ति । अहवा - मासो तवकालगुरु, आदिपदे दोहिं वि लहू-भवति । मज्झिल्लेसु दोसु वि पदेसु जहासंखं कालतवेण गुरुगा भवंति ॥

बित्तियादि-चउक्कघरपंतीओ सव्वा इमेण तवसा पूरेयव्वा-

[भा. २९४९] लहुओ गुरुओ मासो, चउरो लहुया य होंति गुरुगा य ।  
छम्मासा लहु गुरुगा, छेदो मूलं तह दुगं च ॥

चू- इमा य रयण-भंग-लक्खणगाहा-

[भा. २९५०] जह भणिय चउत्थस्सा, तह इयरस्स पढमे मुणेयव्वं ।  
पत्ताण होइ जयणा, जा जयणा जं तु वत्थव्वे ॥

चू- पच्छद्धं ताव भणामि - जे अद्धाणिया जयमापत्ता वत्थव्वा य जयणइत्ता जं तु तेसिं पच्छित्तं चउत्थे ठाणे भण्णति “जहा भणियं चउत्थस्स चउत्थं” आदियणं पदं, जयणइत्ताण जहा चउत्थे ठाणे - भणियं तथा “इयरे” त्ति - जयणइत्ता तेसिं पढमेसु तिसु ठाणेसु मुणेयव्वं मासलहुमित्थर्थः । अंतिल्ले मासगुरुं । बित्तियपंतीए जह भणियं चउत्थस्स तथा “इयरे” पत्तभूमया तेसु तिसु आइल्लेसु ठाणेसु मुणेयव्वं अंतिल्लेसु चउलहुं । एवंबत्तीसा वि धरा पूरेयव्वा ।

नवरं - अंतिल्लं पंतीए छेद-मूल-अणवद्ध-पारंघिया । तवारिहा तवकालेहिं निसेसियव्वा, पूर्ववत् । स्थापना ॥

[भा. २९५१] एण सुत्त न कयं, सुत्तनिवाते इमे उ आएसा ।  
लोही य ओमपुण्णा, केति पमाणं इमं बैति ॥



चू- एवं पसंगेण विकोवणद्धा भणियं, न एत्थ सुत्तं णिवडति । सुत्तनिवाते इमे आदेसा भवन्ति । आयरिओ भणाति- गुणकारिसणातो ओमं भोत्तव्वं जहा उग्गालो न भवति । दिट्ठंतो लोही । “लोहि” ति कवल्ली “ओमे”त्ति ऊणा, जति आदाणस्स अद्दहिज्जति तो तप्पमाणी न छड्ढेत, अंतो अंतो उव्वत्तति । अह पुण- “पुण्णं” ति-आकंठा आदाणस्स भरिया, तो तप्पमाणी भरिया अब्भूआणा छड्ढिज्जति, अग्गि पि विज्झावेति, एवं अतिप्पमामं भत्तं पानं वा पाडणा पेरियं उग्गिलिज्जति, न ओमं, तम्हा ओमं भोत्तव्वं । विकोवणद्धा तत्थ आयरियदेसगा इमं ओमप्पमामं वदन्ति ॥

[भा.२९५२] तत्तऽत्यमिते गंधे, गलगपडिगए तहेवऽनाभोगे ।  
एए न होंति दोण्ह वि, सुहनिग्गत नातमोइलणा ॥

चू- “लोही य ओमपुण्ण”त्ति अस्य व्याख्या-

[भा.२९५३] अतिभुत्ते उग्गालो, तेणोमं कुणसु जं न उग्गलति ।  
छडिज्जति अतिपुण्णा, ता लोही न पुण ओमा ॥

चू- “तत्ते”त्ति-अस्य व्याख्या भण्णाति ।

[भा.२९५४] आह जति ऊणमेवं, तत्तकवल्ले व बिंदुमेगस्स ।  
बितिओ न संथरेवं, तं भुंजे ससूरे जं जीजे ॥

चू- नेगम-पक्खासितो एगो भणइ - जति ओमं भोत्तव्वं तो इमेरिसं भोत्तव्वं, जहा - तत्तो कवल्लो, तत्ते उदगबिंदु पक्खितो तक्खणा नासति । एवं एरिसे आहारेयव्वं जं भुत्तमेव जीरइ । “अत्यमिए”त्ति अस्य व्याख्या - पश्चार्थं गतार्थं । बितिओ नेगम-पक्खासितो भणाति - एवं एरिसे भुत्ते न संथरति तम्हा एरिसं भुंजउ सूरत्थमणवेलाए जिज्जति ॥ “गंधे”त्ति अस्य व्याख्या-

[भा.२९५५] निग्गंधो उग्गालो, ततिए गंधो उ एति न तु सित्थं ।  
अविजाणतो चउत्थे, पविसति गलगं तु जा पप्प ॥

चू- गंधे दो आदेसा । एगो भणाति - सूरत्थमणे जिण्णे रातो असंथरं भवति तम्हा एरिसं भुंजओ जेण अत्यमिए वि अन्नगंधिविरहितो उग्गारो भवति, न गंधो उग्गारस्येत्यर्थः । अन्नो भणइ - होउ गंधो उग्गारस्स, जहा सित्थं नागच्छति तहा भुंजउ । एते दो वि ततिओ आदेसो ।

चउत्थो भण्णाति - “अविजानतो” पच्छब्दं । चउत्थ-पक्खासितो भणाति - ससित्थो उग्गारो अत्यमिए गलगं जाव पप्पति, आगच्छिता अजाणंतस्सेव पडिपविसति, एरिसं भुंजओ ॥ एवं नेगम-पक्खासितेहिं भणिए आयरिओ आह - “एते न होंति दोन्नि वि” अस्य व्याख्या-

[भा.२९५६] पढमबितिए दिवा वी, उग्गालो नत्थि किमुत रयणीए ।  
गंधे य पडिगए या, एए पुण दो यऽनादेसा ॥

चू- पढम-बितिया आदेसा अनादेसा चेव जेन दिवा वि उग्गालस्स अभावो । ततिय-चउत्था एते दोन्नि वि अनादेशा सूत्रविरहितत्वात् ॥ “सुहनिग्गत नातमोइलणा” ति अस्य व्याख्या-

[भा.२९५७] पडुपन्नऽनागते वा, काले आवस्सगाण परिहाणी ।  
जेण न जायति मुणिणो, पमाणमेतं तु आहरे ॥

[भा.२९५८] एवमपि तस्स निययं, जुत्तपमाणं पि भुंजमाणस्स ।  
वातस्स व सिंभस्स व, उदए एज्जा उ उग्गालो ॥

[भा.२९५९] जो पुण तं अत्थं वा, दवं च नाऊण निग्गयं गिलति ।  
तहियं सुत्तणिवातो, तत्थादेसा इमे होति ॥

चू-साहुणा पमाणजुत्तं आहारेयव्वं, जेण पडुप्पन्नऽनागते काले आवस्सयजोगाण परिहाणी न भवति तवतियं आहारेयव्वं । एवं पमाणजुत्ते आहारेयव्वं जो ससित्थो असित्थो उग्गालो दवं वा केवलं तं जो मुहनिग्गतं जाणित्ता पच्चोगिलइ तम्मि सुत्तनिवातो ॥

तत्थ य इमे आदेसा भवंति-

[भा.२९६०] अच्छे ससित्थ चव्विय, मुहनिग्गय-कवल-हत्थभरिते य ।  
अंजलिपडिते दिट्ठे, मासाती जाव चरिमं तु ॥

अच्छं आगतं जइ परेण अदिट्ठं आदियति तो मासलहुं । अह दिट्ठं तो मासगुरुं । ससित्थमागतं जति परेण अदिट्ठं आतियति तो मासगुरुं । दिट्ठे चउलहुं । अह तं सित्थं अदिट्ठं चव्वेति तो चउलहुं । दिट्ठे चउगुरुं । मुहातो निग्गतं कवलं एगहत्थे पडिच्छिउं अदिट्ठे आदियति चउगुरुं, दिट्ठे छल्लहुं । अह एकं हत्थपुडं भरियं अदिट्ठं आदियति तो छल्लहुं, दिट्ठे छग्गुरु । अह अंजलिभरियं अदिट्ठं आदियति तो छग्गुरुं, दिट्ठे छेदो । अंजलि भरित्ता अन्नं भूमीए पडियं तं पि अदिट्ठं आदियति तो छेदो, दिट्ठे मूलं । एवं भिक्खुस्स । उवज्झायस्स मासगुरु आढत्तं अदिट्ठदिट्ठेहिं नवमे ठायति । आयरियस्स चउलहु आढत्तं अदिट्ठदिट्ठेहिं दसमे ठायति ॥

[भा.२९६१] दियराओ लहु गुरुगा, बितियं रयणसहिएण दिट्ठंतो ।  
अद्धाण सीसए वा, सत्थो व पहावितो तुरियं ॥

चू-अहवा - ससित्थं असित्थं वा अदिट्ठं दिट्ठं वा दिवसतो आदियंतस्स चउलहुं । राओ चउगुरुं । विराहणा पुव्वभणिता । बितियपदे कारणेण आदिएज्जा, न य पच्छित्तं भवे ॥  
तत्थ आयरिया रयणसहियवणिए दिट्ठंतं करेति ।

[भा.२९६२] जल थल पहे य रयणा, नुवज्जणं तेन अडवि पज्जंते ।  
निकखणण-फुट्ट-पत्थर, मा मे रयण हर पलावो ॥

चू-जहा एगो वणिओ कर्हिं चि थलपहेण महता किलेसेण सय-सहस्समोलाण रयणाणं पंचसतातिं उवज्जणित्ता परं विदेसं पत्थिओ, पच्छा सदेसं पत्थितो । तत्थ य अंतरा पच्चंतविसए एगा अडवी सबरपुल्लिंद-चोराकिण्णा । सो चिंतेति - कहमविग्घेणं नित्थरेज्जामि ति । ते रयणे एकम्मि विजणे पदेसे निकखणति । अन्ने फुट्टपत्थरे घेतुं - उम्मत्तग-वेसं करेति चोराकुलं च अडविं पवज्जति । तक्करे एज्जमाणे पासित्ता भणाति - अहं सागरदत्तो रयणवाणितो मा ममं डक्कह, मा मे रयणे हरीहह । सो पलवंतो चोरेहिं गहिओ पुच्छितो - कयरे ते रयणे ? फुट्टपत्थरे दंसेति ।  
चोरेहिं नायं - कतो वि से रयणे हडे तेन उम्मत्तगो जातो मुक्को य । एवं तेन पत्तपुप्फ-फल कंद-मूलाहारेण सा अडवी पंधो य आगमगमणं करेतेण जना भाविता ॥ ताहे-

[भा.२९६३] घेतूण निसि पलायण, अडवी मडदेहभावितं तिसितो ।  
विपिउं रयणाभागी, जातो सयणं समागम्म ॥

चू-ते रयणे निसीए घेतुं अडविं पवण्णो । जाहे अडवीए बहुमज्जदेसभागं गतो ताहे तण्हाए परब्भमाणो एगम्मि सिलायलकुंडे गवगादी-मडगदेहभावितं विवण्णगंधरसं उदगं दडुं चिंतेति -

जइ एयं नातियामि तो मे रयणोवज्जणं निरत्ययं सव्वं, कामभोगाण य अनाभागी भवामि, ताहे तं पिविता अडविं नित्थिण्णो । सयणधण कामभोगाण य सव्वेसिं आभोगी भवति ॥ इदानि दिट्ठंतोवसंहारो-

[भा.२९६४] वणिउव्व साहु रयणा, महव्व अडवि (य) ओममादीणि ।

उदगसरिसं च वंतं, तमादियं रक्खए ताणि ॥

चू- वणिय-सरिच्छो साहु, रयण-सरिच्छा महव्वता, उवसग्गपरिसह-सरिच्छा तक्करा, ओमादि सरिच्छा अडवी, वंतं मडगतोयसमं, फुट्टपत्थरसमाणे सादियारा महव्वया । कारणे वंतमादियंतो महव्वए - रक्खति । अद्धाणसीसए मणुण्णं आहारियं वंतं च ॥ ताहे-

[भा.२९६५] दिवसतो अन्नं गेण्हति, असति तुरंतं य सत्ये तं चेव ।

निसि लिंगेणऽन्नं वा, तं चेव सुगंधि दव्वं वा ॥

चू- दिवसतो अन्नं गेण्हति, अन्नंमि वा अलभंते रातो अन्नं गेण्हति, तस्स वि अभावे सत्ये वा तुरियं पथावमाणे ताहे तं चेव बंतं घेत्तुं चाउज्जातगादिणा सुगंधदव्वेण वासित्ता भुंजति, न दोषेत्यर्थः ॥

मू. (६४३) जे भिक्खू गिलाणं सोच्चा, न गवेसति न गवेसंतं वा सातिज्जति ॥

चू- जे ति निदिसे । भिक्खू पुव्ववण्णिओ । ग्लै हर्षक्षये । इमस्स रोगातंकेण वा सरीरं खीणं, सरीरक्खयो भवति तं गिलाणं, अन्नसमीवाओ सोच्चा सयं वा नाऊणं जो न गवेसति तस्स चउगुरुं, जं सो गिलाणो अगविट्ठो पाविहिंति परितावादि तन्निष्फण्णं पच्छित्तं पावेति, तम्हा गवेसियव्वो ।

[भा.२९६६] सग्गामे सउवस्सए, सग्गामे परउवस्स चेव ।

खेत्तंतो अन्नगामे, खेत्तबहि सगच्छ-परगच्छे ॥

[भा.२९६७] सोच्चाणं परसमीवे, सयं च नाऊण जो गिलाणं तु ।

न गवेसयती भिक्खू, सो पावति आणमादीणि ॥

चू- सग्गामे सउवस्सए गिलाणो गवेसियव्वो । सग्गामे परउवस्सए तत्थ वि गवेयव्वो । खेत्तंतो अन्नगामे एत्थ गिलाणो गवेसियव्वो । अह अन्नगामे खेत्तबहि एत्थ वि गिलाणो गवेसियव्वो । एतेसु ठाणेसु सगच्छिल्लो परगच्छिल्लो वा भवतु गवेसियव्वो । अहवा - बहुगिलाण - संभवे इमा विधी - अहवा - सग्गामउवस्सए सगच्छिल्लो परगच्छिल्लो य दो वि गिलाणा । पुव्वं सगच्छिल्लो गदेसियव्वो, पच्छा परगच्छिल्लो । एवं सव्वद्वाणेषु पुव्वं आसन्नतर गवेसियव्वो ॥

बितियपदेण असिवादिकारणेहिं अगवेसंतो सुद्धो ।

[भा.२९६८] असिवे ओमोयरिए, रायदुट्ठे भए व गेलण्णे ।

अद्धाण रोहए वा, न गवेसेज्जा य बितियपदं ॥

मू. (६४४) जे भिक्खू गिलाणं सोच्चा उम्मगं वा पडिपहं वा गच्छति, गच्छंतं वा साति० ॥

[भा.२९६९] सोऊण जो गिलाणं, उम्मगं गच्छे पडिपहं वा वि ।

मग्गाओ वा मग्गं, संकमती आणमादीणि ॥

चू- उम्मग्गा नाम अडविपहेण गच्छति । अहवा - अपंधेण चेव, “पडिहेणं” ति जेनागतो

तेनेव नियन्तति, ततो वा पंथातो अन्नं पथं संकमति ।

सो पुण किं एवं करेति ? उच्यते - सो चिन्तेति जइ तेहिं दिट्ठो गिलाणवेयावच्च णं कहि मि तो निद्धम्मेसु गणिज्जीहामि । अह करेमि तो मे सकज्जवाधातो भवति । एवं करंतस्स आणमादिया दोसा, जं च सो गिलाणो अपडिज्जितो पाविहिति तन्निष्फणं च पच्छित्तं पावति ॥

तम्हा दोसपरिहरणत्थं-

[भा. २९७०] सोऊण वा गिलाणं, पंथा गामे य भिक्खवेलाए ।

जति तुरियं नागच्छति, लग्गति गुरुए सवित्थारं ॥

चू- गिलाणं सुणेत्ता पंथे वा गच्छंतो, गामं वा पविट्ठो, भिक्खं वा हिंडंतो, जति तक्खणा चैव तुरियं गिलाणंतो नागच्छति तो से चउगुरुं पच्छित्तं सवित्थारं ॥ तम्हा-

[भा. २९७१] जह भमर-महुयर-गणा, निवतंति कुसुमितम्मि वनसंडे ।

तह होति निवतियच्चं, गेलण्णे कतितवजडेणं ॥

जह भमरा कुसुमिते वनसंडे वणिवतंति एवं धम्मतरुक्खंतेण वेयावच्चऽडुयाए निवतियच्चं । साहम्मियच्छल्लं कयं । अप्पा य निज्जरादारो नितोतिओ भवति ॥ तस्स इमे दो दारा-

[भा. २९७२] सुद्धे सट्ठी इच्छकार असत्त सुहिय ओमाण लुद्धे य ।

अनुयत्तणा गिलाणे, चालण संकामणा दुहतो ॥

चू- “सुद्धे” ति अस्य व्याख्या-

[भा. २९७३] सोऊण वा गिलाणं, जो उवयारेण आगओ सुद्धो ।

जो उ उवेहं कुज्जा, लग्गति गुरुए सवित्थारे ॥

चू- उवचारो विधी । उवचारमेत्तेण वा जो आगतो सो सुद्धो, न तस्य प्रायश्चित्तं । उवेहं पुन करंतो चउगुरुए सवित्थारे लग्गति ॥ “उवचार” स्य व्याख्या-

[भा. २९७४] उवचरति को गिलाणं, अहवा उवचारमेत्तगं एति ।

उवचरति व कज्जत्थी, पच्छित्तं वा विसोहेति ॥

चू- जत्थ गिलाणो तत्थ गंतूणं पुच्छितो को तुब्भं गिलाणं “उवचरति” पडिजागरतीत्यर्थः । अहवा- उवचरति पुच्छति- तुज्झं कोति नो गिलाण इत्यर्थः । अहवा- लोगोपचारमात्रेणाऽऽगच्छति - “उवचारो” भण्णति । अहवा- साधूणं मज्जाता चैव जं - “गिलाणस्स वट्ठियच्चं” एस उवचारो भण्णति । अहवा- कज्जत्थी उवचरति इति उवचारो, किं चि ज्ञानादिकं तस्समीपादीहतीत्यर्थः । अहवा - पच्छित्तं मा मे भविस्सति ति निर्जरार्थ एस उपचारः ॥ इदानीं “सट्ठि” ति दारं - धम्मसट्ठाए गिलाणं पडियरंतो निज्जरालाभं लभिस्सामि ति-

[भा. २९७५] सोऊण वा गिलाणं, तूरंतो आगतो दवदवस्स ।

संदिसह किं करेमी, कम्मि व अट्ठे निउंजामि ॥

चू- “तूरंतो” ति- श्रवणानंतरमेव त्वरितं तत्क्षणात् दवदवस्स प्रतिपन्नो शीघ्रगत्या इत्यर्थः । जत्थ गिलाणा तत्थ गंतूणं गिलाणं गिलाणपडियरगं आयरियं वा भणाति - संदिसह, किं करेमि ? किं वा वेयावच्चट्ठे अप्पाणं णिउंजामि - योजनामीत्यर्थः ॥

[भा.२९७६] पडियरिहामि गिलाणं, गेलण्णे वावडाण वा काहं ।  
तित्थानुसज्जणा खलु, भत्ती य कया भवति एवं ॥

[भा.२९७७] संजोगदिट्ठपाढी, उवलद्धा वा वि दव्वसंजोगा ।  
सत्थं व तेनऽहीयं, वेज्जो वा सो पुरा आसी ॥

चू- अहमनेनाभिप्रायेणायातः गिलाणं पडियरिस्सामि, गिलाणवेयावच्चेण वा वावडे जे साहू तेसिं भत्तपान-विस्सामणादिएहिं वेयावच्चं काहामि । एवं करेतेहिं तित्थाणुसज्जणा तित्थकरभत्ती कता भवति ॥ एवं तेन भणिते जति ते पहुप्पंति तो भणंति - अज्जो ! वच्च तुमं, अग्गे पहुप्पामो । न सोतेहिं निव्वेसबुद्धी निव्विसियव्वो । अह तेन पहुप्पंति, कुसलो वा सो आगंतुगो, संजोगदिट्ठपाढी, वेज्जसत्थं वा तेनाधीतं, पुव्वासमेण वा सो वेज्जो, तो न विसज्जेति-

[भा.२९७८] अत्थि य से जोगवाही, गेलण्ण-तिगिच्छणाए सो कुसलो ।  
सीसे वावारेत्ता, तेइच्छं तेन कायव्वं ॥

चू- अह तस्स आगंतुगो जोगवाही अत्थि, जति य गेलण्णतिगिच्छणाए सो कुसलो तो ससिस्से वावारेत्ता इति - वावारणं कुल-गण-संघप्पओयणे वादकज्जपेसणे वत्थपादुप्पावणे गिलाणकिच्चे सुत्तत्थपोरिसिप्पयाणे वा जो जत्थ जोगो तं तत्थ सण्णिज्जोएत्ता अप्पणा सव्वपयत्तेण तेइच्छं कायव्वं ॥ सुत्तत्थपोरिसीवावारणे इमा विधी-

[भा.२९७९] दाऊणं वा गच्छति, सीसेण व तेहिं वा वि वायावे ।  
तत्पऽन्नत्थ व काले, सोही य समुद्दिसति हट्ठे ॥

चू- अप्पणा सुत्तत्थपोरिसीओ दाउं कालवेलाए गंतुं तेइच्छं करेइ । अह दूरं तो सुत्तपोरिसं दाउं अत्थपोरिसीए सीसे वावारेत्ता तेइच्छं करेति । अह दूरतरं आसुकारी वा पओयणं ताहे सीसेण दो दावेति, अप्पणा तेगिच्छं करेति । अह अप्पणो सीसो वायणाए असत्तो ताहे जेसिं सो गिलाणो तेहिं वायावेइ । उभयतो वि वायंतस्स असती य अनागाढजोगस्स जोगो निक्खिप्पइ ।

आगाढजोगिणं पुण इमा विधी - “तत्थऽन्नत्थ व” ति - जत्त सो गिलाणो खेत्ते तत्थ वा खेत्ते ठिता । अहवा - “तत्थ” ति - सगच्छे ठिता अन्नगच्छे वा ठिया आयरिएण भणिया - जहाकालं सोधिज्जह, ताहे जत्तियाणि दिवसाणि कालो सोधितो तत्तियाणि दिवसाणि उद्दिसणकालो एक्कादवसेणं उद्दिसति । “हट्ठे” ति गिलाणे पगुणीभूते जत्तियाणि दिवसाणि पमादो कालगहणे कतो, न वा सुद्धो ते उद्देसणकाला न उद्दिसिज्जंति । अन्नत्थ ठिता सेसं विधिं कप्पाग समीवे सव्वं करेति ॥ अन्नत्थ खेत्ते ठायंताण इमो विधी-

[भा.२९८०] निग्गमणे चउभंगो, अद्धा सव्वे व नेति दोण्हं पि ।

भिकखवसधी य असती, तस्सणुमए ठवेज्जा उ ॥

इमो चउभंगो - वत्थव्वा संथरंति, नो आगंतुगा । नो वत्थव्वा, आगंतुगा संथरंति । नो वत्थव्वा, नो आगंतुगा संथरंति । वत्थव्वा वि, आगंतुगा वि संथरंति । एत्थ पढमभंगे आगंतुगाणऽद्धा जावतिया वा न संथरंति ते निंति । बितियभंगे वत्थव्वाण अद्धा जावतिया वा न संथरंति ते निंति । तत्तियभंगे दोण्ह वि अद्धा जावतया वा न संथरंति ते निंति । एवं भिकखवसहीण असति निग्गच्छंति । “तस्से” ति-गिलाणस्स जे अनुमता ते गिलाणपडियरगा ठविज्जंति, सेसा

निर्गच्छन्तीत्यर्थः ॥ “सङ्घि”त्ति गतं । इदानीं “इच्छाकार”त्ति दारं-

[भा. २९८१] अभणितो कोइ न इच्छति, पते थेरेहिं को उवालंभो ।

दिइंतो महिंहीए, सवित्थरारोवणं कुञ्जा ॥

चू- कोइ साहू वेयावच्चे कुसलो, सो य परेण जति भण्णति - अज्जो ! एहि इच्छाकारेण गिलाणवेयावच्चं करेहि, तो करेति । माणित्तणेणं अभणितो न इच्छति काउं । सो य सोच्चा गिलाणं नागतो । कुलगणसंघथेरा य जे कारणभूता कत्थ सामायारीओ उस्सपंति, कत्थ वा सीदंति, पडिजागरहेउं हिंडंति ते तत्थ पत्ता । तेहिं सो पुच्छित्तो - अज्जो ! उस्सपंति ते नाणदंसणचरित्ताणि, अत्थि वा अब्भासे केति साधणो, तेसिं वा विराबाहं, गिलाणो वा ते कोति कत्थ ति सुतो ? सो भणति - अत्थि इओ अब्भासे । साहू - जाणसि तेसिं वट्टमाणी ? जाणामि, अत्थि तेसिं गिलाणो । थेरेहिं उवालद्धो - “तुमं तत्थ किं न गतो ? ॥

[भा. २९८२] बहुसो पुच्छिजंतो, इच्छाकारं न ते मम करेति ।

पडिभुंडणा वि दुक्खं, दुक्खं च सलाहिंतुं अप्पा ॥

चू- बहु वारा पुच्छिजंतो भणाति - ते मम इच्छाकारं न करेति । अन्नं च अहं अनब्भत्थितो गतो तेहिं “पडिभुडिओ” त्ति तेहिं निसिद्धो पडिमुडियस्स माणसं दुक्खं भवति । दुक्खं वा पडिभुंडणा सहिज्जति, अप्पावि दुक्खं सलाहिज्जति । जारिसं अहं गिलाणवेयावच्चं करेमि एरिसं अन्नो न करेति तो किमहं अणब्भत्थि तो गच्छामि । एत्थ थेरा महिंहीए-दिइंतं करेति । “महिंहीओ” त्ति राया । एगो राया कत्थियपुण्णिमाए मरुगाण दानं देति । एगो य मरुगो चोद्वसविज्जाट्ठाणपारगो । भोतियाए भणितो - तुमं सब्बमरुगाहिवो, वच्च रायसमीवं, उत्तमं ते दानं दाहिति । सो मरुगो भणाति - एगं रायकिव्विसं गेण्हामि, बीयं अणामंतितो गच्छमि, जति सेपितिपितामहस्स अनुग्गहेण पओयणं तो मे आगंतुं नेहीति, इह ठियस्स वा मे दाहिति ।

भोतिताए भणितो - तस्स अत्थि बहू मरुगा तुज्झ सरिच्छा अनुग्गहकारिणो । जति अप्पणो ते दणिण कज्जं तो गच्छ । जहा सो मरुतो अब्भत्थमं मग्गता इहलोइयाण कामभोगाण अनाभागी जाओ । एवं तुमं पि अब्भत्थणं मग्गंतो निज्जरालाभस्स चुक्किहिसि । सवित्थरं च परितावणादियं चउगुरुं आरोवणं पाविहिसि । एवं चमढेउं आउट्टस्स चउगुरुं पच्छित्तं देति ॥ इच्छाकार त्ति गतं । इदानीं “असते” त्ति दारं । कुल-न-संघ-थेरेहिं आगतेहिं पुच्छित्तो भणति-

[भा. २९८३] किं काहामि वराओ, अहं खु ओमाणकारओ होहं ।

एवं तत्थ भणंते, चाउण्मासा भवे गुरुगा ॥

चू- लोगो जो सब्बहा असत्तो पंगुवत्त् सब्बस्साणुकंपनिज्जो सो “वराओ” भण्णति । सो हं वराओ तत्थ गतो किं काहामि ? नवरमहं तत्थ गतो ओमाणकारओ होहं । एवं भणंतस्स चउगुरुगा सवित्थार भवंति ॥ सो य एवं भणंतो इमं भण्णति-

[भा. २९८४] उव्वत्त खेल संथार जग्गणे पीस भाण धरणे य ।

तस्स पडिजग्गताण व, पडिलेहेतुं पि सि असत्तो ॥

चू- किं तुमं गिलाणस्स उव्वत्तणं पि काउं असत्तो ? खेलमल्लगस्स भाणपरिद्ववणे, संथारग-भुयण-बंधण-परितावणे, राओ जग्गणे, ओसहिपीसणे, सपाण-भोयण-भायणाण संघट्टणे, “तस्से”

त्ति गालणस्स गिलाण-पडिजागराण वा उवहिं पि पडिलेहिउं तुमं असमत्थो ? ॥

“असमत्थ” इति दारं गतं । इदानिं “सुहिए”त्ति दारं-

[भा.२९८५]सुहियामो त्ति य भणती, अच्छह वीसत्थया सुहं सव्वे ।

एवं तत्थ भणंते, पायच्छित्तं भवे त्तिविहं ॥

चू- मासकप्पविहारद्विएहिं सुअं जहा - अमुगोऽत्थ गिलाणो । तत्थ केती साहू भणंति - गिलाणपडियरगा वच्चाओ । तत्थेगे भणंति - “सुहियामो” त्ति अम्हे सुहिए, मा दुक्खिए करेह । तुब्भे वि सव्वे वीसत्था अनुव्विग्गा सुहं सुहेण अच्छह । किं अप्पाणं दुक्खे निओएह, मा अ याणुय चोद्दसरिच्छा होह । एवं भणंताण त्तिविधं पच्छित्तं । इमं जइ एवं आयरिओ भणति - तो चउगुरुं । उवज्जाओ भणति - तो चउलहुं । भिक्खुस्स मासगुरुं ॥ “ओमाणे” त्ति दारं-

[भा.२९८६] भत्ताति-संकिलेसो, अवस्स अम्हे वि तत्थ न तरामो ।

काहिंति कत्तियाणं, तेन चिय ते य अद्दण्णा ॥

चू- तहेव मासकप्पद्विया गिलाणं सोच्चा एगे भणंति - वच्चाओ गिलाणपडियरगा । अन्ने तत्थ भणंति - अन्ने वि तत्थ गिलाणं सोच्चा पडियरगा आगया, तत्थ भत्तातिसंकिलेसो महंतो । अम्हे वि तत्थ गता, “अवस्सं” - निस्संदिद्धं “न तरामो” - न संथराम - इत्यर्थः । गिलाण पडियरणद्वा आगताण वा केत्तियाण पायघोयण-अब्भंगण-विस्सामण-पाहुण्णगं वा काहिंति । तेनचिय गिलाणेण ते भद्दण्णा विषादीकृता इत्यर्थः ॥

[भा.२९८७] अम्हेहि तहिं गएहिं, ओमाणं उग्गमातिणो दोसा ।

एवं तत्थ भणंते, चाउम्मासा भवे गुरुगा ॥

चू- गिलाणद्वया बहुसमागमे नियमा ओमं उग्गमदोसा य तत्थेव भवंति । एवं भणंते चउगुरुगा सवित्थारा ॥ इदानिं “लुद्धे”त्ति दारं-

[भा.२९८८] अम्हे मो निज्जरट्ठी, अच्छह तुब्भे वयं से काहामो ।

अत्थि य अभाविता ने, ते वि य नाहिंति काऊणं ॥

चू- मासकप्पद्वित्तेहिं सुयं जहा अमुगम्मि गामे अमुगायरियस्स गिलाणो अत्थि । जत्थ यसो गिलाणो तं खेत्तं वसहि-भत्त-पान-थंडिल्लमादिएसु सव्वगुणेसु उववेयं रमनिज्जं सुहविहारं जेहिं सुयं ते चिंतेति-अन्नहा तं न सक्केति पेळ्ळिउं गिलाणलक्खं मोत्तुं । ताहे गिलाणलक्खेण गंतुं भणंति - “अम्हे वि गिलाणवेयावच्चइयाए निज्जरट्ठी आगता, तं तुब्भे अच्छह, अम्हे गिलाणवेयावच्चं करेमो । अवि य अम्हं अभाविता सेहा, अम्हे वि, तावेयावच्चं करेते दडुंते वेयावच्चं काउं जाणिहिंति” ॥

[भा.२९८९] एवं गिलाणलक्खेण, संठिता पाहुण त्ति उक्कोसं ।

पग्गंता चमदेंति, तेसिं चारोवणा चउहा ॥

चू- एवं गिलाणलक्खेणं ति गिलाणपडियरणा कवडेण ठिता लोगे “पाहुणग” त्ति काउं देंति, अदेंतेसु वि उक्कोसदव्वं मग्गंति । एवं तं खेत्तं चमदेंति । चमद्विए य खेत्ते गिलाणपाउग्गं न लब्भति, ताहे तेसिं चमदग्गणं चउव्विहा आरोवणा कज्जति - दव्व-खेत्त-काल-भावनिष्फण्णा ॥ तत्थिमा दव्वनिष्फण्णा-

[भा.२९९०] फासुगमफासुगे वा, अचित्त-चित्ते परित्तऽनंते य ।

असिनेह-सिणेहगत, अनहाराहार लहुगुरुगा य ॥

चू- खेत्ते चमढणदोसेण अलभंता गिलाणस्स इमं गेण्हंति ओभासणाए “इह फासुगं एसनिजंति” ति। सेसा कंठा। फासुग-अचित्त-परित्त-असिनेह-अनाहारिमे य चउलहुगा। एतेरिं स पडिपक्खे गुरुगा ॥ एयं दव्व-निप्फणं। इमं खेत्त-निप्फणं।

[भा. २९९१] लुद्धस्सऽब्भंतरओ, चाउम्मासा हवंति उग्घाया।

बहिता य अनुग्घाता, दव्वालंभे पसज्जणता ॥

चू- उक्कोसदव्वलोभेण खेत्तं चमढेत्ता गिलाणपाओग्गं खेत्तब्भंतरे अलभंताण चउलहुगा, अंतो अलब्भमामे बहि मग्गंता न लब्भंति चउगुरुगा। दव्वालंभे पसज्जण ति अस्य व्याख्या - अंतो गिलाणपाउग्गे दव्वे अलभंते बहि खेत्ते पसज्जणा पच्छित्तं ॥

[भा. २९९२] खेत्ता जोयणवुद्धी, अद्धा दुगुणेण जाव बत्तीसा।

गुरुगा य छच्च लहुगुरु, छेदो मूलं तह दुगं च ॥

चू- खेत्तबहि अद्धजोयणातो आनेति चउगुरुं। बहिं जोयणातो आनेति छल्लहुं। दुजोयणा फ्रुं (फ्रुं) चउजोयणाओ छेदो। अद्धजोयणाओ मूलं। सोलसजोयणाओ अणवद्धा। बत्तीसजोयणाओ पारंचियं ॥ अहवा - दव्वालाभे पसज्जणा। पच्छित्तं इमं-

[भा. २९९३] अंतो बहिं न लब्भति, ठवणा फासुग-महत-मुच्छ-किच्छ-कालगए।

चत्तारि छच्च लहुगुरु, छेदो मूलं तह दुगं च ॥

चू- अंतो बहिं वा गिलाणपाउग्गे अलब्भंते ताहे फासुयं परियासंति ङ्क। अफासुयं परियासंति ङ्क। ताहे सो गिलाणो तेन पारियासियसत्तेण अनागाढं परिताविज्जति ङ्क। गाढं परिताविज्जति ङ्क। मंहतग्गहणेण दुक्खादुक्खे फ्रुं। मुच्छामुच्छे फ्रुं। किच्छपामे छेदो। किच्छुस्सासे मूलं। समोहते अणवद्धो। कालगते चरिमं ॥ गतं खेत्त-पच्छित्तं। इदानिं कालनिप्फणं-

[भा. २९९४] पढमं राइं ठवेत्ते, गुरुगा बितियाति-सत्तहिं चरिमं।

परितावणाति भावे, अप्पत्तिय कूवणादीया ॥

चू- पढमरातीए परियासंतस्स ङ्क। बितियरातीए फ्रुं। तइयरातीए फ्रुं। चउत्थरातीए छेदो। पंचमीए मूलं। छट्टीए नवमं। सत्तमीए चरिमं ॥ गतं कालपच्छित्तं। इदानिं भावपच्छित्तं - “परितावणाति” गाहापच्छद्धं अस्य व्याख्या-

[भा. २९९५] अंतो बहिं न लब्भति, परितावण-महत-मुच्छ-किच्छ-कालगते।

चत्तारि छच्च लहुगुरु, छेदो मूलं तह दुगं च ॥

चू- व्याख्या पूर्ववत्। अपत्तियं करेति ङ्क। कूवति - आदिग्गहणेण अनाहो हं ति भणेज्जा, न देति वा मे, उट्ठाहं वा करेज्जह, ङ्क ॥ एवं आहारे भणियं। इदानिं उवधीए अतिचमढिए खेत्ते संधारगे अलब्भंते।

[भा. २९९६] अंतो बहिं न लब्भति, संधारग-महत-मुच्छ-किच्छ-कालगते।

चत्तारि छच्च लहुगुरु, छेदो मूलं तह दुगं च।।

चू- पूर्ववत् ॥ लुद्धे ति गत। इदानिं “अनुयत्तणे” ति दारं-

[भा. २९९७] अनुअत्तणा गिलाणे, दव्वद्धा खलु तहव वेज्जद्धा।

असतीते अन्नत्तो, आनेउं दोहि वी करणं ॥



चू- “दव्वड्ढ”त्ति द्रव्यार्थेन गिलाणो अनुयत्तिज्जति पत्थदव्वं उप्पायं तेहिं दव्वाणुअत्तणा ।  
“वेज्जड्ढि” त्ति वेज्जस्स अड्डमुप्पाएंतैहिं वेज्जमणुयत्तंतैहिं य गिलाणो अनुयत्तितो भवति । सग्गामे  
असति दव्ववेज्जाण दो वि अन्नत्तो गिलाणस्स किरिया कायव्वा ॥

अहवा - दव्वाणुयत्तणा इमा -

[भा.२९९८] जायंते तु अपत्थं, भणंति जायायो तं न लब्भति ने ।

विनियट्टणा अकाले, जा वेल न वेंति तु न देमो ॥

चू- जइ गिलाणो अपत्थदव्वं मग्गति तो भण्णति - अम्हे जायामो तं न लब्भति । एवं  
भणंतेहिं अनुवत्तितो भवति । तस्सग्गतो वा उग्गाहेउं गच्छंति अतरा नियड्ढंति । तस्सग्गतो उल्लवं  
करेंति- “न लद्धं । ने” अकाले वा जाइयंति जेण न लब्भति, अकाले वा जायंते गिलाणे भणंति  
- जाव वेला भवति ताव उदिक्खाहि, ताहे आनेत्तु दाहामो, न भणंति - न देमो त्ति ॥ खेत्तओ-

[भा.२९९९] तत्थेव अन्नगामे, वुत्थंतरं संधरंत जयणाए ।

असंधरनेसणमादी, छन्नं कडजोगि गीयत्थे ॥

चू- “तत्थेव”त्ति तस्मिन्नेव गामे यत्र स्थिता ते ॥ अस्य व्याख्या-

[भा.३०००] पडिलेहपोरिसीओ, वि अकाउं मग्गणा तु सग्गामे ।

खेत्तंतो तद्विवसं, असति विनासे व तत्थ वसे ॥

चू- जइ सुलभ दव्वं तो पडिलेहणियं, सुत्तं अत्थं पोरिसिं च काउं मग्गंति, एवं असइ अत्थं  
हावेंति, एवं पि असइ सुत्तं हावेंति, एवं असइ दुल्लभे य दव्वे पडिलेहण सुत्तत्थपोरिसीओ वि  
अकाउं सग्गामे अनोभट्ठं मग्गंति - उत्पादयंतीत्यर्थः । “अन्नग्गामि” त्ति अस्य व्याख्या । पच्छद्धं।  
सकोसजोयणखेत्तस्संतो अन्नगाम पडिदिणं अणोभट्ठं उप्पादेंति । एत्थ वि सुत्तत्थ-पोरिसी परिहावण  
दड्डव्वा । असति अनोभट्ठस्स सग्गामपरग्गामेसु खेत्तंतो भट्ठं उप्पाएंति । तद्विवसं सग्गामे परग्गामे  
सखेते असति-

[भा.३००१] खेत्तबहिता व आणे, विसोहिकोडिं वऽतिच्छित्तो काढे ।

पतिदिनमलब्भमाणे, कम्मं समतिच्छित्तो ठवए ॥

चू- खेत्तवहिया वि तद्विवसं अनोभट्ठं असति ओभट्ठं विसुद्धं आणेयव्वं । “वुत्थंतरं”त्ति  
अस्य पदस्य व्याख्या-“विनासे च तत्थ व” । सखेत्तबहिता जतो आनिज्जति, जति तं दूरतरं,  
खीरादि वा तं विनासि दव्वं, पच्चूसगतैहिं उच्चउण्हे न लब्भति, विनस्सति वा, ताहे अवरण्हे गता  
तत्तवे वुत्था सूरुदयवेलाए धेत्तुं बितियदिणे अविनड्ढं आणेंति । अहवा - दूरतरं अविनासि दव्वं,  
“वुत्थंतरं” त्ति अंतरवुत्था आनयन्तीत्यर्थः । एसा सव्वा विही एसनिज्जेण भणिया । “असंधरते  
जयणाए”त्ति जति एवं गिलाणं पडुच्च एसनिज्जेण न संधरंति तो गिलाणस्स सखेत्ते सग्गामे  
पणगहाणीए तद्विणं उप्पाएंति, सखेत्ते परग्गामे य पणगपरिहाणी तद्विणं उप्पाएंति । तत्थ वि  
असतीए खेत्तबहिया वि पणगपरिहाणीए तद्विवसं उप्पाएति ।

एवं जाहे पच्छित्तानुलोमेण कीतादिविसोधिकोडीं अतिच्छित्तो ताहे जति गिहत्थेहिं संजयड्डाए  
परिवासियं दहिमादि, जति य तं गिलाणस्स पत्थं तो सग्गामातो आणेंति । असति सग्गामे परग्गामातो  
खेत्तबहियातो य आनेंति तद्विवसं । एवं जाहे पच्छित्तानुलोमेण अविंसोहिं पत्ता ताहे चउगुरुएसु

वि अप्पबहुत्तं नाउं ताहे अन्नेण कट्ठावेत्ति, सयं वा कट्ठेति । एसा गिलाणं पहुच्च जयणा भणिया । “असंथरंतेसणमादि” त्ति जइगिलाणट्ठाए वावडाणं परक्खेत्तं वा वयंताणं अप्पणो हिंडंताणं गिलाणपडियरगाण असंथरं भवति तो ते वि एसणमादि पणगपरिहाणिजयणाए अप्पणो गेहंति । एवं जाहे गिलाणं पडुच्च आधाकम्मं पि “समइच्छित्तो” प्रतिदिनं न लभतीत्यर्थः ।

ताहे “छन्नं कडजोगी गीयत्थ”त्ति अस्य व्याख्या- “ठवए”त्ति । सुद्धमविसुद्धं वा गिलाणपाउग्गं दव्वं पडिदिणं अलब्भंतं उप्पाएतुं घयादियं ठवयंति पर्युवासयंतीत्यर्थः, तं च छन्नपदेसे कडजोगी गीयत्थो वा ठवेत्ति । श्रुतार्थपत्युच्चारणासमर्थः कृतयोगी । यस्तु श्रुतार्थप्रत्युच्चारणसमर्थः । स गीतार्थः । जं तं परियासिज्जति तं पुण केरिसे ठाणे ठविज्जति ।

[भा. ३००२] उव्वरगस्स तु असती, चिलिमिलि उभयं च तं जह न पासे ।

तस्सऽसति पुराणात्तिसु, ठवेत्ति तद्विवसपडिलेहा ॥

चू- तं पुण अन्नम्मि गेहोव्वरए ठविज्जति, असति उव्वरयस्स तत्थेव वसहीए अपरिभोगे कोणे कडगचिलिमिलीहिं आवरेत्ता ठविज्जति जहा “उभयं न पस्सति”त्ति गिलाणो अगीयत्थो य । गिलाणो अब्भवहरेज्ज, अगीयाणं अप्पच्चयो भवति, तन्हा अप्पसागारिए ठवेज्ज । “तस्स” त्ति अपरिभोगट्ठाणस्स असति पुराणघरे ठवति, आदिसद्दातो भावियसद्दघरे वा, तद्विवसं च उभयकालं पडिलेहा कज्जति ॥

[भा. ३००३] फासुगमफासुगेण य, सचित्त इतरे परित्तऽनंते य ।

आहार तद्दिनेतर, सिनेह इतरेण वा करणं ॥

चू- अहवा - “दोहिं वि”त्ति सग्गामपरग्गामातो आप्पणं कायव्वं । अहवा - फासुगेण वा अफासुगेण वा सचित्तेण वा अचित्तेण वा परित्तादिएसु ॥ गिलाणानुअत्तणा गता । इदानिं वेज्जानुअत्तणा । सो गिलाणो भणेज्ज-

[भा. ३००४] वेज्जं न चेव पुच्छह, जाणंता तस्स वेत्ति उवदेसा ।

डक्कपिलग्गातिएसु य, अजाणगा पुच्छए वेज्जं ॥

चू- तत्थ जति संजया चेव तिगिच्छं करेत्ति ताहे भणंति - अन्हेहिं पुच्छित्तो वेज्जो, “तस्स” त्ति वेज्जस्स उवदेसेण करेमो । सप्पडक्के पिडगं गंडं आदिसद्दातो सीतलिगा दुडुवातो-त्तेसु एसेव विधी । सव्वेसु अजाणगा वेज्जं पुच्छंति ॥ सीसो पुच्छति-

[भा. ३००५] किह उप्पन्नो गिलाणो, अट्टमउण्होदगातिया वुट्ठी ।

किंचि बुहभागमद्धे, ओमे जुत्तं परिहरंतो ॥

चू- बहुविहा रोआतंका जेहिं गिलाणो उप्पज्जति । अहवा - कयपयत्ते वि दीहगेलणं उप्पज्जं, जतो भणति - अट्टमउण्होदगादिगा वुट्ठी ॥

[भा. ३००६] जाव न मुक्को तावऽनसनं तु असहुस्स अट्ट छट्टं वा ।

मुक्के वि अभत्तट्ठो, नाऊण रुयं तु जं जोग्गं ॥

चू- विसेसेणासज्जे रोगे अजिण्णजरगादिगे जाव न मुच्चति ताव अब्भत्तट्टं करेत्ति, मुक्को व उवरिं अभत्तट्टं करेत्ति एवं सहस्स । जो पुण असहू जहन्नेण अट्टमं छट्टं वा करेत्ति, रोगं वा नाउं - विसेसेण रोगस्स जं पत्थं तं कीरेत्ति, जहा वायुस्स घतादिपाणं, अवभेयगे वा घयपूरभक्खणं ।

“उण्होदगादिया वुद्धत्ति” असहु रोगेण अमुक्को जता पारेति तदा इमो कमो-उसिणोदए कूरसित्था निच्छुब्भित्तं ईसिं मलेउं पारेति । एवं सत्तदिणे “किं चि” त्ति उसिणोदगे महुरोल्लणं थोवं छुब्भति तेन उदगेण पारेति ।

एएण वि सत्तदिने “बहु” त्ति ततियसत्तगे किं चि मत्तातो बहुयरं महुरोल्लणं उसिणोदगे छुब्भति । एतेन वि सत्तगं । “भागे” त्ति तिभागो मधुरोल्लणस्स दो भागा उसिणोदगे, एतेन वि सत्तगं । “अद्धं” त्ति अद्धं महुरोल्लणस्स अद्धं उसिणोदगस्स । एतेन वि सत्तगं । ततो परं तिभागो उसिणोदगस्स महुरोल्लणस्स दो भागा । एवं पि सत्तगं । ततो ऊणो तिभागो उसिणोदगस्स समहिगा दो भागा महुरोल्लणस्स । एवं पि सत्तगं । ततो किंचि-मेतं उसिणोदगं सेसं महुरोल्लणं । एवं पि सत्तगं । ततो एतेन कमेण महुरोल्लणं अंबकुसलेण भिंदति । एवं कीरमाणे जइ पगुणो तो लद्धं ॥

[भा. ३००७] एवं पि कीरमाणे, वेज्जं पुच्छंतऽठायमाणे वा ।  
वेज्जाणं अद्धयं ते, अनिद्धि इद्धि अनिद्धितरे ॥

चू- एवं पि कीरमाणा “अठायमाणे” त्ति रोगे अनुवसंते रोगे वेज्जं पुच्छति । ते य अद्ध वेज्जा भवंति तेसिं च दो नियमा अनिद्धी, इयरे सेसा छ, ते य इद्धी अनिद्धी वा भवंति ॥

इमे ते अद्ध वेज्जा-

[भा. ३००८] संविग्गासंविग्गे, लिंगी तह सावए अहाभदे ।  
अनभिग्गहमिच्छेयर, अद्धमए अन्नतित्थी य ।

[भा. ३००९] संविग्गमसंविग्गे, दिद्धत्थे लिंगि सावते सण्णी ।  
अस्सण्णि इद्धि गतिरागती य कुसलेण तेइच्छं ॥

चू- संविग्गो, असंविग्गो, लिंगत्थो, गहीयाणुव्वओ सावगो, अविरयसम्मद्धिदी सण्णी । असण्णिग्गहणातो तओ-धेत्तव्वा-अनभिग्गहियमिच्छो, अभिग्गहियमिच्छो, अन्नतित्थी य । दिद्धत्थग्गहणातो गीयत्थो गहितो । एत्थ संविग्गगीयत्थेहिं चउभंगो कायव्वो-पुव्वं पढमभंगिल्लेण कारवेयव्वं । असति बितिएण, तस्स असति ततियभंगेण, तस्सासति चरिमेण । तस्सऽसति लिंगमादिसु छसु कमेण इद्धीसु अनिद्धीसु वा सव्वेसु कुसलेसु । एस विधी इद्धी-अनिद्धीसु दोसु वि कुसलेसु अनिद्धिणा कारवेयव्वं, न इद्धीमंतेन । दुः प्रवेशादिदोपत्वात् । एगदुबहुअतरं कुसलेण तेइच्छं कारवेज्जा, पच्छा अकुसलेण । एसा चेव गतिरागती जहाभिहियविहाणातो ॥

[भा. ३०१०] वोच्चत्थे चउलहुया, अगीयत्थे चउरो मासऽनुग्घाया ।  
चउरो य अनुग्घाया, अकुसलकुसलेण करणं तु ॥

चू- संविग्गं गीयत्थं मोत्तुं असंविग्गेण गीयत्थेण कारवेति एवमादि वोच्चते चउलहुगा । गीयत्थं कुसलं मोत्तुं अगीयत्थेण अकुसलेण कारवेति चउगुरुगा । कुसलं मोत्तुं अकुसलेण कारवेति एत्थ वि चउगुरुगा चेव । वेज्जसमीवे गच्छतो इमा विधी-

[भा. ३०११] चौयगपुच्छा गमणे पमाण उवकरण सउण वावारे ।  
संगारो य गिहीणं, उवएसो चेव तुलना य ॥

[भा. ३०१२] पाहुडिय त्ति य एगे, नणेयव्वो गिलाण तो उ वेज्जघरं ।  
एवं तत्थ भणंते, चाउम्मासा भवे गुरुगा ॥

**चू-०** चोदगो पुच्छति-“किं गिलाणो वेज्जसगासं निज्जउ, अह वेज्जो चेव गिलाणसमीवं आनिज्जउ ?” एवं पुच्छिओ आयरियदेसिगो भणति - “समीवं वेज्जे आनिज्जंते पाहुडियदोसो भवति, तम्हा - गिलाणो चेव वेज्जधरं निज्जउ” । आयरिओ भणति - एवं भणंतस्स चेव चउगुरुगा भवंति ॥

[भा. ३०१३] लिंगत्थमादियाणं, छण्हं वेज्जाण निज्जतो मूलं ।  
संविग्गमसंविग्गे, उवस्सग्गं चेव आणेज्जा ॥

**चू-** लिंगत्थो सावगों सन्नि अनभिग्गहियमिच्छो य अभिग्गहियमिच्छो य अन्नतित्थिओ य एतेसि छण्हं पि गिहं गच्छउ गिलाणं घेतुं, नो उवस्सयं एते आनिज्जंति । अधिकरणदोषभयात् । संविग्गो असंविग्गो य एते दो वि उवस्सयं चेव आनिज्जंति ॥

चोदगो भणति - “पाहुडिय” ति अस्य व्याख्या-

[भा. ३०१४] रह-हत्थि-जाण-तुरगे, अमुरंगादीहि एंते कायवहो ।  
आयमण-मट्टि-उदए, कुरुकुर्य सघरे तु परजोगे ॥

**चू-** हत्थितुरगादिगमेव जाणं । अहवा - रहादिगं सव्वं जाणं भण्णति । अहवा - सिविगादिगं जाणं भण्णति, अनुरंगा गड्डी, एवं आगच्छंते पुढदिकायवधो भवति । वेज्जेण य परामुसिए, गंडादिफालणे वा कते आयमंतस्स मट्टिय-उदगस्स य कुरुकुर्यकरण वधो भवति । सघरे पुण वेज्जस्स परजोगातो नाधिकरणं भवतीत्यर्थः ॥ आचार्याह-

[भा. ३०१५] वातातवपरितावण, मय मुच्छा सुण्ण किं सुसाणकुडी ।  
सव्वे व य पाहुडिया, उवस्सए फासुगा सा तु ॥

**चू-** गिलाणो वेज्जघरं निज्जंतो वातेन आयवेण य परिताविज्जति, लोगो य पुच्छति - “किं एस मतो निज्जति” । “सुण्ण” ति अंतरा निज्जंतो मतो, वेज्जेण य उग्गाणिते मुहे मतो दिट्ठो भणति “किं मज्झ घरं सुसाणकुडी, जेण मतं आणेह” । ततो वेज्जो सचेलो ण्हाएज्ज, सव्वम्मि य फलिहए छणणपाणियं देज्ज । हे चोदग । गिलाणे निज्जंते समतिरेगा सव्वेव पाहुडिया । उवस्सए पुण फासुएण करेज्ज ॥ “चोदगपुच्छ” ति दारं-

[भा. ३०१६] उग्गहधारणकुसले, दक्खे परिणामिए य पियधम्मे ।  
कालणू देसण्णू तस्साणुभए य पेसेज्जा ॥

**चू-** वेज्जोवंदेसउग्गहणसमत्थो, अविस्सरणेण धारणासमत्थो, लिहणदव्वभागद्वावणे य कुंशलो, शीघ्र करणतवात् दक्षो, अववादसद्दहणातो परिणामगो, निर्मित्थकरणत्वात् धर्मप्रियो, वेज्जसमीवपवसे कालणू, देशग्रहणात् रिक्तक्षणः, क्षेत्रे - आसन्नं वा परिगृह्यते तं देसं जानातीति देसन्नू । एरिसा गिलाणस्स य अनुमता ते व्ज्जसमीवं पेसेज्जा । अहवा - “तस्से” ति वेज्जस्स जे अनुमता ते वेज्जसमीवे पेसेज्ज । वैद्यस्य यैः सार्धं विग्रहः लोकयात्रा इत्यर्थः ॥

[भा. ३०१७] एयगुणविष्पमुक्के, पेसंतस्स चउरो अनुग्घाया ।  
गीतत्थेहि य गमणं, गुरुगा य इमेहिं ठाणेहिं ॥

**चू-** एयगुणविष्पमुक्के आयरिओ जति पेसति तो चउगुरुं पच्छित्तं, ते य गीयत्थे पेसेज्ज ॥ इदानिं “पमाणे” ति दारं-

[भा.३०१८] एकं दुगं चउक्कं, दंडो दूआ तहेव नीहारी ।

खइण्हे नीले मलिणे, चोल-रय-णिसेज्ज-मुहपोती ॥

चू- एगो दंडो, दो जमदूओ, चउरो णीहारी । एयपमाणे पसवेतस्स चउगुरु । इदानि “उवकरणे”ति दारं- किण्होवकरणं जति गच्छंति णीलेण वा मलिणेणवा । किं च तं उवकरणं - चोलपट्टे रयहरणं निसेज्जा मुहपोत्तिया य, एत्थ निर्योगोपकरणमलिने चतुगुरुमित्यर्थः, तस्मात् शुद्धं शुक्लं गृहीतव्यं ॥ इदानि “सउणे”ति दारं-

[भा.३०१९] मइलकुचेले अब्भंगिएल्लए साणु खुज्ज वडभे य ।

कासायवत्थकुच्चं-धरा य कज्जं न साहेति ॥

चू- “साणे” ति मंदपादी शुक्लपादो वा । कुज्जं वा सरीरं अस्य उद्धुलिता ससरक्खा - एते निग्गमपवेसेसु दिट्ठा कज्जं न साहेति ॥ इमे साहेति-

[भा.३०२०] नंदीतूरं पुण्णस्स दंसणं संख-पडह-सद्वो य ।

भिंमार वत्थ चामर, एवमादी पसत्थाइं ॥

चू- नंदीमुखस्स मउंदादीतूरस्स, बहु आउज्जसमुद्दातो वा तूरं भण्णति, संखस्स पडहस्स य सद्वसवण पसत्थं, पुण्णकलसस्स भिंमारस्स छत्तस्स य चामराण य, आदिसद्दातो सीहासणस्स दधिमादियाण य दरिसणं पसत्थं ॥

[भा.३०२१] आवडणमादिएसु, चउरो मासा हवंतऽनुग्घाया ।

एवं ता वच्चंते, पत्ते य इमे भवे दोसा ॥

चू- उंबरमादी सिरेण घट्टेति ति आवडणं भण्णति । आदिसद्दातो पडति वा पक्खलति वा अन्नेन वा रक्खमादिए घेतुं अक्कचित्तो कहिं वा वच्चसि ति पुच्छिओ छीयं वा अमणुन्नसद्वसवणं एवमादिएसु जइ गच्छति तो चउगुरुं पच्छित्तं । एस ताव अंतरा वच्चंतस्स विही भणितो । वेज्ज घरं पतेन इमे दोसा परिहरतव्वा ॥ इदानि “चावारे”ति दारम्-

[भा.३०२२] साडऽब्भंगण उव्वलण, लोयछारुक्करडे य छिंद भिंदंते ।

सुह आसण रोगविही, उवदेसो वा वि आगमणं ॥

चू- एगसाडो वेज्जो अप्पसत्थो न पुच्छिज्जति, तेल्लादिणा अब्भंगितो, कक्कादिणा उव्ववलितो लोयकरणे वा अद्धकम्मिज्जितो, छारंगारकेयारादीण वा उवरि ठितो, दारुमादि वा किंचि छिंदति, खुरप्प गादिणा वा कस्स ति दूसियभंगं छिंदति, घडकमलाउं वा कस्स ति भिंदति सिरोवेहं वा । एरिसेसु अप्पसत्थ जोगेसु न पुच्छिज्जति । गिलाणस्स वा जति किं चि छिंदियव्वं भिंदियव्वं वा तो पुच्छिज्जति । इमेरिसो पुच्छियव्वो - सुहासणत्थो रोगविधी-वेज्जसत्थं वा पढंतो पुच्छिज्जति । सो य वेज्जे पुच्छित्तो संतो गिलाणोवत्थं सोउ उवदेसं वा देति आगच्छति वा गिलाणसमीवं ॥

इदानि “सिंगारे”ति दारं-

[भा.३०२३] पच्छाकडे य सण्णी, दंसणऽधाभद्ददाणसट्ठे य ।

मिच्छादिट्ठी संबंधिए य परित्थिए चेव ॥

चू- पुरा पच्छाकडो, गिहीयाणुव्वतो सावगो सण्ण, दंसणसंपन्नो अविरतो सम्महिट्ठी, दंसणविरहितो अरहंतोसु तस्सासणे साधू उभयभद्दसीलो अहाभद्दो भण्णति, दानंप्रति सट्ठी गृहस्थः,

साक्यादिसासनं प्रतिपन्नो मिथ्यादृष्टि, स्वजनः संबंधी, सरक्खादिलिंगद्विता परतिस्थिणो । च सद्दो समुच्चए । एवसद्दो पुरिसाभावे इत्थि-नपुंसेसुं दड्ढव्वो । एसिं सिंगारो कज्जति - जाहे वेज्जो आनिज्जति गिणट्ठा । तुब्भे तत्थ सन्निहिता होह, जं सो भणति तं तुब्भे सव्वं पडिवज्जह ॥

वेज्जसमीवं पड्विता जे ते वेज्जस्स इमं कर्हेति-

[भा.३०२४] वाहि-निदाण-विकारे, देसं कालं वयं च धाउं च ।

आहार अग्गि धिति बल, समुइं वा तस्स साहंति ॥

चू- जरादिगो वाही, निदानं रोगुत्थाणकारणं, प्रवर्धमानरोगविशेषो विगारः । स गिलाणो समुगम्मि जातो, वसंताइ केइ काले जातो, रोगुत्थाणकालं वा से कर्हेति, इमो से यौवनादिको वयः, वातादियाण य धातूण इमो से उक्कडो, आहारे अप्पभोगो चि कर्हेति, सामर्थ्यं अस्ति नास्तीति, धृतिबलं समुच्चयभावः । एयं सव्वं वेज्जस्स कर्हेति ॥ इदानिं “उवदेसे” ति दारं- सव्वं सोउं वेज्जो सगिहत्थो चेव दव्वादियं उवदेसं देज्ज-

[भा.३०२५] कलमोयणो य खीरं, ससक्करं तूलियादिया दव्वे ।

भूमिघरइग खेत्ते, काले अमुगुइ वेलाए ॥

चू- दव्वओ कलमसालिओदणो, खीरं च खंडसक्कराचितं, सस्सदेहअत्थरणं तूली । आदिसद्दातो पल्लंको, पाउरणं रल्लगादि । खेत्तओ भूमिघरे वा । कालतो पढमपहरादिएसु देह ॥

[भा.३०२६] इच्छानुलोमभावे, न य तस्सऽहियाऽहवा जर्हिं विसया ।

अहवा खित्तादीसू, पडिलोमा जा जर्हिं किरिया ॥

चू- भावओ जं से इच्छओ अनुलोमं तं से देह, अधव्वा - न य तस्सऽहिया जर्हिं विसया प्रतिलोममित्यर्थः । अहवा - दित्तचित्तस्स अवमानो कज्जति, खित्तचित्तस्स अवमानो कज्जति, जक्खाइड्ढस्स वि अनुलोमं पडिलोमं वा कज्जति, जाव जम्मि रोगे प्रसाधिता किरिया सा तत्थ कज्जति ॥ अहवा - तस्स गिलाणस्स सण्णायगो कोइ भणेज्ज-

[भा.३०२७] नियएर्हिं ओसहेहि य, कोइ भणेज्जा करेमहं किरियं ।

तस्सप्पणो य थामं, नाउं भावं च अनुमण्णे ॥

चू- अप्पनिज्जेर्हिं ओसहगणेर्हिं करेमि किरियं कारवेमि वा, विसज्जह मे व गिहं । एवं भणिए किं कायव्वं? “तस्से” ति गिहत्थस्स भावं नाउं जइ उन्निक्खमणाभिप्पाएण करेति तो न विसज्जेति, घम्महेउं करं तस्स अनुण्णवति, गिलाणस्स वा अप्पण जइ द्ढो भावो तो अनुन्नवेति, इहरहा नो ॥ अहवा - वेज्जो भणेज्ज-

[भा.३०२८] जारिसयं गेलण्णं, जा य अवत्था तु वट्टए तस्स ।

अद्दट्ठण न सक्का, वोत्तुं तो गच्छिमो तत्थ ॥

चू- जारिसं तुब्भेर्हिं गेलण्णमक्खायं, जारिसा य तस्स वट्टमाणी अवत्था कहिता, एरिसाए गिलाणं अदट्ठण न सक्केति किरितोवेदेसो दाउं, किरियं व काउं, तो हं तत्थेव वच्चाभि ॥ इदानिं “तुलणे” ति? दारं । सगिहट्ठियस्स गिलाणसमीवागयस्स वा उवदेस देंतस्स वेज्जस्स-

[भा.३०२९] अपडिहणंता सोउं, कयजोगाऽलंभे तस्स कि देमो ?

जह विभवा तेइच्छा, जा लाभो ताव जूहं ति ॥

चू- दव्वादियं वेज्जुवदेसं समग्गमप्पडिहणंता सोउं अप्पाणं तुलेति किमेयं लभिस्सामो न वेति? जति धुवो लाभो अत्थि तो न भणंति किं चि। अहवा-संकिते भणंति-जति कते जोगे न लभामो तो किं देमो? वेज्जसत्थे य जह विभावा तेइच्छा भणिता सापवादेत्यर्थः, एवं ताव उसारेति जाव जम्मि दव्वे धुवो लाभो भविस्सति। जहन्नेणं जाव कोदवोदणो, जूहं च कांजिकमित्यर्थः। तंडुलोदग मुदगरसो वा जूहं भण्णति ॥ वेज्जागमणे वेज्जस्स गिलाणस्स य कितिकम्मकरणे इमा विधी-

[भा.३०३०] एगो संघाडो वा, पुव्वं गंतूणवस्सयम्मि करे।

लिपण-सम्मज्जणयं, गिलाणजोग्गं च आणेति ॥

[भा.३०३१] विज्जस्स य पुप्फादी, विरइत्ता आसणे य दोन्नि तर्हिं।

वाइत्ता य गिलाणं, पगासे ठवइत्तु अच्छंति ॥

[भा.३०३२] अब्भुट्ठाणे आसन, दावण-भत्ते भती य आहारे।

गिलाणस्स आहारे, नेयव्वो आनुपुव्वीए ॥

[भा.३०३३] अब्भुट्ठाणे गुरुगा, तत्थ वि आणादिया भवे दोसा।

मिच्छत्तं रायमादी, विराहणा कुल-गणे संघे ॥

चू- आयरिओ जति वेज्जस्स आगच्छतो अब्भुट्ठाणं देति तो चउगुरुगा आणादिया दोसा। राया रायअमच्चो वा चोप्पगसमीवातो सोउं सयं वा दड्डुं “आयरिओ वेज्जस्स अब्भुट्ठितो” ति, “अहं गव्वेण अब्भुट्ठाणं न देति, अहं भिच्चस्स नीयतरस्स य अब्भुट्ठाणं देति, अहो।” “दुड्ढधम्मं” मिच्छत्तं गच्छे, पदुट्ठो वा कुल-गण-संघस्स पत्थारं करेज्ज ॥

[भा.३०३४] अणभुट्ठाणे गुरुगा, तत्थ वि आणादिणो भवे दोसा।

निच्छत्तं सो वि अन्नो, गिलाणमादी विराहणया ॥

चू- जइ आयरिओ वेज्जस्स अब्भुट्ठाणं न देति तो चउगुरुगा, आणादिणो य दोसा। सयं वेज्जो अन्नो वा “अहो तवस्सिणो वि गव्वमुव्वहंति” ति मिच्छत्तं गच्छे। अहवा - पदुट्ठो गिलाणस्स नो किरियं कुज्जा, गिलाणस्स वा अप्पयोगं करेज्ज, एवं गिलाणविराहणा, आदिसद्दातो रायवल्लभो गिलाणं पि वेध-वधादिएहिं विराहेज्ज ॥ जम्हा एते दोसा तम्हा-

[भा.३०३५] गीयत्थे आणयणं, पुव्वं उट्ठितु होति अभिलावो।

गिलाणस्स दायणं, सोहणं च चुण्णाइगंधे य ॥

चू- गियत्थेहिं वेज्जो पुव्वुत्तविहाणेण आणेयव्वो जया य आगच्छति तदा तिण्हं एगो, पंचण्हं दो जना आगंतु अग्गतो गुरुणो कहेति - “वेज्जो आगच्छइ” ति।

ताहे गुरवो दो आसणे ठावेति, आयरिओ चंकमणलक्खेण पुव्वुट्ठितो अच्छति। गीयत्थेहिं य कहेयव्वं - एस वेज्जो आगतो ति। गुरुणा य पुव्वुट्ठिएण सो पुव्वं अणालवंतो वि आलवेयव्वो। पुव्वण्णत्थे आसणे उवनिमंतेयव्वो, ततो आयरिओ वेज्जो य आसणेसु उवविसति। “अब्भुट्ठाण आसने ति गतं।

इदार्नि “वायणे” ति दारं- गिलाणस्स जति किंचि सरिरे उवकरणं वा असुइं तं पुव्वमेव धोवेयव्वं, खेलमल्लगो काइयसण्णासाधीय अवनेयव्वो, भूमी उवल्लिपियव्वा। तथा वि दुगंधे पडवासमादि चुण्णागं धुवणेयव्वा। एवं गिलाणो सुतीकतो सुक्किलवासपाउओ दरिसिज्जति।

जति किं गंडो ति फाडेयव्वं, तम्हि फालिए उसिणोदगादिफामुअं हत्थवोवणं दिज्जति, अनिच्छे व पच्छाकडादिया मड्डिया उदयं यच्छंति, गंधपुप्फवुण्णं तंबोलादियं च से पयच्छंति ॥

इदानीं “भत्ते भती य आहारे” ति पच्छद्धस्स इमं वक्खाणं । वेज्जो भणति -

[भा. ३०३६] चउपादा तेइच्छा, को भेसज्जाइ दाहिती तुब्भं ।

तहियं पुव्वा पत्ता, भणंति पच्छाकडा दम्हे ॥

चू- चउप्पादा तेइच्चा भवति । गिलाणो, पडियरगा, वेज्जो, भेसज्जाणि य । तुब्भ को भेसज्ज पयच्छिहिति ति । तत्थ पच्छ कडादि पुव्वं संगारदिन्नं पत्ता भणंति - अम्हे सव्वं दाहामो ॥

[भा. ३०३७] कोयी मज्जणग विही, सयणं आहार उवहि केवडिए ।

गीयत्थेहि य जयणा, अजयण गुरुगा य आणादी ॥

चू- कोइ वेज्जो भणेज्ज-“मज्जणं” - ण्हाणं, विधी-विभवेण स्नातुनिच्छति इत्यर्थः । सयणं पल्लंकादियं, आहारमुक्कोसं, उवहिं तूलित्तमादी, “केवडियं” ति - केवगा । एवं गिलाणस्स मज्झं वा को दाहिती ? एयं सव्वं पच्छाकडादिएहिं अब्भुवगंतववं । पच्छाकडाण य अभावे गीयत्थेहिं य जयणाए अब्भुवगंतव्वं । जति अजयणाए अब्भुवगच्छंति पडिसेहिंति वा तो चउगुरुगा, आणादिया य दोसा भवंति । एतेसु मज्जणादिसु दिज्जंतेसु अदिज्जंतेसु वा भद्दो किरियं करेति चेव, जो पुण अभद्दो सो संबुद्धे अब्बगते निक्काइयतरं करेति ॥

[भा. ३०३८] एयस्स नाम दाहिह, को मज्जणाइ दाहिती मज्झं ।

ते चेव णं भणंति, जं इच्छसि तं वयं सव्वं ॥

चू- एयस्सेति गिलाणस्स मज्जणादि सव्वं तुब्भे दाहिह, मज्झं पुण को दाहिती ? एवं भणितो चेव पच्छाकडादि भणंति - जं जं इच्छसि तं तं सव्वं अम्हे दाहामो ॥

[भा. ३०३९] जं एत्थ सव्व अम्हे, पडिसेहे गुरुग दोस आणादी ।

पच्छाकडा य असती, पडिसेहे गुरुग आणादी ॥

चू- जे ते पुव्वपच्छाकडादिया पन्नविता तेहिं एवं भणितो - “जं एत्थ गिलाणस्स तुज्ज दायव्वं तं सव्वं अम्हे दाहामो,” एवं भणिते जो ते अदिकरणभया पडिसेधेति तस्स चउगुरुगा, आणादिणो य दोसा । पच्छाकडादियाण वा असतीए जो वेज्जं पडिसेहेति तस्स वि एते एव चउगुरुगा आणादिया य दोसा भवंति ॥

[भा. ३०४०] जुत्तं सयं न दाउं, अन्ने देंते व णं निवारेंति ।

न करेज्ज गिलाणस्सा, अवप्पयोगं च से देज्जा ॥

चू- वेज्जो ते पडिसेहिज्जंते सोउं भणति - अपरिग्रहत्वात् साधूना युक्तं युज्यते अदानं । जं पुण अन्ने वि देते निवारेंति, तेन पदुट्ठो य गिलाणकिरियं न करेज्ज, अवप्पयोगं करेज्ज, तस्मादन्यात्र निवारियेदित्यर्थः ॥ “गीयत्थेहि” य जयणाए ति अस्य व्याख्या-

[भा. ३०४१] दाहामो ति व गुरुगा, तत्थ वि आणादिणो भवे दोसा ।

संका व सूयएहिं, हियण्ठे तेनए वा वि ॥

चू- पच्छाकडादियाण असति जति साहू भणाति-अवस्संते भत्तं दाहामो तो चउगुरुगा आणादिया दोसा । अहवा - इमे दोसा । एते अहिरन्ना कतो दाहिंति, अन्नेन विहिते सो संकिज्जति,



नहे वा दविणजाते एतेन गहियं ति संकिञ्जति, तेनगो वा एस ति संकिञ्जति, सूयगेहिं वा राउले सूइञ्जति-अत्थि से दविणजायं ति जेण वेञ्जस्स देंति ति ॥

[भा.३०४२] पडिसेहेऽजयणाए, दोसा जयणा इमेहि ठाणेहिं ।

भिक्खण इह्ठी बितियं, रहिते जं भणिहिंसी जुत्तं ॥

चू- पच्छाकडादियाण असति जइ वेज्जं अजयणाए पडिसेहेति-“नेति भत्तिं भत्तं वा” दोसा तो चउगुरुगा, आणादिया दोसा, तम्हा जयणा कायव्वा । इमेहिं ठाणेहिं भिक्खाणियं काउं दाहामो - इह्ठिणे वि निक्खमंते जं खिखंतं तं घेतुं दाहामो, बितियपदेण वा कारणजाते गहिओद्धरियं दाहामो, “रहिए” ति पच्छाकडादिएहिं रहिए एयं भणंति - जं तुमं भणीहिसि तं जहासत्तीए सव्वं दाहामो, जम्हं जुत्तं त काहामो, एवं साहारणं ठवेति ॥ कयाति सो वेज्जो एवं भणेज्ज-

[भा.३०४३] अहिरन्न गच्छ भगवं, सक्खी ठावेह देंति जे पउणं ।

धंतं पि दुद्धकंखी, न लहइ दुद्धं अ-धेणू ते ॥

चू- इह साक्षी प्रतिभू वा गृह्यते (धं) वंतं पि निरायं पि भणियं पि होति, अधेणू विसुक्खली वंज्जा च, न तस्मात् क्षीरं प्राप्स्यतीत्यर्थः ॥ एयं भणंते-

[भा.३०४४] पच्छाकडादि जयणा, दावण कज्जेण जे भणिय पुच्चि ।

सट्ठा विभवविहूणा, ते छिय इच्छंतया सक्खी ॥

चू- इह जयणगहणाती कम्मे घेप्पति, दवावणकज्जेण जे आनिता ते “चेव” सट्ठ-विरहिता, विभवविच्छिन्ना य दानस्स भावे इच्छंता ते चेव सक्खी वतिञ्जति, जहा - “अम्हेहिं भिक्खुणिय काउं जहालद्धं एयस्स दाहामो अम्ह य जं जुत्तं तं करेहामो-धमविरुद्धमित्यर्थः । तुम्हे एत्थ सक्खी प्रतिभू वाचा” ॥ अहवा - “इह्ठि” ति अस्य व्याख्या- कोइ इह्ठिमंतो पव्वइतो ताहे सो भणति-

[भा.३०४५] पंचसतदाणगहणे, पलालखेलाण छड्डुणं च जहा ।

सहसं च सयसहस्सं, कोडी रज्जं च अमुगं वा ॥

चू- वेज्जस्स पुरओ इह्ठिमं भणति - जहा पलालखेला अकिंवेत्करा निष्पिवासचित्तेहिं छड्डिञ्जति एवं तडियकप्पडिएसु अहं पंचसया देता इतो “गहणे” ति पंचसयाणं लाभे वि रूपकस्याष्टादशीमिव कलां मन्यमाना ग्रहणं कृतवन्त, एवं सहस्से कोडि रज्जं वा अमुगं च अनिदिष्टं संख्यास्थानं ग्रहीतव्यं ॥

[भा.३०४६] एवं त गिहवासे, आसीय इदानिं तु किं भणीहामि ।

जं तुज्जऽम्ह य जुत्तं, ओगाढे तं करीहामो ॥

चू- एवं अम्ह गिहवासे आदी इदानिं पुण अकिंचणा समणा पव्वइया किं भणामो तहावि गिलाणे “ओगाढे” ति अट्ठीभूते जम्हं जुत्तं अनुरूपं तं तुज्ज काहामो ॥

[भा.३०४७] परसक्खियं णिबंधति, धम्मावणे तत्थ कइयदिट्ठंतो ।

पासाए कूवादी, वत्थुक्कुरुडे ठितो दाई ॥

चू- भणिए इह्ठिणा एवं आगंतुगो वेज्जो जति परसक्खियं निबंधति तो निबंधतो चेव एवं भण्णति - धम्मावणो, एस अत्थं जं संभवति घेतव्वं, कइय-दिट्ठंतसामत्थेण, जहा-कोति नगरं गतो जत्थावणे सुवण्णं रययं वा तत्थ गेण्हति, एवं गंधियावणे चंदनादियं, नेसत्थिएसुमुसलिमादियं,

पोतिएसु (सालिमादियं) खज्जगविसेसो । एवं धम्मावणे तुमे धम्मो घेतत्वो । एवं पन्वितो वि जति नेच्छति ता ओहिमादि पुच्छिउं पासाद-कूव-वत्यु-क्कुरुडादिएसु ठियं दव्वं घेतुं दायव्वं, न य पडिसेहियव्वं ॥

[भा. ३०४८] अंतो पर-सक्खीयं, धम्मादानं पुणो वि नेच्छंते ।

सच्चेव होति जयणा, अरहितरहितम्मि जा भणिता ॥

चू-अनागंतुगे वि वेज्जे एस चेव विधी । धम्मं एव आदानं धम्मादानं “पुणो”त्ति पुणो पुणो भण्णमाणो जया तं णेच्छति तदा सच्चेव जयणा जा पच्छाकडादिएसु अरहिते रहिते वा पुव्वं आदीए भणिता । इह आदीए चेव सगच्छावणे सा चेव विधी ॥ जइ सग्गामे वेज्जो न होज्ज तो अन्नगामातो वि आनेयव्वो तत्थ । को विसेसो ? उच्यते-

[भा. ३०४९] पाहिज्जे नाणत्तं, बाहिं तु भणीए एस चेव गमो ।

पच्छाकडादिएसु, अरहितरहिते य जो भणितो ॥

चू-पाहेज्ज नाम कटामदावणियं, तं वत्थव्वस्स न भवति, एयं “नाणत्तं” विसेसो, “बाहि तु” त्ति अन्यग्रामगतस्येत्यर्थः । शेषं पूर्ववत् ॥ इमा जयणा-

[भा. ३०५०] मज्जणगादीच्छंते, बाहिं अब्भितरे व अनुसट्ठी ।

धम्मकह-विज्ज-मंते, निमित्त तस्सट्ठमण्णो वा ॥

चू-मज्जणंस्नानं, आदिसद्दात अब्भंगुव्वट्ठणादि आहार-सयणादि वा, “बाहिं”ति पंथे आगच्छं-तो त्ति गिलाणसगासे पच्छकडादिया कारविज्जंति, तेसऽसति अप्पाणेण कज्जति । अहवा - पच्छा-कडादियाण असती भणंति - बाहिं कूवतडागादिएसु ण्हायह, बाहिं अनिच्छंते अब्भितरे ण्हाणमिच्छंते अनुसट्ठीमादि कज्जति, विज्जामंतनिमित्तं वा तस्साउंटणनिमित्तं पयुंजति, अन्नो वा तहिं आउट्टेउं तस्स करेज्जति । अहवा - बाहिरवेज्जस्स अब्भंतरवेज्जस्स वा अनुसट्ठीमादीणि कहिज्जंति ॥

“धम्मकहि”त्ति अस्य व्याख्या-

[भा. ३०५१] तह से कहेति जह, होति संजओ सत्रि दाणसट्ठो वा ।

बहिया तु अण्हायंतो, करेति खुड्ढा सिमं अंतो ॥

चू-अक्खेवणादियाहिं कहाहिं तहा से धम्मं कहेति जहा सो पव्वयति, गिहियाणुव्वतो वा सावगो भवति । अविरयसम्मद्विट्ठी वा दाणपट्ठो वा मुहा वा जेण किरियं करेति । धम्मकहालद्धिअभावे विज्जामंतेहि वसीकज्जति, विज्जामतेहिं वा से ण्हाणादि आनिज्जति, निमित्तेण वा आउट्टिज्जति । असति सव्वेसिं अनिच्छे वा आमलग से दिज्जंति भणंति य बाहिं कूवतडागादिएसु ण्हायह । तेसु वि अनिच्छंते चेव इमं से खुड्ढा अंतो उवस्सगस्स करेति ॥

[भा. ३०५२] उसिणे संसट्ठे वा, भूमी-फलगाइ-भिक्व-चड्ढादि ।

अनुसट्ठी धम्मकहा, विज्जनिमित्ते य अंतो बहिं ॥

[भा. ३०५३] तेल्लुव्वट्ठण ण्हावण, खुड्ढासति वसभ-अन्नलिंगेण ।

पट्टदुगादी भूमी, अनिच्छ जा तूलि पल्लंको ॥

चू-खुड्ढा तं वेज्जं तेल्लेण अब्भंगेउं कक्केण उव्वट्टेउं उसिणोदगेण संसट्ठियं अन्नेन वा फासुएण ण्हाणेति, असती फासुगस्स जयणाए तावेति ण्हाणोदगं । खुड्ढासतीए य वसभा करेति, गच्छस्स

सुभासुभकारणेषु भारुव्वहणसमत्था वसभा भण्णंति, ते सलिंगपरिच्चाएण गिहिमाति अन्नलिंगड्डिता सव्वं ण्हाणादियं वेज्जस्सकरेति । एस ण्हाणं पति जयणा भणिता । इदानि “२ भूमीफलगाति” ति अस्य व्याख्या- “पट्टदुगादी” पच्छद्धं । भूमीए संधारपट्टे उत्तरपट्टे य सुवति, अनिच्छे भूमीए तप्पे सोविज्जति । तत्थ वि अनिच्छे फलगसंधारुत्तरपट्टं अत्थरिय सोविज्जति । तत्थ वि अनिच्छे उत्तरोत्तरं नेयं जाव तली पल्लंकेपि से दिज्जति ॥

इदानि “भिक्खे” ति अस्य व्याख्या-

[भा. ३०५४] समुदानि ओयणो, मत्तओ य नेच्छंत वीसु तवणा वा ।

एवं पणिच्छमाणे, होति अलंभे इमा जयणा ॥

चू- समुदानि ओदं भिक्खकूरो से दिज्जति, से तम्मि अनिच्छंते मत्तगो से वट्टविज्जति, तम्मि अनिच्छंते पि हि ओदणं वंजणं विविहं घेप्पति ताविज्जति तं पि अनिच्छंते अलंभे वा इमा जयणा ॥

[भा. ३०५५] तिगसंवच्छरतिगदुग, एगमणेगे य जोनिघाए य ।

संसट्टमसंसट्टे, फासुगमफासुगे जयणा ॥

चू- “तिगसंवच्छरे” ति - जेसिं सालिविहिमातियाण तिसु वरिसेसुं पुन्नेसु अबीयसंभवो भणितो, ताणं जे तंदुला ते तिच्छडा घेत्तव्वा । असति दुच्छडा घेत्तव्वा । असति एगच्छडा घेत्तव्वा । असति तिसंवच्छरणदुवरिसाते वि ति-दु-एगच्छडा कमेण घेत्तव्वा । असति दुसंवत्सरियाण एगवरिसाते वि ति-दु-एगच्छडा कमेण घेत्तव्वा । असति “अनेगे” य ति तिवरिसातो बहुतरकालं जेसिं ठीती भणिता ते वि ति-दु-एगच्छडा कमेण घेत्तव्वा । वरिसहाणि दड्डव्वा । वक्कंतजोणियाण असती, जोनिघाए ति जोनिघातेन जे तिसुगेगच्छडा कता ते कमेण घेत्तव्वा ॥

अस्यैवार्थस्य व्याख्या-

[भा. ३०५६] वक्कंतजोणि तिच्छड, दुएक्कच्छडणे वि एस चेव गमो ।

एमेव जोणिघाते, तिगाति इतरेण रहिते वा ॥

चू- वक्कंतजोणि तिच्छडा गतार्थं । दुग एग अस्य व्याख्या - दुगएगच्छडाण वि एस चेव गमो । वक्कंतजोणिरिति अनुवर्तते । “जोणिघाए यं” ति अस्य व्याख्या - “एमेव जोनिघाते तिगाति” छडिता । एते सव्वे अहाकडा तंदुला घेत्तव्वा । अहाकडाण असति तिवरिसिगाति कंडावेयव्वा । असति कंडतस्स “इयरेण” ति परलिंगेण “रहित्ति” ति असागारिए ठाणे स्वयमेव कंडयतीत्यर्थः । स्वलिंगेण वा असागारिए ठाणे । कूरदहणे पाणियं इमेरिसं “संसट्ट” पच्छद्धं । दहिमट्टिगादिभायणधोवणं संसट्टाधोवणं, असंसट्ट-फासुयं उण्होयगं तंदुलधोवणाति वा फासुयं, असति फासुगस्स अफासुगं पि जयणाए जं तसरहियं तं घेत्तव्वं ॥

[भा. ३०५७] पुव्वाउत्ता उवचुल्लचुल्लि सुक्खधणमज्जुसिरमविद्धे ।

पुव्वकय असति दाणे, ठवणा लिंगे य कल्लणा ॥

चू- “पुव्वं-पढमं गिहिहिं दारुयपक्खेवण समाउत्ता “पुव्वाउत्ता” भण्णति । का सा अवचुल्लि चुल्ली वा ? चुल्लीए समीवे अवचुल्ली । ताए पुव्वं तत्ताए रंधवेति । अवचुल्लासतीए चुल्लीए । पुव्वतत्तासतीए दारुयपक्खेवे इमेरिसा पक्खिवति - “सुक्खा” नार्द्रा, “घना” न पोल्ला वंशवत् । “अज्जुसिरा” न स्फुटिता, त्वचा युक्ता वा, धुणेहि न विद्धा ॥ एतेसिं दारुआणं इमं पमाणं-

[भा. ३०५८] हृत्पद्ममेतदारुय, निच्छल्लियमधुणिता अहाकडगा ।

असती य सयं करमं, अघट्टणोवक्खडमहाउं ॥

चू- हृत्पद्मं बारसंगुलदीहा, अवगयच्छली, धुणेहिं अविद्धा । एरिसा अहाकडा घेतत्त्वा, असती अहाकडाणं हृत्पद्ममेत्ता सयं करेति निच्छलेति य । उवक्खडेंतो न घट्टेति । उम्पुए परोप्पराओ उवक्खडिये न विज्झवेति । अहाउयं पालेत्ता स्वयमेव विज्झायति ॥

इमं से य पियणे पाणियं ण्हाणे पाणियं ।

[भा. ३०५९] कंजिय चाउलउदए, उसिणे संसट्टमेतरे चेव ।

ण्हाणपियणाइं पानग, पायासति चीर दहरए ॥

चू- कंजियं अवश्रावणं, चाउलधोयणमुयगं, उसिणोयगं वा, संसट्टिपाणगं वा, “मेतरं” फासुगं, मद्दणातिएसु अनिच्छस्स अफासुगं पि वा कप्पूरवासियं । एयं ण्हाणपियणादिकज्जेसु दिज्जति । एयं पानगं पाए ठविज्जति, असति अनिच्छे वा वारगे ठविज्जति, घनेन चीरेण दहरति य ॥ “भिक्खे”त्ति गयं । इदाणि “चडुगे” ति-

[भा. ३०६०] चडुग सराव कंसिय, तं रयत्ते सुवण्ण मणि सेले ।

भोत्तुं स एव धोवति, अनिच्छ किडि खुडु वसभा वा ॥

चू- चडुगं अठगेण कज्जति । तत्थ भुंजति । तत्थ वि अनिच्छंते कंसभायणे, तंबभायणे वा । अनिच्छे रयथाले सुवण्णथाले वा मनिसेले वा भायणे भुंजति । भुत्ते सो चेव सरावेति, अनिच्छे किडि-साविया धोवति, तस्साऽसति खुडिया, खुडियासति वसभा ॥ सीसोपुच्छति-कहं असंजयस्स संसट्टभायणं संजओ सारवेति ? आचार्याह-

[भा. ३०६१] पुयातीणि विमद्दइ, जह वेज्जो आउरस्स भोगत्थी ।

तह वेज्जपडिक्कम्मं, करेति वसभा वि मोक्खट्ठा ॥

[भा. ३०६२] तेगिच्छिगस्स इच्छा, ऽनुलोमणं जो न कुज्ज सति लाभे ।

अस्संजमस्स भीतो, अलस पमादी च गुरुगा से ॥

— किं चान्यत् -

चू- आलसेन अन्नतरपमातेन वा जो न करेति तस्स चउगुरुगा ॥

गिलाणवेयावच्चे इमे कारणा-

[भा. ३०५३] लोगविरुद्धं दुपरिच्चयो य कयपडिकयी जिणाणा य ।

अतरंतकारणे ते, तदट्टे चेव विज्जम्मि ॥

चू- गिलाणस्स जति वेयावच्चं न कज्जति तो लोगेन गरहियं, लोगुत्तरसंबंधेण य संबंधो दुपरिच्चयो, कतपडिकतिया य कया भवति । जिणाण य आणा कया भवति । एते अतरंतं वेयावच्चकारणा । तदर्थमिति ग्लानार्थे, वैद्यस्य वैयावृत्त्यकरणे त एव कारणा भवंति ॥

[भा. ३०६४] एसेव गमो नियमा, होइ गिलणे वि मज्जणादीओ ।

सविसेसो कायव्वो, लिंगविवेगेण परिहीणो ॥

चू- गिलाणस्स वि मज्जणाइओ एसेव विधी सविसेसो कायव्वो । नवरं-परिलंगमकर्तव्य-मित्यर्थः ॥ इदानिं संखेवमाह-

[भा.३०६५] को वोच्छिति गेलण्णे दुविहं अनुयत्तणं निरवसेसं ।

जह जायति सो निरुओ, तह कुञ्जा एस संखेवो ॥

चू- दुविधा अनुयत्तणा - वेज्जे गिलाणे य । शेषं पूर्ववत् । इदानिं वेज्जस्स दानं दायव्वं । तत्थिमो विधी - पच्छद्धं “अनुसट्ठी - धम्मकहा विज्ज निमित्ते य अंतो बहिं ।” “अंत” इति स वास्तव्यो वेज्जो, “बहि” रिति आगंतुग ॥

[भा.३०६६] आगंतु पउण जायण, धम्मावण तत्थ कति य दिट्ठंतो ।

पासादे कूवादी, वत्थुकुरुडे तहा ओही ॥

चू- गिलाणे पउणीभूए आगंतुगो जया भत्ति मग्गति तदा अनुसट्ठी से कज्जति, जहा - न वट्ठति जतीण हत्थातो वेयणगं घेतुं, मुहा कयाए बहुधम्मो भवति । कहालद्धिसंप्पण्णो वा से धम्मं कहेति । विज्जामंतेन वा वसे कातुं मोयाविज्जति, निमित्तेण वा आउट्टेउं मिलाविज्जति । इमो य से दिट्ठंतो कहिज्जति जहा - केण ति कतिएण गंधियावणे रूवगा दिन्ना, भणितं च (मम) मए एतेसिं किंचि भंडजातं दिज्जसि । सो अन्नया तम्मि आवणे मज्जं मग्गति, वणिएण भणितो - मम एयं पन्नं, तं गेणहसु, नत्थि मे मज्जं । एवं अम्ह वि धम्मावणातो धम्मं गेणहसु नत्थि दविणजायं ।

तम्मि अनिच्छे “ठवण” ति दारं । सेहेण पव्वयंतेन जं णिगुंजे कहि च ठवियं तं आनेउं दिज्जति । तस्सासति ओहिनाणी चोद्दस-दसपुव्वियं वा पुच्छिउं उच्छिन्नसामियं जं कहिंचि पासादे निहनयं, कूवे वा, आदिसद्दातो निद्धमणादि, वत्थुकुरु जं पडितं, जं वत्थवा निहानयं । अहवा - “वत्थुकुरुडं” उव्वस्सं उव्वस्सवत्थु तं नगरं, तत्थ जं निहाणयं तं घेतुं दायव्वं, जोनीपाहुडगपयोगेण वा कातुं दायव्वं ॥

[भा.३०६७] वत्थव्वं पुण जायण, धम्मादाणे पुनो अनिच्छंते ।

सच्चेव होति जयणा, रहिते पासायमादीया ॥

चू- “रहिए” ति पच्छाकडादिएहिं, सेसं तं चेव कंठं ॥ सव्वहा दविणजायस्स अभावे जो उवहिं मग्गति-

[भा.३०६८] उवहिम्मि पडग साडग, संवरणं वा वि अत्थरणगं वा ।

दुगभेदादाहिंडण, अनुसट्ठादी परलिंण हंसादी ॥

चू- पडगगगहणाओ पाउरणं मग्गति । साडगगगहणातो परिहाणं, जुवलं वा । संवरणग्रहणात् प्रच्छादनपडं णवतगच्छइ वा ? अत्थरणगगहणातो पत्थरणगं तूलिं वा । दुगभेतो संघाडगेण हिंडिउ मग्गिता दिज्जति से, संघाडगेण अलब्भंते वंदेण वि हिंडति, सव्वहा अलद्धे अनुसट्ठादी पयुंजति । से अनुसट्ठिमतिकंतेन सलिंणेण य अलब्भंते परिलिंणेण उप्पाएउं दिज्जति । हंसादी पूर्ववत् ॥ उवकरणं बितियपदेण न देज्ज-

[भा.३०६९] बितियपदे कालगते, देसुड्ढाणे व बोहिगादीसु ।

असिवादी असतीए य, ववहारपमाण अदसाइं ॥

चू- सो वेज्जो कालगतो गिलाणो वा, देसो वा उव्वसो जातो, बोधिगा मेच्छा, तब्भएण वा दिसोदिसं फुड्ढा, आदिसद्दातो परचक्कातिणा असिवं वा जायं, आदिसद्देण दुभिक्खं, रायदुडुं वा, “असइ” ति सव्वहा अलद्धे ववहारं करंति । ववहारेण वा निज्जियस्स न देंति, ववहारेण वा

दाविजंता पमाणहीणाणि अद्ध (द) साणि य दलयंति । अम्हं एते चेव सहिणा, नत्थि अन्नाणि ॥  
एवं वा न देज्ज आगंतुगवत्थव्वाण दविणजायं तं मग्गंताण इमो विधी-

[भा. ३०७०] कवडगमादी तंबे, रूपे पीए तहेव केवडिए ।  
हिंडण अनुसद्धादी, पूइयलिंगे तिविहभेदो ॥

चू- कवडुगा से दिजंति, ताप्रमयं वा जं नाणगं ववहरति तं दिज्जति । जहा दक्षिणावहे  
कागणीरुप्पमयं, जहा भिल्लमाले चम्मलातो, “पीय” ति सुवन्नं, जहा पुव्वदेसे दीनारो । केवडिओ  
यथा तत्रैव केतराता । संघाडगादिणा हिंडणं, अलद्धे अनुसद्धाती पयुज्जति ।

इदानिं “लिंग” ति दारं- “पुतियलिंगे तिविधे भेदो” ति । तम्मि विसए जं तिण्हं लिंगाणं  
पूतितं तेन हिंडंति पन्नवयंति च । तं च इमं सलिंगं गिहिलिंगं कुलिंगं च ॥

[भा. ३०७१] बितियपए कालगए, देसुद्धाणेसु बोहिगादीसु ।  
असिवादी असती य, ववहारऽहिरन्नगा समणा ॥

चू- इदानिं “कल्लाणे” ति दारं-

[भा. ३०७२] पउणम्मि य पच्छित्तं, दिज्जति कल्लाणगं दुवेण्हं पि ।  
वूढे पायच्छित्ते, विसंति ते मंडलिं दोवि ॥

[भा. ३०७३] अनुयत्तणा तु एसा, दव्वे वेज्जे य वन्निया दुविहा ।  
एत्तो चालणदारं, वोच्छं संकामणं वुमए ॥

चू- जाहे गिलाणो पउणो जातो ताहे से पंच कल्लामयं दिज्जति । पडियरगाण एक्ककल्लाणयं ।  
आहासंतरेण वा दुण्ह वि पंच कल्लाणगं । वूढे पच्छित्ते ताहे दो वि मंडले पविसंति ॥

“अनुयत्तण” ति मूलदारं गतं । इदानिं “चालणे” ति दारं-

[भा. ३०७४] वेज्जस्स व दव्वस्स व, अद्धा इच्छंति होति उक्खेवो ।  
पंथो व पुव्वदिद्धो, आरक्खियपुव्वभणितो य ॥

चू- पुव्वद्धस्स इमं वक्खाणं-

[भा. ३०७५] चतुपाया तेइच्छा, इह वेज्जा नत्थि न वि य दव्वाइं ।  
अमुगत्य अत्थि दोन्नि वि, जति इच्छसि तत्थ वच्चामो ॥

चू- तिगिच्छा चउप्पया भवति । तुमं गिलाणो, अम्हे य पडियरगा अत्थि । इह वेज्जो ओसहदव्वाइं  
च नत्थि । अमुयत्थ गामे नगरे वा दो वि अत्थि । गिलाणो भण्णति - जइ तुमं इच्छसि तो तत्थ  
वच्चामो ॥ गिलाणो भणति-

[भा. ३०७६] किं काहिति मे वेज्जो, भत्ताइकारयं इहं मज्झं ।  
तुब्भे वि किलसेमी, अमुगत्य ममं हरह खिप्पं ॥

चू- इहं वा अन्नत्थ वा जत्थ तुब्भेहिं अभिप्पेयंति तत्थ मे किं वेज्जो काहिति भत्तादिएसु  
अकारगेसु, तम्हा मा तुब्भे विकिलेसेमि, तो मे अमुगं गामं नगरं वा नेह । तत्थ मे भत्ताइकारयं  
भविस्सति । एवं भणंतो सो चालितो ॥ इमेहिं वा कारणेहि-

[भा. ३०७७] साणुप्पगमिक्खद्धा, खीणा दुद्धाइगाण वा अद्धा ।  
अब्भितरेरा पुण, गोरस सिंभुदय तित्तद्धा ॥

चू- नागरगिलाणं साणुप्पगभिक्खट्ठा गामं नयति, नगरे वा खीणा दुद्धादिया दव्वा न लब्धंतीत्यर्थः । “अब्धिमतर” त्ति नागरा एतेहिं कारणेहिं गामं गिलाणं नयति । इयरहा पुण गामेव्वयगिलाणस्स गोरसातिएहिं दव्वेहिं सिंभुदतो जातो ताहे उसूरे भिक्खट्ठा तित्त-कटु-कसायदव्वट्ठा य नगरं नयति ॥ अहवा नागरगिलाणं इमेण कारणेण गामं नयति-

[भा.३०७८] परिहीणं तं दव्वं, चमढिज्जंतं तु अन्नमन्नेहिं ।

कालातिक्कंतेन य, वाही परिवट्ठितो तस्स ॥

चू- नगरे अन्नोन्नगिलाणसंघाडएहिं ठवणकुला चमढिता, ताहे जं गिलाणपायोगं दव्वं परिहीणं तं न लभ्यतेत्यर्थः । अहवा - वेज्जेण तस्स साणुप्पए भत्तमाइडं, तं च न लब्धति, अतो तस्स नगरे कालातिक्कमेण वाही सुट्ठतरं परिवट्ठित ॥

एवमाति कारणे जाणित्ता अन्नोन्नं भणंति-

[भा.३०७९] उक्खिप्पत्तगिलाणो, अन्नं गामं वयं तु णेहामो ।

नेऊण अन्नगामं, सव्वपयत्तेण कायव्वं ॥

चू- नगरातो अन्नं नगरं, नगरातो अन्नं गामं, गामाओ वा नगरं, गामाओ वा अन्नं गामं । इह चतुर्थविकल्पो गृहीतः । पच्छद्धं कंठं । जइ रातीए गंतुकामा ताहे “पंथे पुव्वदिट्ठो” कीरइ जहा रातो गच्छंता न मुज्जंति । “आरक्खि” डंडवासिअं भण्णति - अम्हे पए गिलाणं नेहामो, तुमे चोराचारियं ति वा नाऊणं न घेतव्वा । जं सो भण्णति तं कायव्वं ॥

इदानि “संकमण” त्ति दारं-

[भा.३०८०] सो निज्जति गिलाणो, अंतरसम्मेलणाए संथोभो ।

नेऊण अन्नगामं, सव्वपमत्तेण कायव्वं ॥

चू- जं दिसं जं च गामं सो गिलाणो निज्जति ततो य दिसातो ततो य गामातो अन्नो गिलाणो नगरं आनिज्जति । अंतरे ते दो वि मिलिता परोप्परं वंदणं काउं निराबाहं पुच्छंति । गिलाण संथोभं करंति । एवं संकामणे “दुहओ”त्ति वुत्तं भवति, नागरा गामगिलाणं गेण्हंति, गामेयगा वि नागरगिलाणं ॥ इमं वोत्तुं-

[भा.३०८१] जारिस दव्वे इच्छह, अम्हे मोत्तूण ते न लब्धिहह ।

इयरे वि भणंतेवं, नियत्तिमो नेह अतरंते ॥

चू- नागरेहिं गामेयया भणिया जारिसे दव्वे तित्त-कटुकसायादिए इच्छह तारिसे दव्वे अम्हे मोत्तुं तुब्भे न लभित्था । इयरे वि गामेयया नागरे भणंति । तुब्भो अम्हेहिं विना दधि-घय-खीराइं न लभिच्छा । ताहे ते परोप्परं बेति - जइ एवं तो तुब्भे इमं नेह, अम्हे वि तुब्भच्चयं नेमो । एवं गिलाणानुमतेन संछोहो ॥ एवं तेहिं णेतुं परिगिलाणं सव्वपयत्तेण कायव्वं, नो निद्धमम्मयाए एवं चिंतेयव्वं वा-

[भा.३०८२] देवा हु ने पसण्णा, जं मुक्का तस्स ने कयंतस्स ।

सो हु अतित्तिक्खरोसो, अहियं वा वारणासीलो ॥

चू- ‘हु’ शब्दो अवधारणार्थः । “ने” आत्मनिर्देशः । निष्पन्नस्य वस्तुनः कृतस्यान्तकारित्वात् कृतान्तः कृतघ्नत्वात्तुल्येत्यर्थः । “अतित्तिक्खरोषः” ढढरोषः पुनः पुनः रोषकारी च, अधिकं

च व्यापारे नियुंजति - कृताकृतानि पुनः पुनः कारयतीत्यर्थः ॥

अहवा - निद्धम्मयाए इमं भाणिकुण न करेति से वेयावच्चं ।

[भा. ३०८३] तेनेव साइया मो, यस्स वि जीवियम्मि संदेहो ।

पउणो वि न एसऽम्हं, ते वि करेज्जा न व करेज्जा ॥

चू- गेलाणवेयावच्चे तेनं चिय अतीव सातिता, इदानिं न सक्केमो करेतुं । अहवा - एस जीवियसंदेहो किं निरत्ययं किलिस्सामो । पउणो वि एस अम्हं न भवति । किं करेमो । ते वि अम्हंतणगिलाणस्स करेज्ज वा न वा । अतो अम्हे वि न करेमो ॥

एवमादिएहिं निद्धम्मकारणेहिं-

[भा. ३०८४] जो उ उवेहं कुज्जा, आयरिओ केणती पमाणं ।

ओरावणा तु तस्सा, कायव्वा पुव्वनिदिद्धा ॥

चू- पुव्वनिदिद्धा चउगुरुगा इत्यर्थः । अहवा - लुद्धदारे दव्वादिया आरोवणा पुव्वनिदिद्धा । इहं पि उवेहाए सच्चेव ॥ यद्यपि कृतो निर्देशः तथापि विशेषज्ञापनार्थं पुनरुच्यते-

[भा. ३०८५] उवेहेऽपत्तियपरितावण महय मुच्छ किच्छ कालगते ।

चत्तारि छच्च लहु गुरु, छेदो मूलं तह दुगं च ॥

चू- गिलाणे उवेहं जो करेति तस्स चतुगुरुगा । उवेहाए कताए गिलाणस्स अप्पत्तियं जातं चउगुरुगा । उवेहकरणे जति गिलाणो अनागाढं परिताविज्जति तो चउलहुगा, गाढपरितावणे चउगुरुगा इत्यर्थः । महत इति महता दुक्खं भवति तो छल्लहुगा । एयं चेव दुक्खा दुक्खं भण्णति । “मुच्छ”त्ति मूर्च्छा उत्पद्यते तो छग्गुरुगा । यदि कृच्छपाणो भवति तो छेदो । जति कृच्छसासो मूलं । मारणंति यसमुग्घातेन समोहते अनवद्धो भवति । कालगए पारंचिओ भवति । एवं सव्वं उवेहं करेतस्स पच्छित्तं वुत्तं ॥

[भा. ३०८६] उवेहोभासण परितावण महत मच्छ किच्छ कालगते ।

चत्तारि छच्च लहु गुरु, छेदो मूलं तह दुगं च ॥

चू- उवेहाए ओभासंतस्स य दोसु वि चउलहुगा । उवेहाए कताए सो गिलाणो सयमेव गंतुं गिही ओभासइ । तस्स य सीयवायातवेहिं परिसमेण य परितावणाती ठाणा, तं चेव पच्छित्तं ॥

[भा. ३०८७] उवेहोभासण ठवणा, परितावण महत मुच्छ किच्छ कालगते ।

चत्तारि छच्च लहु गुरु, छेदो मूलं तह दुगं च ॥

चू- ठवणाए चउगुरुगा सो गिलाणो उवेहाए कताए ओभासिउं ओसहं भत्तपाणं वा ठवेति, “न सक्केमहं दिने दिने हिंडिउं”, तस्स तेन सीतलेन परितावणाती ठाणे तं चेव पच्छित्तं ॥

[भा. ३०८८] उवेहोभासण वारण, परितावण महत मुच्छ किच्छ कालगए ।

चत्तारि छच्च लहु गुरु, छेदो मूलं तह दुगं च ॥

चू- वारणे चउगुरुगा चेव गिलाणं वारेति मा ओभाससु, मा वा ठावेसु । गिही वा वारेति - मा देह ओभासंतस्स, एवं वारेति तस्स परितावणाईं ठाणा, तं चेव पच्छित्तं ॥

[भा. ३०८९] उवेहोभासणकरणे, परितावण महत मुच्छ किच्छ कालगए ।

चत्तारि छच्च लहु गुरु, छेदो मूलं तह दुगं च ॥



चू-सयंकरणे चउगुरुगा । गिहत्थेहिं वा कारवेति एत्थ वि चतुगुरुगा । सयंकरेंतस्स अयाणगेहिं वा करेंतेहिं परितावणाती ठाणा उप्पज्जति, तं चेव पच्छित्तं भवति ॥

[भा.३०९०] वेहानस ओहाणे, सलिंगपडिसेवण निवारेंते ।

गुरुगा य निवारेंते, चरिमं मूलं च जं जत्थ ॥

चू-अप्पडिजग्गितो गिलाणो जति निव्वेएण वेहानसं करेति तो अपडिजग्गंतथाण चरिमं । अह ओहावति तो मूलं । सलिंगडित्तो जति अकप्पियं पडिसेवति तो चतुगुरुगा । सलिंगडित्तं अकप्पि पडिसेवंतं जति वारेति तो चतुगुरुगा । जं “जत्थ”त्ति परितावणादियं पच्छित्तं तं दड्ढव्वं ॥

[भा.३०९१] संविग्गा गीयत्था, असंविग्गा खलु तहेव गीयत्था ।

संविग्गमसंविग्गा, नवरं पुण ते अगीयत्था ॥

[भा.३०९२] संविग्गसंजतीओ, गीयत्था खलु तहेवऽगीयत्था ।

गीयत्थमगीयत्था, नवरं पुण ता असंविग्गा ॥

चू-संजता वि - संविग्गा गीयत्था । असंविग्गा गीयत्था । संविग्गा अगीयत्था, असंविग्गा अगीयत्था । संजतीओ वि - संविग्गा गीयत्थीओ, असंविग्गा गीयत्थीओ । संविग्गा अगीयत्थीओ, असंविग्गा अगीयत्थीओ य ॥ एतेसु जति तं गिलाणं छड्ढेति तो जहा संखेण इमं पच्छित्तं-

[भा.३०९३] चउरो लहुगा गुरुगा, छम्मासा होति लहुग गुरुगा य ।

छेदो मूलं च तहा, अणवड्ढप्पो य पारंची ॥

चू-अहवा - इमेसु छड्ढेति-

[भा.३०९४] संविग्ग नितियवासी, कुसील ओसन्न तह य पासत्था ।

संसत्ता वेंटा वा, अह छंदा चेव अड्ढमगा ॥

चू-संविग्गा १ नितिया २ कुसीला ३ ओसन्ना ४ पासत्था ५ संसत्ता ६ वेंटा ७ अहा-छंदा ८ ॥ एतेसु अट्ठसु जहासंखं इमं पच्छित्तं-

[भा.३०९५] चउरो लहुगा गुरुगा, छम्मासा होति लहुग गुरुगा य ।

छेदो मूलं च तहा, अणवड्ढप्पो य पारंची ॥

चू-अहवा - इमेसु छड्ढेति-

[भा.३०९६] संविग्गो सेज्जायर, सावग तह दंसणे अहाभदे ।

दाणे सट्ठी परतित्थगा य परतित्थिगी चेव ॥

चू-संविग्गा संजता, सेज्जातरेसु वा गिहियानुव्वयसावगेसु वा, अविरयसम्मदिट्ठीसु वा, अहाभदएसु वा परतित्थियपुरिसेसु वा, परतित्थियइत्थीसु वा ॥

एतेसु जहासंखं छड्ढेंतस्स इमं पच्छित्तं-

[भा.३०९७] चउरो लहुगा गुरुगा, छम्मासा होति लहुग गुरुगा य ।

छेदो मूलं च तहा, अणवड्ढप्पो य पारंची ॥

चू-खेतओ छड्ढेंतस्स इमं पच्छित्तं भण्णइ-

[भा.३०९८] उवस्सग निवेसण, साही गाममज्झे य गामदारे य ।

उज्जाणे सीमाए, सीममतिक्रामइत्ताणं ॥

चू- उदुवासासु खेत्तसंकमणकाले उवस्सगे चेव छड्ढे उं गच्छति । निष्फेडिय उवस्सगाओ निवेसणे छड्ढेति । निवेसणातो निष्फेडिया साहीए छड्ढेति । गममज्झं जा णेउं छड्ढेति । गामदारे जा नेउं छड्ढेति । उज्जाणं जा नेउं छड्ढेति । गामसीमंते छड्ढेति । सग्गामसीमं अतिक्रमेउं परग्गामसीमाए छड्ढेति ॥ एतेसु जुहासंखं इमं पच्छित्तं-

[भा. ३०९९] चत्तारि छच्च लहु गुरु, उवस्सगा जाव सीमतिकंते ।

छेदो मूलं च तहा, अणवड्डप्पो य पारंची ॥

चू- जम्हा एयं पच्छित्तं आणादिया य दोसा भवन्ति तम्हा न छड्ढेयव्वो ॥

इमं कालप्पमाणं अवस्सं रक्खियव्वो-

[भा. ३१००] छम्मासे आयरियो, गिलाण परियट्ठती पयत्तेणं ।

जाहे न संथरेज्जा, कुलस्स उ णिवेयणं कुज्जा ॥

चू- जेण पव्ववितो, जस्स वा उवसंपन्नो सो आयरिओ सुत्तत्थपोरिसीओ वि मोत्तुं छम्मासं सव्वपयत्तेणं गिलाणं परियट्ठति । अन्नाहिं गणचिंताहिं असंथरंतो कुलसमवायं दाउं तसस निवेएति - समर्पयतीत्यर्थः ॥

[भा. ३१०१] संवच्छरा तिन्नि उ, कुलं परियट्ठती पयत्तेणं ।

जाहे न संथरेज्जा, गणस्स उ निवेयणं कुज्जा ॥

चू- कुलं वारग्गहणविन्त्यासेन एवमाचार्यमभ्यर्थ्य वारगेण वा योग्यभक्तपानकेन औषवगणेन च त्रिवर्षं सर्वप्रयत्नेन संरक्षतीत्यर्थः । परतो असंथरंतो गणस्वार्पयतीत्यर्थः ॥

[भा. ३१०२] संवच्छरं गणो वा, गिलाणं सारक्खती पयत्तेणं ।

जाहे न संथरेज्जा, संघस्स निवेयणं कुज्जा ॥

चू- कंठा । परतो गणो संघस्स निवेदयति, सो संघो जावज्जीवं करेति ॥

- उक्तार्थस्पर्शनगाथा -

[भा. ३१०३] छम्मासा आयरिओ, कुलं पि संवच्छराणि तिन्नि भवे ।

संवच्छरं गणो वी, जावज्जीवाइ संघो वि ॥

चू- आगाढे कारणजाते उप्पन्ने गिलाणस्स वेयावच्चं नो करेज्जा । छड्ढेज्ज वा गिलाणं-

[भा. ३१०४] असिवे ओमोयरिए, रायदुड्ढे भए व गेलण्णे ।

एएहिं कारणेहिं, अहवा वि कुल गणे संघे ॥

चू- असिवे उप्पणे, ओमोयरियाए वा, रायदुड्ढे य जाते, सरीर तेनगभए वा जाते, सव्वो वा गच्छो गिलाणो जाओ, एएहिं कारणेहिं अकरंतो सुद्धो, कुल-गण-संघ-समप्पणे वा कते अकरंतो सुद्धो । असिवाति कारणेसु इमा जयणा - असिवेम गच्छंतो गिलाणं वहिउं असमत्थो उवकरणं उज्झति, तहावि असमत्थो अन्नेसिं पडिबंधट्ठिताण अप्पेति, सेज्जातरातीयाण वा, थलीसु वा सन्निक्खवति, सव्वाभावे असमत्था य उज्झन्ति गिलाणं । एवं ओमोदरियादिसु वि । रायदुड्ढे जइ एक्कस्स पदुड्ढो तो अन्नेसिं अप्पेति । अह सव्वेसिं पदुड्ढो तो सावगादिसु निक्खिविउं वयंति ॥

मू. (६४५) जे भिक्खू गिलाणवेयावच्चे अब्भुट्ठियस्स सएण लाभेण असंथरमाणस्स जो तस्स न पडितप्पइ, न पडितप्पंतं वा सातिज्जति ॥

**चू-** भिक्खू गिलाणो य पुच्चवण्णिया । जो साहू गिलाणस्स वेयावच्चकरणे अब्भुद्धितो सो जाव गिलाणस्स ओसढं पाउग्गं वा भत्तपाणं वा उप्पाएति सरीरगप्पतिकम्मं वा करेति ताव वेलातिक्रमो, बेलातिक्रमे अडंतो नो फव्वति । एवं तस्स असंथरे अन्नो जो न पडियप्पति भत्तपानादिणा तस्स घउगुरुगा । परितावणाती-निष्फण्णं च । गिलाणो य सो य परिचत्तो भवति । तन्हा तस्स पडितप्पियव्वं । सीसो पुच्छति - गिलाणवेयावच्चे केरिसो साहू नियुज्जति ? आचार्याह-

[भा.३१०५] खंतिखमं मद्दवियं, असढमलोलं च लद्धिसंपन्नं ।

दक्ख सुभरमसुविरं, हियग्गाहिं अपरितंतं ॥

**चू-** कोहनिग्गहो खंति, अक्कोसमाणस्स वि जस्स खमाकरमे सामत्थमत्थि सो खंतीए खमो भण्णति । अहवा - खतीक्षमः अ(आ)धारेत्यर्थः । माननिग्गहकारी मद्दविओ । मायानिग्गहकारी असढो । इंदियविसयनिग्गहकारी अलोलो, उक्कोसं वा दद्धं जो एसणं न पेत्थेति सो वा अलोलो अलुद्धेत्यर्थः । लद्धिसंपन्नो जहा घयवत्थ(ज्झ) समित्ता । गिलाणातियं सिग्घं करेति दक्खे । अप्पेण अंतपंतैहिं वा जावेति त्ति वा सुभरोकुव्वाससह इत्यर्थः । असुविरो अनिद्दालू । गिलाणस्स जो चित्तमनुयत्तति अपत्थं च न करेति सो हियग्गाहि, गिलाणस्स वा अनुत्तप्पितो जो सुचिरं पि गिलाणस्स करंतो जो न भज्जति सो अपरितंतो ॥

[भा.३१०६] सुत्तत्थ अपडिबद्धं, निज्जरापेहिं जिइंदियं दंतं ।

कोउहलविष्पमुक्कं, अनानुकित्तिं सउच्छाहं ॥

**चू-** जो य सुत्तत्थेसु अपडिबद्धो-गृहीतसूत्रार्थ इत्यर्थः । निज्जरापेही नो कयपडिकितीए करेति, जिर्तिदिदो जो इद्धनिद्धेहिं विसएहिं रागदोसे न जाति, सुकर-दुक्करेसु महप्पकारणेसु य जो अविकारेण भरं उव्वहति सो दंतो, इंदियनोइंदिएसु वा दंतो, नडादि-कोउएसु य विष्पमुक्को, काउं जो थिरत्तणेण नो विकत्थति - “को अन्नो एवं काउं समत्थो” त्ति, “तुज्झ वा एरिसं तारिसं मए कयं” त्ति, जो एवं न कथयति सो अनानुकिती, अनालस्सो सउत्साहो । अहवा - अलब्भमाणे वि जो अविस्सण्णो मग्गति सो स-उच्छाहो ॥

[भा.३१०७] आगाढमनागाढे, सद्दहगणिसेवगं च संठाणे ।

आउरवेयावच्चे, एरिसयं तु निउंएज्जा ॥

**चू-** आगाढे रोगायंके अनागाढे वा, आगाढे खिप्पं करणं अनागाढे कमकरणं जो करेति । अहवा - आगाढजोगिणो अनागाढजोगिणो वा जहा किरिया कायव्वा, जा वा जयणा एवं सव्वं जो जाणति, सो य उस्सग्गाववाए सद्दहति, ते य जो सद्दहाणे निसेवति, उस्सग्गे उस्सग्गं, अववाए अववायं । अहवा - सद्दहाणं आयरियाती, तेसिं जं जोग्गं तं तस्स उप्पाएति देति य । एरिसो गिलाणवेयावच्चे निउंजति ॥

[भा.३१०८] एयगुणविष्पहूणं, वेयावच्चम्मि जो उ ठावेज्जा ।

आयरिओ गिलाणस्सा, सो पावति आणमादीणि ॥

**चू-** वण्णितगुणविवरीतं जो गिलाणवेयावच्चे ठवेति सो आयरिओ आणाती दोसे पावति ॥

[भा.३१०९] एतेसि परूवणता, तप्पडिपक्खे य पेसवेंतस्स ।

पच्छित्तविभासणता, विराहणा चेव जा जत्थ ॥

**चू-** एतेसिं खंतिमातियाणं पयाणं यथार्थं प्ररूपणा कायव्वा । तप्पडिपक्खा खंतिवखमस्स कोहिणो, महवियस्स माणिणो, असढस्स माई, एवमादियाण पच्छित्तविभासा कायव्वा - व्याख्या इत्यर्थः । अजोगेहिय वेयावच्चे णिउजंतेहिं जा गिलाणस्स विराहणा सा य वत्तव्व पडिपक्खदोसला ॥ इमं पच्छित्तं-

[भा. ३११०] गव्विय कोहे विसएसु, दोसु लहुगा उ माइणो गुरुगो ।

लोभिंदियाण रागे, चउगुरु सेसेसु लहु भयणा ॥

**चू-** माणिस्स कोहिणो, अजिइंदियस्स विसएसु, दोसु कारिणो चउलहुगा । मायाविणो मासगुरुं लोभिस्स अजिइंदियस्स य राग-कारिणो चउगुरुगा । “सेसेसु” ति अलद्धिसंपन्नो अदक्खो दुब्भरो सुविरोहियपडिकूलो परितंतो सुत्तत्थपडिबद्धो अनिज्जरपेही अदंतो कोतूहली अप्पप्पसंसी अनुच्छाही आगाढानागाढेसु विवरीयकारी असद्दहणगो परट्टाणा निसेवी एतेसु लहुमासो । “भयण” ति एते सव्वे पदा मासलहुपच्छित्तेण भइयव्वा - योजयितव्या इत्यर्थः । अहवा - “भयण” ति आतेसंतेन वा चउलहुगा । अहवा - “भयण” ति अंतराइयकम्मोदएण अलद्धी भवति सो य सुद्धो, जो य पुण सलद्धी अप्पाणं “अलद्धिमं” ति दंसेति तो असामायारिनिष्फण्णं मासलहुं । एवं सेसेसु वि उवउज्ज वत्तव्वं ॥

[भा. ३१११] एवं ता पच्छित्तं, तेसिं जो पुण ठवेज्ज ते उ गणे ।

आयरियगिलाणट्टा, गुरुगा सेसाण तिविहं तु ॥

**चू-** एवं पच्छित्तं पडिपक्खे जे कसाइयदोसा ता तेसिं भणियं । जो पुणो आयरिओ एते गणे गिलाणात्ति-वेयावच्चकरणे ठवेति तस्स चउगुरुगा । सेसा जइ ठवेति तेसिं इमं तिविधं पच्छित्तं - उवज्जातो जइ ठवेति तो चउलहुं, वसभस्स मासगुरुं, भिक्खुस्स मासलहुं । अहवा - उवज्जायस्स चउलहुं, गीयत्थस्स भिक्खुस्स मासगुरुं, अगीयत्थस्स मासलहुं । एवं वा तिविधं - अखंतिखमातिएसु कलहातिकरंतेसु गिलाणस्स गाढाति परितावणादिया दोसा ॥ इमे य भवंति-

[भा. ३११२] इहलोइयाण परलोइयाण लद्धीण फेडितो होति ।

जह आउगपरिहीणा, देवा लवसत्तमा चेव ॥

**चू-** इह लोइया आमोसहिखेलोसहिमादी, परलोइया सग्गमोक्खा, तेसिं फेडितो भवति । जहा आउगे अपहुच्चंते व लवसत्तमा देवा जाता । एवं गिलाणो वि असमाहीए अट्टज्जाणी अनाराहो भवति । तिरियाइकुगतीसु य गच्छति, न वा इहलोए आमोसहिमातीओ लद्धीओ उप्पाएति । जम्हा एते दोसा तम्हा वेयावच्चकरो न ठवेयव्वो ॥

[भा. ३११३] एयगुणसमग्गस्स तु, असतीए ठवेज्ज अप्पदोसतरं ।

वेयालणा उ इत्थं, गुणदोसाणं बहुविगप्पा ॥

**चू-** वण्णियगुणसमग्गाभावे अप्पदोसतरं ठवेति, अदोसं पच्छित्ताणुलोमओ जाणेज्जा । दोसवियालणेण य बहु विकप्पा उप्पजंति । जहा - कोहे माणो अत्थि वा न वा । माणे पुण कोहो नियमा अत्थि । तम्हा कोहीओ माणी बहुदोसतरो । तम्हा कोहिं ठवेज्जा नो माणिं । एवं सव्वपदेसु वियालणा कायव्वा ॥ इदानिं सुत्तत्थो-

[भा. ३११४] जे भिक्खू गिलाणस्सा, वेयवच्चेण वावडं भिक्खुं ।

लाभेणऽभणएणं, असंथरं तं न पडितप्पे ॥

चू- “वावडो” व्यापृतः, अक्षणिकः, तस्य भिक्खुणो अन्नो भिक्खू जो न पडितसि तस्स चउगुरुं परितावणातिनिष्फणं च ॥ इमं च पावति-

[भा.३११५] सो आणा अणवत्थं, मिच्छत्त विराहणं तथा दुविहं ।

पावति जम्हा तेनं, तं पडितप्पे पयत्तेणं ॥

चू- तम्हा तस्स पडितप्पियव्वं सव्व पयत्तेण ॥ कारणे न पडितप्पिज्जा वि-

[भा.३११६] वितियपदं अणवट्ठो, परिहारतवं तहेव य वहंतो ।

अत्तट्ठियलाभी वा, सव्वहा वा अलंभंते ॥

चू- अणवट्ठतवं जो वहति साहू सो न पडितप्पेज्जा । अणवत्थो वा कारणे गिलाणवेयावच्चकरो कतो तस्स इयरे नो पडितप्पति, एवं परिहारिओ वि वत्तव्वो, अत्ताहिट्ठियजोगी अत्तलाभिओ अन्नस्स संतियलाभं नो भुंजति अतो अपडितप्पेज्जा, तथावि अलब्भंते अपडितप्पमाणो वि सुद्धो ॥

मू. (६१९) जे भिक्खू गिलाणवेयावच्चे अब्भुट्ठिए गिलाणपाउग्गे दव्वजाए अलब्भमाणे जो तं न पडियाइक्खइ, न पडियाइक्खंतं वा सातिज्जति ॥

चू- भिक्खू गिलाणो य पूर्ववत्, अब्भुट्ठितो वेयावच्चकरणोधतः, पाउग्गं ओसहं भत्तं पानं वा, तम्मि अलब्भते जति सो वेयावच्चकरो अन्नेसिं साहूणं न करेहि आयरियस्स वा, तो चउगुरुं परितावमदिनिष्फणं च ।

[भा.३११७] आउरपाउगगम्मी, दव्वे अलब्भंते वावडे तस्स ।

जो भिक्खू नातिक्खति, सो पावति आणमादीणि ॥

चू- वावडो व्यापृतः नियुक्तः, जति अन्नेसिं न कहेति तो आणादिणो दोसा ॥

“दव्वजाए” त् अस्य सूत्रपदस्य - व्याख्या-

[भा.३११८] जायग्गहणे फासु, रोगे वा जस्स जं च पाउग्गं ।

तं पत्थ-भोयणं वा, ओसह-संथार-वत्थादी ॥

चू- अलब्भमाणे अन्नेसिं साधूणं अकहिज्जंते इमे दोसा-

[भा.३११९] पारतावमहादुक्खे, मुच्छामुच्छे य किच्छपाणे य ।

किच्छुस्सासे य तथा, समोहए चेव कालगते ॥

चू- परितावण दुविधा - अनागाढागाढा, पासे छप्पयाए गाहाए चेव गहिता ॥

एसु अट्ठसु पदेसु जहासंखं इमं पच्छित्तं-

[भा.३१२०] चउरो लहगा गुरुगा, छम्मासा हींति लहुग गुरुगा य ।

छेदो मूलं च तथा, अणवट्ठप्पो य पारंची ॥

चू- जम्हा एते दोसा-

[भा.३१२१] तम्हा आलोएज्जा, संभोइय असति अन्नसंभोए ।

जइऊण च ओसन्ने, सच्चेव उ लद्धिहाणिधरा ॥

चू- आलोयणं नाम अन्नेसिं आख्यानं, तं च आख्यानं सगच्छे, तेसिमसति अन्नगच्छे संभोतियाणं, तेसिमसति अन्नसंभोतियाणं, तेसिमसति पणगपरिहाणीए जतितुं जाहे मासलहुं पत्तो ताहे ओसन्नाणं कहेति, जइ एवं न करेति तो सच्चेव इहलोइय-परलोइयलद्धिहानीदोसो

भवति । “इहर”त्ति अनाख्यायंतस्येवेत्यर्थः ॥ भवे कारणं जेण अन्नेसिं न कहेज्जा वि-

[भा.३१२२] बितियपदं दोच्चे वा, अन्नग्गामे व संभमेगतरे ।

तस्स व अपत्थदव्वे, जायंते वा अकालम्मि ॥

चू- ते दो वि चेव जना - एगो गिलाणो एगो पडियरगो । सो पडियरगो अन्नाभावे कस्स कहेउ । अन्नग्गामे वा अन्ने साहुणो कस्स कहेउ । परिचरगो उदगागणि-हत्थि-सीह-वोहिगादी एतेसिं संभमाणं एगतरं वट्टमाणे अप्पं पराभूतेसु दिसोदिसं फुडितेसु कस्स साहउ । जं वा दव्वं लब्भति तं गिलाणस्स अपत्थं तेन अन्नेसिं न कहेति, गिलाणो वा अपत्थं दव्वं मग्गति तेन वा न कहेति, अन्नेसिं अकाले वा जायंते न साधयति । अहवा - गरहियविगतीतो मग्गति ते य अन्ने अपरिणया ताहे न साधति, मा विप्परिणाभिस्संति । एवमादिएहिं कारणेहिं असाहेतो सुद्धो ॥

मू. (६४७) जे भिक्खू पढमपाउसम्मि गामाणुग्गामं दूइज्जति, दूइज्जंतं वा सातिज्जति ॥

मू. (६४८) जे भिक्खू वासावासं पज्जोसवियंसि दूइज्जति, दूइज्जंतं वा सातिज्जति ॥

चू- “जे” त्ति निद्देसे, भिक्खू पुव्वण्णितो । पाउसो आसाढो सावणो य दो मासा । तत्थ आसाढो पढमपाउसो भण्णति । अहवा - छण्हं उतूण जेन पढमपाउसो वन्निज्जति तेम पढमपाउसो भण्णति । तत्थ जो गामाणुग्गामं दूइज्जति, अनुपश्चादभावे, दोसु सिसिर-गिम्हेसु रीतिज्जति दूइज्जति, दोसु वा पाएसु रीइज्जति दूइज्जति तस्स चउगुरुं । आणातिणो य दोसा भवंति । एस सुत्तथो । इदानिं निज्जुत्ति-

[भा.३१२३] विहिसुत्ते जो उ गमो, पढमुद्देसम्मि आदिओ सुत्ते ।

सो चेव निरवसेसो, दसमुद्देसम्मि वासासु ॥

चू- विधिसुत्ते सब्बो चेव आयारो, इह तु विसेसेण आचारांगस्य बितियसुयक्खंधे ततियज्झयणं इरिया भण्णति, तस्स वि पढमुद्देसे तस्स वि आदिसुत्तेसु जो विधी भणितो सो चेव निरवसेसो निसीहदसमुद्देसे पढमपाउग्गसुत्ते विधी वत्तव्वो । सो य इमो - अब्भुवगते खलु वासावासे अभिप्पवुट्टे इमे पाणा अभिसंभूता बहवे बी अहुणाभिन्ना अंतरा से मग्गा बहुपाणा बहुबीया जाव ससंताणगा अनभिक्कंता पंथा नो वित्राया मग्गा सेवं णच्चा नो गामाणुग्गामं दूतिज्जेज्जा तओ संजयामेव वासावासं उवल्लिइज्जा ॥ तम्मि य पढमपाउसम्म विहरंतस्स इमं पच्छित्तं-

[भा.३१२४] वासावासविहारे, चउरो मासा हवंतऽनुग्घाया ।

आणादिणो य दोसा, विराधना संजमाताए ॥

चू- वास इति वर्षाकालः, द्वितीयवासग्रहणात् वर्षमाने जो विहरति तस्स चउरो मासा अनुग्घाया भवंति । आणादिणो य दोसा, संजमायविराहणा य भवति । अधवा - वासा इति वर्षाकालः, द्वितीयवासग्रहणात् निवसनं, तस्मिन् यो विहरति । शेषं गतार्थं ॥

इमा संजमविराधना-

[भा.३१२५] छक्कायाण विराधन, आवडणं विसम-खाणु-कंटेसु ।

वुज्झण अभिहण-रुक्खो-ल्लासावते तेन उवचरते ॥

चू- “छक्कायाण विराधन”त्ति अस्य व्याख्या-

[भा.३१२६] अक्खुण्णेषु पहेसू, पुढवी उदगं च होति दुविधं तु ।

उल्लपयावण अगणी, इहरा पणओ हरित कुंथू ॥

चू- अक्खुण्णा अमर्दिताः पंधानः तेसु विहरंतो पुढवीकायं विराहेति, उदगं च दुविधं - वासुदगं भोमुदगं च विराहेति, उल्लुवहिं जइ अगणीए पयोवेति तो अगनिविराहना, यवान्निस्त्र वायोः सम्भवः, अपयावेंतस्स आयविराहण । इहरा अपयावेंतस्स वा उल्ली समुच्छति तं विराहेति, हरियं च, एवं वणस्सतिविराहणासभवो, कुंधुमादिया य बहू तसा पाणा विराहेति । एसा संजमविराहणा भणिता ।

इमा आयविराधना - वरिसे उल्लणभया रुक्खस्स अहो ठायति, सीरेण आवडइ वडसालमाइएसु, विसमे वा पडइ, पाएण वा खाणुए अप्फडइ, कंटगेसु वा विज्झति, उदगवाहेण वा वुज्झइ, तिडिभित्त-रुक्ख-विज्जुमाइएसु अभिहण्णइ, उलंतो वा रुक्खमुवल्लिअंतो सावतेन खज्जति, उल्लुवहिणा वा अजीरंतो आयविराहण । अवहंतोसु वा पंधेसु तेनगा दुविहा भवंति, अकाले वा विहरंतो उवचरगो त्ति काउं घिप्पइ ॥ इमेहिं कारणेहिं पाउसवासासु रीएज्जा-

[भा. ३१२७] असिवे ओमोयरिए, रायदुट्टे भए व गेलण्णे ।

आबाहादीएसु तु, पंचसु ठाणेसु रीएज्जा ॥

चू- असिवे उप्पन्ने गच्छेज्ज, परपक्खोमोदरियाए असंधरंतो गच्छति, रायदुट्टे विराहणभया गच्छति, बोहिग तेनभए हरणभया गच्छति, अन्नत्थ गिलाणो तप्पडियरणट्टाए गच्छति । “आवाहातिएसु तु” तु शब्दो अवधारणार्थे, एते चेव असिवाती पंचट्टाणा इत्यर्थः । जत्थ पुणं एवं पट्ठिज्जति - “आबाहातिएसु व” तत्थ आबाहादिता इमे पंचट्टाणा - १ आबाहं, २ दुभिकखं, ३ भयं, ४ दओधं, ५ परिभवति वा कोति । सीरिवज्जा पीडा आबाहं, दुब्भिकखभया पुव्वुत्ता, हओधेण वसही गामो वा तत्थ वूढो, दंडमाती पडिणीतो, कोति परिभवंणं तालणं वा करेज्ज ॥

[भा. ३१२८] एवं तु पाउसम्मी, भणिया वासासु नवरि चउलहुगो ।

ते चेव तत्थ दोसा, बितियपदं तं चिमं चरं ॥

चू- वासासु वि एवं चेव, नवरि चउलहुअं पच्छित्तं । वासासु विहरणे बितियपयं तं चेव ॥

[भा. ३१२९] असिवे ओमोयरिए, रायदुट्टे भए व गेलण्णे ।

नाणाइतिगस्सट्टा, वीसुंभण-पेसणेणं वा ॥

चू- पुव्वच्छं पूर्ववत् । इम च अन्नं - नाणाइ पच्छच्छं, नाणातितिगस्सट्टा गच्छति । तत्थ नाणनिमित्तं अपुव्वं सुयक्खंधं अन्नस्स आयरियस्स अत्थि । सो य भत्तं पच्चक्खाउकामो भजति । न घेप्पति तो वोच्छिज्जति, अतो तदट्टा गच्छेज्ज । एवं दंसणपभावगाण वि अट्टा गच्छे । चरित्तट्टा-तत्थ खेत्ते चरित्तं न सुज्झइ इत्थीदोसेहिं, एसणा दोसेहिं, अतो वासासु अन्नं खेत्तं गच्छे । “वीसुंभण” त्ति जीवो सीरारातो सीरं वा जीवातो वीसुं पृथगभूतं, आचार्यो मृत इत्यर्थः, तम्मि मते गच्छे अन्नो आयरिओ नत्थि अतो गच्छति । अह उतिमट्टं कोइ पडिवज्जिउकामो त्स विसोहकरणट्टताए गच्छिज्जा । एतदेव पेसणं । अहवा - आयरिएण अन्नतरे उप्पइयकारणे पेसितो, जहा अज्जरक्खियसामिणा गोट्टामाहिलो ॥ उक्तविशेषज्ञापनार्थं पुनरुच्यते-

[भा. ३१३०] आऊ तेऊ वाऊ, दुब्बलसंकामिते व ओमाणे ।

पाणाइ सप्प कुंधू उट्टण तह थंडिलस्सऽसती ॥

चू- आउक्काएण वा वसही प्लाविता, थंडिलाणि वा गामो वाहडो, अगनिक्काएण वा वसही

दद्वा गामो वा, वातेन वा वसधी भग्ना, “दुब्बल” त्ति वासेण तम्मिमाणा दुब्बला वसही जाता, सा पडिउकामा संकामित” त्ति सो गामो अन्नस्स पडिनीयस्स दिन्तो । अहवा - ते वत्थव्वा अन्नत्थ संकामिया तम्मि य गामे अन्ने आवसिता । “ओमाणे” त्ति इंदमहादिएसु तत्थ पंडरंगदतो आगता, तेहिं ओमाणं जातं, उब्भिञ्ज-बीय-सावएहि य वसधी संसत्ता, आदिसद्दातो मक्कोडग-उधेइमादी दडुव्वा, सप्पो वा वसहीए ठितो, अनुद्धरि कुंथूहिं वा वसही संसत्ता, गामो वा उद्धितो, वियारभूमि-निसिहियस्स वा असइ ॥ एवमादि होज्ज वाघाउ त्ति ताहे इमं वहिपुव्वं चेव करेत्ति-

[भा. ३१३१] मूलगामे तिन्नि उ, पडिवसभेसु वि य तिन्नि वसधीओ ।

ठायंते पडिलेहा, वियारवाघायमायद्वा ॥

चू- मूलगामो जत्थ साधवो ठिता तम्मि गामे तिन्नि वसहीओ गिण्हंति, भिक्खायरियगामादि पडिवसभा भण्णांति, तेसु वि पत्तेयं तिन्नि तिन्नि वसहीओ पडिलेहेत्ति । स्यात्-किमर्थं ? जति मूलगामे वियारभूमि ए वसहीए वाघातो भवति तो तेसु पडिवसभेसु ठायतीत्यर्थः ॥

आउक्कायादि वाघाते उप्पन्ने इमा जयणाविधी-

[भा. ३१३२] उदगागणिवातादिसु, अन्नस्सऽसती य थंभणुद्ववणा ।

संकामितम्मि भयणा, उद्वण थंडिल्ल अन्नत्थ ॥

चू- उदगेण अगणीए वातेन अहिणा वा वसहीए वाघाते उप्पन्ने अन्नवसहीए ठायंति । असति अन्नवसहीए विज्जाए उदगादिया थंभिज्जति । उद्वणं नाम विज्जाए सप्पो अन्यत्र नीयते इत्यर्थः, संकामणे भयणा-जति भद्दगो गामसामी लोगो वा तो अचच्छंति, पंतेसु गच्छंति, उद्धिते गामे, थंडिल्लस्स असतीए अन्नं गामं गच्छंति ॥ ओमाणे इमा जयणा-

[भा. ३१३३] इंदमहादीसु समागएसु परतित्थिएसु य जतंति ।

पडिवसभेसु सखेत्ते, दुब्बलसेज्जायए थूणं ॥

चू- इंदमहादिएसु समागतेसु बहुसु परतित्थिएसु, सखेत्ते पडिवसभेसु जतंति अंतरपल्लीसु य, तेसु वि असंथरंता गच्छंति । दुब्बलसेज्जाए पुणं थूणं दलयंति, जं वा दुब्बलं तं करेत्ति ॥

वसहिपमज्जणे इमो विधी-

[भा. ३१३४] दोन्नि उ पमज्जणाओ, उदुम्भि वासासु ततियमज्जण्णे ।

वसहि बहुसो पमज्जति, अतिसंघट्टं तहिं गच्छे ॥

चू- अससत्ता वि उडुबद्धे दो वारा वसही पमज्जिज्जति - पुव्वण्हे अवरण्हे य । वासासु तिन्नि वारा, सा य सज्जण्हे तइय वारा भवति । उडुबद्धे वासासु वा कुंथुमादि एहिं पाणेहिं संसत्ते जहाभिहियप्पमाणातो अइरित्तपमज्जणाए बहुसो वि पमज्जिज्जति । अतिसंघट्टणेण वा पाणिणं अन्नं गामं गच्छे ॥

[भा. ३१३५] एएहिं कारणेहिं, एग-दुगंतर-तिगंतं वा वि ।

संकममाणो खेत्तं, पुट्ठो वि जतो नऽतिक्रमति ॥

चू- एवमादिकारमेहिं एगगामंतरं तिग्गामंतरं बहुगामंतरं वा संकमंतो अन्नं खेत्तं पुट्ठो वि दोसेहिं “जतो” त्ति यत्नेन आज्जा मेरं च नातिक्रामतीत्यर्थः । अहवा - “जतो” त्ति यतो नातिक्रमति ततः गच्छतीत्यर्थः ॥ पंथं पडुच्च इमा जयणा-



[भा.३१३६]उत्तण-ससावयाणि य, गंभीराणि य जलाणि वज्जेता ।

तलियारहिता दिवसं, अब्भासतरे च जे खेत्ते ॥

चू- उद्धत्तणा उत्तणा दीर्घा तिणा जम्मि पंथे तेन न गच्छे, सीहवग्घादिएहिं ससावयाणि य तणाणि य जम्मि पंथे । अहवा - मगरादिएहिं ससावगा जला जम्मि पंथे, गंभीरा अत्थाघा जला जम्मि पंथे, एते पंथे वज्जेतो गच्छति । तलियारहिया अनुवाहणा, तं पि दिवसतो गच्छति न रात्रौ, जं च अब्भासतरं खेत्तं तं गच्छति ॥

मू. (६४९) जे भिक्खू पज्जोसवणाए न पज्जोसवेइ, न पज्जोसवेतं वा सातिज्जति ॥

मू. (६५०) जे भिक्खू अपज्जोसवणाए पज्जोसवेति, पज्जोसवेतं वा सातिज्जति ॥

चू- दो सुत्ता जुगवं वच्चति । इमो सुत्तत्थो-

[भा.३१३७] पज्जोसवणाकाले, पत्ते जे भिक्खू नोसवेज्जाहि ।

अप्पत्तमतीते वा, सो पावति आणमादीणि ॥

चू- जे भिक्खू पज्जोसवणाकाले पत्ते न पज्जोसवति । “अपज्जोसवणाए”ति अपत्ते समतीते वा जो पज्जोसवति तस्स आणादिया दोसा चउगुरुं पच्छित्तं । एस सुत्तत्थो । इमा जिज्जुत्ती-

[भा.३१३८] पज्जोसवणाए अक्खराइ हींति उ इमाइं गोण्णाइं ।

परियायवत्थवणा, पज्जोसवणा य पागइता ॥

[भा.३१३९] परिवसणा पज्जुसणा, पज्जोसवणा य वासावासो य ।

पढमसमोसरणं ति य ठवणा जेद्दोग्गहेगद्धा ॥

चू- “पज्जोसवण”ति एतेसिं अक्खराणि इमाणि एगड्ढिताणि गोण्णनामाणि अट्ट भवंति । तं जहा परियायवत्थवणा, पज्जोसवणा य, परिवसणा, पज्जुसणा, वासावासो, पढमसमोसरणं, ठवणा, जेद्दोग्गहोत्ति, एते एगड्ढिता । १. एतेसिं इमो अत्थो- जम्हा पज्जोसवणादिवसे पव्वज्जापरियागो व्यपदिश्यते-व्यवस्थाप्यते संखा- “एत्तिया वरिसा मम उवट्ठावियस्स”ति तम्हा परियायवत्थवणा भण्णति । २ जम्हा उदुबद्धिया दव्व-खेत्त-काल भावा पज्जाया, एत्थ परि समंता ओसविज्जति - परित्यजन्तीत्यर्थः, अन्ने य दव्वादिया वरिसकाल-पायोग्गा धेत्तुं आयरिज्जति तम्हा पज्जोसवणा भण्णति । “पागय” ति सव्वलोगपसिद्धेण पागतभिधाणेण पज्जोसवणा भण्णति । ३ जम्हा एगखेत्ते चत्तारि मासा परिवसंतीति तम्हा परिवसणा भण्णति । ४ उदुबद्धियावाससमीवातो जम्हा पगरिसेण ओसंति सव्वदिसासु परिमाणपरिच्छिन्नं तम्हा पज्जुस्सणा भण्णति । पज्जोसवणा इति गतार्थः । ५ वर्ष इति वर्षाकालः, तस्मिन् वासः वासावासः । ६ प्रथमं आद्यं बहूण समवातो समोसरणं । ते य दो समोसरणा - एगं वासासु, बितियं उदुबद्धे । जतो पज्जोसवणातो वरिसं आढप्पति अतो पढमं समोसरणं भण्णति । ७ वासकप्पातो जम्हा अन्न वासकप्पमेरा ठविज्जति तम्हा ठवणा भण्णति । ८ जम्हा उदबद्ध एक्कं मासं खेत्तोग्गहो भवति वासावासासु चत्तारि मासा, तम्हा उदुबद्धियाओ वासे उग्गहो जेद्दो भवति । एषा व्यंजनतो नानात्वं, नन्यर्थतः ॥ एतेसिं एगड्ढियाणं एगं ठवणापदं परिगृह्यते तस्मि निक्खित्ते सव्वे निक्खित्ता भवंति-

[भा.३१४०] ठवणाए निक्खेवो, छक्को दव्वं च दव्वनिक्खेवे ।

खेत्तं तु जम्मि खेत्ते, काले कालो जहिं जो उ ॥

चू- ठवणाए छव्विहो निक्खेवो तं जहा - नामठवणा ठवणठवणा दव्वठवणा खेत्तठवणा कालठवणा भावठवणा । नाम-डुवण-ठवणातो गयाओ । दव्वडुवणा दुविधा - आगमतो नो आगमतो य । आगमतो जाणए अनुवउत्ते । नो आगमतो तिविधा - तं जहा जाणगसरीरडुवणा भवियसरीरडुवणा जाणगसरीरभवियसरीरवतिरित्ता ॥ वतिरित्ता दव्वडुवणा इमा-

[भा. ३१४१] ओदइयादीयाणं, भावाणं जो जहिं भवे ठवणा ।

भावेन जेण य पुणो, ठवेज्ज ते भावठवणा तुं ॥

चू- “दव्वं च दव्वनिक्खेवो” दव्वपरिमाणेन स्थाप्यमाना दव्वडुवणा भण्णति, च सदोऽनुकरिसणे, किं अनुकरिसयति ? भण्यते - इमं दव्वं वा निक्खिप्पमाणं, दव्वस्स वा जो निक्खेवो सा ठवणा भण्णति ॥

[भा. ३१४२] सामित्ते करणम्मि य, अहिकरणे चेव होंति छब्भेया ।

एगत्त-पुहुत्तेहिं, दव्वे खेत्ते य भावे य ॥

चू- सामित्ते पडिवसभगामस्स अंतरपल्लियाए य, करणे खेत्तेण एगत्त-बहुमित्ते दव्वस्स ठवणा दव्वाण वा ठवणा दव्वठवणा । तत्थ दव्वस्स ठवणा जहा कोइ साहू एगसंधाराभिग्गहणं ठवेत्ति - गृह्णातीत्यर्थः । दव्वाण ठवणा जहा - संधारगतिगपडोआरग्गहणाभिग्गहणं आत्मनि ठवेत्ति । करणे जहा दव्वेण ठवणा, दव्वेहिं वा ठवणा । तत्थ दव्वेण आयंबिलदव्वेण चाउम्मासं जाति । दव्वेहिं कूरकुसणेहिं वा चाउम्मासं जावेत्ति । अहवा - चउसु मासेसु एकं आयंबिलं पारेत्ता सेसकालं अभत्तडुं करेत्ति, एवमात्मानं स्थापयतीत्यर्थः । दव्वेहिं दोहिं आयंबिलेहिं चाउम्मासं जावेत्ति । अधिकरणे दव्वे ठवणा, दव्वेसु वा ठवणा । तत्थ दव्वे जहा एगंगिए फलहिए मए सुवियव्वं, दव्वेसु अनेगंगिए संधारए मए सुवियव्वंति एवं छब्भेया । एगत्त-पुहुत्तेहिं दव्वे भणिता ।

इदानिं खेत्तठवणा “खेत्तं तु जम्मि खेत्ते”त्ति । क्षेत्रं यत् परिभोगेन परित्यागेन वा स्थाप्यते, जम्मि वा खेत्ते ठवणा ठविज्जति सा खेत्तठवणा । साय सामित्तकरण-अधिकरणेहिं एगत्त-पुहुत्तेहिं छब्भेया भाणियव्वा । इदानिं कालठवणा - “काले कालो जहिं जो उ” त्ति । काले कालो एतेसु जहासंखं इमे पदा जाह जो उ”, काले जहिं ठवणा ठविज्जति, कालो वा जो उ ठविज्जति सा काल-ठवणा । अद्ध इति कालो तत्थ वि सामत्तकरण-अधिकरणेहिं एगत्त-पुहुत्तेहिं छब्भेया भवंति । भावे छब्भेया । सामित्ते-खेत्तस्स एगगामस्स परिभोगो, खेत्ताणं सीमातीणं मूलगामस्स पडिवसभगामस्स अंतरपल्लियाए य । करणे खेत्तेण एगत्ते पुहुत्तेण, एत्थ न किं चि संभवति । अधिकरणे - एगत्तं परं अद्धजोयणेमेराए गंतु पाडयत्तए, पुहुत्ते कारणे दुगादी अद्धजोयणे गंतु पाडयत्तए ।

कालस्स ठवणा उदुबद्धे जा मेरा सा वज्जिज्जति - स्थापयतेत्यर्थः । कालाणं चउण्हं मासाणं ठवणा ठविज्जति, आचरणत्वेनेत्यर्थः । कालेण आसाढपुण्णिमाकालेणं ठायति । कालेहिं बहूहिं पंचाहेहिं गतेहिं ठायंति । कालम्मि पाउसे ठायंति । कालेसु कारणे आसाढपुण्णिमातो सवीस-इमासदिवसेसु गतेसु ठायंति । भावस्सोदतियस्स ठवणा, भावाणं कोह-माण-माया-लोभातीणं । अहवा - नानमादीणं गहणं । अहवा - खाइमं भावं संकामंतस्स सेसाणं भावाणं परिवज्जणं भवति । भावेण निज्जरट्ठाए एघखेत्ते ठायंति नो अडंति । भावेहिं संगह-उवग्गह-निज्जरनिमित्तं वा नो

अडंति । भावमि खयोवसमिए खत्तिए वा ठवणा भवति । भावेसु नत्थि ठवणा । अहवा - खओवसमिए भावे सुद्धातो भावातो सुद्धतरं भाव संकमंतस्स भावेसु ठवणा भवति । एवं दव्वाति- ठवणा समासेण भणित्ता ॥ इदानीं एते चेव वित्थारेण भणीहामि । तत्थ पढमं कालठवणं भणामि । किं कारणं ? जेण एयं सुत्तं कालठवणाए गतं । एत्थ भणति-

[भा.३१४३] कालो समयादीयो, पगयं कालमि तं परूवेस्सं ।

निक्खमणे य पवेसे, पाउस-सरए य वोच्छामि ॥

चू- कलनं कालः, कालेज्जतीति वा कालः, कालसमूहो वा कालः, सो य समयादी, समयो पट्टसाडियाफाडणादिद्वंतेनं सुत्ताएसेणं परूवेयव्वो । आतिग्गहणातो आवलिया मुहुत्तो पक्खो मासो उदू अयनं संवच्छरो जुगं एवमाइ एत्थ जं “पगयं” ति - अधिकार समयेन सिद्धंतेन तमहं परूवेस्स । उदुबद्धियमासकप्पखेत्तातो पाउसे निक्खमणं, वासाखेत्ते य पाउसे चेव पवेसं वोच्छं । वासाखेत्तातो सरए निक्खमणं, उदुबद्धियखेत्ते पवेसं सरए चेव वोच्छामि । अहवा - सरए निग्गमणं पाउसे पवेस वोच्छामीत्यर्थः ॥

[भा.३१४४] ऊनातिरित्तमासे, अट्टविहरिऊण गिम्ह-हेमंते ।

एगाहं पंचाहं, मासं च जहा समाहीए ॥

चू- चत्तारि हेमंतिया मासा, चत्तारि गिम्हिया मासा, एते अट्ट ऊनातिरित्ता वा विहरिता । कहां विहरित्ता ? भणति - पडिमापडिवन्नं णं एगाहो । अहालदियाणं पंचाहो । जिनकप्पियाण सुद्धपरिहारियाण थेराण य मासो । जस्स जहा नाण-दंसण-चरित्तसमाही भवति सो तथा विहरित्ता वासाखेत्तं उवेति ॥ कहं पुण ऊनातिरित्ता वा उदुबद्धिया मासा भवंति ? तत्थ ऊणा-

[भा.३१४५] काऊण मासकप्पं, तत्थेव उवागयाण ऊणा उ ।

चिक्खल्लावासरोहेण वा बितीए ठिता नूनं ॥

चू- जत्थ खेत्ते आसाढमासकप्पो कते तत्थेव खेत्ते वासावासत्तेण उवगया, एवं ऊणा अट्ट मासा । आसाढमासे अनिर्गच्छता सप्तं विहरणकाला भवंतीत्यर्थः । अधवा - इमेहिं पगारेहिं ऊणा अट्ट मासा हवेज्ज - सचिक्खल्ला पंथा, वासं वा अज्ज वि नोवरमते, नयरं वा रोहितं, बाहिं वा असिवादि कारणा, तेन मग्गसिरे सव्वे ठिया, अतो पोसादिया आसाढता सत्त विरहणकाल भवंति ॥ इदानीं जहा अतिरित्ता अट्ट मासा विहारो तथा भणति-

[भा.३१४६] वासाखेत्तालंभे, अट्टाणादीसु पत्तमहिगा तु ।

साधग-वाघातेन व, अप्पडिकमित्तुं जति वयंति ॥

चू- आसाढे सुद्धवासावासपाउगं खेत्तं मग्गतेहिं न लद्धं ताव जाव आसाढचाउम्मासातो परतो सवीसतिराते मासे अतिक्रंते लद्धं, ताहे भट्टवया जोण्हस्सपंचमीए पज्जोसवंति, एवं नवमासा सवीसतिराता विहरणकालो दिट्ठो, एवं अतिरित्ता अट्ट मासा । अहवा - साहू अट्टाणपडिवण्णा सत्थवसेणं आसाढचाउम्मासातो परेण पंचाहेण वा दसाहेण वा पक्खेण वा कत्तियचाउम्मासिय आरतो चेव निग्गया । अहवा - आयरियाणं कत्तियपोण्णिमाए परतो वा साहगं नक्खत्तं न भवति, अनं वा रोहगादिकं वि, एस वाघाय जाणिऊण कत्तियचाउम्मासियं अपडिकमियं जया वयंति तता अतिरित्ता अट्ट-मासा भवंति ॥

“एगाहं पंचाहं मासं च जहा समाहीए” अस्य व्याख्या-

[भा. ३१४७] पडिमापडिवण्णाणं, एगाहो पंच होतऽहालंदे ।

जिन-सुद्धाणं मासो, निक्कारणतो य थेराणं ॥

च- “जिन” ति जिनकप्पिया । “सुद्धाणं” ति सुद्धपरिहारियाणं, एतेसिं मासकप्पविहारो निव्वाघायंकारणाभावे ॥ वाघाते पुण थेरकप्पिया ऊणं अतिरितं वा मासं अच्छंति-

[भा. ३१४८] ऊणातिरित्तमासा, एवं थेराण अट्ट नायव्वा ।

इयरेसु अट्ट रियितुं, नियमा चत्तारि अच्छंति ॥

चू- एवं ऊणातिरित्ता थेराणं अट्ट मासा नायव्वा । इतरे नाम पडिमापडिवण्णा आहालंदिया विसुद्धपरिहारिया जिनकप्पिया य जहाविहारेण अट्ट रीइतुं वासारत्तिया चउरो मासा सव्वे नियमा अच्छंति ॥ वासावासे कम्मि खेत्ते कम्मि काले पविसियव्वं अतो भण्णति-

[भा. ३१४९] आसाढपुण्णिमाए, वासावासासु होइ ठायव्वं ।

मग्गसिरबहुलदसमी तो जाव एक्कम्मि खेत्तम्मि ॥

चू- “ठायव्वं” ति उस्सग्गेण पज्जोसवेयव्वं, अहवा - प्रवेद्यं, तम्मि पविट्ठा उस्सग्गेण कत्तियपुण्णिमं जाव अच्छंति । अववादेण मग्गसिरबहुलदसमी जाव ताव तम्मि एगखेत्ते अच्छंति । दसरायग्गहणातो अववातो दसितो - अन्ने वि दो दसराता अच्छेज्जा । अववातेन मार्गंसिरमासं तत्रैवास्ते इत्यर्थः ॥ कहं पुण वासापाउग्गं खेत्तं पविसंति ? इमेण विहिणा-

[भा. ३१५०] बाहिट्ठिया वसभेहिं, खेत्त गाहेतु वासपाउग्गं ।

कप्पं कहेत्तु ठवणा, सावणबहुलस्स पंचाहे ॥

चू- बाहिट्ठिय ति जत्थ आसाढमासकप्पो कतो, अन्नत्थ वा आसन्नै ठिता वाससामायारीखेत्तं वसभेहिं गाहेति - भावयंतीत्यर्थः । आसाढपुण्णिमाए पविट्ठा पडिवयाओ आरब्ध पंचदिणाइं संथारग तण-डगल-च्छार-मल्लादीयं गेण्हंति । तम्मि चेव पनग रातीए पज्जोसवणाकप्पं कहेति, ताहे सावणबहुलपंचमीए वासकालसामायारिं ठवेति ॥

[भा. ३१५१] एत्थ उ अनभिग्गहियं, वीसति राइं सवीसति मासं ।

तेन परमभिग्गहियं, गिहिणात्तं कत्तिओ जाव ॥

चू- “एत्थं” ति एत्थ आसाढपुण्णिमाए सावणबहुलपंचमीए वासपज्जोसविए वि अप्पणो अनभिग्गहियं । अहवा - जति गिहत्था पुच्छंति - “अज्जो तुब्भे एत्त वरिसाकालं ठिया अह न ठिया ?”, एवं पुच्छिएहिं “अनभिग्गहियं” ति संदिग्धं वक्तव्यं, इह अन्यत्र वाद्यापि निश्चयो न भवतीत्यर्थः । एवं संदिग्धं कियत्कालं वक्तव्यं ? उच्यते - वीसतिरायं, सवीसतिरायं मासं । जति अभिवट्ठियवरिसं तो वीसतिरातं जावं अनभिग्गहियं । अह चंदवरिसं तो सवीसतिरायं मासं जाव अनभिग्गहियं भवति । “तेन” ति तत्कालात् परतः अप्पणो, अभिरामुब्भेन गृहीतं अभिगृहीतं, इह व्यवस्थिति इति, गिहीण य पुच्छंताण कहेति - “इह ठितामो वरिसाकालं” ति ॥

किं पुन कारणं वीसतिराते सवीसतिराते वा मासे वागते अप्पणो अभिग्गहियं गिहिणात्तं वा कहेति, आरतो न कहेति ? उच्यते-

[भा.३१५२] असिवाङ्कारणेहिं, अहव न वासं न सुद्ध आरद्धं ।

अहिवद्वियम्मि वीसा, इयरेसु सवीसतीमासो ॥

चू-कयाइ असिवं भवे, आदिग्गहणातो रायदुद्धाइ, वासावासं न सुद्ध आरद्धं वासितुं, एवमादीहिं कारणेहिं जइ अछंति तो आणातिता दोसा । अह गच्छति तो गिहत्या भणंति - एते सव्वण्णुपुत्ता न किं चि जाणंति, मुसावायं च भासंति । “ठितामो” त्ति भणित्ता जेण निग्गता लोगो वा भणेज्ज-साहू एत्थं वरिसारतं ठिता अवस्सं वासं भविस्सति, ततो धन्नं विक्किणंति, लोगो घरातीणि छादेति, हलादिकम्माणि वा संठवेति । अभिग्गहिते गिहिणाते य आरतो कए जम्हा एवमादिया अधिकरणदोसा तम्हा अभिवद्वियवरिसे वीसतिराते गते गिहिणातं करंति, तिसु चंदवरिसे सवीसतिराते मासे गते गिहिणातं करंति ।

जत्थ अधिकमासो पडति वरिसे तं अभिवद्वियवरिसं भण्णति । जत्थ न पडति तं चंदवरिसं । सो य अधिमासगो जुगस्स अते मज्झे वा भवति । जति अंते तो नियमा दोआसाढा भवंति । अह मज्झे तो दो पोसा । सीसो पुच्छति - “कम्हा अभिवद्वियवरिसे वीसतिरातं, चंदवरिसे सवीसतिमासो ?” । उच्चते - जम्हा अभिवद्वियवरिसे गिम्हे चेव सो मासो अतिकंतो तम्हा वीसदिणा अनभिग्गहियं तं कीरति, इयरेसु तीसु चंदवरिसेसु सवीसतिमासा इत्यर्थः ॥

[भा.३१५३] एत्थ उ पणगं पणगं, कारणियं जाव सवीसतीमासो ।

सुद्धदसमीठियाण व, आसाढी पुण्णिमोसवणा ॥

चू-एत्थ उ आसाढे पुण्णिमाए ठिया डगलादीयं गेण्हंति, पज्जोसवणकप्पं च कहेति पंचदिणा, ततो सावणबहुलपंचमीए पज्जोसवेति । खेत्ताभावे कारणे पणगे संवुद्धे दसमीए पज्जोसवेति, एवं पन्नरसीए । एवं पनगवुद्धी ताव कज्जति-जाव-सवीसतिमासो पुण्णो सो य सवीसतिमासो च भद्दवयसुद्धपंचमीए युज्जति । अह आसाढसुद्धदसमीए-वासाखेत्तं पविद्धा । अहवा-जत्थ आसाढ-मासकप्पो कओ तं वासपाउग्गं खेत्तं, अन्नं च नत्थि वासपाउग्गं ताहे तत्थेव पज्जोसवेति । वासं च गाढं अनुवरयं आढत्तं, ताहे तत्थेव पज्जोवसेति । एक्कारसीओ आढवेउं डगलादीतं गेण्हंति, पज्जोसवणाकप्पं कहेति, ताहे आसाढपुण्णिमाए पज्जोसवेति । एस उस्सग्गो । सेसकालं पज्जोसवेताणं अववातो । अववाते वि सवीसतिरातमासाती परेण अतिकमेउं न वट्ठति । सवीसतिराते मासे पुण्णे जति वासखेत्तं न लब्भति तो रुक्खहेद्धा वि पज्जोसवेयव्वं । तं च पुण्णिमाए पंचमीए दसमीए एवमादिपव्वेसु पज्जोसवेयव्वं नो अपुव्वेसु । सीसो पुच्छति “इदानिं कहं चउत्थीए-अपव्वे पज्जो-सविज्जति ?” आयरिओ भणति - “कारणिया चउत्थी अज्जकालगायरिण पवत्तिया । कहं ? भण्णते कारणं-कालगायरिओ विहरंतो “उज्जेणि” गतो । तत्थ वासावासं ठिओ । तत्थ नगरीए “बलमित्तो” राया । तस्स कणिद्धो भाया “भानुमित्तो” जुवाराया । तेसिं भगिनी “भानुसिरी” नामा तिसे पुत्तो “बलभाणू” नाम । सो पगिति भद्दविणीययाए साहू पज्जुवासति । आयरिएहिं से धम्मो कहितो - पडिबद्धो पव्वाविओ य तेहि य बलमित्त-भानुमित्तेहिं रुद्धेहिं कालगज्जो पज्जोसविते निव्विसतो कतो ।

केति आयरिया भणंति - जहा बलमित्त-भानुमित्ता कालगायरियाणं भागिणेज्जा भवंति । “माउलो” त्ति काउं महंतं आयरं करंति, अब्भुट्ठाणादियं । तं च पुरोहियस्सं अप्पत्तिय, भणाति

य एस सुदृपासंडो, वेतादिबाहिरो, रन्नो अग्गतो पुणो पुणो उल्लावेंतो आयरिएण निष्पिडुप्पसिण-  
वागरणो कतो । ताहे सो पुरोहितो आयरियस्स पदुट्ठो रायाणं अनुलोभेहिं विप्परिणामेति । एते  
रिसितो महानुभावा, एते जेण पहेणं यच्छंति तेन पहेणं जति रन्नो जनो गच्छति पताणि वा अक्क  
मइ तो असिं भवति, तम्हा विसज्जेहि, ताहे विसज्जिता । अन्ने भणंति- रन्ना उवाएण विसज्जिता ।  
कहं ? सव्वम्मि नगरे किल रन्न अणेसणा कराविता, ताहे से निग्गता । एवमादियाण करणाण  
अन्नतमेण निग्गता विहरंता “पतिट्ठाणं” नगरं तेन पट्ठिता । पतिट्ठाणसमणसंधस्स य अज्जकालगेहिं  
संदिट्ठं - जावाहं आगच्छामि ताव तुब्भेहिं नो पज्जोसक्खिव्वं । तत्थ य ‘सायवाहणो’ राया सावतो,  
सोय कालगज्जं एतं सोउं निग्गतो अभिमुहो समणसंधो य, महाविभूर्इए पविट्ठो कालगज्जो । पविट्ठेहिं  
य भणियं - “भद्वयसुद्ध पंचमीए पज्जोसविज्जति”, समणसंधेण पडिवण्णं । ताहे रन्ना भणियं -  
तद्विवसं मम लोयानुवत्तीए इंदो अनुजाएयव्वो होहीति, साहूचेतिते न पज्जुवासेस्सं, तो छट्ठीए  
पज्जोसवणा कज्जउ । ताहे रन्ना भणियं - अनागयं चउत्थीए पज्जोसचिज्जति । आयरिएण भणियं -  
एवं भवउ । ताहे चउत्थीए पज्जोसवियं । एवं जुगप्पहाणेहिं चउत्थी कारणे पवत्तिता । सच्चेवाणुमता  
सव्वसाधूणं । रन्ना अंतेपुरियाओ भणिता - तुब्भे अमावासाए उववासं काउं पडिवयाए  
सव्वखज्जभोज्जविहीहिं साधू उत्तरपारणए पडिलाभेत्ता पारेह, पज्जोवसणाए अट्ठमंति काउं पडिवयाए  
उत्तरपारणयं भवति, तं च सव्वलोगेण वि कयं, ततो पभिति ‘मरहट्टविसए’ “समणपूय” ति  
छणो पवत्तो ॥

इदानिं पंचगपरिहाणिमधिकृत्य कालावग्रहोच्यते-

[भा. ३१५४] इय सत्तरी जहन्ना, असति नउती दसुत्तरसयं च ।

जति वासति मग्गसिरे, दसरायं तिन्नि उक्कोसा ॥

[भा. ३१५५] पन्नासा पाडिज्जति, चउण्ह मासाण मज्झओ ।

ततो उ सत्तरी होइ, जहन्नो वासुवग्गहो ॥

चू- इय इति उपप्रदर्शने, जे आसाढचाउम्मासियातो सवीसतिमासे गते पज्जोसवेंति तेसिं  
सत्तरी दिवसा जहन्नो वासकालोग्गहो भवति । कहं सत्तरी ? चउण्हं माणं वीसुत्तरं दिवससयं  
भवति - सवीसतिमासो पन्नासं दिवसा, ते वीसुत्तरसयमज्झाओ सोहिया, सेसा सत्तरी ।

जे भद्वयबहुलदसमीए पज्जोसवेंति तेसिं असीतिदिवसा मज्झिमो वासकालोग्गहो भवति ।  
जे सावणपुण्णिमाएपज्जोसवेंति तेसिं णउतिं चेव दिवसा मज्झिमो चेव वासकालोग्गहो भवति ।  
जे सावण बहुलदसमीए पज्जोसवेंति तेसिं दसुत्तरं दिवससयं मज्झिमो चेव वासकालोग्गहो भवति ।  
जे आसाढपुण्णिमाए पज्जोसवेंति तेसिं वीसुत्तरं दिवससयं जेडो वासुग्गहो भवति । सेसंतरेसु  
दिवसपमाणं वत्तव्वं । एवमादिपगारेहिं वरिसारत्तं एगखेत्ते अच्छित्ता कत्तियचाउम्मासियपडिवयाए  
अवस्सं निग्गंतव्वं । अह मग्गसिरमासे वासति चिक्खल्लजलाउला पंथा तो अववातेन एक्कं उक्कोसेणं  
तिन्नि वा - दस राया जाव तम्मि खेत्ते अच्छंति, मार्गसिरपौर्णमासीयावदित्यर्थः । मग्गसिरपुण्णिमाए  
जं परतो जति वि चिक्खल्ला पंथा वासं वा गाढं अनुवरयं वासति जति विप्लवंतेहिं तहावि अवस्सं  
निग्गंतव्वं । अह न निग्गच्छंति तो चउगुरुगा । एवं पंचमासितो जेडोग्गहो जातो ॥

[भा. ३१५६] काउण मासकप्पं, तत्थेव ठियाण तीतमग्गसिरे ।

सालंबणाण छम्मासिओ उ जेड्ढेग्गहो भणितो ॥

चू- जम्मि खेत्ते कतो आसाढमासकप्पो, तं च वासावासपाउग्गं खेत्तं, अन्नम्मि अलद्धे वासपाउग्गे खेत्ते जत्थ आसाढमासकप्पो कतो तत्थेव वासावासं ठिता, तीसे वासावासे चिक्खल्लाइएहिं कारणेहिं तत्थेव मग्गसिरं ठिता, एवं सालंबणाण कारणे अववातेन छम्मासितो जेड्ढेग्गहो भवतीत्यर्थः ॥

[भा. ३१५७] जइ अत्थि पयविहारो, चउपडिवयम्मि होइ निग्गमणं ।

अहवा वि अनितस्स, आरोवणा पुव्वनिदिट्ठा ॥

चू- वासाखेत्ते निव्विग्घेण चउरो मासा अच्छिउं कत्तिचउम्मासं पडिक्कमिउं मग्गसिरबहुलपडिवयाए निग्गंतव्वं एस चेव चउपाडिवओ । चउपाडिवए अनिताणं चउलहुगा पच्छिउं । अहवा - अमितान । अविस्सदातो एसेव चउलहु सवित्थारो जहा पुव्वं वण्णिओ नितीयसुत्ते संभोगसुत्ते वा तहा दायव्वो । चउपाडिवए अप्पत्ते अतिक्कंते वा णिते कारणे निट्ठोसा ।

तत्थ अपत्ते इमे कारणा-

[भा. ३१५८] राया कुंथू सप्पे, अगणिगिलाणे य थंडिलस्सऽसती ।

एएहिं कारणेहिं, अप्पत्ते होइ निग्गमाणं ॥

चू- राया दुट्ठो, सप्पो वा वसहिं पविट्ठो, कुंथूहि वा वसही संसत्ता, अगणिणा वा वसही दट्ठा, गिलाणस्स पडिचरणट्ठा, गिलाणस्स वा ओसहहेउं, थंडिलस्स वा असतीते, एतेहिंकारणेहिं अप्पत्ते चउपाडिवए निग्गमणं भवति ॥ अहवा इमे कारणा-

[भा. ३१५९] काइयभूमी संथारए य संसत्तं दुल्लभे भिक्खे ।

एएहिं कारणेहिं, अप्पत्ते होति निग्गमणं ॥

चू- काइयभूमी संसत्ता, संथारगा वा संसत्ता, दुल्लभं वा भिक्खं जातं, आयपरसमुत्थेहिं वा दोसेहिं मोहोदओ जाओ, असिवं वा उप्पन्नं, एतेहिं कारणेहिं अप्पत्ते निग्गमणं भवति ॥

चउप्पाडिवए अइक्कंते निग्गमो इमेहिं कारणेहिं-

[भा. ३१६०] वासं न उवरमती, पंथा दुग्गमा सचिक्खिला ।

एएहिं कारणेहिं, अइक्कंते होइ निग्गमणं ॥

चू- अइक्कंते वासाकाले वासं नोवरमइ, पंथो वा दुग्गमो, अइजलेण सचिक्खल्लोय, एवमाइएहिं कारणेहिं चउपाडिवए अइक्कंते निग्गमणं न भवति ॥ अहवा - इमे कारणा -

[भा. ३१६१] असिवे ओमोयरिए, रायदुट्ठे भए व गेलण्णे ।

एतेहिं कारणेहिं, अइक्कंते होयऽनिग्गमणं ॥

चू- बाहिं असिवं ओमं वा, बाहिं वा रायदुट्ठं, बोहिगादिभयं वा आगाढं, आगाढकारणेण वा न निग्गच्छति । एतेहिं कारणेहिं चउपाडिवए अतिक्कंते अनिग्गमणं भवति ॥

एसा कालठवणा । इदानिं खेत्तठवणा-

[भा. ३१६२] उभओ वि अद्धजोयण, अद्धकोसं च तं हवति खेत्तं ।

होति सकोसं जोयण, मोत्तूणं कारणञ्जाए ॥

चू- “उभओ” ति पुव्वावरेण, दक्खिणुत्तरेण वा । अहवा - उभओ ति सव्वओ समंता ।

अद्धजोयणं सह अद्धकोसेण एगदिसाए खेत्तपमाणं भवति । उभयतो वि मेलितं गतागतेन वा सकोसजोयणं भवति । अववायकारणं मोत्तूण एरिसं उस्सग्गेण खेत्तं भवइ । तं वासासु एरिसं खेत्तठवणं ठवेइ - क्षेत्रावग्रहं गृण्हातीत्यर्थः ॥

सो य खेत्तावग्गहो संववहारं पडुच्च छद्दिसि भवति । जओ भण्णति-

[भा. ३१६३] उह्महे तिरियम्मि य, सक्कोसं हवति सव्वतो खेत्तं ।

इंदपदमादिएसू, छद्दिसि सेसेसु चउ पंच ॥

चू-उह्म, अहो, पुव्वादीयाओ यतिरियदिसासो चउरो, एतासु छसु दिसासु गिरिमज्झट्ठिताण सव्वतो समंता सकोसं जोयणं खेत्तं भवति । तं च इंदपयपव्वते छद्दिसिं संभवति । इंदपयपव्वतो - गयग्गपव्वतो भण्णति । तस्स उवरिं गामो, अथे वि गामो, मज्झिमसेटीए वि गामो । मज्झिमसेटी ठिताण य चउद्दिसं पि गामो, एवं छद्दिसिं पि गामाण संभवो भवति । आतिग्गहणातो अन्नो वि जो एरिसो पव्वतो भवति तस्स वि छद्दिसाओ संभवति । सेसेसु पव्वतेसु चउदिसं पंचदिसं वा भवति । समभूमीए वा निव्वाघाएण चउद्दिसिं संभवति ॥ वाघायं पुण पडुच्च-

[भा. ३१६४] तिन्नि दुवे एक्का वा, वाघाएणं दिसा हवति खेत्ते ।

उज्जाणाउ परेण, छिन्नमंडवं तु अक्खेत्तं ॥

चू- एगदिसाए वाघाते तिसु दिसासु खेत्तं भवति, दोसु दिसासु वाघाते दोसु दिसासु खेत्तं भवति, तिसु दिसासु वाघाते एगदिसं खेत्तं भवइ । को पुण वाघातो ? महाडवी पव्वतादिविसमं वा समुद्दादि जलं वा, एतेहिं कारणेहिं ताओ चउदिसाओ रुद्धाओ, जेण ततो गामगोकुलादी नत्थि । जं दिसं वाघातो तं दिसं अग्गुज्जामं जाव खेत्तं भवइ । परओ अखेत्तं जं छिन्नमंडवं तं अखेत्तं । छिन्नमंडवं नाम जस्स गामस्स नगरस्स वा उग्गहे सव्वासु दिसासु अन्नो गामो नत्थि गोकुलं वा तं छिन्नमंडवं, तं च अखेत्तं भवति ॥ नतिमातिजलेसु इमा विही-

[भा. ३१६५] दगधट्ठतिन्नि सत्त व, उडुवासासु न हणंति ते खेत्तं ।

चउरट्ठाति हणंती, जंघद्धेक्को वि तु परेण ॥

चू- दगघट्ठो नाम जत्थ अद्धजंघा जाव उदगं । उडुबद्धे तिन्नि दमसंघट्ठा खेत्तोवघातं न करेति, ते भिक्खायरियाए गयागएण छ भवंति, न हणंति य खेत्तं । वासासु सत्त दगसंघट्ठा न हणंति खेत्तं, ते गतागतेन चोद्दस । उडुबद्धे चउरो दगसंघट्ठा उवहणंति खेत्तं, ते गयागतेन अट्ठ । वासासु अट्ठ दगसंघट्ठा उवहणंति खेत्तं, ते गतागतेन सोलस । जत्थ जंघद्धातो परतो उदगं तेन एगेण वि उडुबद्धे वासासु उवहम्मति खेत्तं, सो य लेवो भण्णति ॥

गता खित्तठवणा । इदानि 'दव्वट्ठवणा' ।

[भा. ३१६६] दव्वट्ठवणाहारे, विगती संथार मत्तए लोए ।

सच्चित्ते अच्चित्ते, वोसिरणं गहणधरणादी ॥

चू-आहारे, विगतीसु, संथारगो, मत्तगो, लोयकरणं, सचित्तो सेहो, डगलादियाण य अचित्ताणं उडुबद्धे गहियाणं वोसिरणं, वासावासपाउग्गाण संथारदियाण गहणं, उडुबद्धे वि गहियाण वत्थपायावीण धरणं डगलगादियाण य कारणेण ॥

तत्थ- "आहारे" ति पढमद्दारं अस्य व्याख्या-



[भा.३१६७] पुष्पाहारोसवणं, जोगविवट्टी य सत्तिओ गहणं ।

संचइयमसंचइए, दव्वविवट्टी पसत्थाओ ॥

चू- जो उडुबद्धितो आहारो सो ओसवेयव्वो ओसारेयव्वो - परित्यागेत्यर्थः । जइ से आवस्सगपरिहाणी न भवति तो चउरो मासा उववासी अच्छउ । अह न तरति तो चत्तारि मासा एगदिवसूणा, एवं तिन्नि मासा अच्छित्ता पारेउ एवं जइ जोगपरिहाणी तो दो मासा अच्छउ, मासं वा, अतो परं दिवसहाणी, जाव दिने दिने आहारेउ जोगवुट्टीए । इमो जोगवुट्टी जो नोमक्कारइतो सो पोरसीए पारेउ, जो पोरिसित्तो सो पुरिमट्टेण पारेउ, जो पुरिमट्टइत्तो सो एक्कासणयं करेतु । एवं जहासत्तीए जोगवट्टी कायव्वा । किं कारणं ? वासासु चिक्खल्लचिलिविले दुक्खं भिक्खागहणं कज्जति, सण्णाभूमिं च दुक्खं गम्मति, थंडिला हरियमातिएहिं दुव्विसोज्झा भवन्ति । “आहारट्टवण”त्ति गयं ।

इदानिं “विगतिट्टवण”त्ति दारं - “संचइय”त्ति पच्छद्धं । विगती दुविहा - संचतिया असंचतिया य । तत्थ असंचइया - खीरं दधी मंसं नवनीय, केति ओगाहिमगा य । सेसा उ घय-गुल-मधु-मज्ज-खज्जगविहाणा व संचतिगाओ । तत्थ मधु-मंस-मज्जविहाणा य अप्पसत्थाओ, सेसा खीरातिया पसत्थाओ । पसत्थासु वा कारणे पमाणपत्तासु घेप्पमाणीसु दव्वविवट्टी कता भवति ॥

निक्कारणे अन्नतरविगतीगहणे दोष उच्यते-

[भा.३१६८]विगतिं विगतीमीतो, वियतिगयं जो उ भुंजए भिक्खू ।

विगती विगतिसहावा, विगती विगतिं बला नेइ ॥

चू- विगतिं खीरातियं । विभत्सा विकृता वा गती विगती, सा य तिरियगती नरगगती कुमाणुसुत्तं कुदेवत्तं च । अहवा - विविधा गतीं संसार इत्यर्थः । अहवा - संजमो गती, असंजमो विगती, तस्स भीतो । “विगतिगमं” त्ति विगतिसिक्कारमित्यर्थः । विगती वा जम्मि वा दव्वे गता तं विगतिगतं भण्णति तं पुण भत्तं पाणं वा । जो तं विगतिं विगतिगतं वा भुंजति तस्स इमो दोसो - “विगती विगतिसभाव”त्ति, खीरातिया भुत्ता जम्हा संजमसभावातो विगतिसभावं करेति, कारणे - कज्जं उवचरित्ता पट्टिज्जति, विगती विगतिसभावा ।

अहवा - विगयसभावा, विकृतस्वभावं विगतसभावं वा जो भुंजति तं सा बला नरगातियं विगतिं नेति वापयतीत्यर्थः । जम्हा एते दोसा तम्हा विगतीतो णाहारेयव्वातो उडुबद्धे, वासासु विसेसेण । जम्हा साधारणे काले अतीवमोहुब्भवो भवति, विज्जुगज्जियाइएहिं य तम्मि काले मोहो दिप्पति । कारणे-वितियपदेण-गेण्हेजा आहारेज्ज वा-गेलानो वा आहारेज्ज । एवं आयरिय-बाल-वुट्ट-दुब्बलस्स वा गच्छेवग्गहट्टा धेप्पेजा ॥ अथवा - सट्टा निब्बंघेण निमंतेजा पसत्थाहिं विगतीहिं तत्थिमा विधी-

[भा.३१६९]पसत्थविगतिगहणं, तत्थ वि य असंचइय उ जा उत्ता ।

संचतिय न गेहंती, गिलाणमादीण कज्जट्टा ॥

चू- पसत्थविगतीतो खीरं दहिं नवनीयं घयं गुलो तेल्ल ओगाहियं च, अप्पसत्थामो महु-मज्ज-मंसा । आयरिय-बाल-वुट्टाइयाणं कज्जेसु पसत्था असंचइयाओ खीराइया धेप्पन्ति, संचतियाओ घयाइया न धेप्पन्ति, तासु खीणासु जया कज्जं तया न लब्भति, तेन तातो न धेप्पन्ति ।

अह सद्धानिबन्धेण भणेज्ज ताहे ते वत्तव्वा - “जया गिलाणाति कज्जं भविस्सति तथा गेच्छामो, बाल-वुद्ध-सेहाण य बहूणि कज्जाणि उप्पज्जति, महंतो य कालो अच्छियव्वो, तम्मि उप्पन्ने कज्जे धेच्छामो”ति । ताहे सद्धानि भणंति - अह घरे अत्थि वित्तं विगतिदव्वं च पभूतमत्थि, जाविच्छा ताव गेण्हह, गिलाणकज्जे वि दाहामो”, एवं भणिता संचइयं पि गेण्हंति । गिण्हंताणय अवोच्छिन्ने भावे भणंति - अलाहि पज्जंतं । सा य गहिता बाल-वुद्ध-दुब्बलाणं दिज्जति, बलिय-तरुणाणं न दिज्जति । एवं पसत्थविगतिग्गहणं ॥

[भा. ३१७०] विगतीए गहणम्मि वि, गरहितविगतिग्गहो व कज्जम्मि ।

गरहा लाभपमाणे, पच्चयपावप्पडीघातो ॥

चू- महु-मज्ज-मंसा गरहियविगतीणं गहणं आगाढे गिलाणकज्जं “गरहालाभपमाणे”ति गरहंतो गेण्हति, अहो! अकज्जमिणं किं कुणिमो, अन्नहा गिलाणो न पन्नप्पइ, गरहियविगतिलाभे यपमाणपत्तं गेण्हंति, नो अपरिमितमित्यर्थः, जावतिता गिलाणस्स उवउज्जति तंमत्ताए धेप्पमाणीए दातारस्स पच्चयो भवति, पावं अप्पणो अभिलासो तस्स य पडिघाओ कओ भवति, पावदिट्ठीणं वा पडिघाओ कओ भवति, सुवत्तं एते गिलाणद्वा गेण्हंति न जीहलोलयाए ति ॥ एवं विगतिद्ववणा गता । इदानि “संधारग”ति दारं-

[भा. ३१७१] कारणे उडुगहिते उज्झिऊण गेण्हंति अन्नपरिसाडं ।

दाउं गुरुस्स तिन्नि उ, सेसा गेण्हंति एक्केकं ॥

चू- उडुबद्धकाले जे संधारगा कारणे गहिता ते वोसिरित्ता अन्ने संधारगा अपरिसाडी वासाजोगे गेण्हंति, गरुस्स तिन्नि दाउं णिवाते पवाते निवायपवाए । सेसा साधू अहाराइणिया एक्केकं गेण्हंति ॥

इदानि “मत्तए”ति दारं-

[भा. ३१७२] उच्चारपासवणखेलमत्तए तिन्नि तिन्नि गेण्हंति ।

संजमआएसद्वा, भिजेज्ज व सेस उज्जंति ॥

चू- वरिसाकाले उच्चारमत्तया तिन्नि, पासवणमत्तया तिन्नि, तिन्नि खेलमत्तया । एवं नव धेतव्वा । इमं कारणं - जं संजमनिमित्तं वरिसंते एगम्मि वाहडिते वितिएसु कज्जं करेति, असिवादिकारणिएसु अडुजायकारणिसु वा आएसिए आगतेसु दलएज्जा, सेसेहिं अप्पणो कज्जं करेति । एगमादिभिन्नेण वा सेसेहिं कज्जं करेति । (एस सा] जे उडुबद्धगहिया ते उज्जंति । उभयो कालं पडिलेहणा कज्जति । दिया रोत वा अवासंते जति परिभुजंति तो मासलहुं, जाहे वासं पडति ताहे परिभुजंति, जेण अभिग्गहो गहितो सो परिद्ववेति, उल्लो न निक्खिवियव्वो, अपरिणयसेहाणं न वाइज्जति ॥ “मत्तए”ति गयं । इदानि “लोए”ति-

[भा. ३१७३] धुवलोओ य जिणाणं, निच्चं थेराण वासवासासु ।

असहू गिलाणस्स व, तं रयणिं तू नऽतिक्कामे ॥

चू- उडुबद्धे वासावासासु वा जिनकप्पियाणं धुवलोओ दिने दिने कुर्वतीत्यर्थः । थेराण वि वासासा धुवलोओ चेव । असहुगिलाणा पज्जोसवणरातिं नातिक्रमंति । आउक्काइयविराहणाभया संसज्जणभया य वासासु धुवलोओ कज्जति ॥ “लोए” ति गतं । इदानि “सचित्ते” ति-

[भा. ३१७४] मोत्तुं पुराण-भावित्तसद्दे सच्चित्तसेसपडिसेहो ।

मा होहिति निद्धम्मो, भोयणमोए य उड्डाहो ॥

चू- जो पुराणो भावियसद्धो वा एते मोतुं सचित्ते - सेसा सचित्ता न पव्वाविज्जति । अह पव्वावित्ति सेहं सेहिं वा तो चउगुरुं आणातिया य दोसा । वासासु पव्वावितो मा होहिति निद्धम्मो तेन न पव्वाविज्जति । कहं “निद्धम्मो” भवति ? उच्यते - “वासंते मा नीहि, आउक्कायातियविराधणा भवति” । ताहे सो भणाति - जइ एते जीवा तो निसग्गमाणे किं भिक्खं गेण्ह ? विचारभूमिं वा गच्छह ? कहं वा तुल्ले अहिंसगा साहवो य वासासु चलणे न धोवंति पायलेहणियाए णिल्लिहंति? ताहे सो भणाति - असुद्धं चिक्खल्लं मद्दिऊण पाए न धोवंति, असुइणो एते, समलस्स य कओ धम्मो । एवं विप्परिणतो उण्णिक्खमति । अहवा - सागारियं काउं साहवो पाए धोवंति ततो असामायारी पाउसदोसो य, असमंजसं ति काउं न सहति णिद्धम्मो अ भवति ।

“भोयणमोए य उड्डाहो”त्ति वासे पडेत अभाविते सेहे बहीतो आनितं जइ मंडलीए भुंजति तो उड्डाहं करेति, पाणा इव एए परोप्परं संकट्टं भुंजति । अहंपि नेहिं विट्ठालितो । ताहे विप्परिण-मति । अह मंडलीए न भुंजति ताहे असामायारी समया य न कता भवति । जति वा ते साहवो निस्सग्गमाणे मत्तएसु उच्चरा-पासवणाति आयरंति, सोय तं दट्ठं विप्परिणामेज्जा, उन्निक्खमते, उड्डाहं च करेति । अह साहवो सागारियं ति काउं धरंति तो आयविराहणा । अह निस्सग्गंते चेव निसिरंति तो संजमविराधणा । जम्हा एवमादिदोसा तम्हा वासासु पज्जोसविते न पव्वावेतव्वो । पुराणसट्ठेसु पुण एते दोसा न भवंति, तेन ते पव्वाविज्जति । कारणे पज्जोसविते वि पव्वाविज्जति । अतिसति जाणिऊण जत्थ पुव्वुत्ता दोसा नत्थि तं पव्वावेति । अनतिसति वि अव्वोच्छित्ति-माइकारणेहिं पव्वावेति । इमं च जयणं करंति - विचित्तं महत्तिं वसहिं गेण्हंति, आउक्कायजीवचोदणे पन्नविज्जति, असरीरो धम्मो नत्थि त्ति काउं, मंडलीमोएसु जत्तं करंति, अन्नाए वसहीए ठवंति, जत्तेण य उवचरंति ॥ “सचित्ते”त्ति गयं । इदानिं “अचित्ते”त्ति दारं-

[भा. ३१७५] डगलच्छारे लेवे, छड्डण गहणे तहेव धरणे य ।  
पुंछण-गिलाण-मत्तग, भायणभंगाति हेतू से ॥

चू- छार-डगल-मल्लमातीणं गहणं, वासाउड्डुबद्धगहियाण वोसिरणं, वत्थातियाण धरणं, छाराइयाण वा धरणं, जति न गेण्हंति तो मासलहुं, जा य तेहिं विना गिलाणातियाण विराहना, भायणे वि विराधिते लेवेण विना । तम्हा घेतव्वाणि । छारो गहितो एक्कोणे घनो कज्जति । जति न कज्जं तलियाहिं तो विगिचिज्जति । अह कज्जं ताहि तो छारपुंजस्स मज्जे ठविज्जति । पणयमादि-संसज्जणभया उभयं कालं तलियाडगलादियं च सव्वं पडिलेहंति । लेवं संजोएत्ता अप्पडिभुज्जमाणभायणहेट्टपुप्फगे कीरति, छारेण उग्गुठिज्जति, सह भायणेण पडिलेहिज्जति, अह अपडिभुज्जमाणं भायणं नत्थि ताहे भल्लगं लिंपिऊण पडिहत्थं भरिज्जति । एवं काणइ गहणं काणइ वोसिरणं काणइ गहणधरणं ॥ “दव्वट्टवणा” गता । इदानिं “भावट्टवणा” ।

[भा. ३१७६] इरिएसण भावाणं मणवयसा कायए य दुच्चरिते ।

अहिकरणकसायाणं, संवच्छरिए वि ओसवणं ॥

चू- इरियासमिती एसणासमिती भासासमिती एतेसिं गहणे - आयाण-निक्खेवणासमिती परिट्ठवणियासमितीय गहियातो । एतसु पंचसु वि समितीसु वासासु समिएण भवियव्वं । एवं

उक्तो चोदगाह - “उदुबद्धे कि असमितेन भवितव्यं ? जेण वासासु पंचसु वि समितीसु उवउत्तेण भवियव्वमिति भणसु ?” आचार्याह-

[भा. ३१७७] कामं तु सव्वकालं, पंचसु समितीसु होति जतियव्वं ।

वासासु अहीकारो, बहुपाणा मेदिणी जेणं ॥

चू- “कामं तु” । काममवधृतार्थे, यद्यपि सर्वकालं समितो भवति तथावि वासासु विसेसेण अहिकारो कीरइ जेणं तदा बहुपाणा मेदिणी आगासं च । मेदिणि ति पुढवी एवं ताव सव्वसिं सामण्णं भणियं ॥ इदानिं एक्केक्काए समितीए दोसा भणंति-

[भा. ३१७८] भासणे संपातिवहो, दुप्पेओ नेहछेदु ततियाए ।

इरितचरिमासु दोसु य, अपेह अपमज्जेण पाणा ॥

चू- “भासणे” ति भासासमितेते असमियस्स असमंजसं भासमाणस्स मक्खिगातिसंपातिमाण मुहे पविसंताण वधो भवति, आदिग्गहणातो आउक्कायफुसिता सचित्तपुढविरतो सचित्तवाओ य मुहे पविसति । “ततिया” एसणासमिती पडिक्कमणऽज्झयणे सुत्ताभिहितानुक्कमेण वासासु उवउत्तस्स वि विराहणा, किं पुण अनुवउत्तस्स । उदउल्लपुरेकम्माणं च हत्यमत्ताणं नेहच्छेदं दुक्खं जाणंति स्निग्धकालत्वात् दुर्ज्ञेयो दुर्विज्ञेय आउक्काइयच्छेदो परिणती - अचित्ती भवतीत्यर्थः ।

“इरिए” - इरियासमितताए अनुवउत्तो छज्जीवनिक्काए विराहेति । “चरिमासु दोसु” ति - आयाणनिकखेवणासमिती पारिद्वावणियासमिती य, एताओ दो चरिमाओ । एयासु अनुवउत्तो जइ पडिलेहणपमज्जणं न करेति दुप्पडिलेहिय-दुप्पमज्जियं वा करेति न पमज्जति वा, एयासु वि एवं छज्जिवनिकायविराहणा भवति । पंच समितीओ उदाहरणाओ जहा आवस्सए ॥

[भा. ३१७९] मण-वयण-कायगुत्तो, दुच्चरियातिं व निच्चमालोए ।

अहिकरणे तु दुरुवग, पज्जोए चव दुमए य ।

चू- मणेणं वायाए काएण य गुत्तो भवति । गुत्तीणं उदाहरणा जहा ‘आवस्सए’ । जं किं चि मूलगुणे उत्तरगुणेषु समितीसु गुत्तीसु वा उदुबद्धे वासासु य दुच्चरियं तं वासासु खिप्पं आलोएयव्वं । इदानिं - “अधिकरण” ति - अधिकरणं कलहो भण्णति, तं च जहा ‘चउत्थोद्देसे’ वण्णियं तथा इहावि सविथरं दट्टव्वं । तं च न कायव्वं, पुव्वुप्पन्नं च न उदीरियं वं । पुव्वुप्पन्नं जइ कसायुक्कडताए न खामित तो - पज्जोसवणासु अवस्सं विओसवेयव्वं । अधिकरणे इमे दिट्ठता दुरुवगामोवलक्खियं, पज्जोतो, दमओ य ॥ तथ “दुरुवग” ति उदाहरणं - आयरियजणवयस्स अंतग्गामे एक्को कुंभारो । सो कुडगाणं भंडिं भरिऊण पच्चंतगा दुरुतगं नामयं गतो । तेहिं य दुरुतगव्वेहिं गोहेहिं एगं बइल्लं हरिउकामेहिं भण्णति-

[भा. ३१८०] एगबतिल्लं भंडिं, पासह तुब्भे वि डज्झंतखलहाणे ।

हरणे ज्झामण भाणग, घोसणता मल्लजुद्धेसु ॥

चू- “भो भो पेच्छह इमं अछेरं, एगेण बइल्लेण भंडी गच्छति” । तेन वि कुंभकारेण भणिय- “पेच्छह भो इमस्स गामस्स खलहाणाणि डज्झंति” अतिगया भंडी गाममज्जे ठिता । तस्स तेहिं दुरुवगव्वेहिं छिद्दं लभिऊण एगो बइल्लो हडो । विक्कयं गया कुलाला, ते य गामिल्लया जातिता - देह बइल्लं । ते भणंति - तुमं एक्केण चव बइल्लेण आगयो । ते पुणो जातिता । जाहे न देति ताहे

रयकाले सव्वधण्णाणि खलधाणेसु कतानि, ताहे अग्गी दिन्नो । एवं तेन सत्त वरिसाणि ज्ञामिता खलधाणा । ताहे अट्टमे वरिसे दुरूवगगामेल्लएहिं मल्लजुद्धमहे वट्टमाणो भाणगो भणितो - धोसिहि भो जस्स अम्हेहिं अवरद्धं तं खामेमो, जं च गहियं तं देमो, मा अम्ह सस्से दहउ । ततो भाणएण उग्घोसियं ॥ ततो कुंभकारेण भाणगो भणितो भो इमं घोसेहि-

[भा.३१८१] अप्पिणह तं बइल्लं, दुरूवगा तस्स कुंभकारस्स ।

मा भे इइहिति धण्णं, अन्नाणि वि सत्त वरिसाणि ॥

चू- भाणगेण उग्घोसियं तं । तेहिं दुरूवगव्वेहि सो कुंभकारो खामितो । दिन्नो य से बइल्लो । इमो य से उवसंहारो - जति ता तेहि असंजतेहिं अन्नाणीहिं होंतेहिं खामियं तेन वि खमियं, किमंग पुण संजएं नाणीहिं य । जं कयं तं सव्वं पज्जोसवणाए खामेयव्वं च, एवं करंतेहिं संजमाराधना कता भवति ॥ अहवा - इमो दिइंतो पज्जोगो ति-

[भा.३१८२] चंपा अनंगसेनो, पंचऽच्छर धेर नयण दुम वलए ।

विह पास नयन, सावग, इंगिणि उववाय नंदिवरे ॥

[भा.३१८३] बोहण पडिमोद्दायण, पभाव उप्पाय देवदत्तहे ।

मरणुववाते तावस, नयन तह भीसणा समणा ॥

[भा.३१८४] गंधारगिरी देवय, पडिमागुलियागिलाणपडियरणं ।

पज्जोयहरण पुक्खर, रणगहणे नामओ सवणा ॥

चू- इहेव जंबुद्वीवे अट्टभरहे 'चंपा' नाम नगरी, 'अनंगसेनो' नाम सुवण्णगारो । सो य अतीव थीलोलो । सो य जं रूववइं कण्णं पासति तं बहुं दविणजायं दाउं परिणेइ । एवं किल तेन पंच इत्थिसया परिणीया । सो ताहिं सद्धिं माणुस्सए भोगे भुंजमाणो विहरइ । इतो य 'पंचसेलं' नाम दीवं । तत्थ 'विज्जुमाली' नाम जक्खो परिवसइ । सो य चुतो । तस्स दो अग्गमहिसीतो - 'हासापहासा' य । ताओ भोगत्थिणीतो चिंतेति - किंचि उवप्पलोभेमो । ताहिं य दिट्ठो 'अनंगसेनो' । सुंदरे रूवे विउव्विऊण तस्स 'असोगवणियाए' निलीणा । ताओ दिट्ठतो अनंगसेनेन । ततो य तस्स मणक्खेवकरे विब्भमे दरिसेंति । अक्खितो सो ताहिं, हत्थ पसारेउमारद्धो ।

ताहे भणितो - "जति ते अम्हेहिं कज्जं तो पंचसेलदीवं एज्जह" ति भणित्ता - ताओ अदंसणं गता । इयरो विविहप्पलावीभूओ असत्थो रन्नो पन्नगारं दाऊण उग्घोसणपडहं नीनावेति इमं उग्घोसिज्जति - "जो अनंगसेनयं पंचसेलं दीवं पावेति तस्स सो दविणस्स कोडिं पयच्छति" एवं घुस्समाणे नावियधेरेण भणियं - "अहं पावेमि" ति, छिक्को पडहो । तस्स दिन्ना कोडी । तं दुवे गहियसंबला दुरूढा नावं । जाहे दूरं गया ताहे नाविण पुच्छितो - किं चि अगलो जलोवरि पासंसि ? तेन भणियं "ना व" ति । जाहे पुणो दूरं गतो ताहे पुणो पुच्छति, नेतेन भणियं - किंचि माणुससिरप्पमाणं घणंजण-वण्णं दीसति ।

नाविण भणियं - एस पंचसेलदीवणगस्स धाराए ठितो वडरुक्खो । एसा नावा एतस्स अहेण जाहिति, एयस्स परभागे जलावत्तो । तुमं किंचि संबलं धेत्तुं दक्खो होउं वडसाल विलग्गेज्जसि । अहं पुण सह नावाए जलावत्ते गच्छीहामि । तुमं पुण जाहे जलं वेलाए उअत्तं भवति ताहे नगधाराए णं आरुभित्ता परतो पच्चोरुभित्ता पंचसेलयं दीवं जत्थ ते अभिप्येयं तत्थ गच्छेज्जसु ।

अन्ने भणंति - तुमं एत्थ वडरुक्खे आरूढो ताव अच्छसु, जाव उ संज्जावेलाए महंता पक्खिणो आघमिष्यंति पंचसेलदीवातो । ते रातो वसित्ता पभाए पंचसेलगादीवं गमिस्संति । तेसिं चलणविलग्गो गच्छेज्जसु । जाव य सो थेरो एवं कहेति ताव संपत्ता वडरुक्खं नावा । ‘अनंगसेनो’ वडरुक्खमारूढो । नावियथेरो सह नावाए जलावत्ते गतो । एतेसि दोण्ह पगाराणं अन्नतरेण तातो दिट्ठातो । ताहिं संभट्ठो, भणिओ य न एरिसेण असुइणा देहेण अन्हे परिभुज्जामो । किंचि बालतवचरणं काउं नियाणेण इहे उववज्जसु, ताहे सह अन्हेहिं भोगे भुंजहसि ।

ताहिं य से सुस्सादुमंते पत्तपुप्फफले य दत्ते उदगं च । सीयलच्छायाए पासुत्तो । ताहिं य देवताहिं पासुत्तो चेव करयलपुडे छुभित्ता चंपाए सभवणे खिक्तो, विबुद्धो य पासति - सभवणं सयणपरिजनं च । आढत्तो पलविउं “हासे पहासे” । लोणेण पुं: छेज्जंतो भणाति - दिट्ठं सुयमनुभूयं जं वत्तं पंचसेलए दीवे । तस्स य वयसे णाइलो नाम सावओ, सो से जिणपन्नत्तं धम्मं कहेति - “एयं करेहि । ततो सोधम्माइसु कप्पेसु दीहकालठितीओ सह वेमानिणीहिं उत्तमे भोगे भुंजिहसि, किमेतेहिं वधूतेहिं वाणमंतरीहिं अप्पकालट्ठितीएहिं” । सो तं असद्वहंतो सयणपरियणं च अगणंतो नियाणं काउं इंगिणिमरणं पडिवज्जति । कालगओ उववण्णं पंचसेलए दीवे विज्जुमाली नाम जक्खो, हासपहासाहिं सह भोगे भुंजमाणो विहरति । सो वि नाइलो सावगो सामम्मं काउं आलोइअपडिक्कंतो कालं काउं अच्चुत्ते कप्पे सामानितो जातो । सो वि तथे विहरति ।

अन्नया नंदीसरवरदीवे अट्ठाहिमहिमनिमित्तं सयं इंदाणितेहि अप्पणोऽप्पणो नितोगेहिं निउत्ता देवसधा मिलंति । ‘विज्जुमालि’ जक्खस्स य आउज्जणियोगो । पडहमनिच्छंतो बला आनीतो देवसंधस्स य दूरत्थो आयोज्जं वायंतो, नाइलदेवेण दिट्ठो । पुव्वानुरागेण तप्पडिबोहणत्थं च नाइल देवो तस्स समीवं गतो । तस्स य तेयं असहमाणो पडहमंतरे देति । नाइलदेवेण पुच्छित्तो - मं जाणसि त्ति । विज्जुमालिणा भणियं - को तुब्भे सक्काइए इंदे न याणइ ? देवेण भणियं - परभवं पुच्छामि, नो देवत्तं । विज्जुमालिणा भणियं - “न जाणामि” । ततो देवेण भणियं - “अहं ते परभवे चंपाए नगरीए वयंसओ आसी नाइलो नाम । तुमे तया मम वयणं न कयं तेन अप्पिट्ठिएसु उववन्नो, तं एवं गए वि जिणप्पणीयं धम्मं पडिवज्जसु । धम्मो से कहितो, पडिवण्णो य ।

ताहे सो विज्जुमाली भणाति - इदानिं किं मया कयव्वं ? अच्चुयदेवेण भणियं - बोहिनिमित्तं जिन-पडिमा अवतारणं करेहि । ततो विज्जुमाली अट्ठाहियमहिवंते गंतुं चुल्लिहमवंतं गोसीसदारुमयं पडिमं देवयानुभावेण निव्वत्तेति, रयणविचित्ताभरणेहिं सव्वालंकारविभूसियं करेति, अन्नस्स य गोसीसचंदनदारुस्स मज्जे पक्खिवति, चिंतेति य “कत्थिमं निवेसेमि” । इतो य समुद्रे वणियस्स पवहणं दुच्चा पुणो गहियं डोल्लति, तस्स य डोलायमाणस्स छम्मासा वट्ठति । सो य वणिओ भीतोव्विग्गो धूवकडच्छुयहत्थो इडुवेयणा-नमोक्कारपरो अच्छति । विज्जुमालिणा भियं - “भो भो मणुया ! अज्जं पभाए इमं ते जाणपत्तं वीतीभए नगरे कूलं पाविहिति । इमं च गोसीसचंदनदारुं, पुरजनवयं उदायनं च रायाणं मेलेउं भणेज्जासि - एत्थ देवाहिदेवस्स पडिमं करेज्जह” एसा देवाणवती ।

तओ देवानुभावेण, नावा पत्ता वीईभयं । तओ वणिओ अग्घं घेत्तुं गओ रायसमीवं, भणियं च तेन “इत्थ गोसीसचंदने देवाधिदेवस्स पडिमा कायव्वा” । सव्व जहावत्तं वणिएण रन्नो कहियं, गओ वणिओ । रन्ना वि पुरचतुवेज्जे (वण्णे) मेलेउं अक्खियं अक्खाणयं । सहिआ

वणकुट्टगा - “इत्थ पडिमं करेहि” ति । कते अधिवासणे बंभणेहिं भणियं - देवाहिदेवो बंभणो तस्स पडिमा कीरउ, वाहितो कुठारो न वहति । अन्नेहिं भणियं - विण्हु देवाधिदेवो । तहावि तं न वहति । एवं खंद रुद्धाइया देवयगणा भाणेत्ता सत्थाणि वाहिताणि न वहति । एवं संकिलिस्संति । इतो य पभावतीए आहारो रन्नो उवसाहितो । जाहे राया तत्थऽवक्खित्तो न गच्छती ताहे पभावतीए दासचेडी विसज्जिता - गच्छ रायाणं भणाहि - वेलाइक्कमो वट्टेति, सव्वमुवसाहियं किण्ण भुंजह ति ? गया दासचेडी, सव्वं कहियं । ततो रातिणा भणियं - सुहियासि, अहं इमेरिसो कालो वट्टति । पडिगया दासचेडी । ताए दासचेडीए सव्वं पभावतीए कहियं । ताहे पभावती भणति - “अहो मिच्छदंसणमोहिता देवाधिदेवं पि न मुणंति” । ताहे पभावती ण्हाया कयकोउयमंगला सुक्किल्ल-वास-परिहाण-परिहया बलि-पुप्फ-धूव-कडच्छूय-हत्था गता । ततो पभावतीए सव्वं बलिमादिकाउं भणियं - “देहाधिदेवो महावीरवद्धमानसामी, तस्स पडिमा कीरउ” त पहराहि । वाहितो कुहाडो, एगधाए चेव दुहा जातं, पेच्छंति य पुव्वनिव्वत्तियं सव्वालंकारभूसियं भगवओ पडिमं, सा नेउ रन्ना घरसमीवे वेयावयणं काउं तत्थ विट्टया । तत्थ किण्हगुलिया नाम दासचेडी देवयसुस्सूसकारिणी निउत्ता । अट्टमि-चाउद्दसीसु पभावती देवी भत्तिरागेणं सयमेव नट्टोवहारं करेति । राया वि तयानुवत्तीए मुरए पवाएति । अन्नया पभावतीए नट्टोवहारं करेतीए रन्ना सिरच्छाया न दिट्ठा । “उप्पाउ” ति काउं अमंगुल-चित्तस्स रन्नो नट्टसममुरवक्खोडा (न) पडंति ति रुद्धा महादेवी “अवज्ज” ति काउं ।

ततो रन्ना लवियं - “नो मे अवज्जा, मा रूससु, इमेरिसो उप्पाओ दिट्ठो, ततो चित्ताकुलताए मुरवक्खोडयाणचुक्को” ति । ततो पभावतीए लवियं - जिनसासणं पवण्णेहं मरणस्स न भेयव्वं । अन्नया पुणो वि पभावतीए ण्हायकयकोउयाते दासचेडी वाहिता “देवगिहपवेसा सुद्धवासा आनेहि” ति भणिया । तेय सुद्धवासा आनिज्जमाणा कुसंभरागरत्ता इव अंतरे संजाता उप्पायदोसेण। पभावतीए अट्टाए मुहं निरक्खंतीए ते वत्था पणामिता । ततो रुद्धा पभावती “देवयायणं पविसंतीए किं मे अमंगलं करेसि ति, किमहं वासघरपवेसिणि” ति, अट्टाएणं दासचेडी संखावत्ते आहया । मता दासचेडी खणेण । वत्था वि साभाविता जाता । पभावती चिंतेति - “अहो मे निरवराहा वि दासचेडी वावातिया, चिरानुपालियं च मे थूलगपाणाइवायवयं भग्गं, एसो वि मे उप्पाउ” ति । ततो रायाणं विन्नेवेति - “तुब्भेहिं अनुन्नाया पव्वज्जं अब्भुवेमि । मा अपरिचत्तकामभोगा मरामि” ति ।

रन्ना भणियं - “जति मे सद्धम्मे बोहेहिसि” ति । तीए अब्भुवगया निक्खंता, छम्मासं संजममनुपालेता आलोइयपडिक्कंता मता उववन्ना वेमाणिएसुं । ततो पासित्ता पुव्वं भवं पुव्वानुरागेण संगारविमोक्खणत्थं च बहूहिं वेसंतरेहिं रन्नो जड्ढं धम्मं कहेति । राया वि तावसभत्तो तं नो पडिवज्जेति । ताहे पभावतीदेवेणं तावसवेसो कतो, पुप्फफलोदयहत्थो रन्नो समीवगं गतो । अतीव एगं रमणीयं फलं रन्नो समप्पियं । रन्ना अग्घायं सुरभिगंधं ति, आलोइयं चक्खुणा सुरूवं ति, आसातियं अम(य) रसोवमं ति । रन्ना य पुच्छित्तो तावसो - कत्थ एरिसा फला संभवंति ? इतो नाइदूरासण्णो तावसासमे एरिसा फला भवंति । रन्ना लवियं - दंसेहि मे तं तावासमं, ते य रुक्खा । तावसेण भणियं - एहि, दुयग्गा वि त वयामो । दो वि पयाता ।

राया य मउडातिएण सव्वालंकारविभूसितो गतो पेच्छति य मेहनिगुरुं बभूतं वनसंडं । तत्थ पविट्ठो दिट्ठो तावसासमो, तावसाऽऽसमे य पेच्छति स दारे पत्ते गंधं दिव्वं । दिट्ठित्ते य मंतेमाणे निसुणेइ एस राया एगागी आगतो सव्वालंकारो मारेउं गेण्हामो आभरणं । राया भीतो पच्छओसक्कितुमारद्धो । तावसेण य कूवियं - धाह धाह एस पलातो गेण्ह ।

ताहे सव्वे तावसा भिसियगणे तिर्यंतियकमंडलुहत्था धाविता, हन हन गेण्ह गेण्ह मारह ति भणंता - रन्नो अनुमग्गतो लग्गा । राया भीतो पलायंतो पेच्छइ - एगं महंतं वनसंडं । सुणेति तत्थ मानुसालावं । एत्थ रणंति मन्नमाणो तं वनसंडं पविसति । पेच्छइ य तत्थ चंदमिव सोमं, कामदेवमिव रूववं, नागकुमारमिव सुणेवत्थं, बहस्सतिं व सव्वसत्थविसारयं, बहूणं समणाणं सावगाणं साविगाणं य सारेण सरेणं धम्ममक्खायमाणं समणं । तत्थ राया गतो सरणं सरणं भणंतो । समणेण य लविय - “ते न भेतव्वं” ति । “छुट्ठोसि” ति भणिता तावसा पडिगता । राया वि तेसिं विप्परिणतो इसि आसत्थो । धम्मो य से कहितो, पडिवन्नो य धम्मं । पभावतिदेवेन वि सव्वं पडिसंघरियं । राया अप्पाणं पेच्छति संघासणत्थो चेव चिट्ठामि, न कर्हिं वि गतो आगतो वा, चिंतेति य किमयं ति ? पभावतिदेवेण य आगासत्थेन भणियं - सव्वमेयं मया तुज्झ पडिबोहणत्थ कयं, धम्मे ते अविग्घं भवतु, अन्नत्थ वि मं आवतकप्पे संभरेज्जासि ति लवित्ता गतो पभावती देवो ।

सव्वपुरजनवएसु पारंपरिणिग्घोसो निग्गतो-बीतीभए नगरे देवावतारिता पडिमा ति । इतो य ‘गंधारा’ जनवयातो सावगो पव्वइतुकामो सव्वतित्थकरणं जम्मण-निक्खमणकेवलुप्पया-निव्वाणभूमीओ दड्ढु पडिनियत्तो षव्वयामि ति । ताहे सुत्तं ‘वेयङ्गिरिगुहाए’ रिसभातियाण तित्थकरणं सव्वरयणविचित्तियातो कणगपडिमाओ । साहू सकासे सुणत्ता ताओ दच्छामि ति तत्थ गतो । तत्थ देवताराधनं करेत्ता विहाडियाओ पडिमाओ । तत्थ सो सावतो थयथुतीहिं थुणंतो अहोरत्तं निवसितो । तस्स निम्मलरयणेसु न मनागमवि लोभो जातो । देवता चिंतेति - “अहो मानुसमलुद्धं” ति । तुट्ठा देवया, “बूहिं वरं” भणंती उवट्ठिता । ततो सावगेण लवियं - “नियत्तो हं माणुसएसु कामभोगेसु किं मे वरेण कज्जं ति ? “अमोहं देवतादंसणं” ति भणिता देवता अट्टसयं गुलियाणं जहाचित्तमनोरहाणं पणामेति । ताओ गहिताओ सावतेन, ततो निग्गतो । सुयं चणण जहा बीतीभए नगरे सव्वालंकारविभूसिता देवावतारिता पडिमा । तं इच्छामि ति, तत्थ गतो, वंदिता पडिमा । कति वि दिने पञ्जुवासामि ति तत्थेव देवतायणे ठितो, तो य सो तत्थ गिलाणो जातो । “देसितो सावगो” काउं कण्हगुलियाए पडियरितो । तुट्ठो सावगो । किं मम पव्वतितुकामस्स गुलियाहिं । एस भोगत्थिणी तेन तीसे जहाचित्तमनोरहाणं अट्टसयं गुलियाणं दिन्नं, गतो सावगो ।

ततो वि किण्हगुलियाए विन्ना(स) णत्थं किमेयाओ सव्वं जहाचित्तियमणोरहाओ उ नेति ? जइ सच्चं तो “हं उत्तत्तकणगवण्णा सुरूवा सुभगा य भवामी” ति एगा गुलिया भक्खिया । ताहे देवता इव कामरूविणी परावत्तियवेसा उत्तत्तकणगवण्णा सुरूवा सुभगा य जाया । ततो पभित्ति जनो भासिउमाढत्तो एस किण्हगुलिया देवताणुभावेण उत्तत्तकणगवण्णा जाया, इदानिं होउं से नामं “सुवण्णगुलिय” ति, तं च घुसितं सव्वजणवएसु । ततो सा सुवण्णगुलिगा गुलिगलद्धपच्चया भोगत्थिणी एगं गुलियं मुहे पक्खिविउं चिंतेति “पज्जोयणो मे राया भत्तारो भविज्ज”



त्ति । बीतीभयाओ उज्जेणी किल असीतिमित्तसु जोयणेसु । तत्थ व अकम्हा रायसभाए पज्जोयस्स अग्गतो पुरिसा कहं कहंति - “बीतीभते नगरे देवावतारियपडिमाए सुस्सूसकारिगा कण्हगुलिगा देवतानुभावेण सुवण्णगुलिगा जाता, अतीव सोहग्गलावन्नजुत्ता बहुजनस्स पत्थनिज्जा जाता ।” तं सुणेत्ता पज्जोओ तस्स गुलुम्मातितो दूतं विसज्जेति उदायनस्स - “एयं सुवण्णगुलियं समं विसज्जेसु” त्ति । गओ दूतो, विन्न्तो उदायनो । उदायणेण रुद्धेण विसज्जितो, अस्सकारियाऽसम्मानितो य दूतो । अहावत्तं दूतेन पज्जोयस्स कहियं ।

पुणो पज्जोएण रहस्सितो दूतो विसज्जिओ सुवण्णगुलियाए जइ मं इच्छसि वा तोऽहं रहस्सियमागच्छामि । तीए भणियं - जति पडिमा गच्छति तो गच्छामि, इयरहा नो गच्छे । गंतुं दूतेन कहियं पज्जोयस्स । ततो पज्जोतोऽनलगिरिणा हत्थिरयणेण सण्णद्धणिमियगुडेण अप्परिच्छडेनागतो, अहोरत्तेण पत्तो, पओसवेलाए पविट्ठा चरा, कहियं सुवण्णगुलियाते । तत्थ य बालवसंतकाले लेपगमहे वट्टमाणे पुव्वकारिता पज्जोएण लेपगपडिमा मंडियपसाधिता गीताओज्जनिग्घोसेण रायभवणं पवेसिता देवतावतारियपडिमाययणं च । भवियव्वत्ताए छलेण य तम्मि आययणे सा ठविता । इयरा देवावतारियपडिमा कुसुमोमालियगीयवाइत्तनिग्घोसेण सव्वजनसमक्खे लेप्पछलेण णिता सुवण्णगुलिगा य । पडिमं सुवण्णगुलिगं च पज्जोतो हरिउं - गतो । जं च रयणिंऽनलगिरी वीतीभए नगरे पवेसितो तं रयणिं अंतो जे गया तेऽनलगिरिणो गंधहत्थिणो गंधेण आलाणखंभं भंतुं सव्वे वि लुलिया सव्वजनस्स य जायंति । महामंतिजनेन य उन्नीयं - नूनं एत्थऽनल गिरी हत्थी खंभविष्णणद्धो आगतो, अन्नो वा कोइ वणहत्थी ।

पभाए रन्ना गवेसावियं । दिट्ठोऽनलगिरिस्स आनिमलो । पवत्तिबाहतेन कहियं-रन्नो आगतो पज्जोतो पडिगओ य । गवेसाविता सुवण्णगुलिगा य त्ति, नायं तदद्दा आगतो आसि त्ति । रन्ना भणियं - पडिमं गवेसहि त्ति । गविट्ठा । कुसुमोमालिया चिट्ठइ न व त्ति, देवतावतारियपडिमाए य गोसीसचंदनसीतानुभावेण य कुसुमा नो मिलायंति । ण्हायपयतोतराया मज्झण्ह देसकाले देवाययणं अतिगओ, पेच्छती य पुव्वकुसुमे परिमिलाणे । रन्ना चिंतियं - किमेस उप्पातो, उत अन्ना चेव पडिम त्ति ? ताहे अवनेउं कुसुमे निरिक्खिता, नायं हडा पडिमा । रुद्धो उदायनो दूतं विसज्जेति, जइ ते हडा दासचेडी तो हडा नाम, विसज्जेह मे पडिमं । गतपद्दागतेन दूतेन कहियं उदायणस्स - न विसज्जेति पज्जोओ पडिमं । ततो उदायणो दसहिं मउडबद्धरातीसह सव्वसाहण - बलेण पयातो । कालो य गिन्हो वट्टति । मरुजणवयमुत्तरंतो य जलाभावे सव्वखंधवारो ततियदिने तिसाभिभूतो विसण्णो । उदायनस्स रन्नो कहियं ।

रन्ना वि अप्पबहुं चिंतियं नत्थि अन्नो उवातो सरणं वा, नत्थि परं पभावतिदेवो सरणं ति, पभावतिदेवो सरणंसि कओ । पभावतिदेवस्स कयसिंंगारस्सासणकंपो जाओ, तेन ओही, पउत्ता, दिट्ठा उदायनस्स रन्नो आवत्ती । ततो ओ आगतो तुरंतो पिनद्धंखं परं जलधरेहिं पुव्वं अप्पातितो जणवओ पविरलतुसारसीयलेण वायुणा । ततो पच्छा वालपरिक्खितं व जलं जलधरेहिं मुक्कं सरस्स तं च जलं देवता-कय-पुक्खरणीतिए संठियं, देवयकयपुक्खरणि ति अबुहजनेण “ति पुक्खरं” ति तित्थं पवत्तियं । ततो उदायनो राया गतो उज्जेनिं । रोहिता उज्जेनी । बहुजनक्खए वट्टमाणे उदायनेन पज्जोतो भणिओ - तुज्झं मज्झ य विरोहो । अन्हे चेव दुअग्गा जुज्झामो, किं

सेसजनवएणं माराविणंति । अब्भुवगयं पज्जोएण । दुअग्गाण वि दूतए संचारेण संलावो - कंहं जुज्झामो ? किं रहेहिं गएहिं अस्सेहिं ? ति । उदायनेण लवियं - जारिसो तुज्झऽनलगिरी हत्थी एरिसो मज्झ नत्थि, तहा तुज्झ जेण अभिप्येयं तेन जुज्झामो । पज्जोएण भणियं - गएहिं असमाणं तुज्झंति, कल्लं रहेहिं जुज्झामो ति । दूवग्गणे वि अवट्ठियं । विदियदिणे उदायणो रहेण उवट्ठितो, पज्जोओऽनलगिरिणा हत्थि - रयणेण । सेसखंधावारो सेण्णच्चपरिवारो पेच्छगो य उदासीणो चिट्ठति । उदायणेण भणियं - एस भट्टपडिवण्णो हतो मया, संपलग्गं जुद्धं, आगतो हत्थी । उदायनेण चक्कभमे च्छूढो, चउसु वि पायतलेसु विद्धो सरेहि, पडिओ हत्थी । एवं उदायनेन रन्ने जित्ता गहिओ पज्जोओ । भग्गं परबलं । गहिया उज्जेणी । नट्टा सुवण्णगुलिया । पडिमा पुण देवत्ताहिट्ठिता संचालेउं न सक्किता । पज्जोतो य ललाटे सुणहपाएण अंकितो ।

इमं च से नामयं ललाटे चेव अंकितं-

[भा. ३१८५] दासो दासीवत्तिओ, छेत्तट्ठी जो घरे य वत्तव्वो ।

आणं कोवेमाणे, हंतव्वो बंधियव्वो य ॥

चू- कंठा । उदायनो ससाहणेण पडिनियत्तो, पज्जोओ वि बद्धो खंधावारे निज्जति । उदायनो आगओ, जाव दसपुरोद्देसे १ तत्थ वरिसाकालो जातो । दस वि मउडबद्धरायाणो निवेसेण ठितो । उदायनस्स उवजेमणाए भुंजति पज्जोतो । अन्नया पज्जोसवणकाले पत्ते उदायनो उववासी, तेन सूतो विसज्जितो । पज्जोओ अज्ज गच्छसु, किं ते उवसाहिज्जउ त्ति । गतो सूतो, पुच्छिओ पज्जोओ । आसंकियं पज्जोतस्स । “न कयाति अहं पुच्छिओ, अज्ज पुच्छा कता । नूनं अहं विससम्मिसेण भत्तेण अज्ज मारिज्जिउकामो । अहवा - किं मे संदेहेण, एयं चेव पुच्छामि ।”

पज्जोएण पुच्छिओ सूतो - अज्ज मे कि पुच्छिज्जति । किं वा हं अज्ज मारिज्जिउकामो ? सूतेन लवियं-न तुमं मारिज्जसि । राया समणोवासओऽज्ज पज्जोसवणाए उववासी । तो ते जं इड्ढं अज्ज उवसाहयामि त्ति पुच्छिओ । तओ पज्जोतेन लवियं-“अहो सपावकम्मणे वसणपत्तेण पज्जोसवणा वि न नाता, गच्छ कहेहि राइणो उदायनस्स जहा अहं पि समणोवासगो अज्ज उववासिओ भत्तेण न मे कज्जं ।” सुतेन गंतुं उदायनस्स कहियं - सो वि समणोवासगो अज्ज न भुंजति त्ति । ताहे उदायनो भणति - समणोवासणेण मे बद्धेण अज्ज सामातियं न सुज्जति, न य सम्मं पज्जोसवियं भवति, तं गच्छामि समणोवासगं बंधनातो मोएमि खामेमि य सम्मं, तेन सो मोइओ खमिओ य ललाटमंकच्छायणइया य सोवण्णो से पट्ठो बद्धो । ततो पभिति पट्टबद्धरायाणो जाता । एवं ताव जति गिहिणो वि कयवेरा अधिकरणाइं ओसवंति, समणेहिं पुण सव्वपावविरतेहिं सुट्ठतरं ओसवेयव्वं ति । सेसं सवित्थरं जीवंतसामिउप्पत्तीए वत्तव्व ॥ अहवा - इमं उदाहरणं-

[भा. ३१८६] खद्धादानि य गेहे, पायस दमचेडरूवगा दट्ठुं ।

पितरोभासण कीरे, जाइय रद्धे य तेना तो ॥

चू- खद्धि आदानि जेसु गिहेसु ते खद्धादाणीयगिहा - ईश्वरगृहा इत्यर्थः । तेसु खद्धादाणीयगिहेसु, खणकाले पायसो नवगपयसाहितो । तं दट्ठुं दमगचेडा दमगो-दरिद्रो तस्स पुत्तभंडा इत्यर्थः पितरं ओभासंति - “अहं वि पायस देहि” ति भणितो । तेन गामे दुद्धतंदुले ओहारिऊण समप्पियं भारियाए - “पायसमुवसाहेहि” ति । सोय पच्चंतगामो, तत्थ चोरसेना

पडिता, ते य गामं विलुलिउमाढत्ता ।

[भा.३१८७] पायसहरणं छेत्ता, पच्छागय असियएण सीसं तु ।

भाउयसेणाहिविखि, सणाहिं सरणागतो जत्थ ॥

चू- तस्स दमगस्स सो य पायसो सह धालीए हडो । तं वेलं सो दमगोच्छेत्तं गतो । सो य छेतातो तणं लुण्णिकुणं आगतो, तं चिंतेति - “अज्ज चेडरूवेहिं समं भोक्खेमि” ति धरंगणपत्तस्स चेडरूवेहिं कहितं ततो “बप्प” ति भणंतेहि सो य पायसो हडो । सो तणपूलियं छड्डेऊण गतो कोहाभिभूतो, पेच्छति सेणाहिवस्स पुरतो पायसथालियं ठवियं । ते चोरा पुणो गामं पविट्ठा, एगागी सेनाहिवो चिट्ठइ । तेन य दमगेण असियएण सीसं छिन्नं सेणावत्तिस्स नट्टो दमगो । ते य चोरा हन्नायगा नट्टा । तेहिं य गतेहिं मयकिच्चं काउं तस्स डहरतरतो भाया सो सेणाहिवो अभिसित्तो । तस्स मायभगिनीबाउज्जाइयातो अखिंसंति - “तुमं भाओवरतिए जीवंते अच्छति सेनाहिवत्तं काउं, धिरत्थूते जीवियस्स । सो अमिरसण गतो गहितो - दमगो जीवगेज्जो, आनितो निगडियवेट्ठिगो सयणमज्झगतो आसणट्ठितो वणगं गहाय भणति - अरे अरे भातिवेरिया, कथ्य ते आहणामि ति ।

दमगेण भणियं “जत्थ सरणागता पहरिज्जंति तत्थ पहराहि” ति । एवं भणिते सयं चिंतेति - “सरणागया नो पहरिज्जंति ।” ताहे सो माउभगिणीसयणाणं च मुहं निरिक्खति । तेहिं ति भणितो - “नो सरणागयस्स पहरिज्जति”, ताहे सो तेन पूएऊण मुक्को । जति ता तेन सो धम्मं अजाणमाणेण मुक्को, किमं नु पुण साहुणा परलोगभीतेन अब्भुवगयवच्छलेण अब्भुवगयस्स सम्मं न सहियव्वं ? खामियव्वं ति । इदानिं “कसाय” ति दारं । तेसिं चउक्कनिकखेवो जहावट्ठाणे कोहो चउव्विधो उदगराइसमाणो वालुआराइसमाणो पुढवीराइसमाणो पव्वयगराइसमाणो, दारं ।

[भा.३१८८] वाओदएहि राई, नासति कालेण सिगयपुढवीणं ।

नासति उदगस्स सतिं, पव्वतराई तु जा सेलो ॥

चू- वाएण उदएण य राती नासइ जहा सक्खं सिगयपुढवीणं । “कालेण” ति कालविशेषप्रदर्शनार्थं, उदगराती सकृत् नश्यति, तत्क्षणादित्यर्थः । जा पुण पव्वतराती सा जाव पव्वतो ताव चिट्ठति अंतरा नापगच्छतीत्यर्थः ॥ इदानिं रातीहिं कोव-अवसंधारणत्थं भण्णति

[भा.३१८९] उदगसरिच्छा पक्खेण ऽवेति चतुमासिएण सिगयसमा ।

वरिसेन पुढविराती, आमरण गती य पडिलोमा ॥

चू- उदगराइसमाणो जो रुसितो तद्विवसं चैव पडिक्कमणवेलाए उवसमति जाव पक्खे वि उवसमतो उदगरातिसमाणो भण्णति । जो पुण दिवसपक्खिएसु अनुवसंतो जाव चउमासिए उवसमति सो सिगतारातिसमाणो कोहो भवति ।

जो दिवसपक्खचाउम्मासिएसु अनुवसंतो संवच्छरिए उवसमति सो पुढविराइसमाणो । जहा पुढवीए सरदे फुडियातो दालिओ पाउसे पवुट्ठे मिलंति एवं तस्स वि वरिसेण क्रोधो अवेति । जो पुण पज्जोसवणाए वि नो उवसमति सो पव्वयरातीसमाणो कोहो । जहा पव्वयस्स राती न मिलति एवं तस्स वि आमरणंतो कोहो नोवसमति । एतेसिं गतीतो पडिलोमं वत्तव्वाओ । पव्वयरातीसमाणस्स नरगगती, पुढवीसमाणस्स तिरियगती, सिगयसमाणस्स मनुयगती, उदगसमाणस्स देवगती, अकसायस्स मोक्खगती ॥

[भा. ३१९०] एमेव थंभकेयण, वत्येसु परूवणा गतीओ य ।  
मरुय अचंकारि य पंडरज्जमंगू य आहरणा ॥

चू- एवं सेसा कसाया चउभेया वत्तव्वा । थंभे ति थंभसमाणो माणो । सो चउव्विहो अत्थि ।

[भा. ३१९१] सेल-ऽड्ढि-थंभदारुयलया य वंसे य मेंढ गोमुत्ती ।

अवलेहणि किमि कद्दम कुसुंभरागे हलिद्दा य ॥

[भा. ३१९२] चउसु कसातेसु गती, नरय तिरिय माणुसे य देवगती ।

उवसमह निच्चकालं, सोग्गइमंगं वियाणंता ॥

चू- सेलथंभसमाणो माणो अत्थि, अड्ढिथंभसमाणो माणो अत्थि, कड्ढथंभसमाणो माणो अत्थि, तिनिस्सलयासमाणो माणो अत्थि । गतीतो पडिलोमं वत्तव्वातो । “केयणं” ते छज्जियलेवनगंडो केयणं ति भण्णति, सो य वंको तस्समा माया । अहवा-यत् कृतकं तं पाययसेलीए केयणं भण्णइ, कृतकं च माया । माया चउव्विहा-एवलेहणियाकेयणे, गोमुत्तियाकेयणे, घणवंशमूलसमकेयणे, मेढसिंगकेयणे वि । गतीतो पडिलोमं वत्तव्वाओ । “वत्ये” ति वत्यरागसमाणो लोभो । सो चउव्विहो । हरिद्वारागसमाणो लोभो, कुसुंभरागसमाणो भो, कद्दमरागसमाणो लोभो, किमिरागसमाणो लोभो । गतीओ पडिलोमातो वत्तव्वाओ । इमे उदाहरणा - कोहे मरुओ, माणे अच्चंकारियभट्टा, मायाए पंडरज्जा, लोभे अज्जमंगू ॥ कोहे इमं-

[भा. ३१९३] अवहंत गोण मरुते, छउण्हे वप्पाण उक्करो उवरिं ।

छूढो मओ उवट्टा, अतिकोवे न देमो पच्छित्तं ॥

एत्थ एसेव दमगो । अधवा - एगो मरुगो, तस्स इक्को बइल्लो । सो य तं गहाय केयारे हलेण वाहेमि ति गतो । सो य परिस्संतो पडितो, न तरति उट्टेउं । ताहे तेन धिज्जातिएण हणंतेन तस्स उवरिं तुत्तगो भग्गो, तहावि न उट्टति । अन्नकट्टाभावे लेट्टुएहिं हणिउमारद्धो, एगकेयारलेट्टुएहिं, तहावि नोड्डितो, एवं चउण्हे केयाराण उक्करेण आहतो, नो उड्डितो । तो तेन लेट्टुपुओ कतो, मओ सो गोणो । ताहे सो बंभणो गोवज्जविसोहणत्थं धिज्जातियाणमुवड्डितो । तेन जहावत्तं कहियं, भणियं च तेन - अज्ज वि तस्सोवरिं मे कोहो न फिट्ठति । ताहे सो धिज्जातिएहिं भणिओ - तुमं अतिकोही, नत्थि ते सुट्टी, न ते पच्छित्तं देमो, सव्वलोगेण वज्जितो सोऽसोलोगपडितो जातो । एवं साहुणा एरिसो कोवो न कायव्वो । अह करेज्ज तो उदगरातीसमाणेण भवियव्वं । जो पुण पक्खिय-चाउम्मासिय-संवच्छरिएसु न उवसमति तस्स विवेगो कायव्वो, जहा धिज्जातियस्स । माने इमं-

[भा. ३१९४] धनधूयमच्चंकारिय-भट्टा अट्टसु य मग्गतो जाया ।

चरणपडिसेव सचिवे, अनुयत्ती हिं पदानं च ॥

[भा. ३१९५] निवर्चित विकालपडिच्छणा य दानं न देमि निवकहणं ।

खिसा निसि निग्गमणं, चोरा सेनावती गहणं ॥

[भा. ३१९६] नेच्छति जलूग वेज्जे, गहणं तं पि य अनिच्छमाणी तु ।

गेण्हावे जलूगवणा, भाउयदूए कहण मोए ॥

घू- 'खितिपतिङ्घिय' नगरं । 'जियसत्तू' राया । 'धारिणी' देवी । 'सुबुद्धी' सचिवो । तथ्य नगरे 'धनो' नाम सेट्टी । तस्स 'भद्दा' नाम भारिया । तस्स य धूया भद्दा । साय माउपियभाउयाण य उवातियसयलद्धा । मायपितीहि य सव्वपरियणो भण्णति - "एसा जं करेउ न केण ति किंचिच्चंकारेयव्वं" ति । ताहे लोणेण से कयं नाम अच्चंकारियभद्दा । सा य अतीवरुववती, बहुसु वणियकुलेसु वरिज्जति ।

धनो य सेट्टी भणति - जो एयं न चंकारेहिति तस्सेसा दिज्जिहिति ति । एवं वरगे पडिसेहेति । अन्नया सचिवेण वरिता । धणेण भणियं - जइ न किंचि वि अवरहे चंकारेहिसि तो ते पयच्छामो । तेन य पडिसुयं । तस्स दिन्ना । भारिया जाता । सो य न चंकारेति । सो य अमच्चो रातीते जामे गते रायकज्जाणि समानेउं आगच्छति । सा तं दिने दिने खिंसति सवेलाए नागच्छसिति । ततो सवलाए एतुमाढत्तो । अन्नया रन्नो चिंता जाता - किमेस मंती सवेलाए गच्छति ति ।

रन्नो अन्नेहिं कहियं - एस भारियाए आणाभंगं न करेति ति । अन्नया रन्ना भणियं - इमं एरिसं तारिसं च कज्जं च सवेलाए तुमे न गंतव्वं । सो ओसुअभूतो वि रायाणुअतीए ठितो । सा य रुद्धा वारं बंधेउं ठिता । अमच्चो आगतो उस्सूरे, "दार-मुग्घाडेहि" ति बहुं भणिता वि जाहे न उग्घाडेति ताहे तेन चिरं अच्छिऊण भणिता - "तुमं चेव सामिणी होज्जासि ति अहो मे आलो अंगीकतो" । ताहे सा "अहमालो" ति भणिया दारमुग्घाडेउं पियघरं गता । सव्वालंकारविभूसिता अंतरा चोरेहिं गहिता । तासे सव्वालकारं घेतुं चोरेहिं सेमावतिस उवनीता ।

तेन सा भणिता - मम महिला होहि ति । सो तं बलान भुंजति, सा वि तं नेच्छति । ताहे तेन वि सा जल्लगवेज्जस्स हत्थे विद्धीता । तेन वि सा भणिता - मम भज्जा भवाहि ति । तं पि अनिच्छंतीए तेन वि रुसिएण भणिता - "वणं" - पाणीयं, तातो जल्लुगा गेण्हाहि" ति । सा अप्पाणं नवनीएण मक्खेउं जलमवगाहति, एवं जल्लुगातो गेण्हति । सा तं अननुरुवं कम्म करेति न य सीलभंगं इच्छति । सा तेन रूहिरसावेण विरुवलावण्णा जाया । इतो य तस्स भाया दूयकिच्चेण तत्थागतो, तेन सा अनुसरिस ति काउं पुच्छिता, तीए कहियं, तेन दव्वेण मोयाविया आनिया य । वमणविरयणेहिं पुण नवसरीरा जाता । अमच्चेण य पच्चाणेउघरमाणिया सव्वसामिणी ठविया । ताए सो कोहपुरस्सरस्स माणस्स दोसं दट्टुं अभिग्गहो गहितो - "न मे कोहो मानो वा कायव्वो ॥

[भा. ३१९७] सयगुणसहस्सपागं, वणभेसज्जं जतिसस जायणया ।

तिक्खुत्त दासिभिंदण, न य कोहो सयं च दानं च ॥

घू- तस्स घरे सयसहस्सपागं तेल्लमत्थि, तं च साहुणा वणसंरोहणत्थं ओसढं मग्गियं । ताए य दासचेडी आप्फता, "आनेहि" ति । ताए आणंतीए सहतेल्लेण एणं भायणं भिन्नं । एवं तिन्नि भायणाणि भिन्नाणि । न य सा रुद्धा । तिसु य सयसहस्सेसु विणट्टेसु चउत्थवाराए अप्पणा उट्टेऊणं दिन्नं । जइ ताए कोहपुरस्सरो मेरुसरिसो मानो निज्जितो तो साहुणा सुद्धतरं गिहंतव्वो इति ॥ मायाए इमं-

[भा. ३१९८] पासत्थि पंडरज्जा, परिन्न-गुरुमूल-नातअभिआगा ।

पुच्छा तिपडिक्कमणे, पुव्वब्भासा चउत्थं पि ॥

घू- नाणातितियस्स पासेठिता पासत्थी, सरीरोवकरणव (पा) उसा निच्चं सुक्किल्लासपरिहरिता

विचिद्द्वि ति । लोणेण से नामं 'कयं पंडरज्ज' ति । सा य विज्ञा-मंत-वसीकरणुच्चाटणकोउएसु य कुसला जनेसु पउंजति । जनो य से पणयसिरो कयंजलितो चिद्द्वि ति ।

अद्धवयातिकंता वेरग्गमुवगता गुरुं विन्नवेति - "आलोयणं पच्छमि" ति । आलोइए पुणो विन्नवेति - "न दीहं कालं पवज्जं काउं समत्था" । ताहे गुरुहिं अप्पं कालं परिकम्मवेत्ता विज्ञामंतादियं सव्वं छद्दुवेत्ता "परिन्" ति असनगं पच्चक्खायं । आयरिएहिं उभयवग्गो वि वारितो न लोगस्स कहेयव्वं । ताहे सा भत्ते पच्चक्खाते जहा पुव्वं बहुजणपरिवुडा अच्छिता इदानिं न तहा अच्छति, अप्पसाहुसाहुणिपरिवारा चिद्द्वि । ताहे से अरती कज्जति । ततो ताए लोगवसीकरणविज्ञा मणसाआवाहिता ।

ताहे जनो पुप्फधूवगंधहत्यो अलंकितविभूसितो वंदवदेहिं । उभयवग्गो पुच्छितो - किं ते जनस्स अक्खायं ? ते भणंति- "न व" ति । सा पुच्छिता भणति - मम विज्ञाए अभिओइयं एति । गुरुहिं भणिता - "न वट्टति" ति । ताहे पडिक्कंता । सयं ठितो लोगो आगंतुं । एवं तओ वारा सम्मं पडिक्कंता, चउत्थवाराते पुच्छिता न सम्ममाउट्टा भणति य - पुव्वम्भासाऽहुणा आगच्छंति ॥

[भा. ३१९९] अपडिक्कमसोहम्मे, अभिउग्गा देवसक्कओसरणे ।

हत्थिणि वाउस्सग्गे, गोयम-पुच्छा तु वागरणा ॥

चू-अनालोएउ कालगता सोहम्मे एरावणस्स अग्गमहिंसी जाता । ताहे सा भगवतो वद्धमानस्स समोसरणे आगता, धम्मकहावसाणे हत्थिणिरूवं काउं भगवतो पुरतो ठिच्चा महतासदेण वातं कम्मं करेति । ताहे भगवं गोयमो जाणगपुच्छं पुच्छति । भगवया पुव्वभवो से वागरितो । मा अन्नो वि को ति साहु साहुणी वा मायं काहिति, तेनेयाए वायकम्मं कतं, भगवता वागरियं । तम्हा एरिसी माया दुरंता न कायव्वा । लोभे इमं उदाहरणं - "लुद्धमंदी" अहवा "अज्जमंगू"-

[भा. ३२००] मधुरा मंगू आगम बहुसुय वेरग्ग सहूपया य ।

सातादि-लोभ-नितिए, मरणे जीहाइ निद्धमणे ॥

चू-अज्जमंगू आयरिया बहुस्सुया अज्झागमा बहुसिस्सपरिवारा उज्जयविहारिणो ते विहरंता महुरं नगरीं गता । ते "वेरगिय" ति काउं सट्टेहिं वत्थातिएहिं पूइता, खीर-दधि-घय-गुलातिएहिं दिने दिने पज्जतिएण पडिलाभयंति । सो आयरिओ लोभेण सातासोक्खपडिबद्धो न विहरति । नितिओ जातो । सेसा साधू विहरिता ।

सो वि अनालोइयपडिक्कंतो विराहियसामण्णो वंतरो निद्धम्मणा जक्खो जातो । तेन य पदेसेण जदा साहू निग्गमण-पवेसं करेति, ताहे सो जक्खो पडिमं अनुपविसित्ता महापमाणं जीहं निज्जालेति । साहूहिं पुच्छितो भणति - अहं सायासोक्खपडिबद्धो जीहादोसेण अप्पिहिओ इह निद्धम्मणाओ भोमेजे नगरे वंतरो जातो, तुज्ज पडिबोहणत्थमिहागतो तं मा तुभ्भे एवं काहिह । अन्ने कहेति - जदा साहू भुंजंति तदा सो महप्पमाणं हत्थं सव्वालंकारं विउव्विऊण गवक्खदारेण साधूण पुरतो पसारेति । साहूहिं पुच्छितो भणाति - सो हं अज्जमंगू इहिरिसपमादगरुओ मरिऊण णिद्धम्मणे जक्खो जातो, त मा कोइ तुभ्भे एवं लोभदोसं कहेज्ज ॥ एवं कसायदोसे नाउं पज्जोसवणासु अप्पणो परस्स वा सव्वकसायाण उवसमणं कायव्वं । इमं च वासासु कायव्वं-

[भा. ३२०१] अब्भुवगयगयवेरा, नातुं गिहिणो वि मा हु अहिगरणं ।

कुज्जाहि कसाए वा, अविगडियफलं व सिं सोउं ॥

[भा.३२०२] पच्छित्तं पहुपाणा, कालो बलिओ चिरं च ठायव्वं ।

सज्जाय-संजम-तवे, धणियं अप्पा नियोतव्वो ॥

चू- अट्टसु उदुबद्धिएसु मासेसु जं पच्छित्तं संचियं न वूढं तं वासासु वोढव्वं । किं कारणं तं वासासु वुज्जे ? भण्णते - जेण वासासु बहुपाणा भवन्ति, ते हिंडंतेहिं वहिज्जन्ति, सीयाणुभावेण य कालो बलितो, सुहं तथ पच्छित्तं वोढुं सक्कति । एगक्खेत्ते चिरं अच्छियव्वं तेन वासासु पच्छित्तं वुज्जति । अवि य सीयलगुणेण बलियाइं इंदियाइं भवन्ति । तदप्पनिरोहत्थं तवो कज्जति । पंचप्पगारसज्जाए उज्जमियव्वं, सत्तरसविहे य संजमे, बारसविहे य तवे अप्पा धनियं सुद्ध निओएयव्वो, निउंजितव्यमित्यर्थः ॥

[भा.३२०३] पुरिमचरिमाण कप्पो, तु मंगलं वद्धमाणतित्थम्मि ।

तो परिकहिया जिनगण-हरा य थेरावलिचरित्तं ॥

चू- पुरिमा उसभसामिणो सिस्सा, चरिमा वद्धमाणसामिणो । एतेसिं एस कप्पो चेव जं वासासु पज्जोसविज्जन्ति, वासं पडउ मा वा । मज्झिमयाणं पुण भणित्तं-पज्जोसवेति वा न वा, जति दोसो अत्थि तो पज्जोसवेति, इहरहा नो । मंगलं च वद्धमाणसामितित्थे भवति । जेण य मंगलं तेन सब्वजिणाणं चरितातिं कहिज्जन्ति, समोसरणाणिय, सुधम्मतिथाण थेराणं आवलिया कहिज्जति ॥ एत्थ सुत्तणिबधे य इमो कप्पो कहिज्जति-

[भा.३२०४] सुत्त जहा निबंधो, वग्धारियभत्तपाणग्गहणं ।

नाणड्ढि तवस्सी यऽनहियासि वग्धारिए गहणं ॥

चू- नो कप्पति निग्गंथाण वा निग्गंथीण वा वग्धारिय-वुट्ठिकायंसि गाहावति-कुलं भत्ताए वा पाणाए वा निक्खमित्तए वा पविसित्तए वा । कप्पइसे अप्पवुट्ठिकायंसि संतरुत्तरंसि गाहावड्-कुलं भत्ताए वा पाणाए वा निक्खमित्तए वा पविसित्तए वा । वग्धारियं नाम जं तिन्नवासं पडति, जत्थ वा नेव्वं वासकप्पो वा गलति, जत्थ वासकप्पं भेतूण अंतो काओ य उल्लेत्ति, एयं वग्धारियं वासं । एरिसे न कप्पति भत्तपाणं घेतुं । सुत्ते जहा निबंधो तथा न कल्पते इत्यर्थः । अवग्धारिए पुण कप्पन्ति भत्तपाणग्गहणं काउं । कप्पति से अप्पवुट्ठिकायंसि संतरुत्तरंसि, संतरमिति अंतरकप्पो, उत्तरमिति वासकप्पकंबली ।

इमेहिं कारणोहिं बितियपदे वग्धारियवुट्ठिकाये वि भत्तपाणग्गहणं कज्जति “नाणट्ठी” पच्छद्धं । “नाणड्ढि”त्ति जदा को ति साहू अज्झयणं सुत्तक्खंधमंगं वा अहिज्जति, वग्धारियवासं पडति, ताहे सो वग्धारिए वि हिंडति । “तवस्सी”त्ति अहवा - छुहालू अनधियासो वग्धारिए हिंडति । एते तिन्निहि वग्धारिते संतरुत्तरा हिंडन्ति । संतरुत्तरस्य व्याख्या पूर्ववत् । अहवा - इह संतरं जहासत्तीए चउत्थमादी करेति । उत्तरमिति “बालेसुत्तादिए” न अडंति ॥

[भा.३२०५] संजमखेत्तचुयाणं, नाणड्ढि-तवस्सि-अनहियासाणं ।

आसज्ज भिक्खकालं, उत्तरकरणेण जइयव्वं ॥

चू- संजमखेत्त-चुया जे नाणड्ढितवस्सी अनधियासी य जो, एते सब्बे भिक्खाकाले उत्तरकरणेण भिक्खग्गहणं करेति ॥ केरिसं पुण संजमखेत्तं-

[भा.३२०६] उन्नियवासाकप्पा, लाउयपातं च लब्भती जत्थ ।

सज्जा एसणसोही, वरिसइकाले य तं खेत्तं ॥

चू-जत्थ खेत्ते उन्नियवासाकप्पा लब्भंति, जत्थ अलाबु पादा चाउक्कालो य सुज्झति सज्झाओ, जत्थ य भत्तादीयं सव्वं एसणासुद्धं लब्भति, विविधं च धम्मसाहणोवकरणं जत्थ लब्भति । कालवरिसी नाम - रातो वासइ, न दिवा । अहवा - भिक्खावेलं सण्णाभूमिगमणवेलं च मोत्तुं वासति । अहवा - वासासु वासति नो उदुबद्धे एस कालवरिसा । एयं संजमखेत्तं ॥ ततो असिवादिकारणेहिं चुता । “नाणड्ढितवस्सि अणधियासे” त्ति तिन्नि वि एगगाहाते वक्खाणेति-

[भा. ३२०७] पुव्वाहीयं नासति, नवं च छातो न पच्चलो धेत्तुं ।

खमगस्स य पारणए, वरसति असहू य बालादी ॥

चू- छुभाभिभूयस्स परिवाडिं अकुव्वतो पुव्वाधीतं नासति, अभिनवं वा सुत्तत्थं च्छातो ग्रहीतुमसमर्थो भवति, खमगपारणए वा तवसि, बालादी असहू वा, वासंते असमत्था उववासं काउं ॥ ताहे इमेण उत्तरकरणेण जतंति-

[भा. ३२०८] बाले सुत्ते सूती, कुडसीसगच्छतए य पच्चिमए ।

नाणड्ढितवस्सी अन-हियासि अह उत्तरविसेसा ॥

चू- वरिसंते उववासो कायव्वो । असहु कारणे वा “बाले” त्ति उन्नियवासाकप्पेण पाउतो अडति । उन्नियस्स असति उट्टिण्ण अडति । उट्टियासति कुतवेणं । जाहे एयं तिविधं पि वालयं नत्थि ताहे जं सोत्तियं थिरं घणं मसिणं तेन हिंडति । सोत्तियस्स असति ताल-सूइं उवरिं काउं हिंडति । कुडसीसयं पलासं पत्तेहिं वा गंडेणविणा छत्तयं कीरइ, तं सिरं काउं हिंडति । तस्सऽसति विदलमादीछत्तएणं हिंडति । एसो संजमखेत्तचुत्तादियाण वासासु वासंते उत्तरकरणविसेसो भणितो ॥ सव्वो य एस पज्जोसवणाविधी भणितो- बितियपदेण पज्जोसवणाए न पज्जोसवेति अपज्जोसवणाए वा पज्जोसवेज्जा इमेहिं कारणेहिं-

[भा. ३२०९] असिवे ओमोयरिए, रायदुडे भए व गेलण्णे ।

अद्धाण रोहए वा, दोसु वि सुत्तेसु अप्पाबहुं ॥

चू- पज्जोसणाकाले पत्ते असिवं होहिति त्ति नातूण न पज्जोसवेति, ओमोयरिएसु वि एवं अतिक्कंते वा पज्जोसविज्जा । महल्लठाणातो वा चिरेण निग्गया ते न पज्जोसवणाए पज्जोसवेज्जा, बोहियभए वा निग्गता अतिक्कंता पज्जोसवेति । एवं दोसु वि सुत्तेसु अप्पाबहुं नाउं न पज्जोसवेति । अपज्जोसवणाए वा पज्जोसवेति ॥

मू. (६५१) जे भिक्खू पज्जोसवणाए गोलोमाइं पि वालाइं उवाइणावेइ - उवाइणावेतं वा सातिज्जति ॥

चू- गोलोममात्रा पि न कर्तव्या किमुत्त दीर्घा । अहवा - हस्तप्राप्या अपिशब्देन विशेष्यंति । उवातिणावेति त्ति पज्जोसवणारयणिं अतिक्राम तीत्यर्थः । तस्स चउगुरुगं पच्छित्तं । आणादिया य दोसा ।

[भा. ३२१०] पज्जोसवणा केसे, गावीलोमप्पमाणमेत्ते वी ।

जे भिक्खूवातिणावती, सो पावति आणमादीणि ॥

[भा. ३२११] न वि सिंगपुंछवाला, न अत्थि पुंछे न बत्थिया वाला ।

सुजवसणीरोगाए, सेसं गुरु हानि हानीए ॥



चू- वासासु लोमए अकजंते इमे दोसा-

[भा.३२१२] निसुढंते आउवधो, उल्लेसु य छप्पदीउ मुच्छंति ।

ता कंडूय विराहे, कुज्जा व खयं तु आयाते ॥

चू- आउक्काए निसुढंते आउविराहणा, उल्लेसु य वालेसु छप्पयाओ सम्मुच्छंति, कंडुअंतो वा छप्पदादि विराहेति, कंडुअंतो वा खयं करेज्जा । तत्थ आयविराहणा ॥ जम्हा एते दोसा तम्हा-

[भा.३२१३] धुवलोओ उ जिणाणं, वरिसासु य होइ गच्छवासीणं ।

उडु तरुणे चउमासो, खुर-कत्तरि छल्लहू गुरुगा ॥

चू- उडुबद्धे वासासु वा जिनकप्पियाणं धुवलोओ, थेरकप्पियाण वासासु धुवलोओ धुवलायासमत्थो वा तं रयणिं नातिक्रमे । थेरकप्पितो तरुणो उडुबद्धे उक्कोसेणं चउण्हं मासाणं लोय करावेंति, थेरस्स वि एवं, नवरं - उक्कोसेणं छम्मासा । जति उडुबद्धे वाससु वा खुरेण कारवेति तो - मासलहुं, कत्तीए मासगुरुं, आणादिया य दोसा, छप्पतिगाण विराहणा पच्छकम्मदोसा य । आदेसंतरेण कारवेति तो छल्लहु, कत्तीए चउगुरुगा । लोयं करावेंतेन एते दोसा परिहारिया भवंति ॥

[भा.३२१४] पक्खिय-मासिय-छम्मासिए य थेराण तू भवे कप्पो ।

कत्तरि छुर-लोए वा, बितियं असहू गिलाणे य ॥

चू- बितियं ति बितियपदेणं लोयं न कारवेज्जा । असहू लोयं न तरति अधियासेउं सिरोरोणेण वा मंदचक्खुणा वा लोयं असहंतो धम्मं छड्डेज्जा । गिलाणास्स वा लोओ न कज्जति, लोए वा करेंते ते गिलाणो हवेज्ज । एवमादिएहिं कारणेहिं जइ कत्तिए करेति तो पक्खे पक्खे । अह छुरेण तो मासे मासे । पढमं छुरेण, पच्छा कत्तिए । लोयकरस्स महुरोदयं हत्थधोवणं दिज्जति पच्छाकम्म परिहरणत्थं । अववादेण लोओ छमासेण कारवेयव्वो । थेराण एस कप्पो संवच्छरिए भणितो ॥

मू. (६५२) जे भिक्खू पज्जोसवणाए इत्तरियं पि आहारं आहारेति, आहारेंतं वा साति० ॥

[भा.३२१५] इत्तरियं पि आहारं, पज्जोसवणाए जो उ आहारे ।

तयभूइ-बिंदुमादी, सो पावति आणामादीणि ॥

चू- इत्तरियं नाम थोवं एगसित्थमवि अद्धलंबणादि वा । अधवा - आहारे तयामेत्तं, सातिमिभिरियं चुण्णगादी भूतिमेत्तं, पाणगे बिंदुमत्ते । “तये”त्ति तिलतुसतिभागमेत्तं । “भूति” रिति यत् प्रमाणमंगुष्ट-प्रदेशनीसंदंसकेन भस्म गृह्यते, पानके बिंदुमात्रमपि, आदिग्गह नातो खातिमं पि थोवं जो आहारेति पज्जोसवणाए सो आणादिया दोसा पावति चउगुरुं च पच्छिंतं ॥

पव्वेसु तवं करेंतस्स इमो गुणो भवति-

[भा.३२१६] उत्तरकरणं एगग्गया य आलोयचेइवंदनया ।

मंगलधम्मकहा वि ग, पव्वेसुं तवगुणा हींति ॥

[भा.३२१७] अट्टम छड्ड चउत्थं, संवच्छर-चाउमास-पक्खे य ।

पोसहियतवे भणिए, बितियं असहू गिलाणे य ॥

चू- उत्तरगुणकरणं कतं भवति, एगग्गया य कता भवित, पज्जोसवणासु वरिसिया आलोयणा दायव्वा वरिसाकालस्स य आदीए मंगलं कतं भवति, सट्ठाय य धम्मकहा कायव्वा । पज्जोसवणाए

-जे अङ्गमं न करेइ तो चउगुरुं, चाउम्मासिए छट्टं न करेति तो चउलहुं, पक्खिए चउत्थं न करेति तो मासगुरुं । जम्हा एते दोसा तम्हा जहाभणितो तवो कायव्वो । बितियं अववादेण न करेज्जा पि । उववासस्स असहू न करेज्ज, गिलाणो वा न करेज्जा, गिलाणपडियरगो वा, सो उववासं वेयावच्चं च दोवि काउं असमत्थो, एवमादिएहिं कारणेहिं पज्जोसवणाए आहारंतो सुद्धो ॥

मू. (६५२) जे भिक्खू अन्नउत्थियं वा गारत्थियं वा पज्जोसवेति, पज्जोसवेतं वा साति० ॥

[भा. ३२१८] पज्जोसवणा कप्पं, पज्जोसवणाए जो तु कट्टेज्जा ।

गिहि अन्नतित्थि ओसन्नं, संजतीणं च आणादी ॥

चू- पज्जोसवणा पुव्ववण्णिता । गिहत्थाणं अन्नतित्थियाणं - गिहत्थीणं अन्नतित्थीणीणं, ओसन्नाण य संजतीण य - जो एते पज्जोसवेति, एतेषामगतो पर्युषणाकल्पं पठतीत्यर्थः । तस्स चउगुरुं । आणादिया य दोसा ॥

[भा. ३२१९] गिहि अन्नतित्थि ओसन्न दुगं ते गुणेहनुववेया ।

सम्मीसवास-संकादिणो य दोसा समणिवग्गे ॥

चू- गिहत्था गिहत्थीणीओ एयं दुगं । अहवा - अन्नतित्थिया, अन्नतित्थिणीतो । अहवा - ओसन्ना ओसणीओ एते दुगा, संजमगुणेहिं अनुववेया, तेन तेसिं पुरतो न कट्टिज्जति । अहवा - एतेसिं सम्मीसवासे दोसा भवंति । इत्थीसु य संकमादिया दोसा भवंति । सजतीओ जइ वि संजमगुणेहिं उववेयाओ तथापि सम्मीसवासदोसो संकादोसो य ॥

[भा. ३२२०] दिवसतो न चेव कप्पति, खेतं च पडुच्च सुणेज्जमन्नेसिं ।

असती य व इतरेसिं, दंडिगमादत्थितो कट्टे ॥

चू- पज्जोसवणाकप्पो दिवसतो कट्टिउं न चेव कप्पति । जत्थ वि खेतं पडुच्च कट्टिज्जति जहा दिवसतो आनंदपुरे मूले चेतियधरे सब्वजनसमक्खं कट्टिज्जति, तत्थ वि साहू न कट्टेति, पासत्थो कट्टेति, तं साहू सुणेज्जा, न दोसो । पासत्थाण वा कट्टेकस्स असति डंडिगेण वा अब्भट्टिओ सट्टेहिं वा ताहे दिवसतो कट्टेति । पज्जोसवणाकप्पकट्टणे इमा सामायारी - अप्पणो उवस्सए पादोसिए आवस्सए कते कालं घेत्तुं काले सुद्धे वा पट्टवेत्ता कट्टिज्जति, एवं चउसु वि रातीसु । पज्जोसवणारातीए पुण कट्टीए सब्वे साधू मप्पावणीयं काउसगं करेति, “पज्जोसवणकप्पस्स समप्पावणीयं करेमि काउसगं जं खंडियं जं विराहियं जं न पूरियं सब्वो दंडओ कट्टियव्वो जाव वोसिरामि ति ।” लोगस्सुज्जोयकरं चित्तेन उस्सारेत्ता पुणो लोयस्सुज्जोयगरं कट्टित्ता सब्वे साहवो निसीयंति । जेण कट्टितो सो ताहे कालस्स पडिक्कमति, ताहे वरिसाकालठवणे ठविज्जति ॥ एस विधी भणित्ता । कारणे गिहत्थ-अन्नतित्थिय-पासत्थे य पज्जोसवेति । कहं ? भण्णति-

[भा. ३२२१] बितियं गिहि ओसन्ना, कट्टियं तम्मि रत्ति एज्जाहि ।

असती य संजतीणं, जयणाए दिवसतो कट्टे ॥

चू- जति कट्टिज्जति गिहत्था अन्नतित्थिया ओसण्णा वा आगच्छेज्जा तो वि न ठवेज्जा । एवं सेज्जिय मादिइत्थीसु वि । संजतीतो वि अप्पणो पडिस्सए चेव रातो कट्टेति । जइ पुण संजतीए संभोतियाण कट्टंतिया न होज्ज तो आहापहाणाणं कुलाणं आसण्णे सपडिदुवारे संलोए साहू साहुणीण य अंतरे चिलिमिलं दाउं दिवसतो कट्टिज्जति पूर्ववत् ॥

मू. (६५४) जे भिक्खू पढमसमोसरणुद्देसे पत्ताइं चीवराइं पडिग्गाहेति, पडिग्गाहेतं वा सातिज्जति । तं सेवमाणे आवज्जइ चाउम्मासियं परिहारट्टाणं अनुग्घातियं ॥

घू- बितियं समोसरणं उडुबद्धं । तं पडुच्च वासावासोग्गहो पढम-समोसरणं भण्णति । सेसा सुत्तपदा कंठा । तं वत्थपादादिग्गहणं सेवमाणे आवज्जति प्राप्नोति, चउमासेहिं निप्फण्णं चआउम्मासियं, अनुग्घातियं गुरुगं पावति । इमो सुत्तत्थो-

[भा.३२२२] पढमम्मि समोसरणे, वत्थ पायं च जो पडिग्गाहे ।  
सो आणा अणवत्थं, मिच्छत्त-विराधनं पावे ॥

घू- जो गेण्हइ सो आणाइक्कमं करेति, अनवत्था य तेन कत्ता भवति । मिच्छत्तं च जणेति “न यथावादिनस्तथाकारिणः इति । आयविराधनं च पावति ॥

[भा.३२२३] पढमोसरणे उवही, न कप्पति पुव्वगहियं अतिरित्ते ।  
अप्पत्ताण उ गहणं, उवहिस्सा सातिरेगस्स ॥

घू- जइ पढमसमोसरणे न कप्पति उवही घेत्तु तो किं कायव्वं ? उच्यते - पुव्वगहितो अतिरित्तो उवधी परिभोक्तव्यः । कथं पुण सो अतिरेगो उवधी घेतव्वो ? उच्यते - “अप्पत्तेहिं” ति खेत्त-काले अप्पत्तपत्तेहि चउभंगो कायव्वो । सो इमो चउभंगो - खेत्तओ नामेगे पत्ता नो कालओ । कालतो नामेगे पत्ताण खेत्ततो । एगे खेत्तओ वि कालओ वि पत्ता । एगे नो खेत्तओ नो कालओ पत्ता ।

इमो पढमभंगो - उडुबद्धितो चरिममासकप्पो जत्थ कतो, अन्नखेत्तासतीए कारणतो वा तत्थेव वासं काउमाणा खेत्ततो पत्ता न कालतो । इमो बितियभंगो - अद्धाण पडिवण्णवाय वाघातो, अनंतरा चेव आसाढपुण्णिमा जाता, एते कालतो पत्ता न खेत्ततो । इमो ततियभंगो - जे वरिसखेत्तं आसाढपुण्णिमाए पविट्ठा ते उभएण वि पत्ता । आसाढपुण्णिमं अपत्ताण अंतरे अद्धाणे अ वट्टमाणाण एवं उभएण वि अपत्ताण चरिमभंगो भवति ॥ केवति पुन अतिरित्तो उवहिं घेतव्वो ? अत भण्णति-

[भा.३२२४] दोण्हं जइ एक्कस्सा, निप्फज्जति वासजोग्गमेत्तुवही ।  
वासाजोग्गं दुगुणं, अगेण्हतो गुरुग आणादी ॥

घू- एक्केक्को साहु अट्ठाइजे पडोआरे गेण्हति । जइ कारणा अद्धाणनिग्गता विवित्ता आगच्छेज्ज ताहे दो साहु एगस्स संपुण्णं पडोयारं देति, तेसिं च अप्पन्नो पडोयारो चिट्ठति । एवं अन्ने वि दो एगस्स एवं सव्वेसिं दायव्वं । एवं जति अप्पन्नो दुगुणं न गेण्हेज्ज तो चउगुरुं पच्छित्तं । आणादिणो य दोसा भवंति ॥ अतिरित्तोवकरणगहणे किं कारणं ? एत्त भण्णति इमो दिट्ठतो-

[भा.३२२५] दव्वोवक्खरणेहादियाण तह खार-कडुय-भंडाणं ।  
वासावासे कुडुंबी, अतिरेगं संचयं कुणति ॥

घू- दव्वोवक्खरो - उपस्करद्रव्यमित्यर्थः । अहवा - द्रव्यमिति हिरण्यं, उवक्खरो सूर्पादिकः, स्नेहो धृतं तैल वा आदिसद्गतो वासा तेल्लं एरंडादि, वणतेल्लादि वा, खारो वत्थुल्लादिगो लोणं वा, कटुकादि सुंठमादीणि कटुयं वा, घरपिट्ठरादिया भंडा । अहवा - कडुयं भंडं कुच्छिभरिं कुटुंबिणो वि वासासु एतेसु अतिरित्तं संचयं करेति ॥ स्यात् - किं कारणं ? अतो भण्णति-

[भा. ३२२६] वणिया न संचरंती, हड्डा न वहंति कम्मपरिहाणी ।

गेलण्णाएसेसु व, किं काहिति अगहिते पुवं ॥

चू- ककखपुडिववणिया गामेसु न संचरंति, पट्टणेसु वि वासवद्दलेण हड्डा न वहंति । अह सो कुटुंबितो अतिरित्तं न गेण्हति, उप्पन्ने य पओयणे कयविक्कयस्स हड्डं गच्छति, ताहे से हलकरिसणकम्मसंजोगा परिहायंति । गेलण्णे वा उप्पन्ने, आदेसे वा आगते, अतिरित्ताऽभावे किं पच्छ भोयणपाहुण्णादी करेउ ॥

[भा. ३२२७] तह अन्नतिथियादी, जो जारिसओ तस्स संचयं कुणति ।

इह पुण छण्ह विराहण, पढमम्मि य जे भणियदोसा ॥

चू- अन्नतिथिया वि जो जारिसो सो अप्पन्नो लिंगानुरूवस्स संगहं करेति । जहा सरक्खस्स दगसोआरामद्वियाए, पाडिया छगण-त्तोणणय, तव्वण्णियवत्थरागनिमित्तं भज्जुणं कंदलयमादियाणं छल्लिविधीणं । “इहे” त्ति इह जिनसाने जति अतिरित्तोवकरणं न गेण्हंति तो छण्हं जीवनिकायाणं विराहणा भवति, अह वासासु उवधि गेण्हति तो जे पढमसमोसरणे गेण्हतो उग्गमादिदोसा भणिता ते पावति ॥ कहं दुगुण निज्जोआभावे छण्हं विराधना भवति । अतो भण्णति -

[भा. ३२२८] रयहरनेनोत्थेणं, पमज्जणे फरुसगेह पुढविवहो ।

गामंतरे पगलणे, पुढवी उदगं च दुविधं तु ॥

चू- फरुस इति कुंभकारसालाए पड्डिता । तत्थ य सच्चित्तपुढवी-संभवो भवति । तत्थ बित्तिरयोहरणाभावे उल्लेण चेव रयहरणेण पमज्जति तो पुढवीविराहणा । अन्नं वा गामं भिक्खायरियादि गच्छतो आगच्छतो अंतरा अतिप्पवुड्ढे मल्लिणरयोहरणोदगे पगलमाणे पुढविविराधना, अंतरिक्खोदगं भोमोदगं च एवं विराहेति ॥

[भा. ३२२९] अहवा अंबीभूते, उदगं पणओ पतावणा अगनी ।

उल्लङ्गबंधं तसा, ठाणादी केण व पमज्जे ॥

चू- बित्तिरयोहरणाभावे उल्लरयोहरणं जति सुक्खवेति ता उग्गहाउ फिट्ठइ, अनुव्वविज्जं तं अंबी भवति । तम्म अंबे उदग - विराहना, पणओ य सम्मुच्छति । अह एतद्दोसपरिहरणत्थं अगनीए तावेति तो अगनिविराहणा । अह उल्लेण पमज्जणं करेइ तो दसियंतेसु उल्लङ्गगा परिवज्जंति मृदगोलकमित्यर्थः । एतेसु पडिबद्धेसु जति पमज्जणं करेइ तो तस-विराधना । अह उल्लङ्ग ति काउं न पमज्जति तो संजमविराधन । ठाणादान-निक्खेवं वा करंतेो केन पमज्जउ ॥

[भा. ३२३०] एमेव सेसगम्मि वि, संजमदोसा तु भिक्खनिज्जोए ।

चोलेनिसेज्जा उल्ले, अजीरगेलण्णमाताए ॥

चू- भिक्खानिज्जोगो पडलापत्तगबंधो य तेसु दुगुणे सु अधेप्पंतेसु संजमविराधणा, यथा रयोहरणेनेत्यर्थः । चोलपट्टे रयोहरणनिसेज्जाए य दुगुणे अधेप्पंते उल्लेसु निच्चभोगेण गेलण्णं भवति, एत्थ आयविराहणा पूर्ववत् ॥ अप्पणो दुगुणपडोआरातो अतिरित्तं अगेण्हंतो इमे दोसा-

[भा. ३२३१] अद्धाणनिग्गतादी, परिता वा अहव नड्ढगहणम्मि ।

जं च समोसरणम्मी, अगिण्हणे जं च परिभोगे ॥

चू- छिन्नाछिन्नद्धाणनिग्गया, आदिग्गहणातो असिवातिकारणविनिग्गता वा जति

परिज्ज्ञोवकरणा हियणडोवकरणा वा जति पढमसमोसरणे उवहिग्गहणं करेति तो “जं च” ति - जे दोसा अभिहिता तान् प्राप्नुवंति अतिरिक्तं अगृहंतो इत्यर्थः । पढमसमोसरणं वा काउं उवकरणमगेहंतो “जं च” ति-जे दोसा तणादिपरिभोगे तांश्च प्राप्नुवंति ॥

एष एवार्थं व्याख्याग्रंथेनोच्यते-

[भा.३२३२] अद्धाणनिग्गतादीनमदेंते होति उवहिनिष्फणं ।

जं ते तणेसणग्गि, सेवे देंतऽप्पणा जं च ॥

चू- अतिरिक्ताभावे अदेंताण उवहिनिष्फणं प्रायश्चित्तं भवति । जहन्ने पणगं । मज्झिमे मासलहुं । उक्कोसे चउलहुया । जं ते अद्धाणादि-विनिग्गया झुसिराझुसिरतणं अनेसणीयं वा किंचि सेवंति ते तं अदेंता पावेंति । अह अप्पणोवकरणं तोसे दलयंतो अप्पणो परिहाणी, जं ते अप्पणा तणमणेसणादी सेवंति ॥ “गहणे” ति अस्य व्याख्या-

[भा.३२३३] अत्तद्ध परट्ठा वा, ओसरणे गेण्हेणे य पन्नरस ।

दाउ परिभोग छप्पति, डउरे उल्ले य गेलणं ॥

चू- अप्पणो परस्स वा अट्ठा पढमसमोसरणे उवहिं गेण्हमाणस्स अहाकम्मादिया पन्नरस उग्गमदोसा भवंति । “परिभोग” ति अस्य व्याख्या- अंतो बहिं अद्धाणादियाण दाउं एगपडोआरस्स निच्चपरिभोगेण छप्पदा भवंति । छप्पदादिसु यऽन्नादिपडियखद्धासु दगोदरं भवति - जलोदर-मित्यर्थः । एगपडोयारस्स वा उल्लस्स निच्चपरिभोगेण अजीरंतो गेलणं भवति ॥

[भा.३२३४] तम्हा उ गिण्हियव्वं, बीतीयपदं तथा न गेण्हेज्जा ।

अद्धाणे गेलण्णे, अहवा वि हवेज्ज असतीए ॥

चू- तस्मात् कारणादात्मदुगुणपडोआरतो अतिरिक्तं गेण्हियव्वं । बितियपदेण इमेहिं कारणेहिं गेण्हेज्जा । अद्धाणपडिवण्णो गिलाणो वा असतीते व न गेण्हेज्जा अतिरिक्तं ॥

एते तिन्नि वि एगगाहाते वक्खाणेति-

[भा.३२३५] कालेनेवतिएणं, पाविस्सामंतरे उ वाघाते ।

गेलण्णातपरे वा, दुविहा पुण होइ असती उ ॥

चू- गिण्हस्स चरिममासे अद्धाणपडिवण्णा चिंतेति च जाव न आसाढपुण्णिमाकालो एति ताव अम्हे केत्तं पाविस्सामो, अंतरा य नतिमातिवाघातेन रुद्धा, आसाढपुण्णिमाकाले अतिक्कंते पत्ता, अतो दुगुणो अतिरिक्तो वा न गहितो । अप्पणा गिलाणेण गिलाणवावडेण वा अतिरिक्तो न गहितो । दुविधाए वा संतासंतसतीए न गहितं । संतासती अनेसनिज्जं लब्भति । अहवा - बहु साहू अकप्पिया एगो कप्पियो, सव्वेसिं अतिरिक्तो उवधिं घेतुं न पारेति । बहु वा बालवुद्धा असंतासती अप्पत्ता पि न लब्भति । एतेहिं कारणेहिं पुव्वं अतिरिक्तोवही न गहितो होज्जा ॥ इमो पढममंगो -

[भा.३२३६] गहिए व अगहिए वा, अप्पत्ताणं तु होइ अतिगमणं ।

उवही-संथारग-पादपुंछणादीण गहणट्ठा ॥

चू- अतिरिक्तोवहिधारणे गहिते अगहिते वा कालओ अप्पत्ताणं - वासखेत्ते अतिगमणं कर्तव्यं इत्यर्थः । अप्पत्ते काले किमर्थं वासखेत्तं पविसंति । उवही पच्छद्धं कंठा ॥

पढम-चरिमभंगप्रदर्शनार्थमेवोच्यते-

[भा. ३२३७] कालेण अपत्ताणं, पत्ताऽपत्ताण खेतओ गहणं ।  
वासाजोग्गोवहिणो, खेतम्मि उ डगलमादीणि ॥

चू- कालेण अपत्ताणं खेततो पत्ताणं पढमभंगो । कालेण खेततेण य अपत्तो चरिमभंगो । पडलपत्त बंधमादि-वासाजोग्गोवधिणो दुविधभंगे वि गहणं भवति । कालतो पत्ताण नियमा । खेततो पत्तापत्ताण डगलादियाण गहणं करंति । बितियभंगा गहिया ॥ डगलादिया इमे-

[भा. ३२३८] डगलग-ससरक्ख-कुडमुह-मत्तग-तिग-लेव पायलेहणिया ।  
संधार-फलग-पीढग-निज्जोगो चेव दुगुणो तु . ।

चू- उपलदुगचीरादि-डगला खेल-मल्लग-सण्णा-समाधिकाइया धूवड्डा य सरक्खो घेप्पति । गिलाणोसहकातिया समाहिड्डवणड्डा कुडमुहे घेप्पति । कातियसण्णा खेलमत्तगो एयं तिगं भायणाविणड्डा लेवो । वासासु कद्दमणिल्लिहणड्डा पायलेहणिया । पडिसाडि अपरिसाडि संधारगो दुविधो वि सयणड्डा । सीयलजवादिदरक्खणड्डा य छगणादी । पिढगं उववेसणड्डा । चंपगपट्टादिय फलयं । सव्वे वि एते खेतते घेप्पति । दुगुणोवधी जइ बाहिं न गहितो कारणेण तो सो वि खेतते चेव घेप्पति ॥

[भा. ३२३९] चत्तारि समोसरणे, मासा किं कप्पती न कप्पति वा ।  
कारणिय पंचरत्ता, सव्वेसिं मल्लगादीणं ॥

चू- डगलादिसु गहिएसु आसाढपुण्णिमाए पज्जोसवेति चत्तारि मासा, किं घेतुं कप्पति न कप्पइ ति पुच्छा । आयरियाह-उस्सग्गेण न कप्पति, कारणे अववादेण कप्पति, खेतस्स अलंभे अद्धाणनिग्गया वा आसाढपुण्णिमाए पत्ता ताहे पंचदिणे डगलगादियं गेण्हंति, पंचमीए पज्जोस-वेति । अह पंचमीए पत्ता तो उवरिं जाव दसमी ताव डगलगादियं गेण्हंति । एवं कारणे पंचराइंदिय -वुट्ठी कज्जति । मल्लगादीणं अट्टा-जाव-भद्दवदसुद्धपंचमीए गहिते अगहिते वा डगलगादिए नियमा पज्जोसवेयव्वं ॥

[भा. ३२४०] तेसिं तत्थ ठियाणं, पडिलेहोच्छुद्ध चारणादीसु ।  
लेवादीण अगहणे, ल्हुगा पुव्वि अगहिते वा ॥

चू- तेसिं साहूणं, तत्थेति वासाखेतते ति, ताण इमा सामाचारी-जं सभा-पवा-ऽऽराम-देवकुल-सुण्णगिहमा-दिएहिं वत्थं उच्छुद्धं पंथिगादिएहिं तं पडिलेहति, जदा अप्पणो परस्स वाघातो उप्पन्नो तदा तं घेप्पति । तस्सासति चारणादिएसु । वासासु जति लेवं गेण्हंति, आदिग्गहणातो वत्थं पादं वा तो चउलहुगा । पुव्वं वा लेवादिएसु अगहिएसु चउलहुगा चेव ॥

[भा. ३२४१] वासाण एस कप्पो, ठायंति चेव जाव तु सकोसं ।  
परिभुत्त विप्पतिण्णे, वाघायड्डा निरिक्खंति ॥

चू- सकोसजोयणभंतरे जं कप्पडिएसु पडिभुत्तं अकिंचित् करंति परिड्वंति तं निरिक्खियव्वं ।  
- एसा सामाचारी-

[भा. ३२४२] अद्धाणनिग्गयड्डा, झामिय सेहे व तेन पडिणीए ।  
आगंतु बाहि पुव्वं, दिट्ठं असण्णि-सण्णीहिं ॥

चू- अद्धाण निग्गया जे तेसिं अट्टाए अप्पणो वा उवही झामितो होज्जा, सेहो वा उवड्डितो, तेनगपडिणीएहिं वा उवही हडा जदा, तदा एसु मग्गति ॥ आगंतु बाहि पच्छुद्धं वक्खाणं-

[भा.३२४३] तालायरे य धारे, वाणिय खंधार सेण संवट्टे ।

लाउल्लिग-वड्ढ-सेवग, जामातु य पंथिगादीसु ॥

चू- भंडा चेडाणडादिया तालायरा, धारइ त्ति देवच्छत्तधरा, वाणिय त्ति वालंजुओष रायबिंबसहियं सचक्कं परचक्कं वा खंधावारो, रायबिंबरहिया सेना, चोरधाडिभएण बहू गामा एगड्डिता नागयाहिड्डिता य संवट्टो भण्णति, लाउल्लिगखुंगरपेच्छणयं, वड्ढ त्ति गोउलं, सेवगा चार भडा, जामाउगा पसिद्धा, पंथिगा बहुवत्थदेसं जे पेच्छिया ते वा मग्गितव्वा ॥

अद्धाणादिकारणेसु उप्पन्नेसु तालायरादिसु मग्गंति इमेण विधिणा । “आगंतु बाहि पुव्वं” त्ति अस्य व्याख्या-

[भा.३२४४] आगंतुएसु पुव्वं, गवेसती चारणादिसु बाहिं ।

पच्छा जे सग्गामे, तालायरमातिणो हींति ॥

चू-मूलवसभगामं मोतुं जे अन्ने पडिवसभगामा सकोसजोयणब्भंतरे सह अंतरपल्लीए एतेसु बाहिरगामेसु जे आगंतुगा तालायरादिणो तेसु पुव्वं मग्गति । असति बाहिरगामेसु चारणादियाण, ततो पच्छा जे मूलवसभगामे आगंतुगा चारणादिणो एंति ॥

खंधावार-सेण-संवट्टे गोउलमज्झेसु चारणादिसु वत्थसंभवो भण्णति-

[भा.३२४५] लद्धूण नवे इतरे, समणाणं दिज्जे से व जामादी ।

चारण-धार-वणीणं, पडंति सव्वे वि सट्ठियरा ॥

चू- स च राजामादिया नवे वत्थे लद्धूण इतरे पुराणे साहूण देज्जा, चारणाणं देवच्छत्त धराणं डुंगराण वच्चंताणं वत्थे पडंति, ते वा पुराणा वा साहूणं देंति, बालंजुयवणियाणं बलजंताणं वत्था पडंति । एते पुण सव्वे वि सावगा इतरे वा असावगा ॥ बहिग्गाम-सग्गामादिएसु आगंतुग-चारणादियाण असती इमा विधी । “दिट्ठमसण्णिसण्णीसु” त्ति अस्य व्याख्या-

[भा.३२४६] बहि अंतऽसन्निसन्निसु, जं दिट्ठं तेसु चेव जमदिट्ठं ।

केइ दुहओ वऽसन्निसु, गिहिसु सण्णीसु दिट्ठितरे ॥

चू- “बहि” त्ति-खेत्तऽब्भंतरे पडिवसभगामेसु जे असण्णी तेसु जं पुव्वदिट्ठं वत्थं तं मग्गंति ॥ १ ॥ तस्सासति बाहिरगामेसु चेव सण्णीसु जं पुव्वदिट्ठं वत्थं तं मग्गंति ॥ २ ॥ तस्सासति बाहिरगामादिएसु चेव असण्णीसु जमदिट्ठं तं मग्गंति ॥ ३ ॥ तस्सासति बाहिरगामेसु चेव सण्णीसु जमदिट्ठं वत्थं तं मग्गंति ॥ ४ ॥ तस्सासति “अंत”त्ति अंतो मूलवसभग्गामे असण्णीसु जं पुव्वदिट्ठं तं वत्थं मग्गंति ॥ १ ॥ तस्सासति अंतो चेव सण्णिसु जं पुव्वदिट्ठं वत्थं तं मग्गंति ॥ २ ॥ तस्सासति अंतो चेव असण्णिसु जमदिट्ठं वत्थं तं मग्गंति ॥ ३ ॥ तस्सासति अंतो चेव सण्णिसु जमदिट्ठं वत्थं तं मग्गंति ॥ ४ ॥ केति पुण आयरिया एवं भणंति - बाहिं असण्णिसु दिट्ठं ॥ १ ॥ असति चेव जमदिट्ठं ॥ २ ॥ असति अंतो असण्णि दिट्ठं ॥ ३ ॥ असति तेसु चेव जमदिट्ठं ॥ ४ ॥ एवं सण्णिसु वि चउरो विकल्पाः ॥ ४ ॥ इतरं - अदृष्टमित्यर्थः । दिट्ठे आहाकम्म-उक्खेव-निक्खेवणादिया आसंकादोसा परिहारिया भवंति । तेन पुव्वं दिट्ठस्स गहणं, पच्छा इयरस्स ॥

[भा.३२४७] कोई तत्थ भणेज्जा, बाहिं खेत्तस्स कप्पती गहणं ।

गंतुं ता पडिसिद्धं, कारणगमणे बहुगुणं तु ॥

चू- कोति चोदगपक्खासितो - तत्येति पुव्ववक्खाणे, इमं भणेज्ज- “जइ मूलगामातो पडिवसभगासेसु दूरत्वात्कल्यं भवति । एवं तहिं दूरत्वात् क्षेत्रवहिर्गहीतव्यमित्यर्थः ।” आचार्याह - खेतबहिवासासु ताव गंतुं पडिसिद्धं किं पुण वत्थादिग्गहणं । अह कारणे वासासु खेतबहिया गच्छति तत्थ गओ जइ वासकप्पाइणा निमंतिज्जति तं संजमे बहुगुणकारियं ति काउं तं पि गेण्हति [भा. ३२४८] एवं नामं कप्पती, जं दूरे तेन बाहि गेण्हंतु ।

एवं भणंते गुरुगा, गमणे गुरुगा व लहुगा वा ॥

चू-पूर्वार्धगतार्थम् । आचार्याह- “गंतु खेतस्स बहिया घेप्पउ” ति, एवंतुज्ज भणतो चउगुरुगा । अह गच्छति तो जति नवपाउसो तो चउगुरुगा, सेसवासकाले चउलहुगा ॥

“कारणगमने बहुगुणं तु” अस्य व्याख्या-

[भा. ३२४९] संबंधभाविएसुं, कप्पइ जा पंचजोयणे कज्जे ।

जुण्णं व वासकप्पं, गेण्हति जं बहुगुणं चउन्नं ॥

चू- आयरियादी कारणे साहम्मियसंबंधेषु अप्पोप्परं गमागमभावितेषु वासासु कप्पति गंतुं-जाव-पंच जोयणाणि, तस्स चिरायणे जुण्णो वासाकप्पो, नवेण य वासाकप्पेण निमंतितो, ताहे तं वासासु बहुगुणं ति काउं गेण्हति । एवं कारणतो कारणावेक्खं अन्नं पिजं पडलादिकं बहुगुणं तं पि गेण्हति ॥ निक्कारणगमणे गेण्हतो य इमे दोसा-

[भा. ३२५०] आहाकम्मुद्देसिय, पूतीकम्मे य मीसजाए य ।

ठवणा पाहुडियाए, पाओतर कीय पामिच्चे ॥

[भा. ३२५१] परियट्टिए अभिहडे, उब्भिन्ने मालोहडे ति य ।

अच्छेज्जे अनिसट्टे, धोते रत्ते य घट्टे य ॥

चू- साहुअट्टा मलियं धोवंति, भट्टिमादियासु वा रत्तं वालिभट्टगंडियाए उ पोन्हणट्टा घट्टी एते तिन्नि वि एक्को दोसो ॥

[भा. ३२५२] एए सव्वे दोसा, पढमोसरणेण वज्जिया होंति ।

जिनदिट्टे अगहिते, जो गेण्हति, तेहि सो पुट्टो ॥

चू- एते सव्वे वि आहाकम्मादिया दोसा पढमसमोसरणे वत्थादि गेण्हंतेन वज्जिया भवंति । पुव्वं वा दप्पेण अगहिते उवकरणे पढमसमोसरणे जो गेण्हति तस्स जिणेहिं दिट्टा कम्मबंधणदोसा, तेहिं सो पुट्टो भवति । अहवा - जिणेहिं जे दिट्टा संजमगुणा, कारणेण पुव्वं अगहिते उवकरणे, पच्छ पढमसमोसरणे जो गेण्हति, तेहि गुणेहिं सोऽपुट्टो भवति ॥

[भा. ३२५३] पढमम्भि समोसरणे, जावतियं पत्त-चीवरं गहितं ।

सव्वं वोसिरितव्वं, पायच्छित्तं च वोढव्वं ॥

चू- जं निक्कारणए दप्पेण गहियं तं सव्वं वोसिरियव्वं, तस्स य दोसनिरिहरणत्थं पच्छित्तं वोढव्वं ॥

[भा. ३२५४] अट्टाण निग्गया वा, झामिय सेहे य तेन पडिनीए ।

आगंतु बाहि पुव्वं, दिट्ठं असण्णि-सण्णीसु ॥

[भा. ३२५५] तालायरे य धारे, वाणिय खंधार सेण संवट्टे ।

लाउलिय वतिय सेवग, जामाउग-पंधिमादीसु ॥



चू- द्वावप्येती गमौ केषुचित् पुस्तकेषु पुनः संति तेष्विमोऽभिप्रायः-

[भा. ३२५६] सज्झायद्वा दप्पेण, वा वि जाणंतकेवि पच्छित्तं ।  
कारणगहियं तु विऊ, धरंतऽगीएसु उज्झंति ॥

चू- अद्धाणनिग्गतादिकारणा जो तं निरवेक्खो तालायरादिसु कमुक्कमेण वा बाहिं अंतो, दिट्ठदिट्ठविकप्पेण वा जो संजमणिरवेक्खो गेण्हति, सज्झायद्वा दप्पेण वा, तत्थ जाणंतगे वि पच्छित्तं, जाणंतगो गीयत्थो, किमुत अगीतस्येत्यर्थः । जं पुण कारणे विधीए गहियं तं जति सव्वे गीयत्था तो धरेंति, न परिट्ठवेंति । अह गीयत्थमीसा अपरिणामगा य तो अणम्मि उवकरणे लद्धे तं उज्झंति । एस वासासु गहणे विधी भणितो ॥

[भा. ३२५७] अह अत्थिपदवियारो, चतुपाडिवगम्मि होति निग्गमणं ।  
अहवा वि अनंतस्सा, आरोवण पुव्वनिदिट्ठा ॥

[भा. ३२५८] पुण्णम्मि निग्गयाणं, साहम्मि य खेत्तवज्जिए गहणं ।  
संविग्गाण सकोसं, इतरे गहियंमि गेण्हंति ॥

चू- पुण्णेसु चउसु मासेसु पदवियारे विज्जंते अवस्सं चउपाडिवए निग्गंतव्वं, अनिग्गच्छंताणं चउलहुआ । निग्गया साहम्मियखेत्तं वज्जेउं अन्नेसु गामनगरादिएसु उवकरणस्स गहणग्गाहणं करेंति । जे संविग्गा संभोगा ताणं जं खेत्तं सकोसजोयणपरिमाणं तं परिहरंति, इयरे पासत्थादिया तेहिं जत्थ खेत्ते पज्जोसवियं तत्थ तेहिं गहिए उवकरणे पच्छा संविग्गा गेण्हंति न दोष इत्यर्थः ॥ इतरंसि जं खेत्तं तं दो मासे न वज्जिज्जति । इमेण कारणेण-

[भा. ३२५९] वासासु वि गेण्हंती, नेव य नियमेण इतरे विहरंति ।  
तेहि तु सुद्धमसुद्धे, गहिते जं सेसगं कप्पे ॥

चू- पासत्थादी वासासु वि उवकरणं गेण्हंति, न य चउपाडिवए पुण्णे नियम विहरंति, तेन कारणेण तेहिं सुद्धे असुद्धे वा उवकरणे गहिते जं सेसगं सहगा पयच्छंति तं सव्वं संविग्गाण कप्पति घेत्तुं ॥ स-परक्खेत्तेसु इमो परिहारकालो-

[भा. ३२६०] सक्खेत्ते परखेत्ते, दो मासे परिहरित्तु गेण्हंति ।  
जं कारणं न निग्गय, तं पि बहिं झोसियं जाणे ॥

चू- दो मासे परिहरित्तु ततियमासे गेण्हंति । अहवा - चउपाडिवए कारणे न निग्गया उवकरणावेक्खं जावतियं कालं अनुवास वसंति तं पि खेत्ता बाहिरज्जोसियं - क्षपितमित्यर्थः ॥ चउपाडिवए इमेहिं कारणेहिं न निग्गया-

[भा. ३२६१] चिक्खल्ल वास असिवातिएसु जति कारणेसु गेण्हंति ।  
देंते पडिसेहेत्ता, गेण्हंति तु दोसु पुण्णेसु ॥

चू- सचिक्खल्ला पंथा, वासं वा नोवरमते, बाहिं वा असिव-ओमदुब्भिक्खादिया । एवमा-दिकारणेहिं न निग्गया, तत्थ दोसु मासेसु अपुण्णे जति कोति वत्थाणि देज्ज ते पडिसेहेयव्वा । जाहे दो मासा पुण्णा भवंति ताहे गेण्हंति ॥

कम्हा दोसु मासेसु पुण्णेसु वत्थग्गहणं कज्जति ? अतोच्यते-

[भा. ३२६२] भावो तु निग्गए सिं, वोच्छिज्जति देंति वा वि अन्नस्स ।  
अत्तट्ठंति व ताइं, एमेव य कारणमनिंते ॥

चू- जे इह खेत्ते वासावासं ठिता तेसिं वत्थ दाहामो त्ति सद्वायाण जो भावो सो निग्गएसु साहुसु वोच्छिज्जति । साहूण वा जे वत्था संकप्पिता ते अन्नसाधूणं अन्नपासऽत्थाण वा देंति । अप्पणा वा - “अत्तइ”ति परिभुंजति वा । चउप्पाडिवए कारणतो अनित्तिसु वसंतेसु अगेण्हंतेसु य एमेव भाववोच्छेदो भवति ॥ अपुन्नेसु वि दो मासेसु कारणे गहणं कज्जति । के य ते कारणा ? इमे-

[भा. ३२६३] बालऽसहु-वुड्ड-अतरंत-खमग-सेहाउलम्मि गच्छम्मि ।

सीयं अविसहमाणे, गेण्हंति इमाए जयणाए ॥

चू- असहू अशक्तिष्टः, अतरंतो गिलाणो, लल्लकं वा सीतं पडंतं न सहंति, एवमादिएहिं कारणेहिं दोहिं मासेहिं अपुन्नेहिं इमाए जयणाए गेण्हंति ॥

[भा. ३२६४] पंचूणे दोमासे, दसदिवसूणे दिवहमासं वा ।

दसपंचहियं मासं, पणवीसदिणे व वीसं वा ॥

[भा. ३२६५] पन्नरस दस व पंच व, दिनानि परिहरिय गेण्ह एक्कं वा ।

अहवा एक्केक्कदिणं, अउणट्टि दिनानि आरब्भ ॥

चू- दो मासा पोसपुण्णिमाए पूरंति । जत्थ वासं ठिता तत्थ उस्सग्गेण माहबहुलपडिवयाए तत्थ गहणं कायव्वं । कारणं अनागाढं गाढतरं अवेक्खिऊण ओमंथगपणगपरिहाणीए गहणं कायव्वं । एगं वा चउपाडिव्वए एगदिनं परिहरेत्ता गेण्हंति ।

अहवा - जत्थ वासं ठिता तत्थ चउपाडिवयदिणादारब्भ सट्ठिदिना वत्थग्गहणं कायव्वं । कारणेपुण ओमंथगपरिहाणीए अउणसट्ठिदिनारब्भ एक्केक्कपरिहाणीए जाव कत्तियपोण्णिमपाडिवयं एक्कं परिहरिय गेण्हंति । वासावासं जत्त ठिता तत्थ सा विधी भण्णिता ॥

उडुबद्धियमासकप्पं ठिता तत्थिमा विधी-

[भा. ३२६६] बितिए वि समोसरणे, मासा उक्खसगा दुवे होति ।

ओमंथगपरिहाणी, य पंच पंचेग य जहन्ने ॥

चू- उडुबद्धियमासकप्पो सव्वो बितियसमोसरणं भण्णति, तत्थ वि उक्कोसेण्णं दो भासा परिहरियव्वा । कारणे ओमंथ-एग-पणगेगदिनपरिहाणी पूर्ववत्, पणगपरिहाणीए पणगं जहन्नं, एगदिनपरिहाणीए एगदिनो जहन्नो, तं परिहरिय गेण्हंति ॥ एसेवऽत्थोवक्खाणगाहा-

[भा. ३२६७] अपरिहरंतस्सेते, दोसा ते चेव कारणे गहणं ।

बाल-वुड्डाउले गच्छे, असति दस पंच एक्को य ॥

चू- उडुबद्धियखेत्ते एते दोमासे अपरिहरंतस्स जे वासाखेत्ते दोसा भण्णिता ते चेव भवंति । उडुबद्धियखेत्ते बालदिकारणेहिं, असति वा उवकरणस्स, ओमंथगपरिहाणीए जहन्नपक्खे दस पंच वा एगं वा दिनं परिहरिय गेण्हंति ॥ परक्खेत्ते संविग्गसंतिए दोहिं मासेहिं पुण्णेहिं उवरिं जहन्नेन पंचहि य दिनेहिं खेत्तिएहिं उवकरणे अगहिए अन्नेसिं न कप्पति किं चि धेत्तुं । जो गेण्हति तस्सिमो दोसो-

[भा. ३२६८] कारणानुपालगाणं, भगवतो आणं पडिच्छमाणाणं ।

जो अंतरा उ गेण्हति, तद्वाणारोवणमदत्तं ॥

चू-कारणं क्रिया, पिंडविसोहियादिया । “पिंडस्स जा विसोही” गाहा । पुव्वरिसीहिं पालियं जे पच्छा पालयंति ते कारणानुपालया । भगवतो वद्धमानस्स आणं पडिच्छति यथा भगवता उक्तं - अभिलाप्यादिपदार्थप्ररूपणा तथा प्रतिपत्या आज्ञाप्रतिपन्ना भवति । एरिसगुणजुत्ताणं साहूणं अंतराऽगृहीते उवकरणे जो गेण्हति साहू तस्स पच्छित्त तद्वाणारोवणा - चाउम्मासुक्कोसे, मासियं मज्झे य, पंच जहन्ने, भगवया अननुनायं ति अदत्तादानं भवति ॥

[भा.३२६९] उवरिं पंच अपुण्णे, गहणमदत्तं गत त्ति गेण्हंति ।

अणपुच्छ दुपुच्छा, तं पुण्णे गत त्ति गेण्हंति ॥

चू-परखेते दोण्ह मासाणं उवरिं पंचसु दिनेसु अपुन्नेसु जति गेण्हति तत्थ वि तद्वाणाराधनमदत्तं भवति । अह जाणंति निस्संदिद्धं खेत्तसामिणो परं विदेसं गता तो दो मासोवरि पंचदिनेसु गेण्हंति, खेत्तेएहि वत्थग्गहणं कयं न कयं ति अनापुच्छा ॥ दुपुच्छा इमा-

[भा.३२७०] गोवालवच्छवाला, कासगाआएस बालतुट्ठा य ।

अविधी विही उ सावग, महतरधुवकम्मि लिंगत्था ॥

चू-जे गोसे निग्गया ते पदोसे पविसंति, ते पुच्छित्तं गोवालमादिए किं समणेहिं वत्थग्गहणं कतं न कतं ति । एसा अविधिपुच्छा । सावगादिया, धुवकम्मी लोहकारो रहकारो कुंभकारो तंतुकारो य । एवंविधपुच्छाए नाउं वत्थादिग्गहणं करंति वा न वा । पुच्छिए वा सयं वा परदेसगाए (नाउं) दोमासासु अपुन्नेसु गेण्हंति ॥ परखेत्तग्गहणे इमा विधा-

[भा.३२७१] उप्पन्नकारणे गंतु, पुच्छिउं तेहिं दिन्न गेण्हति ।

तेसागतेसु सुद्धेसु जत्तियं सेस अग्गहणं ॥

चू-केइ आयरिया - बहुबालवुट्ठेसेहादिया ताण वत्थग्गहणकारणे उप्पन्ने य सखेते य वत्थासती ते परखेते वत्थग्गहणं काउकामा गंतुं खेत्तसामिए पुच्छंति, तेहिं अब्भणुन्नायं जत्तियं जप्पमाणं वा तत्तियं तप्पमाणं गेण्हंति, अतिरित्तं न गेण्हंति । विहपुच्छाए पुच्छित्ते सुद्धभावेण सुद्धे गहिते उवकरणे जति पुव्वखेत्तिया सुद्धा आगच्छेज्ज तो जं गहियं तं समप्पेति, अतिरित्तं न गेण्हंति । विहिपुच्छाए पुच्छित्ते सुद्धभावेण सुद्धे गहिते उवकरणे जति पुव्वखेत्तिया सुद्धा आगच्छेज्ज तो जं गहियं तं समप्पेति सेसस्स य सग्गहणं ॥

कहं पुण खेत्तियाण सुद्धासुद्धागमो भवति ? अतो भण्णति-

[भा.३२७२] पडिजग्गंति गिलाणं, ओसहहेतूहि अहव कज्जेहिं ।

एएहिं होति सुद्धा, अह संखडिमादि तह चेव ।

खेत्तिया पुण्णेसु वि दोसु मासेसु नो अगता, इमेहिं कारणेहिं - गिलाणं पडिजग्गमाणा, गिलाणस्स वा ओसगहणं संपिच्छिता, अहवा - कुलगणसंघकज्जेण वा वावडा, एवमादिएहिं कारणेहिं अनिंता सुद्धा । अह संखडिनिमित्तं ठिता, वइयाइसु वा पडिवज्जंतमागता, तो जं खेत्तिएहिं गहियं गहियमेव, न पुव्वखेत्तियाण देंति, सेसं पि गिण्हंति ॥ इमे विसुद्धकारणा-

[भा.३२७३] तेनभय-सावयभया, वासे नईए य वा वि रुद्धाणं ।

दायव्वमदेताणं, चउगुरु तिविहं व नवमं वा ॥

चू-पुव्वद्धं कठं । जं गहियं तं दायव्वं । अह न देंति तो चउगुरुं । उवकरणनिप्फणं वा

तिविधं 'नवमं' अणवडुंतं वा भवति ॥ "तं पुण्णे गय त्ति गिण्हत्ति" अस्य व्याख्या-

[भा. ३२७४] परदेसगए नातुं, सगं व सेज्जायरे व पुच्छित्तुं ।  
गेण्हंति असढभावा, पुण्णसुं दोसु मासेसु ॥

चू-अववादतो गेण्हेज्जा, न देज्ज वा-

[भा. ३२७५] बितियपयमणाभोगे, सुद्धा देंता अदेंता गुरुगा उ ।  
आउट्टिया गिलाणादि जत्तियं सेस अग्गहणं ॥

चू- "किं एत्थ साधू आसिणो" ति अनाभोगा परखेत्ते गेण्हेज्ज, पच्छा नाए तं दायव्वं । अह न देंति तो चउगुरुं उवकरणनिष्फण्णं वा । आउट्टिए वा गिलाणस्स जतिएण कज्जं तं गेण्हंति सेसमतिरित्तं (न) गेण्हतीत्यर्थः ॥

उद्देशकः-१० समाप्तः

मुनि दीपरत्न सागरेण संशोधिता सम्पादिता निशीथसूत्रे दशम उद्देशकस्य  
[भद्रबाहु स्वामि रचिता निर्युक्ति युक्तं] संघदास गणि विरचितं भाष्यं  
एवं जिनदास महत्तर विरचिता चूर्णिः परिसमाप्ता ।

उद्देशकः-११

चू-उक्तो दशमोद्देशकः । इदानीमेकादशः प्राभ्यते । अस्याभिसंबंधो इमो-  
[भा. ३२७६] वुत्तं वतथग्गहणं, दसमे एगारसे उ पादस्स ।  
कालस्स व पडिसेहो, वुत्तो इणमो उ भावस्स ॥

चू-दशमे अंतसूत्रेषु वस्त्रग्रहणमुक्तं, एकादशे आद्यसूत्रे पात्रग्रहणमुच्यते । एषः संबंधः ।  
अहवा - दशमसूत्रे कालप्रतिषेध उक्तः । इह एकादशाद्यसूत्रे भावप्रतिषेध उच्यते ॥

मू. (६५५) जे भिक्खू अय-पायाणि वा तंब-पायाणि वा तउय-पायाणि वा कंस-पायाणि  
वा रुप्प-पायाणि वा सुवण्ण-पायाणि वा जायरूव-पायाणि वा मणिपायाणि वा कणग-पायाणि  
वा दंत-पायाणि वा सिंग-पायाणि वा चम्म-पायाणि वा चेल-पायाणि वा संख-पायाणि वा वड्ढरपायाणि  
वा करेइ, करेतं वा सात्तिज्जति ॥

मू. (६५६) जे भिक्खू अय-पायाणि वा तंब-पायाणि वा तउय-पायाणि वा कंस-पायाणि  
वा रुप्प-पायाणि वा सुवण्ण-पायाणि वा जायरूव-पायाणि वा मणिपायाणि वा कणग-पायाणि  
वा दंत-पायाणि वा सिंग-पायाणि वा चम्म-पायाणि वा चेल-पायाणि वा संख-पायाणि वा वड्ढरपायाणि  
वा धरेइ, धरेतं वा सात्तिज्जति ॥

मू. (६५७) जे भिक्खू अय-पायाणि वा तंब-पायाणि वा तउय-पायाणि वा कंस-पायाणि  
वा रुप्प-पायाणि वा सुवण्ण-पायाणि वा जायरूव-पायाणि वा मणिपायाणि वा कणग-पायाणि  
वा दंत-पायाणि वा सिंग-पायाणि वा चम्म-पायाणि वा चेल-पायाणि वा संख-पायाणि वा वड्ढर-  
पायाणि वा परिभुंजइ, परिभुंजंतं वा सात्तिज्जति ॥

मू. (६५८) जे भिक्खू अय-बंधणाणि वा तंब-बंधणाणि वा तउय-बंधणाणि वा कंसबंधणाणि

वा रूप्य-बंधणाणि वा सुवण्ण-बंधणाणि वा जायरुवबंधणाणि वा मणि-बंधणाणि वा कणग-बंधणाणि वा दंतबंधणाणि वा सिंग-बंधणाणि वा चम्म-बंधणाणि वा चेल-बंधणाणि वा संख-बंधणाणि वा वडर-बंधणाणि वा करेइ, करेतं वा सातिज्जति ॥

मू. (६५९) जे भिक्खू अय-बंधणाणि वा तंब-बंधणाणि वा तउय-बंधणाणि वा कंसबंधणाणि वा रूप्यबंधणाणि वा सुवण्ण-बंधणाणि वा जायरुवबंधणाणि वा मणि-बंधणाणि वा कणग-बंधणाणि वा दंतबंधणाणि वा सिंग-बंधणाणि वा चम्म-बंधणाणि वा चेल-बंधणाणि वा संख-बंधणाणि वा वडर-बंधणाणि वा धरेइ, धरेतं वा सातिज्जति ॥

मू. (६६०) जे भिक्खू अय-बंधणाणि वा तंब-बंधणाणि वा तउय-बंधणाणि वा कंसबंधणाणि वा रूप्य-बंधणाणि वा सुवण्ण-बंधणाणि वा जायरुवबंधणाणि वा मणि-बंधणाणि वा कणग-बंधणाणि वा दंत-बंधणाणि वा सिंग-बंधणाणि वा चम्म-बंधणाणि वा चेल-बंधणाणि वा संख-बंधणाणि वा वडर-बंधणाणि वा परिभुंजइ, परिभुंजतं वा सातिज्जति ॥

चू- अयमादिया कंठा । हारपुंडं नाम, (?) अयमाद्याः पात्रविशेषाः मौक्तिकलताभिरुप-शोभिता । मणिमादिया कंठा, मुक्ता शैलमयं चेलमयं प (वा) सेप्पतो खलियं वा पुडियाकारं कज्जइ । प्रथमसूत्र स्वयमेव करणं कज्जइ । द्वितीयसूत्रे अन्यकृतस्य धरणं । तृतीयसूत्रे अयमादिभिः स्वयमेव बंधं करोति । चतुर्थसूत्रे अन्येन अयमादिभिर्बद्धं धारयति ।

[भा. ३२७७] अयमाई पाया खलु, जत्तियमेत्ता उ आहिया सुत्ते ।

तब्बंधणबद्धा वा, ताण धरेतम्मि आणादी ॥

चू- करणे धरणे आणाणवत्थमिच्छत्तविराहणा य भवइ । चतुगुरुगं च से पच्छित्तं ॥

इमो य भावपडिसेहो भण्णति-

[भा. ३२७८] तिण्हड्डारसवीसा, सतमद्दाइज्जा य पंच य सयाणि ।

सहसं च दससहस्सा, पन्नास तथा य सयसहस्सा ॥

[भा. ३२७९] मासो लहुओ गुरुओ, चउरो मासा हवंति लहुगुरुगा ।

छम्मासा लहुगुरुगा, छेदो मूलं तह दुगं च ॥

चू- एगादिया-जाव-तित्रि कहावणा जस्स मुल्लं, एयं धरेतस्स मासलहुं । चउरादिया-जाव-अड्डारस कहावणा जस्स मोल्लं, एयं धरेतस्स मासगुरुं । वीसाए चउलहुं । इक्कीवीसाइ-जाव-सयं पूरं एत्थ चउगुरुगा । एगुत्तरादियसयाओ-जाव-अद्दाइज्जा सया एत्थ छल्लहुगं । तदुवरि एगुत्तरवट्टीए-जाव-पंचसया एत्थ छग्गुरुगा । एवं सहस्से छेदो । दससहस्सेसु मूलं । पन्नासाए सहस्सेसु अणवट्टो । सयसहस्से पारंचियं । एक्केक्के ठाणे आणाइया दोसा ॥

इमे आयसंजमविराधनादोसा-

[भा. ३२८०] भारोभयपरातावण, मारणे अहिकरण अहियकसिणम्मि ।

पडिलेहानालोवो, मनसंतावो तुवादानं ॥

पमाणातिरित्ते भारो भवति । अधवा - भारभया न विहरति । भएण वा न विहरइ - “मा मे एयं उक्कोसं पत्तं हीरेज्जा” . भारेण वा परिताविज्जति । तेनगेहिं वा तदद्दा गहिओ परिताविज्जति । “आ एस चेव यं काहेति” त्ति तेनगा वा मारेज्ज । तेनगेहिं य गहिए पाए अहिकरणं । अथवा -

अइरित्तं अनुपयोगित्वात् अधिकरणं । एते गणणाधिके पमाणाधिके मुल्लाधिके य दसदोसा भणिया । मुल्लपमाणकसिणं च जइ पडिलेहंति तो तेनगा पडुप्पाय ति हरंति य ते, अतो अपडिलेहिए उवहिनिप्फणं संजमविराहणा य । गणणाइरित्तं जइ पडिलेहेइ तो सुत्तत्थपलिमंथो, अप्पडिलेहिए उवहिनिप्फणं संजमविराहणा य । अतिरित्तग्गहणाए अप्पडिलेहणाए य आणालोवो कओ भवति । कसिणावराहे मनसंतावो भवइ । एरिसंतारिसं मज्झ पायं आसि ति, खित्तादि वा भवे, कसिणं च सेहस्स उन्निक्खिविउकामस्स उवादानं भवइ । जम्हा एते दोसा तम्हा महद्धणमोल्लाइं पायाइं न धरेयव्वाइं ॥

[भा. ३२८१] वितियपदं गेलण्णे, असतीए अभाविते य गच्छम्मि ।

असिवादी परलिंगे, परिक्खणट्ठा विवेगो वा ॥

[भा. ३२८२] अगदोसहसंजोगो, तं चिय रजतादि अहव वेज्जेट्ठा ।

मल्लगमभावितम्पी, पइदिनदुलभे व रयतादी ॥

चू- अयमाइपात्रे वेज्जुवदेसेण गिलाणस्स ओसहं ठविज्जति, संजोइए वा वेज्जट्ठा वा घेप्पइ । राया रायमच्चो वा पव्वाविओ सिया, तस्स य कणगमाइपादोवचियस्स कंसभायणे मा छड्डी गेलत्रं वा भवेज्ज तेन कणगादी घेप्पेज्ज । “असइ”त्ति लाउयमादियाभावे अयमादियं गेण्हेज्ज । तत्थ वि अप्पमुल्लं । गच्छे वा अभाविया अत्थि, तेसिं अट्ठाए मुल्लगं गिण्हेज्ज । पतिदिनं अलभंते दुल्लभे वा रयतादि घेप्पेज्ज ॥

[भा. ३२८३] गच्छे व करोडादी, पतावणट्ठा गिलाणमादीणं ।

असिवे सपक्खपंते, रायदुट्ठे व परलिंगे ॥

चू- उवग्गहट्ठा वा करोडगाई गच्छे धरिज्जति । गिलाणस्स वा किंचि ओसढं छोढुं उण्हे पयाविज्जति, आदिग्गहणाओ ओमरायदुट्ठादिसु, कारणे वा पलिंगं करंते गेण्हेज्ज ॥

[भा. ३२८४] भुंजइ न व त्ति सेहो, परिक्खणट्ठा व गेणह कंसादी ।

विसरिसवेसनिमित्तं, होज्ज व पंडादिपव्वइओ ॥

चू- सेहस्स वा परिक्खणनिमित्तं पाडिहारियं घेप्पेज्जा । अहवा- कोइ अपव्वावनिज्जो कारणेण पव्वाविओ, तस्स य विसरिसो वेसो कायव्वो, कारणे समत्ते तस्स विवेगो कायव्वो ॥

मू. (६६१) जे भिक्खू परं अद्धजोयणमेराओ पायवडियाए गच्छइ, गच्छंतं वा सातिज्जति ॥

चू- मूलवसभगामाओ-जाव-अद्धजोयणं ति मेरा भवइ । अद्धजोयणाओ परओ जइ जाइ पायग्गहणं करेति तो आणादिया दोसा भवंति ।

[भा. ३२८५] परमद्धजोयणाओ, संथरमाणेसु नवसु खेत्तेसु ।

जे भिक्खू पायं खलु, गवेसती आणमादीणि ॥

चू- उस्सग्गेणं जाव उब्भामगखेत्तं तम्मि पायं गवेसियव्वं, परतो आणादिया दोसा, तम्हा नो परतो उप्पाएज्जा ॥

[भा. ३२८६] भिक्खुवसहीसु जह चेव णवसु तह चेव पायवत्थादी ।

जोयणमद्धे चउगुरु, अद्धुट्ठेहिं भवे चरिमं ॥

चू- उडुबद्धे अट्ठसु मासखेत्तेसु वासाखेत्ते य एतेसु णवसु खेत्तेसु जह चेव भत्तपाणमुप्पाएइ

तहा पायवत्यादिए वि ॥ जइ पुण संथरंतो परतो अद्धजोयणाओ आनेति तो इमं पच्छित्तं-

[भा.३२८७] अंतरपल्ली लहुगा, परतो खलु अद्धजोयणे गुरुगा ।

ततियाए गवेसेजा, इतराहिं अट्टहिं सपदं ॥

चू-जइ अंतरपल्लीआओ आनेइ तो चउलहुगा । अंतरपल्लीआओ परओ अद्धजोयणमेत्ताओ, मूलवसमगामाओ तं च जोयणं, एत्थ चउगुरुगा । खेत्तबहि जोयणे छल्लहुं । दिवट्टे छग्गुरुं दोहिं छेदो । अट्टाइजेहिं मूलं । तिहिं अणवट्टो । अद्धडेहिं पारंचियं । आणाइणो य दोसा । दुविहा य विराहना । तत्थ आयरिवाहणा कंटडडिखाणुभाइया, संजमे छक्कायादिया । तम्हा खेत्तबहिं न गवेसियव्वं । खेत्ततो अद्धजोयणऽब्भंतरे गवेसंतो, कालतो सुत्तत्थपोरिसी काउं तइयपोरिसीए गवेसइ । जइ इतरोहि गवेसइ तो अभिक्खासेवाए चतुलहुगा, अट्टमवाराए पारंचियं पावइ ॥

खेत्तब्भंतरे अलब्भमाणे विहरंते चेव भायणभूमिं गंतव्वं-

[भा.३२८८] वितियपदं गेलण्णे, वसही भिक्खमंतरे ।

मज्झायगुरूजोगे, सुणणा वत्तणा गणे ॥

चू- गेलन्नाइयाण इमा व्याख्या-

[भा.३२८६] दुहओ गेलणम्मी, वसही भिक्खं च दुल्लभं उभए ।

अंतरविगिड्डिसज्जाओ नत्थि गुरूणं व पाउग्गं ॥

चू- दुहतो गेलन्नं अप्पणो परस्स । अहवा - अनागाढं गाढं ति । “दुहत”ति खेत्तकालेसु अतिक्रमं करेति । गिलाणकारणेण - सयं गिलाणो गिलाणवावडो वा न तरति गंतुं जत्थ भायणा उप्पज्जंति, ताहेदूरातो वि भायणा अंतरपल्लीयासु आनिज्जंति, अन्नतरपोरिसीए वा गेणहेज्जा । अहवा - भायणदेसे भिक्खं दुल्लभं, वसही वा दुल्लभा, उभयं वा दुल्लभं । अहवा - उभए गिलाणस्स गच्छस्स य भिक्खवसही य दुल्लभा । अहवा - “उभए”ति पायोगं नत्थि सुत्तत्थपोरिसीतो वि अकाउं पादग्गहणं करेति । अहवा - “उभए”ति पायोगं नत्थि सुत्तत्थपोरिसीतो वि अकाउं पादग्गहणं करेति । अहवा - बालवुट्टा उभयंतेहिं आउलो गच्छो संकामेउं न सक्कति, गामंतराणि वा विगिड्डाणि । अहवा - तम्मि भायणदेसे सज्जातो न सुज्जति । गुरूण व भत्तपाणादीयं पायोगं नत्थि, आगाढ जोग्गं वा वहंति ॥

[भा.३२९०] अनुओगो पट्टावआ, अहिनवगहियं च ते उ वत्तेति ।

अप्पा वा ते खेत्ता, गच्छस्स व नत्थि पाओग्गं ॥

चू- “अनुओगो पट्टविउ”ति अत्थं सुणेति ति वुत्तं भवति, अभिनवधारितं वा सुत्तत्थं वा वत्तेति । भायणभूमीए वा मासकप्पपाउग्गा खेत्ता अप्पा - गच्छस्य आधारभूता न भवंतीत्यर्थः । सबालवुट्टस्स वा गच्छस्स वत्थपातोग्गं नत्थि ॥

[भा.३२९१] एएहिं कारणेहिं, गच्छं आसज्ज तिन्नि चतुरो वा ।

गच्छंति निब्भयं भाणभूमि वसहादिएसु सुहं ॥

चू- एवमादिएहिं कारणेहिं भाणभूमिं गच्छो न गच्छइ । “गच्छमासज्ज”ति - त्रिचतुरो वा साहू निब्भयं भाणभूमिं गच्छंति । ते य गीयत्था वसभा वच्चंति । तेसिं अप्पाणं सुल्लभं भत्तपाणवसहीमादी भवति ॥ गणणाप्रमाणातिरिक्तमपि ग्रहीतव्यं, कुतः ? -

[भा. ३२९२] आलंबणे विसुद्धे, दुगुणो तिगुणो चउग्गुणो वा वि ।

खेत्ताकालादीओ, समणुण्णाओ व कप्पम्मि ॥

चू- विसुद्धे आलंबणे दुगुणो तिगुणो वा चउग्गुणो वा पादपडोयारो घेतत्वो, अविसद्दातो वत्थादियो वि । खेत्तातीओ अद्ध-जोयणातो परतो । कालातीतो वासासु गहणं करेति, दुमासं वा अपूरेत्ता गहणं करेति, राओ वा । एतं सव्वं कारणे विसुद्धे अनुन्नायं । पकप्पे पकप्पो गच्छवासो । अहवा - निसीहज्झयणं ॥

मू. (६६२) जे भिक्खू परमद्धजोयणमेरातो सपच्चवायंसि पायं अभिहडं आहडु दिज्जमाणं पडिग्गाहेति, पडिग्गाहेतं वा सातिज्जति ॥

चू- अद्धजोयणातो परतो सपच्चवातेन पहेण अभिहडं अभिराभिमुख्ये “हज्ज हरणे” अभिमुखं हतं आनीतमित्यर्थः । जो भिक्खू आणावेइ तं पडिग्गाहेति वा सो आणादी पावति चउगुरुं च से पच्छित्तं । एसो चेव - अत्थो इमो-

[भा. ३२९३] परमद्धजोयणाओ, सपच्चवायम्मि अभिहडानीयं ।

तं जे भिक्खू पायं, पडिच्छते आणमादीणि ॥

चू- इमेहिं वा सावायो पथो-

[भा. ३२९४] सावततेना दुविधा, सव्वालजला महानदी पुण्णा ।

वणहत्थि दुट्ठसप्पा, पडिनीया चेव तु अवाया ॥

चू- सीहादिया सावया, तेना दुविहा-सरीरोवकरणे । जले - गाहमगराईएहिं सव्वाला महानदी वा अगाथा पुण्णा । वणहत्थवा दुट्ठे पहे, कुंभाकारादिसप्पा वा पहे विज्जंति, गिहीण वा वेरियादिपडिणीया संति ॥ एवमातिअववातेहिं इमे दोसा-

[भा. ३२९५] तेनादिसु जं पावे, तं वा पावति अंतरा काया ।

बद्धहितमारिते वा, उट्टाहपदोसवोच्छेदो ॥

चू- सो गिहत्थो आनित्तो तेनगसमीवातो जं घातादि पावति । आदिसद्दातो सिंहवग्घादियाण वा समीवातो जं पावति, सो वा गिहत्थो आसुरुत्तो जं कंडादि ए तेनादिपहारे पावति, अंतरा वा पुढवादिकाए विराहेज्ज, बंदिग्गहतेनेहिं वा बद्धो, हिओ वा, जुज्जतो वा मारितो, ताहे सयणादिज्जो भासति - संजयाण पादे नेता सावगो मारिउ त्ति, एवं उट्टाहो, तस्स वा सयनिज्जा पदोसं गच्छेज्जा, तद्दव्वण्णदव्वस्स वा वोच्छेदं करेज्ज, सो वा पदोसं गच्छे, वोच्छेदं वा करेज्ज ॥ जम्हा एवमादि दोसा तम्हा आहडं नो गेण्हेज्जा, अप्पणा गवेसेज्ज ॥ बित्थियपदेण गिहत्थाणीतं पि गेण्हेज्जा-

[भा. ३२९६] असिवे ओमोयरिए, रायदुट्ठे भए व गेलण्णे ।

सेहे चरित्तसावय, भए य जयणा इमा तत्थ ॥

चू- सक्खेत्ते पादासतीए दुल्लभेसु वा असिवेहिंतो वा गंतुमसमत्थो, अहवा पादभूमीए अंतरा वा असिवं ओमं वा रायदुट्ठबोहिगभयं वा सयं गिलाणवावडो वा, सेहस्स वा तत्थ सागारियं, मा सो सीदेज्जा, चरित्तदोसा वा, तत्थ अनेसणादिया दोसा, सावयभयं वा तत्थ ॥ एवमादिकारणेहिं इमं जयणं करेति-

[भा. ३२९७] अप्पाहेति पुराणात्तिगाण सत्थे आनयह पातं ।

तेहि य सयमाणीए, गहणं गीतेतरे जयणा ॥



चू- अप्पाहणं सदेसो, पुराणस्स संदिसंति । आदिग्गहणेणं गिहीतानुव्वयसावगस्स वा सम्मदिट्ठिणो संदिसंति - पादं सत्थेण आणयह । तेहिं वा आनिता जदि सव्वे गीयत्था तो गेण्हंति । इतरे अगीयत्था तेसु जयणं करेति, पुव्वं पडिसेहिता छिन्ने भावे तिहं य जयंता जता अत्तट्ठिया तदा गेण्हंति ॥

[भा.३२९८] एसेव गमो नियमा, आहारे सेसते य उवकरणे ।

पुव्वे अवरे य पदे, सपच्चवाएतरे लहुगा ॥

चू- जो पादे विही भणितो एसेव विधी आहारे, सेसोवगरणे य दट्ठव्वो । सपच्चवाते, इतरे पुण निपच्चवाते सव्वत्थ चउलहुगा ॥

मू. (६६३) जे भिक्खू धम्मस्स अवण्णं वदति, वदतं वा सातिज्जति ॥

चू- “धृज् धारणे”, धारयतीति धर्मः, न वण्णो अवण्णो नाम अयसो अकीर्तिरित्यर्थः । “वदव्यक्तायां वाचि” ।

[भा.३२९९] दुविही य होइ धम्मो, सुयधम्मो खलु चरित्तधम्मो य ।

सुयधम्मो सज्जाओ, चरित्तधम्मो समणधम्मो ॥

[भा.३३००] सुयधम्मो खलु दुविहो, सुत्ते अत्थे य होइ नायव्वो ।

दुविहो य चरणधम्मो, य अगारमनगारियं चेव ॥

चू- पंचविधो सज्जातो सुयधम्मो । सो पुण दुविहो - सुत्ते अत्थे य । चरित्तधम्मो दुविहो - अगारधम्मो अनगारधम्मो य । एक्केक्को दुविहो - मूलुत्तरगुणेषु ॥

[भा.३३०१] दुविहो तस्स अवण्णो, देसे सव्वे य होति नायव्वो ।

सुत्तनिवातो देसे, तं सेवंतम्मि आणादी ॥

चू- देसे सव्वे वा सुयस्स अवण्णं वदति । एवं चरित्ते वि दुविहो अवण्णो । सुत्तस्स देसे चउलहुगा, अत्थस्स देसे चउगुरुगा । सव्वसुयस्स अवण्णे भिक्खुणो मूलं । अभिसेयस्स अणवट्ठो । गुरुणो चरिमं । एयं दान पच्छित्तं । आवज्जणाए तिण्ह वि सव्वे सुत्ते अत्थे वा पारंचियं । गिहीणं मूलगुणेषु जति देशे अवण्णं वदति तो चउगुरुगं सव्वहिं मूलं । गिहीणं उत्तरगुणेषु जति देसे अवण्णं वदति तो चउलहुगा । गिहीणं सव्वुत्तरगुणेषु चउगुरुगा ।

साहूणं मूलगुणेषु उत्तरगुणेषु य जति देसे अवण्णं वदति तो चउगुरुगा, दोसु वि सव्वेसु मूलं । एत्थ अत्थस्स देसे गिहीणं य, मूलगुणदेसे साहूणं य, उत्तरगुणदेसे सुत्तणिवा भवति । एवं अवण्णवयणं सेवंतस्स आणादिया दोसा भवंति ॥

[भा.३३०२] मूलगुण-उत्तरगुणे, देसे सव्वे य चरणधम्मो उ ।

सामादियमादी उ, सुयधम्मो जाव पुव्वगतं ॥

[भा.३३०३] सामाइयमाईए, एक्कारसमाउ जाव अंगातो ।

अह देसो एत्थ लहुगा, सुत्ते अत्थम्मि गुरुगादी ॥

चू- पूव्वद्धं गतार्थत्वात् कंठं । सुयस्स सामादियादि-जाव-एक्कारसअंगा-ताव-देसो, एयं चेव सह पुव्वगएण सव्वसुयं ॥

[भा.३३०४] सव्वम्मि तु सयनाणे, भूया वाते य भिक्खुणो मूलं ।

गणि आयरिए सपदं, दानं आवज्जणा चरिमं ॥

[भा. ३३०५] गिहिणं मूलगुणेसू, देसे गुरुगा तु सव्वहिं मूलं ।

उत्तरगुणेषु देसे, लहुगा गुरुगा तु सव्वेसिं ॥

[भा. ३३०६] मूलगुणे उत्तरगुणे, गुरुगा देसम्मि होति साहूणं ।

सव्वम्मि होति मूलं, अवण्णवायं वयंतस्स ॥

चू- कहं पुण वदंतो आसादेति ?

[भा. ३३०७] जीवरहिते व पेहा, जीवाउलमुग्गदंडता मोयं ।

को दोसो य परकडे, चरणे एमातिया देसे ॥

चू- जीवेहिं विरहिते जाव पडिलेहणा कज्जति सा निरत्थिया । जीवाउले वा लोणे संकमणादिकिरियं करंतो कहं निद्वोसो ? परित्तेगिंदियाण य संघट्टणे मासलहुंदाणे, एवं अप्पावराहे उग्गदंडया अजुत्ता । जं व बितियपदे णु मोयायमणं भणियं तं पि अजुत्तं-

आहाकम्मादिएसु परकडेसु को दोसो ? एवमादि चरणस्स देसे अवण्णो । सर्वयम-नियमात्मकं चारित्रं कुशलपरिकल्पितं एष सर्वावर्णवादः ॥ इमेरिसं सुत्ते अवण्णं वदति-

[भा. ३३०८] काया वया य तच्चिय, ते चेव पमाय अप्पमादा य ।

जोतिस-जोनि-निमित्तेहिं किं च वेरग्गपरयाणं ॥

चू- अयुत्तं पुणो पुणो कायवयाण वण्णणं पमादप्पम याणय किं वा वेरग्गपवण्णाणं, जोतिसेण जोनीपाहुडेण वा निमित्तेण वा । सव्वं वा पागतभासाणिबद्धं, एवमादि सुय-आसायणा । एवं अवन्नं वदंतो आणाइया य दोसा, सुयदेवता वा खित्तादिचित्त करेज्ज, अन्नेण वा साहुणा सह असंखडं वा भवे - “कीस अवन्नं भाससि” ति । जम्हा एते दोसा तम्हा नो अवण्णं वदे ॥

कारणे वदेज्जा वि-

[भा. ३३०९] बितियपदमणप्पज्जे, वएज्ज अविकोविते व अप्पज्जे ।

जाणते वा वि पुणो, भयसा तव्वादिसू चेव ॥

चू- अणपज्जो खेत्तादियो वएज्ज, अप्पज्जो वा अविकोवितो सो वा वएज्जा । ‘तव्वादि’त्ति जो अवन्नवादपक्खग्गहणं करेति सो य रायादि बलवंतो तब्भया वदेज्जा, नो दोसो ॥

मू. (६६४) जे भिक्खू अधम्मस्स वण्णं वयति, वयंतं वा सातिज्जति ॥

चू- इह अहम्मो भारह-रामायणादि पावसुत्तं, चरगादियाण य जे पंचगितवादिद्या वयविसेसा । अहवा-पाणातिवायादिया मिच्छादंसणपज्जवसाणा अट्टारस पावट्टाणा, एतेसिं वण्णं वदतीत्यर्थः ।

[भा. ३३१०] एसेव गमो नियमा, वोच्चत्थे होति तु अहम्मि वि ।

देसे सव्वे य तहा, पुव्वे अवरम्मि य पदम्मि ॥

चू- वोच्चत्थे विपक्खे, वन्नवायं वदतीत्यर्थः । सेसं कंठं ।

[भा. ३३११] इहरह वि ताव लोए, मिच्छत्तं दिप्पए सभावेणं ।

किं पुण जति उववूहति, साहू अजयाण मज्झम्मि ॥

चू- “इहरहवि”त्ति सहावेण प्रदीपते प्रज्वलते, किमिति निर्देशे, पुनः विशेषणे, किं विशेषयति ? सूतरां दीप्यत इत्यर्थः । यदीत्यभ्युपगमे, अजयाणं अगगतो उववूहति ताहे थिरतरं तेसिं मिच्छत्तं

भवतीत्यर्थः । शेषं पूर्ववत् ॥

मू. (६६५) जे भिक्खू अन्नउत्थियस्स वा गारत्थियस्स वा पाए आमजेज्ज वा पमजेज्ज वा आमज्जंतं वा पमज्जंतं वा सातिज्जति ॥

मू. (६६६) जे भिक्खू अन्नउत्थियस्स वा गारत्थियस्स वा पाए संबाहेज्ज वा पलिमद्देज्ज वा संबाहेतं वा पलिमद्देतं वा सातिज्जति ॥

मू. (६६७) जे भिक्खू अन्नउत्थियस्स वा गारत्थियस्स वा पाए तेल्लेण वा घएण वा वसाए वा नवनीएण वा मक्खेज्ज वा भिलिंगेज्ज वा मक्खेतं वा भिलिंगेतं वा सातिज्जति ॥

मू. (६६८) जे भिक्खू अन्नउत्थियस्स वा गारत्थियस्स वा पाए लोद्धेण वा कक्केण वा उल्लोलेज्ज वा उवट्टेज्ज वा उल्लोलेतं वा उवट्टेतं वा सातिज्जति ॥

मू. (६६९) जे भिक्खू अन्नउत्थियस्स वा गारत्थियस्स वा पाए सीओदगवियडेण वा उसिणोदगवियडेण वा उच्छोल्लेज्ज वा पधोएज्ज वा उच्छोल्लेतं वा पधोएतं वा सातिज्जति ॥

मू. (६७०) जे भिक्खू अन्नउत्थियस्स वा गारत्थियस्स वा कायं आमजेज्ज वा पमजेज्ज वा आमज्जंतं वा पमज्जंतं वा सातिज्जति ॥

मू. (६७१) जे भिक्खू अन्नउत्थियस्स वा गारत्थियस्स वा कायं आमजेज्ज वा पमजेज्ज वा आमज्जंतं वा पमज्जंतं वा सातिज्जति ॥

मू. (६७२) जे भिक्खू अन्नउत्थियस्स वा गारत्थियस्स वा कायं संबाहेज्ज वा पलिमद्देज्ज वा संबाहेतं वा पलिमद्देतं वा सातिज्जति ॥

मू. (६७३) जे भिक्खू अन्नउत्थियस्स वा गारत्थियस्स वा कायं तेल्लेण वा घएण वा वसाए वा णवणीएण वा मक्खेज्ज वा भिलिंगेज्ज वा मक्खेतं वा भिलिंगेतं वा सातिज्जति ॥

मू. (६७४) जे भिक्खू अन्नउत्थियस्स वा गारत्थियस्स वा कायं लोद्धेण वा कक्केण वा उल्लोलेज्ज वा उवट्टेज्ज वा उल्लोलेतं वास, उवट्टेतं वा सातिज्जति ॥

मू. (६७५) जे भिक्खू अन्नउत्थियस्स वा गारत्थियस्स वा कायं सीओदग-वियडेण वा उसिणोदग-वियडेण वा उच्छोलेज्ज वा पधोएज्ज वा उच्छोल्लेतं वा पधोएतं वा सातिज्जति ॥

मू. (६७६) जे भिक्खू अन्नउत्थियस्स वा गारत्थियस्स वा कायं फुमेज्ज वा रएज्ज वा फुमेंतं वा रएतं वा सातिज्जति ॥

मू. (६७७) जे भिक्खू अन्नउत्थियस्स वा गारत्थियस्स वा कायंसि वणं आमजेज्ज वा पमजेज्ज वा, आमज्जंतं वा पमज्जंतं वा सातिज्जति ॥

मू. (६७८) जे भिक्खू अन्नउत्थियस्स वा गारत्थियस्स वा कायंसि वणं संबाहेज्ज वा पलिमद्देज्ज वा, संबाहेतं वा पलिमद्देतं वा सातिज्जति ॥

मू. (६७९) जे भिक्खू अन्नउत्थियस्स वा गारत्थियस्स वा कायंसि वणं तेल्लेण वा घएण वा वसाए वा नवनीएण वा मक्खेज्ज वा भिलिंगेज्ज वा मक्खेतं वा भिलिंगेतं वा सातिज्जति ॥

मू. (६८०) जे भिक्खू अन्नउत्थियस्स वा गारत्थियस्स वा कायंसि वणं लोद्धेण वा । कक्केण वा उल्लोलेज्ज वा उवट्टेज्ज वा, उल्लोलेतं वा उवट्टेतं वा सातिज्जति ॥

मू. (६८१) जे भिक्खू अन्नउत्थियस्स वा गारत्थियस्स वा उच्छोलेज्ज वा पधोएज्ज वा उच्छोल्लेतं

वा पधोएतं वा सातिज्जति ॥

मू. (६८२) जे भिक्खू अन्नउत्थियस्स वा गारत्थियस्स वा कायंसि वणं फुमेज्ज वा रएज्ज वा, फुमेतं वा रएतं वा सातिज्जति ॥

मू. (६८३) जे भिक्खू अन्नउत्थियस्स वा गारत्थियस्स वा कायंसि गंडं वा पिलगं वा अरइयं वा असियं वा भगंदलं वा अन्नयरेणं तिकखेणं सत्थजाएणं अच्छिंदेज्ज वा विच्छिंदेज्ज वा अच्छिदेंतं वा विच्छिदेंतं वा सातिज्जति ॥

मू. (६८४) जे भिक्खू अन्नउत्थियस्स वा गारत्थियस्स वा कायंसि गंडं वा पिलगं वा अरइयं वा असियं वा भगंदलं वा अन्नयरेणं तिकखेणं सत्थजाएणं अच्छिदित्ता विच्छिदित्ता पूयं वा सोणियं वा नीहरेज्ज वा विसोहेज्ज व नीहरेंतं वा विसोहेतं वा सातिज्जति ॥

मू. (६८५) जे भिक्खू अन्नउत्थियस्स वा गारत्थियस्स वा कायंसि गंडं वा पिलगं वा अरइयं वा असियं वा भगंदलं वा अन्नयरेणं तिकखेणं सत्थजाएणं अच्छिदित्ता-वियडेण वा उसिणोदग-वियडेण वा उच्छोलेज्ज वा पधोएज्ज वा, उच्छोलेतं वा पधोएतं वा सातिज्जति ॥

मू. (६८६) जे भिक्खू अन्नउत्थियस्स वा गारत्थियस्स वा कायंसि गंडं वा पिलगं वा अरइयं वा असियं वा भगंदलं वा अन्नयरेणं तिकखेणं सत्थजाएणं अच्छिदित्ता विच्छिदित्ता पूयं वा सोणियं वा नीहरेत्ता विसोहेत्ता सीओदग-वियडेण वा उसिणोदग-वियडेण वा उच्छोलेत्ता पधोएत्ता अन्नयरेणं आलेवणजाएणं आलिंपेज्ज वा विलिंपेज्ज वा, आलिंपंतं वा विलिंपंतं वा सातिज्जति ॥

मू. (६८७) जे भिक्खू अन्नउत्थियस्स वा गारत्थियस्स वा कायंसि गंडं वा पिलगं वा अरइयं वा असियं वा भगंदलं वा अन्नयरेणं तिकखेणं सत्थजाएणं अच्छिदित्ता विच्छिदित्ता पूयं वा सोणियं वा नीहरेत्ता विसोहेत्ता सीओदग-वियडेण वा उसिणोदग-वियडेण वा उच्छोलेत्ता पधोएत्ता अन्नयरेणं आलेवणजाएणं आलिंपित्ता विलिंपित्ता तेल्लेण वा घएण वा वसाए वा नवनीएण वा अब्भंगेज्ज वा मक्खेज्ज वा अब्भंगेंतं वा मक्खेंतं वा सातिज्जति ॥

मू. (६८८) जे भिक्खू अन्नउत्थियस्स वा गारत्थियस्स वा कायंसि गंडं वा पिलगं वा अरइयं वा असियं वा भगंदलं वा अन्नयरेणं तिकखेणं सत्थजाएणं अच्छिदित्ता विच्छिदित्ता पूयं वा सोणियं वा नीहरेत्ता विसोहेत्ता सीओदग-वियडेण वा उसिणोदग-वियडेण वा उच्छोलेत्ता पधोएत्ता अन्नयरेणं आलेवणजाएणं आलिंपित्ता विलिंपित्ता तेल्लेण वा घएण वा वसाए वा नवनीएण वा अब्भंगेत्ता मक्खेत्ता अन्नयरेण धूवणजाएणं धूवेज्ज वा पधूवेज्ज वा धूवेंतं वा पधूवेंतं वा सातिज्जति ॥

मू. (६८९) जे भिक्खू अन्नउत्थियस्स वा गारत्थियस्स वा पालु-किमियं वा कुच्छि-किमियं वा अंगुलीए निवेसिय निवेसिय नीहरइ, नीहरंतं वा सातिज्जति ॥

मू. (६९०) जे भिक्खू अन्नउत्थियस्स वा गारत्थियस्स वा दीहाओ नह-सीहाओ कपेज्ज वा सठवेज्ज वा, कपेंतं वा सठवेंतं वा सठवेंतं वा सातिज्जति ॥

मू. (६९१) जे भिक्खू अन्नउत्थियस्स वा गारत्थियस्स वा दीहाइं जंध-रोमाइं कपेज्ज वा सठवेज्ज वा, कपेंतं वा सठवेंतं वा सातिज्जति ॥

मू. (६९२) जे भिक्खू अन्नउत्थियस्स वा गारत्थियस्स वा दीहाइं कक्ख-रोमाइं कपेज्ज वा सठवेज्ज वा, कपेंतं वा सठवेंतं वा सातिज्जति ॥

मू. (६९३) जे भिक्खू अन्नउत्थियस्स वा गारत्थियस्स वा दीहाइं मंसु-रोमाइं कप्पेज्ज वा संठवेज्ज वा, कप्पेतं वा संठवेतं वा सातिज्जति ॥

मू. (६९४) जे भिक्खू अन्नउत्थियस्स वा गारत्थियस्स वा दीहाइं वत्थि-रोमाइं कप्पेज्ज वा संठवेज्ज वा, कप्पेतं वा संठवेतं वा सातिज्जति ॥

मू. (६९५) जे भिक्खू अन्नउत्थियस्स वा गारत्थियस्स वा दीहाइं चक्खु-रोमाइं कप्पेज्ज वा संठवेज्ज वा, कप्पेतं वा संठवेतं वा सातिज्जति ॥

मू. (६९६) जे भिक्खू अन्नउत्थियस्स वा गारत्थियस्स वा दंते आघंसेज्ज वा पघंसेज्ज वा आघंसंतं वा पघंसंतं वा सातिज्जति ॥

मू. (६९७) जे भिक्खू अन्नउत्थियस्स वा गारत्थियस्स वा दंते उच्छोलेज्ज वा पधोएज्ज वा उच्छोलेतं वा पधोएतं वा सातिज्जति ॥

मू. (६९८) जे भिक्खू अन्नउत्थियस्स वा गारत्थियस्स वा दंते फुमेज्ज वा रएज्ज वा फुमेतं वा रएतं वा सातिज्जति ॥

मू. (६९९) जे भिक्खू अन्नउत्थियस्स वा गारत्थियस्स वा उट्ठे आमजेज्ज वा पमजेज्ज वा आमजंतं वा पमजंतं वा सातिज्जति ॥

मू. (७००) जे भिक्खू अन्नउत्थियस्स वा गारत्थियस्स वा उट्ठे संबाहेज्ज वा पलिमदेज्ज वा संबाहेतं वा पलिमदेतं वा सातिज्जति ॥

मू. (७०१) जे भिक्खू अन्नउत्थियस्स वा गारत्थियस्स वा उट्ठे तेलेण वा घएण वा वसाए वा नवनीएण वा मक्खेज्ज वा भिलिंगेज्ज वा, मक्खेतं वा भिलिंगेतं वा सातिज्जति ॥

मू. (७०२) जे भिक्खू अन्नउत्थियस्स वा गारत्थियस्स वा उट्ठे लोद्धेण वा कक्केण वा उल्लोलेज्ज वा उव्वट्ठेज्ज वा, उल्लोलेतं वा उव्वट्ठेतं वा सातिज्जति ॥

मू. (७०३) जे भिक्खू अन्नउत्थियस्स वा गारत्थियस्स वा उट्ठे सीओदग-वियडेण वा उसिणोदग-वियडेण वा उच्छोलेज्ज वा पधोएज्ज वा उच्छोलेतं वा पधोएतं वा सातिज्जति ॥

मू. (७०४) जे भिक्खू अन्नउत्थियस्स वा गारत्थियस्स वा उट्ठे फुमेज्ज वा रएज्ज वा फुमेतं वा रएतं वा सातिज्जति ॥

मू. (७०५) जे भिक्खू अन्नउत्थियस्स वा गारत्थियस्स वा दीहाइं उत्तरोट्ठरोमाइं कप्पेज्ज वा संठवेज्ज वा, कप्पेतं वा संठवेतं वा सातिज्जति ॥ जे भिक्खू अन्नउत्थियस्स वा गारत्थियस्स वा दीहाइं नासा रोमाइं कप्पेज्ज वा संठवेज्ज वा कप्पेतं वा संठवेतं वा सातिज्जति ॥

मू. (७०६) जे भिक्खू अन्नउत्थियस्स वा गारत्थियस्स वा दीहाइं अच्छिपत्ताइं कप्पेज्ज वा संठवेज्ज वा, कप्पेतं वा संठवेतं वा सातिज्जति ॥

मू. (७०७) जे भिक्खू अन्नउत्थियस्स वा गारत्थियस्स वा अच्छीणि आमजेज्ज वा पमजेज्ज वा, आमजंतं वा पमजंतं वा सातिज्जति ॥

मू. (७०८) जे भिक्खू अन्नउत्थियस्स वा गारत्थियस्स वा अच्छीणि संबाहेज्ज वा पलिमदेज्ज वा, संबाहेतं वा पलिमदेतं वा सातिज्जति ॥

मू. (७०९) जे भिक्खू अन्नउत्थियस्स वा गारत्थियस्स वा अच्छीणि तेलेण वा घएण वा

वसाए वा नवनीएण वा मक्खेज्ज वा भिलिंगेज्ज वा, मक्खेतं वा भिलिंगेतं वा सातिज्जति ॥

मू. (७१०) जे भिक्खू अन्नउत्थियस्स वा गारत्थियस्स वा अच्छीणि लोद्धेण वा कक्केण वा उल्लोलेज्ज वा उव्वट्टेज्ज वा, उल्लोलेंतं वा उव्वट्टेंतं वा सातिज्जति ॥

मू. (७११) जे भिक्खू अन्नउत्थियस्स वा गारत्थियस्स वा अच्छीणि सीओदग-वियडेण वा उसिणोदग-वियडेण वा उच्छोलेज्ज वा पथोएज्ज वा, उच्छोलेंतं वा पथोएंतं वा सातिज्जति ॥

मू. (७१२) जे भिक्खू अन्नउत्थियस्स वा गारत्थियस्स वा अच्छीणि-फुमेज्ज वा रएज्ज वा फुमेंतं वा रएंतं वा सातिज्जति ॥

मू. (७१३) जे भिक्खू अन्नउत्थियस्स वा गारत्थियस्स वा दीहाइं भुमग-रोमाइं कप्पेज्ज वा संठवेज्ज वा, कप्पेतं वा संठवेतं वा सातिज्जति ॥

मू. (७१४) जे भिक्खू अन्नउत्थियस्स वा गारत्थियस्स वा दीहाइं पास-रोमाइं कप्पेज्ज वा संठवेज्ज वा, कप्पेतं वा संठवेतं वा सातिज्जति ॥

मू. (७१५) जे भिक्खू अन्नउत्थियस्स वा गारत्थियस्स वा अच्छिमलं वा कण्णमलं वा दंतमलं वा नहमलं वा नीहरेज्ज वा विसोहेज्ज वा, नीहरेंतं वा विसोहेतं वा सातिज्जति ॥

मू. (७१६) जे भिक्खू अन्नउत्थियस्स वा गारत्थियस्स वा कायाओ सेयं वा जल्लं वा पंकं वा मलं वा नीहरेज्ज वा विसोहेज्ज वा नीहरेंतं वा विसोहेतं वा सातिज्जति ॥

मू. (७१७) जे भिक्खू गामानुगामं दूइज्जमाणे अन्नउत्थियस्स वा गारत्थियस्स वा सीसदुवारियं करेइ, करेंतं वा सातिज्जति ॥ पायप्पमज्जादी, सीसदुवारादि जे करेज्जाहिं । गिहि-अन्नतित्थियाण वा, जो पावति आणमादीणि ॥

चू-चउगुरुं से पच्छित्तं, आणादिया दोसा भवन्ति । मिच्छते थिरीकरणं । सेहादियाण य तत्थ गमणं । पवयणस्स य ओभावणा । जम्हा एते दोसा तम्हा एतेसिं वेयावच्चं नो कायव्वं ॥

कारणे पुण कायव्वं-

[भा. ३३१३] बित्थियपदमणप्पज्जे, करेज्ज अविक्कोविते व अप्पज्जे ।

जाणंते वा वि पुणो, पुरलिंगे सेहमादीसु ॥

चू-कारणे परलिंगपवण्णो करेज्जा, सेहो वा अनलो विगिंचियव्वो तस्स करंतो सुद्धो, तस्सगतो वा पन्नवणं करंतो सुद्धो । अहवा - सेहो आगतो परिस्संतो दव्वलिंगेण, तस्स विस्सामणादि कायव्वं । अप्पसागारिए जयणं करंतो सुद्धो ॥

मू. (७१८) जे भिक्खू अप्पाणं बीभावेति, बीभावेतं वा सातिज्जति ॥

मू. (७१९) जे भिक्खू परं बीभावेति, बीभावेतं वा सातिज्जति ॥

चू-उभयं वा । अनन्यभावे आत्मैवात्मा, पृथग्भावे आत्मव्यतिरिक्तः परः, आत्मपरव्यपदेशेनोभयं भवति । ऐहिकपारित्रिकं भयोत्पादनं बीभावनं, चउगुरुं आणादिया य दोसा भवन्ति ।

[भा. ३३१४] दिव्व-मणुय-तेरिच्छं, भयं च आकम्हिकं तु नायव्वं ।

एक्केक्कं पि य दुविहं, संतमसंतं च नायव्वं ॥

चू-भयं चउव्विहं उप्पज्जति - पिसायादिएहिंतो दिव्वं, तेनादिएहिं तो मामुस्सं, आउ-तेउ-वाउ-वणस्सइयाएहिं तो य तेरिच्छं, निर्हेतुकं चउत्थं अकस्मादभयं भवति । एक्केक्कं पुणो दुविह-

संतासंतभेएण । पिसाय-तेन-सिंघाइएसु दिट्ठेसु जं भयं उप्पज्जति तं संतं, अदिट्ठेसु असंतं । अकस्मादभयं संतं, आत्मसमुत्थं मोहनीयभयप्रकृत्युदयादुद्भवति असंतं, अकस्मादभयं भयकारणसकल्पिताभिप्रायोत्पन्नं ॥

चोदकाह - ननु इहलोकभयं परलोकभयं आदानभयं आजीवणाभयं अकस्मादभयं मरणभयं असिलोगभयं एयं सत्तविहं भयमुत्तं, कहं चउव्विहं भणह ? आचार्याह-

[भा.३३१५] कामं सत्तविकप्पं, भयं समासेण तं पुणो चउहा ।

तत्थादानं समणे, न होज्ज अहवा वि देहुवही ॥

चू- कामं शिष्याभिप्रायानुमतार्थे, तदेव सत्तविहं भयं संखिप्पमाणं चउव्विधं भवति । कहं पुण संखिप्पति ? उच्यते - इहलोगभयं मनुयभए समोतरति, परलोगभयं दिव्व-तिरियभएसु समोतरति । आदानेआजीवण-मरण-असिलोगभयं च-एते चउरो वि तिसु दिव्वादिएसु समोतरंति।

कथम् ? उच्यते - जतो आदानेन हत्थड्डित्तेन दिव्व-मणुय-तेरिच्छयाण बिभेति । आजीवणं वित्ती, सा च दिव्व-मणुय-तेरिच्छान्यतमाधीना । मरणं प्राणपरित्यागः, असावपि दिव्व-मनुष्य-तिर्यगन्यतमभावावस्थस्येति । नारका किल मरणभयमिच्छन्त्येव । अकस्मात् कारणात् त्रिविधमेव मरणभय । असिलोग वि दिव्व-मणुएसु संभवति । सत्रीसु य पंचेदियतिरिएसु अकस्माद्भयं सट्ठाणे समोतरति । एवं सत्तभया चउसु भएसु समोतारिता । एत्थ समणस्स आदानभयं न होज्ज अहवा - समणो वि देहोवही चेव, आदानभयं भवति ॥

चोदगाह - कहं देहुवही आदानभयं ? उच्यते-

[भा.३३१६] एगेसिं जं भणियं, महब्भयं एतदेव विहिसुते ।

तेनादानं देहो, मुच्छासहियं च उवकरणं ॥

चू- बंधचेरा विधिसुत्तं, तत्थ भणियं - एतदेवेगेसिं महद्भयं भवति, एतदेव सरीरं, एगेसिं अविरयजीवाणं महंतं भयं भवति, तेन कारणेण देहो आदानं भवति, उवकरणं च मुच्छासहियं आदानं भवति, न सेसं ॥

[भा.३३१७] रक्खस-पिसाय-तेनाइएसु उदयग्गि-जड्डुमाईसु ।

तव्विवरीयमकम्हा, जो तेन परं च अप्पाणं ॥

चू- रक्खस-पिसायादियं दिव्वं, तेनादियं माणुसं, उदय-ग्गि-जड्डुमादियं तेरिच्छं, अकस्माद्भयं च । एतेन चउव्विहेण जो अप्पाणं परं उभयं वा ॥

[भा.३३१८] बीहावेती भिक्खू, संते लहुगा य गुरुमसंतम्मि ।

आणादी मिच्छत्तं, विराधना होति सा दुविहा ॥

चू- संते लहुगा, असंतं चउगुरुगा इत्यर्थः । दुविहा आय-संजमविराहणा ॥

[भा.३३१९] नोवेक्खति अप्पाणं, न इव परं खेत्तमादिणो दोसा ।

भूएहि व धेप्पेज्जा, भेसेज्ज परं च जं चऽन् ॥

चू- अप्पाणं परं बीहावेतो अप्पाणं परं च नावेक्खति, बीहंतो सयं परो वा खित्तचित्तो भवेज्ज, तत्थ मूलं, गिलाणारोवणा य । भीओ वा संतो तं चेव बीहावेतो हणेज्ज, भीतो वा भूतेन धेप्पेज्जा, गहग्गहितो वा परं भीसेज्ज, तत्थ पि बहु वणादिया दोसा । “जं चऽन्”ति खेत्तादिअणपज्जो

छ्कायविराहणं करेज्ज, एत्थ से कायनिष्फणं ॥

जम्हा भए कज्जमाणे एते दोसा तम्हा भयं न कायव्वं । इमं कारण-

[भा.३३२०] जह मोहप्पगडीणं कोहातीणं विवज्जणा सेया ।

तह चउकारणमुदयं, भयं पि न हु सेवितं सेयं ॥

चू- जह मोहनिज्जस्स कोहादियाण उत्तरपगडीणं वज्जणा सेया भवति तथा भयं चउव्विहं मोहस्स उत्तरपगडी विवज्जेउं श्रेयं भवतीत्यर्थः ॥

[भा.३३२१] भयउत्तरपगडीए, सेसा मोहस्स सूतिया पगडी ।

मोहपगडीए सेसा, तु सूतिता मूलपयडीतो ॥

चू- एयंभयं मोहनिज्जस्स उत्तरपयडी, एयाए गहियाए सेसाओ मोहनिज्जस्स उत्तरपगडीतो सूचितातो भवन्ति । एवं सव्वा चेव मोहपगडिगहिया । मोहमूलपगडीए सेसा सत्त नाणावरणाइया मूलपगडीतो सूचिया भवन्ति ॥

[भा.३३२२] ता जेहि पगारेहिं, बज्जंती नाणनिण्हवादीहिं ।

निक्कारणम्मि तेसू, वट्टंते होति पच्छित्तं ॥

चू- ता इति अट्टमूलपगडीओ, पंचानउइ वा उत्तरपगडीतो, सम्यक्त्वमिश्रयोर्बन्धी नास्तीत्येवं पंचनवति । एयातो दोहिं बंधहेउप्यागारेहिं बज्जंति तेसु वट्टंतस्स पच्छित्तं भवति । ते य इमे । १ नाणं जस्स समीवे सिक्खियं तं निण्हवति । २ नाणिपुरिसस्स पडिनीओ । ३ अधिज्जंतो वा अंतरायं करेति । ४ जीवस्स वा नानोवघायं करेति । ५ नाणिपुरिसे वा पदोसं करेति । एवामादिएहिं पंचविहं नाणावरणं बज्जइ । एतेसु चेव सविसेसु नवविधं दंसणावरणं बज्जति । भूतानुकंपयाते वयानुपालणाते खंतिसंपन्नयाए दानरुईए गुरुभत्तीते एतेहिं सातावेदनिज्जं वज्जति । विवरीयहेऊहिं असातं । मोहनिज्जं दुविधं - दंसणमोहं चरित्तमोहं च । तत्थ दंसणमोहे अरहंत पडिनीययाए एवं सिद्ध-चेतिय-तवस्सि-सुय-धम्म-संघस्स य पडिनीयत्तं करंतो दंसणमोहं बंधति । तिब्बकसायताए बहुमोहयाते रागदोससंपन्नयाते चरित्तमोहं बंधति । आउयं चउव्विहं - तत्थ निरयाउयस्स इमो हेऊ - मिच्छत्तेण महारंभयाते महापरिग्गहाते कुणिमाहारं निस्सीलयाते रुद्धमज्झाणेण य निरयाउं निबंधति । तिरियाउयस्स इमो हेतू- उम्मग्गदेसणाते संत्तमग्गविष्पणासणेणं माइल्लयाते सट्ठसीलताते ससल्लमरणेणं एवमादिएहिं तिरियाउयं निबंधति । इमे मनुयाउयहेउणो- विरयविहूणो जो जीवो तनुकसातो, दानरतो, पगतिभइयाए मनुयाउयं बंधति । देवाउयहेतू इमे- देवविरतो सव्वविरतो बाल-तवेण अकामनिज्जराए सम्मद्दिट्ठियाए य देवाउयं बंधति ।

नामं दुविहं - सुभासुभं । तत्थ सामण्णतो असुभे य इमे हेतू - मन-वय-कायजोगेहिं वंको मायावी तिहिं गारवेहिं पडिबद्धो । एतेहिं असुभं नामं बज्जति । एतेहिं चेव विवरीएहिं सुभं नामं बज्जइ । सुभगोत्तस्स इमे हेतू- अहरंतंतेसु य साहूसु य भत्तो, अरहंतपनीएण सुएण जीवादिपदत्थे य रोयंतो, अप्पमाययाए संजमादिगुणप्पेही य उच्चागोयं बंधति । विवरीएहिं नीयागोयं । सामण्णतो पंचविहंतराए इमो हेतू-

पाणवहे मुसावाते अदिन्नादाणे मेहुणे परिग्गहे य एतेसु रइबंधगरे, जिनपूयाए विग्घकरो, मोक्खमग्गं पवज्जंतस्स जो विग्घं करेति । एतेसु अंतराइयं बंधति । विसेसहेउ उवउज्ज वात्तव्वा ।



एतेसु हेऊसु निक्कारणे वट्टंतस्स पच्छित्तं भवति ॥ चोदगाह - जाव बायरसंपरातो ताव सब्वजीवा आउयवज्जतो सत्त कम्मपयडीतो निच्चकालं सप्पभेदा बंधंति, कहां अप्पायच्छित्ती भवति ? सपायच्छित्तस्स य सोही नत्थि, सोही अभावे य मोक्खाभावो । आचार्याह-

[भा. ३३२३] कामं आउयवज्जा, निच्चं बज्जंति सब्वपगडीतो ।

जो बादरो सरागो, तिव्वासु तासु पच्छित्तं ॥

चू- तीत्रेषु हेतुषु वर्तमानस्य प्रायश्चित्तं भवति, न मंदेषु । शेषं कंठं ॥

उत्तरप्रकृतीरधिकृत्यच्यते-

[भा. ३३२४] अहिकिच्च उ असुभातो, उत्तरपगडीतो होति पच्छित्तं ।

अनियाणेण सुभासु, न होति सट्ठाणपच्छित्तं ॥

चू- अट्ठण्हं पगडीणं जा असुभातो ताणं हेतुसु वट्टंतस्स पच्छित्तं, जहा नाणपदोसादिएसु । जा पुण सुभातो तासु न भवति पच्छित्तं, जहा अन्नाणे पदोसं करेति तित्थगरदिपडिनीएसु वा । अनिदानेन वा सुभं बंधस्स पायच्छित्तं न भवति, जहा तित्थगरनामगोतहेतुसु “अरहंतसिद्ध” कारग-गाहा-जम्मि भेदे जं पच्छित्तं भणियं तं तस्स सट्ठाणपच्छित्तं ॥ तं च इमं भण्णति-

[भा. ३३२५] देसपदोसादीसुं, साते लोभे अ असरिसे फासे ।

लहुओ लहुआ पुण हास अरतिनिद्वाचउक्कम्मि ॥

चू- नाणस्स जति देसे पदोसं करेति, आदिग्गहणातो णाणस्स चैव जदि देसे पडिनीयत्तं अंतरायं मच्छरं निण्हवणं करेति, सायोवेयनिज्जस्स निदानादिएहिं अपसत्थज्जवसातो जदि हेतूप वट्टति, लोभकसायस्स य जइ बंधहेऊए वट्टति तो मासलहुं । असरिसफासे पुरिसस्स इत्थि-नपुंसकफासा असरिसा, इत्थीए पुरिस-नपुंसगफासा असरिसा, नपुंसगस्स थी-पुरिसफासा असरिसा, एत्थ असरिसा फासा बंधस्स जति हेऊए वट्टति एतेसु सब्वेसु चउलहुगा पच्छित्तं । हासं अरती निद्वा निद्धानिद्वा पयला पयलापयला एयामं छण्हं पगडीणं जति हेऊसु वट्टति तो मासलहुं पच्छित्तं ॥

[भा. ३३२६] सब्वे णाणपदोसादिएसु थीणे य होति चरिमं तु ।

निरयाउ कुणिमवज्जे, मिच्छे वेदे य मूलं तु ॥

चू- नाणस्स जति सब्वस्स पदोसं करेति पडिनीयादिहेतुसु वा वट्टति, थीणगिद्धिनिद्वाए य जति हेऊए वट्टति तो पारंचियं पच्छित्तं । निरयाउयस्स कुणिमहेउं एक्कं वज्जेउं सेसेसु महारंभादिएसु जति वट्टति, मिच्छत्तस्स, तिविहवेदहेऊए य वट्टंतस्स मूं पच्छित्तं । कुणिमाहारे रागे गुरुगा, दोसे लहुगा ॥

[भा. ३३२७] तिरियाउ असुभनामस्स चैव हेतूसु मासियं गुरुयं ।

सेसासु अप्पसत्थासु, होति सब्वासु चउलहुगा ॥

चू- तिरियाउयस्स हेऊहिं सब्वेहि, नामस्स जा असुभा पगडीतो तान य हेऊए वट्टति तो मासगुरुं पच्छित्तं । सेसासु त्ति चउरो दंसणभेया, लोभवज्जा पन्नरस कसाया, हासादिछक्के य हास अरति वज्जा चउरो भेदा, नीयागोयं, पंचविहं च अंतरायं । एयाण अप्पसत्थाण बंधहेउसु वट्टंतस्स चउलहुगा पच्छित्तं ॥ चोदकाह-

[भा. ३३२८] सक्का अपसत्थाणं, तु हेतवो परिहारित्तु पयडीणं ।

सादादिपसत्थाणं, कहं नु हेतू परिहरेज्जा ॥

चू- अप्रशस्तप्रकृतिहेतवो वर्जितुं शक्यन्ते, अशुभाध्यवशायवर्जनात् । कथं नित्यकाल-  
शुभाध्यवसितः साधुः शुभप्रकृतिहेतून् वर्जयति, तेषां शुभाध्यवसायबन्धात् ॥ चोदक एवाह-

[भा. ३३२९] जति वा बज्झतिसातं, अनुकंपादीसु तो कहं साहू ।

परमनुकंपाजुत्तो, वच्चति मोक्खं सुहनुबंधी ॥

चू- जति सातं बज्झति भूयानुकंपयाते, आदिसद्दातो वयसंपन्नताते संजमजोगुज्जमेण  
खंतिसंपन्नाताते दानरुईए गुरुभत्तिरागेण य तो साहू एतेहिं अनुकंपाइएहिं जुत्तो पुन्नबंधी कहं  
गोक्खं गच्छति ? जतो पुन्न मोक्खगमणविग्घाय हवति ॥ किं चान्यत्-

[भा. ३३३०] सुहमवि आवेदंतो, अवस्समसुभं पुणो समादियति ।

एवं तु नत्थि मोक्खो, कहं च जयणा भवति एत्थं ॥

चू- सुहं आवेदंतो अवस्सं पावं वंधति, पुन्नपावोदया य अवस्सं संसारो भवति, अतो एवं  
साहुस्स मोक्खो नत्थि । कहं वा एत्थ साहुणा जतियच्च - घटितव्यमित्यर्थः ॥

[भा. ३३३१] अहवा न चेव बज्झति, पुण्णं नावि असुभोदयं पावं ।

सच्च अनिद्धियकम्मो, उववज्झति केन देवेसु ॥

चू- अहवा - अनुकंपादिएहिं पुण्णं न बज्झति, न वा पापं, सच्चहा अपरिक्खीणकम्मे य  
पुण्णाभावे देवेसु केण हेतुणा उववज्झति ॥ एवं चोदकेनोक्ते आचार्याह-

[भा. ३३३२] पुव्वतव-संजमा होंति, रागिणो पच्छिमा अरागस्स ।

रागो संगो वुत्तो, संग्गा कम्मं भवे तेनं ॥

[भा. ३३३३] भण्णति जहा तु कोती, महल्लपल्ले तु सोधयति पत्थं ।

पक्खिवति कुभं तस्स उ, नत्थि खतो होति एवं तु ॥

[भा. ३३३४] अत्रो पुण पल्लातो, कुभं सोहयति पक्खिवेति पत्थं ।

तस्स खओ भवतेवं, इय जे तु संजया जीवा ॥

[भा. ३३३५] तेसिं अप्पानिज्जर, बहु बज्झइ पाव तेन नत्थि खओ ।

अप्पो बंधो जयाणं बहुनिज्जर तेन मोक्खो तु ॥

चू- पूर्वा इति प्रथमा । के ते ? तपः संयमश्च । यत्र तपः तत्र नियमात्संयमः, यत्र संयमः  
तत्रापि नियमात् तपः । उभयोरव्यभिचारप्रदर्शनार्थं तपः संयमग्रहणं । यथा तत्रोपयोगः,  
यत्रोपयोगस्तत्रात्मा इति । सामाज्यं छेदोवद्वावणियं परिहारविसुद्धियं सुहुमसंपरागं च एते  
पुव्वतवसंजमा । एते नियमा रागिणो भवंति । पश्चिमा तव-संजमा अरागिणो भवंति । तं च  
अहाख्यातचारित्रं इत्यर्थः । अहव - अनसनादीया जाव सुक्कज्जाणस्स आदिमा दो भेया,  
पुहुत्तवितक्कसंवियारं एगत्तवियक्कं अवियारं च, एते पुव्वतवा ।

सामाज्य-छेद-परिहारसुहुमं च एते पुव्वतवसंजमानियमा रागिणो भवंति । सुहुमकिरियानियद्दी  
वोच्छिन्नकिरियमप्पडिवाइं एते पच्छिमा तवा, अहक्खायचारित्तं पच्छिमसंजमो, एते पच्छि-  
मतवसंजमानियमा अरागिणो भवंति । एतेहिं पुव्वतवसंजमेहिं देवेहिं उववज्झति सरागित्वात् ।

रागो त्ति वा संगो त्ति वा एकार्थं । यतो भणितं - “रागो संगो वुत्तो” । अहवा - कम्मजनितो जीवभावो रागो, कम्मुणा सह संजोययंतो स एव संगो वुत्तो । संगतो पगतिभदेण निव्वत्तमाणं कम्मं भवति, तेन कम्मुणा उदिज्जमाणेण भवो भवति - संसार इत्यर्थः । ते य सरागसंजता पल्लधम्मपक्खेवदिट्ठेतेनं बहुसोधगा अप्पबंधी कमेण पच्छिमे तवसंजमे पप्प मोक्खं गच्छंति । एवं सुभपगडिबंधेसु साहवो जतंति । जम्हा पगडिहेतवेसु पवत्तंतस्स एते दोसा तम्हा न बीभे, न वा परं बीहाविज्जा ॥

[भा.३३३६] वित्तिपदमणप्पज्जे, बीभे अप्पज्ज्ज हीनसत्ते वा ।

खेत्तं दित्तं च परं, पवाति-पडिनीय-तेनं वा ॥

चू-अणप्पज्जो कित्तदित्तो सयं वा बीभेति, परं वा बीभावेइ, हीनसत्तो वा अप्पज्जो बीभेज्ज, खित्तादियं वा परप्पवादि वा पडिनीयं वा अनुवसमंतं सरीरोवगरणतेनं दुविहं बीभावेतो निद्वोस इत्यर्थः ॥

मू. (७२०) जे भिक्खू अप्पाणं विम्हावेति, विम्हावेतं वा सातिज्जति ॥

मू. (७२१) जे भिक्खू परं विम्हावेति, विम्हावेतं वा सातिज्जति ॥

चू-विस्मयकरणं विम्हावणा, आश्चर्य-कुहकपराक्षेपकरणमित्यर्थः ।

[भा.३३३७] विम्हावणा तु दुविधा, अभूयपुव्वा य भूयपुव्वा य ।

विज्जा तव इंदजालिय-निमित्तवयणादिसुं चव ॥

चू-विज्जाए मंतेन वा तवोलल्लीए वा इंदजालेण वा तीतानागतपडुप्पन्नेन वा निमित्तवयणण आदिसद्दातो अंतद्दाण-पादलेवजोगेण वा । अहवा - वयमं मरहद्वय-दमिल-कुडुक्क-गोल्लय-कीरडुग-सैंधवातीयाण य कुट्टिकरणं ॥ इमं अभूतभूतपुव्वाण वक्खाणं-

[भा.३३३८] जो जेण अकयपुव्वो, अस्सुयपुव्वो अदिट्ठपुव्वो वा ।

सो होतऽभूयपुव्वो, तव्विवरीयो भवे भूतो ॥

चू-जेण पुरिमेण जो विज्ज-मंतजोग-इंदजालादिओ पयोगो अप्पणा अकयपुव्वो अत्रेण वा कज्जमाणो न दिट्ठो असुंतो वा सो त्स अभूयपुव्वो भन्नति । तव्विवरीयो पुण जो सयं कतो दिट्ठो सुतो वा सो भूतपुव्वो भण्णति । एत्थ सब्भूते चउलहुं, असब्भूए चउगुरुं, नेमित्ते अतीते चउलहुं, पडुप्पन्ननागतेषु चउगुरुं ॥ एत्थ निमित्तवयणं असब्भूते इमं उदाहरणं-

[भा.३३३९] दिव्वं अच्छेरं विम्हओ य अतिसाहसं अतिसओ य ।

कत्तो से नाउं जे, किं नाहिति किं सुहं नातुं ॥

चू-दो जनामिलिउं कित्तियादियाण सत्तण्हं णक्खत्ताणं इमं णामसंगारं करेति-दिव्वं, अच्छेरं, विम्हतो, अतिसाहसं, अतिसतो, “कत्तो से नातुं जे, किं नाहिति, किं मुहं नाउं” एवं । एवं मघादि अनुराहादि घनिट्ठादि । एवं संगारं करित्ता बहुजनमज्जे एवं भासति - जो जं अट्ठावीसाए नक्खत्ताणं अन्नतरं छिवति तमहं जाणामि, तं परोक्खं कातुं छिक्कं, इतरो संगारसाहू भणाति - जदि पुव्वदारियं तो पुव्वामुहो ठिट्ठा, अहो दिव्वं नाणं ताहे जाणति कित्तिया । एवं अन्नम्मि वि संगारनामे उक्कित्तिते जाणति । एवं सव्वनक्खत्ते जाणति ॥

[भा.३३४०] एत्तो एगरतेनं, विम्हतकरणेण संतसंतेनं ।

अप्पपरं विम्हावे सो पावति आणमादीणि ॥

चू- विज्ञामंतादियाण एगतरेण विम्हावेंतस्स आणादिया ॥ इमे य दोसा-  
[भा. ३३४१] उम्मायं पावेज्जा, तदद्वजायण अदाण पडिणीए ।

खेत्तं व परं कुज्जा, तवनिव्वहणं च माया य ॥

चू- एरिसं मया कतं त्ति सयमेव दित्तचित्तो भवेज्जा, तं वा विम्हावणकरणद्वा जएज्जा । दिन्ने अहिगरणं । अदिज्जंतो पडिनीतो परो वा विम्हावितो खित्तचित्तो भवति । विज्ञाजीवणप्पयोगेण य तवो निव्वहती - विकलीभवतीत्यर्थः । असम्भूते या मायाकरणं मुसावादो य । जम्हा एते दोसा तम्हा नो विम्हावेज्जा ॥ इमेहिं कारणेहिं विम्हावेज्जा-

[भा. ३३४२] असिवे ओमोरिए, रायदुट्टे भए व गेलण्णे ।

अद्धाण रोहए वा, जयणाए विम्हयावेज्जा ॥

चू- असिवअवनयणेण विम्हावेज्जा । अहवा - असिवे ओमे य - अप्फव्वंतो विम्हावेज्जा, रायदुट्टे भये य आउंटणनिमित्तं विम्हावेज्जा । गेलण्णे वि विज्ज आउंटणद्वा ओसहद्वा वा । रोध-गअद्धाणेषु वि अप्फव्वणादिगाणि बहूणि कारणाणि अवेक्खिऊणं विम्हावेज्जा । तं च जयणाते । सा इमा - पुव्वं संतेन, पच्छा असंतेन, पणगादिजयणाए वा जाहे चउलहु पत्तो ताहे विम्हावेज्जा ॥

मू. (७२२) जे भिक्खू अप्पाणं विप्परियासेइ, विप्परियासंतं वा सातिज्जति ॥

मू. (७२३) जे भिक्खू परं विप्परियासेइ, विप्परियासंतं वा सातिज्जति ॥

चू- विपर्ययकरणं विप्परियासणा, तं कुव्वंतो चउगुरुगा । सा य विप्परियासणा चउव्विहा दव्वादिया इमा-

[भा. ३३४३] दव्वे खेत्ते काले, भावे य चउव्विहो विवच्चासो ।

एएसिं नाणत्तं, वोच्छामि अहानुपुव्वीए ॥

[भा. ३३४४] दव्वम्मि दाडिमंवाडिएसु खेत्ते दुनाममादीसु ।

काले गेलण्णोवही, भावम्मि य निव्वुयादीसु ॥

चू- अजाणयस्स पुच्छंतस्स दालिमं अंबाडियं, अंबाडियं दालिमं कहेति । खेत्ते विवज्जासं - दुनामे कए जहा आनंदपुरं अक्कत्थली, अक्कत्थली आनंदपुरं । कालविवज्जासो - अनागाढे गेलन्ने अगाढगेलण्णकहणं । आगाढगेलण्णे अनागाढगेलण्णकहणं । उवहिं वा अकाले गेण्हति, काले न गेण्हति । भावम्मि य अप्पाणं अनिवुत्तं निव्वुयं दंसेति, निव्वुयं परं अनिव्वुयं पगासेति । आदिसद्दातो खमादिया भावा वत्तव्वा ॥

[भा. ३३४५] जो जेण पगारेणं, भावो नियओ तमण्णहा जो तु ।

मण्णति करेति वदति व, विप्परियासो भवे एसो ॥

चू- भाव इति द्रव्यादिको भावः, नियत्तो त्ति ठितो, तं अन्नहा जो साहू मणसा भण्णति किरियाए वा करिति अन्नस्स वा अगगतो पन्नवेंतो वदति । एसो विपर्यासः ॥

तत्थ दव्व-भावविप्परियासो इमो-

[भा. ३३४६] चेयणमचेयणं वा, वएज्ज कुज्जा व चेयणमचित्तं ।

वेसग्गहणादिसु वि, धी-पुरिसं अन्नहा दव्वे ॥

चू- सचित्तपुडवाइयं दक्वं अचित्तं वदति, अचित्तं वा भस्मादियं सचित्तं वदति, करेति वा इंदजालादिना, इत्थिं वा पुरिसनेवत्थं करेति वदति, पुरिसं च इत्थिनेवत्थं करेति वदति वा अन्याकारमित्यर्थः ॥ खेत्तभावे “दुनाममादिसु”ति अस्य व्याख्या-

[भा.३३४७] साएता नाऽओज्झा, अहवा ओज्झातोऽहं न साएता ।

वत्थव्वमवत्थव्वो, न मालवो मागधो वाऽहं ॥

चू- कोति साहू अओज्झ-नगरातो पाहुणगो गतो, सो वत्थव्वगसाधूणा पुच्छितो-अओज्झातो आगतो सि ? ताहे सो भणति - नो अतोज्झाओ, साएयातो आगतोमि । सो वत्थव्वगसाहू तं वितियनामं न गणति । एवं साएते पुच्छिते अउज्झा भासति । अहवा - “वत्थव्वगो सि”ति पुच्छिते अवत्थव्वं अप्पाणं कहेइ । अवत्तव्वओ वा अप्पाणं वत्थव्वं कहेइ । मालवविसयुप्पन्नो वा पुच्छितो जगहविसयुप्पणोऽहं कहेति । एवं मागधः पृष्ठः मालवमन्यं वा विषयं कथयति ॥

कालभावविवच्चासो इमो-

[भा.३३४८] वरिसा निसासु रीयति, इतरेसु न रीयते वदति मन्ने ।

वयपरिमाणं व वए, परियायं वा विवच्चासं ॥

चू- वरिसाकाले रीयति नो उडुबद्धे । अहवा - मिसासु रीयति दो दिवसतो पन्नवेति, वासासु रातो वा विहरियव्वं, इयरेसु य उडुबद्धे दिवसे य नो विहरियव्वं । मनुते मन्यते वा वासासु रातो य विहरणं श्रेयमिति । वयपरिमाणं वा विवरीयं करेति वदति वा, जहा - नडो थरो तरुणवेसं करेति तरुणो वा थेरं करेति । जम्मं पव्वज्जपरियागं वा विवरीयं वदति जहा - वीसतिवास-परियागो पंचवीसतिवास-परियागं अप्पाणं कहेति । पंचवीसतिवास-परियागो वीसतिवास-परियागं कहेति ॥ भावविणच्चासो इमो-

[भा.३३४९] अतवस्सिणं तवस्सिं, देहगिलाणो मि सो वि हु न तिन्नो ।

सारिक्खे सो वि अहं, न वि त्ति सर-वण्णभेदं वा ॥

चू- कोति साहू सभावकिसो सरीरेण, पुच्छितो-सो तुमं तवस्सी ? सो अप्पाणं अतवस्सिं तवस्सिं कहेति । अहवा - सभावकिसो अगिलाणो वि सट्ठे जायति विगतिमादियं, “देहि मे गिलाणो”ति । सट्ठेहिं वा पुच्छितो - “सो तुमं गिलाणो” ? आमं ति वदति । अहवा - सट्ठेहिं पुच्छितो - “कयरो सो गिलाणो ? देमि से पातोग्गं ।” ताहे अप्पाणं वदति, अन्नं वा किसं साधुं दंसेति अगिलाणं । लुद्धो वा हट्ठे वि गिलाणे गंतुं सट्ठे जायति - “सो गिलाणो अज्ज वि न तरति, देह से दधिखीरादियं पाओग्गं” । कोइ चिरप्पवासी सयणो तस्स सरिसयं साधुं दट्ठुं भणेज्ज-एस साहू तरस सारिक्खो” । ताहे सो साहू भणेज्ज - “सो मि अहं ।” सच्चमूतं वा पच्चभिन्नातो अवलावं करेति - “न वि” ति । सर-वन्नभेदकरणीहिं गुलियाहिं वा अप्पाणं अन्नहा करेज्ज ॥

[भा.३३५०] एतेसिं कारणाणं, एयतराएण जो विवच्चासे ।

अप्पाणं च परं वा, सो पावति आणमादीणि ॥

[भा.३३५१] दव्वादिविवच्चासं, अहवा वी भिक्खुणो वदेतस्स ।

अहिगरणाइ परेहिं, मायामोसं अदत्तं च ॥

चू- आणादिया य दोसा, संजमविराहणा य मायाकरणं च, बादरमुसावायभासणं च, “कीस

वा अवलवसि ?”ति असंखडं भवे ॥

[भा. ३३५२] बितियपदं गेलण्णे, खेत्तसतीए व अपरिणामेसु ।

अन्नस्सद्वा दुलभे, पत्तेयं चउसु वि पदेसु ॥

चू- “गेलत्रं”ति दव्वाववादो । “खेत्तसतीए” ति खेत्ताववादो । “अपरिणामेसु”ति कालाववादो “अन्नस्सद्देदुल्लभे”ति भावाववादो । चउसुवि दव्वादिएसु पदेसु पत्तेयं एते अववादपदा इमेण विधिणा - तत्थ गेलत्रे अचित्तस्स अलभ फलाइयं मिस्स सुचित्तं वा आणियं, तं च गिलाणो नेच्छति, ताहे सो भण्णति - “एयं अचित्तं” । अहवा अचित्तं चेव ओसढं पलंबादियं आनियं च गिलाणस्स अप्पत्थं तम्हा ते भन्नंति - “एयं मिस्सं सचित्तं संसत्तं संसत्तं वा ।” जदि गिलाणो भणेज्जा - “कीस भेऽदो एयं गहियं ?” भन्नति - “अणाभोगा, इदानिं एयं परिद्ववेयव्वं ।”

“खेत्तासतीए ति”- अतोज्जाए मासकप्पो कतो वासावासो वा, पुत्रे मासकप्पे वासाकाले वा अन्नखेत्तासतीए तत्थेव ठिता, ताहे ततो खेत्तातो अन्नो कोति गीतत्थो अन्नं खेत्तं अपरिणामगाण कासं पाहुणगो गतो, तेहिं य अपरिणामगेहिं पुच्छित्तो कतो आगतो सि ? ताहे सो गीयत्थो वितेति - “मा एते अपरिणामगा जाणिसंति, एते नितियवासं वसति” ति । ताहे सो गीयत्थो भणति - आगतोऽहं साएयातो । इदानिं कालतो - “अपरिणामगेस”ति कारणे अनुदियत्थमिते घेत्तव्वो, चंदं आएच्चं भणेज्जा, अनुदियं वा उदियं भणेज्जा, उदिते कारणे वा उदितं अनुदितं भणेज्ज, अत्थंगतं वा भणेज्ज धरति ति ।

भावतो “अन्नस्सद्वा दुल्लभे”ति दुल्लभे गिलाणादिपातोग्गे अप्पणो अन्नस्स वा अद्वा परव्वएस करेति । अतवस्सी वि सो तवस्सि ति अप्पाणं भणेज्जा, तस्स वा तवस्सिस्स अद्वाते नेमि, अगिलाणं वा गिलाणं अप्पाणं भणेज्ज, जेणं वा परववदेसेण लभति तं वदे, वेसग्गहणं वा करे ।

मू. (७२४) जे भिक्ख मुहवण्णं करेइ, करेत्तं वा सातिज्जति ॥

चू- “मुहं” ति पवेसो, तस्स चउव्विहो नामाती निक्खेवो । नाम-ठवणातो गतातो । दव्वमुहं गिहादिवत्थुपवेसो । तिन्निसया-तिसद्वा पावा दुरासया भावमुहं । तस्स भावमुहस्स वन्नं अणतीति वन्नं आदत्ते - गृण्हातीत्यर्थः । कथं पुण सो मुहवन्नं करेति-

[भा. ३३५३] कुतित्थ-कुसत्थेसू, कुधम्म-कुव्वय-कुदानमादीसु ।

जे मुहवण्णं कुज्जा, उम्मग्गे आणमादीणि ॥

चू- बितियगाहाए जहासंखं उदाहरणं-

[भा. ३३५४] गंगाती सक्कमय, गणधम्मादी य गोव्वयादीया ।

भोमादी दाना खलु, तिन्नि तिसद्वा उ उम्मग्गा ॥

चू- गंगा आदिग्गणातो पहास-प्रयाग-अवक्खंडं सिरिमाय (ल) केयारादिया एते सव्वे कुतित्था । शाक्यमतं कपिलमतं ईसरमतादिया सव्वे कुसत्था । मल्लगणधम्मो सारस्सयगणधम्मो कूयसभादिया सव्वे कुधम्मा । गोव्वयादिया दिसापोक्खया पंचग्गितावया पंचगव्वासणिया एवमादिया सव्वे कुव्वया । भूमिदानं गोदानं आ-हत्थि-सुवण्णादिया य सव्वे कुदाणा । कुत्सितार्थाभिधारणे खलु शब्दः । तिन्निसया तिसद्वा पावा दुरासया जत्तीण वज्जा सेसा सव्वे उम्मग्गा । जो जत्थ भत्तो तदनुकूलं भासंतस्स आणादिया दोसा, चउगुरुगं पच्छित्तं, मिच्छते य

पवत्तीकरणं, पवयणे य ओभावणया - “एते अदिन्नादाणा साणा इव, एते चाडुकारिणो ।”  
एतद्दोसपरिहरणत्थं । तम्हा नो कुतित्थियाण मुहवण्णं करेज्ज ॥

[भा.३३५५] असिवे ओमोयरिए, रायदुड्ढे भए व गेलण्णे ।

एएहिं कारणेहिं, जयणाए कप्पती काउं ॥

चू- सपक्खपंतासिवे परलिंगपडिवन्नो पसंसति । अहवा - असिवोमेसु असंधरंतो  
तब्भावियखेत्तेसु थलसु वा पसंसेज्ज । परलिंगी वा जो सयदुड्ढे पसमेज्जा तदानुवत्तीए पसंसेज्जा ।  
रायभया बोहिगभएण वा सरणावगतो पसंसेज्ज । अन्नतो गिलाणपाउग्गे अलब्भंतसु चेव लब्भति  
पसंसेज्जा ॥

[भा.३३५६] पन्नवणे च उवेहं, पुड्ढो बंभाति वा धरंतेते ।

आगाढे व अपुड्ढो, भणंज्ज लड्ढो तहा धम्मो ॥

चू- कारणे चरगादिभावितेसु खेत्तेसु ठियस्स जति ते चरगादिया बहुजणमज्झे ससिद्धंतं  
पन्नवेति तत्थ उवेहं कुज्जा, मा पडिवहकरणे खेतातो नीणिजेज्ज । उवासगादिपुड्ढो - “अत्थि णं  
एतेसिं भिक्खुयाणं वए वा नियमे वा ?” ताहे तेसिं दानसद्धानं अनुयत्तीए भनिज्ज-“एते वि बंध-  
व्वयं धरंते, आदिसद्दातो जीवेसु दयालुया ।” अन्नतरे वा आगाढे गिलाणादिकारणे भणेज्ज ॥

इमा पसंसणे जयणा-

[भा.३३५७] जे जे सरिसा धम्मा, सव्वाहिंसादितेहिं उ पसंसे ।

एएसिं पि हु आता, अत्थि हु निच्चो कुणति व त्ति ॥

चू- सरिसधम्महिं पसंसति- तुम्ह वि सच्चवयं, अम्ह वि । तुम्ह वि अहिंसा, अम्ह वि । तुम्ह वि  
अदिन्नादाणं वज्जं, अम्ह वि । तुम्ह वि अत्थिया, अम्ह वि । दव्वत्तेण वा जहा तुम्हं निच्चो, तहा अम्हं  
पि निच्चो । जहा अम्ह वि आता सुहासुहं कम्मं करेइ, तहा तुम्ह वि ॥

[भा.३३५८] एवं ता सव्वादिसु, भणेज्ज वइतूलिकेसिमं बूया ।

अम्ह वि न संति भावा, इतरेतरभावतो सव्वे ॥

चू- सत् शोभनो वादी सद्वादी, आत्मास्तित्ववादीत्यर्थः । जे पुण वेतुलिया तीसु इमं बूता -  
विगयतुल्लभावे वेतुलिया - नास्तित्ववादिन इत्यर्थः । स्वभावो इतरेतरभावतो नत्थि त्ति, नित्यत्वं  
अनित्यत्वे नास्ति अनित्यत्वं नियत्वे नास्ति । एवं आत्मा अनात्मा, कर्तृत्वमकर्तृत्वं, सर्वगतं  
असर्वगतं, मूर्तत्वं अमूर्तत्वं, घटत्वं पटत्वं परमाणुत्वं द्विप्रदेशिकत्वं कृष्णत्वं नीलत्वं गोत्वं अश्वत्वं  
एवमादि ॥

मू. (७२५) जे भिक्खू वेरज्ज-विरुद्धरज्जंसि सज्जं गमणं, सज्जं आगमणं, सज्जं गमणागमणं  
करेइ, करंतं वा सातिज्जति ॥

चू- जेसिं राईणं परोप्परं वरेज्जं, जेसिं राईणं परोप्परं गमनागमणं विरुद्धं, तं वरेज्जं विरुद्धरज्जं।  
सज्जग्गहणा वट्टमाणकालग्गहणं । अहवा - अभिक्खग्गहणं करेति । पन्नवगं पडुच्च गमणं, अन्नद्धानातो  
आगमणं, गंतुं पडियागयस्स गमनागमणं । एवं जो करेइ तस्स आणादिया दोसा, चउगुरुं च से  
पच्छित्तं । एसो सुत्तत्थो । एसा सुत्तफासियनिज्जुत्ती । वेरसद्दस्स इमो छव्विहो निक्खेवो-

[भा.७२६] नामं ठवणा दविए, खेत्ते काले य भाववेरे य ।

तं महिस वसभ वग्घा, सीहा नरएसु सिज्जणया ॥

चू- नाम-ठवणातो गतातो । दव्वहेतुं जं वेरं तं दव्ववेरं । विरोधिदव्वाना वा जोगो दव्ववेरं, जहा अंबखीराणं । जम्मि खेत्ते वेरं वट्ठति, खेत्तनिमित्तं वा, जम्मि वा खेत्ते वत्तिज्जति तं खेत्तवेरं । जम्मि वा काले वेरं वत्तिज्जति तं कालवेरं । भावेवेरे इमं उदाहरणं - एगत्थ गामे गावीतो चोरेहिं गहियातो । कुद्धेण महत्तरो निग्गतो । अमिया गावीतो, जुज्झं संपलग्गं । चोराहिवो सेणावती महत्तरेण सह संपलग्गो । ते रुद्धज्जाणोवगता एकमेकं वहेतुं मया, पढमपुढवीए नारगा उववन्ना । ततो उव्वट्ठा ते दो वि अन्नोन्नमहिसज्जूहेसु महिसवसभा उववन्ना, जूहाविआ इत्यर्थः । तत्थ वि अन्नमन्नं पासित्ता आसुरुत्ता जुद्धं संपलग्गा, अन्नोन्नं वहित्ता मत्ता, दोच्चपुढवीए नारगा उववन्ना । ततो उव्वट्ठिता दो वि वग्घा जाता । तत्थ वि अन्नोन्नं वहेत्ता मया, तच्चपुढविं गता । ततो उव्वट्ठिता दो वि सीहा उववन्ना । तत्थ वि एकमेकं वहेत्ता मया, चउत्थपुढवीते नारगा उववन्ना । ततो उव्वट्ठिता दो वि मनुएसु उववन्ना, तत्थ जिनसासणं पवन्ना, सिद्धा य ॥

इमो वेरज्जसद्दस्स निग्गमो-

[भा. ३३६०] वेरं जत्थ उ रज्जे, वेरं जातं व रज्जति व वेरं ।  
जं च विरज्जति रज्जं, रज्जेणं विगयरायं वा ॥

चू- जत्थ रज्जे पुव्वपुरिसपरंपरागतं वेरमत्थि तं भण्णति वेरज्जं । अहवा - नपुव्वपुरिसपरंपरागतं, जस्स संपदं राइणो वेरं जातं तं वेरज्जं । अहवा - स्वैरसत्ताए अन्नराईण गाम-नगरदाहादिए करेति सो एवं करेत्तो वेरुप्पायणे रज्जेति एवं वा वेरज्जं । अहवा - जस्स राइणो रज्जे सव्वेसरा विरज्जंति - भृत्था इत्यर्थः, तं रज्जं रज्जेणं विरतं भण्णति, एतं वेरज्जं । अहवा - विगतो राया मतो पवसितो वा एयं वेरज्जं ॥ जं सुत्ते सज्जग्गहणं कहियं तस्सिमं वक्खाणं-

[भा. ३३६१] सज्जग्गहणातीतं, अनागतं चैव वारितं वेरं ।  
पन्नवणपडुच्चगयं, होज्जा गमनं च उभयं वा ॥

चू- जहा वट्ठमाणवेरं परिहरिज्जति, एवं जत्थ अतीतं वेरं, भविस्सति वा जत्थ खेत्ते वेरं, एतेसु वि गमणादिया न कायव्वा । सेसं कंठं ॥ वेरज्जग्गहणातो अन्ने वि अत्था सूइया, ते य इमे-

[भा. ३३६२] अनराया जुगराया, तत्तो वेरज्जए य दोरज्जे ।  
एत्तो एककम्मि य, चाउम्मासा भवे गुरुगा ॥

चू- एकके चउगुरुगा पच्छित्तं भवति । “अणराया” दियाण चउण्ह वि एवं वक्खाणं-

[भा. ३३६३] अनरायं निवमरणे, जुवराया दोच्च जावऽनभिसित्तो ।  
वेरज्जं तु परबलं, दाइयकलहो तु वेरज्जं ॥

चू- मते रायाणे जाव मूलराया जुवराया य एते दो वि अणभिसित्ता ताव अनरायं भवति । पुव्वराइणो जो जुवराया अभिसित्तो तेन अधिद्वियं रज्जं जाव सो दोच्चं जुवरायाणं णाभिसिंचति ताव तं जुवरज्जं भण्णति । परचक्केणागंतुं जं रज्जं विल्लोलितं तं वेरज्जं । एगरज्जाभिलासिणो दो दाइया जत्थ कडगसंठिया कलहिंति तं दो रज्जं भण्णति ॥

विरज्जे वि इमेरिसे कप्पति गमणादीयं कातुं-

[भा. ३३६४] अविरुद्धा वाणियगा, गमनागमणं च होति अविरुद्धं ।  
निस्संचारनिरुद्धे, न कप्पती बंधणादीया ॥



चू- जत्य वाणिया परोप्परं गमणागमणं करेता अविरुद्धा, सेस-जनवयस्स य जत्य गमागमो अविरुद्धो, तत्य साहूणं कप्पइ गंतुं । इमं विरुद्ध-रज्जं जत्य वाणियाणं सेसजणवयस्स य निस्संचार निरुद्धं (न कप्पइ गंतुं) । तत्य गोमियाईहिं गहियाण य आयसंजमपवयणोवघायादिया य दोसा वक्खमाणा ॥ सो पुण इमेहि सद्धिं म गच्छेज्जा-

[भा.३३६५] अत्ताण चोरमेया, वग्गुरसोणहि पलाइमो पहिया ।

पडिचरगा य अहिमरादिया पंथे दिट्ठदिट्ठादी ॥

चू- कोवेण अरिइज्जा कारणावेक्खगामिणो अत्ताणा, कव्वडिया वा । गवादिहारिणो चोरा । चावग्गहितग्गहत्यादिया रातो य जीवघायणपरा मेता । पासियवज्झप्पयोगेण मयघातया वग्गुरा - लोद्धया । सुणहबितिज्जता सोणहिया । जे भडादिया रन्नो अनापुच्छते सपुतदारंधणादिया अन्नरज्जं गंतुकामा ते पलादिणो । नानाविधगाम-नगर-देसाहिंडगा पहपडिवण्णागा पहिया । गाम-नगर-सेणादियाण भंडिया पडिचरगा । केसिं च वग्गुरसोणहिया एक्कं, तत्य अधिमरगा अट्टमगा, अहिवत् अनुपकृतेष्वपकारे मारका अभिमरा ॥ एतेसु भगोवदंसणत्थं इमं भण्णति-

[भा.३३६६] अत्ताणमादिएसू, दियपहदिट्ठे य अट्ठिया भयणा ।

एत्तो एगतरेणं, गमणागमणम्मि आणादी ॥

चू- अत्ताणादिसहाएसु अट्टसु एक्केक्के अट्टभंगा संभवन्ति । ते य इमे - अत्ताणसहाया दिवसतो गच्छन्ति पहेण गोमियादिरायपुरिसेहिं दिट्ठा । एस पढमभंगो । दिवसतो पहेण अदिट्ठा बितिय-भंगो । दिवसतो उप्पहेण दिट्ठा ततिओ भंगो । दिवसतो उप्पहेण अदिट्ठा चउत्थो । एवं रातो वि चउरो भंगा । एवं सव्वे अट्ट । एत्तो अट्टभंगीतो एगतरेणावि जो गमनादियं करेति तस्स आणादिया दोसा ॥ इमं च से पच्छित्तं-

[भा.३३६७] अत्ताणमादिएसु, दियपहदिट्ठे य चउलहू होति ।

राते य पहमदिट्ठे, चउगुरुगाऽतिक्रमे मूलं ॥

चू- आदिल्लेसु चउसु भंगेसु चउलहुगा तवकालविसेसिया । पच्छिमेसु चउसु रातिभंगेसु चउगुरुगा तवकालविसेसिया । जतो रज्जातो पहावितो तम्मि अतिक्रंते मूलं ॥

सव्वभंगपरिमाणजाणणट्ठा भण्णति-

[भा.३३६८] अत्ताणमादियाणं, अट्टणहट्टहिपदेहि भइयाणं ।

चउसट्ठी य पयाणं, विराधना होतिमा दुविहा ॥

चू- अत्ताणादिएसु अट्टसु एक्केक्के अट्ट भंगा, सव्वे चउसट्ठी भंगा । चउसट्ठीं भंगपदाण अन्नतरेण गच्छंतस्स इमा संजमायविराहणा दुविहा ॥

[भा.३३६९] छक्काय-गहण-कडूण, पंथं भेतूण चेव अतिगमणं ।

सुत्तम्मि य अतिगमने, विराधना दोण्ह वग्गाणं ॥

चू- अपहे असत्थोवहयपुढवीए पुढवीकायविराधना । ओस नदिमादि संतरणे आउक्काय विराधना । वनदवे सत्थिय-पज्जालिय-विज्जावणे वा अगनिक्कायविराधना । जत्य जत्य अगणी तत्य तत्य नियमा वायू हवति । हरियमादिपलंबासेवणे वा वणस्सइविराहणा । पुढवि-आउ-वणस्सतिसमस्सियाण बेईदियमादियाण विराधने तसकायविराहणा ॥ इमं कायपच्छित्तं-

[भा. ३३७०] छक्कायचउसु लहुगा, परित्तलहुगा य गुरुग साहारे ।  
संघट्टण परितावण, लहु गुरु अतिवायणे मूलं ॥

चू- जहा पेढे तहा वत्तव्वा ॥ इदानिं “गहण-कहणे”त्ति । ठाणइल्ला रायपुरिसा गहण-  
कहणं करेज्ज । ते चउव्विहा, इमे-

[भा. ३३७१] संजय-गिरि-तदुभयभद्दगा य तह तदुभयस्स वि य पंता ।  
चउभंगो गोम्मिंतेसू, संजयभद्दा विसज्जेति ॥

चू- संजयभद्दा, नो गिहिभद्दा । नो संजयभद्दा, गिहिभद्दा । संजयभद्दा वि, गिहिभद्दा वि ।  
अन्ने नो संजयभद्दा नो गिहिभद्दा वि । गोमिया ठाणइल्ला । संजयभद्दा पढम-ततियभंगेसु ते साहू  
गच्छंते न धरंति - विसर्जयन्तीत्यर्थः ॥

[भा. ३३७२] संजयभद्दगमुक्के, बितिया घेतुं गिही व गेण्हंति ।  
जे पुण संजयपंता, गिण्हंती जति गिही मोत्तुं ॥

चू- पढमभंगे संजयभद्दा, तेहिं भद्दत्तणेण संजता मुक्का, न निरुद्धा । बितियभगिल्ला संजयपंता,  
[बितियभगिल्ला] ते संजते घेतुं पढमठाणपालगे गिही वि गिण्हंति, कीस भो एते संजते  
मुक्क ति ? जे पुण बितियभंगे ते संजयपंता, ते पंतत्तणेण साहूसहेजे गिहत्थे मोत्तुं साहू गिण्हंति,  
मा गच्छह ति बंधणादियं वा करेज्ज ॥

[भा. ३३७३] पढम-ततियमुक्काणं, रज्जे दिट्टण दोण्ह वि विनासो ।  
पररज्जपवेसेवं, जतो न नंती तहिं पेवं ॥

चू- पढम-तइएसु भंगेसु ठाणपालया संजयभद्दा, तेहिं भद्दत्तणेणं मुक्का साहू “गच्छह ति न  
वारेमो” । ताहे ते साहू पररज्जे पविट्ट, दिट्ट य रायपुरिसेहिं पुच्छिया - “कओ आगता” कहं केन  
वा पहेण उप्पहेण वा ? जति साहू भणंति - उप्पहेण आगता तो उम्मग्गामिणो ति सदोसा । अह  
साहू भणंति - पहेण ठाणपालपुरिसेहिं विसज्जिया आगता - ताहे दोण्ह वि विनासो, साहूण य  
ठाणइल्लाण य । एवं पररज्ज पवेसे गेण्हणकहणादिया दोसा दिट्ट । जतो विरज्जातो निति तत्थ वि  
एते गेण्हण-कहण-पंतावणादिया दोसा दट्टव्वा ॥

[भा. ३३७४] रक्खिज्जति वा पंथो, जति तं भेत्तूण जनवयमतिंति ।  
गाढतरं अवराहो, सुत्ते सुण्णे व दोण्हं पि ॥

चू- अह घाडिं चोरभंडियअभिमरमादिभया पंथा रक्खिज्जंति न वा कस्स ति गमागमं देति,  
ताहे साहू अत्तानदिएहिं समाणं जा रत्ता मेरा कता, न गमागमो केन य कायव्वो ति, तं जति  
भेत्तूणं पररन्नो जनवयं अइंति प्रविशंति, जनमेरं वा भेत्तूण जति अतिंति, तो गाढतरेण अवराहेण  
साहू जुज्जंति । एत्थ साहूणं चैव दोसो, न थाणइल्लाणं । अ सुत्तेसु थाणपालेसु सुण्णे वा थाणपालगे  
गच्छंति तो “दोण्ह वि”त्ति संजयाणं थाणपालयाण य । अहवा - संजयाण सहायाण य  
गेण्हणकहणादिया दोसा ॥ इमं पच्छित्तं-

[भा. ३३७५] गेण्हणे गुरुगा छम्मासा कहणे छेदो होति ववहारे ।  
पच्छाकडम्पि मूलं, उट्टाह-विरुंगणे नवमं ॥

[भा. ३३७६] उट्टावणनिव्विसए, एगमनेगे पओस पारंची ।  
अणवट्टप्पो दोसु य, दोसु य पारंचिओ होति ॥

चू- थाणयनिउत्तेहिं अनिउत्तेहिं वा रायपुरिसेहिं गहियाण साहूण चउगुरुगा । हत्थे गहिउं कड्डिएसु छल्लहुगा । कड्डविकड्डकरणे - छग्गुरुगा । “ववहारे” ति - करणसालाए रोहिएसु ववहारेज्जमाणेसु छेदो । “पच्छाकडे” ति नज्जितेसु ववहारे मूलं । “उड्डाहे” ति पेच्छह भो परलोगठिता जनरायसीमा अतिक्रमं करोति, चोरादिएहिं वा सद्धिं ओधावेति, कण्णच्छि-नास-कर-पादविरुंगिते वा, एतेसु दोसु पदेसु नवमं अणवट्ठं । उद्ववणे निव्विसते वा एतेसु वि दोसु वि पदेसु पउट्ठेणं रत्ता कए पारंचियं भवति ॥ अहवा-“पओसे” ति एरिसे पगरिसदोसदुट्ठे पारंचियं भवतीत्यर्थः । अत्ताणसहायाणं एते सव्वे दोसा भणिया ॥

[भा. ३३७७] एमेव सेसएसु वि, चोरादीहि समगं तु वद्वंते ।  
सविसेसतरा दोसा, पत्थारो जाव भंसणता ॥

चू- चोरादिएसु समयं वद्वंतस्स ते छिय गेण्हण-कड्डण-ववहारादिया, इमे य अन्ने सविसेसा दोसा । पत्थरणं पत्थारो सविस्तरमित्यर्थः । तस्स वा एगस्स वा ससहायस्स वा तग्गच्छियाणं अन्न-गच्छियाणं वा कुलगण-संघस्स वा गेण्हणादिता करेज्ज । एस पत्थारो । जीवित-चरणे य भंसणपत्थारं करेज्ज । जाव सद्दग्गहणातो सरीरविरुंगणाभेदा दड्डव्वा । तेसु वि पत्थारो भाणियव्वो ॥

सविसेसदोसदरिसणत्थं भण्णति-

[भा. ३३७८] तेनड्डम्मि पसज्जण, निस्संकिते मूलमहिमरे चरिमं ।  
जति ताव हीति भद्दग, दोसा ते तं चड्ढं अन्नं ॥

चू- तेनगादिएहिं समाणं गच्छंतो तेनगादिअट्ठेसु कयकारिताणुमतेन तेनड्डदिसु पसज्जति - स्तैन्यं करोतीत्यर्थः । जति ते अड्डि संकिज्जति तो चउगुरुगा, निस्संकिते मूलं । अभिमरट्ठे निस्संकिते पारंचियं । जदि वा ते भद्दया थाणपाला, तेहिं विसज्जियाण पररट्ठं पविट्ठणं ते छिय गेण्हणादिया दोसा । तं चेव चउगुरुमादियं पच्छित्तं । इमं चऽन्नं दोसुभवकारणं ॥

[भा. ३३७९] आयरिय उवज्जाए, कुल गण संधे य चेइयाइं य ।  
सव्वे वि परिच्चत्ता, वेरज्जं संकमंतेनं ॥

चू- इमं च से वक्खाणं-

[भा. ३३८०] किं आगतऽत्थ ते बिंति, संति ने एत्थ आयरियमादी ।  
उग्घाएमो रुक्खे, मा एतु फलत्थिणो सउणा ॥

चू- ते साहू रायपुरिसेहिं पुच्छिज्जति - तुब्भे किमत्थमागता साहू ? वेति - “सति” विज्जंते “ने” - अस्माकं, इह आचार्यादयः सन्ति तेनागता वयं । ताहे रायपुरिसा दिट्ठंतं वयंति - जम्हा फलत्थिणो सउणा रुक्खमागच्छंति तम्हा ते चेव रुक्खे “उग्घाएमो” छिदामो ति वुत्तं भवति, जेण ते फलत्थिणो सउणा नागच्छंति, एतेन दिट्ठंतसामत्थेण आयरियादी उग्घाएमो जेण कोति तदड्ड नागच्छति ॥ जम्हा एते दोसा तम्हा-

[भा. ३३८१] एयारिसे विहारे, न कप्पती समणसुविहियाणं तु ।  
दो सीमे ऽतिक्रमति, जनसीमं रायसीमं च ॥

चू- सीमा मेरा मज्जाता, तं जनमेरं च दुविहं पि अतिक्रमति - लंघयतीत्यर्थः ॥  
- रायसीमाइक्कमे इमे दोसा-

[भा.३३८२] बंधं वहं च घोरं, आवज्जति एरिसे विहरमाणो ।  
तम्हा तु विवज्जेजा, वेरज्ज-विरुद्ध-संकमणं ॥

चू- निगडादितो बंधो, कसघातादितो वहो । “घोर” ममति भयानको अतीव वधबंधौ  
इत्यर्थः । वेरज्जे जम्हा एरिसे दोसे पावति तम्हा वेरज्जे विहारं वज्जेजा ॥ इमेण वितियपदेण विहरेजा-

[भा.३३८३] दंसणनाणे माता, भत्तविसोही गिलाणमायरिए ।  
अहिकरण वाद रायकुल-संगते कप्पए गंतुं ॥

चू- “दंसण-नाणे”ति अस्य व्याख्या-

[भा.३३८४] सुत्तत्थतदुभयविसारयम्मि पडिवण्णउत्तमड्डम्मि ।  
एयारिसम्मि कप्पति, वेरज्ज-विरुद्ध-संकमणं ॥

चू-दंसणप्पभावगाण सत्थाण सम्मदियादि सुतनाणे य जो “विसारदो” निस्संकियसुत्तत्थो  
ति वुत्तं भवति । जो य उत्तिमड्डपडिवण्णो सो य खेत्ते ठिओ तत्थंतरा वा वेरज्जं, मा तं सुत्तत्थं  
वोच्छिज्जतु ति अतो तग्गहणद्वयाए कप्पति वेरज्जविरुद्धं संकमणं काउं । माता पितं वा कस्सा ति  
निक्खिमिउकामं । आयरिएण वा केन ति भत्तं पच्चक्खयं । भत्तं वा पच्चक्खाउकामो एयारिसे वा  
कज्जे संकमेज्ज । अहवा - कोइ साहू भत्तं पच्चक्खाउकामो । “विसोधि”ति सो आलोयणं दातुकामो  
ताहे सो गीयत्थसमीवं गच्छे, अजंगमस्स वा गीयत्थो पासं गच्छति ।

गिलाणस्स वा पडियरणद्व गम्मति । गिलाणपायोग्गोसदहेउं वा । आयरियादिसमीवं वा  
आयरियादिपेसणेण वा गच्छति । अहवा - कस्स ति साहुणो गिहिणा सद्धिं अधिकरणे उप्पन्ने सो  
य गिही नीवसमति, ताहे सलद्धीतो तस्सुवसामणद्व गच्छति । अहवा - सो अन्नरज्जे परप्पवादी  
उवड्ढितो तस्स निग्गहद्व गच्छति । रायदुडे वा रत्तो उवसमणद्व सलद्धितो गच्छे । अहवा - रायकुलसंगतं  
केन ति अधिकरणं कतं तदुवसामणद्व गच्छे । अहवा - “कुलसंगत”ति कुल-संघ-कज्जेण ।  
एवमादिसु कज्जेसु कप्पते वेरज्जविरुद्धसंकमणं काउं ॥

इमेण विधिना-

[भा.३३८५] आपुच्छिय आरक्खिय सेट्ठी सेनावती अमच्चारयाणं ।  
अभिगमणे निग्गमणे, एस विही होइ नायव्वो ॥

[भा.३३८६] आरक्खितो विसज्जेति, अहव भणिज्जा तु पुच्छह तु सेट्ठिं ।  
जाव निवे ता नेयं, मुद्दा पुरिसे व दूतेनं ॥

चू- वेरज्जविरुद्धरज्जं गच्छंता साहू दंडपासियं पुच्छंति, जति तेन विसज्जिया लट्ठं । अह सो  
भणेज्ज - अहं न न याणामि, सेट्ठि पुच्छह । ताहे सेट्ठिं पुच्छंति । जदि तेन विसज्जिया तो लट्ठं । अह  
सो भणेज्ज - अहं न याणामि, सेनावइं पुच्छह । ताहे सेनावतिं पुच्छंति । जदि तेन विसज्जिया तो  
लट्ठं । अह सो भणेज्ज - अहं न याणामि अमच्चं पुच्छह । एवं परंपरेण नेयं जाव णिवो राया इत्यर्थः  
वेरज्जातो निग्गच्छंतस्स वेरज्जं वा पविसंतस्स एस संकमणे विही भणितो । रायमातिणो य एते  
मुद्दापद्व दूतपुरिसं वा मग्गिज्जंति, रायदूतेन वा सद्धिं गम्मति, जतो रज्जातो निग्गच्छंति तत्थेसा  
विही ॥

[भा.३३८७] जत्थ वि य गंतुकामा, तत्थ वि कारेंति तेसि नायं तु ।  
आरक्खिणा वि ते विय, तेनेव कमेण पुच्छंति ॥

चू- जं रज्जं गंतुकामा तत्थ जे साहू तेसिं लेहसंदेसगेण पुव्वामेव नायं करेति - अम्हे इतो आगंतुकामा तुब्भे इत्थ आरक्खियादि पुच्छह । जाहे तेहिं पुच्छिया अनुन्नायं च ताहे इयरे आगच्छंतीत्यर्थः ॥ एसो अतिगमे प्रवेशे निगमि च विधिरुक्तः ।

इदानिं “आयरिए”त्ति दारस्य व्याख्या-

[भा.३३८८] राईण दोण्ह भंडण, आयरिए आसियावणं होति ।

कतकरणे करणं वा, निवेय जयणाए संकमणं ॥

[भा.३३८९] अब्भरहियस्स हरणे, उज्जाणादिद्वियस्स गुरुणो य ।

उव्वट्टणासमत्थे, दूरगए वा वि सवि बोलं ॥

चू- भंडणं कलहो । दोण्हं रातीणं कलहे वट्टमाणे तत्थेगस्स रन्तो आयरितो आसन्नसेवगो- प्रियइत्यर्थः । इतरोय राया तं जाणिऊण अप्पणो सभाए भासति - “को सो तं अब्भरहियमायरियं आणेज्ज मा सादत्तणं से कयं होति” । ताहे को ति सूरवीरविक्रंतो भणेज्ज - “अहमाणेमि”त्ति । सो गंतु आयरियस्स आसियावणं करेति-हरतीत्यर्थः ॥ अब्भरहितो आसन्नो, निग्गयस्स गुरुणो सभा- पवारामुज्जाणादिसुवट्टियस्स आयरियस्स हरणं । तत्थिमं करणिज्जं-“कतकरणे करणं”, धनुवेदा- दिएसु सत्थेसु जेण सिक्खाकरणं कयं गिहिभावट्टितैन सो साहू कयकरणो भण्णति - स तत्र करणं करेति समत्थो जुद्धं कातुं उवट्टेति । मोहणि-यंभणिविज्जादिपयोगेण वा उट्टेति । तस्स अभावे असमत्थो वा खणमेत्तं तुण्हिक्का अच्चति साहू । जाहे आयरितो दूरं हडो ताहे सेस साहू बोलं करेति - “आयरितो ने हडो, धाह धाह”त्ति । आसन्नट्टितै बोलं न करेति, मा जुज्जं भविस्सति । जुद्धे य बहुजणक्खयो भवति ॥

साधूहिं तओ राया भणितो, अभणितो वा हारंतेहिं रातिणो दूतं विसज्जेति, “पसेहि ने आयरियं ।” तेन जति पट्टवितो तो लड्डं-

[भा.३३९०] पेसवितम्मि अदेते, रन्ना जति ते विसज्जिया सीसा ।

गुरुणा निवेदितम्भी, हारिंतगरातिणो पुव्वं ॥

चू- जति दूते पेसविते आयरियं न विसज्जेति ताहे साहू दो तिन्नि वा दिने रायाणं पासेत्ता विन्निवेति - अम्हे विसज्जेह, गच्छामि गुरुसमीवं, केरिसा अम्हे गुरुविरहिया अच्छमाणा ? न सरति सज्जायादि अहं ।” जदि ते रन्ना विसज्जिया तो साधू ताहे आयरियस्स संदिसंति “अम्हे आगच्छामो ।” ताहे आयरिया हारंतगराणो निवेदेति । एवं निवेदिते पुव्वं पच्छा साहू पुव्वुत्तविहाणेण जयणाए संकमंति ॥

मू. (७२६) जे भिक्खू दियाभोयणस्स अवण्णं वदति, वदंतं वा सातिज्जति ॥

मू. (७२७) जे भिक्खू रातिभोयणस्स वण्णं वदति, वदंतं वा सातिज्जति ॥

चू- दियाभोयणस्स अवण्णं दोसं भासति, रातीभोयणस्स वण्णं गुणं भासति ।

[भा.३३९१] दियरातो भोयणस्सा, अवण्णवण्णं च जो वदे भिक्खू ।

सो आणा अणवत्थं, मिच्छत्त-विराधनं पावे ॥

चू- आणादिया य दोसा चउगुरुं च से पच्छित्तं ॥

- कहं पुण दियाभोयणस्स अवण्णं भासति ?

- [भा. ३३९२] अबलकरं चक्खुहंतं, अपुड्ढिकरं च होति दियभत्तं ।  
विवरीयं रातीते, दो वि वदंतस्स चउगुरुगा ॥
- [भा. ३३९३] दियभत्तस्स अवण्णं, जे तु वदे रातिभोयणे वण्णं ।  
चउगुरु आणादीया, कहं ति अवण्णं व वण्णं वा ॥
- [भा. ३३९४] वायायवेहि सूसति, ओयो हीरति य दिड्ढिदिट्ठस्स ।  
मच्छियमातिणिवातो, बलहानी चेव चंकमणे ॥

चू-दियाभोयणं वातेन आतवेण य सुसियं अबलकरं भवति । ओयो तैयो भण्णति । दिड्ढिणा दिट्ठं दिड्ढिदिट्ठं । परजन-दृष्टि दृष्टस्यान्नस्य ओजापहारो भवतीत्यर्थः । दिवसतो मच्छियमादी निवडंति, उट्ठे वग्गुलियादी दोसा । दिवसतो य भुंजित्ता कम्मचेट्ठसु अवस्सं चंकम्मियव्वं, तत्थ पस्सेदो भवति, आयासोसासो बहुं च दवमादियति, एवं तं अबलकरं भवति ॥

इमं राती-भोयणस्स वण्णं वदति-

- [भा. ३३९५] आउं बलं च वट्ठति, पीणेति य इंदियाइ निसिभत्तं ।  
नेव य जिज्जति देहो, गुणदोस विवज्जओ चेव ॥

चू-रातो भुत्ते अकम्मस्स सत्थियदियस्स चिट्ठतो सुभपोग्गलोवचयो भवति । सुभपोग्गलोवचयाओ आयुबलइंदियाण वुट्ठी भवति, रसायनोपयोगवत् । किंच सुभपोग्गलोवचयातो शीघ्रं देहो न जीयंते । एते गुणा रातीभोयणे । एयस्स विवज्जतो दिवसे । तो तम्मि चेव गुणा विवरीया दोसा भवति ॥ इमाम्म कारणजाते वएज्जा-

- [भा. ३३९६] बितियपदमणप्पज्जे, वएज्ज अविक्कोविते व अप्पज्जे ।  
जाणंत वा वि पुणो, कारणजाते वएज्जा तु ॥

चू-अणप्पज्जो अणप्पवसो खित्तादितो सो दियाभोयणस्स अवन्नं वदेज्जा, राईभोयणस्स वा वण्णं वएज्ज । अविक्कोवितो वा अगीयत्थो अप्पज्जो वि वएज्ज, बहुसु वा असिवोम-गिलाण-रायदुट्ठदिएसु कारणेसु गुणवुट्ठिहेउं गीयत्थो वि अवन्नं वन्नं वा वएज्ज ॥

मू. (७२८) जे भिक्खू दिया असनं वा पानं वा खाइमं वा साइमं वा पडिग्गाहेत्ता दिया भुंजइ, भुंजंतं वा सातिज्जति ॥

मू. (७२९) जे भिक्खू दिया असनं वा पानं वा खाइमं वा साइमं वा पडिग्गाहेत्ता रत्तिं भुंजइ, भुंजंतं वा सातिज्जति ॥

मू. (७३०) जे भिक्खू रत्तिं असनं वा पानं वा खाइमं वा साइमं वा पडिग्गाहेत्ता दिया भुंजति, भुंजंतं वा सातिज्जति ॥

मू. (७३१) जे भिक्खू रत्तिं असनं वा पानं वा खाइमं वा साइमं वा पडिग्गाहेत्ता रत्तिं भुंजति, भुंजंतं वा सातिज्जति ॥

चू-चउसु वि भंगेसु आणादिया य दोसा, चउगुरुं च पच्छित्तं तवकालविसेसियं दिज्जति । तम्मि य-

- [भा. ३३९७] चउभंगो रातिभोयणे, तु पढम्मि चोलपट्टमतिरेगे ।  
परियावण्ण-विगिंचण, दर-गुलिया-रुक्ख-घरसुण्णे ॥

चू- यदुक्तं सूत्रे एतदेव चतुर्विधं । पदमभंगसंभवो इमो - दिया घेतुं निसिं संवासेतुं तं बितियदिणे भुंजमाणस्स पदमभंगो भवति ॥ सा ठवणा इमेहिं पगारेहिं - “चोल्लपट्टे”त्ति अस्य व्याख्या-

[भा.३३९८] खमणं मोहतिगिच्छा, पच्छित्तमजीरमाण खमओ वा ।

गच्छइ सचोलपट्टे, पच्छा ठवणं पदमभंगो ॥

चू- एणेण साहुणा खमणं कतं - तं पुण मोहतिगिच्छं करेति, पच्छित्तविसुद्धं वा करेति, भत्ते व अजीरंते कतं । अहवा - सो एगंतरादिखमगो, जद्विसं च तण उववासो कतो तद्विसं च तस्स सण्णायगाण जंघापरिजिण्णसद्धीणं वा विरूवरूवा संखडी, तेहिं साहू आमंतिया, भिक्खग्गहणकाले य सो खमगसाहू तेसिं साहूणं दवावेमि ति कातुं अनुग्गाहितेन चोलपट्टिबतिज्जो गच्छति । ते मे वरं जानिस्संति - जह स जेद्धज्जो उववासितो, मे संविभागं ठविस्संति बितियदिणे गहणभोगं करंतस्स पदमभंगो भवति ॥

“अतिरेगे परियावन्न-विगिंचण-दर-गुलिया-रुक्ख-सुन्नघरे” ति अस्य व्याख्या-

[भा.३३९९] कारणगहिउव्वरियं, आवलिय विही य पुच्छिऊण गतो ।

भोक्खं सुए दरादिसु, ठवेति साभिग्गहऽण्णो वा ॥

चू- अतिष्पमाणं भत्तं गहियं । सहसा लाभे, संखडी वा उच्छूरलंभे, अनुचित्तखेत्ते वा गुरुगिलाणादियाण सव्वसंघाडगेहि मत्तगाऽवडुविता एवमादिकारणेहिं अतिरित्तं गहियं, तं च उव्वरिय, उववासिगमादी आवलिया ते संभोतिगादिआवलियाए य पुच्छिऊण परिडुवणाए गतो, एतदेव परियावन्नं भवति, उक्कोस-अविणासिदव्वलोभेण कल्ले भोक्खामि ति चिंतेऊण दरे ठवेति, “गुलिग”त्ति लोलगे काउं रुक्खकोटरे वा ठवेति, सुन्नघरे वा ठवेति, एवं करेति, एवं अभिग्गहितो अनभिग्गहितो वा थेरिमनुकंपाए सुए वा भोक्खामि ति थेरिघरे ठवेति ॥

[भा.३४००] थेरिय दुन्निखित्ते, पाहुणए साण-गोणखइए वा ।

आरोवण कायव्वा, बंधस्स परूवणा चेव ॥

चू- थेरिघरे ठवितं जति पाहुणएण खइयं, साणेण वा खतितं, गोणस्स वा गोभत्ते दिन्नं, एत्थ पच्छित्तं वत्तव्वं, अनुसमयं कम्मबंधपरूवणा य कायव्वा ॥ इमं पच्छित्तं-

[भा.३४०१] बिले मूलं गुरुगा वा, अनंतगुरु सेस लहुय जं चऽन्नं ।

कुल-नाम-ड्डियमाउं, मंसाजिण्णं न जाऽऽउट्टे ॥

चू- वसिमेबिले जति ठवेति तो मूलं पच्छित्तं । उव्वसेव चउगुरुगा । अनंतवणस्सति कायकोट्टे चउगुरुगा । “सेस”त्ति गुलिय, परित्तवणस्सति सुन्नघरे थेरीए वा सन्निखित्ते एतेसु चउलहुगा । “जं चऽन्नं”त्ति आयविराहणा संजमविराधणा महुर्विदोवक्खाणं च । सव्वेसु पच्छित्तं वत्तव्वं । इमा कम्मबंधपरूवणा - थेरिघरे ठवियं जति पाहुणएण खतियं जाव तस्स पाहुणगपुरिसस्स आसत्तमो कुलवंसो ताव तस्स साहुस्स अनुसंततो कम्मबंधो । अन्नो भणति - जाव तस्स नाम-संताणो । अन्नो भणति - जाव तस्स अट्टीणि घरंति । अन्नो भणति - जाव तस्सायुं घरेति । अन्नो भणति - जाव तस्स तप्पच्चतो मंसोवचयो धरेति ।

अन्नो भणति - जाव तं भत्तं न जीरति ताव तस्स साहुस्स कम्मबंधो । आयरिओ भणति -

“एते सव्वे अनाएसा, इमो सिद्धंतस्स भावो - “जाव नाउट्टति ताव से कम्मबंधो” । सव्भावाउट्टस्स आलोइएऽनालोइए वा कम्मबंधो वोच्छिज्जतीत्यर्थः ॥ पढमभंगो गतो । सेसा तिन्नि भंगा इमे-

[भा. ३४०२] संखडिगमणे बितितो, वीयारगयस्स ततियओ होइ ।

सन्नातगमे चरिमो, तस्स इमे वण्णिया भेदा ॥

चू-अवरणहसंखडीए दिया गहियं रायो भुत्तं बितियभंगो । अनुदिते सूरिये बाहिं वियारभूमिं गयस्स देव-उवहार-बलिनिमंतणे रातो गहिते दिया भुत्ते ततियभंगो । सन्नायगकुलगताणं सण्णायगवयणेण अप्पणो बलव्ववातेऽ रातो घेतुं रातो भुंजंताण चरिमभंगो, भेदा जुण्हादिया वक्खमाणा इत्यर्थः ॥

[भा. ३४०३] गिरिजण्णगमादीसु य, संखडिउक्कोसलंभे बितिओ उ ।

अग्गिड्ढि-मंगलट्ठी-पंथिग-वतिगातिसु ततियो ॥

चू-बितियभगे अवरणहसंखडी गिरिजण्णयं, आदिसद्दातो कूल-तलाग-नाग-गण-जक्खादि जन्संखडीते उक्कोसं लद्धं, अस्तमिते सूरिए भुंजंताणं बितियभंगो । दक्खिणापहे अट्ठकुड-वमेत्तसमिताते एगो महप्पमाणो मंडगो कज्जति । सो गुणधएणमग्गो अरुणोदयवेलाए धुलिजघस्स दिज्जत, एस अग्गिड्ढियंबंभणो भण्णति, एयं गेणहतस्स ततियभंगो भवति । सट्ठो वा पए गंतुकामो अनुगते सूरिते पडिलाभेज्ज मंगलट्ठ । वीयारनिग्गयस्स वा साहुस्स अनुगते सूरिते कोति अट्ठ्ठाणपडिवण्णो अट्ठ्ठाणकप्पं देज्ज । एवमादि ततियभंगो ॥ इमो य चरिमभंगो-

[भा. ३४०४] छंदिय सइं गयाण व, सण्णायसंखडी य वीसरणं ।

दिन्ग कए संभरणं, भोयणकल्लं न एण्हति ॥

चू-निमंतिया, अहाभावेण वा सयं, सण्णायगसंखडिं केइ साहू गता तो तत्थ निमंतिया - अज्ज मे भिक्खा विस्सामो - तो तेसिं सन्नायगाणं भोयणकाले विस्सरिया, दिन्ने जनवयस्स “कए”त्ति परिवेसणाए समत्ताए तेहिं सण्णायगेहिं रातो साहू संभरिया । ते य भणंति - भगवं परिवेसणवगेहिं न संभरिता तुम्हे, खमह अम्हं अवरार्थं, गेणहह इदानिं भत्तपाणं । साहू भणंति - कल्ले घेच्छामो, एण्हि राती ति ॥ ताहे तेहिं गिहत्था जोण्हादीए ते उवणिसिंति-

[भा. ३४०५] जोण्हा-मणी-पतीवे, उट्ठित्त जहन्नगाइ ठाणाइं ।

चउगुरुगा छग्गुरुगा, छेदो मूलं जहन्नम्मि ॥

चू- एतेसु चउसु वि ठाणेसु जह संखं पच्छद्धेण जहन्नम्मि पदे जहन्नं पच्छित्तं भणियं ॥

- सण्णाययेसु रातो निमंतितेसु साहू भणंति-

[भा. ३४०६] संसत्ताति न सुज्जति, ननु जोण्हा अवि य दो वि उसिणाइं ।

कालेभंतरए वा, मणिदीवुट्ठीविए बिति ॥

चू-रातो भत्तादिग्गहणं न सुज्जति, जतो संसत्तासंसत्तं न सुज्जति, दायगस्स य गमागमो न दीसइ, मत्तगस्स उक्खवनिक्खेवादी । गिहिणो भणंति - ननु दिवससमा जोण्हा, सव्वं दीसइ । अह कालपक्खो, जोण्हा वा अब्भादिएहिं छादितो चंदो, ताहे रयणं मणिं वा दिप्पंतं ठवेत्ति, जोतिं वा पज्जालेत्ति, एतेसु पगासितेसु सव्वं दीसति । अपि य भत्तं पाणग च दो वि उसिणाइं, नत्थि संसत्तदोसो । एवं भणंतेसु केइ साहु रातो घेतुं भुंजिज्जा । तत्थिमं नावासंठियं पच्छित्तं ।



जोण्हासुज्जोवियं ति काउं भुंजतस्स चउगुरुगा । तस्साहो मणीउज्जोतियं काउं भुंजंतस्स छग्गुरुगं । तस्साहोदीवमुज्जोतियं काउं भुंजंतस्स छेदो । तस्साहो उद्धितुज्जोवियं काउं भुंजंतस्स मूलं । एते मूलपच्छित्ता ॥ अतो परं बहिपच्छित्तं तं चिमं ।

[भा. ३४०७] भोत्तूण य आगमणं, गुरुहि वसभेहि कुलगणे संघे ।

आरोवण कायव्वा, बितिया वि अभिक्खगहणेणं ॥

चू- सत्रातगसंखडीते असंखडीए वा अन्नत्थ वा रातो जोण्हादिएसु भोत्तूणागता, आगतेहिं चेव आलोयणपरिणयेहिं अन्नालोयणाए वा गुरुण कहियं । गुरुहिं भणियं - “दुडुं मे कयं” ति । जति सम्मं आउट्ट तो छग्गुरुगं चेव, अनाउट्टताण गुरुवयणतिक्रमे छग्गुरुगा । ततो वसभेहिं भणिता - अज्जो कीस गुरुवयणं अतिक्रमह ? जति वसभेहि भणिता सम्मं आउट्टा तो छग्गुरुगं चेव । वसभवयणातिक्रमे छेदो । एवं कुलेण कुलथेरेहि वा चोदितो सम्मं आउट्टंतस्स छेदो चेव, कुलातिक्रमे मूलं । गणेण गणथेरेहिं वा चोदिते आउट्टंतस्स मूलं चेव, अणाउट्टंतस्स अणवट्टं चेव, अनाउट्टंतस्स पारंचिय । एसा गुरुमातिवयणातिक्रमे दाहिणेण वुड्डी बितीया वामेण एतेसु चेव पच्छित्तठाणेसु अभिक्खसेवाए वुड्डी कायव्वा । एवं मणिमि वि वुड्डी । गुरु-वसभ-कुल-गणातिक्रमे चउहिं पदेहिं छेदादी जाव चरिमं णायव्वं, वामेण बितिया पि अभिक्खसेवाए कायव्वा । एव दीवे गुरु-वसभ-कुलातिक्रमे तिहिं पदेहिं मूलादि जाव चरिमं । बितिया वि अभिक्खसेवाते । एवं उद्धिते ति गुरु-वसभातिक्रमे दोहिं पदेहिं अणवट्टपारंची, बितिया वामेण अभिक्खसेवाते कायव्वा । एसा पढमा नावा ॥ कुलादिथेरेहिं कुलादीहिं वा जं कयं कज्जं तं को अतिक्रमेति नातिक्रमति वा ? एतेनाभिसंबंधेण इमं भण्णति-

[भा. ३४०८] तिहि थेरेहि कयं जं, सट्टणे तत्तियं न वोलेति ।

हिड्डिल्ला वि उवरिमे, उवरिथेरा तु भइयव्वा ॥

चू- तिहिं - कुलगणसंघथेरेहिं जं आभवंतादि कज्जं कयं, ठवणा वा काति ठविता, तं कज्जं सट्टणं नातिक्रमति । सट्टणं कुलथेराणं कुलगणथेराणं गणसंघथेराणं, संघो एयं तिगं अन्नहा न करोतीत्यर्थः । अहवा - तत्तियं वा तन्मात्रमेव कार्यं व्यवहरन्ति न उपरिथाद् व्यवहारं संवर्धयन्ति, अत्तं वा ठवणं ठवेति । हेड्डिमा कुलथेरा ते विजं उवरिमेहिं गणसंघथेरेहिं कतं तं नातिक्रमंति । गणथेरा वि संघथेरेहिं कयं नातिक्रमंति । उवरिमथेरा उ भतियव्वा । का भअणा ? इमा - कुलथेरेहिं जं कयं अरत्तदुड्ढेहिं य तं उवरिमा गणसंघथेरा अन्नहा न करेतं, अह अनागमेण कतं रत्तदुड्ढेहिं वा तं अन्नहा करेति । एसा भयणा । एवं कुलगणसंघकज्जेसु वि दड्डव्वं ॥

गुरुमादिएहिं चोइज्जंतो इमं भण्णति-

[भा. ३४०९] चंदुज्जोए को दोसो, अप्पप्पाणे य फासुए दव्वे ।

भिक्खू वसभाऽऽयरिए, गच्छमि य अट्ट संघाडा ॥

चू- पुव्वद्धं कठं । पच्छद्वेण बितिय-ततियनावागहितातो । तेसु चेव जोण्हादिएसु पढमणावागमेण भिक्खु-वसभ-आयरिय-कुल-गण-संघ-एतेसु छसु पदेसु अतिक्रममाणे छल्लहुगा-जाव-चरिमं दड्डव्वं । एसा दाहिणतो पच्छित्तवुड्डी । बितिया वामतो अभिक्खेसेवाते । मणिमादिएसु पच्छित्त-वुड्डी, अभिक्खसेवाए य पूर्ववत् । अट्टसंघाडग्गहणातो एत्थेव पुरिसअविभागेण ततियनावा दंसिज्जति,

तस्स विसेसो वक्खमाणो, जोण्हामणीसु पच्छित्तवुद्धी एक्को संघाडगो । पदीवुद्धित्तसु बित्तितो संघाडगो, वामतो अभिक्खसेवाए वि दो संघाडा, एवं बित्ति-यणावाते चतुरो संघाडा, तत्तिय-नावाए वि चउरो, दो चतुक्का अट्ट संघाडा भवन्तीत्यर्थः । अहवा - जोण्हतो पच्छित्तवुद्धीते वामतो अभिक्खसेवाए य एक्को संघाडो । एवं भाणदीवउद्धीवित्तसु वि । एवं वा बित्ति-यणावाते चउरो संघाडा । तत्तियनावाए वि चउरो, एवं अट्ट संघाडा । अत्रे पुण पढम-बित्ति-यणावासु एवं चेव अट्ट संघाडा भवन्ति । चउत्थनावाते ते भिक्खू वसभ आयरिय गच्छो कुलं गणो संघो य एत्तसु सत्तसु वि पदेसु अतिक्रमणे पढमणावागमेण चउगुरुगादि जाव जरिमं दाहिणतो बुद्धी, बित्ति-या वामतो । मणिमादिसु पूर्ववत् ॥ अहवा - पुरिसजोण्हदिसु अविसेसतो इमं पच्छित्तं-

[भा. ३४१०] सण्णायग आगमणे, संखडि रातो य भोयणे मूलं ।

बित्तिए अणवड्डप्पो, तत्तियम्भि य होति पारंची ॥

चू- सन्नातगकुलमागता अन्नत्थं वा संखडिते साहू जति रातो भुंजति तो मूलवयविराहण तति कातुं मूलपच्छित्तं, बित्ति-यवारा भुंजति तो अणवड्डे, तत्तियवारे पारंची ॥

“फासुयदव्वे”त्ति सीसस्स इमे दोसा दंसिज्जंति-

[भा. ३४११] जति विय फासुगदव्वं, कुंथूपणगादी तह वि दुप्पस्सा ।

पच्चक्खणाणिणो वि हू, रातीभत्तं परिहरंति ॥

चू- यद्यपि स्वत ओदनादि प्राशुकं द्रव्यं तथाऽप्यागन्तुका कुन्ध्वादयः पनकादयश्च तदुत्था अविमुद्धकाले दुर्दृश्या भवन्ति । किं च येऽपि प्रत्यक्षज्ञानिनो ते विशुद्धं भक्तान्नपानं पश्यन्ति तथाऽपि रात्रौ न भुंजत, मूलगुणभंगत्वात् ॥ जोण्हामणीदीवुद्धितालंबणप्रतिषेधार्थमिदमाह-

[भा. ३४१२] जति वि य पिवीलगादी, दीसंति पतीव-जोतिउज्जोए ।

तह वि खलु अनाइण्णं, मूलवयविराहणा जेणं ॥

चू- तीर्थकरणधराचायरनाचीर्णत्वात्, जम्हा छट्टे मूलगुणो विराहिज्जति तम्हा न रातो भोत्तव्वं अहवा - रातीभोयणे पाणातिवायादियाणं मूलगुणाणं जेण विराहणा भवति अतो रातीए न भोत्तव्वं ॥ “गच्छं” ति य अस्य पदस्य व्याख्या-

[भा. ३४१३] गच्छग्गहणे गच्छो, भणाति अहवा कुलादिओ गच्छो ।

गच्छग्गहणे व कए, गहणं पुण गच्छवासीणं ॥

चू- गच्छो चोदयति जहा चउत्थं पदं चउत्थणावाए कुलगणसंघा वा पत्तेयगच्छो ते चोदयन्ति जहा सव्वनावासु गच्छग्गहणातो वा इमं पच्छित्तं गच्छवासीण भणित्तं - न जिनकल्पानामित्यर्थः ॥ बित्ति-यणावाए इमं वक्खाणं-

[भा. ३४११] बित्ति-यादेसे भिक्खू, भणन्ति दुट्ठु मे कयं ति बोलेन्ति ।

छल्लहु वसभे छग्गुरु, छेदो मूलादि जा चरिमं ॥

चू- बित्ति-य-तत्तिय-नावाए विसेसो बित्ति-याए सयं कहंति, तईयाए इमं-

[भा. ३४१५] तत्तियादेसे भोत्तूण, आगता नेव कस्सइ कहेइ ।

ते अन्नओ व सोच्चा, खिंसंतह भिक्खूणो तेसु ॥

चू- तईयादेसो तृतीयनावा, जे ते भोत्तूण आगया तेसिं चेव परोप्परं संलवंताणं भिक्खूहिं

सुयं - ते चोदयन्ति । “अन्नओ”त्ति जे ते भोत्तूण आगया तेहिं जहा वसभेण अन्नस्स कहितं, तस्सन्तिए भिक्खुणो सोच्चा, अन्नो वा गिहत्थो तस्सन्तिते भिक्खुणो सोच्चा खिंसवयणेण चोदेति ॥  
तत्थ अतिक्रमन्ते इमा पच्छित्त-वुद्धी भवति-

[भा.३४१६] भिक्खुणो अतिक्रमन्ते, छल्लहु वसभेसु होति छग्गुरुगा ।

गुरु-कुल-गण-संघादीकमे य छेदाइ जा चरिमं ॥

[भा.३४१७] आयरिया भिक्खूण य, वसभाण गणस्स कुल गणे संघे ।

गुरुगादतिक्रमन्ते, जा सपदं चउत्थ आदेसे ॥

चू- “खिंसंतह भिक्खुणो”त्ति अस्य व्याख्या-

[भा.३४१८] पेच्छह तु अनाचारं, रत्तिं भोत्तुं न कस्सइ कहेति ।

एवं एक्केक्क-निवेयणेण वुद्धी उ पच्छित्ते ॥

चू- भिक्खुहिं चोदो जाहे नाउट्टति ताहे भिक्खुणो वसभाण कहेंति । वसभा गुरूण कहेंति । गुरू वि कुलस्स । कुलं पि गणस्स । गणो वि संघस्स । एवं एक्केक्कणिवेदणेण पच्छित्तवुद्धी भवति ॥ अहवा - अन्येन प्रकारेण प्रायश्चित्तवृद्धिदर्शनार्थमाह-

[भा.३४१९] को दोसो को दोसो, त्ति भणंत लग्गती बितियठाणं ।

अहवाऽभिक्खग्गहणे उ अहवा वत्थुस्स अइयारो ॥

चू- उत्तरोत्तरप्रदानेन अभीक्ष्णासेवनेन वा भिक्षादिवस्तुतव्यतिक्रमेण वा प्रायश्चित्तवृद्धिः ॥ जम्हा निसिभोयणे बहू दोसो पच्छित्तं च तम्हा न भोत्तव्वं । कारणे पुण भोत्तव्वं । तं च इमं कारणं-

[भा.३४२०] बितियपदं गेलण्मे, पढमबितिए य अणहियासम्मि ।

फिट्ठति चंदगवेज्जं, समाहिरणं च अद्धाणे ॥

चू- गिलाणो अगिलाणो वा पढमबितियपरीसहेहिं अदित्तो असहू वा, सिरिइंगियमादि-उत्तिमट्टपडिवन्नो वा, चउग्गहणातो ओमे वा अद्धाणे वा, चउभंगजयणाए भुंजेज्जा ॥ तत्थिमं “गिलाणे” -

[भा.३४२१] पतिदिवसमलब्भन्ते, विसोहि वोलीणे पढमभंगो उ ।

अद्धाणादिसु जुयलोदयाम्मि सूलादिया बितिओ ॥

चू- जया गिलाणस्स पतिदिणं विसुद्धं न लब्भति तथा पणग-परिहाणीए विसोहिकोडीए पइदिवसं गेण्हेज्जा । जाहे तं पि वोलीणो ताहे पढमभंगो दियागहियं दिया भोत्तं । अद्धाणादिपवत्तस्स बालवुद्धजुयलस्स पढमबितियपरीसहोदए बितियभंगो । आगाढे वा सूलादिगेलन्ने चतुर्थभंगो रातो गहियं रातो भुत्तं ॥

[भा.३४२२] एमेव ततियभंगो, आति तमो अंतए पगासो उ ।

दुहतो पि अप्पगासो, अद्धाणसुयाइसु चउत्थो ॥

[भा.३४२३] पढमबितियातुरस्स य असहुस्स हवेज्ज अहव जुयलस्स ।

कालम्मि दुरहियासे, भंगचउक्केण गहणं तु ॥

चू- “एमेव”त्ति आगाढे अहिडक्कादिसु ततियभंगो रातो गहियं दिया भोत्तं । अद्धाणपडिवण्णगाण आगाढे वा गेलन्ने चतुर्थभंगो रातो गहियं रातो भुत्तं ति । “गिलाणो”त्ति

गतं ॥ इदानीं “चंदगवेज्झं”-

[भा. ३४२४] एमेव उत्तिमट्ठे, चंदगवेज्झसरिसे भवे भंगा ।  
उभयपगासे पढमे, आदीयंते य सव्वतमो ॥

चू- चक्राष्टकमुपरिपुत्तलिकाशिक्षिचन्द्रिकावेववत् दुराराध्यमनशनं, तस्मात्तदाराधने  
समाधिनिमित्तं चत्वारो भंगकाः । पश्चार्धसिद्धाः ॥ इदानीं “अद्धाण” ति-

[भा. ३४२५] अद्धाणम्मि व हुज्जतु, भंगा चउरो तु तं न कप्पति उ ।  
दुविहा य होंति उदरा, पोट्टे तह धण्णभाणा य ॥

चू- तं अद्धाणं उद्दहरे गंतुं न कप्पति, उद्धं दरा उद्धदरं, ते दरा ऊद्धं पूर्णा-धान्यस्य भरिता  
इत्यर्थः । धन्नभायणा कडपल्लादि ॥

[भा. ३४२६] उद्दहरे सुभिक्षे, अद्धाण व वज्जणं तु दप्पेणं ।  
लहुगा पुण सुद्धण्दे, जं वा आवज्जती तत्थ ॥

चू- सुलभं भिक्षुं सुभिक्षुं, उद्दंदरसुभिक्षेसु चउरो भंगा कायव्वा । पढम-ततियभंगेसु  
जो दप्पेण अद्धाणं पडिवज्जति तस्स जति वि किं वि अवराहं नावज्जति तहा वि से चउलहुगं, जं  
वा संजमविराहणं आवज्जति तं वा पच्छित्तं ॥ पढम-ततिएसु वि भंगेसु इमेण कारणेण गम्मति-

[भा. ३४२७] नाण्ड दंसण्ड, चरित्तड्ढ एवमाइ गंतव्वं ।  
उवगरणपुव्वपडिलेहितेन सत्थेण जयणाए ॥

चू-आयारादी नाणं, गोविंदनिज्जुत्तिमादि दंसणं, जत्थ विसए चरित्तं न सुज्जति ततोऽवमणं  
चरित्तड्ढ । उवकरणपडिलेहणं आलोच्य योगयस्य ग्रहणं, भंडिमादिएण विसुद्धसत्थेण समं गंतव्वं ॥  
नाणदंसण्ड गम्ममाणे इमेण विहिणा गम्मति-

[भा. ३४२८] सगुरु कुल सदेसे वा, नाणे गहिते सती य सामत्थे ।  
वच्चति उ अन्नदेसं, दंसणजुत्तादि अत्थे वा ॥

चू- स्वगुरुसमीवे जमत्थि नाणं तम्मि गहिते ततो सदेशे स्वकुले घेतव्वं, जाहे सदेसे नत्थि  
ताहे अन्नदेसं गच्छंति, तत्थ वि आसन्नतरेसु एगवायणेसु गिण्हंति । गिहते नाणे अप्पणो बुद्धिसामत्थे  
विज्जमाणे दंसणविसुद्धकारगसत्थड्ढं गम्ममाणे एसेव गमो ॥ इदानीं चरित्तड्ढ-

[भा. ३४२९] पडिकुड्ढ देस कारण गता उ तदुपरमे निति चरण्ड ।  
असिवाई व भविस्सति, भूते व वयंति परदेसं ॥

चू- असंजमविसओ जो देसो सो भगवया पडिसिद्धो, तत्थ न विहरियव्वं । तं देसं  
असिवादिकारणेसु जदि गता तम्मि कारणे उवसंते ततो असंजमविसयातो निगच्छंति । तं  
संजमविसयं चरण्ड गच्छंति । तत्थ वा वसंताण निमित्तेण णातं जहा असिवं एत्थ भविस्सति,  
उप्पन्नं वा असिवं, ततो परदेसं वयंति ॥ पढम-ततियभंगेहिं एवमादिकारणेहिं वयंता गच्छुवग्गहकरं  
इमं उवगरणं घेतुं वयंति-

[भा. ३४३०] चम्मादि लोहगहणं, नंदीभाणे य धम्मकरए य ।  
परतित्थिय उवगरणे, गुलियातो खोलमादीणि ॥

चू- चम्मादिलोहगहणं एतेसिं दोण्हं दाराणं जहक्कमेण इमा पुव्व-पच्छद्दवक्खा-  
[भा.३४३१] तलिय पुडग वद्धेया, कोसग कत्ती य सिक्कए काए ।  
पिप्पलग सूइ आरिय-नक्खच्चनिसत्थकोसो य ॥

चू- “तलवियपुडबद्धाण” इमा व्याख्या-  
[भा.३४३२] तलिया तु रत्तिगमणे, कंटुंप्पह तेनसावते असहू ।  
पुडगविवद्धि सीते, बद्धो पुण छिण्णसंघट्ट ॥

चू- अचक्खुविसए रतो गम्ममाणे सत्थवसा उप्पहेण गम्ममाणे सावयतेनभएण वा तुरियं  
गम्ममाण सुकुमालपादो वा असहू कंटगसरक्खणत्थं कमणीओ पादेसु बंधति, सीतेन वि पव्वीसु  
वियाउआसु फुडंतीसु खल्लगादी पुडगे बंधति, तलिगादि तुडुसंघणट्ट बघ्नो (द्धो) घेष्यति ॥

[भा.३४३३] कोसग नहरक्खड्ड, हिमादिकंटादिसू तु खपुसादी ।  
कत्तीओ विकरणट्ट, विवित्त पुढवादिरक्खड्ड ॥

चू- अंगुलिकोसगो नहभंगादिरक्खड्ड, हिमअहिकंटादिरक्खड्ड खपुसवग्गुरिअद्धजंथातियाओ  
घेष्यति । कत्ती चम्मं तत्थ पलंबादि विकरा कज्जति, मा धूलीए लोलिहिति । विवित्ता वा वासकप्पाभावे  
अत्थंडिले सचित्तपुढविमादिरक्खड्ड तत्थ उद्धट्टणादि करेति ॥ “चम्मे”ति गयं । आदिसद्दाओ  
सिक्ककायादिगहणं तेसिं इमा वक्खा-

[भा.३४३४] तहि सिक्कएहिं हिंडंति, जत्थ विवित्ता व पल्लिगमणं वा ।  
परलिंगगहणम्मि व, निक्खवणट्ट व अन्नत्थ ॥

चू- जत्थ मुसिता तत्थ पत्तबंधाभावे चोरपल्लीसु वा भिक्खायरियाए गम्ममाणे लाउए सिक्कगेसु  
काउं गम्मइ, चक्कधरादि वा परलिंगं सिक्कएण कज्जति, अद्धाणकप्पादि वा तत्थ काउं निक्खिप्पति,  
पलंबादि वा सिक्कए आणेउं अन्नत्थ धेरमादिसु सण्णिक्खिवंति अगीयत्यासंकाए ॥

[भा.३४३५] जे चेव कारणा सिक्कगस्स ते चेव होंति काए वि ।  
कप्पुवही बालाइ वा, वहंति तेहिं पलंबे वा ॥

चू- “काए”ति कवोडी । अहवा - कवोडिसिक्कगाणं इमो उवयोगो - अद्धाणकप्पे बाल-  
वुडुअसहुआयरियाण उवहिं, बालवुडुए वा सूलविद्धं वा पलंबाईणि वा वहंति ॥  
“सिक्कग”त्त गतं । इदानिं “लोहगहणं”

[भा.३४३६] पिप्पलग विकरणट्ट, विवित्तजुण्णे य संघणं सूइ ।  
आरिग तलि-संघणट्ट, नक्खच्चणणक्ख-कंटादी ॥

चू- पलंबविकरणट्ट पिप्पलगो, मुसितसेसवत्थस्स भावजुण्णस्स वा सिव्वणट्ट सूई,  
तुडुवाणहसिव्वणट्ट आरा, सल्लकंटुद्धरणट्ट नहरणी घेष्यति ॥

इमो सत्थकोसो - पत्थणसत्थयं अंगुलिसत्थयं सिरावेहसत्थयं कप्पणसत्थयं लोहकटया  
संडासओ अनुवेहसलागा वीहिमुहं सूइमुहं । एवमादिसत्थकोसस्स इमो उवओगो-

[भा.३४३७] कोसाऽहि-सल्ल-कंटग, अगतोसट्टमाइयं तुवगहणं ।  
अहवा खेत्ते काले, गच्छे पुरिसे य जं जोगं ॥

चू- अहिडक्कपच्छिज्जइ, सल्लुद्धरणं वा सत्थगेण कज्जति । अगदमेव ओसदं । अहवा अनेगदव्वेहिं

अगदो, एगंगितं ओसदं । खेते जं जहिं नत्थि, गिम्हकाले वा सुत्तगुदिशीतलं महल्लगच्छे  
केलगादिसाधारणं जं च जस्स पुरिसस्स (ख) समत तं धित्तव्वं ॥

इदानि “नंदिभायणं धम्मकरओ य” जुगवं भन्नइ-

[भा.३४३८] एक्कं भरेमि भाणं, अनुकंपा नंदिभाण दरिसंति ।

नेति व तं वइगादिसु, गालेति दवं तु करएणं ॥

चू-अद्धाणे कोति भणेज्ज - “अहं मे दिने दिने एगं भायणं भरेमि”, तत्थ नंदीभायणं उवडुवंति।  
अहवा - तं नंदिभायणं भिक्खायरियाए गोउलं नेति, फासुगाफासुगं वा दवं धम्मकरएणं गालेति ॥  
इदानि “परतित्थोवकरणं”-

[भा.३४३९] परतित्थियउवगरणं, खेत्ते काले य जं तु अवरुद्धं ।

तं रयणि पलंबडु, पडिनीए दिया व कोट्टाती ॥

चू- परलिंगे ठिया भत्तापाणं गेण्हंति, पलंबे वा जत्थ पडिनीया तत्थ परवेसच्छन्ना गच्छंति,  
भत्तादि वा उप्पाएंति, मिच्छकोट्टं दिवसतो गता परवेसच्छन्ना पोग्गलादि अकप्पं गेण्हंति । फलाणि  
व जत्थ पच्चंति तं कोट्टं, तत्थ परलिंगाद्विया फलादि गेण्हंति ॥ इदानि “गुलिंग”त्ति तुवरुक्ख-  
चुण्णगुलिंगाओ कज्जंति । गोरसभाविता पोत्ता खोलो भण्णति-

[भा.३४४०] गोरसभावियपोत्ते, पुव्वकते दवस्स संभमे धोवे ।

असती य तु गुलित मिगे, सुण्णे नवरंगदतियाओ ॥

चू-जत्थ फासुयदवस्स असंभवो तत्थ गोरसभाविते पोत्ते धुवंति, अगीयत्थपच्चयाय भण्णति-  
गोउलाओ उसित्थियपानगमानीतं, असति गुलियाणं अगीतचितरक्खणडु सुत्ते य गामे  
पडिसत्थियमादियाण । नवरंगदतियातो गहितं ति भण्णति ॥

[भा.३४४१] एमादि अनागयदोसरक्खणडु अगेण्हणे गुरुगा ।

अनुकूले निग्गमओ, पत्ता सत्थस्स सउणेणं ॥

चू- उवगरणस्स अगेण्हणे ज्जा । अनुकूले चंदे तारावले निग्गमगो गच्छति, जाव सत्थं न  
पावंति ताव सउणं गिण्हंति, जदा सत्थं पत्ता तदा सत्थसंतिएण सउणेण गच्छंति, नो पत्तेयं  
सउणं गेण्हंति ॥

[भा.३४४२] अप्पत्ताण निमित्तं, पत्ते सत्थम्मि तिन्नि परिसातो ।

सुद्धे त्ति पत्थियाणं, अद्धाणे भिक्खपडिसेहो ॥

[भा.३४४३] कडजोगि सीहपरिसा, गीयत्थ थिरा उ वसभपरिसाओ ।

सुत्तकडमगीयत्था, मिगपरिसा होति नायव्वा ॥

चू-जदा सत्थं पत्ता तदा तिन्नि परिसाओ करेति-सीह-वसभमिगपरिसा य । गीयत्था सीहपरिसा।  
गीया बलवंतो वसभपरिसा । अधीतसुत्ता अगीतत्था मिगपरिसा । सत्थो सुद्ध त्ति काउं पड्डिया ।  
जया अडविं पवन्ना तदा कोति पडिनीओ भिक्खपडिसेहं करेज्ज ॥

अनुन्नवणकाले सत्थवाहो एवं वोत्तव्वो-

[भा.३४४४] सिद्धत्थगपुप्फे वा, एवं वोत्तुं पि निच्छुभति पंतो ।

भत्तं वा पडिसिद्धं, तिण्हऽनुसत्थादि तत्थ इमा ॥

चू- “जहा सिद्धत्था चंपयपुष्कं वा सिरद्धियं किंचि पीडं न करेति एवं तुम्हे वि अम्हं न किंचि पीडं करेह, वच्चह भंते !” पच्छा पंतो अडविमज्जे भिक्खं पडिसेहेति, सत्थाओ वा निच्छुब्भइ, तत्थ जयणाए “तिण्हं” - सत्थस्स सत्थवाहस्स आतिअतियाण ॥

[भा. ३४४५] अनुसट्ठी धम्मकहा, विज्जनिमित्ते पभुस्स करणं वा ।  
परतित्थिया व वसभा, सयं व थेरी य चउभंगो ॥

चू- इहलोगअववायदरिसणत्थं अनुसट्ठी, इहपरलोगेसु कम्मविवागदरिसणं धम्मकहा, विज्जमंतेहिं वा वसीकज्जति । सहस्सजोही - बलवं सत्थहिं बंधित्तु सयमेव सत्थं अधिद्वेइ - प्रभुत्वं करोतीत्यर्थः । एसा णिच्छुभणे विही । भिक्खापडिसेधे इमो विही - सच्चहा असंथरणे वसभा परतित्थिया होतु पन्नवेति, भत्ताइ वा उप्पाएति, राओ गेण्हति ॥ “सयं व” ति अस्य व्याख्या-

[भा. ३४४६] पडिसेहे अलंभे वा, गीयत्थेसु सयमेव चउभंगो ।  
थेरिसगासं तु मिगे, पेसे तत्तो य आनीतं ॥

चू- सत्थाहेण पडिसिद्धा तेनेहिं वा सत्थे विलुलिते अलब्भमाणे जइ ते सच्चे गीयत्था तो चउभंगेण जतंति । अह गीयमिस्सा तो सलिंगेण चव । जति भद्विता तत्थ सत्थे थेरी अत्थि तो तस्समीवे ठावेति, अगीतेहिं वा थेरिसमीवातो आणवेति, थेरिसमीवातो आनियं ति भण्णंति ॥

[भा. ३४४७] कत्तो ति पल्लिगादी, सट्ठा थेरि पडिसत्थगातो वा ।  
नायम्मि य पन्नवणा, न हु असरीरो हवति धम्मो ॥

चू- मिगेसु पुच्छंतेसु इमं उत्तरं - “पल्लीओ वा पडिसत्थातो सट्ठेहिं वा दित्रं” । एवं चउभंगेण जयंता जति मिगेहिं णाता तोते मिगा पन्नविज्जंति “असरीरो धम्मो न भवति, तम्हा सच्चपयत्तेण सरिं रक्खिब्व्वं, पच्छा इमं च अन्नं च पच्छित्तेण विसोहिस्सामो” ॥ परिसागमने इमो विधी-

[भा. ३४४८] पुरतो य वच्चंति मिगा, मज्जे वसभा उ मग्गतो सीहा ।  
पिट्ठतो वसभऽन्नेसिं, पडिताऽसहुरक्खणा दोण्हं ॥

चू- पुव्वद्धं कंठं । अन्ने भणंति - पिट्ठतो वसभा गच्छति, इमं कारणं मिगसीहाणं एएसिं जे असह खुहापिवासापरिस्सहेहिं पीडिता तेसि रक्खणइ ॥ वसभोवतो गो इमो-

[भा. ३४४९] पुरतो य पासतो पिट्ठतो य वसभा वंहंति अद्धाणे ।  
गणपतिपासे वसभा, मिगाण मज्झम्मि वसभेगो ॥

[भा. ३४५०] वसभा सीहेसु मिगेसु, चव थामावहारविजडा तु ।  
जो जत्थ होइ असहू, तस्स तह उग्गहं कुज्जा ॥

चू- थामो बलवं, जत्थे ति जेण पिवासाइणा असहू तेन उवग्गहं कुव्वंति ॥ तं च इमं-

[भा. ३४५१] भत्ते पाणि विस्सामणे य उवगरण-देहवहणे य ।  
थामाविहारविजडा, तिन्नि वि उवगेण्हते वसभा ॥

चू- खुहितस्स भत्तं देंति, पिवासियस्स पानं, परिस्संतस्स विस्सामणं, उवकरणसरिरे वोहुं असमत्थस्स तेसिं वहणं करेति, “तिन्नि वि” मिगसीहवसभे वसभा उवगिण्हंति ॥

[भा. ३४५२] जो सो उवगरणगणो, पविसंताणं अणागयं भणितो ।  
सट्ठणे सट्ठणे, तस्सुवओगो इहं कमसो ॥

चू- चम्पादिपुव्वुत्तमेव सट्टणं, जेण जया कज्जं तं तदा पयोत्तव्वं ॥ एसेव कम्मो ॥

[भा. ३४५३] असतीते गम्ममाणे, पडिसत्थे तेन-सुण्णगामे वा ।

रुक्खाईण पलोयण, असती नंदी दुविहदव्वे ॥

चू- सत्थेण गम्ममाणे सत्थे असती भत्तपाणस्स इमेसु मग्गंति -पडिसत्थे, “तेन” पल्लीसु, सुण्णगामे वा, रुक्खमूलेसु वा पलंबे पलोएंति-गृण्हंतीत्यर्थः । संथरणेणसति “नंदी” हरिसो, दुविधं दव्वं - परित्तानंतादि, असंथरे उक्कमेणापि तदद्रव्यं गृण्हंति, येन नंदी भवतीत्यर्थः ॥

“पडिसत्थो” अस्य व्याख्या-

[भा. ३४५४] भत्तेण व पानेण व, निमंतएऽनुग्गए व अत्थमिते ।

आइच्चो उदितो त्ति य, गहणं गीयत्थसंविग्गे ॥

चू- सत्थेणं गम्ममाणे असंथरे जति पडिसत्थो मिलेज्ज रातो तत्थ अहाभद्दा दानरुइणो सट्टा वा जति भत्तेण पानेण वा निमंतिया अनुग्गए सूरिए अत्थमिते वा ताहे जति सव्वे गीता तो गिण्हंति चेव । अह अगीतमिस्स ताहे गीता भणंति - “वच्चह तुब्भे, अन्हे उदिते सूरिए इमं भत्तपानं घेत्तुं पच्छा एहामो ।” पड्डिएसु मिगेसु ते गीया तक्खणमेव रातो घेत्तुं अनुमग्गतो गच्छंति, थिए सत्थे मिगपुरतो आलोएंति - “आइच्चे उदिए गहणं कात्तुं आगता” । एयं सव्वं जयणं गीयत्थी संविग्गो करेति ॥

[भा. ३४५५] गीयत्थग्गहणेणं, राते गेण्हतो भवे गीतो ।

संविग्गहणेणं, तं गेण्हतो वि संविग्गो ॥

चू- “तेनपल्लीसु पिसितं” संभवति ॥ तत्थ इमा जयणा -

[भा. ३४५६] पोग्गल बेंदियमादी, संथरणे चउलहू तु सविसेसा ।

ते चेव असंथरणे, विवरीय सभाव साहारे ॥

चू- जइ संथरणे पोग्गलं बेंदियसरीरनिष्फत्रं गेण्हंति तो चउलहुगं दोहि दि तवकालेहिं लहुयां तेइंदिएसु कालगुरुं । चउरिंदिएसु तवगुरुं । पंचिंदिएसु दोसु गुरुगं । अस्थैवापवादो - असंथरणे बेइंदियादिकमेण धेत्तव्वं । अह असंथरणे विवरीतं उक्कमेण गेण्हंति तो ते चेव चउगुरुगा । अववादे अपवादः-उक्कमेणापि जं सभावेण साधारणं तं गेण्हंति ॥ पिसितग्गहणे इमा जयणा-

[भा. ३४५७] जत्त विसेसं जाणंति, तत्थ लिंगेण चतुलहू पिसिए ।

अन्नाते उग्गहणं, सत्थम्मि वि होति एमेव ॥

चू- जत्थ सत्थे गामे वा जनु विसेसं जाणति - जहा साहू पिसितं न भुंजंति, तत्थ जति सालगेण पिसितग्गहणं करेति तो चउलहुं । “अन्नाए” ति-जत्थ विसेसं न जाणंति तत्थ सलिंगेणेव गहणं । अह परलिंगं करेइ तो मूलं । पडिसत्थमादिसु वि एमेव । रात्रौ भिक्षागहणे भोजने च इदमेव द्रष्टव्यं ॥ इदानिं सुण्णगामेत्ति-

[भा. ३४५८] कप्पडियादीहि समं, तेनगपल्लिं तु सिक्कए घेत्तुं ।

गहणं सति लाभम्मि य, उवक्खडे अन्नलिंगेण ॥

[भा. ३४५९] अद्धाणासंथरणे, सुण्णे दव्वम्मि कप्पती गहणं ।

लहुओ लहुया गुरुया, जहन्नए मज्झिमुक्कोसे ॥



चू- अद्धाणपडिवत्राणं असंथरणे जाते सुण्णे गामे जहन्नमज्झिमुक्कोसस्स दव्वस्स अदिन्नस्स कप्पति गहणं कातुं । अह संथरणे गेण्हति तो इमं “ओहेण” पुरिसअविभागेण पच्छित्तं, जहन्ने मासलहुं, मज्झिमे चउलहुं, उक्कोसे चउगुरुं ॥ जहन्नमज्झिमुक्कोसदरिसणत्थं इमं-

[भा. ३४६०] उक्कोसं विगतीओ, मज्झिमगं होति कूरमादीणि ।  
दोसीणाति जहन्नं, गेण्हंती आयरियमादी ॥

चू- आयरिय-वसभ-भिकखूणं गेण्हंताणं आणादिया दोसा ॥ इमं च पुरिसवभागेण पच्छित्तं-  
[भा. ३४६१] अद्धाणे संथरणे, सुण्णे गामम्मि जो उ गिण्हेज्जा ।  
छेदादी आरोवण, नेयव्वा जाव मासो उ ॥

चू- अद्धाणपडिवत्रो संथरणे जो सुन्नगामे विगतिमादियं गेण्हति तस्स अंतो मासस्स बहिं वा दिट्ठदिट्ठं आयरियमादियाण छेदादि आरोवणा ताव नेयव्वा जाव मासियं अंते ॥

[भा. ३४६२] छेदो छग्गुरु छल्लहु, चउगुरु चउलहु गुरु लहूमासो ।  
भिकखू वसभायरिए, उक्कोसे मज्झिम जहन्ने ॥

चू- इमो चारणापगारो - आयरियस्स विगइमाइ उक्कोसं सुन्नगामे अंतो दिट्ठं गिण्हंतस्स छेदो, अंतो चेव अदिट्ठे छग्गुरु । बाहिं दिट्ठे छग्गुरुगा चेव । बाहिं अदिट्ठे छल्लहुगा । आयरियस्सेव ओदनादि मज्झिमे अंतो दिट्ठे छग्गुरुगा, अदिट्ठे छल्लहु । बाहिं दिट्ठे छल्लहुगा चेव, अदिट्ठे चउगुरुगा । आयरियस्सेव अंतो जहन्ने दोसीणादियम्मि दिट्ठे छल्लहुगा, अदिट्ठे चउगुरुगा, बाहिं दिट्ठे चउगुरुगा चेव अदिट्ठे चउलहुगा । वसभसक्स एवं चेव - चारणाप्पगारेण छग्गुरुगादि मासगुरुए ठायति । भिकखस्स वि एवं चेव छल्लहुगादि मासलहुगे ठायति । “भिकखवसभायरिए”त्ति जं पुरिसविवच्चासगहणं कंतं तं विपरीतचारणाप्रदर्शनार्थम् ।

भिकखुस्स गामबाहिं जहन्नं अदिट्ठं गेण्हंतस्स मासलहुं, दिट्ठे मासगुरुं, अंतो अदिट्ठे मासगुरुं चेव, दिट्ठे चउलहुं । एवं मज्झे मासगुरुगादि चउगुरुगे ठायति । उक्कोसे चउलहुगादि छल्लहुगे ठायति । वसभस्स एवं चेव मासगुरुगादि छग्गुरुगे ठायति । आयरियस्स चउलहुगादि छेदे ठायति । तम्हा पच्छित्तं परियाणमामो संथरणे न गेण्हेज्जा ॥

असंथरणे इमेण विधिणा सुन्नगामे सुन्नं दव्वं गेण्हेज्जा-

[भा. ३४६३] उट्ठसेस बाहिं, अंतो वा पंतं गेण्हति अदिट्ठं ।  
बहिं अंतो ततो दिट्ठं, एवं मज्झे तहुक्कोसं ॥

चू- उट्ठसेस नाम जं तुटागेहिं अप्पणट्ठ बाहिं नीतं, तं भोतुं सेसं छड्डियं, तत्थ जं जहन्नं तं अदिट्ठं गेण्हंति । तस्स असति अंतो गामस्स पंतं चेव अदिट्ठं गेण्हंति । तस्स असति बाहिं पंतं दिट्ठं गेण्हंति । तस्स असति अंतो पंतं दिट्ठं गेण्हंति । तस्स असति मज्झिमं । एवं चेव चारेयव्वं । तस्स असति उक्कोसं एवं चेव ॥ जघन्यमध्यमोत्कृष्टविकल्पप्रतिषेधार्थमिदमाह-

[भा. ३४६४] तुल्लम्मि अदत्तम्मि, तं गेण्हसु जेण आवतिं तरसि ।  
तुल्लो तत्थ अवाओ, तच्छफलं वज्जेते तेनं ॥

चू- जहन्नमज्झिमुक्कोसेसु दव्वेसु अविमुद्धभावतो तुल्लं अदत्तादानं, संजमायविराहणा वा, तो गेण्हणकहणादि अवायो तत्थ तुल्लो चेव भवति, तम्हा तुच्छफलं दव्वं वज्जेउं जेण दव्वेण

भुतेण तं आवतिं तरसि तं गेण्हसु ॥ असुन्नदव्वे इमा विही-

[भा. ३४६५] विलउलए य जायइ, अहवा कडवालए अनुन्नवए ।  
इयरेण व सत्थभया, अन्नभया वुड्डिए कोट्टे ॥

चू-लुंटागा, विलउलगा तो जायति । अहवा - जे तत्थ सुण्णगामे वुड्डादि अजंगमा गिहपालगा ठिता, न नड्ड ते मग्गंति, अनुन्नवेत्ता वा सयं गिण्हंति । कहं पुण सो गामो सुन्नो जाओ ? तत्थिमे सुन्नहेऊ - “इतर” ति, चोरभयं महल्लसत्थभएण व सन्नभयं नाम परचक्कभयं, एतेहिं उड्डिओ गामो । कोट्टं वा जं अटविमज्जे भिल्ल-पुलिंद-चाउव्वन्न-जणवयभिस्सं दुग्गं वसति, वणिग्या य जत्थ ववहरंति तं कोट्टं भन्नति, तम्मि सुत्ते दव्वग्गहणं वुत्तं ॥

“नंदि”ति अस्य व्याख्या-

[भा. ३४६६] नंदंति जन तवसंजमेसु नेव य दरत्ति रिज्जंति ।  
जायंति न दीना वा, नंदी खलु समयसण्णा वा ॥

चू-येनाभ्यवहतेन तवे संजमे वा नंदति स एव नंदी, येनाभ्यवहतेन न द्रुतं पप्पति स नंदी । अधवायेनाभ्यवहतेन न दीना भवंति स नंदी । समयसण्णाए वा संथरणं नंदी भण्णति । यया येन वा संथरणं भवति तथा कर्तव्यमित्यर्थः ॥ “रुक्खादीण पलोयण”ति अस्य व्याख्या-

[भा. ३४६७] फासुगजोनिपरित्ते, एगट्ठिं अबद्धभिन्नेऽभिन्ने य ।  
बद्धड्डिए वि एवं, एमेव य होति बहुबीए ॥

[भा. ३४६८] एमेव होति उवरिं, बद्धाड्डिये तह होति बहुबीए ।  
साहारणस्स भावा, आदीए बहुगुणं जं च ॥

चू-एयओ दो वि गाहाओ जहा पेढे वणस्सतिकायस्स कप्पियपडिसेवाए ॥ इदानिं राओ पानगजयणा, जहा भत्तं तथा पानं पि वत्तव्वं । ग्रहणं प्रति इमो विसेसो-

[भा. ३४६९] परिनिड्डियजीवजडं, जलतं थलयं सचित्तमियरं वा ।  
एयं तु दुविहदव्वं, पानयजयणा इमो होइ ॥

[भा. ३४७०] तुवरे फले य पत्ते, रुक्ख-सिला-तुप्प-मद्दणादीसु ।  
पासंदणे पवाते, आयवतत्ते वहे अवहे ॥

[भा. ३४७१] जड्डे खग्गे महिसे, गोणे गवए य सूयर मिगे य ।  
दुप्परिवाडीगहणे, चाउम्मासा भवे लहुया ॥

चू-एयाओ दो वि गाहाओ जहा पेढे आउक्कायस्स कप्पियडिसेवणाए ॥

मू. (७३२) जे भिक्खू असनं वा पानं वा खाइमं वा साइमं वा परिवासेइ, परिवासेतं वा सातिज्जति ॥

चू-“अशु भोजने”, “खाद् भक्षणे”, “पा पाने”, “स्वद आस्वादाने” । एते चउरो, तिन्नि, दो अन्नयरं वा जो रातो अनागाढे - न आगाढं अनागाढं, तम्मि जो परिवासेति तस्स चउगुहं, आणाति विराधना य भवति । इमा निज्जुत्ती-

[भा. ३४७२] जे भिक्खू असनादी, रातो अनागाढे निक्खवेज्जाहि ।  
सो आणा अणवत्थं, मिच्छत्त-विराधनं पावे ॥

चू- किंपुण आगाढं अनागाढं वा ? तत्थिमं आगाढं समासतो चउव्विह-

[भा.३४७३] अद्धाणे ओमे वा, गेलण्ण परिण्ण दुल्लभे दव्वे ।

आगाढं नायव्वं, सुत्तं पुण होतऽनागाढे ॥

चू-इमं खेत्तागाढं-अद्धाण-पडिवण्णगाणं सव्वहा जं असंथरमं तं आगाढं । इमं कालागाढं - ओमकाले जं असंथरणं तं आगाढं । इमे - गिलाण-परिण्णी दो वि भावागाढं । गिलाणस्स तद्विवसं पायोग्गं जति न लब्धति गिलाणागाढं । परिण्णस्स असमाधाणे उप्पन्ने दिया रातो वा परिन्नागाढं । इह राती अहिकारो । इमं दव्वागाढं - “दुल्लभदव्वे” ति - सतपाग-सहस्सपागं, घयं, तेल्लं, तेन साहुणो कज्जं, तम्मि अलब्धंते दुल्लभदव्वागाढं । एवंविधं आगाढं नायव्वं । पडिपक्खे अनागाढं । इंसं सुत्तं - अनागाढे परिवासेति, तस्स य सोही, संजमायविराधनादोसा य ॥ तत्थ संजमे इमा विराधना-

[भा.३४७४] सम्मुच्छंति तहिं वा, अन्ने आगंतुगा व लग्गंति ।

तक्केंति परंपरतो, परिगलमाणे वि एमेव ॥

चू- असनादिए परिवेसाविते किमिरसगादी पाना सम्मुच्छंति, अन्ने वा मच्छिय-मसग-मक्कोड-पिवीलगादी पडेंति, तक्केंति, परंपरतो वा भवंति । तं परिवेसादिव्वं मच्छिग-मुइंग-मूसगादी तक्केंति, मच्छियाओ गिहकोइलिंगा तक्केंति, गिहकोइलगं मज्जारो तक्केंति, मज्जारं साणो तक्केंति, एस तक्केंति परंपरओ । अहं तं भायणं परिगलति, तत्थ वि परिगलिए एवं चेव तक्केंति परंपरओ । अव मधुबिन्नोद रुपाख्यानं द्रष्टव्यम् । एसा संजमविराधना ॥ इमा आयविराधना-

[भा.३४७५] लाला तथा विसे वा, उंदरपिंडी व पडण सुक्कं वा ।

घरकोइलाइमुत्तण, पिवीलगा मरण नाणाता ॥

चू- भत्ते पाने वा परिवेसाठविते सप्पादिणा जिंघमाणेण लाला विससम्मिस्सा मुक्का हवेज्जा, तथा विसेण वा फुसितं हवेज्जा । उंदराणि वा संवासगताणि तत्थ पडेज्जा । जिंघमाणेण लाला विससम्मिस्सा मुक्का हवेज्जा, तथा विसेण वा फुसितं हवेज्जा । उंदराणि वा संवासगताणि तत्थ पडेज्जा । तेहिं वा संवासगतेहि बीयं निसड्डं, तं पडेज्जा । घरकोइलो वा मुतेज्जा । गिलकोकिल-अवयवसम्मिस्सेण भुत्तेण पोट्टे किल गिहकोइला सम्मुच्छंति । मुइंगादी वा पडेज्जा । एत्थ मुइंगासु मेहा परिहायति । मेहापरिहानीए नाणविराहणा । सेसेसु आयविराहणा । परियावणादि जाव चरिमं पावति ॥ बितियपदे आगाढकारणे निक्खवंतो अदोसो । त च इमं-

[भा.३४७६] बितियपदं गेलण्णे, अद्धाणोमे य उत्तिमद्वे य ।

एतेहिं कारणेहिं, जयणाए निक्खवे भिक्खू ॥

चू- गिलाणस्स पतिदिणं अलब्धंते, अद्धाण पवण्णाणं असंथरणे, दुब्धिक्खे य असंथरंते, उत्तिमद्वपडिवण्णस्स असमाहाणे तक्खणमलंभे एमादिकारणेहिं जयणाते परिवासेज्जा ॥ ३

इमा जयणा-

[भा.३४७७] सबेंटऽप्पमुहे वा, दद्वर मयणादि अपरिभुंजंते ।

उंदरभए सरावं, कंटियउवरिं अहे भूती ॥

चू- लाउए सवेंटे छुब्धति, अप्पमुहे वा कुडमुहादिसु, तत्थ छोदुं चम्मेण घनेन वा चीरेन

दद्रेति, ददरासि सरावादिपिधणं दातुंसंधिं मयणेण लिंपति, छगणेण, मट्टियाए वा, ततो अब्वाबाहे एगंते ठवेति, जत्थ उंदरभयं तत्थ सिक्कए काउं बेहासे ठवेति, जइ रज्जूए उंदरा अवतरंति तत्थंतरा सरावं ठवेति, कंटकाओ वा कहमे उद्धमुहा करंति, भायणस्स वा मुहे कंटिका करंति, एसा उवरि रक्खा । भूमिठियस्स वा अहो भूती करेति, परिगलणभया वेहासठियस्स अहो भूती करिज्जति ॥ जत्थ पिवीलिगभयं, मूसगा य नत्थि, रज्जूए वा मूसगेहिं छिंदणभयं, तत्थिमा आलयण-विधी-

[भा. ३४७८] ईसिं भूमिमपत्तं, आसनं वा वि छिन्नरक्खड्ड ।

पडिलेह उभयकालं, अगीय अतरंत अन्नत्थ ॥

चू- भूमीए ईसिं अपत्तं रज्जूए ओसारंति, आसणं वा हेड्ड अणफिंडंतं ठवेति । किमेवं ठविज्जति ? जदि मूसगेण रज्जू छिज्जति तो सपाणभोयणं भायणंपडितं पि न भिज्जति, रक्खियं भवति, पुब्बावरासु य संज्ञासु पडिलेहणपमज्जणा करंति, । अगीतगिलाणा जत्थ वसतीए संति न तत्थ ठवेति । ते व अगीयगिलाणा अन्नत्थ ठवेति ॥

मू. (७३३) जे भिक्खू परिवासियस्स असनस्स वा पानस्स वा खाइमस्स वा साइमस्स वा तयप्पमाणं वा भूइप्पमाणं वा बिंदुप्पमाणं वा आहारं आहारेइ, आहारंतं वा सातिज्जति ॥

मू. (७३४) जे भिक्खू मंसाइयं वा मच्छाइयं वा मंसखलं वा मच्छखलं वा आहेणं वा पहेणं वा सम्मेलं वा हिंगोलं वा अन्नयरं वा तहप्पगारं विरूवरूवं हीरमाणं पेहाए ताए आसाए ताए पिवासाए तं रयणिं अन्नत्थ उवातिणावेति, उवातिणावेतं वा सातिज्जति ॥

चू- जम्मि पगरणे मंसं आदीए दिज्जति पच्छा ओदनादि, तं मंसादि भण्णति । मंसाण वा गच्छंता आदादेव पारणे करंति तं वा मंसादि । आनिएसु वा मसेसु आदावेव जणवयस्स मंसपगरणं करंति पच्छा सयं परिभुंजंति तं वा मंसादी भण्णति । एवं मच्छादियं पि वत्तव्वं । मंसखलं जत्थ मंसाणि सोसिज्जति, एवं मच्छखलं पि । जमन्नगिहातो आनिज्जति तं साहेणं, जमन्नगिहं निज्जति तं पहेणगं । अहवा - जं बहूगिहातो वरगिहं निज्जति तं आहेणं, जं वरगिहातो वहूघरं निज्जति तं पहेणगं । अहवा - वरवहूणं जं आभव्वं परोप्परं निज्जति तं सव्वं आहेणकं, जमन्नतो निज्जति तं पहेणगं । सव्वाण मंसादियाणं जं हिज्जति-निज्जति त्ति तं हिंगोलं, हुज्जति वा तं हिंगोलं ।

अहवा - जं मतभत्तं करडुगादियं तं हिंगोलं । वीवाहभत्तं सम्मेलो । अहवा - सम्मेलो गोट्टी तिए भत्तं सम्मेलं भण्णति । अहवा - कम्मरंभेसु ण्हासिता जे ते सम्मेलो । तेसिं जं भत्तं तं सम्मेलं । गिहातो उज्जाणादिसु ण्हासिता जे ते सम्मेलो । तेसिं जं भत्तं तं सम्मेलं । गिहातो उज्जाणादिसु हीरंतं - नीयमानमित्थर्यः, प्रेहा पेक्ष्य, तं लप्स्यामीत्याशा । अहवा - ओदनादि अशितुमिच्छा तदासा, द्राक्षापानकादि पातुमिच्छा पिपासा । अहवा - ताए प्रदेशाए - प्रतिश्रयादित्थर्यः, जो ति साहू जम्मि दिने पगरणं भविस्सति तस्स आरतो जा रयणी तं जो अन्नत्थ प्रतिश्रये उवातिणावेति - नयतीत्यर्थः । अन्नं वा नयंतं सादिज्जति, तस्स चउगुरुं आणादिणो य दोसा, आयसंजमविरा-धना । उक्तः सूत्रार्थः । इदानिं निज्जुत्ती । सा प्रायशो गतार्थेव ।

[भा. ३४७९] मंसाइ पगरणा खलु, जत्तियमेत्ता उ आहिया सुत्ते ।

सेज्जायरेतराण व, जे तत्थासागते भिक्खू ॥

चू- तं पगरणं सेज्जातरस्स, इतरस्स वा असेज्जातरस्स, जे भिक्खू तत्थ भत्ते आसा तत्थासा, तत्था साते अन्नं वसहिं आगते आणादयो दोसा भवंति ॥

[भा.३४८०] तं रयणि अन्नत्था, उवातिणा एतरेसु वा तत्थं ।  
सो आणा अनवत्थं मिच्छत्त-विराधनं पावे ॥

चू- सेज्जायरभत्तो सेज्जायरपिंडो अकप्पिउ त्ति काउं अन्नवसहिं गच्छंति, इयरेसु तत्थ गंतुं वसंति परि जयइ ॥

[भा.३४८१] मंसाण व मच्छाण व, गच्छंता पारियम्मि वयगादी ।  
आनेंति संखडिं पुण, खलगा जहियं तु सोसंति ॥

चू- गच्छमाणा संखडिं करेति, कत्तियमासादि अमंसभक्खणवत्ते गहिते तम्मि पुण्णे मंसादिपगरणं काउं धिज्जातियाण दाउं पच्छा सयं पारेति । अहवा - मंसादिभक्खणविरित्त्वयं घेतुं तस्स रक्खणइ आदिए संखडिं करेति, आनिए वा मंगे संखडिं करेति । खलगं जत्थ मंसं सोसंति ॥

[भा.३४८२] आहेणं दारगइत्तगाण वधुइत्तगाण व पहेणं ।  
वरइत्तादि वहेणं, पहेणं नेति अन्नत्थ ॥

[भा.३४८३] सम्मेलो घडा भोज्जं, जं वा अत्थारगाण पकरंति ।  
हिंगोलं जं हिज्जति, सिवढोढसिवाइ करडं वा ॥

[भा.३४८४] हीरंतं निज्जंतं, कीरंतं वा वि दिस्स तु तयासा ।  
अन्नत्थ वसति गंतुं, उवस्सतो होति तवएसो ॥

[भा.३४८५] सेज्जायरस्स पिंडो, मा होहिति तेन अन्नहिं वसति ।  
इतरेसु परिजयइ अनागयं वसति गंतुणं ॥

चू- तत्थ गच्छमाणास्स अंतरा छक्कायवरिहणा कटट्टिविसमादिएहि वा आयविराधना ।  
- इमे य दोसा तत्थ-

[भा.३४८६] दुन्निय दोन्नि विट्ठ, मत्तुम्मत्ता य तत्थ इत्थीओ ।  
दट्ठं भुत्ताभुत्ते, कोउयसरणेहि गमणादी ॥

चू- उप्पाउयं दुन्नियत्थं वा दुन्नीतं अवाउडा, दुन्निविट्ठ विब्भला, निब्भरा मत्ता, मदक्खए ईसिं सवेयणा सविकरेचेट्ठकारी उम्मत्ता, भुत्तभोगिणो तातो दट्ठं सत्तिकरणं, इयरण कोउयं, ततो पडिगमणादि करेज्ज । जम्हा एते दोसा तम्हा तत्थ न गंतव्वं ॥ बित्थियपदेन वा गच्छेज्जा-

[भा.३४८७] असिवे ओमोयरिए, रायदुडे भए व गेलण्णे ।  
अद्धाण रोहए वा, अप्परिनामेसु जयणाए ॥

चू- असिवादी सत्तसु कारणेसु जति गीयत्था ततो पणगपरिहाणीए वसहिठिती चेव गिण्हंति ॥  
- जतो भण्णति

[भा.३४८८] परिनामतेसु अच्छति, आउलछम्मेण जाइ इतरेसु ।  
जे दोसा पुव्वत्ता, सा इतरे कारणे जयणा ॥

चू- अगिया विजति परिनामगा तो अच्छंति । अह अगीता अपरिणामिया तो सेज्जायरसंखडीते

आयरिओ भणति - एत्थ कल्लं जणाउलं भविस्सति, इतो निग्गच्छामो अन्नवसहीए ठामो, असेज्जायरसंखडीए पुण संवासभद्दया भविस्संति त्ति काउं अन्नवसहीए वि वसेज्जा ॥

मू. (७३५) जे भिक्खू निवेयणापिंडं भुंजइ, भुंजंतं वा सातिज्जति ॥

चू- उवाइयं अनोवाइयं वा जं पुण्णभद्द माणिभद्द सव्वाणजक्ख महुंडिमादियाण निवेदिज्जति सो निवेयणापिंडो । सो य दुविहो - साहुनिस्साकडो अनिस्साकडो य । निस्साकडं गेण्हंतस्स चउगुरुं, अनिस्साकडे मासलहुं आणादिया य दोसा ।

[भा. ३४८९] सव्वाणमाइयाणं, दुविहो पिंडो निवेयणाए उ ।

निस्साएऽनिस्साए निस्साए आणमादीणि ॥

चू- सव्वाणादिया जे अरहंतपक्खिया देवता ताण जो पिंडो निवेदिज्जति सो दुविधो - निस्समनिस्सा कडी य । निस्साकडं पिंडं गेण्हंतस्स आणादिया ॥

इमेण विहिणा णिस्साकडं करेति-

[भा. ३४९०] चरुगं करेमि इहरा, समणा नेच्छंतुं वक्खडं भोत्तुं ।

सद्धाकतं ठवेति व, निस्सापिंडम्मि सुत्तं तु ॥

चू- दाणरुई सद्धो वा निवेयणचरुववदेसं कातुं साधूण देति, आधाकम्भं ठवितं । अहवा - “जाव साहू साहू अच्छंति ताव उवातियं देमो, सुहं साहू गिण्हंति”, एत्थ ओसक्कण-मीसजायठवियदोसा । जया वा साहू आगमिस्संति तदा दाहेमो, एत्थ ओसक्कण-मीसजात-ठवियदोसा । सद्धाकडं साहुणिस्साए वा ठवेति, एत्थ ठवियगदोसो । केवलो एस णिस्साकडो । एत्थ सुत्तणिवातो । इमो अनिस्साकडो साहू होउ वा मा वा देवताते पुव्वपवत्तं ठवेति । सो य ठवितो साहू य पत्ता, एसो कप्पति ॥ निस्सकडो वि कप्पति- इमेहिं कारणेहिं-

[भा. ३४९१] असिवे ओमोयरिए, रायदुड्ढे भए व गेलण्णे ।

अद्धाण रोहए वा, जयणागहणं तु गीयत्थे ॥

चू- पनगपरिहाणिजयणाते गेण्हंति, जहा वा अगीतअपरिनामगा न याणंति तथा गीयत्था गेण्हंति ॥

मू. (७३६) जे भिक्खू अहाछंदं पसंसति, पसंसंतं वा सातिज्जति ॥

मू. (७३७) जे भिक्खू अहाछंदं वंदति, वंदंतं वा सातिज्जति ॥

चू- “अहाछंदे” ति- जकारव्यंजनलोपे कृते स्वरे व्यवस्थिते भवति अहाछंदः, छंदोऽभिप्रायः, यथा स्वाभिप्रेतं तथा प्रजापयन् अहाछंदो भवति, तं जो पसंसति वंदति वा तस्स चउगुरुं आणादिया य दोसा । केरिसा पुण अहाछदपडिवत्तीतो-

[भा. ३४९२] उस्सुत्तमणुवइड्डं, सच्छंदविगप्पियं अननुवादी ।

परतत्ति-पवत्ते तित्तिणे य इणमो अहाछंदो ॥

चू- उस्सुत्तं नाम सुत्तादवेतं, अनुवदिड्डं नाम जं नो आयरियपरंपरागतं, मुक्तव्याकरणवत् । सीसो पुच्छति - किमन्नं सो परूवेति ? आचार्याह - “सच्छंदविगप्पियं”, स्वेन छंदेन विकल्पितं स्वच्छन्दविकल्पितं, तं च “अननुपाती” न क्वचित् सूत्रे अर्थे उभए वा अनुपाती भवति, ईदृशं प्ररूपयन्ति । किं च परो गृहस्थस्तस्य कृताकृतव्यापारवाहकः, परपवादभाषी वा, स्त्रीकथादिवृत्तो

वा, परतसिवृत्ति । तित्तिणो - दव्वे भावे य । दव्वे तुंबुरुगादि कट्टं अगनिपक्खितं तिनितिनिति । भावे तित्तिणो आहारोवहिसेज्जाओ इड्डतो अलभमाणो सोयति - जूरति तिप्पति । एवं दिवसं पि तिनितिनितो अच्छति अद्धित्ति । इमा अहाच्छंदे प्रतिप्तयः ॥ सो य अहाच्छंदे तिहा उस्सुत्तं दंसेति - परूवण-चरण-गतीसुं । तत्थ परूवणे इमं-

[भा.३४९३] पडिलेहण-मुहपोत्ती, रयहरण-निसिज्ज-पातमत्तए पट्टे ।

पडलाइ चोल उण्णादसिया पडिलेहणा पोत्ते ॥

चू- पादपडिलेहणिमुहपोत्तियाणं एगंतरं भवतु, जतो स्वकायपमज्जणा भायणपमज्जणा य एयाए चेव कज्जति, न विरोहो अप्पोवगरणया य भवति, तम्हा स्ववे व पडिलेहणिगा सव्वे व मुहपोत्तिया कज्जतु । रयहरणपट्टोचेव बाहिरणिसेज्जाकज्जं करेति । किं निसेज्जागहणं कज्जति ? एक्कं चे पादं पडिग्गहं भवतु । किं मत्तयगहणं कज्जति ? पडिग्गहेणं चिय मत्तयकज्ज कज्जति, भणियं-तरुणो एगं पादं गेणहेज्जा । “पट्टे”त्ति उत्तरपट्टो, सो रातो अत्थुरणं कज्जति, भिक्खाग्गहकाले तं चेव पडलं कज्जति । अहवा - रात उत्तरपट्टे, दिवा सो चेव चोलपट्टो कज्जति । किं कक्खडफासाहिं उन्नदसियाहिं ? खोमिया चेव मिउफासा भवतु । जति जीवदयत्थं पडिलेहणा कज्जति तो एगवत्थस्स उवरिं सव्वपडिलेहणा कज्जउ । तं वत्थं बाहिं शीतले पदेसे पडिलेहेज्जतु । एवं जीवदया भवति ॥

[भा.३४९४] दंतच्छिन्नमलित्तं, हरियट्ठि पमज्जणा य नित्तस्स ।

अनुवादि अननुवादी, परूवणा चरण-गतीसुं च ॥

चू- दंतेहिं नहा छेत्तव्वा, नेहहरणं न घेत्तव्वं, अधिकरणसंभवात् । पादं अलित्तं धरेयव्वं, लेवग्गहणे बहू आयसंजमविराहणा भवति । हरितोवरि ठित्तं डगलादि घेत्तव्वं, ते जीवा भाराक्कांता आसासिया भवंति, अन्नहा अदयालुत्तं भवति । जहा णित्तो जीवदयत्थं पमज्जति जाव छन्न तथा परतो पि पमज्जतु, जीवदयत्थेन न दोसो । एत्थ किं चि अनुवादि जहा पडिलेहनिमुहपोत्ती । अहवा - पडिलेहणा पोत्ते । किं च अननुवादी, जहा - “पट्टे पडलादि चोले”त्ति, छप्पतियउंदरसंभवात् । अहवा - सव्वे पदा अगीतस्सऽनुवादी य प्रतिभासन्ति, गीतार्थस्य अननुपाति, अनभिहितत्वात् - सदोषत्वाच्च । एषा परूवणा भणिता । इदानिं चरण-गतीसुं भण्णति ॥

तत्थ चरणे-

[भा.३४९५] सागारियादिपलियं कनिसेज्जासेवणा य गिहिमत्ते ।

निग्गंथिचिट्ठणादी, पडिसेहो मासकप्पस्स ॥

[भा.३४९६] सेज्जातर-रातपिंडे, उग्गमसुद्धाइ को भवे दोसो ।

पडिवत्ति दुविहधम्मं, सेज्जं नवए य पलियंके ॥

[भा.३४९७] अनुड्डाहो गिहिमत्ते, निग्गंथीचिट्ठणे च सव्वत्थ ।

दोसविमुक्को अच्छे, मासहियं ऊण चरणेवं ॥

चू- सेज्जातरपिंडो उग्गमादिसुद्धो भोत्तव्वो, आदिग्गहणातो रायपिंडो, न तत्र दोषः । नवे पलियंके मंक्कुणाइ जीवविरहिते सोयव्वं, न दोसा । गिहिनिसिज्जाए को दोसो ? अवि य साहू तत्थ निसण्णो धम्मं कहेज्जा, ते य दुविहं धम्मं - गिहिधम्मं साधुधम्मं च, एवं बहुतमो गुणो गिहिनिसेज्जाते । गिहिमत्तसेवणे को दोसो ? अवि य उड्डाहपच्छादणं कतं भवति । निग्गंथीणं उवस्सए दोसविमुको

कुसलचित्तो चिद्विणादिपदे किं न करेति ? अह तत्थ ठियस्स अकुसलचित्तसंभवो भवे, अन्नत्थ वि अकुसलचित्तस्स दोसो भवत्येव । जत्थ न दोसो तत्थ मासाहियं पि वसतु, जत्थ दोसो तत्थ ऊणे वि मासे गच्छउ, एवं मासकप्पेण न किं चि पयोयणं । एवं चरणे परूवणं करेति ॥

किं चान्यत्-

[भा. ३४९८] चारे वेरज्जे वा, पढमसमोसरण तह य नितिए य ।  
सुण्णे अकप्पिए वा, अणाउंछे य संभोए ॥

चू- चरणं चारः । विगतारायं वेरज्जं, जं भणियं “नो कप्पइ निग्गंथाणं वेरेज्जविरुद्धरज्जंसि सज्जं गमणं सज्जं आगमणं” तदयुक्तं । कम्हा ? जम्हा परीसहोवसग्गा सोढव्वा । अवि य पव्वयंतेन चेव अप्पा परिचतो । पढमसमोसरणम्मि उग्गमादिसुद्धं वत्थपत्तं किं न घेप्पति ? को दोसो निम्ममस्स ? नितियावासे को दोसो ? अवि विहरंताणं सीउण्हपरीसहाइया य दोसा । निपच्चवाते सुण्णा वसही किं न कज्जति ? को दोसो ? अकप्पिएण उग्गमादिसुद्धं अणियं पिंडवत्थादि, किं न भुंजति ? अत्रायउंछं अडंतस्स पिवास-खुह-परिस्समा बहुतरा दोसा, तम्हा ससह्वादिसु कुलेसु चेव उग्गमादिसुद्धं गेत्तव्वं । अन्नसंभोइओ पंचमहव्वय-अट्टारससीलंगसहंस्सधारी तिगुत्तो पंचसमितो य, तेन सद्धिं किं न भुंजति ? न य अन्नकिरिय अन्नसस संकामति । एवं चरणे उस्सुत्तं परूवेइ करेति य ॥ इदानिं गतिदिद्धंतमाह-

[भा. ३४९९] खेत्तं गतो य अडविं, एक्को एक्को संचिक्खए तहि चेव ।  
तित्थकरो ति य पियरो, खेत्तं तू भावओ सिद्धी ॥

चू- इमं अहाछंदो दिद्धंतो परिकप्पेति । तं जहा - एगो कुटुंबी तस्स चउरो पुत्ता । तेन सव्वो संदिद्ध - “गच्छह खेत्ते, किसिवावारं करेह” । तत्थेगो जहुत्तं खेत्तं कम्मं करेइ । बीओ गामा निग्गंतुं अडवीए उज्जाणादिसु सीयलच्छायाडित्तो अच्छति । तत्तिओ गिहा निग्गंतुं गामे चेव देवकुलादिसुप जूयादिपत्तो चिद्धति । चउत्थो गिहे चेव किंचि वावारं करंतो चिद्धति । अन्नया तेसिं पिया मतो । तान जं पिइसंतियं किंचि दव्वं छेत्ते वा उप्पन्नं तं सव्वं समभागेण भवति ।

इदानिं दिद्धंतोवसंहारो । पच्छद्धं-कुडुंबिसमा तित्थगरा, भावतो खेत्तं सिद्धी । पढमपुत्तसमा मासकप्पविहारी उज्जमंता, बितियपुत्तसमा नितियवासी । ततियपुत्तसमा पासत्था, चउत्थपुत्तसमा सावगधम्मठिता गिहिणो । तित्थकरपितिसंतियं दव्वं नाणदंसणचरित्ता । जं च तुब्भे खेत्तं पडुच्च दुक्करं किरियकलावं करेह तं सव्वं अम्ह नितियादिभावड्डियाणं सुहेण चेव सामण्णं ॥

कहं पुण अहाछंदं पसंसति ? उच्चत्ते-

[भा. ३५००] वेरग्गितो विवित्तो य, भासए य सहेउयं ।  
सासणे भत्तिमं वादी, एवमाई पसंसणा ॥

चू- विरागो अग्गं जस्स स वेरग्गितो, विगतरागो वा वेरग्गितो । उज्जमंतो मूलुत्तरगुणेषु विसुद्धो विवित्तो । “उस्सुत्तं पन्नवंतो वि एस जुज्जमाणं सहेउयं भासकि, जिनसासने जिनाणं जिनसासणपवव्राण य सव्वेसिं एस भत्तिमंतो वन्नवादी य” ॥

[भा. ३५०१] एवं तु अहाछंदे, जे भिक्खू पसंसए अहव वंदे ।  
सो आणा अणवत्थं, मिच्छत्त-विराधनं पावे ॥



चू- कंठा । जं सो समायरति तं सव्वं अनुन्नायं भवति । अहाछंदसेहाण य अहाछंदभावे थिरीकरणं कयं अवति, सेहो वा तत्थ गच्छति ॥ कारणे पुण पसंसति वंदति वा-

[भा.३५०२] बितियपदमणप्पज्जे, पसंस अविकोविते व अप्पज्जे ।

जाणंते वा वि पुणो, भयसा तव्वादि गच्छट्ट ॥

चू- अहाछंदो कोइ राइस्सिओ, तब्भया तं पसंसति वंदति वा । “तव्वादि”त्ति कश्चिदेवं वादी प्रमाणं कुर्यात् - “अहाछंदो न वंधो, नापि प्रशस्य” इति प्रतिज्ञा । कस्माद्धेतोः ? उच्यते - कर्मबन्धकारणत्वात् । को धट्टान्तः ? अविरतमिथ्यात्ववंदनप्रशंसनवत् । ईधशप्रमाणस्य दूषणे नदोषमावहति परशंसवंदनं परूवणं कुर्वन् । “गच्छट्ट”त्ति कोइ अहाछंदो ओमाइसु गच्छरक्खणं करेति, तं वंदति पसंसति वा न दोसो ॥

मू. (७३८) जे भिक्खू नायगं वा अनायगं वा उवासगं वा अनुवासगं वा अनलं वा पव्वावेइ, पव्वावेतं वा सातिज्जति ॥

चू- नायगो स्वजनः, अनायगो अस्वजनः । अहवा - नातगो प्रज्ञायमानः, अनायगो अप्रज्ञायमानः । न अलं अनलं अपर्याप्तः - अयोग्य इत्यर्थः, पव्वावेतस्स चउगुरु आमदिया य दोसा । इमा निज्जुत्ती न सुत्तक्कमेण अनानुपुव्वीए वक्खणोति-

[भा.३५०३] साधुं उवासमाणो, उवासतो सो वती व अवती वा ।

सो पुण नायग इतरो, एवऽनुवासे वि दो भंगा ॥

चू- उवासगो दुविहो - वती अवती वा ? जो अवती सो परदंसण-संपणो । एक्केको पुणो दुविहो - नायगो अनायगो वा । अनुवासगो पि नायगमनायगो य । एते चेव दो विकप्पा ॥

अनलमित्यपर्याप्तः । चोदकाह - “ननु अलंशब्दः त्रिष्वर्थेषु षट्, तद्यथा - पर्याप्ति भूषणे वारणे च । आचार्याह-

[भा.३५०४] कामं खलु अलसद्दो, ति विहो पज्जए तहिं पगतं ।

अनलो अपच्चलो त्ति य, होति अजोगो य एगट्ट ॥

चू- यद्यपि त्रिष्वर्थेषु षट् तथापि अर्थवशादत्र पर्याप्ति षट्त्वः । न अलो अनलः, अयोग्यश्च एकार्था ॥ ते य पव्वज्जाए अजोग्गा-

[भा.३५०५] अट्टरसपुरिसेसुं, वीसं इत्थीसु दस नपुंसेसु ।

पव्वावणा अनरिहा, इति अनला इत्थिया भणिया ॥

चू- सव्वे अडयालीसं । जे ते अट्टरसपुरिसेसुं ते इमे-

[भा.३५०६] बाले वुट्ठे नपुंसे य, जड्ठे कीवे व वाहिए ।

तेने रायावकारी य, उम्मत्ते य अदंसणे ॥

[भा.३५०७] दासे दुट्ठे य मूढे य, अनत्ते जुंगिए इ य ।

उबद्धए य भयए, सेहनिप्फेडियाइ य ॥

चू- जो पुरिसनपुंसगो सो पडिसेवति पडिसेवावेति । जा ता वीसं इत्थीसु ता इमा - बाला वुट्ठी जाव सेहनिप्फेडिया, एते अट्टारस । इमाओ य दो-

[भा.३५०८] गुव्विणि बालवच्छा य, पव्वावेउं न कप्पती ।

एएसिं तु परूवणा, कायव्वा दुपयसंजुत्ता ॥

चू- नपुंसगदारे विसेसो - इत्थीनपुंसिया इत्थिवेदो वि से नपुंसकवेदमपि वेदेति । “एएसिं” गाहापच्छुद्धं । “दुपदसंजुत”ति अस्य व्याख्या-

[भा. ३५०९] कारणमकारणे वा, कारण जयणेतरा पुणो दुविहा ।  
एस परूवण दुविहा, पगयं दप्पेणिमं सुतं ॥

चू- कारणे निक्कारणे वा पव्वावेति । कारणे जयणाते अजयणाए वा । जो दप्पेण पव्वावेति तस्स चउगुरुगं आणादिया य दोसा ॥ “बाले” ति दारस्स इमा वक्खा-

[भा. ३५१०] तिविहो य होति बालो, उक्कोसो मज्झिमो जहन्नो य ।  
एतेसिं पत्तेयं, तिण्हं पि परूवणं वोच्छं ॥

चू- तिविहबालस्स पत्तेयं इमं वक्खाणं-

[भा. ३५११] सुत्तद्दगमुक्कोसो, छप्पनमज्झो तु जाव तु जहन्नो ।  
एवं वयनिप्फणं, भावो वि वयानुवत्ती वा ॥

चू- जम्पणतो सत्तडडवरिसो जो सो उक्कोसो बालो, छ-पंचवरिसो मज्झिमो, एगादि जा चउवरिसो एस जहन्नो । एवं बालतं वतनिप्फणं, प्रायसो भावो वयाणुवत्ती भवति, वा सद्दो वयानुवत्ति ति । कंहं ? जहा बालो स-बालभावो - कारग गाहा - अहवा - वा सद्दो नवभेदो - जहन्नजहन्नो, जहन्नुमज्झो, जहन्नुक्कोसो । एव मज्झिमुवकोसेसु तिन्नि तिन्नि भेदा वत्तव्वा ॥ इमं तिविहबालकरणं लक्खणं च-

[भा. ३५१२] उक्कोसो दडूणं, मज्झिमओ ठाति वारितो संतो ।  
जो पुण जहन्नबालो, हत्थे गहितो वि न वि ठाति ॥

चू- जं पुण ते वारिता करेति तं केरिसं ?

[भा. ३५१३] छिंदंतमछिंदता, तिन्न वि हरिताति वारिता संता ।  
उक्कोसो जति छिंदति, तानि पुणो ठाति तो दिट्ठे ॥

चू- आदिसद्दातो पुढवादि सु आलिंपण-सिंचण-तावण-बीयण-संघट्टणादि दडुव्वा । उक्कोसो जति तेसु छेदणादिसु पयड्ढति तो गुरुणा अन्नेन वा दिट्ठमेत्तो चेव अवारितो ठायति । मज्झिमो पुन यदा वारितो तदा ठायति । जहन्नबालो जदा हत्थे घेत्तुं धरित्तो तदा ठायति, तिविहं वामहत्थेण छिंदति पादेण वा ॥

इदानिं ते केरिसं बाला मेरं धरेति ? तिविहं बाललक्खणं च भण्णति-

[भा. ३५१४] मंडलगम्मि वि धरितो, एवं वा दिट्ठ चिड्ढति तहेव ।  
मज्झिमओ मा छिंदसु, ठाड्ढति ठाणं नहिं चेड्ढे ॥

चू- मंडलमालिहंति, “मेरं अलंधित्ता एत्थ चिड्ढह” ति भणिता ठिया निसण्णा निवण्णा वा, हरितादि वा अछिंदता उक्कोसो जहेव भित्तो तहेव ठित्तो । मज्झिमो वि हरितादि छिंदंतो जदा वारितो तदा चिड्ढति, मंडले वि निरुद्धो मेरं लंधेत्तुं पासे चिड्ढति ॥ इमो जहन्नो-

[भा. ३५१५] दाहिणकरम्मि गहितो, वामकरणं स छिंदति तणाणि ।  
न य ठाति तहिं ठाणे, अह रुज्झति विस्सरं रुवति ॥

चू- हरितादिसु पुव्वुद्धं गतार्थम् । जहन्नबालो मंडलेणं निरुद्धो न तम्मि मंडलदृणे चिड्ढति,

पाएण वा मंडलं भंजेति । अहं बालो रुञ्जति मंडले तो चडफडंतो विस्सरं रुवति ॥

एसेवत्थो इमाए गाहाए भण्णति-

[भा.३५१६] जह भणितो तह चिड्डइ, पढमो बितिएण फेडियं ठाणं ।

ततितो न ठाति ठाणे, एस विही होति तिण्हं वि ॥

घू- कंठा । एस तिण्हं पि बालाणं लक्खणे सरूवे वि परूवणाविही वक्खाओ ॥ एय तिविहं बालं जो पव्वावेति तस्स सिक्खावेंतस्स असिक्खावित्तस्स वा इमं पच्छित्तं-

[भा.३५१७] एगूणतीस वीसा, एगुणवीसा य तिविहबालम्मि ।

पढमे तवो बितिए मीसो, ततिए छेदो व मूलं वा ॥

घू- उक्कोसे बाले अउणत्तीसा, मज्झिमे वीसा, जहन्ने एगूणवीसा । “पढमे”त्ति उक्कोसे जदा सव्वे तवट्टणगता तथा तेसु चेव ठाणेसु छेदो पयट्ठेति । “बितिए”त्ति मज्झिमे तवछेदो जुगवं गच्छंति, एयं मीसं भण्णति । “ततिए”त्ति जहन्नेण [तवो] छेदो चेव केवलो भवति, पव्वावेंतस्स वा मूलं चेव ॥ उक्कोसबालस्स अउणत्तीस” ति जं वुत्तं तस्सिमा चारणविही-

[भा.३५१८] एगूणतीस दिवसे, सिक्खावेंतस्स मासियं लहुयं ।

उक्कोसगम्मि बाले, ते चेव असिक्खणे गुरुगा ॥

[भा.३५१९] अन्ने वि अउणत्तीसं, गुरुगा सिक्खमसिक्खे य चउलहुगा ।

पुनरवि अउणत्तीसं, लहुगा सिक्खेत्तरे गुरुगो ॥

[भा.३५२०] अन्ने वि अउणत्तीसं, गुरुगा सिक्खे असिक्ख छल्लहुगा ।

छल्लहुगा सिक्खम्मी, असिक्खगुरुगा अउणत्तीसं ॥

[भा.३५२१] एमेव य छेदादी, लहुगा गुरुगा य होति मासादी ।

सिक्खावेतमसिक्खे, मूलेक्कदुगं तहेक्केक्कं ॥

घू- एतेसिं चउण्ह गाहाणं इमा सवित्थरा वक्खाणभावणा- उक्कोसगबालं पव्वावेत्ता सिक्खावेंतस्स एगूणत्तीसं दिवसा मासलहू, असिक्खावेंतस्स मासगुरु । अन्ने एगूणत्तीसं दिवसे सिक्खावेंतस्स मासगुरु असिक्खावेंतस्स चउलहु । अन्ने य एगूणत्तीसं दिवसेसिक्खावेंतस्स चउलहु असिक्खावेंतस्स चउगुरु ।

अन्ने एगूणत्तीसं दिवसे सिक्खावेंतस्स चउगुरु असिक्खावेंतस्स छल्लहु । अन्ने एगूणत्तीसं दिवसे सिक्खावेंतस्स छल्लहु असिक्खावेंतस्स छग्गुरु । अन्ने एगूणत्तीसं दिवसे सिक्खावेंतस्स छग्गुरु असिक्खावेंतस्स मासलहुछेदो । अन्ने एगूणत्तीसं दिवसे सिक्खावेंतस्स मासलहुछेदो असिक्खावेंतस्स मासगुरुछेदो । अन्ने एगूणत्तीसं दिवसेसिक्खावेंतस्स मासगुरुछेदो असिक्खावेंतस्स चउलहुछेदो । अन्ने एगूणत्तीसं सिक्खावेंतस्स चउगुरुछेदो असिक्खावेंतस्स छल्लहुछेदो । अन्ने एगूणत्तीसं दिवसे सिक्खावेंतस्स चउलहुछेदो असिक्खावेंतस्स छग्गुरुछेदो । अन्ने एगूणत्तीसं दिवसेसिक्खावेंतस्स छग्गुरुछेदो असिक्खावेंतस्स एगदिण मूलं । ततो सिक्खावेंतस्स एगदिणमूलं असिक्खावेंतस्स एगदिणं अणवट्ठं । ततो सिक्खावेंतस्स एगदिणं अणवट्ठं असिक्खावेंतस्स पारंची । ततो सिक्खावेंतस्स पारंची ॥

[भा.३५२२] अहवा एसेव गमो, दिनेहि सिक्खेतरवज्जितो होति ।

मासादि तवच्छेदा, मूलादि ए दिनेक्केक्कं ॥

[भा. ३५२३] अहवा एसेव तवो, छेदो पणगादितो लहू गुरुगो ।

जा छम्मासे णेओ, तत्तो मूलं दुगे चव ॥

चू- अहवा - उक्कोसेण बालस्स तवो मासादी चव । छेदो पुण लहगुरुगो पणगादि ताव-  
नेयव्वो-जाव-छम्मासे सिक्खासिक्खेसु । मूलादिया एक्केक्कदिनं तथा । अधवा - उक्कोसं बालं  
पव्वावेतस्स अउणत्तीसं दिवसे मासलहुं तवो । अन्ने अउणत्तीसं दिवसे मासगुरुतवो । एवं  
अउणत्तीसं अछडुंतेहि चउलहुगा चउगुरु छल्लहु छगुरु तवा छेदा य नेयव्वा, मूलादि एक्केक्कं दिनं,  
एत्थं सिक्खासिक्खा न कायव्वा ॥

[भा. ३५२४] मज्झिमवीसं लहुगो, सिक्खमसिक्खस्स मासिओ छेदो ।

अन्ने वीसं सिक्खे, लहुओ छेदितरे मासगुरु ॥

[भा. ३५२५] अन्ने वीसं सिक्खे, मासगुरु तवो असिक्खे सो छेदो ।

पुणरवि सिक्खे छेदो, गुरुओ असिक्खम्मि चउलहुगा ॥

[भा. ३५२६] एवं अट्ठोक्कंती, नेयव्वं जाव छगुरु छेदो ।

तेन परं मूलेक्कं, दुगं च एक्केक्कयं जाण ॥

चू- एतेसिं दो (ति) ण्हं गाहाणं इमा भावणा - मज्झिमं पव्वावेतस्स वीसं दिवसे सिक्खावेतस्स  
मासलहु तवो, असिक्खावेतस्स मासलहु छेदो अन्ने वीसं दिवसे सिक्खावेतस्स मासलहु छेदो,  
असिक्खावेतस्स मासगुरु तवो । अन्ने वीसं दिवसे सिक्खावेतस्स मासगुरु छेदो असिक्खावेतस्स  
मासगुरु छेदो । अन्ने वीसं दिवसे सिक्खावेतस्स मासगुरु छेदो, असिक्खावेतस्स चउलहु तवो ।  
अन्ने वीसं दिवसे सिक्खावेतस्स चउलह तवो, असिक्खावेतस्स चउलहु छेदो । अन्ने वीसं दिवसे  
सिक्खावेतस्स चउलहु छेदो, असिक्खावेतस्स चउगुरु तवो । एवं अट्ठोवकंतीए तवछेदो नेयव्वो  
जाव छग्गुरुछेदो । ततो सिक्खातिक्वेसु मूलऽणवडुपारं चिया एक्केक्कदिनं नेयव्वा ॥

[भा. ३५२७] अहवा सिक्खासिक्खे, तवछेदा मासियादि जा लहुगा ।

एवं जा छम्मासा, मूलेक्कदुगं तहेक्केक्कं ॥

[भा. ३५२८] दो लहुया दो गुरुया, तवछेदा जाव हुंति छग्गुरुगा ।

तेन परं मूलेक्कं, दुगं च एक्केक्कयं जाणे ॥

चू- अहवा - मज्झिमे अन्ने वीसं दिवसे सिक्खावेतस्स मासलहु तवो, असिक्खावेतस्स  
मासलहु छेदो ॥ १ ॥ अन्ने वीसं दिवसे सिक्खावेतस्स मासलहुछेदो असिक्खावेतस्स मासगुरु  
तवो ॥ २ ॥ अन्ने वीसं दिवसे सिक्खावेतस्स मासगुरु तवो, असिक्खावेतस्स मासगुरु छेदो ॥  
३ ॥ अन्ने वीसं दिवसे सिक्खावेतस्स मासगुरुछेदो, असिक्खावेतस्स चउलहुतवो ॥ ४ ॥ अन्ने  
वीसं दिवसे सिक्खावेतस्स चउलहु तवो, असिक्खावेतस्स चउलहु छेदो ॥ ५ ॥ अन्ने वीसं  
दिवसे सिक्खावेतस्स चउलहु छेदो, असिक्खावेतस्स छल्लहु तवो ॥ ६ ॥ अन्ने वीसं दिवसे  
सिक्खावेतस्स छल्लहु तवो, असिक्खावेतस्स छल्लहु छेदो ॥ ७ ॥ अन्ने वीसं दिवसे सिक्खावेतस्स  
छग्गुरुतवो, असिक्खावेतस्स छग्गुरुतवो ॥ ८ ॥ अन्ने वीसं दिवसे सिक्खावेतस्स छग्गुरुतवो,  
असिक्खावेतस्स छग्गुरुछेदो । अन्ने वीसं दिवसे सिक्खावेतस्स छग्गुरु छेदो, असिक्खावेतस्स

एगदिनं मूलं । तओ सिक्खावेतस्स एगदिणं मूलं, असिक्खावेतस्स एगदिनं अणवट्ठे । ततो सिक्खावेतो एग दिणं अणवट्ठे, असिक्खावेतो पारंची । ततो सिक्खावेतो एगदिनं पारंची । इदानीं जहन्तो-

[भा.३५२९] एगुणवीसजहन्ने, सिक्खावेतस्स मासिओ छेदो ।  
सो छिय असिक्ख गुरुओ, एवऽट्ठोक्कंति जा चरिमं ॥

[भा.३५३०] अहवा पढमे छेदो, तद्विवसं चैव हवति मूलं वा ।  
एमेव होति बितिए, ततिए पुण होइ मूलं तु ॥

चू- जहन्नं पव्वावेतो एगुणवीसं दिवसे सिक्खावेतस्स मासलहुछेदो, असिक्खावेतस्स मासगुरुछेदो । अन्ने एगुणवीसं दिवसे सिक्खावेतस्स मासगुरुछेदो, असिक्खावेतस्स चउलहु-छेदो । एवं छेदो अट्ठोक्कंतीए नेयव्वो, मूलऽणवट्ठुपारंचीया एक्रेक्कदिनं नेयव्वा । अहवा-उक्कोसबालं पव्वावेतस्स छेदो भवति मूलं वा । एवं बितिए त्ति-मज्झिमे । जहन्ने पुण मूलमेव । चोदकाह-कहं छेदो मूलं वा ? आचार्याह-यदि चरणसंभवो ततः छेदो. चरणाभावे मूलं । जघन्धे पुनः चरणाभाव एव, न मूलं ॥ तिविधं बालं पव्वावेतस्स आणादिया, इमे दोसा उड्डाहादी-

[भा.३५३१] बंभस्स वतस्स फलं, अयगोले चैव होति छक्काया ।  
राईभत्ते चारग, अयसंतराए य पडिबंधो ॥

तं बालं दट्ठुं अतिसयवयणेण भणंति गिहिणो - “अहो । इमेसिं समनाणं इह भवे चैव बंभवयस्स फलं दीसति” । अहवा - एतेसिं चैव जणिउ त्ति सकाए चउगुरुं, निस्संकिते मूलं । अयगोलो विव अगनिपक्खितो सुधमंतो अगनिपरिणतो जत्तो जत्तो छिप्पइ तत्तो तत्तो डहति । एवं सो बालो अयगोलसमाणो मुक्को जत्तो हिंडति ततो छक्कायवहाय भवति । सो य राओ भत्तं पानं ओभासति । जति राओ देति तो रातिभोयणं विराधितं । अह न देति तो परियावणानिप्फणं । भणति य लोगो - इमस्स बालत्तणे चैव बंधनागारो उववण्णो । इमे य समणा चारगपालत्तणं करेति, जेण एवं बालं णिरुं भति । अयसो य अहो ! निरणुकंपा समणा बला य निरुंभते” । अंतरायं भवति, बालपडिवधेण य ते न विहरंति, जे नितियवासे दोसा ते वा भवंति ॥

किं चान्यत्-

[भा.३५३२] ऊणट्ठे नत्थि चरणं, पव्वावेतो वि भस्सते चरणा ।  
मूलावरोहिणी खलु, नारभति वाणति चेट्ठुं ॥

चू- ऊणट्ठुबरिसे बाले चरित्तं न विज्जति, जो वि य पव्वावेति सो नियमा चरित्ताउ भस्सति । अत्र प्रतिषेधद्वारेण धृष्टान्तः- जहा लाभत्थी वणिओ मूलं जेण तुट्ठति तारिसं पन्नं नो किणाति, जत्थ लाभं पेच्छति तं किणाति । एवं जेण चरित्तातो भस्सति तं न पव्वावेइ, जेन न भस्सति तं पव्वावेति ॥ बालं पव्वावेतस्स य जम्हा इमं तवोकम्मं भवति तम्हा न पव्वावेति ।

[भा.३५३३] उग्घायमनुग्घायं, नाऊणं छव्विहं तवोकम्मं ।  
तवगुणलक्खणमेयं, जिनचउदसपुव्विए दिक्खा ॥

चू- लहु उग्घायं, गुरु अनुग्घायं, एतेहिं दोहिं भेदेहिं छव्विह ॥

- कहं पुण छव्विहं तवोकम्मं भवति ? उच्यते-

[भा. ३५३४] उग्घायमनुग्घातो, मासो चउ छच्च छव्विह तवो उ ।

एमेव छव्विहो वी, छेघो सेसाण एक्केक्कं ॥

चू- मासो उग्घातो अनुग्घातो । एवं चउमासछम्मासादि उग्घाताणुग्घाता । एवं छव्विहं तवोकम्मं । छेदो वि एसो चेव छव्विहो । सेसा मूलादिया एक्केका भवन्ति । तप आत्मको गुणः, तप एव वा गुणः तपोगुण, तपोगुणस्य लक्षणं तपोलक्षणं । लक्षतेऽनेनेति लक्षणं । मासेनोपलक्षितः मासिकलक्षणः तपः । एवं चतुर्मासषण्मासेष्वपि । एतदेव षड्विधं तपोगुणलक्षणं बालप्रब्राजने भवति- न पंचकादिरित्यर्थः ॥ बितियपदेण बालो पव्वाविज्जति । “जिनचोद्दसपुव्विए दिक्ख”ति अस्य व्याख्या-

[भा. ३५३५] पव्वावेति जिना खलु, चोद्दसपुव्वी य जो य अइसेसी ।

एए अव्ववहारी, गच्छगए इच्छिमो नाउं ॥

चू- जिन चोद्दसपुव्वी अतिसेसी वा पव्वावेति । शिष्याह - अहं एते अव्ववहारी, जहा गच्छगतो पव्वावेति तहा मे अक्खह । के वा जिनादीहिं पव्वाविता ॥ अतो भण्णति-

[भा. ३५३६] सत्थाए अइमुत्तो, मणओ सेज्जंभवेण पुव्वविदा ।

पव्वाविओ य वइरो, छम्मासो सीहगिरिणा वि ॥

चू- “शास्ता” तीर्थकरः, तेन अतिमुत्तकुमारो पव्वावितो । चोद्दसपुव्वविदेण सिज्जंभवेण अत्तणो पुत्तो भण्णो पव्वावितो । अवितहनिमित्तअतिसयद्धितैन सीहगिरिणा वइरो पव्वावितो ॥ बालपव्वावणे इमं गच्छवासिकारणं-

[भा. ३५३७] उवसंते वि महाकुले, नातीवग्गे वि सण्णि सेज्जतरे ।

अज्जा कारणजाते, अनुनाता बालपव्वज्जा ॥

चू- “उवसंते वि महाकुले, नातीवग्गे” एतेसिं दोण्ह वि दाराणं इमं वक्खाणं-

[भा. ३५३८] विपुलकुले अत्थि बालो, नातीवग्गे व सेवगादिमते ।

जनवातरक्खतो सारवेति आसण्णबालाईं ॥

चू- किं पि विउलं विच्छिण्णकुलं “उवसंतं” पवज्जापरिणतं, नवरं - तत्थ बालपडिबंधो, “जइ अहं एतं बालं पव्वावेह तो सव्वे पव्वयामो” । ते वत्तव्वा - “निययसमीवे बालं ठवेह, तुब्भे पुण पव्वयह” । जति न ठवेति, नीया वा न इच्छंति तो सह बालेण सव्वे पव्वाविज्जति, बहुगुणतरं ति काउं, मा तप्पडिबंधेण सव्वाणि अच्छंतु । अहवा - कस्सति साधुस्स नातिवग्गे सव्वो असिवादिणा मओ, नवरेक्कं बालं जीवति । न य तस्स कोति वावावाहओ अत्थि । ताहे सो साधू अयसवायरक्खाहेउं तं बालं आसन्नं पुत्तं भातियं पव्वावेत्ता संरक्खति ॥

[भा. ३५३९] एवं सण्णि तराण वि, अज्जा य व डिडिबंध पडिनीए ।

कज्जं करेमि सचिवो, जति मे पव्वावयह बालं ॥

चू- सम्मदिट्ठिसंतियं बालं अनाहं तं पि एवं चेव सारवेति । “तरो”ति सेज्जातरो, तस्स वि संतियं बालं अनाहं पव्वावेति । “अज्जा पडिनीएण कामातुरेण वा केन ति बला परिभुत्ता । तस्स य समावुत्तीते डिडिबंधो जातो गर्भसंभव इत्यर्थः । सा य संजमत्थी न परिचइयव्वा, विहिणा संरक्खियव्वा, जया पसूया तथा बालं पव्वावेयव्वं, सत्यकिवत् । “कारणजाते”ति कुल-गण-

संघकज्जे अन्नमि वा गच्छादिते कज्जे “सचिवो” मंती, सो भणेज्जा-“अहं वो तुज्झं इमं कज्जं करेमि, जइ मेइम बालं अलक्खणं मूलनक्खत्तिं वा पव्वावेह”, ताहे पव्वावेज्जा । जाइसद्दग्गहणातो असिवकंतारादिसु वि को ति भणेज्जा-अहं भे परितप्पामि जइ मेइमं बालं पव्वावेह, एवमादिकारणेहिं अनुन्नाता बालपव्वज्जा गच्छवासीणं ॥ पव्वावियाण य तेसिं इमा वट्ठावणविही-

[भा.३५४०] भत्ते पाणे धोवण, सारण तह वारणा निउंजणता ।

चरण-करण-सज्झायं, गाहेयव्वो पयत्तेणं ॥

चू- निद्धं मधुरं रिउक्खमं च से भत्तं देति, पानं पि से मधुरादि इट्ठं दिज्जति, रातो वि भत्तपाणं ठवेति, “धोवण”त्ति अब्भंगणुवट्ठणहणं च से फासुएण कीरति, कप्पकरणेण य तेयस्सी भवति, लेवाडाति वा सव्वं से धोवति, पडिलेहणादिपुव्वकहितेसु अत्थेसु पुणो पुणो सारणा कज्जति, असमायारिकरणं करंतो हरियाइं वा छिंदंतो खेलंतो वा वारिज्जति, चरणकरणेसु य निउज्जति, सज्झायं च पयत्तेणं गाहिज्जति ॥ निद्ध-मधुर-भत्तगुणा इमे-

[भा.३५४१] निद्धमधुरेहि आउं, पुस्सति देहिदिपाडवं मेहा ।

अच्छंति जत्थ णज्जति, सट्ठातिसु पीहगादिया ॥

चू-चोदकाह-कथमायुषः पुष्टि? आचार्याह-यथा देवकुरोत्तरासु क्षेत्रस्य स्निग्धगुणत्वादायुषो दीर्घत्वं, सुसमसुसमायां च कालस्य स्निग्धत्वादीर्घत्वमायुषः, तथेहापि स्निग्धमधुराहारत्वात् पुष्टिरायुषो भवति, सा च न पुद्गलवद्धेः, किन्तु युक्तग्रासग्रहणात्, क्रमेण भोग इत्यर्थः । देहस्य च पुष्टिरिन्द्रियाणां च पटुत्वं भवति । मेघा च खीरादिणा भवति । जत्थ य सो बालो नज्जति अमुगस्स पुतो त्ति तत्थ गामे नगरे देसे रज्जे वा अच्छंति जाव महल्लो जातो । सट्ठाइकुलेसु य अंतरपाणगपीहगादी सव्वं से अहाकडं भवति । इत्थी वि बाली एवं चेव ॥

“बाले”त्ति दारं गयं । इदानिं “वुट्ठे”त्ति तस्सिमे भेदा-

[भा.३५४२] तिविहो य होइ वुट्ठो, उक्कोसो मज्झिमो जहन्नो य ।

एएसिं पत्तेयं, परूवणा होति तिण्हं पि ॥

चू- किं परिमाणसेसे आउए वुट्ठो भवति ? अतो भण्णति-

[भा.३५४३] दस आउविवागदसा, अट्टमवरिसाइ दिक्खपढमाए ।

सेसासु छसु वि दिक्खा, पब्भाराईसु सा न भवे ॥

चू- जं जम्मि काले आउयं उक्कोसं दसधा विभत्तं दस आउविवागदसा भवंति । प्रतिसमयभोगत्वेन आयातीत्यायुः, विपचनं विपाकः, आयुषो परिहाणीत्यर्थः । अनुभागेन युक्तो विभागो दशा उच्यते, ततो य दस दसाओ दसरिसपमाणातो वरिससयाउसो भवंति - बाला किट्ठा मंदा बला य पन्ना हायणी पवंचा पब्भारा मुम्मूही सायणी य । एयाती जहानामानुभावा य परूवेयव्वा । पढमदसाए अट्टवरिसोवरिं नवमदसमेसुं दिक्खा, आदेसेण वा गब्भट्टमस्स दिक्खा जम्मणओ अट्टमवरिसे । कीट्ठादि एवं च पवंचासु छसु वि दिक्खा अनुन्नाता, पब्भारादियासु तिसु वुट्ठो त्ति काउं नाणुन्नाता दिक्खा ॥ जहन्नमज्झिमुक्कोसे वुट्ठपरूवणत्थं इमं-

[भा.३५४४] अट्टमि दस उक्कोसो, मज्झो नवमीइ जहन्न दसमीए ।

जं तुवरिं तं हेट्ठ, भयणा व बलं समासज्ज ॥

चू-अट्टमिदसाए जहन्ना बुद्धभावो अल्प इत्यर्थः, नवमीए मज्झो, दसमीए उक्कोसो बुद्धभावो, पुनर्बालभवनादित्यर्थः । अहवा - जं उवरिं तं हेट्ट कायव्वं । अट्टमदसाए उक्कोसो, चेष्टाबुद्धयादि बहुगुणत्वात् । नवमीए मज्झो मध्यमगुणत्वात् । दसमीए जहन्नो अल्पगुणत्वात् । अहवा - बलं समासज्ञ भयणा कायव्वा । सा इमा - अट्टमदसातो जो जहन्नबलो भिक्खवियारपडिलेहणादिसु असत्तो सो जहन्नो, मज्झबलो मज्झिमो, उक्कोसबलो उक्कोसो । एवं नवम-दसमीसु वि दसासु वत्तव्व ॥

[भा. ३५४५] बाला मंदा किड्डा, पबला पण्णा य हायणी ।  
पवंचा पब्भारा या, मुम्मूही सायणी तहा ॥

[भा. ३५४६] केसिं चि एवं वाती, वुट्ठो उक्कोसगो उ जा सयरी ।  
अट्टमदसा वि मज्झो, नवमीदसमीसु तु जहन्नो ॥

चू-एवं ब्रुवते, तेषामयमभिप्रायः-षष्टिवर्षादूर्ध्वं प्रबलेन्द्रियहानीरित्यर्थः ॥ असमायारीकरणे पुर्विं निसिद्धो, पुणो असमायारिं करंतो गुरुणा अत्रेण वा दिट्ठे ताहे इमं करेति-

[भा. ३५४७] उक्कोसो दट्ठुणं, मज्झिमओ ठाति वारितो संतो ।  
जो पुण जहन्नवुट्ठो, हत्थे गहितो नवरि ठाति ॥

[भा. ३५४८] जह भणितो तह उट्ठितो, पढमो बितिण्ण फेडितं ठाणं ।  
ततितो न ठाति ठाणे, एस विही होति तिण्हं पि ॥

चू-पूर्ववत् व्याख्येया ॥ वुट्ठं पव्वावेतस्स इमं पच्छित्तविहाणं-

[भा. ३५४९] एगुणतीस वीसा, एगुणवीसा य तिविहवुट्ठम्मि ।  
पढमे तवो बितिए मीसो छेदो मूलं च ततियम्मि ॥

चू-दसमदसाठियं पव्वावेतस्स एगुणतीस, नवमदसद्वित्तै वीसा, अट्टमदसद्वित्तै एगुणवीसा । एयं जहा बाले तहा सव्वं अविसेसेण नेयव्वं ॥ वुट्ठपव्वावणे इमे दोसा-

[भा. ३५५०] आवासग छक्काया, कुसत्थ सोए य भिक्खपलिमंथो ।  
धंडिल्लअपडिलेहा, अपमज्जण पाढकरणजट्ठो ॥

चू-वुट्ठत्तणेण आवस्सगकरणं न सक्केति गाहेतुं, लोगकुस्सुइभावितो पुढवादिकाए न सद्वहति, न तरति वा ते परिहरितुं, कुसत्थभावितो वा तं भावणं न मुंचति, इमम्मि य जिनप्पीए भावं न गेण्हति, अतिसोयवाएणं पुढविं गेण्हति, बहुणा य दवेण आयमति, चउत्थरसादिणा वा दवेनायमित्तुं नेच्छति, भिक्खं न हिंडति, हिंडंतो वा एसणं न सोहेति, हिंडणे वि अदक्खो, बितियस्सावि पलिमंथो थंडिलसामायारी न सद्वहति, थंडिलं वा न पडिलेहेति, न पमज्जति, पाढे दुम्महो मंदबुद्धित्तणओ य गहणजड्डो, करणकिरियासु य करणजड्डो ॥

[भा. ३५५१] थंडिल्लं न वि पासति, दुब्बलगहणी य गंतुं न चएति ।  
अन्नस्स वि वक्खेवो, चोदने इहरा विराधनता ॥

चू-चक्खुविगलत्तणओ “इमं थंडिलं न व” त्ति न पासति, दुब्बलगहणी वा थंडिलं गंतुं न चएति, अंतरा चैव अथंडिले वोसिरति, पडिलेहणादिसु किरियासु पाढे य अभिक्खणं विनासेतस्स चोदणा, अन्नस्स वि वक्खेवो । “इहर” त्ति अचोदने संजमविराहणता भवति ॥ किं चान्यत्-



[भा.३५५२] उद्धेत निवेसंते, चंकम्मंते अवाउडियदोसा ।

पडिलेह-भिक्षग्गहणे, पातवहो उवहिवीसरणं ॥

चू- वुद्धत्तणओ चोलपट्टं न धरेति सम्मं, तो उद्धेतनिवेसंतो चंकमंतो य अवाउडो, ततो हसति लोओ उड्डाहो य । उवगरणाइ पडिलेहं न करेइ न सदहति वा, दोसेहिं वा करेति, जडत्तणओ भिक्षग्गहणे पादं भंजति । जत्थ वीसमति तत्थ उवहिं वीसारेति छड्ढेति वा पंथे वच्चंतो ॥

किं चान्यत् - वुद्धो चरणकरणं सज्झायं गाहिज्जतो य चेतिज्जंतो भणति-

[भा.३५५३] लोयस्सऽनुग्गहकरा, चिरपोराण ति वत्तिमो अम्हे ।

चरण-करण-सज्झाए, दुक्खं वुद्धो ठवेउं जे ॥

चू- लोगपवादो - “वरिससयाउणा दिट्ठेण पावं खरति” ति एवं वयं लोगानुग्गहकारी, अम्हे य चिरजीवित्ता जे परस्स पावं खवेमो तो अप्पणो न खवेस्सामो? दीहाउत्तणओ, चिरायुस्सेव विसेसणं, पुराणकालसमाण ति, पोराणगा इह गच्छे, अम्हे पुराणतरा अज्जा इत्यर्थः । अधवा - पोराण ति जस्स पपोत्तादिभावो अत्थि स पोराणो, सो य वुद्धो भवति, तुब्भे सव्वे पपोत्तसमाणा, किं सिक्खावेह? किं वा जाणह? एवं वुद्धो चरण-करण-सज्झाए दुक्खं ठवेज्जति । अहवा - स वुद्धो ओमरातिणिओ भोयणमंडलीए अंते निवेसिज्जंतो भणति - “अम्हे लोगस्स अनुग्गहकरा चिरपोराणा य, तं अम्हेहिं अनिविट्ठेहिं को अन्नो आदीते - निवेसिउमिच्छति” ति ॥

[भा.३५५४] उग्घायमनुग्घायं, नाऊणं छव्विहं तवोकम्मं ।

तवगुणलक्खणमेयं, जिनचोद्दसपुव्विए दिक्खा ॥

[भा.३५५५] पव्वावेति जिना खलु, चउदसपुव्वी य जे य अइसेसी ।

एए अब्ववहारी, गच्छगए इच्छिमो नाउं ॥

[भा.३५५६] सत्थाए पुव्वपिता, चोद्दसपुव्वीण जुंबुनाम पिता ।

तं मज्झेणं जनओ, दिक्खिओ रक्खियऽज्जेहं ॥

चू- शास्ता तीर्थकरः, पुव्वपिता माहंणकुण्डग्गामे सोमिलो(?) बंभणो । जुंबु नामेण पिता पव्वावितो उसभद्दतो । तं मज्झेणं ति नवपुव्विणा रक्खियऽज्जेण पिता पव्वावितो सोमदेवो नाम ॥ चोदको भणति - एते अब्ववहारी, जहा गच्छवासी पव्वावेति तहा भणह । आचार्याह-

[भा.३५५७] उवसंते वि महाकुले, नातीवग्गे य सन्निसेज्जासु ।

अज्जा कारणजाते, अनुनाया वुद्धपव्वज्जा ॥

चू- जहा बाले तहेव व्याख्या : नवरं - इमो विसेसो - खेत्ताओ खेत्तं अज्जाणं नत्थि, वुद्धो हतसंको “संकामिस्सति” ति अतो पव्वावेति ॥

एवमादिकारणेहिं पव्वावियस्स जयणाते इमं कायव्वं-

[भा.३५५८] भत्ते पाने सयणासणे य उवही तहेव वंदणए ।

चरण-करण-सज्झायं, अनुयट्ठमाण य गाहणया ॥

चू- भत्तपाणगं से समाहिकारगं दिज्जति, सयणीयं से समभूमीए मउयसंधारणे, वासो वि से उच्चो कज्जति, आसनं पि, से पादपुंछणं दिज्जति, पीढगं वा तं पि से उच्चं उवहिं जत्तियं तरति वोदुं जत्तिएण वा सीतं न भवति तत्तियं दिज्जति, उच्चोसो वाहिज्जति, अद्धाणे वा से उवहिं वुज्जति,

वइसुद्धं काउमसमत्थो ति वंदनं न दवाविज्जति, सागारिएण वा (न) दवाविज्जति, चरण-  
करण-सज्जायं पयत्तेण गाहिज्जति, “अनुयद्धमाणेहिं” कुसत्थ सोयमादिएसु अवग्गहेसु सणियं  
अनुयद्धमाणेहिं समयं गाहिज्जति ॥ अववादेण बालवुद्धपव्वावणविही, कारणं च भणइ-

[भा. ३५५९] उवजुंजिउं निमित्ते, दुण्हं पि तु कारणे दुवग्गाणं ।

होहिंति जुगप्पवरा, दोण्ह वि अट्ट दुवग्गाणं ॥

[भा. ३५६०] ओहिमणा उवउज्जिय, परोक्खनाणी निमित्त घेत्तूणं ।

जति पारगा तो दिक्खा, जुगप्पहाणा व होहिंति ॥

चू- ओहिमाइपच्चक्खनाणी नाणे उवउज्जति, परोक्खनाणी निमित्तविसएण उवउज्जति ।  
किमत्थं उवउज्जति ? अतो भन्नति - बालवुद्धाण दोण्ह पि य कारणा, “किं नित्यारगा न व ? ति  
जति पारगा जुगप्पहाणा वा तो दिक्खा । ते य बालवुद्धा “दुवग्गाणं” भवंति - इत्थीपुरिसवग्गाणं  
ति, तदर्थमुपयुज्जंतीत्यर्थः । इमं कारणं - ते बालवुद्धा जुगप्पवरा हींति ति, तेन तेसिं दिक्खा  
कज्जति । अहवा - दुण्हइ सुत्तत्थाणं, कालियस्स पुव्वगयस्स वा । अहवा - समणसमणीवग्गाणं  
दोण्ह वि आधारा भविस्संतीति । जेण तेसिं दिक्खा दिज्जति ॥ बुद्धेण ति गतं । इदानिं “नपुंसगे” ति  
दारं । तस्सिमे सोलस भेदा-

[भा. ३५६१] पंडए वातिए कीवे, कुंभी इस्सालुए ति य ।

सउणी तक्कम्मसेवी य, पक्खियापक्खिते ति य ॥

[भा. ३५६२] सोगंधिए य आसित्ते, वद्धिए चिप्पिते ति य ।

मंतोसही उवहते, इसिसत्ते देवसत्ते य ॥

चू- चिट्ठउ ता, एतेसिं सरुवं कहिज्जति । केनं पव्वावेयव्वा न वा ? अओ भन्नति-

[भा. ३५६३] पव्वावण गीयत्थे, गीयत्थे अपुच्छिऊण चउगुरुगा ।

तम्हा गीयत्थस्सा, कप्पति पव्वावणा पुच्छा ॥

चू- गीतो पव्वावेति नो अगीतो । जति अगीतो पव्वावेति तो चउगुरुयं । गीतो वि जति  
अपुच्छिउं पव्वावेति तस्स वि चउगुरुगं । तम्हा गीयत्थस्स पुच्छा, सुद्धे कप्पति पव्वावणा । इमा  
पढमपुच्छा कोसि तुमं ? को वा ते निव्वेदो जेण पव्वयसि ॥ एवं पुच्छिते-

[भा. ३५६४] सयमेव कोइ साहति, मेत्तेहि व पुच्छितो उवाएणं ।

अहवा विलक्खणेहिं, इमेहि नाउं परिहरेज्जा ॥

चू- सरिसे मणुस्सते मम एरिसो वेदोदयो ति सयमेव साधति । अहवा - मेत्तेहिं से कहियं  
निव्वेदकारणं - एस ततिओ ति । पव्वावगेण वा उवायपुव्वं पुच्छितो कहेति - ततिओ ति ।  
अहवा - पंडगलक्खणेहिं नातुं न पव्वावेति ॥ सा य पुच्छा इमेरिसे कज्जति-

[भा. ३५६५] नज्जंतमनज्जंते, निव्वेयमसट्ठपढमता पुच्छे ।

अन्नातो पुण भण्णति, पंडाइ न कप्पए अन्हं ॥

चू- अस्सावगे नज्जंते अनज्जंतेवा पढमं निव्वेदो पुच्छिज्जति । जो पुण अन्नातो स सामण्णेण  
भण्णति - “पंडाई न कप्पति अन्हं पव्वावेउं” ॥ सो य जदि पंडगो तो एवं चिंतेति-

[भा. ३५६६] नातो मि ति पनासति, निव्वेयं पुच्छिता व से मित्ता ।

साहेति एस पंडो, सयं च पंडो ति निव्वेयं ॥

चू-अहमेतेहिं नातो त्ति पनासत्ति, सेसं गतार्थम् ॥ पुव्वमुल्लिंगिता पंडगलक्खणा ते य इमे-  
[भा.३५६७] महिलासहावो सरवन्नभेओ, मेढं महंतं मउया उ वाणी ।

ससद्दगं मुत्तमफेणगं च, एताणि छपंडगलक्खणाणि ॥

चू-पंडगो महिलासभावो भवति । पुंसस्वराद् भिन्नो भवति स्त्रस्वरः । अहवा - न पुंसस्वरः  
नापि स्त्रीस्वरः, मध्य इत्यर्थः । वर्णग्रहणात् गंधरसस्पर्शा गृह्यन्ते, यादृशा स्त्रीपुंसयोस्तयोर्विमध्याः  
तस्य भवन्ति । मेढं अंगादानं, तच्च तस्य महंतं भवति । वाणी य मउया भवइ । ससद्दगं मुत्तं मुत्तेत्ति  
स्त्रीवत्, अफेणगं च मूत्रयतः फेन न भवतीत्यर्थः । एयाणि छ पंडगलक्खणाणि ॥ “महिला-  
सहावो”त्ति अस्य व्याख्या-

[भा.३५६८] गती भवे पच्चवलोइयं च, मिदुत्तया सीयलगत्तया य ।

धुवं भवे दोक्खरनामधेओ, संकारपच्चंतरिओ ढकारो ॥

चू-गती सेमंदा पदाकुला सशंका य, पासपिड्डतो पच्चवलोइयं करंतो गच्छति, तस्स शरीरत्वचा  
मृदुर्भवति, गातं च शीतफरिसं भवति । जो एरिसो सो धुवं दुअक्खरनामो भवति । ते य अक्खरा  
संकारो, संकारप्रत्यन्तरे अनंतर इत्यर्थः, ढकारो भवति ॥

[भा.३५६९] गति-भास-अंग-कडि-पड्डि-वाहु-भमुहा य केसऽलंकारे ।

पच्छन्न-मज्जणं पि य, पच्छन्नतरं च नीहारो ॥

चू- किं चान्यत्- भासते हत्यपल्लवेहि दाहिणकोप्परं वामकरतले काउं दाहिकरतले वदनं  
नसितुं भासति स्त्रीवत् । अंगं च से समाउक्कं, अभिक्खं च कडिधंभयं करेति, मद्दावेइ य अभिक्खणं  
पिंडं, इत्थी व जहा अभिलसितपरिसं दड्डुं पड्डिं परामुसत्ति, बाहुविक्खेवंतो बोल्लेत्ति, वत्थाभावे  
बाहाहिं उरं पाउणत्ति, भासंतो य सविब्भमं भमुहाजुयलं उक्खिवत्ति, चसद्दातो परिहरणं पाउरणं  
वा जहा इत्थी तथा परिहेत्ति, इत्थी जहा केसे तथा आमोडेत्ति, जुवत्ति अलंकारं व से पियं अलंकरेत्ति,  
ण्हायत्ति य पच्छन्ने, पच्छन्नतरे उच्चारपासवणं करेत्ति ॥ किं चान्यत्-

[भा.३५७०] पुरिसेसु भीरु महिलासु संकरो पमयकम्मकरणो य ।

तिविहम्मि वि वेयम्मी, तिगभंगो होइ नायव्वो ॥

चू- संकि सभओ य पुरिसमज्जे विचिड्डत्ति, इत्थीण मज्जे निस्संको निब्भओ चिड्डत्ति  
स्त्रीपर्षत्समागमेइत्यर्थः । पमदाकम्मं करेत्ति, पियं च से तं च कंडण-दलनुप्फण-पयण-परिवेसण-  
वत्थायंचण-सोय (?) दगाहरणपमज्जणादी । एमादिबाहिरलक्खणं । अंतो से नपुंसगवेदो लक्खणं ।  
सो पुण णपुंसवेदो तिविहे भेदे भवति । कहं ? जओ भन्नति - “तिविहम्मि वि” पच्छंद्धं । कहं पुण  
तिविहे वि वेदे एक्केक्के तिगभंगो भवति ? उच्यते - पुरिसो पुरिसवेदं वेदेत्ति, पुरिसो इत्थिवेदं  
वेदेत्ति, पुरिसो नपुंसगवेदं वेदेत्ति । एवं इत्थी नपुंसगा वि भाणियव्वा ॥ इमं वेयाणं सलक्खणं-

[भा.३५७१] उस्सग्गलक्खणं खलु, फुंफुगमादि सरिसं तु वेदाणं ।

अववाततो तु भइओ, एक्केक्को दोसु ठाणेसु ॥

चू-अभिप्रेतवस्तुस्वरूपं निर्वाच्यं, कारणनिरपक्षमुत्सर्गं, तिसु वि वेदेसु । इमं उत्सर्गलक्षणं ।  
बाहिं अनुवलक्खो अंतो अनुसमयडाहो अनुवसंतो वि घड्डिजमाणदिप्यंतो फुंफुअगिसमाणो  
इत्थिवेदो । पवण-विकोवित-पत्तिधणंत रजलिय-तिव्वपलाल-दवग्गिसमाणो वत्तलक्खणा

पुरिसवेदो । तण-कट्ट-महासंचय-विविधिधण-घोर-जलियमणुवसंतोऽतत्तलक्खणो महानगरडाह-  
रमाणो नपुंसगवेदो । अववादं पुण पप्प एक्केक्को वेदो दोसु दोसु ठाणेषु भइयव्वो पूर्ववत् ॥ एस  
लक्खणपंडगो गत्याद्यवलोयणेण भवति । अधवा इमं पंडगलक्खणं-

[भा. ३५७२] दुविहो य पंडतो खलु, दूसिय-उवघाय-पंडओ चेव ।

उवघाए वि य दुविहो, वेदे य तहेव उवगरणे ॥

चू- नपुंसगो दुविधो - दूसिओ उवघायपंडगो य । दूसिओ दुविधो - ऊसित्तो आसित्तो य ।  
उवघयपंडगो वि दुविहो - वेदे उवकरणोवघाते य ॥ “दूसि”त्ति अस्य व्याख्या-

[भा. ३५७३] दूसियवेदो दूसी, दोसु वि वेदेसु सज्जए दूसी ।

दो सेवति वा वेदे, धीपुंसु व दूसते दूसी ॥

चू- दूसित्तो वेदो जस्स स दूसी भण्णति, दोसु वा धी-पुरिसवेदेसु रज्जति जो सो वा दूसी, दो  
वा धी-पुरिसवेदे सेवति जो सो दूसी, जो धी-पुरिसवेदो दो वि दूसति सो वा दूसी ॥

[भा. ३५७४] आसित्तो ऊसित्तो, दुविहो दूसी य होइ नायव्वो ।

ऊसित्तो अणवच्चो, सावच्चो होति आसित्तो ॥

चू- पुव्वद्धं गतार्थं । नो जस्स अवच्चं उप्पज्जति निब्बीओ सो उस्सित्तो, जस्स पुण अवच्चं  
उप्पज्जति सीओ सो आसित्तो ॥ “वेदोवघातपंडओ” इमो-

[भा. ३५७५] जह हेमो तु कुमारो, इंदमहे नगरबालिग निमित्तं ।

मुच्छिय गढिओ उ मओ, वेद वि य उवहतो तस्स ॥

चू- हेमपुरिसे नगरे हेमकूडो राया । हेमसंभवा भारिया । तस्स पुत्तो वरतवियहेमसन्निभो  
हेमो नाम कुमारो । सो य पत्तजोव्वणो अन्नया इंदमहे इंदडुणं गतो । पेच्छइ य तत्थ नगरकुल-  
बालियाणं रूववतीणं पंचसते । बलिपुप्फधूवकडच्छुयहत्था इंदाभिमुहीओ दडुं सेवगपुरिसे पुच्छति  
- “किमेयाओ आगयातो, किं वा अभिलसंति ?” भणिया य तेन सेवगपुरिसा - “अहमेतेसिं  
इंदेण वरो दत्तो, देह एयाओ अंतेउरम्मि” । तेहिं ताओ घेतुं सव्वातो अंतेउरे छूढा । ताहे नागर-  
जनो रायाणं उवड्डित्तो- “मोएह”त्ति । तओ रन्ना भणियं- “किं मज्ज पुत्तो न रोयति तुमंजामाउओ ?”  
ततो नागरा तुण्हिक्का ठिता । एयं रन्नो सम्मतं ति अविपण्णं गता नागरा । कुमारेण य ता सव्वा  
परिणीता । सो य तासु अतीव पसत्तो । पसत्तयस्स तस्स सर्व्वीर्यनीगालो जातो, ततो तस्स  
वेदोवघातो जातो, मओ य । अत्रे भणंति- ताहिं चेव अप्पडिसेवगो त्ति रूसियाहिं मारितो ॥  
वेदोवघाय त्ति गतं । इदानिं “उवकरणोवहतो” भण्णति-

[भा. ३५७६] उवहत-उवकरणम्मि, सेज्जायर सेज्जायर भूणिया निमित्तेणं ।

तो कविलगस्स वेदो, ततिओ जातो दुरहियासो ॥

चू- सुट्ठिया आयरिया । तेसिं सीसो कविलो नाम खुडुगो । सो सेज्जातरभूणियाते सह खेडुं  
करेति । तस्स तत्थेव अज्झोववादो जातो । अन्नया सा सेज्जातरभूणिया एगागिणी नातिदूरं  
गावीण दोहणवाडगं गता । सा ततो दुद्ध-दधि-धेत्तूण गच्छति । कविलो य तं चेव भिक्खायरियं  
गच्छति । तेनंतरा असागारिए अनिच्छमाणी बला भारिया उप्पाइता । तीए कप्पट्टियाते अदूरे  
पिता छित्ते किसिं करेइ । तीए तस्स कहियं । तेन सा दिट्ठ जोणिब्भएइ रुहिरोक्खित्तो महियलोलिया

य । सोय कुहाडहत्थगतो रुद्धे । कविलो य तेन कालेण भिक्खं अडितुं पडिनियत्तो । तेन य दिट्ठे, मूलतो से सागारिय सह जलधरेहि छिन्नं निक्कत्तिय । सो य आयरियसमीवं न गतो, उन्निक्खंतो । तस्स य उवकरणोवघाएण ततिओ वेदो उदिन्नो । सो य जुण्णाकोड्ढनीयाए संगहिओ । तत्थ से इत्थीवेदो उदिन्नो । एस उवकरणोवघतपंडगो भणितो ॥

एस वेदोवकरणघातो बहुकम्मोदएणं जायति । जतो भण्णति-

[भा. ३५७७] पुव्वं दुच्चरियाणं, कम्माणं असुभफलविवागेणं ।

तो उवहम्मति वेदो, जीवाणं मंदपुण्णाणं ॥

चू- कंठा । सो य नपुंसगवेदोदया पोसासएसु पडिसेवोग भवति, न वेदोदयं तरति निरुं-  
भिउं ॥ एत्थ दिट्ठंतो गोणो-

[भा. ३५७८] जह पढमपाउसम्मी, गोणो वातो उ हरितगतणस्स ।

अनुमज्जति कोट्ठिंबं, वावन्नं दुब्धिगंधीयं ॥

चू- इमो उवसंहारो-

[भा. ३५७९] एवं तु केइ पुरिसा, भोत्तूणं भोयणं पतिविसड्ढं ।

ताव न भवंति तुड्ढ, जाव न पडिसेविया पोसे ॥

[भा. ३५८०] लक्खणदूसिं उवघायपंडगं तिविहमेव जो दिक्खे ।

पच्छित्तं तिसु वि मूलं, इमे य अन्ने भवे दोसा ॥

चू- वेदुक्कड्या एते जाव न पडिसेवति पुरिससागारियं आयभावं वा ताव धित्तिं न लभति ।  
लक्खणवेददूसिं उवघातपंडगं च जो एयं तिविधं पव्वावेति तस्स मूलं पच्छित्तं, आणाइया य  
दोसा ॥ इमा संजमविराधना-

[भा. ३५८१] गहणं च संजयस्स, आयरियाणं च खिप्पमालोए ।

बहिया व निग्गयस्सा, चरित्तसंभेदणिं च कहा ॥

चू- अघ पव्वावितो एवं नाउं “गहणं च” गाथा । पडिसेवणाभिप्पातेन संजतो तेन गहितो,  
तेन य संजतेन आयरियाणं खिप्पमालोएयव्वं । जति नालोएति तो चउगुरुं । अहवा - अंतो  
विरहं अलभमाणो बाहिं वियारादियगयाणं चरित्तसंभेदणिं कंहं कहेज्जा ॥

[भा. ३५८२] छंदिय-गहिय-गुरुणं, जो न कहेति कहियम्मि च उवेहं ।

परपक्ख सपक्खे वा, जं काहिति सो तमावज्जे ॥

चू- तेन नपुंसगेण जो संजयो “छंदिउ”त्ति-निमंतितो “मंपडिसेवाहित्ति, अहंवा पडिसेवाभि”  
त्ति । जोय गहितो एते जति गुरुणं न कहेति कहिते वा यदि गुरुव उवेहं करेति तो सर्वेसिं  
चउगुरुगा । जं वा सो नपुंसगो परपक्खे सपक्खे वा उड्ढाहं करेज्जा पडिसेवणं करेतो, तं सो  
अकहेतो उवेहंतो य पायच्छित्तं पावति ॥ “चरित्तसंभेदणि”त्ति अस्य व्याख्या-

[भा. ३५८३] इत्थिकहाओ कहेति, तासि अवन्नं पुमो पगासेति ।

समला सावि दुगंधा, खेदो य न एतरे ताणि ॥

चू- इत्थिकहातो कहेति - तासु वा जं सुहं, जहा य परिभुज्जति, पुणो । तासिं अवन्नं भासति  
- तासिं जोती समला सावी दुगंधा य, तासु य परिभुज्जमाणीसु पुरिसस्स खेदो जायति । अहं पुण

आसए मलादिदोसा खेदो य न भवति, तो वरं अम्हेहिं सह अणायारो कतो ॥ पंडगस्स इमे भावा,  
सो इमेहिं वा भावेहिं पंडगो लक्खियव्वो-

[भा. ३५८४] सागारियं निरक्खति, तं च मलेऊण जिघते हत्थं ।

पुच्छति सेविमसेवी, अति सुहं अहं वि य दुहावि ॥

चू- अंगादानं सागारियं, तं अप्पणो परस्स व निरिक्खति, तं च सागारियं अप्पणो परस्स वा  
हत्थेहिं मलिउण तं हत्थं जिघति, भुत्तभोगं साधुं रहे पुच्छति - नपुंसगो किं पडिसेवियपुव्वो न  
वा ? तम्मि पडिसेविज्जंते अतीव सुहं भवति । ततो साधुभावं नाउं भणाति - अहं वि य से दुविहा  
वि आसए पोसए थ । तत्थ केइ पडिसेविज्जा ? ते य पडिगमणादी करेज्ज । तत्थायरिओ एग-दुग-  
तिसु मूलऽणवट्टपारंघिया पावति ॥ अहवा-

[भा. ३५८५] सो समणसुविहितेहिं, पवियारं कत्थ ती अलभमाणो ।

तो सेवितुमाढत्तो, गिहमो य परप्पवादी य ॥

चू- सो पंडगो समणेसु सज्जायझाणनिरतेसु मेहुणपवियारं अलभंतो ताहे गिहिणो परतिथिए  
य आदिसद्दातो भड-नट्ट-चट्ट-मेंठ-आरामिय-सोल्ल-घोड-गोवाल-चक्किय-जंति-खरगे सेवेज्ज  
वेदोदएण ॥ तत्थिमे दोसा-

[भा. ३५८६] अयसो य अकित्तीया, तम्मूलागं तहिं पवयणस्स ।

तेसिं पि होति संका, सव्वे एयारिसा मण्णे ॥

चू- वायाघाओ अयसो । अवण्णवायभासणं अकित्ती । जिनपवयणस्स तम्मूला तन्निमित्ता  
तद्धेतुकाअयसअकित्तीतो हवेज्जा, जे य तं पडिसेवंति तेसिं संका भवति - सव्वे इम समणा  
एरिसा - संकया मन्यते इत्यर्थः । अंधवा - तेसिं पंडगाणं संका भवति जहा अम्हे ततिया तथा इमे  
समणा - सव्वे एरिसा मणेण मन्नंतं ॥ “अयसमअकित्तीणं” इमं वक्खणं-

[भा. ३५८७] एरिससेवी एयारिसा व एतारिसो चरति सद्दो ।

सो एसो न वि अन्नो, असंखडं घोडमादीहिं ॥

चू- बहुजनसमुदए लोगो एवंवादी भवति - एते समणा एरिससेवी, सयं वा एरिसा - “नपुंसग”  
ति वुत्तं भवति । एरिसो अयसकित्तीसद्दो लोगो “चरति” प्रकाशतीत्यर्थः । साधवो वा  
भिक्षुवियारदिनिग्गते चट्टुं तरुणा जुवाणगा भणंति - अरे अरे भद्दे गोमिय ! सो एसो  
सिरिमंदिरकारओ । अन्ना भणइ - न वि एसो, अन्नो सो । अहवा - ते तरुणा जुवाणा भणंज - एह  
समणा तुब्भे वि तारिसं करेह । एवं भणितो को वि असहुणो असंखडं घोडमादीहिं सह करेज्जा ।  
तम्मि य निच्छेदो को ति संजतो संसत्तो चिताए दड्ढमिच्छति उन्निक्खमति मरति वा । एत्थ आयरियस्स  
पव्वावंतस्स पच्छित्तं वत्तव्वं । एवमादिदोसपरिहरणत्थं पंडगो न दिक्खेयव्वो ॥ “पंडग” ति  
गतं । इदानीं “कीवो”-

[भा. ३५८८] कीवस्स गोण्णनाणं, कम्मदएणं तु जायए ततिओ ।

तम्मि वि सो चेव गमो, पच्छित्तुस्सग्गअववाते ॥

चू- क्लिघते इति क्लीवः । गुणनिष्फण्णं गोण्णं । मेहुणाभिप्पाए अंगादानं विगारं भयति,  
वीयंथिबुएहिं य गलति, स महामोहकम्मोदएण भवति । एवं गलमाणे जतिं निरोधेति तो निरुद्धवत्थी

कालंतरेण ततिओ भवति । जे पंडगे दोसा पच्छित्तं च एत्थ वि उस्सग्गेण ते चेव । अववाए पव्वावेयव्वा ॥ “इदानि वातिओ”-

[भा.३५८९] उदएण वातिगस्स, सविकारं ताव जा असंपत्ती ।  
तच्चत्रियऽसंबुडिए, दिडंतो होतऽलब्भंते ॥

चू- वाइतो नाम जाहे सो मोहकम्मोदएणं सागारियं कसाइयं भवति ताहे सो न सक्केति धरेतुं, न य सभावत्थं ताव भवति जाव न कयं जं न कायव्वं । एत्थ तच्चत्रिएण दिडंतो- एगत्थ जलतरणणावारुढो तच्चत्रितो । तत्थ तस्सऽग्गतो आसन्ना अहाभावेण अगारी असंबुडा निविट्ठ । तस्स य तच्चत्रियस्स तं दड्ढं थड्ढं सागारियं, तेन वेउक्कडयाए असहमाणेण जनपुरतो पडिग्गहिता अगारी । त च पुरिसा हंतुमारद्धा । तहावि तेन न मुक्का । जाहे से वीय निसग्गो जातो ताहे मुक्का ॥

[भा.३५९०] सागारियनिस्साए, अलंभतो वातिओ अनायारं ।  
कालंतरेण सो वि हु, नपुंसगत्ताए परिणमति ॥

चू- सागारिय त्ति अंगादानं, तं मोहुक्कडयाए पुणो पुणो थब्भति, वाउदोसेण य तं थड्ढं अच्छति, तस्स निस्साए तत्रिमित्तं सो वातिओ अनायार सेवेइ, कालंतरे नपुंसगभावं परिणमति । तत्थ दोसो जहा पंडगो ॥ इदानि “कुंभी”-

[भा.३५९१] दुविहो य होइ कुंभी, जातीकुंभी य वेदकुंभी य ।  
जाईकुंभी भइतो, पडिसिद्धो वेदकुंभीओ ॥

चू- जस्स वसणा सुज्झंति सो कुंभी । सो दुविहो - वायदोसेण जस्स सागारियं वसणं वा सुज्झति सो जाइकुंभी रोगीत्यर्थः । जस्स पुण मोहुक्कडयाए सागारियं वसणा वा आसेवतो सुज्झति स वेदकुंभी । जाइकुंभी पव्वावणे भतितो । का भयणा ? जति से अति महल्ला वसणा तो न पव्वाविज्जति । अह ईसिसूणा तो पव्वाविज्जति । एस भयणा । वेदकुंभी अच्चंतं पडिसिद्धो पव्वावणे ॥ किं कारणं ? अतो भण्णति-

[भा.३५९२] वत्थिणिरोहे अभिवट्ठमाणे सागारिए भवे कुंभी ।  
सो वि य निरुद्धवत्थी, नपुंसगत्ताए परिणमति ॥

चू- अपडिसेवगतणं वत्थिनिरोहो, तेन से वसणा वड्ढंति, ते वद्धिता अतिप्पमाणा सागारिया से भवंति, अन्नं च से निरुद्धो कालंतरेण नपुंसगभावं परिणमति । एत्थ दोसो पायच्छित्तं च पूर्ववत् ॥ इदानि “ईसालुगो” त्ति-

[भा.३५९३] इस्सालुए वि वेदुक्कडयाए बंभव्वयं धरेमाणो ।  
सो वि य निरुद्धवत्थी नपुंसगत्ताए परिणमति ॥

चू- यस्येर्ष्या उत्पद्यते अभिलापेत्यर्थः, सो ईसालू भण्णइ । पडिसेविज्जंतं दड्ढु ईसा उप्पण्णा स वेदुक्कडो इत्थिं अलंभंतो बंभव्वं च धरेमाणो सो वि कालंतरेण निरुद्धो नपुंसगो भवति । दोसा पच्छित्तं पूर्ववत् ॥ इदानि “सउणी”-

[भा.३५९४] सउणी उक्कडवेदो, अभिक्खपडिसेवनाणुपगईओ ।  
सो वि य निरुद्धवत्थी, नपुंसगत्ताए परिणमति ॥

चू- उक्कडवेदत्तणतो अभिक्खपडिसेवणाए पसत्तो घरचिडओ इव सउणी भवति । दोसा पच्छित्तं च पूर्ववत् ॥ इदानिं तक्कम्मसेवी-

[भा. ३५९५] तक्कम्मसेवि जो ऊ, सेविययं चेव लिहइ साणुव्व ।  
सो विय अपरिचरंतो, नपुंसगत्ताए परिणमति ॥

[भा. ३५९६] पडिचरती आचरती, डज्झंतो उक्कडेण वेदेण ।  
सो वि य अपरिचरंतो, नपुंसगत्ताए परिणमति ॥

चू- पडिचरति त्ति मेहुणमासेवति, जया बीयणिसग्गो जातो तदा साणो इव तं चेव जीहाए लिहतिआचरतीत्यर्थः । स एरिसं विलीणभावं वेउक्कडता डज्झंतो कोति करेति सुहमिति मन्नंतो । सो वि अप्पडिचरणो अनासेवगो कालेण नपुंसगो भवति । दोसो पच्छित्तं च पूर्ववत् ॥

इदानिं “पक्खियापक्खिओ”-

[भा. ३५९७] पक्खे पक्खे भावो, होइ अपक्खम्मि जस्स अप्पो उ ।  
सो पक्खपक्खितो ऊ, सो वि निरुद्धो भवे अपुमं ॥

चू- सुक्कपक्खे सुक्कपक्खे जस्स अईव मोहुब्भवो भवति, अपक्खे त्ति कालपक्खों तत्थ अप्पो भवति । मोहुब्भवपक्खे सो निरुंभंतो नपुंसगो परिणमति । अहवा - सुक्कपक्खे किण्हपक्खे वा पक्खमेत्तं अतीव उदयो भवति । “अपक्खो”त्ति तत्तियमेव कालं अप्पोदयो भवति । दोसादि सेसं पूर्ववत् ॥ इदानिं “सोगंधिय”त्ति-

[भा. ३५९८] सागारियस्स गंधं, जिंघति सागारियस्स संधाए ।  
कालंतरेण सो वि हु, नपुंसगत्ताए परिणमति ॥

चू- सुभं सागारियस्स गंधं मण्णतीति सोगंधी । सो सागारियं जिंघति, मलेऊण वा हत्थं जिंघति, स महामोहो तेन सगारियागंधब्भासेण पच्छा लिहति जीहाए वि, स पच्छा वि परिभोगमलभंतो कालंतरेण तत्तितो भवति । दोसा पच्छित्तं पूर्ववत् ॥ इदानिं “आसित्तो” । इत्थिसरीरासत्तो आसित्तो, जो वत्थिं सरीरं वा पप्पासंसति जो वा अन्नं आसत्तो -

[भा. ३५९९] विग्गहमणुप्पवेसिय, अच्छति सागारियंसि आसित्तो ।  
सो वि य निरुद्धवत्थी, होती वेदुक्कडो वसणी ॥

चू- विग्गहं अंगादानं, तं अनुप्पवेसित्ता अच्छति इत्थिसागारियंसि योनी इत्यर्थः । एस आसित्तो । सो य मोहुक्कडयाए अईव वसणी निरुद्धवत्थी । अइव्वसणी अलब्भंतो कालंतरेण नपुंसगो भवति । दोसा पच्छित्तं च पूर्ववत् ॥ इदानिं “बद्धिता”दि भण्णति-

[भा. ३६००] बद्धिय चिप्पिय अविते, मंतोसहिउवहते वि य तहेव ।  
इसिसत्त देवसत्ता, अव्वसणि नपुंसगा भज्जा ॥

चू- बद्धिओ नाम जस्स बालस्सेव छेज्जं दातुं वसणा गालिया । चिप्पितो नाम जस्स जायमेत्तस्सेव अंगुडुपदेसिणीमज्झियाहिं चट्ठिज्जंति जावकृताः । एते दो नियमा अबीया । अन्नस्स मंतेन वेदो उवहतो । अन्नस्सओसहेण । एतेसिं जाव पडिभेओ न भवति ताव तह चेव सीया न भवति । रिसिणा देवेण वा रुद्धेण वा सावो दिन्तो - “मम तवानुभावा वयणाओ न ते पुरिसभावो भविस्सति” त्ति । एते छावि अव्वसणी वसणी वा । तत्थ जे अव्वसणी नपुंसगा ते भज्जा “भज् सेवायां,” ते



पव्वावेयव्वा इति । अहवा - छ एते नपुंसगा अवणी वसणी वा एवं भयणिञ्जा - जे अब्वसणी ते पव्वावणिञ्जा नो इतरे ॥ इदानिं एतेसु पच्छित्तं भण्णति-

[भा.३६०१] दससु वि मूलायरिए, वयमाणस्स वि हवन्ति चउगुरुगा ।

सेसाणं छण्हं पी, आयरिते वदेते चतुगुरुगा ॥

चू- दस आदिल्ले जो पव्वावेति आयरितो तस्स दससु वि पत्तेयं मूलं । ते छिय जो दस वदति - “पव्वावेह”ति, तस्स चउगुरुगं । वद्धितादी सेसा छ, ते पव्वावेतस्स आयरियस्स चउगुरुगा, ते वि य छ जो “पव्वावेह”ति भणति तस्स वि चउगुरुगं ॥ सीसो इमाए उवउत्तीए भणति “पव्वावेह”ति-

[भा.३६०२] थीपुरिसा जह उदयं, धरेति ज्ञाणोववासणियमेणं ।

एवमपुमं पि उदयं, धरेज्जति को तहिं दोसो ॥

चू- जहा थीपुरिसा ज्ञाणनियमोववासेसु उवउत्ता वेदोदयं धरेति एवमपुमं पि जदि वेदोदयं धरेज्जा ते पव्वाविते को दोसो हवेज्जा ॥

[भा.३६०३] अहवा ततिते दोसो, जायति इतरेसु सो न संभवति ।

एवं खु नत्थि दिक्खा, सवेयगाणं न वा तित्थं ॥

चू- अहवा - तुज्जमभिप्पाओ तस्स वेदोदएण चारित्तभंगदोसो जायति- इतरेसु थीपुरिसेसु दोदएणकिं न भवति चरित्तदोषो? तेष्पि भवत्येव । खीणमोहादिया मोतुं तित्थं, नावितित्थसंतती आचार्याह-

[भा.३६०४] थीपुरिसा पत्तेयं, वसन्ति दोसरहितेसु ठाणेसु ।

संवासफासदिट्ठे, इयरे वच्छं व दिट्ठंतो ॥

चू- इत्थी पव्वाविता इत्थीणं मज्झे निवसति, पुरिसो वि पुरिसाणं, एवं ते पत्तेगा दोसरहितेसु ठाणेसु वसन्ता निदोसा । इतरो यदि इत्थीणं मज्झे वसति तो संवासतो फासतो दिट्ठिओ य दोसा भवन्ति । एवं तस्स पुरिसेसु वि दोसा । तस्सेवं उभओ संवासे दिट्ठंतो - “अपत्थं अंबगं भोच्चा राया रज्जं तु हारए” । अधवा - वच्छंबगदिट्ठंता दो वत्तव्वा । वच्छस्स मातरं दट्ठं थणाभिलासो भवति, मातावि पुत्तं पणहाति । अंबं वा दट्ठं खज्जमाणं वा अंबयं दट्ठं जहा अन्नस्स मुहं पणहाति । एवं तस्स संवासादिएहिं वेदोदएण अभिलासो भवति । भुत्ताभुत्तसाहवो वा तमभिलसन्ति । तम्हा नपुंसगो न दिक्खियव्वो ॥ वितियपदेन इमेहिं कारणेहिं सव्वे दिक्खेज्जा-

[भा.३६०५] असिवे ओमोयरिए, रायदुट्ठे भए व आगाढे ।

गेलण्ण उत्तमट्ठे, नाणे तह दंसणे चरित्ते ॥

चू- सो असिवं उवसामेहि त्ति, असिवग्गहियाण वा तप्पिस्सति, सलद्धिओ वा सो ओमे भत्तपाणेण गणस्स उवग्गहं करेस्सति ॥

[भा.३६०६] रायदुट्ठभएसु, ताणट्ठ निवस्स चैव गमणट्ठ ।

विज्जो व सयं तस्स व, तप्पिस्सति वा गिलाणस्स ॥

चू- रायदुट्ठे ताणं करेस्सति, रायवल्लभो वा सो रायाणं गमेस्सति, बलवं कयकरणो स बोहिगादि भए आगाढे ताणं करेस्सति, सत्तविहागाढेवा पव्वाविज्जति । वेज्जो वा सो सयं गिलाणस्स किरियं

करेस्सति । अहवा - विज्रस्स गिलाणस्स वा तप्पिस्सति । उत्तिमद्वुपडिवन्नगस्स असहायस्स कुसहायस्स वा मे सहायो भविस्सति, तप्पिस्सति वा सो वा उत्तिमद्वं पडिवज्जति ॥

[भा. ३६०७] गुरुणो व अप्पणो वा, नाणादी गेण्हमाण तप्पिहिति ।

अचरणदेसा णेंते, तप्पे ओमासिवेहिं वा ॥

चू- गुरुणो अप्पणो वा नाणं गेण्हंतस्स असनादिवत्थादिएहिं तप्पिहिति । एवं दंसणे वि । चरित्तं जत्थ देसे न सुज्झइ चरणद्वु ततो नितस्स एस मे सहायो भविस्सति तप्पिस्सति वा ॥

[भा. ३६०८] एएहिं कारणेहिं, आगाढेहिं तु जो उ पव्वावे ।

पंडाती सोलसगं, कए तु कज्जे विगिंचणता ॥

चू- जेण कारणेण सो पव्वावितो तम्मि समाणिते पच्छा सो विगिंचियव्वो ॥

कारणजाते य पव्वाविज्जंतस्स इमा विही-

[भा. ३६०९] दुविहो जाणमजाणी, अजानगं पन्नवेति तु इमेहिं ।

जनपच्चयद्वया वा, नज्जंतमणज्जमाणे वि ॥

चू- जाणि त्ति जाणति, जहा “साहूण न कप्पति ततियं दिक्खेउं”, तमुवद्वियं पन्नवेति “नो तुज्झ दिक्खा, अवत्तवेसधारी सावगधम्मं पडिवज्जसु, अन्नहा ते नाणादिविराधणा भवति ।” अजानगं पुण जनपच्चयद्वु कडिपट्टमादिएहिं पन्नवेति । सो पुण अजानगो तत्थ जणे नज्जति न वा एवं दुविधे वि इमा जयणा-

[भा. ३६१०] कडिपट्टए य छिहली, कत्तरिया भंडु लोय पाढो य ।

धम्मकहसन्निराउल-ववहारविगिंचणं कुज्जा ॥

चू- पुव्वद्धस्स इमा वक्खा-

[भा. ३६११] कडिपट्टओ अभिनवे, कीरति छिहली य अन्ह चेवासि ।

कत्तरिया भंडू वा, अनिच्छे एक्केक्कपरिहाणी ॥

चू- चोलपट्टो से वज्जत, नो अगगतो चरयं करेति, सिरे से “छिहलि” त्ति सिंहं से मुच्चति । जइ सो भणइ - किं मे अगगतो चरयं न करेह, सव्वं मुंडं वा ? ताहे सो भण्णति - नवधम्मो चेव एवं कीरति । वसभा य भणंति - अन्ह वि णवधम्माण एवं चेव आसि । तं पुण मुंडं कत्तरिमनिच्छंतस्स, “भंडु” त्ति खुरो, तेन सो मुंडिज्जति । खुरं पि अनिच्छंतो एवं एक्कहाणीते पच्छा से लोओ कज्जति । सव्वेसु छिहली मुंचति ॥

[भा. ३६१२] छिहलीं तु अनिच्छंतो, भिक्खुमादीमयं पि णेच्छंति ।

परतित्थिय वत्तव्वं, उक्कमदाणं ससमए वि ॥

चू- छिहलिं पि अनिच्छंते सव्वं वा से मुंडं कज्जति, ततो सिक्खविज्जति । सा सिक्खा दुविहा - आसेवणसिक्खा गहणसिक्खा य । आसेवणसिक्खाए से किरियाकलावो न दंसिज्जति । इमा गहणसिक्खा - “पाढे” त्ति अस्य व्याख्या- भिक्खुमादिपरतित्थियाणं ससमयवत्तव्वयं पाढिज्जति, तम्मि अनिच्छंते सिंगारकव्वं पाढिज्जति, तम्मि अनिच्छंते धम्मकहागंडियाओ पाढिज्जति, तम्मि अनिच्छंते समए जे परतित्थियवत्तव्वयसुत्ता ते पाढंति, तम्मि अनिच्छे ससमयं उक्कमेण विलुलियं पाढंति ॥ इमा से कारणे विही-

[भा.३६१३] वीयार-गोयरे थेरसंजुओ रत्तिदूरे तरुणाणं ।  
गाहेह ममं पि तओ, थेरा गाहेतंऽजत्तेणं ॥

चू- वियारभूमिं गच्छंतो गोयरं वा हिंडंतो थेरसंजुत्तो हिंडति । रातो दूरे तरुणाण सेविज्जति चिद्धति वा, तं च न पादेति साहवो । जति भणेज्ज - ममं पि पादेह त्ति ताहे थेरा वंचणाणि करंति, अयत्तेण गाहिति ॥ तं पि इमेरिसं गाहिति-

[भा.३६१४] वेरग्गकहा विसयाण निंदया उड्डनिसीयणे गुत्ता ।  
चुक्कखलिते य बहुसो, सरोसमिव चोदते तरुणा ॥

चू- जे सुत्ता वेरग्गकहाए ठिता विसयनिदाए य ते सुत्ते गाहिज्जति । अहवा - तस्स पुरतो वेरग्गकहा विसयनिंदकहा कहिज्जा । उड्डेतनिवेसंता य साहवो संवुडा भवंति जहा अंगादानं न पस्सति । तस्स जइ सामायारीए कि चि चुक्कयं कयं खलितं वा विणहं कयं ताहे तरुणा भिक्खू ते निद्धरं सरोसं चोदंति, बहुवारा बहुसं, एवं कएसु तरुणेषु अनुबंधं न गच्छति ॥

[भा.३६१५] धम्मकहा पादंति य, कयकजा वा से धम्ममक्खेंति ।  
मा हन परं पि लोयं, अनुव्वया तुज्ज नो दिक्खा ॥

चू- गतत्थो पढमो पदो । इदानिं पच्छद्धस्स वक्खाणं - जेण कज्जेण सो दिक्खिओ तम्मि समत्ते कज्जे धम्मो से कहिज्जति, बोहिउवधायकारणा य से कहिज्जति, तुमं च रयोहरणादिलिंगिद्धितो य परभवबोहीए उवधायकारणाय वड्डिसि, तं मा हन परं पि लोयं, मुंच रयोहरणादि लिंगं, तुज्ज सावगाणुव्वता ते गेणहसु, न साधुदिक्खा भवति ॥ एवं पन्नविते जति साधुलिंगं मुंचति तो लहं । अह न मुंचति ताहे “सन्निराउलं” ति अस्य व्याख्या-

[भा.३६१६] सन्नि खरकम्मिओ वा, भेसेत्ति कओ इहेस कंचिच्चो ।  
निवसिद्धे वा दिक्खितो, एएहि अनाये पडिसेहो ॥

चू- सण्णी जो खरकम्मिओ सो पुव्वं पन्नविज्जति - “अम्हेहिं कारणे ततिओ पव्वावितो, सो इदानिं लिंगं नेच्छए मोत्तुं, तं तुमं भेसेहि” । पच्छा सो आगतु गुरवो वंदितुं निविद्धे, सव्वे निरिक्खति संजते । ताहे तं पुव्वकहियचिंधोवलक्खितं करमलण-भूमफालण-सिरकंपण-फरुसवयण-खरदिद्धवलोयणेण रूसितो भणाति - “कतो एस तुज्ज मज्जे कंचिच्चो ? अवसरहि त्ति, मा तेन वाएस्सं । एवं च जदि न मुंचति, खरकम्मियस्स वा असति, तेन व रन्नो कहितं, एत्थ वि सो ववहारेण जेतुं विक्किचियव्वो . इमो ववहारो-जदि स भणेज्ज एतेहिं दिक्खितोमि त्ति, एत्थ जति जणेण न पातं एएहिं दिक्खितो त्ति तो अणाते पडिसिज्जंति अवलप्पति इत्यर्थः ॥ अह सो भणेज्ज-

[भा.३६१७] अज्झाविओमि एतेहि चेव पडिसेहो किं वऽधीयंते ।  
छलिगकहाती कट्ठति, कत्थ जती कत्थ छलियाइं ॥

चू- अहमेतेहिं चेव अज्झावितो, जनेन अन्नाते एत्थ वि पडिसेहो ।

अहवा भन्नति - “किं तुमे अधीतं” ति, ताहे सो परसमए चलियकव्वकहादि कट्ठति । ताहे साहवो भणाति - “कत्थ जती, कत्थ छलिगादि कव्वकहा ? साहवो वेरग्गमग्गद्धिता सिंगारकहा न पदंति - न युज्जतेत्यर्थः” ॥ इमेरिसं साहवो सव्वण्णुभासियं सुतं पदंति-

[भा. ३६१८] पुव्ववसंजुत्तं, वेरग्गकरं सतंत-अविरुद्धं ।

पोराणमद्धमागहभासा निययं हवति सुत्तं ॥

चू-पुव्वसुत्तनिबद्धो पच्छासुतेम अवरुद्धमाणो पुव्वावरसंजुत्तं भन्नति, विसएसु विरागकरं, स्वतंत्र स्वसिद्धान्तः तम्भि अविरुद्धं - सव्वहा सव्वत्थ सव्वकालं नत्थि आया तो सतंतविरुद्धं भन्नति, तित्थयरभासितो जस्सऽत्थो गंधो य गणधरनिबद्धो तं पोराणं । अहवा - पाययबद्धं पोराणं, मगहऽद्धविसयभासनिबद्धं अद्धम गहं । अधवा - अद्धरसदेसीभासाणियतं अद्धमागधं भवति सुद्धं, “नियतं”ति निबद्धं ॥ किं चान्यत्-

[भा. ३६१९] जे सुत्तगुणा वुत्ता, तव्विवरीयाणि गाहते पुव्वं ।

निच्छिण्णकारनाणं, सा चेव विगिंचणे जयणा ॥

चू- सुत्तस्स गुणा इमे-

[भा. ३६२०] निद्धोसं सारवंतं च, हेऊकारणचोइयं ।

उवनीयं सोवयारं च, मितं महुरमेव च ।

[भा. ३६२१] अप्पगंध महत्थं च, बत्तीसादोसवज्जियं ।

अच्छोभणमवज्जं च, सुत्तं सव्वन्नुभासियं ॥

चू- एते सुत्तगुणा, एतेहिं विवरीत आद वेव सुत्तं पढाविज्जति । एवं पाढिए को गुणो ? भन्नति-निच्छिन्नकारनाणं सव्वो विगिंचणविही भवति, एस ववहारविगिंचणविही भणिता ॥

जो ववहारेण विगिंचितुं न सक्कति तस्सिमा विही-

[भा. ३६२२] कावालिए सरक्खे, तच्चण्णियवसभलिंगरूवेणं ।

वडुंवगपव्वइए, कायव्वं विहीए वोसिरणं ॥

चू-गीया अविकारिणो वसभा कावाल-सरक्ख-तच्चत्रिय-वेसग्गहणे तं परिट्ठवेति । बहुसयणो वडुंवगे तम्भि एसा परिट्ठवणविही ॥ इमेसु य-

[भा. ३६२३] निववल्लभवहुपक्खम्मि वा वि तरुणवसभा मिथो वेति ।

भिन्नकहातो भट्ठे, न घडति इह वच्च परतित्थिं ॥

चू. जो निवस्स वल्लभो, जो य बहुमित्तसयणपक्खितो, तेसु वि एस चेव परिट्ठवणविही ।

जया स नपुंसगो मिथो रहस्से तरुणभिक्षुं ओभासति, भिन्नकहाओ वा करेति, तदा तरुणभिक्षू भणति- “इह जतीण मज्झे न घडति एरिसं तुमं, तुमं यदि एरिसं काउकामो सि तो उन्निक्खमाहि परतित्थिएस वा वच्च” ॥ जति सो एवं गतो तो लडुं । अह सो भणेज्जा-

[भा. ३६२४] तुमए समगं आमं, ति निग्गतो भिक्षुमातिलक्खेणं ।

नासति भिक्षुगमादी, छोदूण ततो वि विपलाति ॥

चू- स नपुंसगो तं तरुणवसभं भणेज्ज - “तुमं समगं वच्चामि, ममं तत्थ छोदुं आगच्छेज्जासि।” ताहे साधू भणेज्ज - “आणं ति, एहि वयामो ।” ताहे भिक्षूमादिलिंगलक्खेण गंतुं भिक्षुमादिएसु छोदुं तं साधू नासति । जो पुण नीतो भिक्षु मादिएसु तं साधुं न मुंचति तं रातो सुत्तं नाउं विपलाति । तम्भि वा भिक्षादिनिग्गए विपलाति, साहू वा भिक्षादिनिग्गतो ततो च्चिय विपलाति ॥

“नपुंसगो”ति गतं । “जड्ढे”ति-

[भा.३६२५] तिविहो य होइ जड्डो, सरीर-भासाए करणजड्डो उ ।

भासाजड्डो तिविहो, जल मम्मण एलमूओ य ॥

चू- तिविहो जड्डो - सरीरजड्डो, करणजड्डो, भासाजड्डो य । एत्त भासाजड्डो पुणो तिविहो - जलमूगो मम्मणमूगो एलमूगो, चसद्दा दुम्मेहजड्डो य । जहा जले निब्बुड्डो उल्लावेति वा जलं एवं जलमूगो अव्वत्तं भासति । एलमूगो भासइ एलगो जहा बुड्बुड्ढति, एवं एलमूगो भासति । अंतरंतरे खलति वातो जस्स अविप्पड्ढभासी बोब्बडो य स मम्मणो । घोसंतस्स वि जस्स गंधो न ठायति स दुम्मेहो माषतुषवत् ॥ एते पव्वावेतस्स इमं पच्छित्तं-

[भा.३६२६] जलमूए तलमूए, सरीरजड्डे य करणजड्डे य ।

एएसु चउगुरुगा, सेसकजड्डुम्मि मासलहुं ॥

चू-जलं एलं अतिसरीरे करणजड्डुं च, एते पव्वावेतस्स चउगुरुगा, “सेस”त्ति नातिसरीरजड्डो, मम्मणो दुम्मेहो य, एतेसु तिसु मासलहुं ॥ जल-एल-मूएसु इमे दोसा-

[भा.३६२७] दंसण-नाण-चरित्ते, तवे य समितीसु करणजोगे य ।

उवदिदं पि न गेण्हति, जलमूओ एलमूओ य ॥

चू-दंसणसरूवं, दंसणपभावगाणि वा सत्थाणि, दंसणं वा पड्डुच्च जो उवदेसो दिज्जति । एवं नाणे चरणे तवे समितीसु करणेसु जोएसु य तित्रि तित्रि भेया कायव्वा । तेसुवड्डे न गेण्हति जलमूगो एलमूगो य । अतो ते न दिक्खियव्वा ॥ किं च-

[भा.३६२८] नाणादड्डु दिक्खा, भासाजड्डो अपच्चलो तस्स ।

सो बहिरो वि नियमा, गाहणउड्डाह अहिकरणं ॥

चू-दिक्खा नाणादड्डु इच्छिज्जति । सोय भासाजड्डो दुविहो वि तस्सग्गहणे अपच्चलो अस-मर्थेत्यर्थः । सो य दुवहो वि नियमा बहिरो भवति । तम्मि महता सद्देण गाहिज्जंते उड्डाहो भवति । तम्मि अगिण्हंते कोवो भवति, ततो अधिकरणं ॥ इदानिं सरीरजड्डे दोसा-

[भा.३६२९] तिविहो सरीरजड्डो, पंथे भिक्खे य होति वंदनए ।

एतेहि कारणेहिं, जड्डुस्स न दिज्जती दिक्खा ॥

चू-सरीरजड्डो न सरीर भेदेण तिविहो, क्रियाभेदेण तिविहो इमो - पंथे, भिक्खाडणे, वंदनपयाणकाले य ॥ एयस्स तिविहस्स वि इमा वक्खा-

[भा.३६३०] अद्धाणे पलिमंथो, भिक्खायरियाए अपडिहत्थो य ।

दोसो सरीरजड्डे, गच्छे पुण सो अनुन्नाओ ॥

चू-पथे छड्डिज्जति, ऊरुधंसो य से भवति, सावयतेनभयं च से भवति, अह साधवो पडिक्खंति ताहे तेसिं पि पलिमंथो भिक्खायरियाए, वंदने अपरिहत्थो, एत्थ वि अन्नसिं पलिमंथो । एवमादि सरीरजड्डे दोसा । तेनं से दिक्खा पडिसिद्धा । “गच्छे पुण सो अनुन्नातो”त्ति पुब्बिं पव्वावणकाले किसो आसी पच्छा सरीरजड्डो जातो, तस्स गच्छे परियट्ठणा अनुन्नाया न परित्याज्येत्यर्थः । अन्ने भणंति - नातिसरीरजड्डुस्स महल्लगच्छे पव्वज्जा अनुन्नाता इत्यर्थः ॥ किं चान्यत्-

[भा.३६३१] उट्ठस्सासो अपरिक्कमो य गिलाणऽलाघव अग्गि अहि उदए ।

जड्डुस्स य आगाढे, गेलण्णऽसमाहिमरणं वा ॥

चू-सरीरजडुस्स अद्धाणादिसु उट्ठं सासो भवति । खलादिलंघणेषु य अप्परक्कमो भवति । जहा से गिलाणस्स तहा सव्वं कायव्वं । गिलाणो वा सो अभिक्खं भवति । तस्स सरीरलाधवं न भवति । अहवा - अहि-अग्गि-उदगादिसु आवतंतेसु नासितव्वे अलाधवं भवति । सरीरजडुस्स आगाढे गेलण्णे उवचितरीरस्स डाहजरादिणा असमाहिररणं भवति ॥ किं चान्यत्-

[भा. ३६३२] सेएण कक्खमाती-कुच्छणधुवणुप्पिलावणे पाणो ।

नत्थि गलभोअ चोरो, निंदियमुंडा य वातो य ॥

चू- उवचितसरीरस्स गिम्हादिसु कक्खोरुउदरंतराणि सेदण क्खेज्जा, ते य अधोवंतस्स व्रणी हवेज्ज । अह धोवति उप्पिलावणे पाणिणो बहो भवति । जणो इमं भासति - गलपरिभुतं जतोवस्सं कज्जंतरे पगडं भवति, तेन नत्थि सो चोरो जेणिमे समणा एवं उवचितदेहा, तेन नज्जति जहा एते परिणतरसभोयिणो नेव य इंदियमुंडा - न जितेन्द्रिया इत्यर्थः ॥

इदानिं करणजडो-

[भा. ३६३३] इरियासमिती भासेसणा य आदाणसमितिगुत्तीसु ।

न वि ठाति चरणकरणे, कम्मदएणं करणजडो ॥

चू- पंचसु समितीसु तीसु य गुत्तीसु एयासु अडुसु पवयणमादीसु तहा सवित्थरे चरणे - “वयसमणधम्मसंजमकरणग” गाहा । तहा करणे सवित्थरे “पिंडविसोहीसमिति” गाहा, एवं उवदिट्ठं जो न गेण्हति चारित्तावरणकम्मोदएण एतेसु न चिट्ठति एस करणजडो । जो वेतं गाहेति तस्स वि सुतेसु पलिमंयो । एमादिदोसपरिहरणत्थं जडो न दिक्खियव्वो ॥

अथ कारणे अजाणया वा दिक्खितो तस्स परिपालणे इमा विही-

[भा. ३६३४] मोत्तुं गिलाणकिच्चं, दुम्मेहं पाढे जाव छम्मासा ।

एक्केक्के छम्मासा, जस्स य दुट्ठं विगिंचणया ॥

चू- जति दुम्मेहो गिलाणडु पव्वावितो तो जाव गिलाणकिच्चं ताव परियट्ठंति पाढेंति य । जो पुण मोत्तुं गिलाणकिच्चं अजाणया पव्वावितो तं छम्मासे पाढेंति । अह दुम्मेहो पव्वावितो एक्कं गिलाणकिच्चं मोत्तुं सेसं सव्वं पमादित्ता दियाराओ य पढाविज्जति जाव छम्मासा । जति छम्मासेण नमोक्कारं सामातिसुत्तं वा गेण्हति तो न छड्डिज्जति । अह न गेण्हति तो अन्ने दो आयरिता संकमति, जं आयरियं दट्ठं दुम्मेहत्तणं छड्डेंति तस्स आयरियस्स । सो अह न गाहितो तेहिं अतोपरि विगिंचणया परित्यागेत्यर्थः ॥

[भा. ३६३५] छम्मासकरणजडुं, परियट्ठति दो वि जावजीवाए ।

अन्ने दो आयरिता, तेसिं दट्ठुं विवेगो य ॥

चू- करणजडुं अप्पणो आयरितो छम्मासे परियट्ठति पच्छा अन्ने दो आयरिता संकमति, दुम्मेहवत् । मम्मणं णातिसरीरजडुं च एते दो जावजीवं परियट्ठति ॥

इदमेवार्थं किचिद्विशेषयुक्तमाह-

[भा. ३६३६] जो पुण करणे जडो, उक्कोस तस्स होंति छम्मासा ।

कुलगणसंघनिवेयण, एयं तु विहिं तहिं कुज्जा ॥

चू- करणजडुं अप्पणो आयरिओ उक्कोसेण छम्मासे परियट्ठति । अह अन्नो नत्थि आयरिओ,

नेच्छति वा, ताहे कुलगणसंघससवातं काउं “जस्स भे रूच्चति सो गेण्हउ” एवं विगिंचति । अत्रे भणंति -अन्नायरियाभावे अप्पणो चेव अट्टरसमासे परियट्ठति ततो पच्छा कुलादिएसुविगिंचति ॥ “जड्ढे”त्ति गतं । इदानिं कीवो-

[भा. ३६३७] तिविहो य होति कीवो, अभिभूतो निमंतणा अनभिभूतो ।

चउगुरुगा छग्गुरुगा, ततिए मूलं तु बोधव्वं ॥

[भा. ३६३८] अहवा - दुविहो य होइ कीवो, अभिभूतो चेव अनभिभूतो य ।

अभिभूतो वि य दुविहो, निमंतणाऽऽलिद्धकीवो य ॥

चू- अभिभूतो अनभिभूतो य । अभिभूतो पुणो दुविहो - निमंतणाकीवो आलिद्धकीवो य । अनभिभूतो वि दुविधो - सद्दकीवो दिट्ठिकीवो य । एस चउव्विहो कीवो । इमा परूवणा - इत्थीते निमंतितो भोगेहिं न तरति अहियासेउं, एस निमंतणाकीवो । जतुघडो जहा अगिसन्निकरिसेण विलयति एवं जो हत्थोरुकक्खपयोधरेहिं आलिद्धो पडिसेवति, एस आलिद्धकीवो ॥ इमो दिट्ठिकीवो-

[भा. ३६३९] दुविहो य अनभिभूतो, सद्दे रूवे य होइ नायव्वो ।

अभिभूतो गच्छगतो, सेसा कीवा उ पडिकुट्ठ ॥

[भा. ३६४०] संफासमणुप्पत्तो, पडती जो सो उ होति अभिभूतो ।

निवतति य इत्थिणिमंतणेण एसो वि अभिभूतो ॥

[भा. ३६४१] दट्ठण दुन्निविट्ठं, निगिणमनायारसेविणं वा वि ।

सद्दं वा सोतु ततिओ सज्जं मरणं व ओहाणं ॥

चू- “दट्ठण” उवरिसरीरमप्पाउयं दुव्वियडं “दुन्निविट्ठ” असंवुडं “निगिणं” ति, नग्गं मेहुणमनायारसेविणं वा जो खुब्भति सो दिट्ठिकीवो । इमो सद्दकीवो - “सद्दं सोउं” ति, भासा-भूसण-गीत-परियारण-सद्दं च सोतुं जो खुब्भति सो सद्दकीवो । “ततिओ”त्ति एस ततिओ कीवो । अहवा - एते निरुज्झमाणा “ततिओ”त्ति नपुंसगा भवंति, सज्जं वा मरंति, ओहाविंति वा ॥ इमं दिट्ठिकीवे भण्णति-

[भा. ३६४२] साहम्मि अन्नहम्मि य, गारत्थियइत्थियाओ दट्ठणं ।

तो उप्पज्जति वेदो, कीवस्स न कप्पती दिक्खा ॥

चू- एया तिविधित्थीओ दट्ठुं उक्कडवेदत्तणओ पुरिसवेदो उदिज्जति । उदिन्नेय बला इत्थिग्गहणं करेज्ज । उट्टाहादी दोसा तम्हा न दिक्खेयव्वो । दिक्खंतस्स इमं पच्छित्तं - आलिद्धकीवे चउगुरुं, निमंतणकीवे छग्गुरुं, दिट्ठीकीवे छेदो, सद्दकीवे मूलं, अहवा - सामन्नेण कीवे मूलं ॥ एते जति पव्वाविता अजाणताए तो इमा जयणा परियट्ठणे-

[भा. ३६४३] संघाडगाणुबद्धा, जावज्जीवाए नियमियचरित्ते ।

दो कीवे परियट्ठति, ततियं पुण उत्तिमट्ठम्मि ॥

चू- सदा संघाडगानुबद्धा सबित्तिज्जा एवं अतीव नियमिया कज्जति । अभिभूतो दुविधो वि एवं परियट्ठिज्जति । ततिओ अनभिभूतो सो परं (पुण) उत्तिमट्ठे पव्वाविज्जति ॥

एसेवऽत्थो अन्नहा भण्णइ-

[भा. ३६४४] अभिभूतो पुण भतितो, गच्छे सबितिज्जओ उ सव्वत्थ ।

इयरे पुण पडिसिद्धा, सद्दे रूवे य जे कीवा ॥

चू- पुणसद्देण अभिभूतो दुविधो वि, भयणसद्दे सेवाए । अधवा - जति गच्छे बितिज्जगा अत्थि तो ते पव्वाविज्जंति, सबितिज्जा सव्वत्थ गच्छे गच्छंति, इयरे पुण जे सद्द-दिट्ठिकीवा ते दो वि पडिसिद्धा, तेसिं परं उत्तिमद्दे दिक्खा ॥ “कीवे” त्ति गयं । इदानिं “वाहिते” त्ति-

[भा. ३६४५] रोगेण व वाहीण व, अभिभूतो जो तु अभिलसे दिक्खं ।

सोलसविहो उ रोगो, वाही पुण होइ अड्ढविहो ॥

चू- इमो सोलसविहो रोगो-

[भा. ३६४३] वेवग्गि पंगु वड्ढं, निम्मनिमलसं च सक्करपमेहं ।

बहिरंधकुंटवड्ढं, गंडी कोटीक्खते सूई ॥

चू- इमो अड्ढविहो वाही-

[भा. ३६४७] जर-सास-कास डाहे, अतिसार भगंदरे य सूले य ।

तत्तो अजीरघातग, आसु विरेचा हि रोगविही ॥

चू- आशुघातित्वाद् व्याधि, चिरघातित्वाद् रोगः, तं रोगत्थ वाहिग पव्वावंतस्स दोसा आणादी इमे य-

[भा. ३६४८] छक्कायसमारंभो नाणचरित्ताण होति परिहाणी ।

घंसण पीसण पयणं, दोसा एवंविहा होंति ॥

चू- जति तस्स तिगिच्छं आउट्ठति तो छक्कायविराधना । एस चरित्तपरिहाणी । गिलाणवावडवेयावच्चस्स सुत्तत्थपोरिसीओ अकरंतस्स नाणपरिहाणी । चंदनादियाण घसणं, वड्ढल्लिमादियाण पीसणं, घयमादीयाण पयणं, एवमादि पलिमंधदोसेहिं अप्पणो सव्व-किरियापरिहाणो । अध न करेति से किरियं तो चउगुरुं । जं से वा पावति पावेहिं वा तं च पावति दिक्खते ॥ किं चान्यत्-

[भा. ३६४९] जाता अनाहसाला, समणा वि य दुक्खिया पडियरता ।

ते चि य पउणा संता, होज्ज व समणा न वा होज्जा ॥

चू- “अनाहसाल” त्ति आरोगसाला गच्छवासो अनाहसालावत् । तत्थ साहवो अन्नस्स वमणं, अन्नस्स विरेयणं, अन्नस्स (स) मसणं, अन्नस्स पाणयं, अन्नस्स घयाईणं, एवमादि उग्गमेत्ता दुक्खिया जाता । पच्छद्धं कंठं ॥ “रोगि” त्ति गतं । इदानिं “तेना”-

[भा. ३६५०] अक्कंतितो य तेनो, पागतितो गाम-देस-अद्धाणे ।

तक्करखाणगतेनो, परूवणा होति कायव्वा ॥

चू- अडाडाए बला हरंतो अक्कंतिओ, राते अवहरंतो पागतितो । अधवा - राउलवग्गस अक्कंतितो, पागयजणस्स हरंतिओ पागतितो, गामतो हरंतो गामतेनो, सदेस परदेसे व हरंतो देसतेनो, गामदेसंतरेसु हरंतो अंतरतेनो, पंथे मुसंतो अद्धाणतेनो । तदेविक्कं करोतीति तक्करो, नो अन्नं किं चि किसिमादी करोतीति । खेत्तं खणंतो खाणगतेनो ॥

सो मसासेण चउव्विहो तेनो-



[भा.३६५१] दव्वे खेत्ते काले, भावे य तेनगम्भि निक्खेवो ।  
एएसिं तु चउण्हं, पत्तेयपरूवणं वोच्छं ॥

चू- इमो दव्वतेनो-

[भा.३६५२] सच्चित्ते अच्चित्ते, य मीसए होति दव्वतेनो उ ।  
साहम्मि अन्नधम्मिय, गारत्थीहिं च नायव्वो ॥

चू- सचित्तं दुपदचतुप्पदापदं । अचित्तं हिरन्नादि । मीसं सभंडमतोवगरणं अस्सादि, फलादि वा देसोवचितावचित्तं । तं पुण सचित्तादि दव्वं साहम्मियाण अन्नधम्मियाण गारत्थियाण वा अवहरंतो दव्वतेनो । सो तिविहो - उक्कोस-मज्झिम-जहन्नो । हय-गय-रायित्थी-माणक्के हरंतो उक्कोसो, गो-महिस-खत्तखण-खरियादि वा हरंतो मज्झिमो, पहियजणमोसगो गंठभेदगो असणादि वा हरंतो जहन्नो । एत्थ एक्केक्के चउप्पगारा इमे - तेनो तेनतेनो पडिच्छगो पडिच्छगपडिच्छगो ॥

इदानिं खेत्त-काल-भावतेना तिन्नि वि जुगवं भन्नति-

[भा.३६५३] सगदेस परदेस विदेसे, अंतरतेनो य होति खेत्तम्भी ।  
राइंदिया व काले, भावम्मि य नाणतेनो तु ॥

चू- सदेसतो, परदेसतो, एतेसिमंतरे वा हरंतो खेत्ततेनगो । रातो वा दिया वा हरंतो कालतेनो । भावतेनो नाणदंसणचरित्ते हरंतो ॥

[भा.३६५४] हयगयलंचिक्काइं, तेनेंतो तेनओ उ उक्कोसो ।  
खेत्तखण कण्हवण्णिय, गोणातेनो य मज्झिमतो ॥

[भा.३६५५] गंठीछेदगपहियजणदव्वहारी जहन्न तेनो उ ।  
एक्केक्को वि य दुविहो, पडिच्छगपडिच्छगो चेव ॥

चू- इमे उदाहरणा तिसु वि-

[भा.३६५६] गोविंदऽज्जो नाणे, दंसणसत्थइहेतुगइ वा ।  
पावादिय उव्वरगा, उदायिवहगातिया चरणे ॥

चू- गोविंदो नाम भिक्खू । सो एगेणायरिएण वादे जितो अट्टरस वारा । ततो तेन चित्तियं सिद्धंतसरूवं जाव एतेसिं न लब्भति ताहे ते जेतुं न सक्केंतो, ताहे सो नाणावरणहरणइ तस्सेवायरियस्स अंते निक्खतो । तस्स य सामाइयादिं पढेंतस्स सुद्धं सम्मत्तं । ततो गुरुं वंदित्ता भणति - देहि मे वते । ननु दत्ताणि ते वताणि । तेन सब्भावो कहितो । ताहे गुरुणा दत्ताणि से वयाणि । पच्छा तेन एगिंदियजीवसाहणं गोविंदनिज्जुत्ती कया । एस नाणतेनो । एवं दंसणपभावगसत्थइ कक्कडगमादिहेतुगइ वा जो निक्खमति सो दंसणतेनो । जो एवं च करणइ चरणइ चरणं गेणहति, भंडिओ वा गंतुकामो, जहा वा रन्नो वहणइ उदायिमारगेण चरणं गहियं । आदिसद्दातो “मधुरकोण्डइला” एते सव्वे चरित्ततेना ॥

एते दव्वादितेना समण-समणी न कप्पंति पव्वावेतुं-

[भा.३६५७] सच्चित्तं अच्चित्तं, च मीसगं तेणियं कुणति जो उ ।  
समनाण व समणीण व, न कप्पती तारिसे दिक्खा ॥

चू- पव्वावित्ते इमे दोसा-

[भा. ३६५८] वहबंधण उद्दवणं, च खिसणं आसियावणं चैव ।  
निव्विसयं च नरिंदो, करेज्ज संघं च सो रुट्ठे ॥

चू- तस्स वा पव्वायगायरियस्स व सव्वस्स व गच्छस्स लतकसादिएहिं वहं करेज्ज, बंधणं नियलादिएहिं, उद्दवणं मारणं, खिसा “धिरत्थु ते पव्वज्जाते”त्ति, आसियावणं, पव्वज्जातो, गामणगरातो वा धाडेज्ज । अहवा - नरिंदो रुट्ठे निव्विसयं करेज्ज, कुलगणसंघाण वा वहादिए वि पगारे करेज्जा ॥ किं चान्यत्-

[भा. ३६५९] अयसो य अकित्ती या, तं मूलागं भवे पवयणस्स ।  
तेसिं पि होइ एवं, सव्वे एयारिसा मण्णे ॥

चू- नवरि - तेनत्थे वत्तव्वा ॥ जो पव्वावेति तस्स आणादिया दोसा, इमं च से पच्छित्तं-

[भा. ३६६०] सग्गामपरग्गामे, सदेस परदेस अंतो बाहिं च ।  
दिट्ठदिट्ठे सोही, मासलहु अंतमूलाइं ॥

चू- सग्गामे परग्गामे सदेसे एतेसिं अधो उक्कोस-मज्झिम-जहन्ना ठविज्जति, एतेसिं अंतो बाहिं ठविज्जति एतेसिं अहो दिट्ठदिट्ठदि । एतस्सऽधो मूलं ॥

[भा. ३६६१] मूलं छेदो छग्गुरु, छल्लहु चत्तारि गुरुगलहुगा य ।  
गुरुगलहुओ य मासो, सग्गामुक्कोसगातीणं ॥

चू- मूलादि जाव मासलहुं ताव ठविज्जति । इमा चारणा - सग्गामे उक्कोसं अंतो दिट्ठं जो अवहरति तं जो पव्वावेति तस्स मूलं । अदिट्ठे छेदो । बाहिं दिट्ठे छेदो, अदिट्ठे छग्गुरु । मज्झिमे छेदातो छल्लहुए ठायति । जहन्ने छग्गुरुगातो चउगुरुगे ठायति । एवं परग्गामे अट्ठोक्कंति चारणाए छेदाढत्तं चउलहुए ठायति । सदेसे छग्गुरुआढत्तं मासगुरुए ठायति । एवं परग्गामे अट्ठोक्कंति चारणाए छेदाढत्तं चउलहुए ठायति । सदेसे छग्गुरुआढत्तं मासगुरुए ठायति । परदेसे छल्लहु आढत्तं मासलहुए ठायति । अन्नथा वि चारिज्जते एतदेव भवति । जम्हा एते दोसा तम्हा न पव्वावेयव्वो तेनो ॥ कारणतो पव्वावे-

[भा. ३६६२] मुक्को व मोइओ वा, अहवा वीसज्जितो नरिदेणं ।  
अद्धाणपरविएसे, दिक्खा से उत्तिमइत्ते ॥

चू- बंधनागारसोधणे मुक्को, सयणेणमन्नेण वा दंडेण मोइओ, रन्ना वा विसज्जितो - जहा पभवो । अहवा - मेयज्जक्खिघातवत् । अद्धाणे परदेसे वा उत्तिमइत्तं वा पडिवज्जंतो दिक्खिज्जति ॥ तेने त्ति गतं । इदानिं “रायावकारे”त्ति । इमो रायावकारी-

[भा. ३६६३] रन्नो ओरोहातिसु, संबंधे तह य दव्वजायम्मि ।  
अब्भुट्ठित्तो विनासाय होति रायावकारी तु ॥

चू- अंतोउरे अवरद्धो, सयणो वा, किं चि दव्वजातं वा अवहितं रन्नो, रयणदव्वस्स व विनासाय अब्भुट्ठित्तो रायावकारी ॥

[भा. ३६६४] सच्चित्ते अच्चित्ते, व मीसए कूडलेहवहकरणे ।  
समनाण व समणीण व, न कप्पती तारिसे दिक्खा ॥

चू- जे रन्नो सच्चित्तं दव्वं पुत्तादि, अचित्तं हारादि, मीसं वा, दूवत्तणेण वा विरोहो कतो,

कूडलेहेण वा रायविरुद्धं कयं दंडियविरोहे वा पुत्तादि से वहितो, एरिसो न कप्पति पव्वावेउं ॥

[भा. ३६६५] आसा हत्थी खरिगाति वाहिता कतकतं च कणयादी ।

दोच्चविरुद्धं च कयं, लेहो वहितो य से कोई ॥

[भा. ३६६६] तं तु अनुट्टियदंडं, जो पव्वावेति होति मूलं से ।

एगमणेगपदोसे, पत्थारपओसओ वा वि ॥

[भा. ३६६७] बहबंधण उद्दवणं, च खिंसणं आसियावणं चेव ।

निच्चिसयं च नरिंदो, कोज्ज संघं च सो रुट्टे ॥

[भा. ३६६८] अयसो य अकित्ती या, तं मूलागं भवे पवयणस्स ।

तेसिं पि होइ एवं, सव्वे एयारिसा मण्णे ॥

चू- एवमादिदोसा । जो पव्वावेति मूलं ॥ कारणे वा पव्वावेज्जा-

[भा. ३६६९] मुक्को व मोइतो वा, अहवा वीसज्जितो नरिदिणं ।

अद्धाणपरविदेसे, दिक्खा से उत्तिमट्ठे वा ॥

चू- इदानीं “उम्मत्तो”-

[भा. ३६७०] उम्मादो खलु दुविधो, जक्खाएसो य मोहनिज्जो य ।

अगनी आलीवणता, आतवयविराहणुड्डाहो ॥

चू- जक्खेण आविट्ठे, मोहणिज्जकम्मोदएण वा से उम्मादो जातो । एते दो वि न पव्वावेयव्वा । इमे दोसा- अगनीएपयावणादि करेज्ज, पलीवणं करेज्ज, अप्पानं वयाणि विराहेज्ज, खरियादिग्गहेण वा उड्डाह करेज्ज ॥

[भा. ३६७१] छक्काए न सहहति, सज्जाय-ज्जाण-जोग-करणं वा ।

उवदिट्ठं पि न गेण्हति, उम्मत्ते न कप्पती दिक्खा ॥

चू- काए न सहहति, सज्जायज्जाणं न करेति, अप्पसत्थे मणादिजोगे करेति, पडिलेहण संजमादिकरणजोगे न करेति । अन्नं पि विविधं चक्कवालसामायारीए उवदिट्ठं न करेति । एवमादिदोसेहिं उम्मत्ते न कप्पति दिक्खा ॥ इदानीं “अदंसणो”-

[भा. ३६७२] दुविहो अदंसणो खलु, जातीउवघायओ य नायव्वो ।

उवघातो पुण तिविधो, वाही उप्पाड अंजणता ॥

चू- जातिओ जम्मांधो, तिमिरादिवाहिणा अंधो, अवराहियस्स वा उप्पाडियाणि, तत्तसलागाए वा अंजियाणि, अन्ने एएणेव पसंगेण “धीणद्धी” भन्नति । जाति-वाहि-अंजितं ऽधो य तिसु वि चउगुरुगा । उट्ठितनयणे छग्गुरु, चरिमं धीणद्धीए ॥

[भा. ३६७३] उवहत उट्ठिय नयणे, अदंसणे अहव धीणग्गिद्धीए ।

चउगुरुयं छग्गुरुयं, तइए पारंचितो होति ॥

[भा. ३६७४] छक्कायविराधनता, आवडण खाणुकंटमादीसु ।

थंडिल्ले अपडिलेहा, अंधस्स न कप्पती दिक्खा ॥

चू- अपेच्छंतो छक्काए विराहेति, विसमे खाणुकंटेसु आवडइ, अपेच्छंतो थंडिलसामायारिं न करेति, अंधत्वादेव ॥ इमा धीणद्धिदोसो-

[भा. ३६७५] आवहति महादोसं, दंसणकम्मोदएण ततिओ उ ।

एगमणेगपदोसे, पत्थारपओसओ वां वि ॥

चू- मंहंत दोसं आवहति - पावति । मक्खा भन्नति ? दंसणकम्मोदएण को दोसो संपावइ धीणद्धी ? भण्णति - इमे य दोसा, सो थिणद्धीए दुट्ठे गिहिसाहूणं एगमणेगाण वा वध-बंधण-मारणं करेज्ज, जं चऽत्रं किं चि काहि ति आलीवणादियं । सव्वं पव्वावेत्तो पावति पच्छित्तं ॥

“अंधि”त्ति गतं । इदानिं “दासे” । तस्सिमे भेदा-

[भा. ३६७६] गब्भे कीते अणए, दुभिकखे सावराहरुद्ध वा ।

समनाण व समणीण व, न कप्पती तारिसे दिक्खा ॥

चू- “गब्भे”त्ति-उगालिदासो, किणित्ता दासो कतो, रिणं अदेत्तो दासत्तणेण पविट्ठे, दुब्भिकखे छातो दासत्तणेण पविट्ठे, किमिति कारणे अवराधी दंडं अदिंतो रन्ना दासो कतो, बंदिग्गहे निरुद्धो, दविणं अदेत्तो दासो कतो, एते दिक्खेतुं न कप्पंति ॥ इमे दोसा-

[भा. ३६७७] उवसंतो रायमच्चो, समनाणं वंदनं तु कुणमाणो ।

दड्ढूण दुवक्खरगं, सव्वे एयारिसा मन्ने ॥

चू- एगो रायप्रतिमो, राया वा, उवसंतो अहिणवसद्धो, तस्स संतितो दासो एगेणायरिएण अन्नाओ पव्वावितो । ते य विहरंता तं नगरमागता जत्थ सो राया । वंदनं करेत्तेन सो.दिट्ठे दासो । विप्परिणते निस्सारं पवयणं ति । चिंतेति य सव्वे एरिसा एते ॥ अहवा इमं करेज्ज-

[भा. ३६७८] वहबंधन उद्दवणं, च खिंसणं आसियावणं चेव ।

निव्विसयं च नरिंदो, करेज्ज संघं पि परिकुवितो ॥

चू- तं अन्नं वा उन्निक्खावित्ता दासत्तणं करेज्ज । सेसं कंठं ॥

[भा. ३६७९] अयसो य अकित्ती य, तं मूलागं तहिं पवयणस्स ।

तेसिं पि होइ संका, सव्वे एयारिसा मन्ने ॥

[भा. ३६८०] मुक्को वा मोतिओ वा, अहवा वीसज्जिओ नरिदेण ।

अद्धाणपरविदेसे, दिक्खा से उत्तिमट्ठे वा ॥

चू- इदानिं “दुट्ठे”

[भा. ३६८१] दुविहो य होइ दुट्ठे, कसायदुट्ठे य विसयदुट्ठे य ।

दुविहो कसायदुट्ठे, सपक्खपरपक्खचउभंगो ॥

चू- कोहं करेता कसायदुट्ठे, विसयासेवी विसयदुट्ठे । कसायदुट्ठे पुणो दुविहो - सपक्खे परपक्खे य । एत्थ चउभंगो कायव्वो ॥ इमो पढमभंगो-

[भा. ३६८२] सासवनाले मुहनंतए य उलुगच्छि सिहिरिणि सपक्खे ।

परपक्खम्भि य रन्नो उद्दवओ होइ नायव्वो ॥

चू- पुव्वद्धेण चउरो उदाहरणा पढमभंगो, पच्छद्धेण बितियभंगो ॥

“सासवणाले” इमं उदाहरणं-

[भा. ३६८३] सासवनाले छंदणं, गुरु सव्वं भुंजे एतरे कोवो ।

खामण य अनुवसंते, गणि ड्ववेत्तऽन्नि परिन्नो ॥

चू- एगेण साहुणा सासवणालुस्सेल्लयं सुसंभृतं लद्धं, तथ्य से अतीव गेही, तेन य तं गुरुणो उवनीयं, तं च गुरुणा सव्वं भुत्तं, इयरस्स कोवो जातो झटियं च । गुरुणा सो खामितो, तदावि नोवसंतो । भणति य- भंजामि ते दंता । गुरुणा विचिंतियं- मा एस मे असमाविमरणेण मारिस्सइ त्ति, गणे अन्नं आयरियं ठवेत्ता अन्नं गणं गंतुं अनासगं पडिवण्णं ॥

पुच्छति य ते साहू “कथ्य मे गुरवो ?”

[भा.३६८४] पुच्छंतमनक्खाए, सोव्वऽण्णओ गंतु कथ्य से सरिरं ।

गुरुणा पुव्वं कहिते, दायिते पडिचरणदंतवहो ॥

चू- पुच्छति कर्हिं गतो गुरु ? न कर्हेति साहवो । सो अन्नओ सोच्चा गतो जत्थ गुरवो । तर्हिं कहियं- अज्ज चेव कालगतो परिट्टवितो । ताहे ते पुच्छति- कथ्य से सरिरयं ? गुरुणा पुव्वकहितो चिंधेहिं उवलक्खितो- सो एसो पावो त्ति । तेन किं करेसि ? पेच्छामि से सरिरं त्ति । ताहे दंसितो, सह ते साहुणा गुविलट्टणठितान पडिचरितो “किमेस काहिति” त्ति पेच्छंति । उवट्टितो तु गोलोवलं कट्टिऊण दंते व धंतो भणाति- “सासवणालं खासि” त्ति, एयं करंतो दिट्ठे । इदानिं “मुहनंतगे” त्ति-

[भा.३६८५] मुहनंतगस्स गहणे, एमेव य गंतु निसि गलग्गहणं ।

सम्मूढेणितरेण वि, गलते गहितो मया दो वि ॥

चू- एगेण साहुणा अतीव लद्धं मुहनंतगं आनियं, तं गुरुणा गहियं । एत्थ वि सव्वं पुव्ववक्खाणगरिसं । नवरं - तं मुहनंतगं च पच्चप्पिणंतस्स न गहियं । जीवंते य गतो रायो साधुविरहं लभित्ता “मुहनंतगं गेण्हसि” त्ति भणंतो गाढं गले गिण्हति, संमूढेण गुरुणा वि सो गहितो, दो विमता ॥ इदानिं “उलुगच्छि” त्ति-

[भा.३६८६] अत्थंगए वि सिव्वसि, उलुगच्छी अच्छि उक्खिणामि तुहं ।

पढमगमो नवरि इहं, उलयच्छी उ त्ति ढोक्केति ॥

चू- एगो साहू अत्थंगते सूरिए सिव्वंतो गुरुणा भणितो “पेच्छसि त्ति उलुगच्छी ?” सो रुट्ठे भणाति “एवं भणंतस्स ते दो वि अच्छीणि उद्धरामि” । एत्थ वि सव्वं पढमसरिसं । नवरं- रयोहरणातो अयोमयं कीलियं कट्टिऊण दो वि अच्छीणि उद्धरितु ढोक्केति ॥

इदानिं “सिहिरिणि” त्ति-

[भा.३६८७] सिहिरिणि लंभाऽऽलोयण, छिंदिते सव्वातियंते उग्गिरणा ।

भत्तपरिण्णा अन्नं, न गच्छती सो इहं नवरं ॥

चू- एगेण साहुणा उक्कोसा भज्जिता लद्धा, गुरुणो आलोइया, निमंतैति, गुरुणा सव्वा आदिता । सो साधू पत्थर उक्खिवित्ता आगतो, अत्तेहि वि वारितो, तहावि अनुवसमंते गुरुणा चेव भत्तं पच्चक्खायं, नो अन्नं गण गतो । एते चउरो वि लिंगपारंची ॥ गतोपढमभंगो । इदानिं बितियभंगो- सपक्खे परपक्खे दुट्ठी, जहा उदायि मारगो । एसो वि कुल-गणसंधरक्खट्ट लिंगं हातुं गिच्छुभति । एते पव्वाविता नाया । पव्वजकरणं पडुच्च अनरिहा ।

[भा.३६८८] परपक्खे उ सपक्खो, उदायिनिमारतो जह य दुट्ठे ।

सो पवयण-रक्खट्ट, निच्छुभति लिंग हातूणं ॥

चू-इदानीं ततियभंगो-

[भा. ३६८९] परपक्खो सपक्खे, भइतो जइ होइ जउणराया उ ।  
तं पुण अतिसयनाणी, दिक्खंतधिकारणं नाउं ॥

चू-परपक्खो सपक्खे दुट्ठे जहा मधुराए जउणराया । अक्खाणंगं जहा जोगसंगहेसु । एवं अतिसयनाणी जति उवसंतो तो दिक्खंति । अनुवसंतो एसेव भयणा । अनतिसती न दिक्खंति, दिक्खंति वा अवगारिणं नातुं ॥ चउत्थभंगो-

[भा. ३६९०] परपक्खो परपक्खे, दंडिकमादी पदुट्ठे परदेसे ।  
उवसंते वा तत्थे उ, दमगादि पदुट्ठे भतितो उ ॥

चू-दंडियादी जे परोप्परं पउट्ठ ते तत्थेव न दिक्खेयव्वा, मा एगतरो एगस्स घातं काहिति । ते पउट्ठ जत्थ परोप्परं न पस्संति तेन परदेसे दिक्खा दोसु वि परोप्परे उवसंतेसु । ईसरो वा उवसंते दमगमणुवसंतं तत्थेव दिक्खेति, भयणा वा, अतिरुद्धो ओरसवीरियं दमगं पि तत्थेव न दिक्खेति । एस भयणा ॥ इदानीं विसयदुट्ठे भण्णति -

[भा. ३६९१] तिविहो उ विसयदुट्ठे, सलिंगि गिहिलिंगि अन्नलिंगी य ।  
एत्तो एक्केक्को वि य, नेगविहो होति नायव्वो ॥

चू-सलिंगड्डितो विसयदुट्ठे, एवं गिहिलिंगअन्नलिंगड्डितो विसयदुट्ठे । एक्केक्के अनेगभेदा इमेसलिंगी सलिंगे, सलिंगी गिहिलिंगे, सलिंगी अन्नलिंगे । एव गिलिलिंगे अन्नलिंगे य तिन्नि तिन्नि भेदा कायव्वा ॥ अह सपक्खपरपक्खेहिं चउभंगो कायव्वो । पढमभंगो इमो-

[भा. ३६९२] सपरिपक्खो विसयदुट्ठे, सपक्खे पारंचिओ उ कायव्वो ।  
आउट्ठस्स उ एवं, हरेज्ज लिंगं अठायंते ॥

चू-जो पउट्ठे सो आउट्ठे पारंचिओ कायव्वो, अट्ठयंते पुण लिंगं हरंति । बितियभंगो वि एवं चेव वत्तव्वो ॥ इमो ततियभंगो वि-

[भा. ३६९३] परपक्खं तु सपक्खे, विसयपदुट्ठं न तं तु दिक्खंति ।  
सेज्जियमादिपदुट्ठं, न य परपक्खं तु तत्थेव ॥

चू-परपक्खं सपक्खे दुट्ठं न पव्वावेति, मा तेनेव पसंगेण पुणो पुणो पडिसेविस्सति, उवसंतं वा परदेसे । पच्छद्वेण चरिमभंगो भण्णति - परपक्खं परपक्खे । सेज्जियादिसु पउट्ठं तत्थेव न दिक्खंति, अन्नत्थ दिक्खंति । पागतित्थीसु अविरतं पव्वावेति चउगुरुं, कोडुंबे मूलं, दंडिए पारंची, तम्हा विरतो पव्वावेयव्वो ॥ इदानीं “मूढो”-

[भा. ३६९४] दव्वदिसखेत्तकाले, गणणा सारक्खि अभिभवे वेदे ।  
वुग्गाहणमण्णाणे, कसायमत्ते व मूढपदं ॥

चू-इमो दव्वमूढो-

[भा. ३६९५] धूमादी बाहिरितो, अंतो धत्तूरगादिणा दव्वे ।  
जो दव्वं व न याणति, घडियावोद्दोवदिट्ठं पि ॥

चू-बाहिरितो धूमेणाकुलितो मुज्झति, अंतो धत्तूरगेण मदनकोद्दवोदणेण वा भुत्तेण मुज्झति । जो वा पुव्वदिट्ठं दव्वं कालंतरेण दिट्ठम्पि न याणति सो दव्वमूढो घडिगावोद्रवत् । अज्झावगभज्जा

कवडविणीता दुस्सीला वा अणाहगमडगं गिहे छोदूण दहितं धुत्तेण सह पलाया । सो भत्ता तीसे गुणा संभरंतो अट्टी घडियाते छोदुं घेतुं गंगं पयातो, तीए अंतरा दिट्ठे । अनुकंपाए कहितं - “अहं सा ।” “सव्वं सारिक्खा तीए, पुण इमाणि से अट्टीणि, न पतिज्जति” । ताए सव्वं कहियं तेति “जहा पुव्व-भुत्तं जंपियं च” । ताहे बणाति - “सव्वं सच्चं, इमाणि से अट्टीणि, न पतिज्जति” । एस दव्वमूढो ॥

[भा.३६९६] दिसिमूढो पुव्वावर, भण्णति खत्ते उ खेत्तवच्चासं ।

दियरातिविवच्चासो, काले पिंडारदिट्ठंतो ॥

चू- दिसिमूढो विवरीतदिसा गेण्हति, जहा पुव्वं अवरं भण्णति । खेत्तमूढो जं खेत्तं न याणति जम्मि वा खेत्ते मुज्झति रातो वा परसंथारं अप्पणो मण्णति । कालमूढो दिवसं वा रत्तिं मण्णति । एत्थ पिंडारदिट्ठंतो - एगो पिंडारो उब्भामिगासत्तो अब्भवद्दले माहिसं दधिं दुद्धं निसट्ठं पातुं सुत्तुट्ठितो निद्दाकमढितो जोण्हं मन्नमाणो दिवा चेवं महिसीतो घरं संचारिते छोदुं वतिज्झाडंतरेण ओणतो उब्भामियघरं पड्डितो । “किमेयं” ति जणेण कलकलो कतो, विलक्खो जातो । एस कालमूढो ॥

[भा.३६९७] ऊणाहियमन्नंतो, उट्टारूढो य गणणतो मूढो ।

सारिक्खे थामपुरिसो, महतरसंगामदिट्ठंतो ॥

चू- जो गणंतो ऊणं अहियं वा भण्णति सो गणणमूढो, जहा - एगो उट्टपालो, उट्टे ते एगवीसं रक्खति, एगत्थारूढो तं न गणेति, सेसे वीसं गणेति, पुणो वि गणिते वीसा, नऽत्थि मे एगो उट्टो ति अन्ने पुच्छति, तेहिं भणितो जत्थारूढो एस ते इगवीसइमो । सारिक्खामूढो जहा - खाणुं पुरिसं मण्णति । एत्थ महतरसेणावति संगामदिट्ठंतो - एगम्मि गामे चोरा पडिया, महत्तरो कुडेण लग्गो । चोरकुट्टियाण य जुद्धं । महत्तरो सेणाहिवेण सह लग्गो, तेन सेणाहिवो मारितो, सो वि पडितो । सेणाहिवो सारिक्खेण मतो, कुट्टिएण गामं नेतुं दड्ढो, चोरेहिं वि सारिक्खेण महत्तरो नीतो । तत्थ सो भणति - “नाहं सेणाहिवो”, चोरा भणति - “एस रणपिसाओ” ति पलवति, अन्नदा सो नासिउं सग्गामं गतो । ते भणति-को सि तुमं पेतो पिसातो ? तेन पडिरूवेण आगतो । साभिण्णणे कहिते पच्छा संगहितो । उभयो वि सयणा सारिक्खमूढा ॥

[भा.३६९८] अभिभूतो सम्मुज्झति, सत्थग्गीवादिसावतादीहिं ।

अच्चुदयअनंगरती, वेदम्मि उ रायदिट्ठंतो ॥

चू- खग्गादिणा सत्थेण, आलीवणादिसु अग्गिणा, वादकाले वादिणा, अरण्णे सावयतेनगेसु, अभिभूओ भया सम्मुज्झति । वेदमूढो अतीवउदयो, अब्भुदएण अणंगे रती करेति, जहा पुरिसो करग्गीवजुगच्छिड्डादिसु, इत्थी वि करंगुलिफलादिसु । अहवा - सरिसवेदे - पुरिसो पुरिसं आसपोसादिसु पडिसेवति, असरिसवेदे पुरिसो - इत्थि आसखरादिसु पडिसेवति ॥

भद्दबाहुकया गाहा दव्वदेवुग्गाहणमूढे भण्णति -

[भा.३६९९] वणियं महिलामूढं, माईमूढं च जाण रायाणं ।

दीवे य पंचसेले, अंधलगसुदण्णकारे य ॥

चू- “वणियं महिलामूढं” ति, एत्थ सावगभज्जा वत्तव्वा । एस दव्वमूढो । वेयमूढो रायपुत्तो

उदाहरणं - आनंदपुरणं नगरं, जितारी राया, वासत्या भारिया, तस्स पुत्तो अनंगो नाम । बालत्ते अछिउरोगेण गहितो निच्चं रुयते अछति । अन्नया जननीते सयणीए निगिणड्डियाए अहाभावेण जानुऊरुअंतरे छोढुं उवग्गूहितो, दो वि तेसिं गुज्झा परोप्परं समुप्फिडिता तहेव तुण्हिक्को ठितो । लद्धोवाय रूवंतं पुणो तहेव करेति, ठायति रूयंतो, पवड्डमाणो तथेव गिद्धो । माउं पिय अनुप्पियं, पिता से मतो, सो रज्जे ठितो, तहावि तं मायरं परिभुंजति, सचिवादीहिं वुच्चमाणो वि णो ठितो । एस वेदमूढो । दीवे, पंचसेले, अंधलग, सुवन्नगारे य एते चउरो वि वुग्गाहणे मूढा ॥

“दीवो” ति-

[भा. ३७००]

पुव्वं वुग्गाहिता केती, नरा पंडितमानिनो ।

नेच्छंति कारणं सोउं, दीवजाए जहा नरे ॥

चू- इमं तु उदाहरणं - एगो वणिगो, तस्स महिला अतीव इड्ड, सो वाणिज्जेण गंतुकामो तं आपुच्छति । तीए भणियं-अहं पि गच्छामि, तेन सा नीता, सा गुव्विणी, समुद्दमज्जे विनड्डं जानवत्तं, सा फलगं विलग्गा । अंतरा दीवे उक्कूलिता, तथेव पसूता दारगं । स दारगो संवुद्धो, सा तथेव संपलग्गा । बहुना कालेनऽवतरिते तत्थ जानवत्ते दुरुहिता सनगरमागता । सो तीए वुग्गाहितो “न ते लोगवुत्तेण अह जननि त्ति काउं परिच्चइयव्वा ।” सलोगेण भण्णंति- “अगम्मगमणं मा करेहि, परिच्चयाहि”, तहावि नो परिच्चयति, “पंचसेले” ति जहा - अनंगसेनो पंचसेलं गतो हासप्पहासऽच्छरादिवग्गाहितो बालमरणेण मराहित्ति, पडियागतो मित्तसयणेहिं भण्णमाणो वि इंगिणीपडिवण्णो सवित्थरं सव्वं कहेयव्वमिति ।

“अंधलग” ति - अंधपुरं नगरं, तत्थ अनंधो नाम राया । सो य अंधभत्तो, तेन अंधा खानपानादिएहिं परिग्गहिया । सव्वेसु य तेसिं दाणं देति । दिट्ठ य ते धुत्तेण । “मुसामि” ति चित्तेउंस ते मिच्छोवयारेण अतीव उवचरति । भणति य “अह अंधलगदासो, जत्थऽहे निवसामो तत्थ राया अतीव अंधभत्तो । तत्थ जे अंधा ते दिवलोगं विलंबेति । तुब्भेत्थ दुक्खिया, जदि भे अत्थि इच्छा तो भे तत्थ नेमि । तेहिच्छित्तं ।” तेन रातो नीणित्ता नातिदूरे भणति - इह त्थि चोरा । जति भे किं चि अंतद्धणं अत्थि तो अप्पह । तेहिं वीसंभेण अप्पियं, भणिया य पत्थरे गेण्हह, जो भे अल्लिय ति तं पहणेज्जाह, जति भे को ति भणिज्जा “मुसिया केन वि अंधा डोंगरं भामिता” । जाणह ते चोरे । पहणेज्जाह, सो वि महंतं सील छिन्टकं डोंगरं समं भमित्ता पुरिल्लं मग्गिल्लस्स लाइत्ता सणीयं पलातो । तेय दिट्ठ गोवालमादीहिं, भणंति य - ‘मुद्धा वरागा डोंगरं भामिता’, एते चोरा, पत्थरे खिवंति, न देति य ढोयं । “सुवण्णगारे” ति - एगो पसुपालबोद्धो । तेन उवज्जियं सुवण्णं । तं तेन अप्पियं सुवण्णगारस्स, घडेहि मे एत्थ मोरंगाइं । तेन घडिता, तस्स दंसिता । कलादेण य सो भणितो - “तुज्जते मा हीरिज्जिहि त्ति, जहि ते रोयति छाएमि” । तेन पडिवण्णं । कलाएण हडं सुवण्णं, तंविता तस्स घडेउं अप्पिया, भणिओ य जनो ते भणिहि त्ति “कलाएण मुट्ठे वरा, न ते पत्तिज्जियव्वं” । इमं च भणिज्जासि - “जो एत् परमत्थो तमहं जाणे” । कलायनामो य सयमेव भण्णति । एते वुग्गाहणमूढा । अन्नाणमूढो - जा सक्कादिमता अन्नाणा नाणबुद्धीते गेण्हति, जो जातणं हेतुसतेहि दंसियं पि घडमाणमत्थ गिण्हंति । कसायमूढो - कसायोदया हताहितं, इहपरलोगेसु कज्जमकज्जं वा न याणति । मदमूढो दुविहो - दव्वे भावे य । दव्वे मज्जादिएहिं मूढो



कजाकजं वच्चावच्चं गम्मागम्मं न याणति । भावे अट्टविहमयमूढो परलोगहियं न पस्सति ॥

[भा.३७०१] अन्नाण कुतित्थिमते, कोहे मानातिमत्तेण वि चेतो ।  
वियडेण व जो मत्तो, न वेयती एस बारसमो ॥

चू- मूढपदे पव्वज्जारिहा भन्नंति-

[भा.३७०२] मोत्तूण वेदमूढं, आदिल्लाणं तु नत्थि पडिसेहो ।  
वुग्गाहणमण्णाणे, कसायमूढा तु पडिकुट्ट ॥

चू- वेदमूढो अनरिहो । वेदपदस्स जे आदिल्ला पदा ते सव्वे अरिहा पव्वज्जाए वुग्गाहण-  
अन्नाणकसायमूढा तब्भावणपडिकुट्ट । मत्तो वि मदत्थो पडिकुट्टे । वेदवुग्गाहण-अन्नाण-कसाय-  
मत्तगमूढं च पव्वावेतस्स चउगुरुगं आणादिया य दोसा अयस अकित्ती य, बित्तियपदं असिवादी ॥  
“मूढे”त्ति गयं । इदानिं “अनत्ते”-

[भा.३७०३] सच्चित्तं अच्चित्तं, व मीसगं जो अनं तु धारेति ।  
समनाण व समणीण व, न कप्पती तारिसे दिक्खआ ॥

चू- इमे दोसा-

[भा.३७०४] अयसो य अकित्ती या, तम्मूलागं तर्हि पवयणस्स ।  
अन पोच्चड झंझडिया, सव्वे एयारिसा मण्णे ॥

चू- अनंरिणं, पोच्चडं मइलं, दव्वमइलं चक्कियादिपरिहणं, भावे अन्नाणपोच्चडो । “झंझडिए”त्ति  
झंझडिया रिणे अदिज्जंते वणिएहिं अणेगप्पगारेहिं दुव्वयणेहिं झडिया झंझडिया, लताकसादिएहिं  
वा झडिता । सव्वे एयारिसा एते गणेहणकह्णणादिया दोसा ॥

इमं बित्तियपदं-

[भा.३७०५] दानेन तोसितो वा, अहवा वीसज्जितो पहूणं तु ।  
अद्धाणपरविदेसे, दिक्खा सै उत्तमट्ठे वा ॥

चू- अद्धपदत्ते दाणेण तोसिएण धणिएण विसज्जितो, “पभु”त्ति धणितो, सव्वम्मि अदिन्ने  
तेन विसज्जितो पव्वाविज्जत ॥ सेसं कंठं । अदाने त्ति गतं । इदानिं जुंगितो-

[भा.३७०६] जाती कम्मे सिप्पे, सारीरे जुंगियं वियाणाहि ।  
समनाण व समणीण व, न कप्पती तारिसे दिक्खा ॥

चू- जातिजुंगितो नियमा कुलेण जुंगितो त्ति तम्हा दो वि एकं पदं ॥  
सो जुंगितो चउव्विहो इमो-

[भा.३७०७] चउरो य जुंगिया खलु, जाती कम्मे य सिप्प सारीरे ।  
नेक्कारपाणडोंबा, वरुडा वि य जुंगिता जाती ॥

चू- जातिजुंगितो पच्छब्देण भण्णाति । जुगुच्छित्तो कोलिगजातिभेदो नेक्कारो । अन्ने भणंति  
- लोहकारा हरिएसा मेया पाणा आगासवासिणो डोंबा सुप्पादिया रुडं करेत्ता वरुडातंतिवरत्ता  
उवलित्ता । एते सव्वे जातिजुंगिता ॥ कम्मजुंगिता-

[भा.३७०८] पोसग-संपर-नड-लंख-वाह-सोगरिग-मच्छिया कम्मे ।  
पदकारा य परीसह, रयगा कोसेज्जगा सिप्पे ॥

चू- इत्थी-मयूर-कुक्कुडोसगा, संपरा ण्हाविगा, सोधगा, नडा नाडगाणि णाडेंता, लंखा वंसवरत्तारोहगा, वाहो एग-दुग-तिगादिणो धनुवग्गहत्था, मिगलुद्धगा मिए वागुराहिं वहेत्ता, वागुरिया, सुणकारगा, सोगरिया खट्टिका, मच्छग्गाहगा मच्छिक्करा, एते कम्मजुंगिता । पदकारा चम्मकारा, परीषहा ण्हाविता, वत्थसोहगा रयगा, वेडयकारिणो कोसेज्जा । एते सिप्पजुंगिता ॥  
सरीरजुंगिता इमे-

[भा. ३७०९] हत्थे पाए कण्णे, नासा उट्ठे विवज्जिया चेव ।  
वामणग-वडभ-खुज्जा, पंगुल-कंटा य काणा य ।

चू- सर्वगात्रहीनं वामनं, पृथतोऽग्रतो वा विनिर्गतसरीरं वडभं, सर्वगात्रमेगपाश्वहीनं कुब्जं गुंतुमसमर्थः, पादजंधाहीनः पंगु, हीनहस्तः कुंटः, एकाक्षः काणः ॥

[भा. ३७१०] पच्छा वि होति विगला, आयरियत्तं न कप्पती तेसिं ।  
सीसो ठावेयव्वो, काणगमहिसो य निण्णम्मि ॥

चू- जदि पच्छा सामण्णभावद्धितो सरीरजुंगितो हवेज्जा सो अपरिवज्जो, जति सो आयरियगुणेहिं उववेओ तहावि आयरिओ न कायव्वो ॥ अह पच्छा आयरितो विगलो हवेज्ज तेन सीसो ठावेयव्वो । अप्पणा अप्पगासभावो चिद्धति । जो चायरिओ स काणगमहिसो । जहा सो घणे गड्ढाए वा अप्प-गासे चिद्धति, तथा गुरु वि । आणादी अयस अकित्तिमादी य दोसा भवंति तह्हा नो दिक्खियव्वो ॥  
-बितियपदे दिक्खेज्जा-

[भा. ३७११] जाहे य माहणेहिं, परिभुत्ता कम्मसिप्पपडिविरता ।  
अद्धाणपरविदेसे, दिक्खा से उत्तिमट्ठे वा ॥

चू- जाहे जातिजुंगितो महायणमाहणेहिं परिभुत्तो ताहे दिक्खिज्जति, कम्म-सिप्पजुंगिता कम्मसिप्पविरता माहणादिभुत्ता तथा दिक्खिज्जति । सरीरजुंगितो अदिक्खियव्वो । उत्तिमट्ठे वा ॥ “जुंगिए” गतं । इदानि “उब्बद्धो”-

[भा. ३७१२] कम्मे सिप्पे विज्जा, मंते जोगे य होति उवचरओ ।  
उब्बद्धओ उ एसो, न कप्पए तारिसे दिक्खा ॥

चू- एस पंचविधो उवचरगभावेण बद्धो उपचारकः, प्रतिजागरक इत्यर्थः ।

[भा. ३७१३] कम्मे सिप्पे विज्जा, मंते य परूवणा चउण्हं पि ।  
गोवालउड्डुमादी, कम्मम्मि उ होति उब्बद्धा ॥

चू- कम्मसिप्पानं दोण्हं विज्जामंताण य दोण्हं भेयपरूवणा कज्जति । तेनं चउगहणं । अनुवएसपुव्वगं गोपालातिकम्मं, आयरितोवएसपुव्वगं रहगारतुन्नगारादी सिप्पं । लेहादिया सउणरूयपज्जवसाणा बावत्तरि कलाओ विज्जा, देवयसमयनिबद्धो मंतो । अहवा - इत्थिपुरिसा-भिहाणा विज्जामंता । अहवा - ससाहणा विज्जा, पढणसिद्धो मंतो । दुगमादि दव्वनियरा विद्देसण-वसीकरण-उच्छादण-रोगावणयकरा व जोगा । इत्थ गोपालादीकम्मे छिन्नगा कालतो, मुल्ले गहिते अग्गहिते वा, काले असंपुत्रे न कप्पति दिक्खिउं, पुत्रे कप्पति, अच्छिन्नकालतो कए कम्मे गहिते वा अग्गहिते वा मुल्ले कप्पति ॥

[भा. ३७१४] सिप्पाई सिक्खंतो, सिक्खावेंतस्स देति जो सिक्खे ।  
गहियम्मि वि सिक्खम्मी, जच्चिरकालं तु ओबद्धो ॥

चू- आदिग्गहणातो विज्ञामंतजोगा सिक्खंतो सिक्खवेंतस्स केवगादि द्वयं देति, सो य जति तेन एवं उब्बद्धो जाव सिक्खा ता तुम ममायतो । तम्मि असिक्खिते कप्पति, सिक्खिए कप्पति । अध एव उब्बद्धो सिक्खिए वि उवरि एत्तियं कालं ममायत्तेण भवियव्वं, तम्मि काले अपुत्ते न कप्पति पुत्ते कप्पति ॥

[भा.३७१५] एमेव य विज्ञाए, मंते जोगे य जाव ओबद्धो ।  
तावति काले न कप्पति, सेसयकालं अनुन्नातो ॥

चू- अंतरा पव्वावेंतस्स इमे दोसा-

[भा.३७१६] बंध-वहो रोहो वा, हवेज्ज परिताव-संकिलेसो वा ।  
ओबद्धगम्मि दोसा, अवण्णसुत्ते य परिहाणी ॥

चू- बितियपदं-

[भा.३७१७] मुक्को व मोइतो वा, अहवा वीसज्जितो नरिदिणं ।  
अद्धाणपरविदेसं, दिक्खा से उत्तिमट्टे वा ॥

चू- गतो उब्बद्धो । उब्बद्ध-भयगाणं इमो विसेसो - “कुणतु व संपदं उबद्धो, भयओ पुण भत्तीए धेप्पंते । उब्बद्धग-भयगाणं, एस विसेसो मुणेयव्वो ॥ इदानि “भयगो”-

[भा.३७१८] दिवसभयए य जत्ता, कव्वाले चेव होंति उच्चता ।  
भयतो चउव्विहो खलु, न कप्पती तारिसे दिक्खा ॥

चू- भयगो चउव्विहो - दिवसभयगो जत्ताभयगो कव्वालभयगो उच्चत्तयभयगो य । एस ताव संखेवतो चउव्विहो वि न कप्पति दिक्खेउं ॥ तेसिं चउण्ह वि सरूवमिणं-

[भा.३७१९] दिवसभयओ उ धिप्पति, छिन्नेन धनेन दिवसदेवसियं ।  
जत्ता उ होति गमणं, उभयं वा एत्तियधणेणं ॥

चू- काले छिन्नो सव्वदिनं धनं पच्छिण्णं रूवगोहिं तुमे मम कम्मं कायव्वं । एवं दिने दिने भयगो धेप्पति । सो दिने अपुण्णे नो कप्पति पव्वावेतुं । इमो जत्ताभयगो - दसजोयणाणि मम सहाएण एगागिणा वा गंतव्वं एत्तिएण धनेन, तितो परं ते इच्छा । अत्ते उभयं भणंति - “गंतव्वं कम्मं च से कायव्वं” ति ॥ इमो कव्वालभयगो-

[भा.३७२०] कव्वाल उड्डमादी, हत्थमितं कम्ममेत्तियधनेन ।  
एच्चिरकालोच्चते, कायव्वं कम्मं जं बेत्ति ॥

चू- कव्वालो, खितिखाणतो उड्डमादी, तस्स कम्ममप्पिणिज्जति, दो तिन्नि वा हत्था छिन्नं अछिन्नं वा एत्तियं ते धणं दाहामि ति । इमो उच्चत्तभयगो - तुमे ममं एच्चिरं कालं कम्मं कायव्वं जं जं अहं भणामि, एत्तियं ते धणं दाहामि ति ॥ इमा जत्ताभयगे पव्वावणविही-

[भा.३७२१] कतजत्तगहियमोळं, गहिते अकयम्मि नत्थि पव्वज्जा ।  
पव्वावेंते गुरुगा, गहिते उड्डाहमादीणि ॥

चू- कयाए जत्ताए गहिए मोल्ले अगहिए वा कप्पइ पव्वावेउं, गहिए मुल्ले अकयाए जत्ताए नो कप्पति । सेसं कंठं । कव्वालो वि एवं चेव । उच्चत्तभयगो वि काले अपुत्ते न दिक्खिज्जति ॥ इदानि कम्मोबद्धभयगाण य जे कप्पति न कप्पति वा ते भंगविगप्पेण विसेसिता भणंति -

[भा. ३७२२] छिन्नमछिनने व धने, वावारे काल इस्सरे चेव .  
सुत्तत्यजाणएणं, अप्पबहुयं तु णायव्वं ॥

चू- पुव्वद्धस्स इमा विभासा-

[भा. ३७२३] वावारे काल धने, छिन्नमछिन्ने व अट्ट भंगा तु ।  
सावित गहिते अकए, मोचुं सेसेसु दिक्खंति ॥

चू- छिन्नो वावारो, छिन्नो कालो, छिन्नं धणं, छिन्नं नाम अमुगं कम्मं कायव्वं, एत्तिगं कालं एत्तिएण धनेनं ति । एस पढमभंगो । बितियभंगे - धणं अछिन्नं एवं अट्टभंगा कायव्वा । एतेसिं अट्टण्हं भंगाणं वावारे छिन्ने अछिन्ने वा काले वि छिन्नाच्छिन्ने सक्खीण पुरतो साविते धणे छिन्ने गहिते अकए य कम्मे न दिक्खंति, सेसेसु दिक्खंति । ते य सेसा वि चउत्थ-छट्टभंगा । अधवा - “सेस” ति अट्टसु वि भंगेसु सक्खिपुरतो असविए धणे छिन्ने अछिन्ने वा अगहिते कए अकए वा कम्मे दिक्खंति ॥ इदानिं पुणो एयं चेव विसेसेति-

[भा. ३७२४] गहिते व अगहिते वा, छिन्नधणे साविए न दिक्खंति ।  
अछिन्नधणे कप्पति, गहिते वा अगहिते वा वि ॥

चू- पढम-ततिय-पंचम-सत्तमे य वावारकालेसु छिन्नाछिन्नेसु सक्खिपुरतो सावितेसु गहिते अगहिते वा छिन्ने धने न दिक्खंति । किं कारणमुच्यते - सो भणेज्ज - “मए सक्खिपुरतो सावितं” ति, अत्रं च “मए अत्रो वि न गहितो तुज्झ अब्भाए” ति । अछिन्ने पुण धने कप्पति, किं कारणं? जम्हा मोल्लस्स परिमाणं न कयं अकते य परिमाणे ववहारो लब्भति ॥

“इस्सरे” ति अस्य व्याख्या-

[भा. ३७२५] जत्थ पुण होति छिन्नं, थोवो कालो व होति कम्मस्स ।  
तत्थ अनिस्सरे दिक्खा, ईसरो बंधं पि कारेज्जा ॥

चू- धणं च छिन्नं, बहुं च कम्मं कयं, थोवं च सेसं, कालो वि थोवो अच्छति, एरिसे कम्मे कप्पति जति अनीसरो तो दिक्खिज्जति । ईसरो पुण थोवं कम्मसेसं बला बंधितुं पि कारावेज्ज ॥ किं कारणं - इस्सरे न कप्पति । अणीसरे कप्पइ ? ततो भन्नति-

[भा. ३७२६] घेत्तुं समयसमत्थो, रायकुले अत्तहाणि कट्ठंते ।  
फेळस्स तेन कप्पति, रोद्दोरसवीरिते वा वि ॥

चू- ते पव्वावितं सेहं सो दरिद्दो सयं अप्पणो घेत्तुमसमत्थो । अध सो दरिद्दो रायकुलं गच्छति दूतगेण कट्ठति, तत्थ धनक्खतो भवति, द्रव्याभावात्तं न करोति फेळो दरिद्दो, तस्स तेन कप्पति । इस्सरो पुण कट्ठइ अभिनिवेसा उक्कोडं (चं) पि दातुं । जो पुण दरिद्दो रौद्रः उरस्सेण वा बलेण जुत्तो मा वधबंधोद्दवणं करेस्सति, तेन फेळस्स वि न कप्पति ॥

“भयगे” ति गतं । इदानिं सेहनिप्फेडिता”-

[भा. ३७२७] ततियव्ववाइयारे, निप्फडग तेणियं वियाणाहि ।  
अतिसेसियम्मि भयणा, अमूढलक्खे य पुरिसम्मि ॥

चू- सेहनिप्फेडियं जो करेति सो ततियं वयं अदिन्नादानवेरमणं अतिचरति । तं केरिसं ?

कहं वा निष्फडंतो ततियच्चतं अतिचरति ?

[भा.३७२८] अपडुष्णो बालो, बिअडुवरिसूणो अहव अणिविद्धे ।  
अम्मापितु-अविदिन्नो, न कप्पति तत्थ वऽन्नत्थ ॥

चू-अपडुष्णो अडुवरिसो किं वाधिको वा बिअडुवरिसूणं वा सोलसवरिसूणं अवंजणजातं  
अहवा - अनिविद्धं अविवाहितं एतप्पगारं अम्मापितिविदिन्नं । तत्थ वा गमे अन्नत्थ नेतुं न  
कप्पति पव्वावेतुं । अह निष्फडे तो तं निष्फेडगतेनं वियाणाहि ॥

इमे एत्थ तेनगविगप्पा-

[भा.३७२९] तेने य तेनतेने, पडिच्छगपडिच्छगे य नायव्वे ।  
एते तु सेहनिष्फेडियाए चत्तारि उ विगप्पा ॥

चू- इमं वक्खाणं-

[भा.३७३०] जो तं तु सयं नेती, सो तेनो होति लोगउत्तरिते ।  
भिक्खातिए गतम्मि उ, हरमाणो तेनतेनो उ ॥

चू-अपडुष्णं बालं हरतो तेनो । स तेनो तं सेहं बाहिं गामादियाण ठवेत्ता अप्पणा भिक्खस्स  
पविद्धे, एत्थंतरे जो तं सेहं अन्नो उप्पोसेत्ता हरति सो तेनतेनो ॥

[भा.३७३१] तं पुण पडिच्छमाणो, पडिच्छतो तस्स जो पुणो मूला ।  
गेण्हति एगंतरितो, पडिच्छगपडिच्छगो सो उ ॥

चू-तेनस्स तेनतेनस्स वा जो पडिच्छति स पडिच्छगो, पडिच्छगस्स जो पुणो अत्रो पडिच्छति  
स पडिच्छगपडिच्छगो भण्णति । इह संतरमेव एगंतरं भण्णति । अत्रे भणति - ‘गेण्हति एगंतरिउ’  
त्ति, तेनस्स पडिच्छमाणो तेनपडिच्छओ एक्केक्केण अंतरिता पडिच्छगा भवंतीत्यर्थः ॥ सेहनिष्फेडियं  
करंतस्स चउगुरुं । आणादी दोसा इमे य-

[भा.३७३२] अम्मा पियरो कस्स ति, विपुलं घेत्तूण अत्थसारं तु ।  
रायादीणं कहए, कहियम्मि य गिण्हणादीया ॥

[भा.३७३३] विप्परिणमेव सण्णी, कोई संबंधिणो भवे तस्स ।  
विप्परिणता य धम्मं, मुएज्ज कुज्जा व गहणादी ॥

चू- सेहमवहडं नातुं सत्री विपरिणमेज्जा, सेहस्स वा संबंधी ते य विपरिणता धम्मं मुएज्ज,  
रायमादिएहिं वा गहणादि कारवेज्जा ॥

[भा.३७३४] निष्फेडणे सेहस्स तु, सुयधम्मो खलु विराहितो होति ।  
सुयधम्मस्स य लोवा, चरित्तलोवं वियाणाहि ॥

[भा.३७३५] आयरिय उवज्झाया, कुलगणसंधो तहेव धम्मो य ।  
सव्वे वि परिच्चत्ता, सेहं निष्फेडयंतेनं ॥

चू- रायादि रुद्धे स तेसिं कडगमद्दं करेज्ज । तम्हा मातापित्रेण अदत्ता सेहनिष्फेडिया न  
कायव्वा ॥ बितियपदेण य करेज्जा । ‘‘अतिसेसगम्मि भयणे’’ त्ति अस्य व्याख्या-

[भा.३७३६] होहिंति जुगप्पहाणो, दोसा य न केयि तत्थ होहिंति ।  
तेनऽतिसेसी दिक्खे, अमोहहत्थो उ तत्थेव . ।

चू- जो ओहिमादिअतिसयनाणी जाणति एस नित्यारगो जुगप्पहाणो होहिति दोसा य न केति भविस्संति, तेन अतिसयी दिक्खंति । अह जाणाति होहिंति दोसा तो न पव्वावेति । एस भयणा । अमूढलक्खो वा आयरिओ अमोहहत्यो जं सो पव्वावेति सो अवस्सं नित्यरति न य केति दोसा उप्पज्जंति तं च नान्यत्र नयन्तीत्यर्थः ॥ सेहनिप्फेडिता अट्टरस पुरिसेसुत्ति गतं । इदानिं नपुंसया दस - ते पुरिसेसु चेव वुत्ता नपुंसगदारे । जे जति पुरिसेसुं वुत्ता ते चेव इहं पि । किं कतो भेदो भन्नति - तर्हिं पुरिसाकिती, इह गहणं सेसयाण भवे । इदानिं “वीसं इत्थीओ, तस्स बालादी अट्टर इत्थीतो जहा पुरिसा । इदानिं गुव्विणी बालवच्छा य-

[भा. ३७३७] जे केइ अनलदोसा, पुव्वं भणिता मए समासेणं ।  
ते चेव अपरिसेसा, गुव्विणि तह बालवच्छाए ॥

चू- जे एते हेट्ठा अनलाणं बालादी दोसा वन्निया ते गुव्विणी बालवच्छाए भाणियव्वा । कहं ? उच्यते - गुव्विणीए बालदोसो भविस्सो, बालवच्छाए पुण वट्ठमाणो चेव बालदोसो, नपुंसगा वि ते होज्जा ॥ सेसा वि भइयव्वा इमे मोत्तुं-

[भा. ३७३८] मोत्तूण नवरि वुट्ठं, सरीरज्जुं च चोरमवगारिं ।  
दासमनत्तं च तहा, ओबद्धाती य जे पंच ॥

चू- उब्बद्धाइ पंच इमे - उब्बद्धगो भयगो सेहनिप्फेडिया गुव्विणी बालवच्छा य । एतेसु सव्वेसु न भवति ॥

[भा. ३७३९] अवसेसा पुण अनला, भइयव्वा तह य गुव्विणा य भवे ।  
कायभवत्थो बिंबं, विकित वेयणम्मि व मरेज्जा ॥

चू- अविसेसा सिय अत्थि सिय नत्थि । इमे गुव्विणीते चेव दोसा, स्त्रीकाये भवति आस्था कायभवत्थो उक्कोसेण द्वादशवर्षाणि गर्भत्वेन तिष्ठतीत्यर्थः । हस्त-पाद-कर्ण-नासाक्षिविवर्जितं बिंबं मृगावती पुत्रवत्, वैकृतं सर्पादिवत् भवेत्, पसवकाले वेदनाए वा मरेज्ज ॥

[भा. ३७४०] एतेसामन्नतरं, अनलं जो नायगाइ पव्वावे ।  
सो आणा अणवत्थं, मिच्छत्त-विराधनं पावे ॥

चू- अनल व्वावंतस्स इमं पच्छित्तं-

भ. (३७४१) तेने कीवे रायाऽवगारिदुट्ठे य जुंगिते दासे ।  
सेहे गुव्विणि मूलं, सेसे चतुरो सवित्यारा ॥

चू- “सेहे”त्ति सेहनिप्फेडिया एएसु जहुदिट्ठेसु मूलं सेसेसु सव्वेसु चउगुरुगा सवित्यारा ॥ अहवा - अत्रपरिवाडीते इमं भन्नइ - अहवा -

[भा. ३७४२] कीवे दुट्ठे तेने, गुव्विणि रायावगारि सेहे य ।  
मूलं चउ पारंची, मूलं वा होति चउगुरुगा ॥

चू- कीवे मूलं दुट्ठदिएसु चउसु पारंचियं । अहवा - दुट्ठदिएसु चेव चउसु मूलंतेने व चउगुरुगा ॥

[भा. ३७४३] सुत्तनिवातो एत्थं, चउगुरुयं जेसु होति ठणेषु ।  
उच्चारितत्थसरिसा, सेसा तु विकोवणट्ठए ॥

[भा. ३७४४] बाले वुद्धे किवे, जड्ढे मत्ते य जुंगियसरीरे ।  
गच्छे पव्वइयाणं, संवासो एगतो भइतो ॥

चू- बालवुद्धा कारणे पव्वाविया, कीवो अभिभूतो, सरीरजड्ढो, उम्मत्तो, सरीरजुंगितो, अदंसणो, एते सव्वो पव्वाविया संता एरिसा जाता । एतेसि संवासो एक्कतो चेव, न पुढो । जदि ते अन्नवसहीए ठविज्जंति तो ते विसादं गच्छंति, तम्हा गच्छगता चेव विधीए परियट्ठिज्जति । गुविणी कंहंचि अनाता पव्वाविता जहा - करकंडुमाता पउमविता । पडिनीएण वा जहा पेढालेण जेड्ढ । सा विहीए भावितसट्ठकुलेसु संगुप्पति, सट्ठा निसेसवट्ठमाणिं च वहंति, अंतरंतरे साहवो य ॥

[भा. ३७४५] जिनवयणपडिकुट्ठे, जो पव्वावेति लोभदोसेणं ।  
चरितट्ठी य तवस्सी, लोवेति तमेव तु चरित्तं ॥

चू- अडयालीसं पडिकुट्ठे सिल्ललोभेण अप्पणो चरित्तवुट्ठिनिमित्तं परो पव्वावितो अप्पणो वि चरित्तघायं करंति ॥ इमं बित्तिपदं-

[भा. ३७४६] पव्वाविओ सियत्ति य, सेसं पणगं अनाचरणजोग्गं ।  
अहवा समायरंतो पुरिमपदनिवारिते दोसे ॥

चू- जति अणलो पव्वावितो “सिअ”त्ति अजाणया जाणया वा कारणेण सेसं पणगं नायराविज्जति । तं च इमं मुंडावण सिक्खावण उट्ठवण संभुंजण संवासे ति । सो एयस्स पणगस्स नायरणजोगो । अध आयरवेति तो पव्वावणपदे पुव्ववन्निए दोसे पावति- जत्थ जत्थ चउगुरु तत्थ तत्थ सुत्तणिवातो । सेसा पच्छित्ता सीसविकोवणड्ढ कहिया ॥

मू. (७३९) जे भिक्खू नायगं वा अनायगं वा उवासगं वा अनुवासगं वा अनलं उवट्ठवेइ उवट्ठवेंतं वा सातिज्जति ॥

[भा. ३७४७] नायगमनायग वा, सावगमस्सावगं तु जे भिक्खू ।  
अनलमुवट्ठवेई, सो पावति आणमादीणि ॥

चू- सूत्रार्थ पूर्ववत् । अणलं उवट्ठवेंतस्स आणादी दोसा चउगुरुं च । चिट्ठउ ताव उवट्ठवणाविही । पव्वावणाविही ताव नाउभिच्छामि ॥

[भा. ३७४८] पुच्छा सुद्धे अट्ठा, वा सामाइयं च तिक्खुत्तो ।  
सयमेव उ कायव्वं, सिक्खा य तहिं पयत्तेणं ॥

चू- जाव उवट्ठति पव्वज्जाए सो पुच्छिज्जति - “कोसि तुमं, किं पव्वयसि, किं च ते वेरगं ? एवं पुच्छितो जति अनलो न भवति तो सुद्धो पव्वज्जाए कप्पणिज्जो । ताहे से इमा साहुचरिया कहिज्जति ॥

[भा. ३७४९] गोयरमचित्तभोयणसज्झायऽण्हाणभूमिसेज्जादी ।  
अब्भुवगय थिरहत्थो, गुरू जहन्नेण तिण्णट्ठा ॥

चू- गोयरेति दिने दिने भिक्खं हिंडियव्वं । जत्थ जंलब्भइतं अचित्तं घेतव्वं, तं पि एसणादिसुद्धं, आनियं पि बालवुद्धेसेहादिएहिं सह संविभागेण भोत्तव्वं । निच्चं सज्झायज्झाणपरेण होयव्वं । सदा अण्हाणगं, उदुबद्धे सया भूमिसयणं, वासासु फलगादिएसु सोतव्वं । अट्ठरससीलंगसहस्सा घरेयव्वा, लोयादिया य किलेसा अनेगे कायव्वा । एयं सव्वं जति अब्भुवगच्छति तो पव्वावेयव्वो ॥

एसा पव्वानिज्जपरिक्खा पव्वावणा भण्णति । इदानिं “मुंडावणा” - सोहणे दिवसे चेतियाण पुरओ पव्वावणिज्जं । अप्पणो वामगपासे ठवित्ता चेइए वंदित्ता परिहियचोलपट्टस्स रयहरणं देति । ताहे “अट्ट”ति अस्य व्याख्या - जो थिरहत्थो आयरितो तिन्नि अट्टातो गेण्हति, समत्थो वा सव्वं लोयं करेति, असति आयरियस्स थिरहत्थस्स, अत्रो पव्वावेति ॥

थिरहत्थो तस्स लोयकरणं सामाइयं च इमेरिसे ठाणे कज्जति-

[भा. ३७५०] दव्वादी अपसत्थे, मोत्तु पसत्थेसु फासुगाहारं ।  
लग्गाति व तूरंते, गुरुअनुकूले वऽहाजायं ॥

चू- अट्टिमादि अप्पसत्थदव्वा, ऊसरमादि अप्पसत्थखेत्तं, रिक्कातिहिमादी अप्पसत्थकालो, विट्ठिमादी अप्पसत्थो भावो । एते अप्पसत्थे मोत्तुं पसत्थेसु दव्वादिएसु पव्वाविज्जति । तस्स गुरुणो य अनुकूलेसु ताराबलचंद्रबलेसु । जाव य दव्वादिआ पसत्था न लब्भंति ताव फासुगाहारं धरंति । सत्रातगभया वा तुरंगो पसत्थलग्गबलेण पव्वावविज्जति । उभयसाहगे अलब्भमाणे गुरु अनुकूले पव्वाविज्जति । “अहजातेन” ति सनिसेज्जं रयोहरणं मुहपोत्तिया चोलपट्टो य एयं अहाजातं दातुं वा । (सूरी सेहं विज्जाए अभिमतइ सत्तवारा) वामपासट्टियस्स आयरितो भणाति - इमस्स साधुस्स सामाइस्स आरूहावणं करेमि काउस्सग्गं । अन्ने भणंति - उच्चारवणं करेमि; उभयथा वि अविरुद्धं, अत्रत्थूससिएणं जाव वोसिरामिति, लोगस्सुज्जोयगरं चित्तिता नमोऽरहंताणं ति पारित्ता, लोगस्सुज्जोयगरं कट्ठित्ता पच्छा पव्वावणिज्जेण सह सामाइयसुत्तं तिक्खुत्तो कट्ठति, पच्छा सेहो इच्छामि खमासमणो ति वंदति । वंदिय पुव्वुट्ठितो भणाति - “संदिसह किं भणामो” ? गुरुवयणं “वंदित्ता पवेदेहि”, ताहे वंदिय पच्चुट्ठितो भणाति - “तुम्हेहिं मे सामाइयं आरुहियं, इच्छामि अनुसट्ठिं ।” गुरुवयणं - “नित्यारगपारगो गुरुगुणेहिं वट्ठहि” ति ॥

[भा. ३७५१] तिगुणपयाहिणपादे, नित्यारो गुरुगुणेहि वट्ठहि ।  
अनहिंडंते सिक्खं, सम्मयनीतेहि गाहेति ॥

चू- ताहे वंदति, वंदित्ता नमोक्कारमुच्चारंतो पयाहिणं करेति, पादेसु आरुहियं मे सामाइयं, इच्छामि अनुसट्ठिं । ते भणंति - “नित्यारगपारगो होहि, आयरियगुणेषु वट्ठसु” एसा मुंडावणा । इदानिं सिक्खा “सिक्खा य तहिं पयत्तेणं” ति, सा दुविहा - आसेवण-गहणसिक्खा य । दुविहं पि सिक्खं अनहिंडंतो गाहिज्जति । को तं गाहेति ? जे तस्स सम्मता नीता य ते गाहेति, तेसिं असति अनीतो वि सम्मतो, तेसिं पि असति अन्नो वि गाहेति । एते एक्केक्के वितहं करेमाणो चउलहु ॥ सिक्खा य गाहा ॥ इदानिं “उवट्ठवणा”-

[भा. ३७५२] अप्पत्ते अकहित्ता, अणभिगतऽपरिच्छतिक्रमे पासे ।  
संथरणे हिंडावण, एक्केक्के हुंति चउगुरुगा ॥

चू- “अप्पत्ते”ति अस्य व्याख्या-

[भा. ३७५३] अप्पत्तं उ सुतेनं, परियाए उट्ठवेंते चउगुरुगा ।  
आणादी कायवहो, न य पढति अकप्पिओ जं च ॥

चू- पुर्व्विं जाहे सत्थपरिण्णा सुत्ततो अधीता ताहे उवट्ठवणापत्तो भज्जति । दसवेयालियमुप्पत्तिकालतो पुण जाहे छज्जीवणिया अधीता तं जो सुत्तेण अप्पत्ते पव्वजापरियाते



उवड्वेति तस्स उवड्वेत्तस्स चउगुरुं तवकालेहिं दोहिं गुरुं । उच्चे ड्ववणा उत् प्राबल्येन वा ठावणा उड्ववणा । “आणादी” विराधणा, अयाणंतो वा छज्जीवनिकाए वहेति, “उड्ववितोमि” त्ति सेसं न पढति, अपढंतो य पिंडादियाण अकप्पितो, तेनानियस्स य परिभोगे पच्छित्तं जं तं च पावति, उवड्वेत्तो न वेयावच्चं करिज्जति “अकप्पिउ” त्ति ॥

“अकहेत्ता” अस्य व्याख्या-

[भा. ३७५४] सुत्तत्थे, अकहेत्ता, जीवाजीवे य पुण्ण पावं च ।  
उवड्वणे चउगुरुगा, विराहणा बहुगजाणंतो ॥

चू- सुत्तस्स अत्थो सुत्तत्थो, इमे पुढवादिया जीवा, इमे धम्मादिया अजीवा, आसवो, बंधो, पुण्णं, पावं, संवरो, निज्जरा, मोक्खो, नवपयत्था सभेदा कम्मबंधभेदहेतवो कहेति । जो एवं सुत्तत्थं अकेत्ता उवड्वेत्तस्स चउगुरुं तवगुरुं, अत्थं च असुणंतो बहुविहं विराधनं करेति, सा य अप्पत्तसुत्त भणिया ॥ “अनंभिगते” त्ति अस्य व्याख्या-

[भा. ३७५५] अनभिगयपुण्णपावं, उवड्वेत्तस्स चउगुरुं होंति ।  
आणादिणो विराधन, मालाए होति दिट्ठंतो ॥

चू- पुण्णपावग्गहणातो नवपयत्था गहिता, अणभिग्गाहिता जस्स नो सद्वहति त्ति नेय-गहणत्तणेण वा कहिज्जमाणे नो लद्धा तं च उवड्वेति तस्स चउगुरुं कालगुरुं । आणादी दोसा । असद्वहंतो वा छज्जीवनिकायविराहणं करेज्ज । सो य महव्वयाण अजोग्गो । कहं दिट्ठंतो होति मालाए ? - जहा पंचवण्णसुगंधपुप्फमाला पउमुप्पलोवसोभिया उद्धसुक्कखाणु मालइता न सोभति तहा पंचमहव्वयमाला सभावेणोवसोभिता तस्स न सोभति ॥

“अपरिच्छि” त्ति अस्य व्याख्या-

[भा. ३७५६] उल्लम्पि य पारिच्छा, अभिगए नाऊण तो वए देंति ।  
एक्केक्कं तिक्खुत्तो, जो न क्कणति तस्स चउगुरुगा ॥

चू- उल्लम्पि य परिच्छति एस आउक्काते परिच्छा गहिता, तदग्रहणातो सेसकाएसु वि परिच्छा कायव्वा ॥ जतो भण्णति-

[भा. ३७५७] उच्चारति अथंडिल, वोसिरठाणादि वा वि पुढवीए ।  
नदिमादि दगसमीवे, सागणि उद्दित्त तेउम्पि ॥

चू- जदा उच्चारपासवणं करेति तदा से अथंडिलं सचित्ता य पुढवि दंसिज्जति । “एत्थ वोसिराहि” त्ति । एवं उद्धट्टण-निसीय-तुयट्टणं करंतस्स जति नेच्छति तो सद्वहति । अहं तं असत्थोवहतं दट्ठं न विमंसति तो नज्जति अनभिगतो आउक्काएण त्ति । तलागादीण उदगसमीवे उल्लपुढवीए एवं चेव परिच्छा । तेउक्काए सागणीए वसहीए ठायंति तत्थ भण्णति - पदीवं उस्सक्केहि, वास-सीते उदिते पयावेहि त्ति भण्णति ॥

[भा. ३७५८] वियणऽभिधारण वाते, हरिते जह पुढवीए तसेसुं च ।  
एमेव गोयगते, होति परिच्छा उ काएसु ॥

चू- वाते धम्मत्तो भण्णति-वियणं तालवेंटादिणा विएहि, इतो वातं एहि अभिधारणं करेहि । हरियतसेसुं जहा पुढवीए परिच्छा । एवं भिक्खागतो पि काएसु परिच्छिज्जति । ससरक्खुदउल्लेहिं

हृत्वेहिं अग्निसंघट्टणं हरिततसगतहृत्थातो य भिक्खं गिण्हाविज्जति । यत्राग्नि तत्र वायुः । उष्णं वा शीतीकृत्य दाप्यते । एवं अपरिच्छित्ता जे उवड्वेति तस्स चउगुरुं दोहिं विलहुं । पत्ते कहित्तये अभिगततये परिच्छित्तये नातुं पत्ते देंते । “पासे” ति उवड्विज्जमाणे आयरिओ अप्पणो वामपासे ठवेति, अन्नड् चउगुरुं । जति अत्थि ताहे चेतिए वंदित्ता महव्वयकहणा य काउस्सगं करेति, तत्थ चउवीसत्थयं चिंतेति, णवक्कारेण पारेत्ता चउवीसत्थयं फुडवियडं वायाते कट्ठित्ता ताहे महव्वयउच्चारणं करेति । सव्वत्थ पि तहेव चउगुरु । “इक्कमे” ति अस्य व्याख्या - “एक्केकं तिक्खुत्तो” पच्छद्धं कंठं । एक्केकं महव्वयं ततो वारा अतिक्रमति । अन्ने भणंति - ततो वारा अपुरेत्ता अतिक्रमतस्स चउगुरुं । जति संथरणे हिंडावेति तो चउगुरुं ॥

सा उवड्ववणा इमेरिसे कायव्वा-

[भा. ३७५९] दव्वातिसाहए ता, तहेव न तु गंतु उवरिमे हेड्ड ।

दुविहा ति विहा य दिसा, आयंबिल जस्स वा जं तु ॥

सू-दव्व-खेत्त-काल-भावपसत्थेसु तारा-चंद-बलेसु य साहगेसु सेसं वंदण-निवेयण-नित्यारग-पयाहिणकरणसाधुनिवेदनं च जहा सामातिए तहेव कायव्वं, नो पंच महव्वए सइं कट्ठित्ता पुणो हेड्ड दो ततियं वारा कट्ठति, किंतु एक्केकं वतं तिन्नि वारा कट्ठिज्जति । जाहे सम्भत्ता उवड्ववणा ताहे उवड्ववियस्स साधुस्स आयरियउवज्जाया दुविहा दिसा दिज्जति । इत्थिया तइया - पवत्तिणीदिसा दिज्जति । जद्विवसं उवड्ववितो तद्विवसं केसिं चि अभत्तड्डे भवति, केसिं चि निव्वितियं, केसिं चि आयंबिलं, केसिं चि न किं चि । जस्स वा जं आयरियपरंपरागतं छड्डड्मातियं कारविज्जति । एसा उवड्ववणा । इदानिं संभुंजणा - जतो मंडलिसंभोगड्ड सत्त आयंबिले कारविज्जति, निव्वितिए वा जस्स वा जं आयरियस्स परंपरागतं ॥

बितियपदेण अपत्तं अकवित्ता वि उवड्विज्जति-

[भा. ३७६०] बितियपदं संबंधी, कक्खड्ड बहिभाव ओम संवासे ।

पत्तं व अपत्तं वा, अनलमुवड्ववते भिक्खू ॥

सू- बितियपदेण सुत्तेण अपत्तं पि उवड्वेज्ज । जो संबंधी सयणिज्जओ पुत्तादी, जदि सो एवं चित्तिज्जा-

[भा. ३७६१] भुंजिसु मए सद्धिं, इदानिं णेच्छंति सा हु बहिभावं ।

अहियं खंति व ओमे, पच्छण्णं जेण भुंजंति ॥

सू- पुव्वं गिहवासे मए सद्धिं एगभायणे भुंजिसु इदानिं एगभायणे भोत्तुं नेच्छंति, जति एएण करणेण सुड्डु बहिभावं कक्खड्डं गच्छति तो अपत्तंपि सुएण उवड्वेति । “ओम” ति अस्य व्याख्या - तं अनुवड्ववियं मंडलीए अनोयवियं पुव्वं भुंजावित्ता बाहिं नीणंति, सो तत्थ नीणिओ चिंतेति - ममं नीणित्ता अप्पणा कि पि अहियं खायति जेण पच्छण्णे भुंजंति । जति एतेन कारणेण कक्खड्डं बहिभावं गच्छति ॥ अहवा - “ओमि” ति किं चि सुंदरं पड्डुप्पण्णं अनेसणिज्जं “सेहस्स दिज्जिहित्ति” ति तं गहियं, तं च तस्स दिन्नं सो भणेज्ज - एयं आयरियपायोगं कि मम दिज्जति तत्थ कोति भणेज्जा-

[भा. ३७६२] तव कप्पति न तु अहं, अनुवड्ववितस्स ऽनेसियं सिट्ठे ।

जति गच्छति बहिभावं, अनुलोमा उड्डुवड्ववणा ॥

चू- तव अनुवद्विवियस्स एयं कप्पति, न उ अन्हं, ताहे सो चिंतेति “अस्समणो हं किमेत्थ अच्छामि”, जति सो कक्खडं बहिभावं गच्छेज्जा तो अनुलोमेहिं पन्नवेत्ता पव्वाउट्ट अपत्तं चेव उवद्ववेति ॥ अहवा-

[भा. ३७६३] वासादिसु वा ठाओसि नत्थि बहि अंतो भुज्जमाणेसु ।

संवासो तु न कप्पति, एगस्सऽणलं पि तु ठवेति ॥

चू- अनुवद्ववितो त्ति मंडलीए न भुजति, सागारिउ त्ति वा कातुं पुव्वभुत्तो बाहिं ठविज्जति, बहि पि वासासु वासंते मंडवियादि द्ढणं नत्थि, भुंजताण वा सागारिउ त्ति अपत्तं चेव उवद्ववेति । “संवासे” त्ति अस्य व्याख्या - पच्छद्धं । अनुवद्ववितेन सह एगद्धं संवासो न कप्पति, तस्स य पुढो वसंतस्स वासासु उदुबद्धे वा वसही सहाओ वा नत्थि, पुढो य एगस्स वसितुं न कप्पति, इत्थिमादि दोसा भवंति, तन्हा एवमादिकारणेहिं पत्तापत्तस्स वा अणलस्स अज्झयणुद्देसणादी कातुं उवद्ववेउं संभुंजेज्ज संवासेज्ज वा ॥ इदानिं पत्तं जति अतिक्रामेति- जत्तियाणि दवसाणि अतिक्रामेति तत्तियाणि दिवसाणि चउगुरुगादि पच्छित्तं । सत्तरत्तं तवो गाहा । बितियपदेण अतिक्रामेज्जा न दोसो-

[भा. ३७६४] पिय-पुत्त खुडु-थेरे, खुडुगथेरे अपावमाणम्मि ।

सिक्खावण पन्नवणा, दिद्धंतो दंडिगादीहिं ॥

चू- दो पिता पुत्ता पव्वत्तिया, जति ते दो वि जुगवं पत्ता तो जुगवं उवद्वविज्जति । अह “खुडु” त्ति खुडु सुत्तादीहिं अपत्ते “थेरे” त्ति थेर सुत्तादीहिं पत्ते थेरस्स उवद्ववणा । “खुडु” त्ति जदि पुण खुडुगो सुत्तादीहिं पत्तो थेरे पुण अपावमाणम्मि तो जाव सुज्झंतो उवद्ववणादिणो एति ताव थेरो पयत्तेण सिक्खाविज्जति, जदि पत्तो तो जुगवं उवद्वविज्जति ॥

अह तहावि न पत्तो थेरो, ताहे इमा विही-

[भा. ३७६५] थेरेण अनुन्नाए, उवद्वऽनिच्छे ठवेति पंचाहं ।

ति पण परमनिच्छे वी, वत्थुसभावे य जाऽहीयं ॥

चू- थेरेण अनुन्नाए खुडुं उवद्ववेति । अह नेच्छति ताहे थेरो पण्णविज्जति “दंडियदिद्धंतेन”, आदिसद्दातो अमच्चादी । जहाएगो राया रज्जपरिब्भट्टे सपुत्तो अन्नं रायाणं उलग्गिउमाढतो । सो रायपुत्तस्स तुट्टे । तं से पुत्तं रज्जे ठवेतुं इच्छति, किं सो पिता नानुजाणाति ? एवं तव जदि पुत्तो महव्वयरज्जं पावति, किं न मन्नसि ? एवं पि पन्नवितो जदि नेच्छति ताहे ठंति पंचाहं, पुणो वि पन्नविज्जति, अनिच्छे पंचाहं ठंति, एवं तिपण कालेण जदि पत्तो तो जुगवं उवद्ववणा । अओ परं थेरो अनिच्छेति खुडु उवद्वविज्जति । अहवा - “वत्थुसभावे वि जाऽधीतं” ति वत्थुस्स सहावो वत्थुस्सभावो मानी “अहं पुत्तस्स ओमतरो होज्जामि” त्ति उन्निक्रमेज्जा, गुरुस्स खुडुस्स वा पदोसं गच्छेज्जा, ताहे तिण्ह पंचाहाण परतो वि संचिक्रवाविज्जति जाव अधीयं ति ॥ अह दो पिता पुत्ता जुवलगाणि तो इमा विही-

[भा. ३७६६] दो थेर खुडु थेर, खुडुगथेरे अपावमाणम्मि ।

रन्नो अमच्चमादी, संजतिमज्झे महादेवी ॥

चू- दो थेरा सपुत्ता समग पव्वाविता, “एत्थ दो थेरे” त्ति दो वि थेरा पत्ता न ताव खुडुगा, थेरा उवद्ववेयव्वा । “खुडुगा” त्ति दो खुडुगा पत्ता न थेरा, एत्थ वि पन्नवणविधी तहेव । “थेरखुडुगो” त्ति

दो धेरा खुड्डो य एगो एत्थ उवड्डवणा, अह दो खुड्डा धेरो य एगो पत्तो, एगे धेरे अपाव माणम्मि ॥  
इत्थ इमं गाहासुत्तं-

[भा. ३७६७] दो पत्त पिया पुत्ता, एगस्स उ पुत्तो पत्त न उ धेरो ।

गहितो स पंच वियरति, राइणिओ होउ एस वि ता ॥

चू- पुव्वद्धं कंठं । आयरि एहि वसभेहिं वा पन्नवणं गाहितो वितरति, सयंवा वितरति, ताहे खुड्डो उवड्डविज्जति, अनिच्छे रायदिद्वंतं पन्नवणा तहेव, इमो विसेसो । सो अपत्तधेरो भण्णति - एस ते पुत्तो परममेधावी एत्तो उवड्डविज्जउ, जइ तुमं न विसज्जेसि तो एते दो वि पिता पुत्ता रातिनिता भविस्संति, तं एयं विसज्जेहि, एस वि ता होउं एतेसिं राइमिउ त्ति । अतो परं अनिच्छे तहेव विभासा । इदानिं पच्छद्धं - रन्नो अमच्चो य समगं पव्वाविता जहा पिता पुत्ता तहा असेसं भाणियव्वं । आदिग्गहणेणं सेट्ठिसत्थवाहाणं रत्ता सह भाणियव्वं । संजतिमज्जेवि दोण्हं माताधितीणं, दोण्ह य माताधिती जुवलययाणं, महादेवी अमच्चीण य, एवं चेव सव्वं भाणियव्वं ॥

[भा. ३७६८] राया रायाणो वा, दोन्नि वि समपत्त दोसु ठाणेसु ।

ईसर सेट्ठिअमच्चे, निगम घडा कुल दुवे चेव ॥

चू- रायारायाणो त्ति एगो राया, बितिओ रायराया सम पव्वाइया । एत्थ वि जहा पितापोत्ताणं तहा दड्डव्वं, एतेसिं जो अहियरो रायादि इतरम्मि अमच्चादिए ओमे पत्ते उवड्डाविज्जमाणे अपत्तियं करेजा, पडि भज्जेज्ज वा, दारुणसभावो वा उदुरुसेजा, ताहे सो अपत्तो वि इतरेहिं समं उवड्डविज्जति ॥

[भा. ३७६९] एएहि कारणेहिं, अज्झयनुद्देसमाइए काउं ।

अनधीए वि कहेत्ता, उवड्डवेऊण संभुंजे ॥

चू- अहवा - राइत्ति जत्थ एगो राया सो अमच्चादियाण सव्वेसिं राइणितो कज्जति । रायाणो त्ति दुप्पभिति रायाणो समं पव्वइया समं च पता ते उवड्डविज्जंता समरातिणिया कायव्व त्ति दोसु पासेसु ठाविज्जंति ॥ एसेवऽत्थो भण्णति-

[भा. ३७७०] समगं तु अनेगेसू, पत्तेसू अनभिओगमावलिया ।

एगतो दुहतो व ठिता, समराइणिया जहासण्णा ॥

चू- पुत्तादिसंबंधिणो असंबंधेसु बहुसु समगं उवड्डविज्जमाणेसु गुरुणा अत्रेण वा अभियोगो न कायव्वो “इओ इओ दाह” त्ति । एवं एगतो दुहतो वा ठितेसु जो जहा गुरुस्स आसन्नो सो तहा जेट्ठे उभयपासट्ठियेसमा समाराइणिया । एवं दो ईसरा, दो सेट्ठी, दो अमच्चा, “निगम” त्ति दो वणिया, “घड” त्ति गोट्ठी दो गुट्ठीओ गोट्ठीया वा पव्वतिया, दो महाकुलेहिंतो पव्वइया, सव्वे समा समरातिणिया कायव्वा, एतेसिं चेव पुव्वपत्तो, पुव्वं चेव उवड्डवेयव्वा ॥

[भा. ३७७१] ईसिं अधोणता वा, वामे पासम्मि होति आवलिया ।

अहिसरणम्मि उ वट्ठी, ओसरणे सो व अन्नो वा ॥

चू- ते उवड्डविज्जमाणा गुरुणो वामपास ठितो एगो अणेगा वा ईसिं अधो ओणता - गजदंतवत् अवनता इत्यर्थः । “अहिसरणे” त्ति ते यदि गुरुं तेन अगगतो वा सरंति तो गच्छवुट्ठी-अन्योऽपि प्रव्रजतीत्यर्थः । अह पच्छतो बाहिरेण वा ओसरंति तो सो वा अन्नो वा उन्निक्रमति, ओदायि वा एयं निमित्तं ॥

मू. (७४०) जे भिक्खू नायगेण वा अनायगेण वा उवासएण वा अनुवासएण वा अनलेण वेयावच्चं कारावेइ, कारावेतं वा सातिज्जति ॥

चू- कारवेतस्स चउगुरुं पच्छित्तं आणादिया य दोसा ॥

[भा. ३७७२] पुव्वं चिय पडिसिद्धा, दिक्खा अनलस्स कहमियाणिं तु ।

त्वेयावच्चं कारे, पिंडस्स अकप्पिए सुत्तं ॥

[भा. ३७७३] वेयावच्चे अनलो, चउव्विहो होइ आणुपुव्वीए ।

सुत्तत्थ अभिगमेण य, परिहरणा एव नायव्वा ॥

चू- वेयावच्चं प्रति अनलो चउव्विहो - सुत्ते, अत्थे, अभिगमे, परिहरणे । सुत्ततो जेण पिंडेसणा न पढिता । अत्थतो जेण तस्सेव अत्थो न सुत्तो । अभिगमणं - जो वेयावच्चं न सदहति । परिहरणे - जो अकप्पियं न परिहरति । चोदकाह - “ननु जो पव्वज्जातो अनलो य वेयावच्चस्स वि अनलो, किं पुढो सुत्तकरणं ?” उच्यते - जो पव्वज्जाए अणलो स वेयावच्चस्स नियमा अनलो, जो पुण पव्वज्जाए अलो स वेयावच्चस्स अलो वा अनलो वा । अतो पिहसुत्तकरणं ॥

[भा. ३७७४] एएसामण्णतरं, अनलं जो नाइगाति कारेज्जा ।

वेयावच्चं भिक्खू, सो पावति आणमादीणि ॥

[भा. ३७७५] वितियपए एगागी, गेलण्णऽसहू यऽलद्धिमंते य ।

ओमे य अनहियासे, गिहीसु वा मंदधम्मेषु ॥

चू- गच्छे एकको चेव पिंडादि कप्पितो सब्वेसिं कातुं न तरति, जे कप्पिया ते गिलाणा असहू वा, अलद्धिमंता वा ओमे वा असंथरतो अनलेण कारविज्ज । “अनहियास”त्ति अत्रे जाव भिक्खादिगया न एंति ताव कोति भिक्खू छुहालू अनलेण कारविज्जा । गिहिणो वा मंदधम्मा पाउग्गं न देंति, सो य अनलो लद्धिसंपण्णो ॥ ताहे-

[भा. ३७७६] एएहि कारणेहिं, पिंडस्सुस्सारकप्पियं काउं ।

वेयावच्चमलंभे, कारेज्जऽसढो तु अनलेणं ॥

चू- एवं असढो कारवेतो सुद्धो ॥

मू. (७४१) जे भिक्खू सचेले सचेलगाणं मज्झे संवसइ, संवसंतं वा सातिज्जति ॥

मू. (७४२) जे भिक्खू सचेले अचेलगाणं मज्झे संवसइ, संवसंतं वा सातिज्जति ॥

मू. (७४३) जे भिक्खू अचेले सचेलगाणं मज्झे संवसइ, संवसंतं वा सातिज्जति ॥

मू. (७४४) जे भिक्खू अचेले अचेलगाणं मज्झे संवसइ, संवसंतं वा सातिज्जति ॥

चू- सचेला संजता, सचेलाओ संजतीओ, चउभंगसूत्रं व्याख्येयं । चउसु वि भंगेषु चउगुरुं तवकालविसिद्धं ।

[भा. ३७७७] जे भिक्खू सचेलो तु, ठाण-निसीयण-तुयट्ठणं वा वि ।

चेतिज्ज सचेलानं, सो पावति आणमादीणि ॥

[भा. ३७७८] वीसत्थादी दोसा, चउत्थुद्देसम्मि वत्रिया जे तु ।

ते चेव निरवसेसा, सचेलमज्झे सचेलस्स ॥

चू- कारणे वसेज्जा-

[भा. ३७७९] बितियपदमणप्पज्जे, गेलण्णुवसग्गरोहगऽद्धाणे ।  
समनाणं असतीए, समणीपव्वाविते चेव ॥

चू- अणप्पज्जो वसेज्जा, गिलाणं वा पडियरंतो वसेज्जा, उवसग्गे वा जहा सो रायकुमारो संगुत्तो रोहए वा एक्का वसही लद्धा, अद्धाणपडिवण्णो वा संजयाण असती संजतिवसहीए वसेज्जा, अहवा - दो वि वग्गा अद्धाणपडिवज्जा वसेज्जा । अधवा - समनाण असतीते समणीहिं भाया पिया वा पव्वाविओ सो वसेज्जा ॥

[भा. ३७८०] एमेव बितियभंगे, कंतारादीसु उवहिवाघाते ।  
समणीणं ततियम्मि तु, वाघातो होति समनाणं ॥

चू- बितियभंगे समणीण उवधीउवघातो । ततियभंगे समनाण उवहिउवघाओ ॥  
चतुसु वि भंगेसिमे दोसा-

[भा. ३७८१] संचरिते वि हु दोसा, किं पुण एगतरनिगिण्णि उभओ वा ।  
दिट्ठमदट्ठव्वं मे, दिट्ठिपियारे भवे खोभो ॥

चू- पढमभंगे उभये वि संचरिते वीसत्थादि आलावातिया य दोसा, किं पुण बितिय-ततिय-उभयनिगिण्णे य, सविसेसा दोसा । संजतो संजती वा चिंतेति - दिट्ठं अदट्ठव्वं मे अंगादानादि । सागारिए य दिट्ठिपियारेणं चित्तक्खोभो भवति । खुभिओ अनायारपडिसेवणं करेज्ज ॥

[भा. ३७८२] आयपर उभयदोसा बितिए भंगे न कप्पती बितियं ।  
विहिमुट्ठवत्थदाणं, ठाणाति चएति एगत्थ ॥

[भा. ३७८३] एमेव ततियभंगे, अद्धाणे उवसयस्स तु अलंभे ।  
खुट्ठातिमज्जे समणी सावयभयचिट्ठणादिसु ॥

[भा. ३७८४] एमेव चरिमभंगे, दोसा जयणा तु दब्भमादीहिं ।  
सभयम्मि मज्जे समणी, निरवा एमग्गतो एति ॥

[भा. ३७८५] दुहतो वाघातो पुण, चतुत्थभंगम्मि होति नायव्वो ।  
एमेव य परपक्खे, पुव्वे अवरम्मि य पदम्मी ॥

चू- पुव्वद्धं कंठं । परपक्खो गिहत्थिअन्नतिथिणीओ । तेसु एएवं चेव चउभंगो दोसा य । एगतरे उभयपक्खे वा विवित्ते वत्थाभावे खंडपत्त-दब्भ-चीवर-हत्थपिहणा जयणा कायव्वा । सावयभयादीसु य संजइओ मज्जे छोटुं ठाणाती चेतैज्जा ॥

दुहतो वि अचेलाणं पंथे इमा गमणविही-  
[भा. ३७८६] दुहतो वाघायम्मी, पुरतो समणा तु मग्गतो समणी ।  
खुट्ठेहि भणावेति, कज्जे देयं ति दावेति ॥

चू- अग्गतो साहू गच्छति, पिट्ठतो समणीओ । जति संजतीओ किं चि वत्तव्वाओ खुट्ठेहिं भणावेति । जं किं चि देयं तं खुट्ठेहिं चेव दवावेति । सभए पुण पिट्ठओ अग्गतो पासतो वा संजया गच्छंति न दोसो । बिइयचउत्थेसु भंगेसु सव्वपयत्तेण संजतीण वत्था दायव्वा ॥

[भा. ३७८७] समनाणं जो उ गमो, अट्ठहि सुत्तेहि वन्निओ एसो ।  
सो चेव निरवसेसो, वोच्चत्थो होति समणीणं ॥

चू- चउरो संजतिसुत्ता, चउरो गिहत्थऽन्नतिथिणीएसु । एते अट्ठ संजतीण वि, संजतेसु चउरो सुत्ता गिहत्थऽन्नतिथिएसु चउरो । एसेव विवच्चासो, दोसा य वत्तव्वा ॥

मू. (७४५) जे भिक्खू पारियासियं पिप्पलिं वा पिप्पलिचुण्णं वा सिंभेरं वा सिंगबेरचुण्णं वा बिलं वा लोणं, उब्भियं वा लोणं आहारेइ, आहारेंतं वा सातिज्जति ॥

चू- पारियासियं नाम रातो पज्जुसियं । अभिण्णा पिप्पली, सा एयसुहुमा भेदकता चुण्णा । एवं मिरीय-सिंगबेराणं पि । सिंगबेरं सुंठी । जत्थ विसए लोणं नत्थि एत्थ ऊसो पच्चति, तं बिललोणं भण्णति । उब्भेतिमं पुण सयंरुहं जहा सामुद्वं सिंधवं वा । एवमादिपरिवासितं आहारेंतस्स आणादी दोसा, चउगुरुं च । इमा निज्जुत्ती-

[भा. ३७८८] परियासियमाहारस्स मग्गणाऽऽहारो को भवे अणाहारो ।

आहारो एगंगिओ, चउव्विहो जं चऽतीति तहिं ॥

चू- एत्थ सीसस्स मती उप्पन्ना - परियासियआहारस्स मग्गणा । अन्हे न यानामो को आहारो को वा अनाहारो ? तं इच्छामो आहारानाहारं नातुं । आयरितो भणति - आहारो एगंगितो असणादी चउव्विहो, ज वा अन्न तत्थ अतीति सा - आहारो चउव्विहो ॥ एगंगितो आहारो-

[भा. ३७८९] कूरो नासेइ सुधं, एगंगी तक्कउदगमज्जाती ।

खातिमे फलमंसादी, सातिमे महुफाणितादीणि ॥

चू- कुरादी एक्कं चेव खुधं पासेति । पाणे तक्क-खीर-उदग मज्जादी एगंगि तिसं नासेंति आहारकिच्चं च करेंति । खाइमे एगंगिया फलमंसादी आहारकिच्चं च करेंति । साइमेवि मधु-फाणिय-तंबोलादिया एगंगिया खुहं पासेति ॥ “जं च अतीति तहिं” ति अस्य व्याख्या-

[भा. ३७९०] जं पुण खुहापसमणे, असमत्थेगंग सो उ लवणाती ।

तं पि य होताहारो, आहारजुतं व विजुतं वा ॥

चू- जं एगंगियं खुहासमणे असमत्थं आहारे य अतीति तं आहारेण संजुत्तं असंजुत्तं वा आधारो चेव नायव्वो, जहा असने लोणं हिं गु जीरयं कडुगं मंडं च ॥

[भा. ३७९१] उदए कप्पूरादी, फले सुत्तादीणि सिंगबेरगुलो ।

न य ताणि खवेति खुहं, उवकारित्ता तो आहारो ॥

चू- उदए कप्पूरं गच्छति, अंबादिसु फलेसु सुत्तं, सुंठीए गुलो, एमादि खुहापसमणे असमत्थं पि उवकारित्तणओ आहारो चेव वत्तव्वो । सेसं अनाहारिमं ॥

अधवा आहारिमऽनहारिमभेदो इमो-

[भा. ३७९२] अहवा जं भुक्खत्तो, कट्ठवउमाए पक्खिवति कोट्टे ।

सव्वो सो आहारो, ओसहमादी पुणो भतिओ ॥

चू- बुभुक्षया आर्तं बुभुक्षार्तं, जं किं चि भुंजति सो सव्वो आहारो, कट्ठमोवमो । “अपि कट्ठमपिडानां कुर्यात् कुक्षि निरंतरं ।” ओसहमादी भयणा - जं घतपूरादी ओसहत्तं आहार एव, जं पुण तिफलादियं दव्वं सव्वं अनाहारिमं यस्मात् तदुपरिधात् पुनराहार करिष्यतीत्यर्थः ॥

अहवा-

[भा. ३७९३] जं वा भुक्खत्तस्स, उ, संकसमाणस्स देति आसादं ।

सव्वो सो आहारो, अकमणिडं चऽनाहारो ॥

चू-संकसमाणस्स संग्रसतः कवलप्रक्षेपं कुर्वतः अधवा संकसमाणस्स आस्वादयतः आस्वादं प्रयच्छति एस आहारो । जं पुण अकामं अभ्यवहारामीत्येवं न कामयति, अनिटं शोभनमपि न रोचते, एरिसं अनाहारो भवति ॥ तं पुण इमं अनाहारिमं-

[भा. ३७९४] अनहार मोय छल्ली, मूलं पत्त फल जं चऽनाहारो ।

सेसं तयभूति तोये, बिंदुमेत्ते वि चउगुरुगा ॥

चू-काइयं मोयं, निंबादीणं छल्ली, निंबोलियमादी फला, तस्सेव मूला, जंचऽन्नं घोसाडगादी, देवदालितिरिगिच्छमादीयाणं पत्तपुप्फफलबीया, एवमादी सव्वं अनाहारिमं । “सेसं” ति आहारो । तस्स जति तिल-तुस-तयामेत्तं परिवासियं आहारेति, सत्तुगादिसुक्कचुण्णाणि एगमंगुलीए जत्तिया भूती लग्गति । “तोयमि” ति पाणगं, तस्स य बिंदुमित्ते वि चउगुरुगा ॥ अन्ने य इमेदोसा-

[भा. ३७९५] मिच्छत्ता संचतिए, विराहणा सुक्खे पाणजाती य ।

सम्मुच्छणा य तक्कण, दव्वे य दोसा इमे होंति ॥

चू-असणादिपरिवासिज्जमाणं दडुंसेधो वा अन्नो वा मिच्छत्तं गच्छेज्जा, न जधावादी तधाकारि ति । उड्डाहं वा करेज्जा - “निस्सन्निधिसंचया समण ति, इमे पुण सव्वं करेंति” । परिवासिए य आयसंजमविराहणा । सत्तुगादिए सुक्के धरिए ऊरणिगादी सम्मुच्छंति, उंदरो वा तत्थ तक्केंतो पासतो परिपालेंतो बिडालादिणा खज्जति, एवमादी संजमे । आयविराहणा सप्पो कोइला विसो लालं मुंचति । तयाविसो वि उस्सिधमाणो निस्सासेण क्सिकरेज्जा, उंदरो वा लालं मुत्तं वा मुंचेज्जा, एवमादी दोसे सम्मुद्धिडे आयविराधना भवति ॥

“मिच्छत्ता संचइय” ति अस्य व्याख्या-

[भा. ३७९६] सेह-गिहिणा व दिडे, मिच्छत्तं कहमसंचया समणा ।

संचयमिणं करेंती, अन्नत्थ वि नून एमेव ॥

चू-गतार्था । “सव्वाओ रातीभोयणाओ वेरमणं” ति जंधा एयं पडिमं पडिवज्जेत्ता पादं च वंदित्ता जदा एयं अन्नधा करेंति तदा अन्नत्थ वि पाणवधादिसु “नूनं” वितक्के, एवमेवेत्यवधारणे, सव्वं समायरेंति ॥ “दव्वे य दोसा इमे होंति” अस्य पदस्य व्याख्या-

[भा. ३७९७] निद्धे दवे पणीए, अपमज्जणपाणतक्कणा झरणा ।

आहारे दिट्ठ दोसा, कप्पति तम्हा अनाहारो ॥

चू-घयातिए निद्धे, “दवे” ति पानगे । अहवा - निद्धमेव दव्वं, जधा खीरं घतं तेलं दधि तक्कं मधुं ति । “पणीते” ति असनादि नेघावगाढं । एरिसं रातो ठवितं जं भायणे तं पमज्जितुं न तरति, अह पडिलेहेति तो रयहरणं विनासेज्जति, अपडिलेहणाए य दसहिं दिवसेहिं भायणं उवहयं भवति, तत्थ वा पाणजाती सम्मुच्छंति पडेंति वा, तक्कणा सच्चेव, झरंते य हेट्ठ पाणजादी पडंति, मधुबिंदोवक्खाणेण वा तक्केंत-परंपरदोसा भवंति । एत्थ चोदगाह - “आहारे दिट्ठदोसा तम्हा अनाहारो कप्पतु ठवेतुं ॥ आचार्याह-

[भा. ३७९८] अनहारो वि न कप्पति, लहुगा दोसा य जे भणितपुव्विं ।

तद्विवसं जयणाए, बितियं कडजोगिसंविग्गो ॥

चू-जति अनाहारिमं ठवेति तो चउलहु पच्छित्तं, आणादिया विराधना य । अनाहारिमं च



सुखं दवं च, सुक्कं छल्लिमादि, एवं निंबकरेंजिततेल्लादी । एत्थ अनाहारिमे ठविज्जमाणे दोसा जे आहारिमे पुव्ववण्णिता त एव भवं । तम्हा अमाहारिंमं पि नो ठवेज्जा । जाधे पयोयणं ताधे तद्विवसं चैव मग्गिज्जति । विभेलय-हरितकीमादीण य छल्ली अह न लब्भति, दुल्लभलंभे वा, दिने दिने मग्गंता वा गरहिता, ताधे जयणाए ठवेति । जधा अगीय-सह्ममादी न याणंति तथा बितियपदे कडजोगी संविग्गो ठवेति । मयणेणालिंपति, घणचीरेण चम्मेण वा ददूरे त्ति, जधा पाणादी न निलेंति, पासओ छारेण ओगुंडिज्जति, निव्वाघाए पदेसे ठविज्जति, उभयतो कालं पमज्जिज्जति । एवं निद्वोसो भवति ॥

[भा.३७९९] अह कारणे अनाहारो, तु कप्पति तह ठवेज्ज इतरो वि ।

वोच्छिन्नम्मि मडंबे, बितियं अद्धाणमादीसु ॥

चू- जधा कारणे अनाहारो दिट्ठे ठवेतुं तहा ठविज्ज "इयरो" त्ति आहारो । सो वि कारणे कप्पति ठवेतुं । तं पुण इमेरिसे कारणे वोच्छिन्ने मडंबे ठिता, तत्थ दुल्लभं पिप्पलीमादीति सव्वं संबसाविज्जा, तं पि गच्छकारणा ओसधभेसज्जादीनिमित्तं, तं पि जति मासकप्पं वासावासं वा ठिता तत्थ न मग्गंति, अन्नखेत्ते मग्गंति, जाहे अन्नहि न लब्भंति ताहे तत्थेव मग्गंति, जहा एयाणि कारणे दिट्ठणि तहा असनाइ वि कारणे ठवेज्जा, बिइयपदेण अद्धाणकप्पं ठवेज्जा । आदिसद्दाओ पडिवन्नउत्तिमद्दुस्स वा गिलाणस्स वा पानगाइ ॥

[भा.३८००] वोच्छिण्णम्मि मडंबे, सहसरुयुप्पाय-उवसमनिमित्तं ।

दिट्ठत्था ते तं चिय, गेण्हंती तिविहभेसज्जं ॥

चू- "सहसरुय" सूलविसूयाति, तस्स उवसमणनिमित्तं, दिट्ठत्था गीयत्था, ते चं चिय दव्वं गेण्हंति जेजीवसो भवइ, तिविह भेसज्ज वायपित्तसिंभो य ॥

मू. (७४६) जे भिक्खू गिरि-पडणाणि वा मरु-पडणाणि वा भिगु-पडणाणि वा तरुपडणाणि वा गिरि-पक्खंदणाणि वा मरु-पक्खंदणाणि वा (भिगुपक्खंदणाणि वा) तरु-पक्खंदणाणि वा जल-पवेसाणि वा जलणपवेसाणि वा जल-पक्खंदणाणि वा जलण-पक्खंदणाणि वा विस-भक्खणाणि वा सत्थो-पाडणाणि वा वलय-मरणाणि वा ७वसट्ठाणि वा तब्भावाणि वा, अंतो सल्लाणि वा वेहाणसाणि वा गिद्ध-पट्ठणि वा जाव अन्नयराणि वा तहप्पगाराणि वा बालमणाणि पसंसति, पसंसंतं वा सातिज्जति ॥

तं सेवमाणे आवज्जइ चाउम्मासियं परिहारट्ठणं अनुग्घाइयं ।

[भा.३८०१] गिरिपडणादी मरणा, जेत्तियमेत्ता उ आहिया सुत्ते ।

तेसिं अन्नतरागं, पसंसते आणमादीणि ॥

चू- तेसिं सुत्ताभिहियाणं दुवालसण्हं बालमरणाणं अन्नतरागं पसंसइ, आणादिया दोसा, चउगुरूं च पच्छित्तं ॥ गिरि-मरु-तरु-भिगूणं चउण्ह वि इमं वक्खाणं-

[भा.३८०२] जत्थ पवातो दीसति, सो तु गिरी मरु अदिस्समाणो तु ।

नदितडमादी उ भिगू, तरु य अस्तोत्थवडमादी ॥

चू- गिरिमरूणं विसेसो - जत्थ पव्वए आरूढेहिं अहो पवायठाणं दीसइ सो गिरी भण्णइ, अदिस्समाणे मरु । भिगू नदितडी आदिसद्दातो विज्जूक्खायं, अगडो वा भन्नइ । पिप्पलवडमादी

तरु । एतेहिंतो जो अप्पानं मुंचइ मरणं ववसिउं तं पवडणं भन्नइ । एते चउरो वि पडणसामन्नाओ एक्को मरणभेदो ॥ एतेसु चेव चउसु पक्खंदणं । पवडण-पक्खंदनाण इमो भेदो-

[भा. ३८०३] पडणं तु उप्पत्तिता, पक्खंदण धाविऊण जं पडति ।

तं पुम गिरिम्मि जुञ्जइ, णदितडभिगूहिं वा पडणं ॥

चू- थाणत्थो उहं उप्पइत्ता जो पडइ वस्त्रडेवने डिंभकवत्, एयं पवडणं । जं पुण अदूरओ आधावित्ता पडइ तं पक्खंदणं । अहवा - ठिय-निसन्न-निवन्नस्स अनुप्पइत्ता पवडमाणस्स पवडणं, उप्पाइत्ता जो पडइ पक्खंदणं । तं पुण पडणं पक्खंदणं वा गिरिम्मि जुञ्जइ घडतीत्यर्थः । नदितडिभिगूहिं वा पडणं पक्खंदणं च जुञ्जइ ॥ तरुसु कहं पक्खंदणं जुञ्जइ अओ भण्णत्ति-

[भा. ३८०४] ओलंबिऊण समपाइतं च तरुओ उ पवडणं होति ।

पक्खंदणुप्पत्तिता, अंदोलेऊण वा पडणं ॥

चू- हत्थेहिं सालाए लग्गिउं अहो लंबिउं पडंतस्स पवडणं, रुक्खग्गओ वा समपादठियस्स अनुप्पइत्ता पवडमाणस्स पवडणं । रुक्खड्डियस्स जं उप्पइत्त पडणं तं पक्खंदणं, हत्थेहिं वा लंबिउं जं अंदोलइत्ता पडइ तं वा पक्खंदणं । चउरो वि पक्खंदणा पक्खंदण सामन्नओ विइओ मरणभेदो ॥ जल-जलणपवेसो पवेससामण्णो तइओ मरणभेदो । जल-जलणपक्खंदणे चउत्थो मरणभेदो । सेसा विसभक्खणाइया वा अट्ट पत्तेयभेदा । विसलक्खणं सिद्धं, सत्थेण अप्पानं विवाएइ । “वलय-वसट्ठाणं” इमं वक्खाणं-

[भा. ३८०५] वलयं वलयायमाणो, जो मरणं मरति हीनसत्ततया ।

सोत्तिदियादिवसतो, जो मरइ वसट्टमरणं तु ॥

चू- संजमजोगेसु वलंतो हीनसत्तयाए जो अकामगो मरइ एयं वलयमरणं, गलं वा अप्पणो वलेइ । इंदियविसएसु रागदोसवसट्ठो मरंतो वसट्टमरणं मरइ ॥ “तब्भव-अंतोसल्लाणं” इमं वक्खाणं-

[भा. ३८०६] तम्मिं चेव भवम्मी, मयाण जेसिं पुणो वि उप्पत्ती ।

तं तब्भवियं मरणं, अविगडभावं ससल्लं तु ॥

चू- जम्मि भवे वट्टइ तस्सेव भवस्स हेउसु वट्टमाणो आउयं बंधित्ता पुणो तत्थो वज्जिउकामस्स जं मरणं तं तब्भवमरणं, एयं मनुयतिरियाण चेव संभवइ । अंतोसल्लमरणं दुविहं - दव्वे भावे या दव्वे नारायादिणा सल्लियस्स मरणं, भावे मूलुत्तरइयारे पडिसेवित्ता गुरुणो अनालोइत्ता पलि-उंचमाणस्स वा भावसल्लेण सल्लियस्स एरिसस्स अविगडभावस्स अंतो सल्लमरणं । वेहानसं रज्जुए अप्पानं उल्लंवेइ । गिद्धेहिं पुट्टं गिद्धपुट्टं गृद्धेभिक्षितव्यमित्यर्थः, तं गोमाइकलेवरे अत्ताणं पक्खिवित्ता गिद्धेहिं अप्पानं भक्खावेइ । अहवा - पट्टेदरादिसु अलत्तपुडगे दाउं अप्पानं गिद्धेहिं भक्खावेइ ॥ एते दुवालस बालमरणा पसंसमाणस्स इमे दोसा-

[भा. ३८०७] मिच्छत्तथिरीकरणं, सेहपरीसहपराइतेकतरं ।

निक्खिवया सत्तेसु य, हवंति जे जत्थ य पडंती ॥

चू- अहो इमे साधू एगंतसुड्डियप्पा इमे गिरिपवडणादी मरणे पसंसंति, धुवं एते करणिज्जा, नत्थेत्थ दोसो, एवं मिच्छत्ताइठियाणं मिच्छते थिरीकओ भावो भवति । पसंसियबालमरणे सेहो

परीसहबपराजिओ बारसण्हं एगतरं पडिवज्जेजा । जे य बालमरणे पसंसिए अप्पानं अइवाएज्जा तेसु सत्तेसु निग्घिणया कया भवति । तव्विराहणानिप्फणं च पच्छित्तं पावेइ । तम्हा नो पसंसेज्जा ॥ कारणे वा पसंसेज्जा । इमं य ते कारणा-

[भा.३८०८] वितियपदमणप्पमज्जे, पसंसे अविक्कोविते व अप्पज्जे ।

जाणंते वा वि पुणो, कज्जेसु बहुप्पगारेसु ॥

चू- ते य बहुप्पगारा कज्जा इमे-

[भा.३८०९] कयम्मि मोहभेसज्जे, अट्टयंते तहावि तु ।

जुंगियं आमए वा वि, असज्जं पन्नवेति उ ॥

चू- साहुस्स उदित्तमोहस्स निव्विइयादिमोहभेसज्जे कए तह वि महोणिज्जे अट्टयमाणे, कन्नऽच्छि नासहत्थपादादि जुंगियं वा, कुट्टवाहिणा वा असज्जेण गहियं, गोणसमाइक्खयं वा असज्जं, पंडियमरणे असत्तं, एते इमेण विधिणा बालमरणेण पन्नवेति ॥

[भा.३८१०] तत्थ दसण्णह अवाते, आदिल्लाण मरणाण दंसेत्ता ।

दोन्नि पसंसंति विदू, वेहानस गद्धपट्टं च ॥

चू- पवडणादीया अंतोसल्ल पज्जवसाणा एत दस । एतेसिं जीवववरोवणादि अवाए दंसेत्ता ते पडिसेहिता दोण्हं विहाणसगद्धपट्टमरणाणं गुणे आगमविदू पसंसंति, पंडियमरणमसत्तेण ते प्रतिपत्तव्या इत्यर्थः ॥ भणियं दुवालसविहं बालमरणं । इदानिं पंडियमरणं । तस्सिमो संबंधो-

[भा.३८११] बालमरणेण य पुणो, पंडित्तमरणे कया हवति सूया ।

भत्तपरिण्णा इंगिणि, पादोपगमे य नायव्वे ॥

चू- तं तिविहं - भत्तपरिण्णा इंगिणि पाउवगमणं च । एते कमेण-जहन्मज्जिमुक्कोसा । तत्थ एक्केकं दुहा पडिवज्जइ - अहानुपुव्वीए अनानुपुव्वीए य । पव्वज्जासिक्खापयादिकमेण मरणकालं पत्तस्स आणुपुव्वी, अत्थग्गहणाईए पदे अप्फासेत्ता अनानुपुव्वी । पुणो एक्केकं दुविहं - सपरिक्रमं अपरिक्रमं च । सपरिक्रमो - जो भिक्खू वियारं अन्नगामं वा गुंतुं समत्थो, इतरो अपरिक्रमो । पुणो एक्केकं दुविहं - निव्वाघाइमं वाघाइमं च । निरुअस्स अक्खयदेहस्स निव्वाघाइमं, इतरस्स वाघाइमं । वाघाओ दुविहो - चिरघाइ आसुघाइ य ॥ एत्थ भत्तपरिण्णं ताव भणामि । जंतं आनुपुव्वीए सपरिक्रमं निव्वाघाइमं तं इमं-

[भा.३८१२] पव्वज्जादी काउं, नेयव्वं ताव जाव वोच्छिती ।

पंच तुलेऊण य सो, भत्तपरिण्णं परिणतो य ॥

चू- पुव्वद्धस्स इमा वक्खाणगाहा-

[भा.३८१३] पव्वज्जा सिक्खावय, अत्थग्गहमं च अनियतो वासो ।

निप्फत्ती य विहारी, सामायारी ठिती चेव ॥

चू- पव्वज्जं अब्भुवगओ सिक्खापदं ति सुत्तं गहियं, अत्थो सुओ बारसमाओ देसदंसणं कयं, सीसा निप्फातिआ, एसा अब्बोच्छिती । ताहे जइ दीहाऊ संघयणधितिसंपण्णो य ताहे अप्पानं तवेण, सत्तेण, सुत्तेण, एगत्तेण, बलेण य पंचहा तुलेऊण जिणकप्पं अहालदं सुद्धपरिहारं पडिमं वा पडिवज्जइ । अह उप्पाऊ, विहारस्स वा अजोग्गो, ताहे अब्भुज्जयमरणं तिविहं वियलेऊण अप्पणो धितिसंघयणाणुरूवं भत्तपरिण्णं परिणओ ॥ तस्सिमाओ तिन्नि दारगाहओ-

[भा. ३८१४] गणि निसिरणे परगणे, सिति संलेहे अगीयऽसंविग्ने ।  
एक्काऽऽभोयण अन्ने, अणपुच्छ-परिच्छ आलोए ॥

[भा. ३८१५] ठाण-वसही-पसत्थे, निज्जवग्गा दव्वदायणा चरिम ।  
हाणऽपरितंत निज्जर संथारुव्वत्तणादीणि ॥

[भा. ३८१६] सारेऊण य कवयं, णिव्वाघाएण चिंधकरणं च ।  
अंतोवहि वाघातो, भत्तपरिण्णाए कायव्वो ॥

चू- गणि निसिरणे-

[भा. ३८१७] गणि निसिरम्मि उवही, जो कप्पे वन्निओ य सत्तविहो ।  
सो चेव निरवसेसो, भत्तपरिण्णाए दसम्मि ॥

चू- जाव परिकम्मं करेइ ताव इत्तरं गणनिकखेवं करेइ, पडिवण्णं परिवज्जउ आवकहं  
गणनिकखेवं करेइ । दारं ।

- परगणे-

[भा. ३८१८] किं कारण चंकमणं, धेराणं तह तवो किलंताणं ।  
अप्पज्झयम्मि मरणे, कालुणिया ज्ञाणवाघाते ॥

[भा. ३८१९] सिनेहो पलवी होइ, निग्गते उभयस्स वि ।  
आहच्च वा वि वाघातो, नेहे सेहादि विउब्भामो ॥

“परगणे त्ति” परगणे गंतुं अनसनं पडिवज्जइ, किं कारणं ? भन्नइ - सिस्सा कलुणभावं  
करेज्जा, आणाहाणि वा, उवकरनिमित्तेण वा वुग्गहणेगणभेदो हवेज्ज, बालाईण वा उचिए अकज्जमाणे  
हाणि वा दडुं एमाइएहिं कारणेहिं सगणे ज्ञाणवाघाओ हवेज्ज । परगणे एते दोसा न हवंति,  
गुरुकुलवासो य कओ भवति । दारं ।

- सिती-

[भा. ३८२०] दव्वसिती भावसिती, अनुयोगधराण जेसि उवलद्धा ।  
न उट्ठगमणकज्जे, हिट्ठिल्लपदं पसंसंति ॥

[भा. ३८२१] संजमठानाणं कंडगाण लेस्सा ठितीविसेसाणं ।  
उवरिल्लपरिक्कमणं, भावसिती केवलं जाव ॥

चू- “सीति” दुविहा - दव्वे भावे य । दव्वे जहा निस्सेणी जहा तीए उवरुवरिं पदारोहं करेइ  
तहा भावसंजमसीतीए उवरुवरिं संजमठाना आरुभियव्वा, ते आरभंतो अंतकिरियं वा करेइ ।  
कप्पविमाणोववत्तिं वा । एसा भावसीती जेहिं उवलद्धा न ते उट्ठगमकज्जे हिट्ठिल्लपदगमणं  
पसंसंति । दारं ।

- संलेहे-

[भा. ३८२२] चत्तारि विचित्ताइं, विगती निज्जूहियाति चत्तारि ।  
एगंतरमायामे, नातिविगिठ्ठेऽविगिठ्ठे वा ॥

[भा. ३८२३] एगंतरियं निव्विबिल्लं तिगं च एगंतरे भवे विगती ।  
निस्सड्ढगल्लधरणं, छारादीछड्डणं चेव ॥

चू-“संलेहे” ति पलेहो, तिविहो- उक्कोसो मज्झिमो जहन्नो । उक्कोसो बारसवासा, मज्झिमो वरिसादि, जहन्नो छम्मासा ।

तत्थ उक्कोससंलेहणाविहिं भणामि - चत्तारि संवच्छराणि विचित्तं तवं करेइ, पारणए उग्गमाइसुद्धं कप्पणिज्जं सव्वं पारेइ । अत्रे चत्तारि वरिसे विचित्तं चेव तवो काउं निद्धपणीतवज्जं निव्वितियं पारेइ । अत्रे दो वरिसे चउत्तं काउं आयंबिलेण पारेइ । एक्कारसमे वरिसे पढमं छम्मास अविक्किट्ठं तवं कातुं कंजिएण पारइ । बिइए छम्मासे विगिट्ठं तवं काउं आयंबिलेण पारेइ । दुवालसमं वरिस निरंतरं हायमाणं उसिणोदएण आयंबिलं करेइ, तं कोडीसहियं भवइ, जनायंबिलस्स कोडी कोडीए मीलइ । जहा पईवस्स वत्ती तेल्लं च समं निट्ठइ तहा बारसमे वरिसे आहारं परिहरेइ, जहा आहारसंलेहणा आउयं च समं निट्ठइ । एत्थ बारसमवासस्स पच्छिमा जे चत्तारि मासा तेसु तेल्लगंडूस निसट्ठं धरेतुं खेलमल्लगे निच्छुब्भइ, मा अइरुक्खत्तणओ मुहजंतविसंवादो भविस्सति, तस्स य विसंवादे नो सम्मं नमोक्कारमाराहेइ । मज्झिमजहन्नपरिकम्मणासु एसेव विही मासपक्खेहिं नेयव्वो । एत्तो एगयरेणं संलेहेत्ता भत्तपरिणिण्णिगिणिपाउवगमणं वा पडिवज्जइ । दारं ।

— अगीय-

- [भा.३८२४] नासेइ अगीयत्थो, चउरंगं सव्वलोगसारंगं ।  
नट्ठम्मि य चउरंगे, न हु सुलभं होइ चउरंगं ॥
- [भा.३८२५] पढमबितिएहि छट्ठे, अंतो बाहिं व णं विगिंचंति ।  
मिच्छदिट्ठे आसासणा य मरणं चढं तेन ॥
- [भा.३८२६] पडिगमणादिपदोसे, तेरिच्छे वाणमंतरंते य ।  
मोए दंडिगमादी, असमाहिगती य दिट्ठी य ॥
- [भा.३८२७] एते अन्ने य तहिं, बहवे दोसा य पच्चवाया य ।  
एतेहिं कारणेहिं, अगीयत्थे न कप्पइ परिण्णा ॥
- [भा.३८२८] पंच व छ सत्त सते, अधवा एत्तो वि सातिरेगतरे ।  
गीयत्थपादमूलं, परिमग्गेज्जा अपरितंतो ॥
- [भा.३८२९] एगं च दो व तिन्नि व, उक्कोसं बारसे व वरिसातिं ।  
गीयत्थपादमूलं, परिमग्गेज्जा अपरितंतो ॥
- [भा.३८३०] गीयत्थदुल्लभं खलु, कालं तु पडुच्च मग्गणा एसा ।  
ते खलु गवेसमाणा, खेत्ते काले य परिमाणं ॥
- [भा.३८३१] तम्हा गीयत्थेणं, पवयणगहियत्थसव्वसारेणं ।  
निज्जवतेन समाही, कायव्वा उत्तिमट्ठम्मि ॥

चू-“अगीए” ति-अगीयस्स पासे जइ भत्तं पच्चक्खाइ तो चउगुरुं । कम्हा ? जम्हा अगीयत्थो चउरंगं नासेइ, तं च नट्ठं पुणो दुल्लहं भवइ । तं च किं चउरंगं ? भन्नइ-  
माणुसत्तं सई सद्धा, संजमम्मि य वीरियं ।  
कहं अगीओ नासेइ, भण्णइ सोऽपिरन्निय ॥

पढमबिइयपरीसहपराजितो दिया राओ वा ओभासेज्ज, ते तं अगीयत्था “निद्धम्मो” ति

काउं गामस्संतो बहिं दिया राओ वा परिड्वेजा, सो वि अड्डुहट्टे पडिगमणं वा करेजा, मरिऊण वा तिरियवाणमंतरेसु उप्पजेज्ज, तत्थ पुव्वभववेरं संभरित्ता उवसग्गं करेजा । अहवा - अगीओ “राइ” त्ति काउं पानगस्स गहणं न करेइ, तिसियस्स मोयं देजा, सो य दंडियमाई दुरुट्टे मिच्छत्तं गच्छे, कुल गण संघपत्थारं वा करेजा । जो सो अगीएहिं परिड्विओ सो गीएहिं दिट्टे, आसासिओ, अनुसट्टे, विहिणा पडियरिओ, अविराहियसामण्णो मओ । एते अन्ने य बहू अगीयत्थे दोसा । तम्हा नो अगीयत्थसमीवे परित्रं पडिवज्जे । गीयसमीवे पडिवज्जियव्वं । सगच्छे परगच्छे वा जइ वि दूरं तहावि गंतव्वं, जाव पंच वा छ सत्त जोयणसए समहिए वा गीतत्थसमीवं अपरिस्संतेन गंतव्वं । एसा खित्तं पडुच्च पन्नविआ । कालओ अपरिस्संतो एगाहेण वा जाव उक्कोसा उ बारसवासेण गीयत्थसमीवं गंतव्वं । एसा खेत्तकालं पडुच्च पन्नविआ । जेण गीतत्थदुल्लबो कालो भविस्सति गीयत्थेण य सव्वहा उत्तमड्डुपडिवन्नस्स समाधी कायव्वा ।

— असविग्गे-

- [भा. ३८३२] नासेइ असविग्गो, चउरंगं सव्वलोगसारंगं ।  
नड्डुम्मि य चउरंगे, न हु सुलहं होइ चउरंगं ॥
- [भा. ३८३३] आहाकम्मियपाणग, पुप्फा सिंगा य बहुजने नात्तं ।  
सज्जासंधारो वि य, उवही वि य होति अविमुद्धो ॥
- [भा. ३८३४] एते अन्ने य तहिं, बहवो दोसा य पच्चवाया य ।  
एतेहिं य अन्नेहिं य, संविग्गे कप्पति परिण्णा ॥
- [भा. ३८३५] पंच व छ सत्त सते, अहवा एतो वि सातिरेगतरे ।  
संविग्गपादमूलं, परिमग्गेज्जा अपरितंतो ॥
- [भा. ३८३६] एगं च दो व तिन्नि व, उक्कोसं वारिसे व वरिसाई ।  
संविग्गपादमूलं परिमग्गेज्जा अपरितंतो ॥
- [भा. ३८३७] संविग्गदुल्लभं खलु, कालं तु पडुच्च मग्गणा एसा ।  
ते खलु गवेसमाणा, खेत्ते काले य परिमाणं ॥
- [भा. ३८३८] तम्हा संविग्गेणं, पवयणगहियत्थसव्वसारेणं ।  
निज्जवएण समाही, कायव्वा उत्तिमड्डुम्मि ॥

चू- “असंविग्गो” त्ति - असंविग्गस्स पासे उत्तिमड्डुं पडिवज्जइ तो चउगम्मं असंविग्गो जम्हा चउरग नासेइ । इमे य दोसा-अहम्मियं पानगवसहिसंधारगाई देइ, पुमाईहि अच्चणं करेइ कारवेइ, उवलेवणसमज्जणाई य बहुजननायं वा करेज्ज, तूरं वा आणेज्ज, एमाई असंविग्गे बहू दोसा, तम्हा गीयत्थस्स संविग्गस्स पासे परिण्णं पडिवज्जे । तस्सासइ संविग्गसस गीयत्थसु, शेषं पूर्ववत् ॥

— एक-

- [भा. ३८३९] एगे उ कज्जहाणी, सो वा सेहा य पवयणं चत्तं ।  
तव्वऽण्णिए निमित्ते, चत्तो चत्तो य उड्डाहो ॥
- [भा. ३८४०] तस्सड्डुगतोभासण, सेहादि अदान सो परिच्चत्तो ।  
दाउं वा ऽदाउं वा, भवंति सेहा वि निद्धम्मा ॥

[भा.३८४१] कूयति अदिज्जमाणे, मारिंति बल त्ति पवयणं चत्तं ।

सेहा य जं पडिगता, जणो अवण्णं पदाणे वि ॥

घू- “एग त्ति” - दारं, एगेग निज्जावगेण कज्जहाणी इमा - परिण्णी सेहा पवयणं च चत्तं, उड्डाहो वा भवे । कहं पुण एते दोसा ? सो निज्जवगो तस्स पासतो कारणेण निग्गतो, परिण्णी य पढमबिइयपरीसहोदए ओभासेज्ज, सेसा अगीया न दिज्ज, एवं सो चत्तो । अहवा - सो परिण्णी ते अगीते भणेज्जा - “एत्थं तं मज्झइवि तेल्लयं एतं तो मे देह ।” ताहे ते अगीयपरिनामगा चिंतेज्ज “माई कवडायारा, नत्थेत्य धम्मो” त्ति, उन्निक्खमेज्ज, अइपरिनामगा वा तं दडुं “निद्धम्मा” भवेज्जा, अइपसंगं करेज्ज । अदत्तेसु वा सो कूवेज्जा, “बला मे मारिंति” तक्त्ति उड्डाहं करेज्ज । एवं पवयणं चत्तं तम्हा जत्थ अनेगे निज्जवगा त्य पडिवज्जियव्वं ।

- आभोगन-

[भा.३८४२] परतो संय व नच्चा, पारगमिच्छत्त भणिरगमिच्छत्तं ।

असती खेमसुब्बिक्खे, निव्वाघातेन पडिवत्ती ॥

[भा.३८४३] सयं चेव चिरं वासो, वासावासे तवस्सिणं तेन ।

तस्स विसेसेण या, वासासु पडिवज्जणाणि ॥

[भा.३८४४] कंचणपुर इह सण्णा, दिवे य गुरुणा य पुच्छ कहणा य ।

पारणग खीररुहिरं, आमंतण संघणासणता ॥

[भा.३८४५] असिवादिकारणेहिं, वहमाणा संजता परिच्चत्ता ।

उवहिविनासो जे छत्ताण चत्तो सो पवयणं चेवा ॥

घू- “आभोगन” त्ति दारं - पच्चक्खाणकाले आभोएव्वं, अनाभोएंतस्स चउगुरुं । जं च तप्पडिबंधे ठिया ता असिवादीहिं पाविहिंति, तम्हा ओहिमाइणा आभोएव्वं, अन्नं वा अइसेसियं पुच्छंति । जइ जाव परिण्णी जीवइ ताव निरुवसग्गं सो वा निव्वहइ तो पडिवज्जइ, अन्नहा पडिसेहो । देवता वा कहेज्ज - जहा कंचनपुरि खीरं खमगस्स तच्चत्रियं जायं । जइ एवं विहिं न पकरेंति तो इमा विराध्ना - अनाभोइए असिवोमाइ उप्पन्ने जइ परित्री उवकरणं च वहंति तो आयविराहणा । अहा उवकरणं उड्डेति तो उवकरणेण विना जा विराधना । अह परित्री छड्डेति तो उड्डाहो मिच्छत्ताइया य दोसा ।

- अत्रे-

[भा.३८४६] एगो संधारगतो, संलेहगते य (ततिय) ततियपडिसेहो ।

अन्नाअपुच्छअसमाही, तस्स वा तैसिं च असती य ॥

[भा.३८४७] भवेज्ज जइ वाघातो, बितियं तत्थ धा (ठा) वते ।

चिलिमिणा अंतरे चेव, बहि बंदावते जंनं ॥

[भा.३८४८] पानगादीणि जोग्गाइं, जातिं तत्थ समाहिते ।

अलंभे तस्स जा ठाणा, परिक्खे सोय जायणे ॥

[भा.३८४९] असंथरं अजोग्गा वा, जोगवाही व ते भवे ।

एसणादि परिक्खेसो, जाया तस्सा विराधना ॥

चू- इदानीं “अत्रि” ति दारं - एगेण पच्चक्खाए अन्नो जइ आगतो सो संलेहं कारविज्जइ, तइओ पडिसेहिज्जइ अपहुप्पंतेहिं । अह पहुप्पंति निज्जावगवेयावच्चकरो तो बहू निज्जविज्जंति । अह सो परित्री पडिभज्जइ ताहे तत्थ अन्नो पुच्चि संलेहिओ ठविज्जति, चिलिमिलिअंतरितो य जनी वंदाविज्जति । दारं ।

- अणपुच्छ-

[भा. ३८५०] खीरोदणे य दव्वं, तच्च दुगुच्छण्णय तहिं वितरे ।  
परिच्छिया सुसंलेहदागमणेऽमच्चकोकमते ॥

[भा. ३८५१] कलमोदणा वि भणिते, हसंति जइ ते तहिं न पडिवज्जे ।  
आनीय कुच्छते जति, करेमी जोग्गं ति तो तिवरे ॥

[भा. ३८५२] कलमोदणो य पयसा, अन्नं च सहावअनुमयं जस्स ।  
उवनीयं जो कुच्छति, तं तु अलुद्धं पडिच्छंति ॥

चू- “अनापुच्छ” ति - गुरुजनस्स अणापुच्छाए जइ परिणं पडिवज्जइ पच्चक्खाति वा तो चउगुरुं । इमा विराधना - आयरिएण अनापुच्छाए पडिवन्नो किइ किचि वेयावच्चाइ काउं नेच्छइ, अकज्जमाणे तस्स असमाही, अह करेति तो ते परिताविज्जति, अन्नत्थ वा गच्छंति, कक्खडखेत्ते वा तत्थ भत्तपाणं नत्थि, असइ भत्तपाणस्स जइ तं छड्डितुं गच्छंति तो उड्डाहो, महंतो य पवयणोवघाओ, भत्तपच्चक्खायस्स वा भत्ताइपाउग्गं न लब्भइ, जा तेन विना विराधना तं निष्फण्ण पावति तम्हा गच्छो पुच्छियव्वो - “अज्जो ! इमो साहू परिणं पडिवज्जइ महंत निज्जरदारं”, एव पुच्छिए जो जं तरइ सो तं अभिग्गह गेण्हइ सुलभं वा दुल्लभं वा भत्तपाणाइ गुरुणं कहेति, एवं दोसा परिहरिया भवंति ।

- परिच्छ-

[भा. ३८५३] न हु ते दव्वसंलेहं, पुच्छे पासाभि ते किसं ।  
कीस ते अंगुली भग्गा, भावं संलिहमातुरं ॥

[भा. ३८५४] रन्ना कोंकणगामच्चा, दो वि निव्विसया कया ।  
दोद्धिए कंजियं छोद्धुं, कोंकणो तक्खणा गतो ॥

[भा. ३८५५] हिंडितो वहिले काये, अमच्चो जा भरेति तु ।  
ताव पुण्णं तु पंचाहणे पुण्णे निहणं गतो ॥

[भा. ३८५६] इंदियाणि कसाये य, गारवे य किसे कुरु ।  
नो वयं ते पसंसामो, किसं साहुसरीरगं ॥

चू- “परिच्छं” ति दारं - आयरिएण परिण्णी परिच्छियव्वो, तेन वि गुरु । अच्छो य परिच्छियव्वो । अपरिच्छिणे चउगुरुं, विराधना दुविहा, अपरिच्छए एक्को य जं विराहणं पाविहिति तन्निष्फण्णं भवइ परिच्छियव्वं दव्वभावेहिं । परित्री गच्छं परिच्छइ - “अज्जो ! आणेह मे कलमसालीकूरं, खीरं च मे कदियं खंडमच्छंडियसक्कराजुयं कल्लाणयं ता भोयणं” ।

जइ हसंति, भणंति वा - “कओ अहं एरिसं” ? ताहे त्थ न पच्चक्खाइ । अह भणंति - “जोगं करेमो” आनियं वा । उक्कोसं पि आनियं, सो दुगुच्छइ, जइ तं पडिवज्जंति भणंति वा



“अत्रं आनेमो”ति तो तेसिं अंति ए पडिवज्जइ । भावपरिच्छाए जइ ते कसाइज्जति ताहे तस्संति ए न पच्चखाइ । इदानिं गुरु गच्छो य तं परिच्छइ - दव्वे कलमोयणाए दव्वं सभावानुमयं वा उवनीयं, जइ दुगंछइ तो सुद्धो । भावेण पुच्छिज्जइ - “अज्जो ! किं संलेहो, कओ न कउ ?” ति । ताहे सो रूसिओ अंगुलिं भंजिऊण दयेइ - “पेच्छह किं कओ, न कओ ति ।” एवं कए गुरु भणइ - “कओ तुमे दव्वसंलेहो भावसंलेहं करेहि, एत्थ पहाणो भावसंलेहो सपयत्तेण कायव्वो ।” एत्थ गुरु अमच्चकोकणगदिट्ठंतं कहेति- रत्ता अमच्चो कोकणओ य दो वि निव्विसया आणत्ता । पंचाहस्स परओ जं पस्से तस्सं सारीरो निग्गहो । कंकणो दोद्धिए कंजियं छोढुं तक्खणा चेव निरवनेक्खो गओ । अमच्चो पुण भावपडिबद्धो जाव भंडी बहीलगे कए य भरेइ ताव पंचाहो पुत्तो । रत्ता उवलद्धे निग्गहो कओ । एवं तुमं पि भवपडिबद्धो असंलिहिअप्पा अमच्चो इव विनिस्सहिंसि । एवं परिच्छित्ते जो सुद्धो सो पडिच्छियव्वो, नो इथरओ ।

— आलोए—

- [भा.३८५७] आयरियपादमूलं, गंतूण संति परक्कमे संते ।  
सव्वेण अत्तसोही, कायव्वा एस उवदेसो ॥
- [भा.३८५८] जह सुकुसलो वि वेज्जो, अन्नस्स कहेति अप्पणो वाहिं ।  
वेज्जस्स य सो सोउं, तो पडिकम्मं समारभते ॥
- [भा.३८५९] जाणंतेन वि एवं, पायच्छित्तविहिमप्पणो निउणं ।  
तह वि य पागडतरगं, आलोएयव्वयं होति ॥
- [भा.३८६०] छत्तीसगुणसमण्णागएण तेन वि अवस्स कायव्वा ।  
परसक्खिया विसोही, सुद्धु वि ववहारकुसलेणं ॥
- [भा.३८६१] जह बोलो जंपंतो, कज्जमकज्जं च उज्जुअं भणति ।  
तं तह आलोएज्जा, मायामदविप्पमुक्को उ ॥
- [भा.३८६२] उप्पणानुप्पन्ना, माया अनुमगगतो निहंतव्वा ।  
आलोयण निंदण गरहणा ते न पुणो वि बिइयंति ॥
- [भा.३८६३] आयारविणयगुरुकप्पमादीवणा अतसोही उज्जुभावो ।  
अज्जव मद्दव लाघव, तुट्ठी पल्हायजननं च ॥
- [भा.३८६४] पव्वज्जादी आलोयणा उ तिण्हं चउक्कगविसोही ।  
अप्पणो तह परे, कायव्वा उत्तिमट्ठं ति ॥
- [भा.३८६५] नाणनिमित्तं आसेवियं तु वितहं परुवियं वा वि ।  
चेयणमचेयणं वा, दव्वं सेसेसु इमगं तु ॥
- [भा.३८६६] नाणनिमित्तं अद्धाणमेति ओमे वि अच्छइ तदट्ठ ।  
नाणं च आगमेस्संति कुणइ परिकम्मण देहे ॥
- [भा.३८६७] पडिसेवती विगतीतो, मज्झे दव्वे य एसती पिवति वा ।  
एतस्स वि किरिया, कता उ पणगादिहाणीए ॥
- [भा.३८६८] एमेव दंसणम्मि वि, सदहणा नवरि तत्थ नाणत्तं ।  
एसण इट्ठी दोस, वयंत चरणे सिया सो वा ॥

- [भा. ३८६९] अहवा तिगसालंबेण दव्वमादी चउक्कमाहव्व ।  
आसेवितं निरालं, बतो य आलोय एयं तु ॥
- [भा. ३८७०] पडिसेवणातियारा, जइ वीसरिया कहं वि होज्जा दि ।  
तेसु कह वड्डियव्वं, सल्लुद्धरणम्मि समणेणं ॥
- [भा. ३८७१] जे मे जाणंति जिना अवराहे जेसु जेसु ठाणेसु ।  
तेहं आलोएतुं, उवड्डितो सव्वभावेणं ॥
- [भा. ३८७२] एवं आलोएंति विसुद्धभावपरिनामसंजुत्तो ।  
आराहतो तह वि सागारवपलिउंचणाहिरतो ॥

घू- “आलोए” ति दारं - आलोयणा दायव्वा । पव्वज्जदिणा आरब्भ आलोएइ जाव अना-  
सगपडिवत्ति वि दिनो, नाणदंसण चरित्ताइयारं एक्केकं दव्वाइ चउक्कसोहीए, दव्वओ सचित्ताचित्तं,  
खेततो अद्धाणाइएसु, कालओ सुभिक्षदुब्भिक्षे, भावओ हिड्डुगिलाणेण, एवं उत्तिमड्डुकाले  
स्ववं आलोयव्वं । जहा कुसला वि विज्जो अप्पणो बाहिं अन्नस्स कहेव तहा साहू पच्छित्तवियाणगो  
वि अन्नस्सऽइयारं कहेइ, छत्तीसगुणसमन्नागएण वि आलोयणा दायव्व । इमे छत्तीसगुणा -  
अट्टविहा गणिसंयपाय, एक्केक्का चउव्विहा । विनयपडिवत्ती चउव्विहा । एते सव्वे मिलिया  
छत्तीसं । पंचविहवहारकुसलेण वि परसक्खिया विसोही कायव्वा । जहा वा बालो उज्जुयं कज्जमकज्जं  
व भणइ तहा समत्तं आलोयव्वं । विसारिएसु पडिसेवणातियारेसु इमं वत्तव्वं-

जे मे जाणंति जिणा, अवराहे नाणदंसणचरित्ते ।  
ते हं आलोएत्तु, उवड्डिओ सव्वभावेणं ॥

आलोयणाए इमे गुणा पंचविहो आयारो पभाविओ भवइ, चरित्तविणओ य कओ भवइ,  
अप्पा गुरुभावे ठविओ, धेरकप्पो चरित्तकप्पो आलोयणकप्पो वा दिविओ भवइ, अत्तसोही  
कया, उज्जसंजमो कओ भवइ, अज्जवं अमायत्तं तं कयं भवइ, मद्दवयाए अमानत्तं दाइयं, लाघवेण  
अलोभत्तं कयं, अप्पणो तुट्ठी अप्पणो पल्हादजणणं कयं, बहुवित्थरं एत्त आलोयणापगयं वत्तव्वं ।

- ठाण-

- [भा. ३८७३] गंधव्वणट्टाउज्जस्स चक्कजंतगिकम्मफरुसे य ।  
नत्तिकरयगदेवता डोंबा पोंडहिगरायपहे ॥
- [भा. ३८७४] बारग-कोह्व-कल्लण-करय-पुप्फ-फल-दगसमीवम्मि ।  
आरामअहे विगडे, नागघरे पुव्वभणिते य ॥

घू- “ठाणं” ति दारं - वसही ठाणं, केरिसं तस्स जोग्गं ? भन्नइ - जत्थ ज्ञाणवाघाओ न  
भवइ। ते य इमे ज्ञाणवाघायठाणा - गंधव्वणट्टसाला, सव्वाउज्जसाला चक्किजंतदिसालाओ,  
तुरग-गतसालाओ, रायपहो य । अहवा - जत्तिया समयविरुद्धा उवस्सया सव्वे वज्जेयव्वा ।  
छक्कायपडिवज्जणाय जत्थ दंदियपडिसवारो नत्थि मनसंखोभकरणं च जत्थ नत्थि तारिसे ठाणे  
वसही घेतव्वा ।

- वसही-

- [भा. ३८७५] पढमबित्तिएसु कप्पे, उद्देसेसू उवस्सगा जे तु ।  
विहिसुत्ते य निसिद्धा, तव्विवरीया भवे सेज्जा ॥

चू- “वसहि”ति दारं - केरिसा पुण सा वसही घेतव्वा ? सव्वसाहूण एक्क वसही न कप्पइ। जइ एक्कओ ठायति तो चउगुरुं । तेसु समुदिसंतेसु अन्नापाणगंधेणं ज्ञाणवाघाओ हवेज्जा, तम्हा दो वसहीओ घेतव्वाओ । एगा उत्तमद्वपडिवन्नस्स, विइया सेससाहूणं ।

— पसत्थ-

- [भा.३८७६] इंदियपडिसंचारो, मणसंखोभकरं जहि नत्थि दारं ।  
चाउस्सालाइं दुवे, अनुन्नवेउं य ठायंति ॥
- [भा.३८७७] उज्जाणरुक्खमूले, सुन्नघरनिसद्वहरियमग्गे य ।  
एवंविधे न ठायति, होज्ज समाहीइ वाघातो ॥
- [भा.३८७८] पानगजोगाहारे, ठवेंति से तत्थ जत्थ न उवेंति ।  
अपरिणता वा सो वा, अणच्चयगिद्धिरक्खद्व ॥
- [भा.३८७९] भुत्तभोगी पुरा जो वि, गीयत्थो वि य भावितो ।  
संते साहारधम्मेषु, सो वि खिप्पं तु खुब्भति ॥
- [भा.३८८०] पडिलोमानुलोमा वा, विसया जत्थ दूरतो ।  
ठावेत्ता तत्थ से निच्चं, कहणा जाणगस्स ते ॥

चू- “पसत्थ” ति दारं - सन्निवेसस्स कम्म दिसाभागे वसही पसत्था ? सन्निवेसवसभस्स मुहसिर ककुहपोट्टा पसत्था, सेसेसु अप्पसत्था ।

— निज्जावग-

- [भा.३८८१] पासत्थोसण्णकुसीलठाणपरिविज्जिया उ निज्जवगा ।  
पियधम्मऽवज्जभीरू, गुणसंपन्ना अफरितंता ॥
- [भा.३८८२] उव्वत्तणाइ संथारकहगवादी य अग्गदारम्मि ।  
भत्तं पानवियारे, कहग दिसा जे समत्था य ॥
- [भा.३८८३] जो जारिसओ कालो, भरहेरवते य होति वासेसु ।  
ते तारिसगा ततिया, अडयालीसं तु निज्जवगा ॥
- [भा.३८८४] एवं खलु उक्कोसा, परिहायंता हवंति तिन्ने व ।  
दो गीयत्था ततितो, असुण्णकरणं जहन्नेणं ॥

चू- “निज्जवग”ति दारं - निज्जवगा पडियारगा । ते केरिसा केतिया वा ? पासत्थातिठाण-विरहिया पियधम्मा अवज्जभीरू ददसंधयणा गुणसंपन्ना वेयावच्चकरणे अपरितंता गीयत्था भरहवासे दुसमाणकालाणुरूवा उक्कोसेण अडयालीसं निज्जवगा उव्वत्तणादिकायपडियारगा चउरो, अब्भंतरदारमूले चउरो, संथारगवावारे चउरो, तस्सप्पणो धम्मकही चउरो, वादी चउरो, बलसंपन्ना अग्गद्वारे चउरो, इच्छियभत्तणिंतागा चउरो, पाणगे ङ्क, वियारे चउरो, पासवणे छउरो, बाहिं जनवयस्स धम्मकही चउरो, चउदिसिं सहसजोहा चउरो । पानगे ङ्क, वियारे चउरो, पासवणे चउरो, बाहिं जणवयस्स धम्मकही चउरो, चउदिसिं सहसजोहा चउरो । एत्ताओ एक्कगपरिहाणी य नेयव्वा जाव जहन्नेण दो जना एक्को भिक्खाए वच्चइ, वीओ परिन्निस्स पासे अच्छइ ।

— दव्वदायणा चरिमे-

- [भा. ३८८५] नवसत्तए दसमवित्थरे य बितियं च पानगं दव्वं ।  
अनुपुव्वविहारीणं, मसाहिकामाण उवहनित्तं ॥
- [भा. ३८८६] कालसभावानुमतो, पुव्वज्झुसितो सुतो व दिट्ठे वा ।  
झोसिज्जति सो सेहा, जयणाए चउव्विहाहारो ॥
- [भा. ३८८७] तण्हाछेदम्मि कते, न तस्स तहियं पवत्तते भावो ।  
चरमं च एक भुंजति, सद्धाजणणं दुपक्खे वी ॥
- [भा. ३८८८] किं पत्तो नो भुत्तं मे, परिनामासुयंमुयं ।  
दिट्ठसारो सयं जाओ, चोदने से सीतता ॥
- [भा. ३८८९] तित्तिवधं वोसिरिओ सो, ताहे उक्कोसगाणि दव्वाणि ।  
मग्गंता जयणाते, चरिमाहारं पदेसेत्ति ॥
- [भा. ३८९०] पोसिता ताइ कोती, तीरपत्तरस किं ममेतेहिं ।  
वेरग्गमनुप्पत्तो, संवेगपरायणो होति ॥
- [भा. ३८९१] देसं भोच्चा कोई, धिक्कारं करइ इमेहिं कम्महिं ।  
वेरग्गमनुप्पत्तो, संवेगपरायणो होति ॥
- [भा. ३८९२] सव्वं भोच्चा कोतो, धिक्कारं करइ इमेहिं कम्महिं ।  
वेरग्गपनुप्पत्तो, संवेगपरायणो होति ॥
- [भा. ३८९३] सव्वं भोच्चा कोई, मनुण्णरसविपरिणतो भवेज्जाहि ।  
ते चेवऽनुबंधंतो, देसं सव्वं च रोचीया ॥

चू-दव्वदायणा चरिमि त्ति दारं - आहारदव्वं दाइज्जइ चरिमाहारकाले । सव्वस्स किर चरिमे काले अईव आहारतण्हा जायइ, तस्स वोच्छेदणइ कालसभावानुमओ पुव्वज्झुसिओ वा इमो से दंसियइ - नव रसविगइओ, दसमी सवित्थारा, सत्तविहो ओदणओष अट्टरस वंजणो, पानगं पि से उक्कोसं दिज्जइ । एवं तण्हावोच्छेदे कए न पुण तस्स तम्मि मई पवत्तइ, ताहे वोच्छेदे य कए समाही भविस्सति । तं च उग्गमुप्पादणाएसणासुद्धं मग्गिज्जइ, पच्छा पनगपरिहाणीए बितियचउववहरियं दट्ठं कोई संवेगमापन्नो तीरपत्तस्स मे किमेतेनं ? न चेव भुंजइ, कोइ देसं भुंजइ, कोइ सव्वं भुंजइ । “अहो ! इमो साहू चरिमं भुंजइ” - सेससाहूण वि सद्धा कया भवइ, देसं सव्वं वा भोच्चा वि हा “किमेएणं” ति संवेगं गच्छति । संवेगओ य तिविहं वोसिरइ - आहारं, उवहिं, देहं अहवा आहारोवहिवसही । अन्नो पुण देसं सव्वं वा भोच्चा तं चेवऽनुबंधिज्जा पुणो आनेह त्ति भणेज्जा ।

- हानि-

- [भा. ३८९४] विगतीकयानुबंधो, आहारनुबंधणाते वोच्छेतो ।  
परिहायमाणदव्वे, गुणवुद्धिसमाहि अनुकम्मा ॥
- [भा. ३८९५] दवियपरिनामतो वा, हावन्ति दिने तु जा तित्ति ।  
वेति न लब्धति दुलभे, सुलभम्मि व होइमा जयणा ॥
- [भा. ३८९६] आहारे ताव छिंदाहि, गेहितो न य इस्सति ।  
जं वा भुत्तं न पुव्वं तं, तीरं पत्तो न मुच्छसि ॥

चू- एत्थ “हानि” ति दारं - तस्स मणुत्राहारपडिबद्धस्सगुणवद्धिनिमित्तं दब्बहानीए तथा वोच्छेदं करेति । जा तिन्नि दिने हु समाणं आने ततो परं भन्नइ - “न लब्भइ” । भणति य - “आहेर ताव गेहिं छिंदसु, पच्छा उत्तिमट्ठं काहिसि । जं वा पुब्बं न भुत्तं तमिदानि तीरपत्तो इच्छसि । तणकट्ठेण व अग्गी जहा न तिप्पइ, उदही वा जलेण, तथा इमो जीवो आहारेण न तिप्पति, तं उत्तमसाहसं करेहि” ति ।

- अपरितंते-

[भा.३८९७] वट्ठति अपरितंती, दिया य रातो य सब्वपरिकम्म ।  
पडिचरगानुगुणचरगा, कम्मरयं निज्जरेमाणा ॥

[भा.३८९८] जो जत्थ होइ कुसलो, सो उण हावेति तं सति बलम्मि ।  
उज्जुत्ता सणिओगे, तस्स व दीवेति तं सट्ठं ॥

चू- “अपरितंते” ति दारं - ते पडिचरगा दिवा राओ य अपरितंता कम्मं निज्जरेमाणा वेयावच्चं करेति । जो य जत्थ कुसलो समत्तो सो तत्थ उज्जमइ तथा जह भावं सुद्धुतरं दीवेइ । दारं ।

- निज्जर-

[भा.३८९९] देह विउगा खिप्पं, च होज्ज अहवा विकालहरणणं ।  
दोण्हं पि निज्जरा वट्टमाणे गच्छी उ एगट्ठ ॥

[भा.३९००] कम्ममसंखेज्जभवं, खवेइ अनुसमयमेव आउत्तो ।  
अन्नतरगम्मि जोगे, सज्झायम्मि विसेसेणं ॥

[भा.३९०१] कम्ममसंखेज्जभवं, खवेति अनुसमयमेव आउत्तो ।  
अन्नतरगम्मि जोगे, काउसग्गे विसेसेणं ॥

[भा.३९०२] कम्ममसंखेज्जभवं, खवेइ अनुसमयमेव आउत्तो ।  
अन्नतरगम्मि जोगे, वेयावच्चे विसेसेणं ॥

[भा.३९०३] कम्ममसंखेज्जभवं, खवेइ अनुसमयमेव आउत्तो ।  
अन्नतरगम्मि जोगे, विसेसतो उत्तिमट्ठम्मि ॥

चू- “निज्जर” ति दारं - कम्मनिज्जरा देहवियोगो खिप्प चिरेण वा होज्ज, पच्चक्खायस्स पडिचरगाण वि दोण्ह वि महती निज्जरा । कहं ? जओ भन्नइ -

कम्ममसंखेज्जभवं, खवेइ अनुसमयमेव आउत्तो ।  
अन्नतरगम्मि जोगे, सज्झायम्मि विसेसेणं ॥

एवं गाहा वत्तव्वा काउस्सगो वेयावच्चे उत्तिमट्ठे य । दारं ।

- संथार-

[भा.३९०४] भूमिं सिलाए फलए, तणाए संथार उत्तिमट्ठम्मि ।  
दोमादि संथरंति, वितियपद अनधियासे य ॥

[भा.३९०५] तणकंबलपावारे, कोयवत्तूली य भूमिसंथारे ।  
एमेव अनधियासे, संथारगमादि पल्लंके ॥

“संथारगि” ति दारं - उत्तिमट्ठपडिवण्णस्स केरिसो संथारो ? उस्सग्गेण ताव भूमीए

ठिओ निवन्नो वा, जया संथरेइ तया संथारुतरपट्टे, असंथरे बहुचीरा, तहावि असंथरे अज्झुसिरे कुसुमाई तणे, ततो कोतव-पावारग-नव-त्तगतुलिय, तहावि असंथरे संथारगो जाव पल्लंको, अहवा जहा तस्स समाही तहा कायव्वं ।

चू- उव्वत्तणादि-

- [भा. ३९०६] पडिलेहणसंथारे, पानगउव्वत्तणादिनिग्गमणं ।  
सयमेव करेति सहू, उस्सग्गानेतरे करते ॥
- [भा. ३९०७] उव्वत्तणनीहरणं, मओ उ अधियासणाए कायव्वो ।  
संथारऽसमाहीए, समाहिहेउं उदाहरणं ॥
- [भा. ३९०८] काओवचिओ बलवं, निक्खमणपवेसणं व से कुणति ।  
तह वि य अविसहमाणं, संथारगयं तु संथारे ।
- [भा. ३९०९] धीरपुरिसपन्नत्ते, सप्पुरिसनिसेविते परमरम्भे ।  
धन्ना सिलातलगता, निरावयक्खा निवज्जंति ॥
- [भा. ३९१०] जइं ताव सावताकुलगिरिमंदरविसमकडगदुग्गेषु ।  
सार्धिति उत्तिमट्ठं, धितिधणियसहायगा धीरा ॥
- [भा. ३९११] किं पुण अनगारसहायएण अन्नोन्नसंगहबलेण ।  
परलोइयं न सक्कइ, साहेउं उत्तिमो अट्टे ॥
- [भा. ३९१२] जिनवयणमप्पमेयं, महुरं कण्णाहूति सुणेंतेनं ।  
सक्का हु साहुमज्जे, संसारमहोयहिं तरिउं ॥
- [भा. ३९१३] सव्वे सव्वद्धाते, सव्वणू सव्वकम्मभूमीसु ।  
सव्वंगुरू सव्वहिता, सव्वे मेरुम्मि अभिसित्ता ॥
- [भा. ३९१४] सव्वाहिं व लद्धीहिं, सव्वे वि परीसहे पराइत्ता ।  
सव्वे वि य तित्थगरा, पाओवगया तु सिद्धिगता ॥
- [भा. ३९१५] अवसेसा अनगारा, तीतपदुप्पन्ननागता सव्वे ।  
केई पाओवगया, पच्चक्खाणिंगिणिं केइ ॥
- [भा. ३९१६] सव्वाओ अज्जातो, सव्वे वि य पढमसंघयणवज्जा ।  
सव्वे य देसविरता, पच्चक्खाणेण उ मरंति ॥
- [भा. ३९१७] सव्वसुहप्पभावातो, जीवियसारातो सव्वजनितातो ।  
आहारातो न तरणं, न विज्जती उत्तिमं लोए ॥
- [भा. ३९१८] विग्गहगते य सिद्धे, मोत्तुं लोगम्मि जत्तिया जीवा ।  
सव्वे सव्वावत्थं, आहारे हुंति उवउत्ता ॥
- [भा. ३९१९] तंसारिसगं रयणं, सारं जं सव्वलोगरयणाणं ।  
सव्वं परिच्चयित्ता, पाओवगता परिहरंति ॥
- [भा. ३९२०] एवं पाओवगमं, निप्पडिकम्मं जिनेहि पन्नत्तं ।  
जं सोऊणं खमतो, ववसायपरक्कमं कुणइ ॥

चू- “उव्वत्तणाईणि” ति दारं-उस्सग्गेण य तेन सयमेव उव्वत्तण-परियत्तण-उट्ट-निसीयण-निग्गमनपवेस-उवकरणपडिलेहण-पाणगाणयणं च कायव्वं, चाउक्कालं सज्जायं च करेइ । जं जहा तरइ तं तथा सयमेव करइ । अह न तरइ ताहे से सव्वं अन्ने करेति, अंतोहिंतो बाहिं नोनेति, बाहिरतो वा अंतो पवसेति जहा जहा ससमाही धीई य तथा करेति । एवं पि कीरमाणे जइ न तरेज्ज ताहे से इमं कहिज्जइ, धीरपुरिसपन्नते मरणविभत्तिगाहाओ धोसेयव्वाओ, जाव “एयं पाउवगमणं, निप्पडिकम्मं जिनेहिं पन्नत्तं । सं सोऊण परित्री, वससायपरक्कमं कुणइ ।

— सारण-

[भा. ३९२१] केई परीसहेहिं, बाउलिउवेतणुडुतो वा वि ।  
ओभासेज्ज कयाती, पढमं बितियं च आसज्ज ॥

[भा. ३९२२] गीयत्थमगीयत्थं, सारेत्तुं मतिविसोहणं काउं ।  
तो पडिबोहिय (छ) अट्ट, पढमे पगयं सिया बितियं ॥

चू- “सारेऊणं” ति दारं- कोइ पढमविइयपरीसहऽद्विओ दिया राओ वा भासेज्ज ? ताहे से संभारिज्जइ - “कोसि तुमं ?” “सयणो हं ।” “किं पडिवन्नो ?” “उत्तिमट्टं ।” “का वेला” ? कहेइ “दिवसं रातिं वा ।” तो “किं ओभाससि वलियं, मे सज्झाणवाघाओ वट्टइ”, एवं से सरिऊण असमाहिपडिघायत्थं समाहिहेतुं च भत्तं पान वा दिवा राओ वा दिज्जइ ।

चोदगाह - “न जुत्तं” आयरिओ “कवए” ति दिट्ठंतं कहेइ - जाहे किल कालं करेइ जीवो ताहे आहारे गाढं अभिलासो भवइ ।

— कवय-

[भा. ३९२३] परीसहचमू, जोहेयव्वा मणेण काएणं ।  
तो समरदेसकाले, कवयतुल्लो उ आहारो ॥

[भा. ३९२४] संगामदुगपरूवणवेडगएगसरउग्गहो चेव ।  
असुरसुरिंदावरणं, संवुभमं रहियकणगस्स ॥

[भा. ३९२५] लोवए पवए जोहे, संगामे पंथिए ति य ।  
आउरे सिक्खते चेव, दिट्ठंतो कहते ति य ॥

[भा. ३९२६] संगामे साहसितो, कणतेन तत्थ आहतो संतो ।  
सत्तुं पुव्वलिग्गं, आहणइ उ मंडलग्गेणं ॥

[भा. ३९२७] रुक्खविलग्गो रुधितो, पहणइ कणएण कूणियं सीसे ।  
अनहो य कूणिओ से, हरति सिरमंडलग्गेणं ॥

[भा. ३९२८] सरीरमुज्जयं जेण, को संगो तस्स भोयणे ।  
समाहिसंवरणा हेउं, दिज्जती सो उ अंततो ॥

[भा. ३९२९] सुद्धं एसित्तु ठावेति, हानी उ वा दिने दिने ।  
पुव्वुत्ताए उ जयणाए, तं तु गोविंति अन्नहिं ॥

चू- एत्थ दिट्ठंतो जहा - कोइ सहस्सजोही संगामे वम्मित-कवइओ हत्थिखंधगओ संगामं

जोहेइ, अत्रे य से जहा कंडमाईणि न किं चि आवाहं काउं समत्था । दुमारूढेण य एक्केण से पुरिसण मत्थए कणएण आहओ, सो कणओ पच्चप्फिडिओ कवयस्स गुणेण, तेन अवलोइयं, दिट्ठे दुमारूढो अद्धचंदेण य से सिरं अवनीयं । जहा सहस्सजोही तहा उत्तिमद्वपडिवन्नो । जहा य सरवरिसं तहा परिसहोवसग्गा । जहा कणगो तहा साधारणवेदना । जहा कवयं तहा आहारो । वेदनापडिघाए कए सव्वे परीसहोवसग्गे जिनइ । हत्थिपदाउंदिए वा जहा पुरिसो पायं दाऊण खंधं विलग्गइ एवं आउट्टियपदथाणीयं आहारं आहारेत्ता अंतकिरियं वा देवलो गोववत्तिं वा आरूहइ । एह वेदनऽट्ठो आहारं न करेइ तो अट्टज्जाणोवगो तिरिएसु उववज्जइ, भवनवनएसु वा, तम्हा सव्ववेदनोववायं काउं समाहिणा नोक्कारेण कालगओ ।

— चिंधकरणं—

[भा. ३९३०] आयरितो कुंडिपदं, जे मूलं सिद्धिवासवसहीए ।

चिंधकरण कायव्वं, अचिंधकरणे भवे गुरुगा ॥

[भा. ३९३१] सरीरे उवकरणम्मि य अचिंधकरणम्मि सो उ रातिणिओ ।

मग्गेण गवेसणाते, गामाणं घायणं कुणति ॥

चू- ताहे स 'चिंधकरणं' ति दारं - अह से चिंधकरणं न करेति तो चउलहुं । चिंधकरणं दुविहं - सरोरे उवकरणे य । लोयं पुव्वं चेव काऊणं संवरेति । अह पुव्वं न कओ पुणो वड्डिला वा ताहे लोओ से कज्जति, एवं सरीरे । उवकरणे कालगयस्स चोलपट्टो, मुहपोत्तिया मुहे बज्जइ, हत्थपादा य से बज्जति, अंगुट्ठंतरे लंछिज्जइ ति । जदि दिवह्वेत्ते नक्खत्ते कालगओ तो दुन्नि पुत्तलगा, समणखित्ते एगो, अवट्ठे नत्थि । अचिंधकरणे दोसा - देवेसु उववन्नो निच्छत्तं गच्छइ, जहा सो सावगो उज्जेनीए, दंडिओ वा चिंधेण विणा दहूणं गामे गिणहेज्ज ।

— अंतोवहि—

[भा. ३९३२] न पगासेज्ज लहुत्तं, परिसहउदतेन होज्ज वाघातो ।

उप्पन्ने वाघाते, जो गीतत्थाण उवाघातो ॥

चू- "अंतो बहिं" ति एयं भत्तपरित्रं गामस्स अंतो बहिं वा पडिवज्जइ न दोसो ।

— वाघाते—

[भा. ३९३३] दुविधा नायमनाया दुविधा णाया य दंडमादीहिं ।

सयगमणपेसणं वा, खिसणे चउरो अनुग्घाता ॥

[भा. ३९३४] सपरक्कमे जो उ गमो, नियमा अपरक्कम्मि सो चेव ।

पुव्वी रोगायकंहेहि नवरि अभिभूतो बालमरणं परिणतो य ॥

चू- "वाधए" ति दारं - जइ से कम्मोदएण वाघातो हवेज्जा तो न चेव पगासेतव्वो ति । इमो विही वाघाते उप्पन्ने अन्नो जो संलिहिओ सो ठविज्जइ । एस गीयत्थाणं उवायो । जो वा अन्नो वा उच्छहइ सो ठविज्जइ । इयरस्स पुण गिलाणपडिकम्मं कीरइ । अहवा - तत्थ वसभो ठविज्जइ । तं पि राओ संज्जाछेदे वा परिद्वेति । एसा दंडियमाईहिं अन्नाए जयणा । तं पुण पडिभग्गं पेसंति सयं वा गच्छंति । जो तं खिसइ तस्स चउगुरुं । जो सपरक्कमे गमो सो चेव अपरक्कमे, नवरं - सो



सगच्छे पडिवज्जइ । सपरकमा इतरा य एते दो वि भणिया । इदानिं वाघाइमं अनानुपुव्वी - रोगातंकेहिं बाहिओ बालमरणं मरेज्जा, अत्यभल्लाईहि वा विरुंगिओ बहूहिं आसुघाइकारणेहिं परकमकाऊणं भत्तं पच्चक्खावेइ, सो जइ पंडियमरणेण असत्तो ततो ऊस्सासं निरुंभइ, वेहानसं गिद्धपट्टं वा पडिवज्जइ, तस्स उत्तम आराहणा । विहरंतो पुण आयारलोवं करेइ ॥

एसो पच्चक्खाणे विही भणितो ।

इदानिं इंगिनी भन्नइ -

[भा. ३९३५] आयपरपडिकम्मं, भत्तपारण्णाए दो अनुन्नाता ।

परवज्जिया य इंगिणि, चउव्विहाहारविरती य ॥

चू- जाव अव्वोच्छिती ताव नेयव्वं । पंचधा तुलेऊण इंगिनिमरणं परिणओ । इंगिनीए आयवेयावच्चं परो न करेइ, नियमा चउव्विहाहारविरई । जइ बहिं पडिवज्जइ तो अनीहारिमं, अह गच्छेतो नीहारिमं । पढमबिइयसंघयणी पडिवज्जइ, जेण अहियं नवमपुव्वस्स तइयं आयारवत्थुं एक्कारसंगी वा पडिवज्जइ, धितीए वज्जकुडुसमाणो सव्वाणि उवसग्गाणि अहियासेइ ॥

गया “इंगिणी” ।

- इंगिणी-

[भा. ३९३६] आयपरपडिकम्मं, भत्तपरिण्णा य दो अनुन्नाया ।

परिवज्जिया य इंगिणि चउव्विहाहारविरती य ॥

[भा. ३९३७] ठाण-निसीयण-तुयट्टणमित्तिरयाइं जहा समाधीते ।

सयमेव य सो कुणती, उवसग्गपरीसहऽधियासी ॥

[भा. ३९३८] संघयणधितीजुत्तो, नवनवपुव्वासु तेन संग्गावा ।

इंगिनिपाओवगमं, पडिवज्जति एरिसो साहू ॥

इदानिं “पादवगमणं”-

[भा. ३९३९] निच्चलनिप्पडिकम्मो, निक्खिवति जं जहि जहा अंगं ।

एयं पादोवगमं, नीहारिं वा अनीहारिं ॥

चू- एत्थ पव्वायाई नेयव्वं जाव अव्वोच्छिती । पंच तुलेऊण पादवगमणं परिणओ । धिईए वज्जकुडुसमाणो निच्चलो जहे व निक्खित्ताणि अंगाणि तहेव अच्छइ । अप्पणा किं चि न करेइ, परो न तस्स किं चि वेयावच्चं करेइ । तस्स पडिलेहण-पप्फोडणा नत्थि । जहा - पादवो समविसमे पडिओ चिद्धइ तहा सो वि परप्पयोगा परं चालिज्जइ । विच्छिन्ने थंडिले तस्स (स) पाण-बीय-हरियरहिए पडिवज्जइ, जत्थ कट्टविकट्टि किज्जंते तस-थावराण पीडा न भवइ, एरिसे निरावाराहे पडिवज्जइ, चउव्विहे उवसग्गे अहियासेइ । एयं पि नीहारिमं अनीहारिणं वा ॥

- पाओवगमं-

[भा. ३९४०] पव्वज्जादी काउ, नेयव्वं जाव होति वोच्छिती ।

पंच तुलेऊण य सो, पओवगमं परिणतो य ॥

[भा. ३९४१] निच्चलनिप्पडिकम्मो, निक्खिवते जं जहिं जहा अंगं ।

एयं पातोवगमं, नीहारिं अनीयहारिं वा ॥

- [भा.३९४२] पदोवगमं भणियं, समविसमे पादवो य जह पडितो ।  
नवरं परप्पओगा, कंपेज्ज जहा चलतरुस्स ॥
- [भा.३९४३] तस-पाण-बीयरहिते, वोच्छिन्न-वियार-थंडिलविसुद्धे ।  
निदेसानिदेसे, भवंति अब्भुज्जयं मरणं ॥
- [भा.३९४४] पुव्वभवियवेरेणं, देवो साहरति कोति पाताले ।  
मा सो चरमसरीर, न वेदनं किं चि पाविहिसि ॥
- [भा.३९४५] उप्पन्ने उवसग्गे, दिव्वे माणुस्सते तिरिक्खे य ।  
सव्वे पराजणित्ता, पादोवगता परिहरंति ॥
- [भा.३९४६] जह नाम असीकोसी असी वि (कोसी वि दो वि) खलु अन्ने ।  
इय मे अन्नो देहो, अन्नो जीवो त्ति मण्णंति ॥
- [भा.३९४७] पुव्वावरदाहिणउत्तरेहिं वातेहि आवयंतैहिं ।  
जह न वि कंपइ मेरू, तह ते ज्झाणाओ न चलंति ॥
- [भा.३९४८] पढमम्मि य संघयणे, वट्टंता सेलकुट्टसामाणा ।  
तेसिं पि य वोच्छेदो, चोद्दसपुव्वीण वोच्छेदे ॥
- [भा.३९४९] दिव्वमनुया उ दुगतिगस्स पक्खेवगंसि आकुज्जा ।  
वोसड्ढचत्तदेहो, अहाउअं कोति पालेज्जा ॥
- [भा.३९५०] अनुलोमो पडिलोमो, दुगं तु उभयसेहिया तिगं होंति ।  
अहवा सचित्तमचित्तं दुगं तिग मीसगसमे य ॥
- [भा.३९५१] पुढवि-दग-अगनि-मारुअ-वणस्सति-तसेसु कोति साहरति ।  
वोसड्ढचत्तदेहो, अहाउयं को उ पालेज्जा ॥
- [भा.३९५२] एगंतनिज्जरा से, दुविहा आराधना धुवा तस्स ।  
अंतकिरया व साहू, करेज्ज देवा पवत्तिं वा ॥
- [भा.३९५३] मज्जणगगंधपुप्फोवयारपरियारणं सया कुज्जा ।  
वोसड्ढचत्तदेहो, अहाउयं कोति पालेज्जा ॥
- [भा.३९५४] पुव्वभवियपेम्मेणं, देवो देवकुरुउत्तरकुरासु ।  
कोइं तु साहरेज्जा, सव्वसुहो जत्थ अनुभावो ॥
- [भा.३९५५] पुव्वभवियपेम्मेणं, देवो साहरति पागभवणम्मि ।  
जहियं इट्ठा कंता, सव्वसुहा होंति अनुभावा ॥
- [भा.३९५६] पुव्वभवियवेरेणं, देवो साहरति कोति पायाले ।  
मासो चरिमसरीरो, न वेदनं किं चि पाविहिति ॥
- [भा.३९५७] बत्तीसलक्खणधरो, पादोवगतो य पागउसरीरो ।  
पुरिसद्देसिनिकण्णा रोयविदिण्णा न गेण्हेज्जा ॥
- [भा.३९५८] णग-गंध-पुप्फोवयारपरियारणं सया कुज्जा ।  
वोसड्ढ-चत्तदेहो, अहाउयं कोति पालेज्जा ॥

- [भा.३९५९] नवंगसौत्तपडिवोहयाए, अद्वारसविरतिसेसकुसलाए ।  
वावत्तरीकलापंडियाए चोसड्डिमहिलागुणेहिं च ॥
- [भा.३९६०] सोआती नव सोत्ता, अद्वारसे होतिं देसभासाओ ।  
इगतीस रड्विसेसा, कोसल्लं एक्कवीसतिहा ॥
- [भा.३९६१] चउकण्णम्मि रहस्से, रातेणं रायदिन्नपसराते ।  
तिमिगरेहिं व उदहीण खोभितो जा मणो मुणिणो ॥
- [भा.३९६२] जाहे पराइया सा, न समत्था सीलखंडणं काउं ।  
नेऊण सेलसिहरं, तो से सिलं मुंचते उवरिं ॥
- [भा.३९६३] एगंतनिज्जरा से, दुविधा आराहणा धुवा तस्स ।  
अंतकिरियं व साधू, करेज्ज देवोववायं वा ॥
- [भा.३९६४] मुनिसुव्वयंतवासी, खंदगदाहे य कुंभकारकडे ।  
देवी पुरंदरजसा, दंडति पालक्कमरुते य ॥
- [भा.३९६५] पंचसया जातेणं, रुट्ठेण पुरोहितेण मिलियाति ।  
रागद्वोसतुलग्गं, समकरणं चितियं तेहिं ॥
- [भा.३९६६] जंतेण कतेण व सत्थेण व सावतेहि विविधेहि ।  
देहे विद्धंसेते, न य ते ठाणाहि उ चलंति ॥
- [भा.३९६७] पडिनीयता य केई, अग्गिं सो सब्वतो पदेज्जाहिं ।  
पादोवगमनसंतो जइ चाणक्कस्स व करीसे ॥
- [भा.३९६८] पडिनीयया य केई, वम्मंसे खेततेहि विनिहिता ।  
महु-घय-मक्खियेहं, पिपीलियाणं तु देज्जाहि ॥
- [भा.३९६९] अह सो विवायपुतो, वोसड्ड निसिड्ड चत्तदेहाउं ।  
सोणियगंधेहि पिपीलिया चालंकिओ धीरो ॥
- [भा.३९७०] जह सो कालासगवेसिउ विमोग्गल्लसेलसिहरम्मि ।  
खतितो विउव्विऊणं, देवेण सियालरूवेणं ॥
- [भा.३९७१] जह सो वंसिपदेसे, वोसिड्ड निसिड्ड चत्तदेहो उ ।  
वंसीपातेहिं विनिग्गतेहिं आगासमुक्खित्तो ॥
- [भा.३९७२] जहऽवंतीसुकुमालो, वोसड्ड निसड्ड चत्तदेहो उ ।  
धीरो सपेल्लियाए, सिवाते खतिओति रतेणं ॥
- [भा.३९७३] जह ते गोड्डड्डाणे, वोसड्ड निसिड्ड चत्तदेहागा ।  
उदगेण वुज्झमाणा, वियरम्मि उ संकमे लग्गा ॥
- [भा.३९७४] बावीसमानुपुव्विं, तिरिक्खमणुया व भेसणया (ते) ।  
विसयाणुकम्मरक्खा, न करेज्ज देवा व मणुया वा ॥
- [भा.३९७४] जह सा बत्तीसघडा, वोसड्डनिसिड्डचत्तदेहागा ।  
धीरा गतेण उदीविते णदिगलम्मि उ ललिया ।

[भा. ३९७५] एवं पादोवगमं निष्पडिकम् तु व नीनयं सुत्ते ।  
तित्थगर-गणधरेहि य, साहूहि य सेवियमुदारं ॥

उद्देशकः-११ समाप्तः

मुनि दीपरत्सागरेण संशोधिता सम्पादिता निशीथसूत्रे एकादशउद्देशकस्य  
(भद्रबाहु स्वामि रचिता निर्युक्ति युक्तं) संघदासगणि विरचितं भाष्यं  
एवं जिनदासमहत्तर विरचिता चूर्णिः परि समाप्ता ।

उद्देशकः-१२

चू- भणिओ एक्कारसमो । इदानिं बारसमो भन्नइ । तस्सिमो संबंधो-  
[भा. ३९७६] जति संसिउं न कप्पति, अतिवातो किसु परस्स सो कातुं ।  
बद्धस्स होज्ज मरणं, भणिता य गुरु लहू वोच्छं ॥

चू- “संस” ति पसंसा । गिरिपडणाई बालमरणा पाणाइवाउ ति काउं जइ संसिउं न कप्पइ,  
किं पुणतो अतीवाओ परस्स काउं कप्पिस्सइ ? सुतरां न कल्पतेत्यर्थः । बंधो य अइवायहेऊ ।  
बद्धस्स य मरणं हवेज्ज । अओ सुतं भन्नइ । अहवा संबंधो - चउगुरु भणिया, इदानिं चउलहुं  
वोच्छं ॥ तत्थिमं पढमं सुतं-

मू. (७४७) जे भिक्खू कोलुणपडियाए अन्नयरिं तसपाणजाइं- तण-पासएण वा मुंज-  
पासएण वा कट्ट-पासएण वा चम्म-पासएण वा वेत्त-पासएण वा सुत्त-पुसएण वा रज्जु-पासएण  
वा बंधति, बंधंतं वा सातिज्जति ॥

मू. (७४८) जे भिक्खू कोलुणपडियाए अन्नयरिं तसपाणजाइं - तण-पासएण वा मुंज-  
पासएण वा कट्ट-पासएण वा चम्म-पासएण वा वेत्त-पासएण वा सुत्त-पासएण वा रज्जु-पासएण  
वा बद्धेत्थयं वा मुंचति, मुंचंतं वा सातिज्जति ॥

चू- भिक्खू पुव्ववन्निओ । “कोलुणं” कारुण्यं अनुकपा, “पडियाए” ति प्रतिज्ञा,  
अनुकंपाप्रतिज्ञया इत्यर्थः । असंतीति असा, ते च तेजो वायू द्वीन्द्रियादयश्च प्राणिनो त्रसा । एत्थ  
तेऊवाऊहिं नाहिकारो । जाइग्गहणाओ विसिद्धगोजाइतन्नगाईहिं अहिगारो । तणा दब्भाइया,  
पासो ति बंधणं । दब्भा रज्जु इत्यर्थः । वेत्तपासग्गहणाओ सव्वे वंसभेया गहिया । कट्टपासग्गहाणो  
नियलिखोडादिया गहिया । एवमाईहिं बंधंतस्स चउलहुं । बिइयसुत्ते वि बद्धेत्थयं मुयंतस्स चउलहुं  
चेव । इमा सुत्तढफासिया-

[भा. ३९७७] तसपाण तन्नगादी, कलुणपरिन्नाए जो उ बंधेज्जा ।  
तणपासगमादीहिं, मुंचति वा आणमादीणि ॥

चू- इह सेज्जगसेज्जायरार्इ खलगखेत्ताई वच्चंता भणेज्ज-

[भा. ३९७८] ओहाणं ता अज्जो, इहइं देजा व तन्नगादीणं ।

अम्हे तुज्जं इहयं, भायणभूता परिवसामो ॥

चू- “ओहाणं” ति उवयोगो, “अज्जो” ति आमंत्रणे, “इह” ति घरे । “तन्नगाईणं” आइसद्दाओ

गवाइसु विविहोवक्खरेसुंच, एवं भणंतेसु साहुणा वत्तव्वं-पच्छद्धं । “भूत” शब्दः भायणतुल्यवाची । जहा अलिंदाइभायणं गिहंतो बाहिरे वा ठियं न किं चि घरवावारं करेति तहेव अम्हे इह परिवसामो ॥ वसहिग्गहणकाले अन्नत्थ वा वसंते जइ गिही किं चि विज्जं पुच्छिज्जा तत्थिमं भासेज्जा-

[भा. ३९७९] न वि जोइसं न गणितं, न अक्खरे नेव किं चि र (व) क्खामो ।

अप्पस्सगा असुणगा, भायण-खंभोवमा वसिमो ॥

चू- धरे किं चि सुणगाइणा अवरज्जंते अपस्सगा अम्हे, गिहिणो संदिसंतसस असुणगा अम्हे, ज्ञाणोवगया वा अन्नं न पस्सामो सुणेमो वा । सेसं कंठं ॥

“तन्नगगहणं” किमर्थं चेत् ?

[भा. ३९८०] थणजीवि तन्नगं खलु, तन्नगगहणं तु तं बहु अवातं ।

सेसा वि सूइय खलु, तन्नगगहणेण गोणादी ॥

चू- बालवच्छं तन्नगं । तं थणजीवी बहु अवायं च, अतः तन्नगगहणं कयं । सुत्ते तन्नगगहणाओ य सेसा वि गोणाई सव्वे सूइया, न बंधियव्वा इत्यर्थः ॥

अह बंधइ तो आणाइया दोसा । इमे य अत्रे य-

[भा. ३९८१] अच्चावेढण मरणंतराय फडुंत आतपरहिंसा ।

सिंगखुरणोल्लणं वा, उड्डाहो भद्द-पंता वा ॥

चू- अईव आवेढियं परिताविज्जइ मरइ वा, अंतराइयं च भवइ । बद्धं च तडप्फडितं अप्पानं परं वा हिंसइ । एसा संजमविराधना । तं वा बज्जंतं सिंगेण खुरेण वा काएण वा साहुं नोलेज्जा । एवं साहुस्स आयविराधना । तं च ददु जनो उड्डाहं करेज्ज - “अहो ! दुद्धिद्धम्मा परत्तिवाहिणो” । एवं पवयणोवधओ । भद्दपंतदोसा वा भवे- भद्दो भणाइ - “अहो ! इमे साहवो अम्हं परोक्खाण घरे वावारं करेति ।” पंतो पुणो भणेज्ज - “दुद्धिद्धम्मा चाडुकारिणो कीस वा अम्हं वच्छे बंधंति मुयंति वा ।” दिया वा राओ वा निच्छुभेज्जा, वोच्छेयं वा करेज्ज ॥

एए बंधणे दोसा । इमे मुयणे-

[भा. ३९८२] छक्काय अगड विसमे, हिय नट्ट पलाय खईय पीते वा ।

जोगक्खेम वहंति मणे बंधनदोसा य जे वुत्ता ॥

चू- तन्नगाइमुक्कामडंतं छक्कायविराधनं करेज्ज, अगडे विसमे वा पडेज्ज, तेणेहिं वा हीरेज्ज, नट्ट अडवीए रुलंतं अच्छेज्ज, मुक्कं वा पलायितं पुणो बंधिउ न सकइइ, वृगादिसणफडे (ए) हिं वा खज्जइ, मुक्कं वा माऊए थणात् खीरं पिएज्जा । जइ वि एमाइदोसा न होज्ज तहावि गिहिणो वीसत्था अच्छेज्ज, अम्हं घरे साहवो सुत्थदुत्थजोगक्षेमवावारं वहंति, “मण” त्ति-एवं मणेण चिंतिता मअणुत्तसत्ता अप्पणो कम्मं करेति । अह तद्दोसभया मुक्कं पुणो बंधंति । तत्थ बंधणे दोसा जे वत्ता ते भवंति । जम्हा एते दोसा तम्हा न बंधंति मुयति वा ॥

कारणे पुण बंधणमुयणं करेज्ज-

[भा. ३९८३] बिइयपदमणप्पज्जे, बंधे अविक्कोविते व अप्पज्जे ।

विसमऽगड अग्नि आऊ, सणप्फगादीसु जाणमवि ॥

चू- अणप्पज्जो बंधइ अविक्कोवितो वा सेहो । अहवा - विक्कोविओ अप्पज्जो इमेहि कारणेहिं

बंधति - विसमा अगड अग्नि आऊसु मरिजिहिति ति, वृगादिसणप्फएण वा मा खजिहिति, एवं जाणगो वि बंधइ ॥ “मुंचइ” तस्स इमं बितियपदं-

[भा. ३९८४] बितियपयमणप्पज्जे, मुंचे आवकोविते वि अप्पज्जे ।

जाणंते वा वि पुणो, बलिपासगअग्निमादीसु ॥

चू- बलिपासगो ति बंधणो । तेन अईव गाढं बद्धो मूढो वा तडप्फडेइ मरइ वा जया, तथा मुंचइ । अग्नि ति पलीवणगे बद्धं मुंचेइ, मा डज्झिहिति ॥ बंधण-मुयणे इमा जयणा-

[भा. ३९८५] तेसु असहीणेसुं, अहवा साहीणऽपेच्छणे जयणा ।

केणं बद्धविमुक्का, पुच्छंति न जाणिमो केणं ॥

चू- “तेसु” ति जया घरे गिहत्था असाहीणा तथा एयं करेइ, साहीणेसु वा अपेच्छमाणेसु मिगेसु । अह गिही पुच्छेज्जा-केण तन्नं बद्धं मुक्कं वा तत्थ साहूहिं वत्तव्वं - न जाणामो अम्हे ॥

मू. (७४९)जे भिक्खू अभिक्खणं अभिक्खणं पच्चक्खाणं भंजइ, भंजंत वा सातिज्जति ॥

चू- अभिक्खं नाम पुणो पुणो, नमोक्काराई पच्चक्खाणं भंजंतस्स चउलहुं आणादिया य दोसा । इमो सुत्तफासो-

[भा. ३९८६] पच्चक्खाणं भिक्खू, अभिक्खणाऽऽउट्टियाए जो भंजे ।

उत्तरगुणनिप्फन्नं, सो पावति आणमादीणि ॥

चू- आउट्टिया नाम आभोगो- जानान इत्यर्थः, नमोक्काराई उत्तरगुणपच्चक्खाणं, पंचमहव्वया मूलगुणपच्चक्खाणं । इहउत्तरगुणपच्चक्खाणेणाहिगारो ॥ इमा अभिक्खसेवा-

[भा. ३९८७] सकि भंजणम्मि लहुओ, मासो बितियम्मि सो गुरु होति ।

सुत्तनिवातो ततए, चरिमं पुण पावती दसहिं ॥

चू- “सकि” ति एकस्सि भंजमाणस्स मासलहुं, बिइयवारा मासगुरुं, तइयवाराए चउलहुं, एत्थ सुत्तनिवातो । चउत्थवारे चउगुरुं । पंचमवारे फ्रुं । छट्ठवारे फ्रुं । सत्तमवारे छेओ । अट्ठमवारे मूलं । नवमे अणवट्ठं । दसमवारे चरिमं - पारंचीत्यर्थः ॥ आणाइया य दोसा । इमे य-

[भा. ३९८८] अप्पच्चोओ अव्वन्नो, पसंगदोसो य अदढता धम्मे ।

माया य मुसावतो, होति पइन्नाइ लोवो य ॥

चू- जहा एस नमुक्काराई भंजइ तथा मूलगुणपच्चक्खाणं पि भंजइ, एवं अगीयगिहत्थाण य अपच्चयं जणेइ । वर्ण्यते येन स वर्णं तत्त्रतिपक्षः अवर्णं, सो अप्पणो साहूणं च । पच्चक्खाणभंगो पसंगेण मूलगुण वि भंजइ । पच्चक्खाणधम्मो समणधम्मे वा अदढत्तं कयं भवइ । अन्नं पइन्नं पडिवज्जइ, अन्नं वा करेइ ति माया । अन्नं भासइ अन्नं करेइ ति मुसावाओ । एते दो वि जुगलओ लब्भंति । पोरिसिमाइ-पइन्नाए य लोवो कओ भवइ, एसा संजमविराधना । पच्चक्खाणं भंजइ ति देवया पडुट्ठा खित्ताइ करेइ ॥ कारणे पुण अपुत्ते वि काले भुंजइ-

[भा. ३९८९] बिइयपदमणप्पज्जे, भंजे अविक्कोविते व अप्पज्जे ।

कंतारोमगिलाणे गुरुणिओगा य जाणमवि ॥

चू- अणप्पज्जो सेहो वा अजाणंतो भुंजइ नत्थि दोसो । “कंतारं” ति अट्ठणपडिवन्नस्स पच्चक्खाए पच्छा भत्तं पडुप्पन्नं दूरं च गंतव्वं अंतरे य अन्नभत्तसंभवो नत्थि, एवं भुंजंतो सुद्धो ।

“ओमे” वि कल्लं न भविस्सइ त्ति साहारणट्ठा भुंजइ । “गिलाणो” वि विगइमाइ पच्चक्खायं वेज्जुवएसा भुंजइ । अग्गियग-वाहिंमि वा राओ भुंजइ । आयरिओवएसेण वा तुरियं कहिं चि गंतव्वं, तत्थ पोरिसिमाइ अपुन्ने भोतुं गच्छइ । खमओ वा मासाइखमणे कते अईव किलंतो अपुन्ने चेव भुंजाविज्जइ । उप्पूरविगइलंभे निव्वितिए संदिसाविज्जइ, दुब्बलसरीरस्स वा विगइपच्चक्खाणे विगई दिज्जइ । उस्सूरे सेहो दुक्खं गमिस्सइ त्ति काउं नमोक्कारे चेव वितरंति । खीराइया वा विनासिदव्वं चिरकालमट्ठाहिं अपुन्ने पोरिसिमाइपच्चक्खाणे नमोक्कारे चेव वितरंति ॥

[भा.३९९०] खमणेण खामियं वा निव्वीतिय दुब्बलं व नाऊणं ।

उस्सूरे वा सेहो, दुक्खमठाइं च वितरंति ॥

मू. (७५०) जे भिक्खू परित्तकायसंजुत्तं आहारेइ आहारेंतं वा सातिज्जति ॥

चू-परित्तवणस्सइकाएणं संजुत्तं जो असणाई भुंजइ तस्स चउलहुं आणाइणो य दोसा भवंति ।

[भा.३९९१] जे भिक्खू असनादी, भुंजेज्ज परित्तकायसंजुत्तं ।

सो आणा अणवत्थं, मिच्छत्त-विराधनं पावे ॥

चू- इमा संजमविराधना-

[भा.३९९२] तं कायपरिच्चयती, तेन य चत्तेण संजमं चयते ।

अतिखद्ध अनुचितेण य, विसूइगादीणि आताए ॥

चू- तमिति परित्तकायं परिच्चयइ न रक्षति, व्यवतीत्यर्थः । तेन य परिचत्तेण संजमो वहिओ -विराहिओ त्ति वुत्तं भवति । एस संजमविराधना । तेन य तिगदुगसंजुत्तेण अइप्पमाणेण भुत्तेण अनुवचिएण य अजिन्नविसूइयाए आयविराधना ॥ असणाइसु इमे उदाहरणा-

[भा.३९९३] भूतणगादी असने, पाने सहकारपाडलादीणि ।

खातिमे फलसुत्तादी, साइमे तंबोलपंचजुयं ॥

चू- भूततणं अज्जगो भन्नइ, तेन संजुत्तं असनं भुंजइ, आइसद्दाओ करमदियादिकला मूलगपत्तं आसूरिपत्तं च, अत्रे य बहु पत्तपुप्फफला देसंतरपसिद्धा । पानगं- सहगार-पाडलानीलुप्पलादीहिं संजुत्तं पिवइ । खाइमे- जाइफलं कक्कोलं कप्पूरं लवंगं पूगफलं-एते पंच दव्वातंबोलपत्तसाहिया खायइ । एत्थ तिन्नि सचित्ता, तिन्नि अचित्ता । अहवा - पूगफलं खदिरवत्तं तं न गनिज्जइ । बीयपूरगतया पंचमा छुब्भइ, सा दुविहा- सचित्ता अचित्ता संभवइ । अहवा - संखचुन्नो पूगफलं खइरो कप्पूरं जाइपत्तिया एते पंच अचित्ता, एतेहिं सहियं तंबोलपत्तं खाएइ ॥

कारणे परित्तसहियं भुंजेज्जा-

[भा.३९९४] बितियपदं गेलन्ने, अद्धाणे चेव तह य ओमम्मि ।

एएहि कारणेहिं, जयण इमा तत्थ कायव्वा ॥

चू- गेलन्ने वेज्जुवएसा, अद्धाणे अन्नम्मि अलब्भंते, ओमे असंथरंता एमाइकारणेहिं इमा जयणा कायव्वा ॥

[भा.३९९५] ओमे तिभागमद्धे, तिभागमायंबिले चउत्थाई ।

निम्मिस्से मिस्से वा, परित्तकायम्मि जा जयणा ॥

मू. (७५१) जे भिक्खू सलोमाइं चम्माइं अहिट्टेइ अहिट्टेंतं वा सातिज्जति ॥

चू- सह लोमेहिं सलोमं, अहिट्टेइ नाम “ममेयं”ति जो गिण्हइ तस्स चउलहुं ।

[भा. ३९९६] चम्ममि सलोमम्मी, ठाण-निसीयण-तुयट्टणादीणि ।

जे भिक्खू चेतिज्जा, सो पावति आणमादीणि ॥

चू- सलोमे चम्मे जो ठाणं चेतेइ करेति निसीयइ तुयट्टइ वा सो आणाइदोसो पावति ॥

इमं घ से पच्छित्तं-

[भा. ३९९७] गिण्हंते चिट्ठंते, निसियंते चेव तह तुयट्टंते ।

लहुगा चतु जमलपदा, चरिमपदे दोहि वि गुरुगा ॥

चू- गेण्हणादिएसु चउसु ठाणेषु चउलहुगा चउरो भवंति । जमलपयं ति कालतवा, तेहिं विसिद्धा दिज्जति । चरिमपयं ति तुयट्टणं, तम्मि चरिमपदे दोहिं वि कालतवेहिं गुरुगा इत्यर्थः ॥

अन्ने य इमे दोसा-

[भा. ३९९८] अविदिन्नोवहि पाणा, पडिलेहा वि य न सुज्झइ सलोमे ।

वासासु य संसज्जति, पतावणऽपतावणे दोसा ॥

चू- तित्यकरेहिं अविदिन्नोवही, रोमंतरेसु य पाणा सम्मुच्छंति, सरोमे पडिलेहणा न सुज्झइ, कुंधुपणगाई तेहिं वासासु संसज्जति । जइ संसज्जणभया पतावेइ तो संसज्जति । उभयथा वि दोसा । सलोमदोषदर्शनार्थं झुसिरप्रतिपादनार्थं च इदमाह-

[भा. ३९९९] अजिन सलोमं जतिणं, न कम्पती झुसिर तं तु पंचविधं ।

पोत्थगतणपणए या दूसदुविध चम्मपणगं च ॥

चू- अजिनं चम्म । जतयो ति साहवो । तं तेहिं न कम्पइ, झुसिरदोषत्वात् । शिष्याह - किं झुसिरं ? कइविहं वा ? के वा तत्थ दोसा ? आचार्याह - झुसिरं पोळ्ळंजीवाश्रयस्थानमित्यर्थः । तं इमं पंचविहं - पोत्थगपनगं, तणपनगं, पमगपनगं, पनगशब्दः प्रत्येकं योज्यः, दूसं वत्थं, तत्थ दो भेदा - अपडिलेहपणगं दुप्पडिलेहपणगं च, चम्मणपणगं च पंचमं ॥ इमं पोत्थगपणगं-

[भा. ४०००] गंडी कच्छवि मुट्टी, संपुड फलए तहा छिवाडी य ।

साली वीही कोद्व, रालगऽरन्ने तणाइं च ॥

चू- दीहो बाहल्लपुहतेण तुल्लो चउरंसो गंडीपोत्थगो । अंते तणुओ, मज्जे पिहुलो, अप्पबाहल्लो कच्छवी । चउरंगुलदीहो वुत्ताकृती मुट्टीपोत्थगो । अहवा - चउरंगुलदीहो चउरस्सो मुट्टिपोत्थगो । दुमाइफलगसंपुडं दीहो हस्सो वा पिहुलो अप्पवाहल्लो छेवाडी । अहवा - तनुपतेहिं उस्सीओ छेवाडी । रालओ ति कंगुपलालं, सामगाइ आरत्रतणा ॥

[भा. ४००१] अप्पडिलेहियदूसे, तूली उवहाणगं च नायव्वं ।

गंडुवहाणाऽऽलिंगिणि, मसूरए चेव पोत्तमाए ॥

चू- एगवहुकमेरगा तूली, अक्कडोड्डगाइतूलभरिया वा तूली, रूयादिपुत्रंसिरोवहाणमुवहाणगं, तस्सोवरि गंडपदेसे जा दिज्जइ सा गंडुवधाणिगा, जानुकोप्परादिसु सा आलिंगिणी, चम्मवत्थकतं वा वट्टरूयादिपुत्रं विवसणं मसूरगो ॥ इमं दुप्पडिलेहियपणगं-

[भा. ४००२] पल्हवि कोयवि पावारणवतए तह य दाढिगाली उ ।



दुष्पडिलेहियदूसे, एयं बितियं भवे पणगं ॥

चू- पल्हवि गयात्थरणी जे वडुत्थरगादिसू इणमा भेदा । मट्टरोमा अब्भुत्तरोमा वा ते सव्वे एत्थ निवयंति । कोयवगो वरक्को, अतो जे अन्ने वा वि भेदा विउलरोमा कंबलादि ते सव्वे एत्थ निवतंति । पावारगो फुल्लवडपात्रिगादि । अत्थुरणं पाउरणं वा अकत्तियउन्नाए नवयं कज्जति । धोयपोत्ति दाढीयाली विरलिमादिभूरिभेदा सव्वे एत्थ निवतंति ॥

[भा.४००३] अय-एलि-गावि-महिशी, मिगाणमजिनं च पंचमं होति ।

तलिगाखल्लगवज्जे, कोसगकत्ती य बितिएणं ॥

चू- अधवा - बितियाऽऽएसेण पच्छद्धगहियं चम्मपणगं ॥ इदानिं झुसिरदोसा भणंति । तत्थ पढमं पोत्थगे इमा दारगाहा-

[भा.४००४] पोत्थगजिणदिट्ठंतो, वग्गुरलेवे य जालचक्के य ।

लोहित लहुगा आणादि मुयण संघट्टणा बंधे ॥

चू- “झुसिरो”ति पोत्थगो न घेत्तव्वो, जिणेहिं तत्थ बहुजीवोवघातो दिट्ठो । इमो दिट्ठंतो “वग्गुर” अस्य व्याख्या-

[भा.४००५] चउरंगवग्गुरा परिवुट्ठो पि फेट्ठेज्ज अवि मिओऽरन्ने ।

खीर खउर लेवे वा, पडिओ सउणो पलएज्जा ॥

चू- चउरंगिणी सेना-हत्थी अस्सा रहा पाइक्का, स एव वागुरा, तथा परिवृतो आहेडगारूढेहिं समंताद्वेष्टित इत्यर्थः । अवि तत्थ मिगो छुट्ठेज्ज । न य पोत्थगपत्तंतरपविट्ठा जीवा छुट्ठेज्जा । “लेवे” ति सउणो पक्खी, सो मच्छिगादि, सो खीरे पडिओ, चिक्कणे वा अनंतरं खउरे, अन्नत्थ वा अवश्रावणादिचिक्कणलेवे पडितो पलायेन्नश्येदित्यर्थः । न च पुस्तकपत्रान्तरे ॥

“जाले” ति अस्य व्याख्या-

[भा.४००६] सिद्धत्थगजालेण व, गहितो मच्छो वि निष्फिडिज्जाहि ।

तिल कीडगा वि चक्का, तिला व न य ते ततो जीवा ॥

चू- सिद्धत्थगादि जेण जालेण घेपंति तं सिद्धत्थगजालं, अवि तत्थ मत्तो न घेपेज्ज । न य पोत्थगे जीवा न धिप्पिज्जा । “चक्के” ति - अवि तिलपीलगचक्के तिला कीडगा वा छुट्ठेज्जा, न य पोत्थगे जीवा ॥ “लोहिय”ति अस्य व्याख्या-

[भा.४००७] जति तेसिं जीवाणं, तत्थ गयाणं तु लोहितं होज्जा ।

पीलिज्जंते धणियं, गलिज्ज तं अक्खरे फुसितुं ॥

चू- “तत्थ गयाणं ति कंथुमादिजोणिगाणं जहा तिलेसु पीलिज्जंतेसु तेसु तेल्लं नीति तथा यदि तेसु जीवाणं रुहिरं होज्जा, तो पोत्थगबंधणकाले तेसिं जीवाणं सुदुपीलिज्जंताणं अक्खरे फुसितुं रुहिरं गलेज्ज ॥ “लहुग”ति अस्य व्याख्या-

[भा.४००८] जत्तियमेत्ता वारा, मुंचति बंधति य जत्तिया वारा ।

जति अक्खराणि लिहति व, तति लहुगा जं च आवज्जे ॥

चू- बंधणमुयणे संगट्टणादि आवज्जति तं च पच्छित्तं । सेसं कंठं ॥

— इदानिं तणपणगादिसु दोसा-

[भा.४००९] तणपनगम्मि वि दोसा, विराधना होति संजमाऽऽताए ।

सेसेसु वि पणएसुं, विराधना संजमे होति ॥

चू- तणेसु झुसिर त्ति कातुं चउलहू ॥ दुविहा विराधना य इमा-

[भा.४०१०] अहि-विच्छुग-विसकंटगमादिहि खतियं च होति आदाए ।

कुंथादि संजमम्मि, जइ उव्वत्ता तती लहुगा ॥

चू- पुव्वद्धेण आयविराधना । कुंथुमादिसु विराहिजंतेसु संजमविराधना । जत्तिया वारा उवत्तति परिवत्तति वा आउंचति पसारति वा तत्तिया चउलहू । अह गहियं “झुसिर” त्ति परिच्चयति तो अहिगरणं, न य झुसिरतणेसु पडिलेहमा सुज्झति । सेसा पणगा अप्पडिलेहिय चम्मपणगं च एतेसु गहणेसु चउलहू, धुवा य संजमविराधना, आयविराधना जहासंभवा । जम्हा एते दोसा तम्हा पोत्थादि झुसिरा न कप्पंति धेतुं ॥ चोदकोह-

[भा.४०११] दिट्ठ सलोमे दोसा, निल्लोमं नाम कप्पए धेतुं ।

गेण्हणे गुरुगा पडिलेह पणग तसपाण सतिकरणं ॥

चू- चोदको भणति - अन्हमुवगतं-सलोमे चम्मे दिट्ठा दोसा, तं मा कप्पतु, अच्छतु आवन्नं, निल्लोमं कप्पतु । आयरितो भणति - निल्लोमं गेण्हंतस्स चउगुरुगा । चिड्ढतस्स निसीयंतस्स तुयइंतस्स एतेसु वि चउगुरुगा कालतवविसेसिता । तत्थ पडिलेहा न सुज्झति, निल्लोमे कुंथुमादिया य तसा सम्मुच्छंति, तं च सुकुमारं इत्थिफासतुल्लं, तत्थ भुत्तभोगीण सतिकरणं भवति, अभुत्तभोगीण इत्थिफासकोउयं जणेति ॥ इदमेवार्थमाह-

[भा.४०१२] भुत्तस्स सतीकरणं, सरिसं इत्थीण एत फासेणं ।

जति ता अचेयणेऽयं, फासो किमु सचेयणे इतरे ॥

चू- जति ताव अचेयाण चम्मे अयं फरिसो सुहफासो, इतरत्ति सचेयाण इत्थीसरीरे सागारिए वा किमित्थतिशयो भवेत्तु द्रष्टव्यः । यस्मात् एते दोषाः, तम्हा निल्लोमं पि न धेत्तव्वं ॥

जइ अववादतो चम्मं गेण्हइ तदा पुव्वं सलोमं, तत्थिमं-

[भा.४०१३] वितियपदं तु गिलाणे, वुट्ठे तद्विवस भुत्त जयणाए ।

निल्लोम मक्खणट्ठे घट्ठे भिम्णे व अरिसाउ [सु] ॥

चू- “गिलाणे” “वुट्ठे” त्ति अस्य व्याख्या-

[भा.४०१४] संथारगगिलाणे, अमिला-अजिनं सलोम गिण्हंति ।

वुट्ठऽसहु-बालाण व, अत्थुरणाए वि एमेव ॥

चू- गिलाणस्स अत्थुरणट्ठा धेप्पति, तं च अमिलाइअजिणं । वुट्ठ-असहु-बालाण वि कारणे अत्थुरणट्ठा एमेव धेप्पति ॥ “तद्विवसभुत्त जयणाए” त्ति अस्य व्याख्या-

[भा.४०१५] कुंभार-लोहकारेहि दिवसमलियं तु तं तसवहूणं ।

उवरिं लोम कातुं, सोत्तुं पादो पणामेति ॥

चू- कुंभारादिया तत्थ दिवसतोववेट्ठा कम्मं करेति, तम्मि तद्विवसं परिभुज्जमाणे तसादिया पाणा न भवंति, तद्विवसंते उट्ठित्तिसु पडिहारियं गिण्हंति, रातो अत्थुरित्ता “पातो” पभाए पच्चप्पिणंति । एस गहणपरिभोगजयणा । इदानिं अलोमस्सववादो - “निल्लोम” पच्छद्धं । निल्लोमं सलमाभावे

गिलाणादि अत्युरणद्वा घेष्यति । तेल्लेण वा मक्खणद्वा, कुल्लागादिपासेसु वा घडेसु अत्युरणद्वा, भिन्नकुट्टि-परिहाणअत्युरणद्वा वा, अरिसेसु वा सर्वंतेसु उववेसणद्वा गिण्हंति ।

[भा.४०१६] जह कारणे सलोमं, तु कप्पते तह हवेज्ज इतरं पि ।

आगाढे अ सलोमं, आदि कातुं जा पोत्थए गहणं ॥

चू- “इयरं” ति अलोमं, आगाढे कारणे तं अ (स) लोमं आदि कातुं अप्पप्पणो झुसिरपरिभोगद्वाणेसु पच्छानुपुब्बीते ताव गाहेयव्वं जाव पोत्थगो ति ॥

अलोमगहणकारणाणं वक्खाणं इमं-

[भा.४०१७] अवताणगादि निल्लोम तेल्ल मक्खद्द घेष्यती अजिणं ।

घद्दा व जस्स पासा, गलंतकोढारिसासुं वा ॥

चू- भिन्नकुट्टारिसेसु अलोमचम्मगहणं इमेण कारणेण घेष्यति-

[भा.४०१८] सोणितपूयाणित्ते, दुक्खं धुवणा दिने दिने चीरे ।

कच्छुल्ले किडिभिल्ले, छप्पतिगिल्ले य निल्लोमं ॥

चू- कच्छू पामा, किडिभं कुट्टभेदो सरीरेगदेसे भवति, छप्पदातो वा जस्स अतीव सम्मुच्छंति, स निल्लोमपरिहाणं गेण्हति । एमादिकारणेहिं निल्लोमं घेष्यति ॥

तणदूसझुसिरग्गहणे इमा जयणा-

[भा.४०१९] भत्तपरिन्न गिलाणे, कुसमाति खराऽसती य झुसिरा वि ।

अप्पडिलेहियदूसासती य पच्छ तणा होंति ॥

चू- भत्तपच्चक्खायस्स गिलाणस्स अववादेण जयणाए घेष्यति तदा अज्झुसिरा कुसादि घेत्तव्वा, अह ते खरा असती वा तेसिं ताहे झुसिरा वि धिप्पंति । अहवा - भत्तपच्चक्खायस्स गिलाणस्स वा अववातेण अपडिलेहियं दूसग्गहणं पत्तं तं तूलिमादि घेत्तव्वं, तस्स असती अझुसिरझुसिरा तणा घेत्तव्वा ॥

[भा.४०२०] दुप्पडिलेहियदूसं, अद्धाणादी विवित्त गेण्हंति ।

घेष्यति पोत्थगपणगं, कालिक-निज्जुत्तिकोसद्दा ॥

चू- अद्धाणादिसु विवित्ता जहुत्तोवहिं अलभंता दुप्पडिलेहियपणगं गेण्हंति । मेहाउ गहणधारणादिपरिहाणिं जाणिऊण कालिसुयद्दा कालियसुयनिज्जुत्तिनिमित्तं वा पोत्थगपणगं घेष्यंति । कोसो ति समुदायो ॥

मू. (७५२) जे भिक्खू तण-पीढगं वा पलाल-पीढगं वा छगण-पीढगं वा कड-पीढगं वा परवत्थेणोच्छन्नं अहिड्डेइ, अहिड्डंतं वा सातिज्जति ॥

चू- पलालमयं पलालपीढगं, तणमयं तणपीढगं, वेत्तासणगं वेत्तपीढगं, भिसिमादि कडमयं, छगणपीढगं पसिद्धं, परो गिहत्थो, तस्संतिएण वत्थेण उच्छइयं, तंजो साहू अहिड्डेति निवसतीत्यर्थः । तस्स चउलहू आणाइणो य दोसा ।

[भा.४०२१] पाढगमादी आसण, जत्तियमेत्ता उ आहिया सुत्ते ।

परवत्थेणोच्छन्ने, ताणि अहिड्डेति आणादी ॥

चू- इमे आयविराधना दोसा-

[भा. ४०२२] दुद्धिय मग्ग पमादे, पडेज्ज तब्भावणा व से होज्जा ।  
पवडेंते उड्डाहो, पवंचणट्ठा कते अहियं ॥

चू-परेण तमासणं अजाणंता पडिनीयट्ठया वा पवंचणट्ठा वा दुद्धियं ठवियं, भग्गं वा ठवियं, एग-दु-तिसव्वपादविरहियं वा ठवियं, तत्थ वीसत्तो निविट्ठो पडेज्ज वा । निट्ठोसे तब्भावणा वा से होज्जा । पडमाणो वा अवाउडो भवति । तत्थ उड्डाहो “समणो पडिउ” ति । पवंचणट्ठा दुद्धितादि कयं आसणं तो अहियतरा उड्डाहपवंचणा दोसा भवति ॥ वज्जमाणे वा । इमे संजम दोसा -

[भा. ४०२३] गंभीरे तसपाणा, पुव्वं ठविते ठविज्जमाणे वा ।  
पच्छाकम्मे य तहा, उप्फोसण धोवणादीणि ॥

चू- गंभीरं गुविलं अप्रकाशं, तत्थ दुन्निरिक्खा कुंथुमादितसा पाणा ते विराहज्जति । एवं पुव्वट्ठविते समणट्ठा ठविज्जमाणे वा इमो दिट्ठतो एगस्स रत्तो पुरतो साहुस्स तच्चत्रियस्स वादो । साहू भणति - अरहंतपणीओ मग्गो सुदिट्ठो । इतरो-बुद्धपणीओ ति । एवं तेसिं बहुदिवसा गता । अन्नया रन्नो जाव ते नागच्छंति ताव दो आसना ठवित्ता अंडयाणि वत्थपच्छादियाणि कयाणि । तच्चत्रितो पुव्विं आगतो अपेहिता निविट्ठो । साहू आगतो वत्थं अवणीतं । दिट्ठा अंडता । अन्नासणे पमज्जित्ता निविट्ठो । तुट्ठो राया - एस सम्मग्गो ति । ओहावितो तच्चत्रिओ ति । “एते” न निल्लेवेंति, चउत्थरसेण वा निल्लेवेंति” । एवं उप्फोसणादि पच्छाकम्मं करेज्ज ॥

- इमम्मि कारणे अधिट्ठेज्ज-

[भा. ४०२४] बितियपदमणप्पज्जे, अहिट्ठे अविकोविते व अप्पज्जे ।  
रातिट्ठिमंतधम्मकहिवादि पराभियोगे य ॥

चू- राया अन्नो वा अमच्चादि इट्ठिमंतो धम्मकही वादी वा रायाभियोगादिणा वा अधिट्ठेज्ज ॥  
इमा जयणा-

[भा. ४०२५] पीढफलएसु पुव्वं, तेसऽसतीए उ झुसिरपरिभुत्ते ।  
पागइतेसु पमज्जिय, भावे पुण इस्सरे नातुं ॥

चू- पीढादि अज्झुसिरे पुव्वं अधिट्ठेति, अज्झुसिराण असती झुसिरे अधिट्ठेति, झुसिरा वि जे गिहीहि तक्खण पुव्वपरिभुत्ता तत्थ निसंतो पागडिएसु पमज्जिय निवसति, तत्थ गिहिवत्थं अवनेउ अप्पणो निसिज्ज दाते अधिट्ठेति, रायादिइस्सराण घरे जति पमज्जिते तुस्सति तो पमज्जति, अथ “कुक्कुडं” ति मत्तति, तो न पमज्जति । एवं भावाभावं नाउं पमज्जति, न वा ॥

मू. (७५३) जे भिक्खू निग्गंधीए संघाडिं अन्नउत्थिएण वा गारत्थिएण वा सिव्वावेइ,  
सिव्वावेतं वा सातिज्जति ॥

चू- अत्रतित्थिएण गिहत्थेण सिव्वावेति तस्स चउलहुं, आणादिणो य दोसा-

[भा. ४०२६] संघाडिओ चउरो, तिपमाणा ता पुणो भवे दुविहा ।  
एगमनेगक्खंडी, अहिगारो अनेगखंडीए ॥

चू- प्रायेण संघातिज्जंति ति संघाडी, गुणसंघायकारणी वा सघाडी, देसीभासातो वा पाउरणे संघाडी । ततो संखापमाणेण चउरो । पमाणपमाणेण तिपमाणा । एगा दुहत्थदीहा दुहत्थवित्थारा सा उवस्सए अच्छमाणीए भवति । दो तिहत्थदीहा तिहत्थवित्थारा । तत्थेगा भिक्खायरियाए, बितियं वीयारंगच्छती पाउणति । चउत्था चउहत्थदीहा चउहत्थवित्थारा । एया सव्वा वि पासगलद्धा ॥

पुणो एक्केका दुविहा । पच्छद्धं कंठं ॥

[भा.४०२७] तं जे उ संजतीणं, गिहिणा अहवा वि अन्नतिथीणं ।

सिच्चावेति भिक्खू, सो पावति आणमादीणि ॥

चू- तं संजतिसंतियं संघार्डिं जो आयरितो गिहत्थेण अन्नतिथिएण वा सिच्चावेति तस्स आणादिणो दोसा ॥ सिच्चावेतस्स इमे दोसा-

[भा.४०२८] कुञ्जा वा अभियोगं, परेण पुट्टे व सिट्ठे उड्डाहो ।

हीनऽहियं वा कुञ्जा, छप्पतिणा संहरिञ्जा वा ॥

चू- सो गिही अन्नतिथी वा तत्थ वसीकरणप्पयोगं करेज्ज । अन्नेण वा पुट्टो कस्स संतियं वत्थं ? सो कहिज्ज - संजतिसंतियं । ताहे तस्स संका भवति, उड्डाहं वा करेज्ज - नूनं को वि संबंधो अत्थि तेन एसो सिच्चेति । पमाणेण हीनमहियं वा करेज्ज । छप्पदातो छट्टेज्ज मारेज्ज वा । तं संघार्डिं हरेज्जा । सिच्चंतो वा विद्धो, तत्थ परितावणादिनिष्फन्नं । उप्फोसणादि वा पच्छाकम्मं कुञ्जा ॥

जम्हा एते दोसा तम्हा इमो विही-

[भा.४०२९] छिन्नं परिकम्मितं खलु, अगुज्झउवहिं तु गणहरो देति ।

गुज्झोवहिं तु गणिणी, सिच्चेति जहारिहं मिलितुं ॥

चू- जं अतिप्पमाणं तं छिंदति, उक्कुतिमादिणा परिकम्मियं, अगुज्झोवहिं तिन्नि कप्पा, चउरो संघाडीतो, पातं पायनिज्जोगो य, एवं गणहरो परि कम्मियं देति । सेसो गुज्झोवही, तं गणिणी सरीरपमाणं मिलितुं सिच्चेति ॥ कारणे गिहीअन्नतिथीण वा सिच्चावेति-

[भा.४०३०] वित्तियपदमनिउणे वा, निउणे वा होज्ज केणती असहू ।

गणि गणधर गच्छे वा, परकरणं कप्पती ताहे ॥

चू- गणी उवज्झातो, गणहरो आयरितो, अन्नो वा गच्छे बुद्धो तरुणो वा बुद्धसीलो ते सिच्चेज्जा । अह ते असहू होज्जा गच्छे वा नत्थि कुसलो ताहे गिहिअन्नतिथीणा वा सिच्चावेति ॥

तत्थ इमो कप्पो-

[भा.४०३१] पच्छाकडसाभिग्गह, निरभिग्गह भद्दए य अस्सन्नी ।

गिहि अन्नतिथिएण व, गिहिपुब्बं एतरे पच्छा ॥

चू- सिच्चावणे इमो विही-

[भा.४०३२] अहभावमागतेणं, असती सट्टाणे गंतु सिच्चावे ।

पासट्टिय अब्बखित्तो, तो दोसेवं न जायंति ॥

चू- सो गिहत्थो अन्नतिथीओ वा साहुसमीवं अहप्पव्वित्तीए आगतो सिच्चाविज्जति । जदि अब्भासागतो न लब्भति तो तस्स जं ठाणं तत्थ गंतुं सिच्चाविज्जति । जयणाए छप्पदातो पुब्बं अन्नत्थ संकामिज्जति । तस्स समीवे ठितो निवन्नो वा ताव चिट्ठति जाव सिच्चियं । एवं पुव्वुत्ता दोसा न भवंति ॥

मू. (७५४) जे भिक्खू पुढविकायस्स वा आउक्कायस्स वा अगनिकायस्स वा वाउकायस्स वा वणफ्तिकायस्स वा कलमायमवि समारभइ, समारभंतं वा सातिज्जति ॥

चू- “कलमाय”त्ति स्तोत्रप्रमाणं । अहवा “कलो”त्ति चणओ, तप्पमाणमेत्तं पि जो विराहेति

तस्स चउलहुं आणादिया य दोसा एवं कढिणाउक्काए तेऊवाऊपत्तेयवणस्सतिसु । दवे पुण आउक्काए बिंदूमित्तं । वाउक्काते कलमेत्तं कहं ? भन्नति - बत्थिपूरणे लब्धति ।

[भा. ४०३३] जे भिक्खू पुढविकायं, कलायधन्नप्पमाणमेत्तमवि ।

आऊ तेऊ वाऊ, पत्तेयं वा विराहेज्जा ॥

चू- “कलायधन्न” ति चणगधन्नं । सेसं कंठं ॥ जो एते काए विराधेति-

[भा. ४०३४] सो आणा अणवत्थं, मिच्छत्त-विराधनं तहा दुविहं ।

पावति जम्हा तेणं, एते उ पदे विवज्जेज्जा ॥

चू- पुढवादि विराहेतस्स संजमविराधना । “आहारे” ति पंडुरोगादिसंभवे आयविराधना, सेसं कंठं ॥ सीसो पुच्छति- “कलमेत्तहीणतरे विराधेति, किं चतुलहू न भवति आणादिया य दोसा ?” गुरू भणति-

[भा. ४०३५] कलमेत्त नवरि नेम्मं, एक्कम्मि वि घातियम्मि चउलहुगा ।

कलमेत्तं पुण जायइ, वणवज्जाणं असंखेहिं ॥

चू- निभमेत्तं नेमं प्रदर्शनमित्यर्थः । वणस्सइकायमेत्तं वज्जित्ता सेसेगेदियकायाणं असंखेज्जाणं जीवसरीराणं समुदयसमितिसमागमेणं कलमेत्तं लब्धति ॥ इमं वणस्सतिकेए सरीरप्पमाणं-

[भा. ४०३६] एगस्स अनेगाण व, कलाउ हीनाहिणं पि तु तरुणं ।

जा आमलगा लहुगा, दुगुणा दुगुणा ततो वुट्ठी ॥

चू- एगस्स पत्तेयवणस्सतिकायस्स असंखेज्जाण वा कलधन्नप्पमाणमेत्तं सरीरं भवति । कलमेत्ताओ हीणं अहियं वा विराहेतस्स जाव अद्दामलगमेत्तं ताव चउलहुं, अओ परं दुगुणवुट्ठीए जाव अट्टवीसाहिते सते चरिमं । अनंते चउगुरुगादि नेयव्वं ॥ कारणे विराहेज्ज-

[भा. ४०३७] बितियं पढमे बितिए, पंचमे अद्धाणकज्जमादीसु ।

गेलन्नाती तइए, चउत्थकाए य सेहादी ॥

चू- बितियं अववादपदं । पढमेत्ति पुढविकाए, बितिए वि आउक्काए, पंचमित्ति वणस्सतिकेए, एएसु तिसु काएसु, अद्धाणकज्जमादिया जे पढवन्निया कारणा ते इह दट्टव्वा । तइए त्ति तेउक्काइए जे दीहगिलाणादी कारणा भणिया । चउत्थे त्ति वाउक्काइए जे सेहादिय कारणा भणिया ते इह दट्टव्वा ॥

मू. (७५५) जे भिक्खू सच्चित्तरुक्खं दुरुहइ, दुरुहंतं वा सात्तिज्जति ॥

चू- आरुहंतस्स चउलहुं । आणादिणो य दोसा । कंठा ।

[भा. ४०३८] जे भिक्खू सच्चित्तं, रुक्खं आउट्टियाए दुरुहेज्जा ।

सो आणा अणवत्थं, मिच्छत्त-विराधनं पावे ॥

चू- तेय सच्चित्तरुक्खा तिविहा इमे-

[भा. ४०३९] संखेज्जजीविता खलु, असंखजीवा अनंतजीवा य ।

तिविहा हवंति रुक्खा, सुत्तं पुण दोसु आणादी ॥

चू- संखेज्जजीवा तालादी, असंखेज्जजीवा अंबादी, अनंतजीवा थोहरादी । संखेज्जासंखेजेसु दोसु सुत्तनिवातो, अनंतेसु चउगुरुगा ॥ आरुहंतस्स-

[भा.४०४०] खेवे खेवे लहुगा, मिच्छत्तं पवडणे अहिकए ।

परितावणादि आया, सविसेसतरा परिग्गहिते ॥

चू- “खेवे”त्ति, आरुहंतस्स उवरुवरिं हत्थालंबणे सेवा जत्तिया खेवा तत्तिया चउलहु, अनंते चउगुरुं । तं दहुं कोइ मिच्छत्तं गच्छे । तच्चिराधने संजमविराधना । आयाए पडेज्ज वा । पडितस्स हत्थादिविराधना, एत्थ गिलाणारोवणा, पडंतो वा अधिकाए विराहेज्ज । देवमनुयपरिग्गहिते एते चेव सविसेसतरा दोसा, खेत्तादिबंधणादिया इत्यर्थः ॥ कारणे दुरुहेज्ज-

[भा.४०४१] बितियपदमणप्पज्जे, गेलन्ऽद्धाण ओम उदए य ।

उवही सरीर तेणग, सणप्फए जहुमादीसु ॥

चू- खेत्तादिया अणप्पज्ज दुरुहेज्ज, गेलन्ने ओसधट्ठा, अद्धानोमे असंधरंता पलंबट्ठा, उदगपूरे आयक्खट्ठा, उवधिसरीरतेणगेसु रायबोधिगादिभएसु वा दुरुहिता निलुक्कंति, सीहादिसणप्फए जहुमि वा वधाय आववंते आयरक्खणट्ठा दुरुहंति । तत्थ पुव्वं अचित्ते, ततो परित्तमीसे, ततो अनंतमीसे, ततो परित्तसचित्ते, ततो अनंतसचित्ते, एवं कारणा जयणाए न दोसा ॥

मू. (७५६) जे भिक्खू गिहिमत्ते भुंजइ, भुंजंतं वा सातिज्जति ॥

चू- गिहिमतो घट्टिकरगादि । तत्थ जो असनादी भुंजति तस्स चउलहुं ।

[भा.४०४२] जे भक्खू गिहिमत्ते, तसथावरजीवदेहणिप्फन्ने ।

भुंजेज्जा असनादी, सो पावति आणमादीणि ॥

चू- सो गिहिमतो दुविहो-थावरजीवदेहनिप्फन्नो वा, तसजीवदेहनिप्फन्नो वा । सेसं कंठं ॥ ते य इमे-

[भा.४०४३] सव्वे वि लोहपादा, दंते सिंगे य पक्कभोमे य ।

एते तसनिप्फन्ना, दारुगंतुं बाइया इतरे ॥

चू- सुवन्न-रयत-तंब-कंसादिया सव्वे लोहपादा, हत्थिदंतमया, महिसादिसिंगे वा कयं, कवालियादि वा पक्कं भोमं, एतं सव्वं तसनिप्फन्नं । “इतरं” ति थावरनिप्फन्नं तं दारुयं तुंबघडियं भन्नइ, मणिमयं वा ॥ एतेहिं जो भुंजइ तस्स चउलहुं आणादिया इमे दोसा-

[भा.४०४४] पुव्विं पच्छाकम्मे, ओसक्कहिसक्कणे य छक्काया ।

आणण-णयण-पवाहण, दरभुत्ते सहरिय वोच्छेदो ॥

चू- जे भइया गिही ते पुव्वं चेव संजयट्ठा धोवेतुं ठवेज्जा, पंतो पच्छाकम्मं करेति, जाव संजयाणं न भोयणवेला ताव भुंजामो त्ति ओसक्कणा, भुत्तेसु संजएसु भुंजिहामो त्ति अहिसक्कणा । संजता एत्थ भुत्ते त्ति पुणो निम्मज्जणा, निमज्जमोवट्ठणायमणेसु छक्कायविराधना । आनिज्जंतं निज्जंतं वा भजेज्ज । अवहंतं अन्नं पवहावेज्ज । साधूण वा दरभुत्ते मग्गति तत्थ अदंतस्स अंतरायदोसा, दंतस्स सकज्जहाणी, साधूहिं वा आमिते हीरेज्ज । एत्थ जा तणफलएसु अवहडेसु विराधना वुत्ता सा इह गिहिमत्ते भाणियव्वा । सकज्जहाणीए रुट्ठो भणेज्ज - मा पुणो संजयामं देह त्ति वोच्छेदो ॥

जम्हा एए दोसा गिहिमत्ते न भंजियव्वं । कारणे भुंजति-

[भा.४०४५] बितियपदं गेलन्ने, असती य अभाविते व खेत्तम्मि ।

असिवादी परलिंगे, परिक्खणट्ठा व जतणाए ॥

चू- वेज्जडा गिलाणडा वा गिहिमत्ता घेप्पंति, भायणस्स वा असती, राया दिक्खित्तो अभावियस्सडा वा, सगच्छे वा उवग्गहडा, असिवे वा सपक्खपंताए परलिंगकरणे घेप्पति, सेहो सदहति न व त्ति तप्परिक्खणडा घेप्पति । “जयणाए”त्ति जहा पुब्बभणिया पच्छकम्मादिया दोसा न भवंति तहा घेप्पंति ॥

मू. (७५७) जे भिक्खू गिहिवत्थं परिहेइ, परिहेतं वा सातिज्जति ॥

चू- गिहिवत्थं पडिहारियं भुजतस्स चउलहुं, आणादिया य दोसा ।

[भा. ४०४६] गिहिमतो जो उ गमो, नियमा सो चेव होति गिहिवत्थे ।

नायव्वो तु मतिमया, पुब्बे अवरम्मि य पदम्मि ॥

चू- इमे विसेसदोसा-

[भा. ४०४७] कोट्टिय छिन्ने उद्विद्धमइलिते अंकिते व अचियत्तं ।

दुग्गंध-जूय-तावण, उप्फोसण-धाव-धूवणता ॥

चू- मूसगेण कुट्टितं पमाणान्तिरित्तं छिन्ने दोसा, अच्छिन्ने सकज्जहाणी, घयतेल्लादिणा वा अंकियं । एमाइएहिं कारणेहिं अचियत्तं भवति । साधूणं अण्हाणपरिमलेण वा दुग्गंधं जुगुंछति । “जूय”त्ति छप्पया भवंति, छडेति वा । ताव त्ति अग्नि उण्हे वा तावेंति । संजतेहिं परिभुत्तं उप्फोसति धोवति वा, दुग्गंधं वा घूवेति ॥

मू. (७५८) जे भिक्खू गिहिनिसेज्जं वाहेइ, वाहेतं वा सातिज्जति ॥

चू- गिहिणिसेज्जा पलियंकादी, तत्थ निसीदंतस्स चउलहुं, आणादिया य दोसा ।

[भा. ४०४८] गोयरमगोयरे वा, जे भिक्खू निसेवए गिहिणिसेज्जं ।

आयारकहा दोसा, अववायस्साववातो य ॥

चू- भिक्खायरियागतो आगतो वा धम्मत्थकामा आयारकहा तत्थ जे दोसा भणिया ते गिहिणिसेज्जं वाहेतस्स इह वत्तव्वा । अस्थाने अपवादापवादश्च कृतो भवति ॥ किं चान्यत्-

[भा. ४०४९] बंभस्स होतऽगुत्ती, पाणाणं पि य वहो भवे अवहे ।

चरगादीपडिघातो, गिहीण अचियत्तसंकादी ॥

[भा. ४०५०] खरए खरिया सुण्हा, नडे वट्टक्खुरे य संकेज्जा ।

खणणे अग्निक्काए, दार वती संकणा हरिते ॥

चू- गिहिणिसेज्जं वाहेतस्स बंभचेरअगुत्ती भवति, अवहे पाणिणं वधो, उदाहरणं - धम्मत्थकामाए चरगादिभिक्खागयाणं साधुसमीवसन्निविद्धा कहमुट्टेमि त्ति पडिसेहं करेति, किमेस संजतो निविट्ठो चिड्ढति त्ति अचियत्तं, मेहुणासंका भवति, दुवक्खरगादीसु य नडेसु स संजतो संकिज्जति । केत्ते वा खए (खणणे), अग्निणा वा दहे, दारेण वा हरिते, वतीं वा छेत्तुं हरिते, साधू संकिज्जति । जम्हा एते दोसा तम्हा नो गिहिणिसेज्जं वाहेइ ॥ इमेसिं पुण अणुन्ना-

[भा. ४०५१] उच्छुद्धसरीरे वा, दुब्बलतवसोसिओ व जो होज्जा ।

थेरे जुन्महल्ले, वीसंभण वेस हतसंके ॥

चू- बाउसत्तं अकरेंतो मलपंकियसरीरो “उच्छुद्धसरीरो” भन्नति, रोगपीडिओ दुब्बलसरीरो तवसोसिय सरीरो वा, जो थेर त्ति सड्ढिवरिसे विसेसेणं जुन्नसरीरे । “महल्ले” त्ति सब्वेसिं बुट्टतरो



संविग्गवेसधारी विसंभणवेसो चेव हतसंको । अहवा - तत्थ निसन्नो न संकिञ्जति जो केणइ दोसेण सो हतसंको ॥

[भा.४०५२] अहवा ओसहहेउं, संखडि संघाडए वा वासासु ।  
वाघायम्मि उ रत्था, जयणाए कप्पती ठातुं ॥

चू- “अहव”ति - अववादकारणभेदप्रदर्शने । ओसधहेतुं दातारं घरे असहीणं पडिच्छति, संखडीए वा वेलं पडिक्खंति, भरियं भायणं जाव मुंचित्तुं एते ताव संघाडओ पडिच्छति वासे वा पडंतं अच्छति, वधुवरादिउव्वहणेण वा रच्छाए वाघातो, जहा पुव्वुत्ता दोसा न भवंति तथा जयणाए अच्छिउं कप्पति ॥

[भा.४०५३] एएहिं कारणेहिं, अणुन्नवेऊण विरहिते देसे ।  
अच्छंतऽववातेणं, अववादववाततो चेव ॥

चू- बीएसु पंडगाइविराहिते देसे गिहिवतिं सामिं अणुन्नवेउं अच्छंतऽववाएण उब्भा ठिया। अतवादे पुण अन्नो अववाओ अववायाववादो भन्नति, तेन अववादाववादेण निसीदंतीत्यर्थः ।

मू. (७५९) जे भिक्खू गिहितेइच्छं करेइ, करंतं वा सातिञ्जति ॥

चू- इमो सुत्तफासो-

[भा.४०५४] जे भिक्खू तेगिच्छं, कुञ्जा गिहि अहव अन्नतित्थीणं ।  
सुहुमतिगिच्छा मासो, सेसतिगिच्छाए लहु आणा ॥

चू- तिगिच्छा नाम रोगप्रतिकारः, वमन-विरेचन-अभ्यंगपानादिभि तं जो गिहीण अधवा - अन्नतित्थियाणं करेति तस्स सुहुमतिगिच्छाए मासलहुं, बायराए चउलहुं, आणादिया य दोसा । सुहुमतिगिच्छा नाम नाहं वेज्जो अट्टापदं देति । अहवा - भणाति मम एरिसो रोगो अमुगेण पन्नत्तो ॥ बादरतिगिच्छा चतुप्पया-

[भा.४०५५] विरए य अविरए वा, विरताविरते य तिविहतेगिच्छं ।  
जं जं जुंजति जोगं, तट्टाणपसंघणं कुणती ॥

चू- पासत्थादिया विरया, अविरओ सट्टो, मिच्छादिट्ठी वा अविरतो, गहीयाणुव्वतो विरताविरतो, तिविहतिगिच्छा अट्टापदं देति, अप्पणो वा किरितं कहेति, चतुप्पादं वा तेगिच्छं करेइ । गिलाणो आनिञ्जंतो निञ्जंतो जं विराधेति तन्निप्फन्नं पावति । किरियाकरणकाले वा जं कंदमूला दिवहेति, पच्छाभोयणकरणे वा । अहवा - स रोगविमुक्को किसिकणादि कज्जं जं जोगं करेति स तेन तिगिच्छिणा तम्मि जोगट्टाणे संधितो भवति । अहवा - स रोगी जं जोगकरी पुव्वं आसी से रोगकाले अव्वावारो तम्मि अच्छति रोगविमुक्को पुण तट्टाणसंघणं करेति, व्याघ्रायस्सिंडवत्, सामथ्याद् बहुसत्वोपरोधी भवति, इत्यतो चिकित्सा न करणीया ॥ बितियपदे करेज्जा वा-

[भा.४०५६] असिवे ओमोयरिए, रायदुट्टे भए व गेलत्रे ।  
अट्टाणरोहए वा, जयणाए कप्पती कातुं ॥

चू- गच्छे असिवादिकारणसमुप्पन्नपओयणा जयणाए करिंता सुद्धा ॥ इमा जयणा-

[भा.४०५७] पासत्थमादियाणं, पुव्वं देसे ततो अविरते य ।  
सुहुमाति विञ्जमंतं, पुरिसित्थि अचित्तसच्चित्ते ॥

चू-जाहे पणगपरिहाणीए चउलहुं पतो ताहे पासत्येसु पुव्वं विज्जमंते सुहुमाए करेति, पच्छा अचित्तदव्वेहिं, पच्छा सचित्तेहि, तं पि पुव्वं पुरिसेसु, पच्छा इत्थियासु पच्छा इत्थियासु, तओ नपुंसेसु । “देस” ति पच्छा देसविरतेसु एवं चेव, ततो अविरते, अप्पबहुचिंताए वा अत्थो उवउज्ज वत्तव्वो ॥

मू. (७६०) जे भिक्खू पुरकम्मकडेण हत्येण वा मत्तेण वा दव्विएण वा भायणेण वा असनं वा पानं वा खाइमं वा साइमं वा पडिग्गाहेइ, पडिग्गाहेतं वा सातिज्जति ॥

चू-इमो सुत्तत्थो-

[भा. ४०५८] हत्येण व मत्तेण व, पुरकम्मकएण गेण्हती जो उ ।

आहारउवधिमादी, सो पावति आणमादीणि ॥

चू-पुरस्तात् कर्म पुरेकर्म, पुरे कम्मकएणं हत्येण मत्तेण य चउभंगो । हस्तेन मात्रकेण । हस्तेन, न मात्रकेण । न हस्तेन, मात्रकेण । न हस्तेन, न मात्रकेण । पढमभंगे दो चतुलहुया बितियततिएसु एक्केक्के चतुलहुं, चरिमो सुद्धो । उदउल्ले तिसु वि भंगेसु मासलहुया, ससनित्थेसु तिसु भंगेसु पंचरातिंदिया ॥ इमो सुत्ताफासो-

[भा. ४०५९] पुरकम्ममि य पुच्छ, किं कस्सारोवणा य परिहरणा ।

एएसि चउण्हं पी, पत्तेयपरूवणं वोच्छं ॥

चू-किमिति परिप्रश्ने । किं पुरेकम्मं ? कस्स वा भवति ? का वा पुरेकम्मे आरोवणा ? कहं वा पुरेकम्मं परिहरिज्जति ? ॥ चोदकाह-

[भा. ४०६०] जति जं पुरतो कीरति, एवं उत्थाण-गमणमादीणि ।

होति पुरेकम्मं ते, एमेव य पुव्वकम्मे वि ॥

चू-साधुस्स भिक्खत्थिणो घरंगणमागतस्स जति जं पुरतो कीरति तं पुरेकम्मं । एवं दातारस्स जाओ उट्ठाण-गमण-कंडणादियाओ किरियाओ सव्वाओ पुरेकम्मं पावति । अह पुव्वं कम्मं एवं समासो कज्जति, इहाप्येवमित्यर्थः ॥ किं चान्यत् ? चोदक एवाह-

[भा. ४०६१] एवं फासुमफासं, न जुज्जते न वि य कायसोही ते ।

हंदि हु बहूणि पुरतो, कीरंति कताणि पुव्वं च ॥

चू-दुधावि पच्चक्खपरोक्खसमासकरणे एसनमनेसनीयं न ज्जति, कर्मण अनेकार्थसंभवात्, अनज्जमाणे य सोही न भवति । हंदीत्येवं, हु गुर्वामंत्रणे, एवं हे गुरू । बहुणि पुरतो कीरंति बहूणि य पुव्वं दायगेण कयाणि सव्वाणि तैदाणि पुरेकम्मं पावंति ॥ आचार्याह-

[भा. ४०६२] कामं खलु पुरसद्दो, पच्चक्खपरक्खतो भवे दुविहो ।

तह वि य न पुरेकम्मं, पुरकम्मं चोयग ! इमं तु ॥

चू-चोदक ! अभिप्रेतार्थानुमते कामशब्दः, पादपूरणे खलु एवशब्दे वा । पच्चक्खपरोक्खकया दायगेण गमणादिया पुरेकम्मं न भवति ॥ इमं भवति-

[भा. ४०६३] हत्थं वा मत्तं वा, पुव्वं सीओदएण जो धोवे ।

समणइयाए दाता, तं पुरकम्मं वियाणाहि ॥

चू-सीतोदगं सचित्तं, तेन जो दायगो हत्यमत्ते धोवति समणइया एयं पुरेकम्मं ॥ “किं” ति

गयं । इदानि “कस्स”ति दारं-

[भा.४०६४] कस्स ति पुरेकम्मं, जतिणो तं पुण पहू सयं कुञ्जा ।  
अहवा पहुसंदिट्ठो, सो पुण सुहि पेम बंधू वा ॥

चू- कस्स ति पुरेकम्मं ? पुच्छा, उत्तरं तप्परिहारिणो साधोरित्यर्थः । तं पुरेकम्मं पभू वा पभुसंदिट्ठो वा कोञ्ज । गिहसामी पभू तस्संदिट्ठो ति विहो - सुही मित्तो, पेस्सो दासमादी, बंधू माया-भगिनिमातिओ । कहां पुरेकम्मस्स संभवो ? भन्नति - संखडीए पंतिपरिवेसणे निउत्तो कोइ हत्थं मत्तं वा धुविउं देञ्जा, अन्नत्थ व असुइहत्थो धुविउं देञ्जा ॥ अहवा -

[भा.४०६५] अच्चुसिण चिक्कणे वा, करे धुविउं पुणो पुणो देति ।  
आयमिऊण य पुव्वं, देञ्ज जतीणं पढमताते ॥

चू- परिवेसंतस्स जति अच्चुसिणो कूरो चिक्कणो हत्थे लग्गति ति ताहे अन्नो पासड्डित्तो कुंडगादिसु पानियं धरेति, तत्थ से दाया पुणो पुणो हत्थे उदउल्लेतुं दलयति । अधवा - यदि उवउल्लेतुं पढमं साधूणं दलयति तो पुरेकम्मं भवति । भद्दबाहुकया गाहा । अड्ढविधभंगेसु विसुद्धभंगगहणं इमं-

[भा.४०६६] दमए पमाणपुरिसे, जाए पंतीए ताए मोत्तूणं ।  
सो पुरिसो तं वऽन्नं, तं दव्वं अन्न-अन्नं वा ॥

चू- “दमए”ति कम्मकरगहणं । “पमाणपुरिसो” ति देयदवव-सामिग्गहणं । दाता दमगो सामी वा जाए पंतीए निउत्तो तं पंतिं मोत्तुं जदि तो पुरेकम्मकतेण हत्थेण तं वा दव्वं अन्नं वा दव्वं दलयति । जति परिणयहत्थो य तो कप्पति बियचत्थभंगेसु ति । अह अन्नो पुरिसो तं वा दव्वं अन्नं वा दव्वं दलाति, कप्पति अन्यपंक्तीत्यनुवर्तते षष्ठाष्टमभंगग्रहणं वा विकल्पः षष्ठाष्टममध्यगतश्च सप्तमभंगो कल्पत एव ॥

प्रथम-तृतीय-पंचमभंगेषु अभंगे वा भद्रबाहुकृतगाथया ग्रहणं निर्दिश्यते-

[भा.४०६७] दाऊण अन्नदव्वं, कोई देञ्जा पुणो वि तं चेव ।  
अत्तड्डिय-संकामित, गहणं गीयत्थसंविग्गे ॥

चू- अनेसणाकयं दव्वं मोत्तूण दव्वस्स अन्नं दाउं तं चेव अनेसणाकतं दव्वं पुणो देञ्जा, एवं छिन्नवावारे कप्पति । अधवा - त अनेसणाकतं दाता सयं अहिडेइ । अहवा - तं अणेसणाकयं दाता अन्नस्स देञ्जा, सो जति देञ्जा एवं संकमियं कप्पति । तं अनेसणाकतं दव्वं एतेण विकप्पेण गीयत्थस्स कप्पति, नो अगीयत्थस्स । जम्हा तं गीयत्थे गिण्हंतो वि संविग्गो भवति ॥

एसेवऽत्थो सिद्धसेनखमासमणेण फुडतरो भन्नति-

[भा.४०६८] सो तं ताए अन्नाए, बितिए उ अन्नती य दो वऽन्ने ।  
एमेव य अन्नेण वि, भंगा खलु होंति चत्तारि ॥

चू- सो पुरिसो तं दव्वं ताए पंतीए पढमो भंगो । अन्नपंतीए ति बितिओ भंगो । एवं अड्ढभंगी कायव्वा ॥ इमो गहण विकप्पो-

[भा.४०६९] कप्पति समेसु तह सत्तमम्मि ततियम्मि छिन्नवावारे ।  
अत्तड्डियम्मि दोसू, सब्बत्थ य भएसु करमत्ते ॥

चू- करमत्तेसु भयणा, जति ससणिद्धादी न भवति ततः ग्रहणं ॥

“गीतथसंविग्गो” ति अस्य व्याख्या-

[भा. ४०७०] गीयथ्यग्गहणेणं, अत्तद्धितमादी गिण्हती गीयो ।  
संविग्गग्गहणेणं, तं गिण्हंतो वि संविग्गो ॥

चू- अत्तद्धियं आगमप्रमाणतो गेण्हति, न तस्स विप्परिणामो भवति - संविग्ग एवेत्यर्थः ॥  
इमेण पुण विकप्पेण पुरतो वि कयं तं पुरेकम्मं न भवति-

[भा. ४०७१] परतो वि हु जं धोयं, अत्तद्वाए न तं पुरेकम्मं ।  
तं पुण उल्लं ससिणिद्धं च सुक्खे तहिं गहणं ॥

चू- अप्पणद्वा जदि हत्थे पक्खालेति तो उदउल्लं वा ससिणिद्धं वा भन्नति, तत्थ परिणते  
अणत्तद्धिए वि गहमं भवति ॥ पुरेकम्मउदउल्लेसु इमो विसेसो-

[भा. ४०७२] तुल्ले वि समारंभे, गहणं सुक्खेक्क एक्कपडिसेहो ।  
अन्नत्थ वूढ ताविय, अत्तद्धे होति खिप्पं पि ॥

चू- आउक्कायसमारंभे तुल्ले सिओदउल्ले सुक्के अणत्तद्धिए वि गहणं, पुरेकम्मे पुण सुक्के वि नो  
गहणं चिरेण वि । इमेणं पुण विहाणेणं खिप्पं पि गहणं, तक्कादिखूढे लंबणे अगनिताविते वा  
अत्तद्धिए वा ग्रहणमित्यर्थः ॥ “कस्स” ति दारं गयं । “इदानिं” आरोवण” ति दारं-

[भा. ४०७३] चाउम्मासुक्कोसे, मासिपमज्जे य पंच य जहन्ने ।  
पुरकम्मे उदउल्ले, ससिणिद्धारोवणा भणिया ॥

चू- उदगसमारंभे पुरेकम्म उक्कोसं । उदउल्लं मज्झिमं । ससिणिद्धं जहन्नं । एतेसु कमसो  
आरोवणा चउल्लहुं मासलहुं पणगं च ॥ “आरोवण” ति गतं । इदानिं “परिहरण” ति-

[भा. ४०७४] परिहरण वि य दुविहा, अविधि-विधीते य होइ नायव्वा ।  
पढमिल्लुगस्स सव्वं, बितियस्स य तम्मि गच्छम्मि ॥

[भा. ४०७५] ततियस्स जावजीवं, चउत्थस्स य तं न कप्पती दव्वं ।  
तद्धिवस एगगहणे, नियद्दगहणे य सत्तमए ॥

चू- पढमगाधाए पुव्वद्धं कंठं । सेसे दिवद्दगाधाए सत्त चोदगा आयरियदेसगा । तेसिं इमं  
वक्खाणं-

भ. (४०७६) पढमो जावजीवं, सव्वेसिं संजयाण सव्वाइं ।  
दव्वाणि निवारती, बितिओ पुण तम्मि गच्छम्मि ॥

चू- पढमचोदगाह- जत्थ धरे कम्मं कतं तत्थ जाव सो पुरेकम्मकारी जस्स य तं कयं पुरे कम्म  
ते जावजीवं ति ताव सगच्छपरगच्छयाणं सव्वसाधूणं सव्वदव्वा न कप्पति घेत्तुं । बितियचोदगो  
पढमं भणति - जं परगच्छयाणं नि पारेसि तं अजुत्तं, सगच्छयाणं चैव सव्वेसिं तत्थ धरे सव्वदव्वा  
जावजीवं न कप्पति ॥

[भा. ४०७७] ततिओ जावजीवं, तस्सेवेगस्स सव्वदव्वाइं ।  
वारेइ चउत्थो पुण, तस्सेवेगस्स तं दव्वं ॥

चू- तृतीयचोदको बितियं भणाति - जं सगच्छे सव्वेसिं निवारसि तं अजुत्तं, जस्स पुरेकम्मं

कतं तस्स वेगस्स जावज्जीवं सव्वदव्वा न कप्पंति । चउत्थचोदगो तइयचोदगं भणति - जं तत्थ सव्वदव्वे वारेसि तं अजुत्तं, तं चेवेगदव्वं तस्सेवेगस्स जावज्जीवं मा कप्पतु ॥

[भा.४०७८] सव्वाणि पंचमो तद्धिणं तु तस्सेव छट्ठो तं दव्वं ।  
सत्तमतो नियत्तंतो, तं गेण्हइ परिणतकरम्मि ॥

घू- पंचमो चउत्थं भणाति- तस्सेवेगस्स जावज्जीवं दव्वनिवारणमजुत्तं, तस्सेवेगदिनं तस्सेवेगस्स तत्थ घर सव्वदव्वा मा घेप्पंतु । छट्ठचोदगो पंचमं भणाति- तस्स दिनमजुत्तं सव्वदव्वनिवारणं, तमेवेगं दव्वं तस्स तद्धिनं तत्थ घरे मा कप्पतु । सत्तम चोदगाह- सर्वभिदमयुक्तं । जदा हत्थे परिणओ आउक्काओ तदा सन्नियडंतो तत्थ घरे सो चेव साधू सव्वदव्वे गेण्हउ, न दोसो ॥

आचार्य आह-

[भा.४०७९] एगस्स पेरेकम्मं, पत्तं सव्वे वि तत्थ वारेंति ।  
दव्वस्स य दुल्लभता, परिचत्तो गिलाणओ तेहिं ॥

[भा.४०८०] जेसिं एसुवदेसो, आयरिया तेहि तू परिच्चत्ता ।  
खमगा पाहुणगा तू, सुव्वत्तमयाणगा ते उ ॥

घू- एगस्स साधुस्स कते पुरेकम्मे जे सव्वसाधूणं तम्मि गिहे सव्वदव्वे निवारेंति तेहिं गिलाण- आयरिय-खमगा पाहुणगा बाला वुड्ढा य परिच्चत्ता, चतुगुरुं च से पच्छित्तं । कम्हा ? जम्हा तम्मि कुले गिलाणादिपायोगं लब्भति, नान्यत्र । किं च अन्यप्ररूपणा चैषा- चोदगाह - “कहं वा सव्वेहिं नायं जहा एत्थ पुरेकम्मं कतं ? ” आचार्याह-

[भा.४०८१] अद्धाणनिग्गयादी, उब्भामग खमग अक्खरे रिक्खा ।  
मग्गण कहण परंपर, सुव्वत्तमयाणगा ते वि ॥

[भा.४०८२] उब्भामगऽनुब्भामग, सगच्छपरगच्छजाणणट्ठाए ।  
अच्छति तहियं खमतो, तस्सऽसती स एव संघाडो ॥

घू- जे अद्धाणनिग्गया उब्भामगा य अप्फचिया भिक्खं अडंति । सगच्छपरगच्छयाण य कहणट्ठा खमगो तत्थ निसन्नो अच्छति “एत्थ पुरेकम्मं कतं” ति । खमगासति पारणगदिणे वा जस्स पुरेकम्मं कतं स एव साधुसंघाडो एगो वा तत्थ अच्छति ॥

[भा.४०८३] जदि एगस्स उ दोसा, अक्खर न तु तानि सव्वतो रिक्खा ।  
जति फुसण संकदोसा, हिंडंता चेव साहेंति ॥

घू- जदि एगस्स अच्छओ इत्थिमादिया दोसा भवंति तो कुड्ढादिसु अक्खराणि लिहंति “एत्थ पुरेकम्मं कतं” ति । अह अक्खराणि सव्वे न याणंति तो साधुजनसमयकया “रिक्ख” ति रेखा कज्जति । अह अन्नो वि रिक्खं करेति तो फुसणासंकभंगदोसा बहवे होज्ज, तो जस्स पुरेकम्मं कतं सो संघाडगो हिंडंतो चेव अत्रस्स साधूणं कथेति - “एत्थ घरे पुरेकम्मं” । ते वि अत्रेसिं । एवं परंपरेणं सव्व साधूणं कहंति । आचार्य आह- “सुव्वत्तमजाणगा जेसिं एसा परिहरणविधी” ॥

[भा.४०८४] एसा अविही भणित्ता, सत्तविहा खलु इमा विही होति ।  
तत्थादी चरिमदुगे, अत्तद्वियमादि गीतस्स ॥

घू- एस सत्तविधा अविधिपरिहरणा भणिया । सत्तविधा चेव इमा विधिपरिहरणा

उफोसणापदविरहिया ॥ एतेसिं अट्टण्ह पयाणं आइल्लेसु दोसु, चरिमेसु य दोसु, एतेसु चउसु अत्तट्टिएसु गहणं जइ सव्वे गीयत्था भवंति ।

[भा. ४०८५] एगस्स बितियगहणे, पसज्जणा तत्थ होति कप्पट्टी ।  
वारण ललितासणिओ, गंतूण य कम्म हत्थ उफोसे ॥

[भा. ४०८६] एगेण समारद्धे, अन्नो पुण जो तहिं सयं देइ ।  
जति होति अगीता तो, परिहरियव्वं पयत्तेणं ॥

चू- भिक्खट्ठा साहुस्स “घरंगणे ठियस्स” दातारेण आउक्कायसमारंभो कओ, साहुणा पडिसिद्धो । तत्थ अन्नो जइ सयं चेव दाउं अब्भुज्जओ अन्नभणिओ वा तत्थ जइ सव्वे साहवो गीयत्था तो गिण्हंति, अगीतेसु मीसेसु य परिहरंति ॥

[भा. ४०८७] समणेहि य अभणंतो, गिहिभणितो अप्पणो व छंदेणं ।  
मोत्तुमजाणगमीसे, गिण्हंती जाणगा साहू ॥

चू- “बितियगहणे” ति अस्य व्याख्या- पढमदातारेण जा पुरेकम्मकतेण हत्थेण भिक्खा गहिया तं जदा अन्नो बितिओ देइ सा किं गेज्जा अगेज्जा ? तत्थ अगीताभिप्पाओ भन्ति-

[भा. ४०८८] अम्हट्टसमारद्धे, तद्व्वन्नेण किह नु निदोसं ।  
सविसन्नाहरणेणं, मुज्झति एवं अजाणंतो ॥

चू- एत्थ अगीतो मुज्झति इमेण दिट्ठंतेण - “वइरिणो अट्टाय विसेण संजुत्तं भत्तं कयं एगेण, अन्नो जदि तं देइ तो किं न मरति ? एवं अम्हट्टा जेण उदगसमारंभो कतो तेन जा गहिया भिक्खा तं जदि अन्नो देइ किं दोसो न भवइ ? भवत्येव” । तम्हा अगीतेसु मीसेसु वा परिहरियव्वं ॥

गीतेसु इमो विधी-

[भा. ४०८९] एगेण समारद्धे, अन्नो पुण जो तहिं सयं देति ।  
जति जाणगा उ साहू, परिभुत्तं जे सुहं होति ॥

चू- गीता गिण्हंति परिभुजंति य ॥ अधवा-

[भा. ४०९०] गीयत्थेसु वि भयणा, अन्नो अन्नं व तेन मत्तेणं ।  
विप्परिणतम्मि कप्पति, ससणिद्धुदउल्लपडिसिद्धा ॥

चू- अन्नो पुरिसो अन्नं दव्वं तेन उदउल्लेण मत्तेण जदा देति तदा न कप्पति, आउक्काए परिणते अत्तट्टिए कप्पति । ससणिद्धावत्थं उदउल्लावत्थं च पडिसिद्धं - न कल्पतीत्यर्थः ॥ अह बितिएण वि पुरेकम्मं कयं, सो वि साधुणा पडिसिद्धो, ततिओ अन्नभणितो सयं वा जदि देति तत्थ वि गहणं पूर्ववत् ।

“पसज्जणा तत्थ होति कप्पट्टी” अस्य व्याख्या- अह ततिओ वि पुरेकम्मं करेज्ज, तत्थ गीएण वि न घेत्तव्वं, जम्हा एत्थ पसज्जणादोसो दीसति । को पसज्जणा दोसो ? भन्ति - “तरुणकप्पट्टीओ कंदप्पा साधुं चेलवंतीओ पुरकम्मं करेज्ज” । अस्यैवार्यस्य व्याख्या-

[भा. ४०९१] तरुणीओ पिंडियाओ, कंदप्पा जति करे पुरेकम्मं ।  
पढमबितियाण मोत्तुं, आवज्जति चउलहू सेसे ॥

चू- पढमबितिएसु पुरेकम्मे कते जदि अन्नो भणति - “पडिच्छाहि अहं ते दलयामि” तेसु

उदिक्वति । ततीयादिसु जदि उदिक्वति तो चउलहुं ॥

“वारण ललियासणओ”त्ति अस्य व्याख्या-

[भा.४०९२] पुरेकम्मम्मि कयम्मी, जति भणति मा तुमं इमा देऊ ।

संकापदं व होज्जा, ललियासणिओ व सुव्वत्तं ॥

चू-पुरेकम्मे कते साधू भणति - “मा तुमं देहि, इमा देउ ।” ताहे सा चिंतेति- “अहं विरूवा वुद्धा वा, न वा से रुच्चांमि, इमा तरुणी सुरूवा रुच्चति वा, से एवं संका भवेज्जा -अहं किं मन्ने एस एतीए सह घडिओ हवेज्ज ? अहवा भणेज्ज -तुमं फुडं ललियासणिओ इव जहाभिलसियं परिवेसियं इच्छसि ॥ “गंतूण” यत्ति अस्य व्याख्या-

[भा.४०९३] गंतूण पडिनियत्ते, सो वा अन्नो व से तहिं दति ।

अन्नस्स वि दिज्जिहिती, परिहरियव्वं पयत्तेणं ॥

चू-पुरेकम्मे कते दायगेण भिक्खा नीणिता, साधुणा पडिसिद्धा, गतो साधू । भिक्खाहत्थगतो दायगो चिंतेइ - जदा एस साहू घरपंतीओ इमाओ पडिनियत्तो एहिंति तदा से दाहामि तं भिक्खं । सो दाता अत्रो वा देति । न कप्पति । अहं तं नीणितं भिक्खं अन्नस्स साधुस्स कप्पेति ? तस्स वि न कप्पं ॥

[भा.४०९४] अन्नस्स व दाहामो, अन्नस्स वि संजयस्स न वि कप्पे ।

अत्तट्ठियचरगादीण वा वि दाहंति तो कप्पे ॥

चू-पुव्वच्छं कंठं । अहं अप्पणो अत्तट्ठेति चरगादीणं वा संकप्पेति जदि य परिणतो आउक्काओ तो घेप्पति ॥ “अन्नस्स व दाहामो” त्ति अस्य व्याख्या-

[भा.४०९५] पुरेकम्मम्मि कयम्मी, पडिसिद्धा जति भणेज्ज अन्नस्स ।

दाहंति पडिनियत्ते, तस्स व अन्नस्स व न कप्पे ॥

[भा.४०९६] भिक्खचरस्सऽन्नस्स वि, पुव्वं दाऊण जइ दए तस्स ।

सो दाता तं वेलं, परिहरियव्वो पयत्तेणं ॥

चू-साधुअट्टपुरेकम्मे कते पुव्वं भिक्खायरस्स भिक्खं दाउं पच्छ अच्छिन्नवावारो “तस्स”त्ति साधुस्स देज्जा, सो दाता तं वेलं अच्छिन्नवावारो परिहरियव्वो, न पकप्पति ॥

इदानिं “कम्मे”त्ति दारं-

[भा.४०९७] पुरेकम्मम्मि कयम्मी, जइ गेणहति जइ य तस्स तं होइ ।

एवं खु कम्मबंधो, चिद्धति लोए व बंभवहो ॥

चू-चोदग आह - पुरेकम्मकडदोसो जदि दायगस्स न भवत साधुस्स गिण्हतो भवति, तो जदा साधू न गेण्हति, तदा पुरेकम्मकतकम्मबंधो दायगगाहगेसु अणवट्ठितो वेगलो चेद्धति । एत्थ लोइय-उदाहरणं- इंदेण उडंकरिसिपत्ती रूववती दिद्धा । तीए समं अधिगमं गतो । सो तओ निग्गच्छंतो उडंकेण दिद्धो । रुट्ठेण रिसिणा तस्स सावोदित्रो, जम्हा अगमनिज्जा रिसिपत्ती अभिगया तम्हा एवं ते बंभवज्जा भवतु । तस्स बंभवज्जा उवट्ठिया, सो तस्स भीतो-कुरुखेत्तं पविट्ठो । सा बंभवज्जा कुरुखेत्तस्स पासओ भमति, सो वि तओ तब्भया न नीति । इंदेण विना सुन्नं इंदट्ठाणं । ततो सव्वे देवा इंदं भग्गमाणा जाणिऊण कुरुखेत्ते उवट्ठिता भणंति - एहि गच्छ देवालयं । सो

भणाति - इओ निग्गच्छंतस्स मे बंभवज्झा लग्गति । ताहे सा देवेहिं बंभवज्झा चतुधा विभत्ता, इक्को विभागो इत्थीणं ऋतुकाले ठिओ, बितिओ उदगे काइयं निसिरंतस्स, ततिओ बंभणस्स सुरापाणे, चउत्थो गुरुपत्तीए अभिगमे । सा बंभवज्झा एतेसु ठिया । इंदो वि देवलोगं गओ । एवं कर्मबन्धः ब्रह्महत्यावत् वेगलः ॥ आचार्याह-

[भा. ४०९८] दव्वेण य भावेण य, चउक्कभयणा भवे पुरेकम्मे ।

सागारियभावपरिणति, ततितो भावे य कम्मे य ॥

चू-दव्वतो पुरेकम्मं, न भावतो । न दव्वओ पुरेकम्मं, भावओ पुरेकम्मं । भावतो वि दव्वतो वि पुरेकम्मं । न दव्वतो न भावतो पुरेकम्मं । इदानिं - भंगभावणाकते पुरेकम्मे “सागारियं” त्ति सुइकाण अट्टाए न पडिसिद्धं, गिहतं, विगिंचीहामो त्ति दव्वओ पढमभंगो । भिक्खमवतरंतो चिंतेति पुरेकम्मं पि घेच्छं, न य लद्धं, भावपरिणयस्स बितिओ भंगो । भावपरिणएण पुरेकम्मं लद्धं ततितो । उभयथा वि सुद्धो चउत्थो पुरेकम्मं पडुच्च ॥

[भा. ४०९९] दव्वेण य भावेण य, चउक्कभयणा भवे पुरेकम्मे ।

सागारियभावपरिणति, ततितो भावे य कम्मे य ॥

चू-दव्वतो पुरेकम्मं, न भावतो । न दव्वओ पुरेकम्मं, भावओ पुरेकम्मं । भावतो वि दव्वतो वि पुरेकम्मं । न दव्वतो न भावतो पुरेकम्मं । इदानिं - भंगभावनाकते पुरेकम्मे “सागारियं” त्ति सुइकाण अट्टाए न पडिसिद्धं, गिहतं, विगिंचीहामो त्ति दव्वओ पढमभंगो । भिक्खमवतरंतो चिंतेति पुरेकम्मं पि घेच्छं, न य लद्धं, भावपरिणयस्स बितिओ भंगो । भावपरिणएण पुरेकम्मं लद्धं ततितो । उभयथा वि सुद्धो चउत्थो पुरेकम्मं पडुच्च ॥

[भा. ४०९९] सुन्नो चउत्थभंगो, मज्झिज्झा दोन्नि तू पडिक्कुट्ठा ।

संपत्तीइ वि असती, गहणपरिणए पुरेकम्मं ॥

चू-मज्झिम दो भंगा पडिसिद्धा अवि सुद्धभावत्वात् । पढमो सुद्धसरिसो प्रयोजनपेक्षत्वात् विशुद्धभावत्वाच्चा । दव्वतो संपत्ते वि पुरेकम्मे भावपुरेकम्मस्स असती असंप्राप्ति-प्रथमभंगेत्यर्थः । भावतो गहणपरिणते दव्वतो असंपत्ते वि भावतो पुरेकम्मं भवति - द्वितीयभंगेत्यर्थः । अहवा - सव्वं पच्छद्धं बितियभंगदरिसणत्थं भणियं ॥ चोदग आह-

[भा. ४१००] संपत्तीइ वि असती, कम्मं संपत्तिओ वि य अकम्मं ।

एवं खु पुरेकम्मं, ठवणामेत्तं तु चोदेति ॥

चू-“पुरेकम्मे असंपत्ते वि पुरेकम्मं भवति बितियभंगे, पुरेकम्मे संपत्ते वि पुरेकम्मे पुरेकम्मदोसो न भवति पढमभंगे, जतो एवं ततो मे चित्तस्स पतिट्ठियं पुरेकम्मं ठवणमेत्तमेव निष्पयोयणं परुविज्जति” ॥ आचार्य आह - हे चोदग ! जो तुमे बंभवज्झादिद्वंतो दिन्नो कम्मबंधं पडुच्च ममं पि सो चेव दिद्वंतो इमो-

[भा. ४१०१] इंदेण बंभवज्झा, कया उ भीओ उ तीए नासंतो ।

सो कुरुखेत्तपविट्ठो, सा वि बहि पडिच्छए तं तु ॥

[भा. ४१०२] निग्गत पुनरवि गेण्हति, कुरुखेत्तं एव संजमो अहं ।

जाहे ततो तु नीते, घेप्पति ता कम्मबंधेणं ॥



चू- जदा कुरुखेत्ताओ निग्गच्छइ इंदो तदा पुणो वि बंभवज्झा गेण्हति । आयरिओ दिड्ढंतमुवसंहारं करेति - कुरुखेत्तरिसो अहं संजमो, बंभवज्झसरिसो कम्मबंधो, जाहे संजमातो भावो निग्गच्छति ताहे कम्मबंधेणं वज्झति, अनिग्गतो न बज्झति ॥ किं चान्यत्-

[भा.४१०३] जे जे दोसायतणा, ते सुत्ते जिनवरेहि पडिक्कइ ।  
ते खलु अनायरंतो, सुद्धो इतरो उ भइयव्वो ॥

चू- “इयरो”त्ति समायरंतो, सो भयनिज्जो - बज्झती न वा । का भयणा ? कारणा जयणाए अकप्पियं सेवंतो सुद्धो, इहरह त्ति निक्कारणे कारणे य अजयणाए दप्पतो पमादेण य सेवतो न सुज्झति ॥ इदानिं पुरेकम्मादिअनेसणवज्जणगुणो विधी य संदिसिज्जति-

[भा.४१०४] समणुन्ना परिसंकी, अवि य पसंगं गिहीण वारंता ।  
गिण्हंति असदभावा, सुविसुद्धं एरिसं समणा ॥

चू- “समणुन्”त्ति अनुमती । तं च परिसंकत्ति - “मा अनुमती भविस्सइ”त्ति, अओ वज्जेइ पुरेकम्मं । जति य पुरेकम्मकतेण हत्थेण भिक्खं गिण्हति तो गिहीसु पसंगो कतो भवति, अग्गहणे पुण पसंगो वारितो भवति - पुणो वि गिही न करोतीत्यर्थः । एवं सव्वं अणेसणं वज्जेत्ता असदभावा साधू विसुद्धं गेण्हंति भत्तादि ॥ इदानिं हत्थे-

[भा.४१०५] किं उवघातो हत्थे, मत्ते दव्वे उदाहु उदगम्मि ।  
तिन्नि वि ठाणा सुद्धा, उदगम्मि अनेसणा भणिया ॥

चू- चोदगो पुच्छति - पुरेकम्मकते हत्थादिचउण्हं कम्मि उवधाओ दिड्ढो ? आयरिओ भणति - हत्थमत्तदव्वा एते तिन्नि वि ठाणा सुद्धा, उदगे अनेसणा ठिता ॥

अत्राचार्य उपपत्तिमाह-

[भा.४१०६] जम्हा तु हत्थमत्तेहि कप्पती तेहि चेव तं दव्वं ।  
अत्तड्डियं परिभुत्तं, परिणते तम्हा दगमनेसिं ॥

चू- जम्हा परिणते दगे तेहिं चेव हत्थमत्तेहि तं चेव दव्वं अत्तड्डियं परिभुत्तं सेसं वा कप्पइ तम्हा दगे अनेसणा ठिया । विधिपरिहरणा असनादिसु सत्तविधा भणिया ॥

इदानिं “फोसण”त्ति दारं एवं वत्थे पसंगेणाभिहितं-

[भा.४१०७] किं उवघातो धोए, रत्तो चोक्खे सुडम्मि वि कयम्मि ।  
अत्तड्डियं-संकामिय, गहणं गीयत्थसंविग्गे ॥

चू- साधूणं दाहामि त्ति मलिणं धोवति, विधिं अजाणंतो धातुमादिसु रत्तं काउं दलाति, रयगसज्जियं निप्पंककयं च चोक्खं, असुत्तिमुवलितं घोटं सुत्तं ति एयावत्थं कयं नातुं साधुणा पडिसिद्धं, अप्पणा अत्तड्डियं अन्नस्स दिन्नं, संकामियं कप्पनिज्जं भवति ॥

“गीयत्थसंविग्गस्स” व्याख्या-

[भा.४१०८] गीयत्थग्गहणेणं, अत्तड्डियमाति गिण्हती गीओ ।  
संविग्गग्गहणेणं, तं गेण्हंतो वि संविग्गो ॥

[भा.४१०९] एमेव य परिभुत्ते, नवे य तंतुग्गते अधोत्तम्मि ।  
उप्फोसिऊण देत्ते, अत्तड्डिगसेविते गहणं ॥

चू- गिहिणा अंगं परिमलियं परिभुत्तं, तंतुभ्य उदगतमात्रं, एते वि जया उप्फोसितुं ददाति तदा अकम्पं । अत्तद्धियं दायगेण अप्पणा वा परिभुत्तं तदा कम्पं ॥

[भा. ४११०] उग्गममादिसु दोसेसु, सेसेसारावणं विना ।  
गमो एसेव विन्नेयो, सोही नवरि अन्नहा ॥

चू- सेसेसु उग्गमदोसेसु य एसणदोसेसु विसोधिकोडिसमुत्थेसु एसेव विधी, नवरि पच्छित्तं भवति । अविस्सोधिकोडीए पुण अत्तद्धियं पि न कम्पति ॥ इदानिं पुरेकम्मस्स अववादो-

[भा. ४१११] असिवे ओमोयरिए, रायदुड्ढे भए व गेलन्ने ।  
अद्धाण रोहए वा, जयणाए कम्पती कातुं ॥

चू- असिवादिसु अफव्वंता गिण्हंति, जयणाए पणगपरिहाणीए ॥

मू. (७६१) जे भिक्खू गिहत्थाण वा अन्नतित्थियाण वा सीओदगपरिभोगेण हत्थेण वा मत्तेण वा दक्खिण्ण वा भायणेण वा असनं वा पानं वा खाइमं वा साइमं वा पडिग्गाहेति, पडिग्गाहेतं वा सातिज्जति ॥

[भा. ४११२] गिहिअन्नतित्थियाण व, सुतिमादी आहितं तु मत्तेणं ।  
जे भिक्खू असणादी, पडिच्छते आणमादीणि ॥

चू- गिहत्था सोत्तियबंभणादी, अन्नतित्थिया परिव्वायगादी, उदगपरिभोगी मत्तओ सुई, अहवा कोई सुइवादी तेन दलेज्जा, सो य सीओदगपरिभोगी मत्तओ उल्लंकाकमादी, तेन गेण्हंतस्स आणादिया दोसा चउलहुं च से पच्छित्तं ॥ इमे सीतोदगपरिभोइणो मत्ता-

[भा. ४११३] दगवारबद्धणिया, उल्लंकायमणिवल्ललाऊ य ।  
कट्टमयवारचड्डुग, मत्ता सीतोयपरिभोगी ॥

चू- मत्तो दगवारगो गडुअओ आयमणी लोड्डिया कट्टमओ, उल्लंकाओ कट्टमओ, वारओ चड्डुयं कच्चयं तं पि कट्टमयं ॥ एतेसु गेण्हंतस्स इमे दोसा-

[भा. ४११४] नियमा पच्छाकम्मं, धोतो वि पुणो दगस्स सो सत्थं ।  
तं पि य सत्थं अन्नोदगस्स संसज्जते नियमा ॥

चू- भिक्खप्पयाणोवलित्तं पच्छा धुवंतस्स पच्छाकम्मं । स मत्तगो असनादिरसभाविओ ति उदगस्स सत्थं भवति । तं पि उदगं अन्नोदगस्स सत्थं भवति, तमुदगमंबीभूतं संसज्जते य ॥

[भा. ४११५] सीओदगभोईणं, पडिसिद्धं मा हु पच्छकम्मं ति ।  
किह होति पच्छकम्मं, किहव न होति ति तं सुणसु ॥

चू- जेण मत्तएण सच्चित्तोदगं परिभुज्जति तेन भिक्खग्गहणं पडिसिद्धं । सीसो पुच्छति-  
“कहं पच्छकम्मं भवति न भवति वा ? आचार्याह- “सुणसु”-

[भा. ४११६] संसट्टमसंसट्टे, सावसेसे य निरवसेसे य ।  
हत्थे मत्ते दव्वे, सुद्धमसुद्धे तिगट्ठाणा ॥

चू- संसट्टे हत्थे, संसट्टे मत्ते, सावसेसे दव्वे एएसु तिसु पदेसु अट्ट भंगा कायव्वा । विसमा सुद्धा समा असुद्धा ॥ भंगेसु इमा गहणविधी-

[भा.४११७] पढमे भंगे गहणं, सेसेसु वि जत्य सावसेसं तु ।

अन्नेसु तु अग्गहणं, अलेवसुक्खेसु वा गहणं ॥

चू- “अत्रेसु”ति- समेसु भंगेसु । जदि देयं दव्वं सुक्खं अलेवकडं, सुक्खं मंडगकुम्मासादी, तो गिज्झं, पच्छाकम्मस्स अभावात् ॥ बितियपदं-

[भा.४११८] असिवे ओमोयरिए, रायदुट्ठे भए व गेलन्ने ।

अद्धाण रोहए वा, जयणागहणं तु गीयत्ये ॥

मू. (७६२) जे भिक्खू कट्ठ कम्माणि वा चित्तकम्माणि वा पोत्यकम्माणि वा दंतकम्माणि वा मणिकम्माणि वा सेलकम्माणि वा गंथिमाणि वा वेढिमाणि वा पूरिमाणि वा संधातिमाणि वा पत्तच्छेज्जाणि वा विहाणि वा चक्खुदंसण पडियाण अभिसंधारेति अभिसंधारेंतं वा सातिज्जति ।

[भा.४११९] कट्ठकम्माणि ठाणा जत्तियमेत्ताउ आहिया सुत्ते ।

चक्खूपडियाए तेसु दोसा ते तं च बितियपदं ॥

चू- कट्ठकम्मं कोट्टिमादि पुस्तकेषु च वस्त्रेषु वा पोत्यं चित्तलेवा प्रसिद्धा पूयादिया पुष्फमालदिषु गंठिमं जहा आनंदपुरे, पुष्फपूरगादिवेढिमं प्रतिमा, पूरिमं स च कक्षुकादिमुकुट संबंधिसु वा संघाडिमं महदाख्यानकं वा महत्ता महतं ।

मू. (७६३) जे भिक्खू वप्पाणि वा फलिहाणि वा उप्पलाणि वा पल्ललाणि वा उज्झराणि वा निज्झराणि वा वावीणि वा पोक्खराणि वा दीहियाणि वा सराणि वा सरपंतियाणि वा सरसपंतियाणि वा चक्खुदंसणपडियाए अभिसंधारेइ, अभिसंधारेंतं वा सातिज्जति ॥

[भा.४१२०] वप्पाई ठाणा खलु, जत्तियमेत्ता य आहिया सुत्ते ।

चक्खुपडियाइ ताणी, अभिधारेंतस्स आणादी ॥

चू- वप्पो केदारो, परिहा खातिया, नगरादिसु पागारो, रत्तोदुवारादिसु तोरणा, नगरदुवारादिसु अग्गला, तस्सेव पासगो रहसंठितो पासतो, पव्वयसंठितं उवरुवरिभूमियाहिं वट्टमाणं कूडागारं, कूडेवागारं कूडागारं पर्वते कुट्टितमित्यर्थः । नूम गिहं भूमिघरं, रुक्खो छिय गिहागारो रुक्खगिहं, रुक्खे वा घरं कडं, पर्वतः प्रसिद्धः, मंडबो वियडः, धूमः प्रसिद्धः, पडिमा गिहं चेतियं, लोहारकुट्टी आवेसणं, लोगसमवायठाणं आयतणं, देवकुलं पसिद्धं, सद्भ्यः स्थानं सभा, गिम्हादिसु उदगप्पदाणठाणं पवा, जत्य भंडं अच्छति तं पणियगिह, जत्य विक्काइ सा साला । अहवा - सकुडं गिहं, अकुड्डा साला, एवं जाणसालाओ वि, जाणा सिविगादि जत्य मिक्खित्ता, गुहा प्रसिद्धा, एवं दब्भो पव्वगो विदब्भसारिच्छो, इंगाला जत्य डज्झंति, कट्ठा जत्य फट्ठंति, घडिज्जंति वा, सवसयणं सुसाणं, गिरिगुहा कंदरं, असिवसमगट्ठाणं संति, सेलो पव्वतो, गोसादि ठाणं उवट्ठाणं, भवणागारं वणरायमंडियं भवणं, तं चेव वणविवज्जियं गिहं, चक्खुरिन्द्रियप्रीत्यर्थः दर्शनप्रतिज्ञया गच्छंति, तथ गच्छंतस्स संजमविराधना, दिट्ठे य रागदोसादयो । इमे दोसा-

[भा.४१२१] कम्मपसत्थपसत्थे, रागं दोसं च कारए कुज्जा ।

सुकयं सुअज्जियं ति य, सुट्ठु वि विनिओइयं दव्वं ॥

चू- कारगो सिप्पी । तेन सुप्पसत्थे कते रागं करेति, अप्पसत्थे दोसं । अहवा भणति - देवकुलाति सुकयं एत्थ अनुमती । अहवा जेण कारवितं तं भणाति - सुट्ठु अज्जियं तेन दव्वं,

सुद्धाणे वा निउत्तं, एवं अनुमती मिच्छसुववूहा ॥

[भा.४१२२] वक्केहि य सत्थेहि य, परलोयगता वि ते सुणञ्जति ।

निउणाऽनिउणा व कयी, कम्माण व कारका सिप्पी ॥

चू- निउणाऽनिउणत्तं कवीण वक्केहिं नञ्जित, सिप्पियाणं कम्मेहिं नञ्जति ॥

— विनड्वत्तुं दडुं भणति-

[भा.४१२३] दुस्सिक्खियस्स कम्मं, धणियं अपरिक्खिओ य सो आसी ।

जेण सुहा वि निउत्तं, सुबीयमिव ऊसरे मोल्लं ॥

चू- कारावगो वा धम्माधम्मे सिप्पिसुए वा अपरिक्खगो आसि । कहं सो अपरिक्खगो आसि ? पच्छद्धं भणाति ॥ अंतरा गयस्स वा इमे दोसा-

[भा.४१२४] दुविहा तिविहा य तसा, भीता वाड सरणाणि कंखेज्जा ।

नोल्लेज्ज तगं वऽन्नं, अंतराए य जं चऽन्नं ॥

चू- दुविधा - जलचरा थलचरा य । तिविहा - जलथलखहचारिणो य, ते भीता, “वाड” तिखडयं देज्जा, जलयरस्स जलं सरणं, बिलं डोंगरं वा थलचरस्स, खहचरस्स आगासं, कंखेज्जा अभिलाषसरणं वा गच्छतेत्यर्थः । तं वा साधुं अन्नं वा नोल्लेज्ज । तेसिं वा चरंताणं अंतराइयं करेति । “जं चऽन्नं” तिते नस्संता जं काहिति ॥ इदानिं अववादः-

[भा.४१२५] बितियपदमणप्पज्जे, अहिधारे अकोविते व अप्पज्जे ।

जाणंते वा वि पुणो, कज्जेसु बहुप्पगारेसु ॥

चू- “कज्जेसु बहुप्पगारेसु” अस्य व्याख्या-

[भा.४१२६] तत्थ गतो होज्ज पहू, न विना तेन वि य सिज्जते कज्जं ।

संभमपडिणीयभए, ओसन्नाइन्नगेलन्ने ॥

चू- पभू रायादि, कुल-गण-संघकज्जं अग्गिमादिसंभमे पडिणीयभया वा गच्छंति । ओसन्नं ति साधूणं तत्थ गमणं अविरुद्धं । आइन्नं ति साधवो तत्थेव आवासेति । गिलाणस्स वा पत्थभोयणादिनिमित्तं गच्छति ॥ तत्थिमा जयणा-

[भा.४१२७] तेसुं दिट्ठिमिबंधंतो, गयं वा पडिसाहरे ।

परस्सानुवरोहेणं, देहंतो दो वि वज्जए ॥

चू- पधाणप्पधाणेसु दिट्ठिं न बंधति, सहसा वा गयदिट्ठिं पडिसाहरति, रायादि अनुयत्तिओ जोएंतो दो वि रागदोसे वज्जेइ ॥

मू. (७६४) जे भिक्खू कच्छाणि वा गहणाणि वा नूमाणि वा वणाणि वा वणविदुग्गाणि वा पव्वयाणि वा पव्वयविदुग्गाणि वा चक्खुदंसणपडियाए अभिसंधारेइ अभिसंधारंतं वा सातिज्जति ॥

[भा.४१२८] कच्छादी ठाणा खलु, जत्तियमेत्तां उ आहिया सुत्ते ।

चक्खुपडियाए तेसू, दोसा ते तं च बितियपदं ॥

चू- चक्खुदंसणपडियाए गच्छंतो चउलहुं । इक्खुमादि कच्छास गहणाणि काननानि, (दवियं बीयं) नूमं भिन्नं, वणाणि उज्जाणाणि वा, एगजातीयअणेगजाईयरुक्खाउलं गहणं वणविदुग्गं, एगो पव्वतो. बहूएहिं पव्वतेहिं पव्वप्रविदुग्गं । क्वो अगडो, तडाग दह-णदी पसिद्धा, समवृता

वापी, चातुरस्सा पुक्खरणी, एताओ चेव दीहियाओ, दीहिया सारणी वावि पुक्खरणीओ वा मंडलिसंठियाओ, अन्नोन्नकवाडसंजुत्ताओ गुंजालिया भन्नंति । अन्ने भणंति - निक्ख अणेगभेदगता गुंजालिया । सरपंती वा एगं महाप्रमाणं सरं, तामि चेव बहूणि पंतीठियाणि पत्तेयवाहुजुत्ताणि सरपंती, ताणि चेव बहूणि अन्नोन्नकवाडसंजुत्ताणि सरसरपंती । तेसु गच्छंतस्स ते चेव दोसा, तं चव य होति बित्तियपदं ॥

**मू. (७६५)** जे भिक्खू गामाणि वा नगराणि वा खेडाणि वा कब्बडाणि वा मंडवाणि वा दोगमुहाणि वा पट्टणाणि वा आगाराणि वा संबाहाणि वा सन्निवेसाणि वा चक्खुदंसणपडियाए अभिसंधारेइ अभिसंधारेंतं वा सातिज्जति ॥

[भा.४१२९] गामादी ठाणा खलु, जत्तियमेत्ता उ आहिया सुत्ते ।

चक्खुपडियाए तेसू, दोसा ते तं च बित्तियपदं ॥

**चू-** गच्छंतस्स दप्पओ चतुलहं । करादियाण गम्भो गामो, न करा जत्थ तं नगरं, खेडं नाम घूलीपागारपरिक्खित्तं, कुणगरो कब्बड, जोयणब्भंतरे जस्स गामादी नत्थि तं मडंब, सुवन्नादि आगारो, पट्टणं दुविहं - जलपट्टणं थलपट्टणं च, जलेण जस्स भडमागच्छति तं जलपट्टणं इतरं थलपट्टणं, दोन्नि मुहा जस्स तं दोन्निमुहं जलेण वि थलेण वि भंडमागच्छति, आसमं नाम तावसमादीणं, सत्थवासणत्थाणं सन्निवेसं, गामो वा पिंडितो सन्निविट्ठो, जत्तागता लोगो सन्निविट्ठो सन्निवेसं भन्नति, अन्नत्थ किसिं करेत्ता अन्नत्थ वोढुं वसंति तं संबाहं भन्नति । घोसं गोउलं, वणियवग्गो जत्थ वसति तं नेगमं अंसिया गामतत्तियमागादी, भंडगा घणा जत्थ भिज्जति तं पुडाभेयणं, जत्थ राया वसति सा रायहणि ॥

**मू. (७६६)** जे भिक्खू गाम-महाणि वा नगर-महाणि वा खेड-महाणि वा कब्बड-महाणि वा मडंब-महाणि वा दोगमुह-महाणि वा पट्टण-महाणि वा आगार-महाणि वा संबाह-महाणि वा सन्निवेस-महाणि वा चक्खुदंसणपडियाए अभिसंधारेइ, अभिसंधारेंतं वा सातिज्जति ॥

[भा.४१३०] गाममहादी ठाणा, जत्तियमेत्ता उ आहिया सुत्ते ।

चक्खुपडियाए तेसू, दोसा ते तं च बित्तियपदं ॥

**चू-** गामे महो गाममहो - यात्रा इत्यर्थः ॥

**मू. (७६७)** जे भिक्खू गाम-वहाणि वा नगर-वहाणि वा खेड-वहाणि वा कब्बड-वहाणि वा मडंब-वहाणि वा दोगमुह-वहाणि वा पट्टण-वहाणि वा आगार-वहाणि वा संबाह-वहाणि वा सन्निवेस-वहाणि वा चक्खुदंसण-पडियाए अभिसंधारेइ अभिसंधारेंतं वा सातिज्जति ॥

[भा.४१३१] गामवहादी ठाणा, जत्तियमेत्ता उ आहिया सुत्ते ।

चक्खुपडियाए तेसू, दोसा ते तं च बित्तियपदं ॥

**चू-** ग्रामस्स वधो ग्रामवधो - ग्रामघातेत्यर्थः ॥

**मू. (७६८)** जे भिक्खू गाम-पधाणि वा नगर-पधाणि वा खेड-पधाणि वा कब्बड-पधाणि वा मडंब-पधाणि वा दोगमुह-पधाणि वा पट्टण-पधाणि वा आगार-पधाणि वा संबाह-पधाणि वा सन्निवेस-पधाणि वा चक्खुदंसणपडियाए अभिसंधारेइ, अभिसंधारेंतं वा सातिज्जति ॥

[भा. ४१३२] गामपहादी ठाणा, जत्तियमेत्ता उ आहिया सुत्ते ।  
चक्खुपडियाए तेसू, दोसा ते तं च बितियपदं ॥

चू- गामस्स पही ग्राममार्गेत्यर्थः ॥

मू. (७६९) जे भिक्खू आस-करणाणि वा हत्थि-करणाणि वा उट्ट-करणाणि वा गोण-  
करणाणि वा महिस-करणाणि वा सूयर-करणाणि वा चक्खुदंसणपडियाए अभिसंधारेइ,  
अभिसंधारेतं वा सातिज्जति ॥

[भा. ४१३३] आसकरणादि ठाणा, जत्तियमेत्ता उ आहिया सुत्ते ।  
चक्खुपडियाए तेसू, दोसा ते तं च बितियपदं ॥

चू- आससिक्खावणं आसकरणं एवं सेसाणिवि ॥

मू. (७७०) जे भिक्खू आस-जुद्धाणि वा हत्थि-जुद्धाणि वा उट्ट-जुद्धाणि वा गोण-जुद्धाणि  
वा महिस-जुद्धाणि वा सूयर-जुद्धाणि वा चक्खुदंसणपडियाए अभिसंधारेइ अभिसंधारेतं वा  
सातिज्जति ॥

[भा. ४१३४] हयजुद्धादी ठाणा, जत्तियमेत्ता उ आहिया सुत्ते ।  
चक्खुपडियाए तेसू, दोसा ते तं च बितियपदं ॥

चू- हयो अश्वः तेषां परस्परतो युद्धं, एवमन्येषामपि । गजादयः प्रसिद्धा । शरीरेण विमध्यमः  
कारष्टः, रक्तपादः चटकः, शिखिधूमबणः लावकः, अहिमादी पसिद्धा, अड्डियपव्वडियादिकारणेहिं  
जुद्धं । सव्वसंधिविक्खोहणं निजुद्धं । पुव्वं जुद्धेण जुज्जिउं पक्खा संधीओ विक्खोभिज्जति जत्थ  
तं जुद्धं निजुद्धं ॥

मू. (७७१) जे भिक्खू उज्जूहिय-ठाणाणि वा हयजुहिय-ठाणाणि वा गयजुहिय-ठाणाणि  
वा चक्खुदंसणपडियाए अभिसंधारेइ, अभिसंधारेतं वा सातिज्जति ॥

[भा. ४१३५] निज्जूहितादि ठाणा; जत्तियमेत्ता उ आहिया सुत्ते ।  
चक्खुपडियाए तेसू, दोसा ते तं च बितियपदं ॥

चू- गावीओ उज्जूहिताओ अडविहुत्तीओ उज्जूहिज्जति । अहवा - गोसंखडी उज्जूहिगा भन्नति,  
गावीणं निव्वेढणा परिमाणादि निज्जूहिगा, वधुवरपरिआणं ति मिहुज्जूहिया, वम्मियगुडिएहिं  
हतेहिं बलदरिसणा हयाणीयं, गयेहिं बलदरिसणा गयाणीयं, रहेहिं बलदरिसणा रहाणीयं,  
पाइक्कबलदरिसणा पाइक्काणीयं, चउसमवायो य अणियदरिसणं । चोरादि वा वज्झं नीनिज्जमाणं  
पेहाए ॥

मू. (७७२) जे भिक्खू अभिसेय ठाणाणि वा अक्खाइय-ठाणाणि वा माणुम्माणिय-ठाणाणि  
वा महया हय-नट्ट-गीय-वाइय-तंती-तल-ताल-तुडिय-पडुप्पाइयट्टाणाणि वा चक्खुदंसणपडियाए  
अभिसंधारेइ, अभिसंधारेतं वा सातिज्जति ॥

[भा. ४१३६] आघातादी ठाणा, जत्तियमेत्ता उ आहिया सुत्ते ।  
चक्खुपडियाए तेसू, दोसा ते तं च बितियपदं ॥

चू- अक्खाणगादी आघादियं, एगस्स वलमाणं अन्नेण अनुमीयत इति मानुम्माणियं जहा  
धन्ने कंबलसंबला अधवा - मानपोताओ मानुम्माणियं । विज्जादिएहिं रुक्खादी नमिज्जंतीति

नेम्नं । अधवा - नम्नं नट्टं सिक्खाविज्रंतस्स अंगाणि नमिज्जति । गहियं कव्वा । अधवा - वत्थपुप्फचम्मादिया भज्जं रुक्खादिभगो दव्वविभागो वा । कलहो वातिगो जहा सिंधवीणं रायादीणं वुग्गहो । पासा आदी जूया, सभादिसु अनेगविहा जणवाया ॥

**मू. (७७३)** जे भिक्खू डिंवाणि वा डमराणि वा खाराणि वा वेराणि वा महाजुद्धाणि वा महासंगामाणि वा कलहाणि वा बोलाणि वा चक्खुदंसणपडियाए अभिसंधारेइ अभिसंधारेंतं वा सातिज्जति ॥

**चू-** जे भिक्खू इत्थीणि वा' इत्यादि-

**[भा. ४१३७]** इत्थीमादी ठाणा, जत्तियमेत्ता उ आहिया सुत्ते ।

चक्खुपडियाए तेसू, दोसा ते तं च बितियपदं ॥

**चू-** आसयंते सत्थावत्थाणि अच्छंति । अहवा - अश्व वंति भुंजंतीत्यर्थः । चोदमाणा गेंदुगादिसु रमंते मज्जपानअंदोलगादिसु ललंते जलमध्ये ब्रह्मा, नष्टमृतादिषु कंदणा, मोहनोब्भवकारिकाक्रिया मोहणा मेहुणासेवणंता, सेसपदा गंयपसिद्धा ।

**[भा. ४१३८]** समवायादिठाणा, जत्तियमेत्ता उ आहिया सुत्ते ।

चक्खुपडियाए तेसू, दोसा ते तं च बितियपदं ॥

**मू. (७७४)** जे भिक्खू विरूवरूवेसु महुस्सवेसु इत्थीणि वा पुरिसाणि वा थेराणि वा मज्झिमाणि वा डहराणि वा अणलंकियाणि वा सुअलंकियाणि वा गायंताणि वा वायंताणि वा नच्चंताणि वा हसंताणि वा रमंताणि वा मोहंताणि वा विउलं असनं वा पानं वा खाइमं वा साइमं वा परिभायंताणि वा परिभुंजंताणि वा चक्खुदंसणपडियाए अभिसंधारेइ, अभिसंधारेंतं वा सातिज्जति ॥

**[भा. ४१३९]** विरूवरूवादि ठाणा, जत्तियमेत्ता उ आहिया सुत्ते ।

चक्खुपडियाए तेसू, दोसा ते तं च बितियपदं ॥

**चू-** अनेगरूवा विरूवरूवा, महंता महा महामहा, जत्थ महे बहु रयो जहा भंसुरुलाए । अहवा - जत्थ महे बहू बहुरया मिलंति जहा सरक्खा सो बहुरयो भन्नति । तालायरबहुला बहूनडा गलागपुत्तपुजे वेगडंभगा य बहुसढा अक्वत्तभासिणो बहुगा जत्थ महे मिलंति सो बहुमिलक्खू महो, ते य मिलक्खऊ धमअभमीलादि ॥

**मू. (७७५)** जे भिक्खू इहलोइएसु वा रूवेसु, परलोइएसु वा रूवेसु दिट्ठेसु वा रूवेसु, अदिट्ठेसु वा रूवेसु सुएसु वा रूवेसु, असुएसु वा रूवेसु वित्राएसु वा रूवेसु, अवित्राएसु वा रूवेसु सज्जइ रज्जइ गिज्जइ अज्जोववज्जइ सज्जंतं रज्जंतं गिज्जंतं अज्जोववज्जंतं वा सातिज्जति ॥

**[भा. ४१४०]** इहलोगादी ठाणा, जत्तियमेत्ता य आहियासुत्ते ।

चक्खुपडियाए तेसू, ते दोसा तं च बितियपदं ॥

**चू-** इहलोइया मणुस्सा, परलोइया हयगयादि, पुव्वं पच्चक्खं दिट्ठा । अदिट्ठा देवादी । मणुन्ना जे इट्ठा । अमणुन्ना जे अनिट्ठा । सज्जणादी पदा एगट्ठिया । अहवा - आसेवनभावे सज्जणता, मणसा पीतिगमणं रज्जणता, सदोसुवल्ले वि अविरमो गेधी, अगम्मगमणासेवणे वि अज्जुववातो ॥

**मू. (७७६)** जे भिक्खू पढमाए पोरिसीए असनं वा पानं वा खाइमं वा साइमं वा पडिग्गाहेत्ता पच्छिमं पोरिसिं उवाइणावेइ, उवाइमावेतं वा सातिज्जति ॥

[भा. ४१४१] पुष्पाए भक्तपानं, घेत्तुणं जे उवादिणे चरिमं ।  
सो आणा अणवत्थं, मिच्छत्त-विराधनं पावे ॥

चू- दिवसस्स पढमपोरिसीए भक्तपानं घेत्तुं चरिमं ति चउत्थपोरिसी तं जो संपावेति तस्स चउलहुं आणादिया य दोसा । आहच्च कदाचित् कालप्पमाणं अभिहितं जं तस्स अतिक्रमणं तं उवातिणावितं भन्नति । सिया अवधारणे, भुंजंतस्स वि चतुलहुं, जिणकप्पियस्स अतिक्रमणे भुंजणे य चउगुरुं, चिद्दुत्ताव चउत्थपोरिसी, पढमातो बीया चरिमा, बितियाओ ततिया चरिमा, ततियाओ चउत्थी चरिमा ॥ एवं पुष्पा वि भाणियव्वा, जतो भन्नति-

[भा. ४१४२] बितियातो पढम पुष्पा, उवादिणे चउगुरुं च आणादी ।  
दोसा संचय संसत्त दीहसाणे य गोणे य ॥

चू- बितियपोरिसिं पडुच्च पढमा पुष्पा भन्नति ततियं पडुच्च बितिया पुष्पा, चउत्थस्स ततिया पुष्पा । एवं जत्थ गहणं तत्थेव भुंजियव्वं, जो अतिक्रामेति तस्स चउगुरुं चउलहुं आणादिया य दोसा । इमे य संचयाइया ॥

[भा. ४१४३] अग्नि गिलाणुच्चारे, अब्भुट्टाणे पाने पाहुणे निरोहे य ।  
सज्जायविणयकाइय, पयलंतपलोट्टणे पाणा ॥

चू- “संचयसंसत्तस्स” व्याख्या-

[भा. ४१४४] निस्संचया उ समणा, संचयो गिही तु होंति धारेंता ।  
संसत्तअनुवभोगा, दुक्खं च विगिंचितुं होति ॥

चू- गृहीत्वा धरणप्रसंगे संचयस्तत्र गृहीवद् भवति, चिरं च अच्छंतं संसज्जति, संसत्तं च दुक्खं विगिंचिज्जति, परिठावेंतस्स य विराधनादिनिष्फन्नं, भारवि (हि) यावडो दीहसाणेहिं डसिंज्जति, गोणेण वा आहम्मत्ति, एत्थ आयरिवाहनानिष्फन्नं चउगुरुं । अह तब्भया निक्खिवति तो चउलहुं । परितावणादी जाव चरिमं नेयव्वं । आउलभावे भाणभेदं करेज्ज । तप्पडिबंधे अग्निना वा डज्जति उवकरणं वा, जं च उवधिना विना पावति । गिलाणवेयावच्चं कातुं न तरति, उव्वत्तणादीयं अकीरंते य परितावणादियं । अह निक्खिवंति तो निक्खवणदोसा । उच्चारपासवणमत्तगं कहं परिद्वेत्तु धरेतु वा, गुरु पाहुणगस्स वा अब्भुट्टाणं न करेति । अह करेति तो वियावडो भाणभेदं करेज्ज, भरियभायणधरणे गातणिरोधो असमाधी सज्जायं न पडुवेति, आयरियादीण विनयं न करेति, सकाइयणिरोदो, अह गहितेण वोसिरति तो उड्डाहो, उंघंतस्स वा पलोटेज्ज, तत्थ पानविराधना हवेज्ज ॥

[भा. ४१४५] एमेव सेसएसु वि, एगतरविराधना उभयतो वा ।  
असमाहि विणयहाणी, तप्पच्चयनिज्जराए य ॥

चू- “दीहसाणादीएसु दारेसु जहा संचयसंसत्ता तहा सपायच्छित्ता भणियव्वा । साधुस्स भायणस्स वा उभयतो वा । अहवा - “एगतरस्स” ति आयसंजमउभयविराधणा वा भारक्कमणे असमाधी गुरुमादीण य विनयहाणिं करेज्ज, अकरेंतो स निज्जराालाभं न लभेज्ज ॥

[भा. ४१४६] पच्छित्तपरूवणय, एतेसिं ठवेंतए य जे दोसा ।  
गहियकरणे य दोसा, दोसा य परिद्वेंतस्स ॥



चू- सव्वेसु संचयादीसु दारेसु पच्छित्तपरूवणा कायव्वा । ठवंतस्स ठवणा दोसा । गहितेणं किच्चाइं करेंतस्स भायणभेदादि दोसा । पयलंतपरिड्वेंतस्स अंतरादिया दोसा ॥ अतो जम्हा धरिते एत्तिया दोसा-

[भा.४१४७] तम्हा उ जहिं गहियं, तहि भुंजणे वज्जिया भवे दोसा ।  
एवं सोहि न विज्जति, गहमे वि य पावते बितियं ॥

चू- जहिं चेव पोरिसीए गहियं तहिं चेव भोत्तव्वं । एवं भणिते चोदगाह- “तुज्जं सोधी नत्थि, जतो गहणे चेव बितिया पोरिसी पावइ” ॥ एवं नोदगे भणिते गुरु भणति-

[भा.४१४८] एवं ता जिनकप्पे, गच्छम्मि चउत्थियाए जे दोसा ।  
इतरासु किं न होंति, दव्वे सेसम्मि जयणाए ॥

चू- एयं जिनकप्पियाणं भणियं, गच्छवासीण पढमाए गहियं यदि चरिमं संपावति तो संचयादीया सव्वे दोसा संभवति । पुणो चोदगो भणति - “बितियततियासु धरिजंतं असनादी दव्वे तच्चेव संसत्तादी दोसा किं न भवंति” ? आयरिओ भणति - दव्वे जिमियसेसम्मि उद्धरिए अनुद्धरिए वा कारणे धरिजंतं जयणाए धरिजति, जयणाए धरेंतस्स जदि दोसा भवंति तहावि सुज्जति, आगमप्रामाण्यात् ॥ अतिरित्तगहणं इमं कारणे-

[भा.४१४९] पडिलेहणा बहुविहा, पढमाए कता विनासिमविनासी ।  
तत्थ विनासिं भुंजेऽजिन्नपरिन्ने य इतरं पि ॥

चू- अभिगमसट्ठेण दानसट्ठेण वा अत्रतरे पगते बहुणा बहुविधेण भक्खभोजेण पडिलाभणा कया पढमाए पोरिसीए, तं च दव्वं दुविधं-विनासि खीरादियं, अविनासि ओदणं, नेहखज्जगादी य । नमोक्कारपो रेसित्ता विनासि दव्वं सव्वं भुंजति । सेससाधूणं जति अजिन्नं परिन्नि वा अभत्तडी वा अधवा - तीए विगतीए पच्चक्खाणं कयं तो इयरं पि अविनासि दव्वं सव्वं भुंजति ॥

अस्यैवार्थस्य व्याख्या-

[भा.४१५०] जति पोरिसिइत्ता तं, गमेति तो सेसगाण न विसज्जे ।  
अगमित्ताऽजिन्ने वा, धरेंति तं मत्तगादीसु ॥

चू- सेसा पुरिमट्ठिया, तं तेसिं न दिज्जति, जदि नमोक्कारइत्ता सव्वं न गमेति, सव्वेसि अजिन्न वा ताहे तं मत्तगादिसु छोढुं धरेंति न दोसो ॥ अहवा इमेण कारणेणं धरिज्जेज्ज-

[भा.४१५१] तं काउं कोति न तरति, गिलाणमादीण धेत्तु पुव्वण्हे ।  
नाउं व बहुं वितरति, जहा समाहि चरिमवज्जं ॥

चू- तं असनादियं पेसलं परिभुत्तं गिलाणवेयव्वं उव्वत्तणादि काउं न तरति, बहुं परिड्ववणियं लद्धं, सवेलं च भोत्तुकामा ताहे चरिमं पोरिसिं वज्जेत्ता बितियततियाए य गुरु “वितरंति” धरणमनुजानंतीत्यर्थः ॥ तम्मि धरिजंतं संसज्जणभया इमा विही-

[भा.४१५२] संसज्जिमेसु छुब्भति, गुलादि लेवाइ इतर लोणादी ।  
जं च गमिस्संति पुणो, एमेव य भुत्तसेसे वि ॥

चू- लेवाडे गुलो छुब्भति अलेवाडे लोणं, “जं च गमिस्संति पुणो” बितियततियवाराए भुंजंता निड्ववेहिंति तम्मि एसा विही, बिइयतइयवारासु भुत्तसेसुद्धरिए संसज्जणभया एसेव

लोणगुलादिया विधी ॥ एवमुक्ते पुनरप्याह चोदकः-

[भा.४१५३] चोदेति धरिञ्जंते, जे दोसा गिण्हमाणे किं न सिया ।

उस्सग्गवीसमंते, उब्भामादी उदिक्खंते ॥

चू-जहा धरणे दोसा तथा गेण्हणे वि साणगोणमादीया अणेगविधा दोसा, काउस्सग्गकरमकाले वि दोसा, वीसमंतस्स वि ते चेव दोसा, उब्भामगो भिक्खायरियगतो उदिक्खिवंतस्स ते चेव दोसा ॥

[भा.४१५४] एवं अवायदंसी, थूले वि कहं न पासह अवाए ।

हंदि हु निरंतरो यं, भरितो लोगो अवायाणं ॥

चू- स एव चोदगो भणति - धरिञ्जंतेसु तुब्भे एवं अवाए पेक्खह, सिक्खादि - अडणो गोणादिए थूले अवाए कहं न मेक्खह ? हदीव्यामुं वति प्रत्यक्षभखदशति वा अनेगावातभरियं लोयं पज्य इत्यर्थः ॥ कहं ? उच्यते-

[भा.४१५५] भिक्खातिवियाग्गते, दोसा पडिनीयसाणमादीया ।

उप्पज्जंते जम्हा, न हु लब्भा फंदिउं एवं ॥

चू- चोदक एवाह-

[भा.४१५६] अहवा आहारादी, न चेव सययं हवति घेतव्वा ।

नेवाहारेयव्वं, तो दोसा वज्जिता हींति ॥

चू- सततं नाहारेयव्वं, चउत्थछट्टादि काउं सव्वहा असत्तो आहारेज्ज । अहवा - सव्वहा अनाहारंतेण अवाया वज्जिया भवंति ॥ आयरिओ भणति-

[भा.४१५७] पन्नति सज्झमसज्झं, कज्जं सज्झं तु साहए मइणं ।

अविसज्झं साहेंतो, किलिस्सति न तं च साहेइ ॥

चू- कज्जं दुविहं - साध्यमसाध्यं च । सज्झं पयोगसा साधेंतो न किलिस्सति साहेति य कज्जं । असज्झं साधेंतो किलिस्सति, न य तं च कज्जं साधेति, मृत्पिण्डपटादि साधनवत् ॥

[भा.४१५८] जदि एतविप्पहूणा, तवनियमगुणा भवे निरवसेसा ।

आहारमादियाणं, को नाम परिग्गहं कुञ्जा ॥

[भा.४१५९] मोक्खपसाहणहेउं, नाणादी तप्पसाहणे देहो ।

देहट्टा आहारो, तेन तु कालो अनुन्नातो ॥

चू- मोक्खहेउं नाणदंसणचरणा, तेसिं नाणादियाण पसाहणे देहो इच्छिज्जइ । देहधारणट्टा आहारो इच्छिज्जति । तस्स य आहारस्स गहणे धारणे य कालो अनुन्नातो ॥

[भा.४१६०] काले उ अनुन्नाते, जइ वि हु लग्गेज्ज तेहि दोसेहिं ।

सुद्धो उवातिणिंतो, लग्गति उ विवज्जए परेणं ॥

चू- कालो अनुन्नाओ, आदिल्ला तिन्नि परहा वीयाइं वा तिन्नि परहा । तम्मि अनुन्नाए काले जति वि दोसेहिं फुसिज्जइ तथावि अपच्छित्ती । अनुन्नातकालातो परेण अतिक्कामेंतो असंतेहिं वि दोसेहिं सपच्छित्ती भवति ॥

[भा.४१६१] पढमाए गिण्हिऊणं, पच्छिमपोरिसि उवातिणे जे उ ।

ते चेव तत्थ दोसा, बितियाए जे भणितपुर्व्वि ॥

चू- पढमपोरिसिगहियं बितियं पोरिसिं उवाइणावेतस्स जे पुव्वं दोसा भणिया ते चेव दोसा पढमगहियं चउत्थपोरिसिं उवाइणावेतस्स । तं उवाइणावियं परिद्ववित्ता असंथरंतो अन्नं घेतुं भुंजति काले पहुप्पंते । अधकालो न पहुप्पति, तो तं चेव जयणाए भुंजेति । जयणा पणगपरिहाणीए । अन्नं अलब्भंते पहुप्पंते वि काले तस्सेव परिभोगः ॥ इमे अतिक्रमेकारणा-

[भा. ४१६२] आहच्चुवातिणावित वितिर्गिचणपरिन्नऽसंथरंतम्मि ।

अन्नस्स गेण्हणं भुंजणं च जतणाए तस्सेव ॥

[भा. ४१६३] सज्झा-लेवण-सिब्बण, भायण-परिकम्मसट्टारातीहिं ।

सहस अणाभोगेणं, उवातितं भोज्ज जा चरिमं ॥

चू- सज्झाए अतिउवयोगा विस्सरियं, एवं लेपपरिकम्मणं करंतस्स, उवधिसिब्बणं, आलजालं अनेगविहाइं सदेसकहंतेसिं दूरं, एतेष्वेव व्यग्रस्य सहसात्कारो अत्यंतविस्मृतिरनाभोगो । बितियपदे इमेहिं कारणेहिं उवातिणाविज्जउ, उवातिनावितं वा भुंजेज्ज ॥

[भा. ४१६४] भयगेलन्नद्धाणे, दुब्बिक्खतवस्सिकारणज्जाए ।

कप्पति अतिकामेउंत कालमणुन्नात आहारो ॥

चू- बोहिगादिभएण नस्संतो लुक्को वा निब्भयं जाव भवति ताव धरेति, गिलाणवेयावच्चं करंतो, अद्धाए वा सत्थवसगो, दुब्बिक्खे वा बहु अडंतो ॥ “तवस्से”ति अस्य व्याख्या-

[भा. ४१६५] संखुन्नतो तवस्सी, एगट्टाणम्मि न तरती भोत्तुं ।

तं च पढमाए लब्भति, सेसासु य दुल्लभं होति ॥

चू- विकिट्ठे तवे कते तवस्सिणा संखुत्ता अंतो पढमपोरिसिगहियं सव्वं न तरति भोत्तुं, असमाही वा भवति, उस्सूरे य अन्नं न लब्भेति, ताहे तं चेव धरेइ जाव चरिमं, भुंजति य । “कारण जाते”ति अस्य व्याख्या - कुलादिकज्जेहिं वावडो धरेति भुंजति वा ॥

[भा. ४१६६] आहारो व दवं वा, पढमागहितं तु सेसिगा दुलहं ।

अतरंततवस्सीणं, बालादीणं च पाओग्गं ॥

चू- अतरंतादियाण अट्टा धरेति जाव चरिमा । एवमादिएहिं कारणेहिं कप्पति अतिक्रमेउं कालं अनुन्नातातो परेणं आहारेतुं च कप्पतीत्यर्थः ॥

मू. (७७७) जे भिक्खू परं अद्धजोयणमेराओ असनं वा पानं वा खाइमं वा साइमं वा उवातिणावेइ, उवातिणावेतं वा सातिज्जति ॥

[भा. ४१६७] परमद्धजोयणातो, असनादी जे उवातिणे भिक्खू ।

सो आणा अणवत्थं, मिच्छत्त-विराधनं पावे ॥

चू- दुगाउयं अद्धजोयणं, जो तओ खेतप्पमाणाओ परेण असनाइ संकामेइ तस्स चउलहुं आणादिया य दोसा ॥ आचार्य- निश्चयोत्सर्गमाह-

[भा. ४१६८] परमद्धजोयणातो, उज्जाणपरेण चउगुरू हीति ।

आणादिणो य दोसा, विराधना संजमाताए ॥

चू-अच्छतु ता परमद्वजोयणं, अग्गुज्जाणा परेणं जो उवाइणावेति तस्स चउगुरुगा आणादिया य दोसा, आयसंजमविराधणा य दुविधा भवति ॥ सा इमा-

[भा. ४१६९] भारेण वेयणाए, न पेहए खाणुमाइ अहिघातो ।  
इरिया-पलिय-तेणग-भायणभेदेण छक्काया ॥

चू- भारकंतो वेयणाभिभूतो खाणूमादी न पेखति, अस्सादीहिं वा अभिहन्नइ । अधवा - मारकंतो अनुवउत्तो वडसालादिणा सिरंसि घट्टिज्जइ, इरिय वा न विसोधेति, दूरवहणेण पगलिते पुढवादि विराधना, तेणेहि वा समुदेसो हरिज्जति, खुहापिवासत्तस्स भायणंपि भिज्जेज्ज, तत्थ छक्कायविराधणासंभवो, भायणभेदे अप्पणो परस्स य हानी, जे य दोसा तमावज्जति सावं ॥

चोदगाह-

[भा. ४१७०] उज्जाणा आरेणं, तहियं किं ते न जायते दोसा ।  
परिहरिता ते दोसा, जति वि तहिं खेत्तमावज्जे ॥

चू- पुव्वद्धं कंठं । आचार्याह - पच्छद्धं - अनुज्जाए खेत्ते यदि वि दोसे आवज्जति तदावि निद्दोसो ॥ चोदकाह-

[भा. ४१७१] एवं सुत्तं अफलं, सुत्तनिवातो इमो उ जिनकप्पे ।  
गच्छम्मि अद्धजोयण, केसिं ची कारणे तं तु ॥

चू- उज्जाणादिक्रमे यदि भारादिए दोसे भणह, तो “परमद्वजोयणातो”ति जं सुत्तं एवं निरत्थयं कहं (न) भवतु ? आयरिओ भणति - “जं अग्गुज्जाणं नातिक्रमति” इमो सुत्तत्थो जिनकप्पो । “जो पुण अद्धजोयणमेर”ति सुत्तत्थो एवं गच्छवासियाणं । केई पुण आयरिया भणति-जहा गंघवासीणं वि उत्सग्गेणमग्गुज्जामं नातिक्रमति कारणे अद्धजोयणं । एवं अववादियं सुत्तं । अववादेण अववादाववादेण वा अतरपल्लियातो वा परतो वा दूरतो वि आनेति ॥

- जतो भन्ति-

[भा. ४१७२] सक्खेत्ते जइ न लब्भति, तत्तो दूरे वि कारणे जतती ।  
गिहिणो वि चिंतणमणा, गतम्मि गच्छे किमंग पुण ॥

चू- अह अंतरपल्लियाओ जदा खेत्ते न लब्भति तदा कारणे दूरातो वि आनिति, उत्सग्गेण गच्छवासी अद्धजोयणातो आणेति । सग्गामे न हिंडति । किं कारण ? भन्नति - जइ ताव गिहिणो कयविक्रयसंपउत्ता अगागयमत्थ चितेउं घत-गुल-कडु-लवणतंदुलादी ठवेति अब्भरहिय-पाहुणगाSSगमणद्धा । गच्छे किमंग पुण जेसिं कयविक्रयो जेसिं कयविक्रयो संचयो य नत्थि तेहिं सखेत्तं रक्खियव्वं ॥ इमो विधी-

[भा. ४१७३] संघाडेगो ठवणा, कुलेसु सेसेसु बालवुद्धादी ।  
तरुणा बाहिरगामे, पुच्छा नातं अगारीए ॥

चू- सग्गामे जे सद्धादी ठवणकुला तेसु गुरुसंघाडो एक्को हिंडति, जाणि सग्गामे सेसाणि कुलाणि तेसु बालवुद्धसेहअसहुमादी हिंडति । पुच्छति-“किं आयरेण खेत्तं पडिलेहितुं रक्खह, बाहिरगामे हिडह ?” ॥ एत्थ आयरिया अगारिदिट्ठं करेति-

[भा. ४१७४] परिमितभक्तगदाणे, नेहादवहरति थोवथोवं तु ।  
पाहुणवियालआगम, विसन्नआसासणं दानं ॥

घू- एगो किवणवणिओ अगारीए अविस्संतो तंदुल-घय-गुल-लवण-कडु-भंडादियं दिवसपरिव्वयपरिमंत देति, आवणातो घरे न किंचि तंदुलादि धरेति । अगारीए चिंता - “जदि एयस्स अब्भरंहिओ मित्तो अन्नो वा पदोसादीअवेलाए आगमिस्सति तो किं दाहं ?” ततो सा अप्पणो बुद्धिपुव्वगेण वणियस्स अजाणतो नेहतंदुलादियाण थोवं थोवं फेडेति, कालेण बहु सुसंपन्नं । अन्नया तस्स मित्तो पदोसकाले आगतो । आवणं आरक्खियभया गंतुं न सक्केति । वणियस्स चिंता जाया, विसन्नो - कहमेतस्स भत्तं दाहामि ति । अगारी वणियस्स मणोगतं भावं जाणित्ता भणति - मा विसादं करेहि, सव्वं से करेमि । तीए अब्भंगादिणा ण्हावेउं विसिद्धमाहारेण भुंजाविओ, तुड्डो मित्तो, पभाए पुणो जेमेउं गतो । वणिओ वि तुड्डो भारियं भणति - अहं ते परिमियं देमि, कतो एतं ति ? तीए सव्वं कहियं । तुड्डेण वणिएण “एसा घरचिंतिय” ति सव्वो घरसारो समप्पिओ ॥

[भा. ४१७५] एवं पीतिविवट्ठी, विवरीतं नेग होइ दिट्ठंतो ।  
लोउत्तरे विसेसो, असंचया जेण समणा उ ॥

घू- एवं कीरंते मित्ताण परोप्परं पीतिवुट्ठी भवति । बितियदिट्ठंतो एयस्सेव विवरीतो कायव्वो, तत्थ नेहच्छेदो भवति । इहं पि लोउत्तरे जेन असंचया समणा तेन विसेसेण खेत्तं वट्ठावेयव्वं ॥  
खेत्ते य वट्ठाविते य इमो गुणो-

[भा. ४१७६] जनलावो परग्गामे, हिंडंताणं तु वसहि इह गामे ।  
देज्जह बालादीणं, कारणजाते य सुलभं तु ॥

घू- जनो अप्पणो अप्पणो घरेसु गाममज्जे वा मिलिय आलावं करेति - इमे तवस्सिणो अन्नगामे भिक्खं हिंडितुं इह भुंजति वसंति वा परिगिहेसु । इत्थियाओ भणंति - इह गामे जे बालादी हिंडंति तेसिं आदरेण अविसेसं देज्जह, पाहुणगादिकारणजाते जति देसकाले अदेसकले वा हिंडंति तो सुलभं भवइ ॥

[भा. ४१७७] पाहुणविसेसदाणे, निज्जरकित्ती य इहर विवरीयं ।  
पुव्विं चमढण सिग्गा, न देंति संतं पि कज्जेसु ॥

घू- पाहुणगस्स य विसेसआयरेण भत्तपाणे दिज्जमाणे परलोए निज्जरा, इहलोए कित्ती, पीतिवट्ठी, परोपकारिया य कता भवति । इहरह ति - पाहुणगस्स अकीरंते एयं चेव विवरीयं भवइ । ठवणकुला य पुव्वं अट्ठाविया, सग्गामे वा दिणे दिणे हिंडंतेहिं चमढिया दानं देंता संता “सिग्गा” श्रान्ता संतं पि दव्वं परेसु उप्पन्ने पाहुणगादिकज्जे न देंति, तम्हा गुण दोसदरिसणातो सखेत्तं ठवणकुला वा ठावेयव्वा ॥ इम य गुणो-

[भा. ४१७८] बोरीए दिट्ठंतं, गच्छे वायामिहं च पइरिक्कं ।  
केइ पुण तत्थ भुंजण, आणग्गहे जे भणियदोसा ॥

घू- “बोरीदिट्ठंतस्स” इमं वक्खाणं-

[भा. ४१७९] गामब्भासे बदरी, निस्संदं कइफला य खुज्जा य ।

पक्कामालसडिंभा, खायंतियरे गता दूरं ॥

च- गामब्भासे बदरी । सा गामणीसंदपाणिणं संवह्विकडुगफला । अन्नं च खुज्जत्तणओ सुहारोहा । तत्थ फला, केइ पक्का केइ आमा । अहा - “पक्कामंति” मंदपक्का । तत्थ जे आलसिया चेडया ते अपज्जत्तिए खायंति, इयरे पुण जे आलसिया न भवंति ते दूरंगंतुं महादरीवणेसु परिपागपक्के पज्जत्तिए खायंति ॥ किं च-

[भा. ४१८०] सिग्घयरं आगमणं, तेसिऽन्नेसिं च देंति सयमेव ।  
खाइंति एवमिहयं, आयपर-सुहावहा तरुणो ॥

चू- जाव ते आलसिया ताव कडुगफलाए बदरीए किलिस्समाणा अछंति ताव ते दूरगामी सयं पज्जतीए खाइत्ता भरियभाराए आगंतुं तेसिं आलसियाणं अन्नेसिं च घरे ठियाणं पज्जतीए देंति, पुणो य अप्पणा खायंति । एवं इहं पि गच्छवासे तरुणभिक्षू वीरियसंपन्ना उच्छाहमंता बाहिरग्गामे हिंडंता आयपरसुहावहा भवति ॥ कहं उच्यते-

[भा. ४१८१] खीरदहीमादीण य लाभो सिग्घतरपढमपतिरिक्के ।  
उग्गमदोसा वि जढा, भवंति अनुकंपिता वितरे ॥

चू- दिट्ठंतानुरूवो गाहत्थो उवसंधारेयव्वो, सिग्घतरं आगमणं, “पढम” ति पढमालियं करोति, पढमतरं वा आगच्छंति, अन्नसाधुविरहियं पइरिक्कं, बहू साधुअभावो, उग्गमदोसा जढा, “इतरे” ति बालवुह्वादि अछंता ॥ चोदगाह-

[भा. ४१८२] उज्जाणातो परेणं, उवातिणं तम्मि पुव्व जे भणिया ।  
भारादिया दोसा, ते चेव इहं तु सविसेसा ॥

चू- चोदको भणति - उज्जाणातिक्रमे भारादिया दोसा भणिया, ते चेव अद्धजोयणमेरातिक्रमे खेत्तबहुत्तणओ सविसेसतरा दोसा भवंति, तम्हा दोसदरिसणातो आहारनिमित्तं मा चेव अडंतु ॥  
आचार्याह-

[भा. ४१८३] तम्हा उ न गंतव्वं, न हि भोत्तव्वं न वा वि भोत्तव्वं ।  
इहरा भेदे दोसा, इति उदिते चोदगं भणति ॥

[भा. ४१८४] जति एयविप्पहूणा, तवनियमगुणा भवे निरवसेसा ।  
आहारमादियाणं, को नाम परिग्गहं कुज्जा ॥

चू- जति विना आहारेण तवादि गुणा निरवसेसा हवेज्ज, तो आहारादिय न धम्मोवग्गहकरणदव्वाण को गहणं कुज्जा ॥ “गच्छे वायामिहं च पइरिक्कं” ति अस्य व्याख्या-

[भा. ४१८५] एवं उग्गमदोसा, वि जढा पइरिक्कता अनोमाणं ।  
मोहतिगिच्छा य कया, विरियायारो य अनुचिन्तो ॥

चू- पुव्वद्धं कंठं । गच्छे एसा चेव समाचारी गणधरभणिता । तरुणभिक्षूहिं य मोहतिगिच्छनिमित्तं वायामो कतो भवति । तस्स अडंतस्स य पइरिक्कं चसद्दाओ इहं पि पइरिक्कं, वीरियं च न गहियं भवति तम्हा गंतव्वं ॥ चोदकाह - “गम्मत्तु, तत्थेव समुद्दिंसंतु, जे आनयणे दोसा भारवेदणातिया ते परिहरित्ता भवंति तम्हा तहिं चेव भुंजंते । आयरिओ आह-

[भा. ४१८६] जति ताव लोत्तियगुरुस्स लहुओ सागारिए पुढविमादी ।  
आनयणे परिहरित्ता, पढमा आपुच्छ जयणाए ॥

चू-जदि ताव लोइयादि, जो कुडुंबं धरेति गुरु, तम्मि अभुत्ते न भुंजंति, किमंग पुण लोगुत्तरे जस्स पभावेण संसारो नित्थरिज्जति, तन्हा तत्थ नं भोत्तववं । अह भुंजति तो मासलहुं, वसधिअभावे तत्थ भुंजंताणं सागारियं, अथंडिल्ले य पुढवादिविराधना । भत्तं आनयंतेहिं एते सब्बे दोसा परिहरिया भवंति । बितियपदेण पढमालियं करंता गुरु आपुच्छित्ता संदिसावित्ता गच्छंति जयणाए करंति जहा संसडुं न भवति ॥

[भा.४१८७] चोदगवयणं अप्पानुकंपितो ते य भे परिच्चत्ता ।  
आयरिए अनुकंपा, परलोए इह पसंसणता ॥

चू- चोदगो भणति - जाव सो ततो एहिति ताव तण्हाछुधाकिलंतो अतीव परिताविज्जति, एवं ते पड्डवेतेहिं परिचत्ता, अप्पा अनुकंपिओ भवति ।” आयरिओ भणइ - ते चेव अनुकंपिया जतो वेयावच्चनिउत्ता, एसा पारलोइया अनुकंपा । इहलोगे वि ते अनुकंपिया, जतो बहूहिं साधुसाधुणीहिं पसंसिज्जति ॥

[भा.४१८८] एवं पि परिच्चत्ता, काले खमए य असहुपुरिसे य ।  
कालो गिम्हो तु बवे, खमत्तो वा पढमबितिएहिं ॥

चू- जओ ते तिसियभुक्खिया भारकंता वा तव अभिहया पंथं वाहेंति, तब्बे पुण छायासु अच्छह, एवं ते परिचत्ता । आयरियाह - तैसिं कालं पडुच्च, खमगं पडुच्च, खमगं पडुच्च, असहुपुरिसं पडुच्च, पढमालियाकरणं अनुन्नायं । गिम्हो तिसाकालो तत्थ पढमालि कातुं पाणियं पियंति । खमगो वा पढमबितियपरिसहेहिं बाधितो तत्थेव कायसाहरड्डा पढमालियं करेति । एवं असहुपुरिसो वि उ भुक्खालू ॥

[भा.४१८९] जति एवं संसडुं, अप्पत्ते दोसिणादिणं गहणं ।  
लंबणभिक्खा दुविहा, जहन्नउक्कोसतिगपणए ॥

चू-जदि कालखमगपुरिसे पडुच्च पढमालिया अनुन्नाता एवं संसडुं भवति, संसडे गुरुमादियाण दिज्जंते अभत्तिरागो । आचार्याह - अप्पत्ते देसकाले दोसीणं घेप्पति, जेसु वा पदेसेसु वेला तेसु घेत्तुं करंति । कप्पं च भायणसस करंति । पढमालियापमाणं दुविधं - लंबणेहिं भिक्खाहिं वा । तत्थ जहन्नेण तिन्नि लंबणा, तिन्नि भक्खाओ । उक्कोसणं पंच लंबणा, पंच वा भिक्खा । सेसो मज्झिमं ॥ इमो संसडुं परिहाणप्पयोगो-

[भा.४१९०] एगत्य होति भत्तं, बितियम्मि पडिग्गहे दवं होति ।  
गुरुमादी पायोगं, मत्तए बितिए य संसत्तं ॥

चू- एगम्मि पडिग्गहे भत्तं बितियसाधुपडिग्गहे पाणगं । एगम्मि मत्तए गुरुमादियाण पायोगं घिप्पति । बितियसाधुमत्तए संसत्तं घेप्पति । दवं वा पडिलेहिज्जति, जदि सुद्धं तो पडिग्गहे परिखिप्पति ॥

[भा.४१९१] जति रक्को तो दवमत्तगम्मि पढमालियाए गहणं तु ।  
संसत्तगहणं दवदुल्लभे य तत्थेव जं अंतं ॥

चू-जदि रिक्को सो दवमत्तगो, तो तत्थ अंतपंतं पढमालिया निमित्तं घेप्पति, तत्थेव पढमालियं करेति । एवं संसडुं न भवति । अह तम्मि मत्तगे संसत्तगं गहियं दुल्लभदवे वा खेत्ते दवं गहियं तो

तथ्येव भक्तपरिग्गहे जं अंतपंतं भत्तं तं जहा असंसद्वं भवति तहा करेति, दवमत्तगे वा उकड्हिअं करेति ॥

[भा.४१९२] बितियपदं तथ्येव य, सेसं अहवा वि होज्ज सव्वं पि ।

संसत्तग्गहण दवदुल्लभे य तथ्येव जं अंतं ॥

चू-जदि रिक्को सो दवमत्तगो, तो तथ्य अंतपंतं पढमालिया निमित्तं घेप्पति, तथ्येव पढमालियं करेति । एवं संसद्वं न भवति । अह तम्मि मत्तगे संसत्तगं गहियं दुल्लभदवे वा खेत्ते दवं गहियं तो तथ्येव भक्तपरिग्गहे जं अंतपंतं भत्तं तं जहा असंसद्वं भवति तहा करेति, दवमत्तगे वा उकड्हिअं करेति ॥

[भा.४१९२] बितियपदं तथ्येव य, सेसं अहवा वि होज्ज सव्वं पि ।

तम्हा आगंतव्वं, आननं च पुड्ढो जति विसुद्धो ॥

चू- अववातो भिक्खायरियगता तथ्येव भुंजंति अप्पणो संविभागं, सेसं सव्वं आनेति । अधवा - तथ्येव सव्वं अप्पपरसंविभागं भुंजंति । जम्हा एस एव विधी तम्हा विधाणा गंतव्वं, विहिणा आनेयव्वं, विहिणा तथ्येव भोत्तव्वं । सव्वत्थ एवं विधिं करेत्तो जदि वि दोसेहिं पुड्ढो तहा वि सुद्धो ॥ भिक्खायरियगया सव्वमसव्वं वा भोत्तव्वं इमेण विहिणा-

[भा.४१९३] अंतरपल्लीगहितं, पढमागहितं च सव्व भुंजेज्जा ।

धुवलंभो संखडी य व, जं गहितं दोसिणं वा वि ॥

चू-जं अंतरपल्लियाए गहियं पढमपोरिसिगहियं वा सव्वं भुंजति । जत्थ वा जाणंति संखडीए धुवो लंभो भविस्सति त्ति तथ्य जं गहितं तं सव्वं भुंजति, दोसीणं वा जं गहियं तं सव्वं भुंजति ॥

[भा.४१९४] दरहिंडिते व भाणं, भरितं भोत्तुं पुणो वि हिंडेज्जा ।

कालो वातिकमती, भुंजेज्जा अंतरा सव्वं ॥

चू- अधवा - अद्धहिंडिए भरिया भायणा, ताहे अप्पसागारिए पज्जत्तियं भोत्तुं पुणो वि हिंडेज्जा । अधवा - जाव पत्ति ताव कालातिकंतं भवति अत्थमेति वा, ताहे तथ्येव अंतरा सव्वं भुंजति ॥

[भा.४१९५] परमद्धजोयणातो, उज्जाणपरेण जे भणितदोसा ।

आहच्चुवातिणाविय, तं चेवुस्सग अववाते ॥

मू. (७७८) जे भिक्खू दिया गोमयं पडिग्गाहेत्ता दिया कायंसि वणं आलिंपेज्ज वा विलिंपेज्ज वा आलिंपंतं वा विलिंपंतं वा सातिज्जति ॥

मू. (७७९) जे भिक्खू दिया गोमयं पडिग्गाहेत्ता रत्तिं कायंसि वणं आलिंपेज्ज वा विलिंपेज्ज वा आलिंपंतं वा पिलिंपंतं वा सातिज्जति ॥

मू. (७८०) जे भिक्खू रत्तिं गमोयं पडिग्गाहेत्ता दिया कायंसि वणं आलिंपेज्ज वा विलिंपेज्ज वा आलिंपंतं वा विलिंपंतं वा सातिज्जति ॥

मू. (७८१) जे भिक्खू रत्तिं गोमयं पडिग्गाहेत्ता रत्तिं कायंसि वणं आलिंपेज्ज वा विलिंपेज्ज वा आलिंपंतं वा विलिंपंतं वा सातिज्जति ॥

चू- चउक्कभंगसुत्तं उच्चारयेव्वं । कायः शरीरं, व्रणो क्षतं । तं तेन गोमयेण आलिंपइ सकृत्, विलिंपइ अनेकशो । अपरिवासिते मासलहुं, परिवासिते चउभंगे चउलहुं तवकालविसिद्धा,



आणादिया य दोसा ।

[भा.४१९६] दियराओ गोमतेणं, चउक्कभयणा तु जा वणे वुत्ता ।  
एत्तो एगतरेणं, मक्खेंताणादिणो दोसा ॥

चू- चउक्कभयमा चउभंगो ततिओद्देसए जा व्रणे वुत्ता, इहं पि सच्चैव ॥

[भा.४१९७] नच्चुप्पतितं दुक्खं, अभिभूतो वेयणाए तिव्वाए ।  
अद्दीनो अब्वहितो, तं दुक्खंऽहियासते सम्मं ॥

[भा.४१९८] अब्वोच्छित्तिनिमित्तं, जीयट्ठीए समाहिहेहं वा ।  
एएहिं कारणेहिं, जयणा आलिंपणं कुञ्जा ॥

चू- गोमयगहणे इमा विधी-

[भा.४१९९] अभिनववोसिद्धासति, इतरे उवओग काउ गहणं तु ।  
माहिस असती गव्वं, अनातवत्थं च विसघाती ॥

चू- वोसिरियमेत्तं घेतव्वं, तं बहुगुणं । तस्सासति इयरं चिरकाल वोसिरियं, तं पि उवओगं करेतुं गहणं । जदि न संसत्तं पि माहिसं घेतव्वं । माहिसासति गव्वं । तं वि अनायवे ठियं, छायायामित्यर्थः, तं असुसितं विसघाति भवति, आयवत्थं पुण सुसियरसं न गुणकारी ॥

मू. (७८२) जे भिक्खू दिया आलेवणजायं पडिग्गाहेत्ता दिया कायंसि वणं आलिंपेज्ज वा विलिंपेज्ज वा आलिंपंतं वा विलिंपंतं वा सातिज्जति ॥

मू. (७८३) जे भिक्खू दिया आलेवणजायं पडिग्गाहेत्ता रत्तिं कांसि वणं आलिंपेज्ज वा विलिंपेज्ज वा आलिंपंतं वा विलिंपंतं वा सातिज्जति ॥

मू. (७८४) जे भिक्खू रत्तिं आलेवणजायं पडिग्गाहेत्ता दिया कायंसि वणं आलिंपेज्ज वा विलिंपेज्ज वा आलिंपंतं वा विलिंपंतं वा सातिज्जति ॥

मू. (७८५) जे भिक्खू रत्तिं आलेवणजायं पडिग्गाहेत्ता रत्तिं कायंसि वणं आलिंपेज्ज वा विलिंपेज्ज वा आलिंपंतं वा विलिंपंतं वा सातिज्जति ॥

चू- आलेवणजातं आलेवणप्पगारा ।

[भा.४२००] दियरातो लेवणं, चउक्कभयणा तु जा वणे वुत्ता ।  
एत्तो एगतरेणं, मक्खेंताणादिणो दोसा ॥

[भा.४२०१] सो पुण लेवो चउहा, समणो पायी विरेग संरोही ।  
वडछल्लितुवरमादी, अनाहारेण इह पगतं ॥

चू- वेदनं जो उवसमेति, १ । पायि पागं करेति, २ । विरेयणो पुव्वं रुधिरं दोसे वा निग्घाएति, ३ । संरोही रोहवेति, ४ । जावइया वडछल्लिमादी तुवरा वेयणोवसमकारगा । इह अनाहारिंमं परिसावेंत ॥

[भा.४२०२] नच्चुप्पतितं दुक्खं, अभिभूतो वेयणाए तिव्वाए ।  
अद्दीनो अब्वहितो, तं दुक्खंऽहियासए सम्मं ॥

[भा.४२०३] अब्वोच्छित्तिनिमित्तं, जीयट्ठीए समाहिहेतुं वा ।  
एएहिं कारणेहिं, जयणा आलिंपणं कुञ्जा ॥

मू. (७८६) जे भिक्खू अन्नउत्थिएण वा गारत्थिएण वा उवहिं वहावेइ, वहावेतं वा सातिज्जति ॥  
 मू. (७८७) जे भिक्खू तत्रीसाए असनं वा पानं वा खाइमं वा साइमं वा देइ, देतं वा सातिज्जति ॥  
 [भा. ४२०४] जे भिक्खू उवगरणं, वहावे गिहि अहव अन्नतिथेहिं ।

आहारं वा देजा, पडुच्च तं आणमादीणि ॥

चू- “ममेस उवकरणं वहइ” त्ति पडुच्च आहारं देजा तस्स चउलहुं आणादिया य दोसा । इमे य दोसा-

[भा. ४२०५] पाडेज्ज व भिंदेज्ज व, मलगंधावन्न छप्पतियनासो ।  
 अत्थंडिले ठवेज्जा, हरेज्ज वा सो व अन्नो वा ॥

चू- स गिहत्यो अन्नतिथिओ वा उवकरणं पाडेज्ज, भायणं वा भिंदेज्ज, मलिणे दुगंधे वा उवकरणे अवन्नं वदेज्ज, छप्पतियाओ वा छुडेज्ज वा मारेज्ज वा । अधवा - सो अयगोलो अर्थंडिले पुढविहरियादिसु ठवेज्ज । अधवा - तस्स भारेण आयविराधना हवेज्ज । तं उवकरणं सो वा हरेज्ज, अनुवउत्तस्स वा अन्नो हरेज्ज ।

[भा. ४२०६] दुब्बलियत्तं साहू, बालाणं तस्स भोयणं मूलं ।  
 दगघातो अपि पियणे, दुगुंछ वमणे कयुड्डाहो ॥

चू- भगवता गोयमेण महावीरवद्धमाणसामी पुच्छितो- “एतेसिं नं भंते ! बालामं किं बलियत्तं सेयं ? दुब्बलियत्तं सेयं” ? भगवया वागरियं - “दुब्बलियत्तं सेयं, बलियत्तं अस्सेयं” । तस्स य बलियत्तणस्स मूलं आहारो । सो य साहुसमीवे आहारं आहारेत्ता बहूणि अधिकरणाणि करेज्ज, उदगं वा पिएज्ज, आयमेज्ज वा, भुत्तो वा दुगुंछाए वमेज्ज, रुयुप्पातो वा से हवेज्ज । संजएहिं एरिसं किंपि मे दिन्नं जेन रोगो जाओ एवं उड्डाहो मरेज्ज वा । सव्वत्थ पच्छाकम्मे फासुएण देसे मासलहुं, अफासुएण देसे सव्वे वा चतुलहुं, तम्हा गिहत्यो अन्नउत्थिओ वा न वाहेयव्वो, न वा असनादी दायव्वं ॥ भवे कारणं जेण वहावेज्ज वा असनादि वा देजा-

[भा. ४२०७] असिवे ओमोयरिए, रायदुट्ठे भए व गेलन्ने ।  
 देसुड्डाणे अपरक्कमे य वाहेज्ज देजा वा ॥

चू- असिवकारणे ओमे वा रायदुट्ठे वा बोहिगादिभए वा वच्चंतो अप्पणा असमत्थो वहावेज्ज वा, तन्नमित्तं वा असनादि देज्ज । गिलाणो वहावेज्ज वा, गिलाणट्ठा वा गम्मते । देसुड्डाणे वा अपरक्कमो गिहिणा वहावेज्ज देज्ज वा आहारं ॥

मू. (७८८) जे भिक्खू इमाओ पंच महन्नवाओ महानईओ उदिट्ठाओ गणियाओ वंजियाओ अंतोमास्स दुक्खुत्तो वा तिक्खुत्तो वा उत्तरइ वा संतरइ वा, उत्तरंतं वा संतरंतं वा सातिज्जति । तं जहा-गंगा जउणा सरऊ एरावई मही ॥

तं सेवमाणे आवज्जइ चाउम्मासियं परिहारट्ठणं अनुग्घाइयं ।

चू- जे इत्यविशिष्टो निर्देशः, भिक्षोः । इमा इति वक्ष्यमाणा प्रत्यक्षीभावे गणिताओ पंच महन्नवाओ इति बहूदकाः बह्वर्णवत्वादेव महानद्यः । अहवा - महत् शब्दः प्राधान्यविस्तीर्णत्वे इत्यर्थः ।

[भा. ४२०८] उदिट्ठाओ नईओ, गणिया पंच इति वजिया नामे ।  
 बहुसलिला व महन्नव, महाणईओ य पाधन्ने ॥

घू- पुव्वद्धं कंठं । पश्चार्धं गतार्थम् । अंतो अब्भंतरे कालमासस्य मासकल्पविहारेण सकृत् कल्पत एव उत्तरितुं । तस्मिन्नेव मासे द्वि-तृतीयवारा प्रतिषेधः ॥

[भा.४२०९] बाहाहि व पाएहि व, उत्तरणं संतरं तु संतरणं ।

तं पुण कुंभे दइए, नावा उडुपाइएहिं वा ॥

घू- निरंतरं उत्तरणं, कुंभदतियादिएहिं संतरं संतरणं । कुंभो एगो घडणावा वा, दतिओ वातपूरिओ, नावा पसिद्धा, उडुवो कोटिंवो, आदिसद्दाओ लाउपन्नीहिं । सादिज्जणा अनुमोयणा वाक्योपन्यासे तं जहा गंगाद्याः प्रसिद्धाः, चउलहुं पावति ॥ एस सुत्तयो । अधुना निर्युक्तिविस्तरः-

[भा.४२१०] पंच परूवेऊणं, नावासंतारिमं तु जं जत्य ।

संतरणम्मि वि लहुगा, तत्थ वि आणादिणो दोसा ॥

घू- “जं जत्य” त्ति जदि उत्तरणं संतरणं वा जत्य त्ति नदीए एएसिं पंचणहं नदीणं कम्हि वि उत्तरणं कम्हिइ संतरणं । अधवा - एक्काए चेव अप्पोदगत्थामे उत्तरणं बहुदगत्थामे संतरणं । संतरणे चउलहुं, अवि सद्दाओ उततरणेवि चउलहुं, दोसुवि आणादिया दोसा सवित्थरा भाणियव्वा ॥

[भा.४२११] पंचणहं गहणेणं, सेसातो सूयिया महासलिला ।

तत्थ पुरा विहरिंसू, न य ताओ कयाइ सुक्खंति ॥

घू- पंचणहगहणातो अन्ना वि जाओ बहूदगाओ, अविच्छेयवाहिणीओ ताओ वि गहिताओ । स्यादबुद्धिः किमर्थं गंगादीनां ग्रहणं ? अत्रोच्यते - पच्छद्धं कंठं ॥

तत्थ संतरणे ताव दोसा भणामि-

[भा.४२१२] अनुकंपा पडिनीया, व होज्ज बहवे य पच्चवाया तु ।

एएसिं नाणत्तं, वोच्छामि अहानुपुव्वीए ॥

घू- तत्थ अनुकंपाए ताव भन्नति-

[भा.४२१३] छुभणं जले थलातो, अन्ने वोत्तारिता छुभहि साहू ।

ठवणं च पडि (त्थि) ताते, दहुं नावं च आनेति ॥

च- साधुंसंतरणद्धं जाणित्ता थलाओ नावं जले छुभेज्जा । एत्थ जहासंभवतो आउक्कायविराधनाए सट्ठाणपच्छित्तं । पुव्वारूढे वा उत्तारिता उदए वा छुहिन्ता साधुणा विलग्गावेज्जा । साधुणो वा दहुं संपड्डियं नावं धरेज्ज, साधुमो वा दहुं परकूलातो नावं आणेज्ज, एत्थ वि जहासंभवतो कायनिष्फन्नं ॥ एत्थ जे अवतारिता उदगे वा छूढा साधुनिमित्तं इमं कुज्जा-

[भा.४२१४] नाविय-साहुपदोसे, नियड्ढणऽच्छंतका य हरितादी ।

जं तेन-सावतेहि व, पवाहणऽन्नाए किणणं वा ॥

घू- नावियस्स साधु स वा पदोसंगच्छेज्जा, जं वा ते पावेज्ज तन्निष्फन्नं, जं वा ते नियड्ढंता तडे वा अच्छंता हरियादिचक्कायविराधनं करेज्ज, जं च ते सावएहिं पाविहिंति, जं च अन्नं नावं कीतादी काउं पवाहेज्ज, एत्थ तन्निष्फन्नं सब्बं साधुणो पावेंति ॥

परकूलातो नावाणयणे इमो दिड्ढंतो-

[भा.४२१५] मज्जणगतो मरुंडो, नावं साहूण अप्पणाऽऽनेति ।

कहिया जति अक्खेवा, तति लहुगा मग्गणा पच्छा ॥

चू- ण्हायंतो मुरुंडराया साधुणो संतरितुकामा दहूणं सयमेव नाविए आनेत्ता साधुणो विलग्गावेत्ता भणति - कहेह किं चि ताव जाव नं उत्तरेमो । अक्खेवणादिकहालद्धिजुत्तो साधू कहेतुमारद्धो । तेन कहंतेण अक्खित्तो नावियं “सन्ने” ति सणियं कइह, जेण एस साधु चिरं कहेति । साधुकारणा सणियं गच्छंताणं जत्तिया आवल्लखेवा तत्तिया चउलहुगा । उत्तिन्नेण रत्ता अंतंपुरे अक्खायं-अतिसुन्दरकधगा साधुणो । अंतंपुरे कोउहल्लूसुगं याणं विन्नवेति - जइ ते साधुणो इहं आनिजेज्ज तो अम्हे वि सुणेज्जामो धम्मकधं । रत्ता गवेसित्ता, आनिया, एवामादी दोसा । जइ अंतंपुरे आयपरसमुत्था दोसा ॥ किं च-

[भा.४२१६] सुत्त-ऽत्थे पलिमंथो, नेगा दोसा य । निवधरपवेसे ।

सतिकरण कोउएण व, भुत्ता-ऽभुत्ताण गमणादी ॥

चू- कंठा । एते अनुकंपदोसा गता । इमे “पडिनीय” दोसा-

[भा.४२१७] छुब्भण सिंचण बोलण, कंबल-सबला य घाडियानिमित्तं ।

अनुसद्धा कालगता, नागकुमारेसु उववन्ना ॥

चू- तत्थ छुब्भणादिसु नावाए सामन्नेण दिट्ठती कज्जति । जहा मधुराए भंडीरजत्ताए घाडिएण अणापुच्छाए वइल्ला नीता । तन्निमित्तं वेरगिया सावणेण अनुसद्धा भत्तं पच्चक्खायं । कालगया नागकुमारेसु उववन्ना ॥ तेहिं

[भा.४२१८] वीरवरसस भगवतो, नावारूढस्स कासि उवसगं ।

मिच्छादिट्ठि परद्धो, कंबल-सबलेहि तित्थं च ॥

चू- भगवं नावारूढो, नागकुमारेण सुदाढेण उवसग्गितो, कंबलसबलेहिं मोइओ, महिमा य कया, तम्मि य पदेसे तित्थं पव्वत्तं ॥

“छुब्भण” ति पडिनीओ नावाए आरुभंते साधुणो भणति-

[भा.४२१९] सीसगता वि न दुक्खं, करेह मज्झं ति एवमवि वोत्तु ।

जा छुब्भंतु समुद्दे, मुंचति नावं विलग्गेसु ॥

चू- सिद्धत्थग-समिपत्तपुष्पाणि वा सिरद्धियाणि जहा पीडं न करेति एवं मम तुब्भे पीडं न करेह, अनुग्गहो य, एवं वोत्तुं पि जाहे नावं आरूढा साधवो ताहे मुंचति नावं नदिमुहेसु “जो” तु समुद्दे पडतु त्ति, तत्थ किलस्संतु, मरंतु वा ॥

“छुब्भण” ति गयं । “सिंचण-बोलण” दो वि दारे जुगवं वक्खाणेति-

[भा.४२२०] सिंचति ते उवहिं वा, ते चे जले छुभेज्ज उवहिं वा ।

मनोवहिनिष्फन्नं, अनेसिय तणादि तरपन्नं ॥

चू- नाविगो अन्नो वा पडिनीओ साधुं सिंचति, उवहिं वा । “बोलण त्ति - ते चेव साधू जले छुहेज्जा उवहिं वा । आयविराधनाए परिताव मरण निष्फन्नं, जं च उवधिणासे अनेसनिज्जं गेण्हिंहिति, जं च झुसिराञ्जुसिरे तणे सेवेहिंति, सव्वं तन्निष्फन्नं पावति । तरपन्ने च मग्गेज्जा, अदिज्जमाणे वा रुंभेज्जा, दिज्जमाणे अधिकरणं ॥ “सिंचण-बोलण” ति दो दोरा गता ।

इदानिं “बहवो य पच्चवाया उ” ति अस्य व्याख्या-

[भा.४२२१] संघट्टणा य घट्टण, उवगरणपलोट्टिसिंचणे दोसा ।

सावयतेणे तिण्हेगतरा, विराधना संजमाऽऽयाए ॥

चू- पुव्वद्धस्स इमं वक्खाणं-

[भा.४२२२] तस-उदग-वणे घट्टण, सिंचण लोगो य नाविसिंचणया ।

लोट्टण उवही उभए, वुट्टण एमेव अत्थाहे ॥

चू- जलसंभवा तसा, दग सेवालादि वणकायो-एते संघट्टण-परितावण-उद्ववणादि । साधुं उवगरणं वा लोगो नाविगा वा सिंचेज्ज वा, पादेहिं वा मलेज्जा, साधुं उवकरणं वा वणावातो लोटेज्ज । अतिसंवाधे वा सयं लोटेज्ज । एवं वाहे अत्थाहे वा उवहि आता तदुभयं वा वुट्टेज्ज ॥

- “सावयतेणे” त्ति अस्य व्याख्या-

[भा.४२२३] ओहारमगरादीया, घोरा तत्थ उ सावया ।

सरीरोवहिमादिया, नावातेणा य कत्थइ ॥

चू- ओहारो मच्छो । सेसं कंठ । सरीरतेणा उवकरणतेणा उभयतेण वा कत्थइ समुद्धमज्जे नावाहिं भवंति ॥ “तिण्हेगतर” त्ति अस्य व्याख्या-

[भा.४२२४] सावयतेणे उभयं, अनुकंपादी विराधना तिन्नि ।

संजम आउभयं वा, उत्तर-नावुत्तरंते य ॥

चू- सावया, तेणा, सावया वि तेना वि । अहवा - अनुकंपाए पडिणीयट्टयाए अनुकंपडिणी-यट्टयाए वा । अहवा - संजमविराधना आयविराधना उभयविराधना । अहवा - नावं आरुभते, नावा आरुढे, नावातो उत्तरंते य एवं बहवा पच्चवाया भवंति ॥ संतरणं गतं ।

इदानि “उत्तरणं तत्थ-

[भा.४२२५] जंघद्धा संघट्टो, संघट्टवरिं तु लेव जा नाभी ।

तेन परं लेवुवरिं, तुंबादी नाववज्जेसु ॥

चू- जत्थ तले पादतलातो आरुभेऊणं जाव मुक्कजंघाए अद्धं बुडुत्ति एस संघट्टो भन्नति । मुक्कजंघाओ आरुभेऊण उवरिं जाव नाभी वुडुत्ति एस लेवो भन्नति । नाभीतो आरुभेऊण उवरिं सव्वं लेवोवरिं भन्नति । तं दुविह - थाहं अथाहं च । जत्थ नासियं न बुडुत्ति तं थाहं । जत्थ पुण नासिया बुडुत्ति तं अत्थाहं । तुंबादिएसु वा नावावज्जेसु जत्थ तरंतो जलं संघट्टेत्ति तं सव्वं उत्तरणं भन्नति ॥ तत्थ उत्तरणे इमे दोसा-

[भा.४२२७] संगट्टणा य सिंचण, उवकरणे पडण संजमे दोसा ।

चिक्खल्ल खाणु कंटग, सावय-भय-बुज्जणे आता ॥

चू- लोणेण साधुस्स संघट्टणा, साधू वा जलं संघट्टेत्ति । अधवा - संभवतो कायसंघट्टणे पच्छित्तं वत्तव्वं । संघट्टणगहणा परितावणोद्ववणे विगहिते, तन्निप्फन्नं च । पडिनीओ साधुं उवकरणं च वा से सिंचति, अनुकंपाए वा साधुं सिंचति, साधू वा अप्पणाअप्पानं सिंचेज्जा, पडणं वा साधुस्स उवकरणस्स वा उदए । एते संजमदोसा । इमे पच्छद्धगहिता आयविराधना दोसा - सचिक्खले जले खुप्पति, जलमज्जे अचक्खुविसए खाणुकंटएण वा विज्जज्ज, मगरादी सावयभयं भवति, नदीवाहेण वा वुज्जइ ॥ इमं च कप्पसस चउत्थुददेसगाभिहितसुत्तस्स खंडं भन्नति, एरवति कोणालासु जत्थ चक्किया इत्यादि । इमो सुत्तयो-

[भा.४२२८] एरवति जम्भि चक्रिय, जलथलकरणे इमं तु नाणत्तं ।

एगो जलम्भि एगो, थलम्भि इहइं थलाऽऽगासं ॥

चू- एरवती नदी कुलाणा जनवते, कुणालाए नगरीए समीवे अद्धजोयणं वहति । सा य उव्वेधेणं अद्धजंघप्पमाणं, अत्राए य जम्भि अद्धं जंघप्पमाणं “चक्रियं”ति सक्किञ्जति उत्तरिउं तत्थ जलथलकरणे उत्तरियव्वं. जलथलाण नाणत्तं पच्छद्धगहितं, न वि रोलेतेण गंतव्वमित्यर्थः ॥

[भा.४२२९] एरवतिकुणालाए, वित्थिन्ना अद्धजोयणं वहती ।

कप्पति तत्थ अपुन्ने, गंतुं जा वेरिसी अन्ना ॥

चू- पुव्वद्धं गतार्थं । उडुबद्धकाले अपुत्रे मासकप्पे जाव तित्रिवारा भिक्खलेवादिकप्पेसु जयणाए कप्पति । अत्रा वि जा नदी एरिसी ताते वि कप्पति गंतुं । उत्तरणसंतरणानि स्वविधानेन पूर्ववत् । अधवा - दगसंघट्टे सकृद् उत्तरणं, द्वितृतीयवारा संतरणं ॥

भणिओ सुत्तथो । इदानिं निञ्जुत्ती । उत्तरणे पंथप्पगारा भन्नन्ति-

[भा.४२३०] संकम थले य नोथले, पासाणजले य वालुगजले य ।

सुद्धुदग-पंकमीसे, परित्तऽन्ते तसा चेव ॥

चू- तिविहो पंथो संकमेण थलेणं नोथलेणं । जं तं नोथलेणं तं चउव्विहं - पासाणजलं, वालुयाजलं सचित्तपुढवीए सुद्धुदगं, पंकमीसंजलं, तम्भि खुप्पतेहिं गम्मति । एक्केक्के परित्तन्तकायाण तसाण य विराधना संघट्टणादिया संजमविराधना भवति ॥

जलेण गम्माणे विकल्पप्रदर्शनार्थमाह-

[भा.४२३१] उदए चिक्खल्लपरित्तऽन्तकातिग तसे य मीसे य ।

अक्कतमणक्कंते, संजोगा हुंति अप्पबहुं ॥

चू- अह पुण एवं जाणञ्जा- एरवइ कुणालाए जत्थ चक्रिया एगं पायं जले किच्चा एगं पायंथले किच्चा, एवं से कप्पइ अंतो मासस्स दुक्खुत्तो वा तिक्खुत्तो वा उत्तरिए वा संतरिए वा । जत्थ नो एवं चक्रिया, एवं से नो कप्पइ अंतो मासस्स दुक्खुत्तो वा तिक्खुत्तो वा उत्तरिए वा संतरिए वा ।

उदगग्गहणे उदए तेऊवाऊविहूणा एग-दु-तियादी चिक्खल्लादिपुढवीसु वणस्सतीसु य परित्तऽन्तेसु तसेसु य बेइंदियासु, एएसु पुव्वं मीसेसु, पच्छा सचित्तेसु, थिरअथिरेसु, अक्कतमनक्कंतेसु, संजोगा भाणियव्वा । अप्पाबहुअं” ति एएसु संजोगेसु जेसु अप्पतरा संजमविराधना दोसा तेसु गंतव्वं ॥ “संकम”ति जत्थ संकमो तत्थिमे संकमभंगविगप्पा-

[भा.४२३२] एंगंगिय चल थिर पाडिसाडि निरालंब एगतो सभए ।

पडिपक्खेसु य गमणं, तज्जातियरे च संडे वा ॥

चू- संघातिमासंघातिमो एंगंगिओ भवति, तेन गंतव्वं, न चलेण । पारिसाडिणा न गंतव्वं । अपारिसाडिमा गंतव्वं । न निरालंबेण एगतो वा सालंबेण गंतव्वं । दुहओ (वा) सालंबेण गंतव्वं । सभए न गंतव्वं, पडिपक्खे निम्भएण गंतव्वं । अनेगंगिय-चल-परिसाडि-निरालंब-सभए एतेसि पंचणं पदाणं पडिपक्खेसु गमणं । एत्थ बत्तीसभंगा कायव्वा. एगो पढमभंगो सुद्धो । सेसा असुद्धा । तेसु वि बहुगुणतरेसु गमणजयणा कायव्वा । “संडे” वा संकमविकप्पो ति, अओ भन्नन्ति - ते दुविहा - तज्जाया अतज्जाया वा, तत्थेव जाया सिलादी तज्जाया, अन्नओ दारगादी

आनेत्ता ठविद्या अतज्जाया । तेसुवि चलाचल-प्रकृताऽनकृतसभय-निम्भयादी भेदा कायव्वा ॥  
– “संकमे”ति गतं । इदानीं “थले”ति-

[भा.४२३३] नदिकोप्पर चरणं वा, थलमुदयं नोथलं तु तं चउहा ।

उवलजल वालुगजल, सुद्धमही पंकमुदयं च ॥

चू- नदीए आउंटिय कोप्परागारं चलणं तेन गम्पति, जलोवरिकवाडाणि मोत्तुं पालिबंधो कज्जति तेन चरणेणं गम्पइ, एत्थ वि अकृत-अनकृत-सभय-निम्भयादी भेदा वत्तव्वा । “उदय”ति थलेण उदयस्स परिहारो । थलं ति गतं । इदानीं “नोथलं”ति तं चउव्विहं पच्छुद्धं । अहो पासाणा उवरिं जलं, अहो वालुगा उवरि जलं, अहो सुद्धमही उवरि जलं, अहो पंको उवरिं जलं ॥

पंकुदगे इमे विधाणा-

[भा.४२३४] लत्तगपहे य खलुते, तहऽद्धजंधे य जानु उवरिं च ।

लेवे य लेवउवरिं, अकृतादी य संजोगा ।

चू- जम्भेतं अलत्तगेण पादो रज्जति तम्भेतो कद्दमो जम्भि पथे सो लत्तगपहो, खलुगमेत्तो कद्दमोअद्धजंधमेत्तो जानुभित्तो, “जानुवरि लेवे”ति नाभिमेत्तो लेवो, लेवोवरिं च कद्दमो । एते सव्वेकद्दमप्पगारा चउव्विहे नोथले कद्दमेय सभेया अकृतानकृत-सभय-निम्भयादी सव्वे जहासंभवं संजोगा कायव्वा ॥ इमेण जुत्तो पंथो परिहरियव्वो-

[भा.४२३५] जो वि य होतऽकृतो, हरियादितसेहि चैव परिहीणो ।

तेन वि उ न गंतव्वं, जत्थ अवाता इमे होंति ॥ कंठा ।

चू- इमेहिं सावातो पथो भवति-

[भा.४२३६] गिरिनिदि पुन्न वालादिकंटगा दूरपारमावत्त ।

चिक्खल्ल कल्लुगाणि य, गारा सेवाल उवले य ॥

चू- जत्थ पहे गिरिनिदी पूरपुन्ना तिक्खवेगा मगरादि वाला अंतो जले जत्थ पासाण-कंटका वणप्फति कंटका वा पूराणीआ, दूरपारं वा जलं, आवत्तबहुलं वा जलं, चलनिचिक्खल्लो वा जत्थ, कोंकणविसए नदीसु अंतो जलस्स कल्लुगा पासाणा भवति ते पादं अचेयणं करेति छिंदंति “गारा” गारिसरिसाणि निन्नाणि, लोकप्रसिद्धाओ अद्दगा, सेवालो प्रसिद्धो, उवला छिन्नपासाणा ॥ चउव्विहे नोथले पुव्वं इमेण गंतव्वं-

[भा.४२३७] उवलजलेण तु पुव्वं, अकृत निरच्चएण गंतव्वं ।

तस्सऽसति अनकृते निरव्वएणं तु गंतव्वं ॥

चू- उवलजले कद्दमाभावे स्थिरसंघननाच्च अतः पूर्व तेन गम्यते । सेसं कंठं । तस्स अभावे सिगतजलसुद्धपुढवीए य कमेणं ॥ अतो भन्नति-

[भा.४२३८] एमवे सेसएहि वि, सिगतजलादीहि होंति संजोगा ।

पंक मधुसित्थ लत्तग, खलुऽद्धजंधा य जंधा य ॥

चू- उवलातो वालुया अप्पसंघयणतरा तेन वालुयाजलेण पच्छा गम्पति, वालुगातो सुद्धपुढवी अप्पसंघयणतरा तेन वालुयाजलातो पच्छा तीए गम्पति, तेसु अकृतादि संजोगा पूर्ववत् । पंकजलं बहुअवायं, अन्नपहाभावे तेन पच्छा गम्पति । सो य पंको जो महुसित्थागिती लत्तगमेत्तो तेन

पहेण गम्मति, पच्छा खलुगमेत्तेण, पच्छा अद्धजंघप्पमाणेण, तओ पच्छा जंघप्पमाणेण -  
जानुमात्रेणेत्यर्थः ॥ जो पुण जाणुप्पमाणातो परेण पंको तेन न गंतव्वं- जओ भन्नति-

[भा.४२३९] अद्धोरुगमेत्तातो, जो खलु उवरिं तु कद्दमो होति ।

कंटादि जहो वि हु सो, अत्थाहजलं व सावातो ॥

चू- जानुप्पमाणातो उवरि कद्दमो कंटादि अवायवज्झितो वि गतिअभावातो सावातो चेव  
भवति, अत्थाहजलवत् ॥ एसो विधी सव्वो उवलादिसचित्तपुढवीए भणिओ । अह अचित्तादीपुढवी  
तो इमा विधी-

[भा.४२४०] जत्थ अचित्ता पुढवी, तहियं आउ-तरुजीवसंजोगा ।

जोणिपरित्त-थिरेहिं, अक्कंत-निरच्चएहिं च ॥

चू- पुढवी सव्वत्थ अच्चित्ता, किं आउक्काएण गच्छउ, किं वणस्सतिणा गच्छतु ? आउक्काए  
नियमा वणस्सती अत्थि तम्हा तेन मा गच्छतु, वणस्सतिणा गच्छतु । तत्थ वि परित्तजोणिएण  
थिरसघयणेण, तत्थ वि अक्कंतेण तत्थ वि निष्पच्चवातेण, सपच्चवातेण बितिओ । अनक्कंते वि  
एते चेव दो विकप्पा । एवं थिरे वि चउरो विकप्पा । अथिरे च चउरो । एवं परित्ते अद्ध विकप्पा ।  
एवं अनंते वि अद्ध । एवं परित्ते अद्ध विकप्पा । एवं अनंते वि अद्ध । एवं सव्वग्गेण वणस्सतिकेए  
सोलस विकप्पा ॥ इदानीं आउस्स तसाण य संयोगो भन्नति-

[भा.४२४१] एमेव तु संजोगा, उदगस्स चतुव्विहेहि तु तसेहिं ।

अक्कंत-थिरसरिरे, निरच्चएहिं तु गंतव्वं ॥

चू- चउव्विहा तसा-बेंदिया तेइंदिया चतुपंचिंदिया । एत्थ पुव्वं बेंदिएसु थिरेसु अक्कंतसु  
निपच्चवाएण एस पढमभंगो, सपच्चवातेण बितिओ । अनक्कंते वि एते चेव दो विकप्पा । एवं  
अथिरेसु चउरो विगप्पा । एवं तेइंदिय-चउरिंदिय पंचिंदिएसु वि अद्धऽद्ध विगप्पा । एवं तसेसु वि  
सव्वग्गेणं बत्तीसं विगप्पा । अह संतर-निरंतरविगप्पो कज्झति तो तसेसु सव्वग्गेणं चउसइ  
विगप्पा भवंति ॥ तेउ-वाउसु गमणस्सासंभवो ति अओ भन्नति-

[भा.४२४२] तेऊ-वाउविहूणा, एवं सेसा वि सव्वसंजोगा ।

उदगस्स तु कायव्वा, जेनऽहिकारो इहं उदए ॥

चू- वणस्साततसेसु वि दुगसंजोगो भाणियव्वो । पुव्वं तसेसु धेरादिसु गंतव्वं, जतो वणे वि  
नियमा तसा अत्थि ति । पुढवी-आउ-वणस्सति तिगसंजोगो, तिसुवि संभवे कयमेण गच्छउ ?  
पुव्वं पुढविना, ततो वणस्सतिणा तओ आउणा । पुढवि-आउ-वणस्सति-तसेसु ति एस  
चउक्कसंजोगो । चउक्कसंभवे करतेण गंतव्वं ? पुव्वं अच्चित्तपुढवीए, तओ विरलतसेसु, तओ  
सच्चित्तपुढवीए, तओ वणस्सतिणा, तओ आउणा, एते सेससंजोगा भणिया । इह बहुभंगवित्थरे  
बीयमेत्तमभिहितं । एत्थं पुण भंगवित्थरे जे उदगं अमुंचंतेण भंगा भवंति ते कायव्वा, जेण इह  
उदगाधिगारो । सेसभंगा पुण इह विकोवण्णा भणिया ॥

“अंतो मासस्स दुक्खुत्ते तिक्खुत्तो उत्तर”ति अस्य सूत्रपदस्यार्थः-

[भा.४२४३] एरवति जत्थ चक्किय, तारिसए न उवहम्मती खेत्तं ।

पडिसिद्धं उत्तरणं, पुन्ने असति खेत्तऽनुन्नातं ॥



चू- एरवती नदी कुणाला जनपदे, सा अद्धजोयणवित्थिन्ना अद्धजंघऽत्थाहं उदगं वहति । तीए केइ पदेसा सुक्खा नत्थि । उदगं तं जो उत्तरित्ता भिक्खायरियं करेति तत्थ उडुबद्धे जत्थ तिन्नि दगसंघट्टा ते गतागतेणं छ, वासासु सत्त ते गयागएणं चोद्दस । एत्तो एक्केण वि अहिएहिं उवहम्मति खेत्त । अन्नत्थ वि जत्थ एत्तिया दगसंघट्टा तत्थ वि एवं चेव - “पडिसिद्धं उत्तरणं” पच्छद्धं, अस्य व्याख्या - पुत्रे मासकप्पे वासावासे वा जति अनुत्तिन्नाणं अत्थि अन्नं खेत्तं मासकप्पपायोगंतो न उत्तरियव्वं, जाणि अनुत्तिन्नाणि खेत्ताणि तेसु विहरियव्वं, अह अनुत्तिन्नाणं अन्नं नत्थि खेत्तं तो उत्तरियव्वं ॥

[भा. ४२४४] सत्त तु वासासु भवे, दगघट्टा तिन्नि होति उडुबद्धे ।

जे उ न हणंति खेत्तं, भिक्खायरियं च न हरंति ॥

[भा. ४२४५] जह कारणम्मि पुण्णे, अंतो तह कारणम्मि असिवादी ।

उवहिस्स गहण लिपण, नावोदगं तं पि जयणाए ॥

चू- जहा कारणे पुन्ने मासकप्पे वासावासे वा अन्नखेत्तासती य दिट्ठं उत्तरणं तहा अंतो वि मासस्स असिवादीहीं कारणेहिं उवही वा अन्नतो दुल्लभा लेवस्स वा अट्टाए उत्तरेज्जा । “नावोदगं तं पि जयणाए” ति असिवादिएहिं चेव कारणेहिं जं उदगं नावाए उत्तरित्ता उज्जाणं गम्मति ॥ जत्थ गंतव्वं तत्थिमा विधी-

[भा. ४२४६] नाव-थल-लेवहेट्टा, लेवे वा उवरिए व लेवस्स ।

दोन्नी दिवह्ठमेक्कं, अद्धं नावाए परिहाति ॥

चू- नावुत्तरणथामातो जइ दो जोयणाणि पज्जोहारेण वक्कथलेण गम्मति तेन गंतव्वं, मा य नावाए ।

[भा. ४२४७] दो जोयणाइ गंतुं, जहियं गम्मति थलेण तेनेव ।

मा य दुरूहे नावं, तत्थावाया बहू वुत्ता ॥

चू- एवं नावा उत्तरणथामाओ ‘लेवहेट्ट’ ति दगसंघट्टणेण दिवह्ठजोयणण गच्छउ मा य नावाए । एवं नावुत्तरणथामातो जोयणपज्जोहारेण लेवेण गच्छउ मा य नावाए । एवं नावुत्तरणथामातो अद्धजोयणपज्जोहारेण लेवुवरिए गच्छतु मा य नावाए । एस नावुत्तरणथामाओ परिहाणी वुत्ता । एवं चेव लेवोवरि उत्तरणथामाओ दिवह्ठजोयणपज्जोहारेण थलेण गंतव्वं मा य लेवो-वरिणा । लेवुत्तरणथामाओ एगजोयणपज्जोहारेण संघट्टेम गच्छउ मा य लेवोवरिणा । लेवुत्तरणथामाओ अद्धजोयणपरिहारेण अद्धजोयणेण संघट्टेण गच्छतु मा य लेवेण गच्छउ, मा य लेवोवरिणा । एसा लेवुवरिथामातो परिहामी । लेवुत्तरणथामातो एगजोयणपज्जोहारेण थलेण गच्छउ मा य लेवेण । लेवुत्तरणथामातो अद्धजोयणेण संघट्टेण गच्छतु मा य लेवेण, एस लेवातो परिहाणी । संघट्टुत्तरणथामातो अद्धजोयणपज्जोहारेण थलेण गच्छतु मा य संघट्टेण, एतेसि परिहासणं असतीए नावालेवोवरि लेवसंघट्टेहिं वि गंतव्वं जयणाए ॥

तत्थऽद्धजंघाए वि इमा जयणा-

[भा. ४२४८] थलसंकमणे जयणा, पलोयणा पुच्छिऊण उत्तरणं ।

परिपुच्छिऊण गमणं, जति पंथो तेन जयणाए ॥

चू- “थलसंकमेणे” ति एगं पादं थले विभासा, पलोयणा नाम लोयं उत्तरंते पलोएति, जेणं जेणं अद्धजंघामेत्तं उदगं तेणं तेणं गच्छति । अह उत्तरंते न पासेज्जा तो पाडिपहियमन्नं वा पुच्छति, “जतो नीयतरागं उदगंति तं चिंधेहिंति” ति वुत्त भवति । परिपुच्छिऊणंति जदि तस्स उदगस्स परिहारपंथो अत्थि तं पुच्छिऊणं तेन जयणाए गंतव्वं ॥

अह तेन थलपहेण इमे दोसा हवेज्ज-

[भा. ४२४९] समुदानं पंथो वा, वसही वा थलपहेण जति नत्थि ।

सावयतेणभायं वा, संघट्टेण ततो गच्छे ॥

चू- समुदानं भिक्खा नत्थि, अथवा थलपहो चैव नत्थि, वसधी वा नत्थि, सिंहादिसावतभयं वा, सरीरोवहितेणभयं वा, तो थलपहं मोत्तुं उदगसंघट्टेणं गंतव्वं ॥

तदभावे लेवेण वा तत्थिमा उत्तरणजयणा-

[भा. ४२५०] एते चैव य दोसा, जति संघट्टेण गच्छमाणस्स ।

तो लेवेणं गच्छे, निरवाएणं तिमा जयणा ॥

[भा. ४२५१] निब्भए गारत्थीणं, तु मग्गतो चोलपट्टमुस्सारे ।

सभए अत्थग्धे वा, ओइन्नेसु घणं पट्टं ॥

चू- जइ गिहिसत्थसहायो ताहे उदगसमीवं गंतुं, उह्गकायं मुहंनंतगेण पमज्जित्ता, अहोकायं रयहरणेणं उवकरणं पडिलेहित्ता, एगओ य तं उवकरणं करेत्ता, जदि चोरभयं नत्थि तो गिहत्थाण सव्वपच्छओ उदगमवतरति । जह जह ओगाढतरं जलमोगाहइ तह तप पच्छओ ठितो उवरुवरिं चोलपट्टमुस्सारेइ जहा न भिज्जइ । अह सत्थपच्छओ भयं अथाहं वा जलं तो जाहे अग्गतो गिहत्था केत्तिया वि उत्तिन्ना ताहे साहू मज्जे अवतरति, चोलपट्टं च घणं कडीए - दढं बंधतीत्यर्थः ॥ एतेण विहाणेण उत्तरंतस्स जइ चोलपट्टो भिन्नो, अत्रं वा किं चि उवकरणजायं, तो इमो विही ।

[भा. ४२५२] दगतीरे ता चिट्ठे, निष्पगलो जाव चोलपट्टो उ ।

सभए पलंबमाणं, गच्छति काएण अफुसंतो ॥

चू- पगलमाणं दगसंरक्खणद्धा दगे दगसमीवे वा निद्धपुढवीते ताव चिट्ठति जाव चोलपट्टो अत्रं वा उवकरणं निष्पगलं । अह तत्थ अछंतस्स भयं तो पगलमाणमेव सरीरे अफुसंतो गच्छति, बाहाए पलंबमाणं नेइ ॥ जत्थ सत्थविरहिओ एगागी दगमुत्तरइ तत्थिमो विही-

[भा. ४२५३] असति गिहि नालियाए, नाक्खेत्तुं पुण वि पडियरणं ।

एगाभोगं च करे, उवकरणं लेव उवरिं च ॥

चू- गिहिसहायासइ सव्वोवकरणं ओयरणतीरे मोत्तुं, नालिगा आयप्पाणातो चउरंगुलाइरित्ता, तं घोत्तुं जलमोयरित्ता, तीए आणक्खेउं-उवग्धाइत्ता इत्यर्थः, सपरतीराओ पुणो वि जलपडियरणं करेति-प्रत्यागच्छतीत्यर्थः । आगतूणं तं सुक्कोवकरणं एगाभोगं करेति, तं घेत्तुं तेन आणाक्खितजलपहेण उत्तरति । एस लेवे लेवुवरिते वा विही भणितो ॥

थलसंघट्टलेवलेवोवरिपहेसु विज्जमाणेसु वि अववादेण नावं दुरुहेज्जा । इमेहिं कारणेहिं-

[भा. ४२५४] बितियपय तेन सावय, दुब्बिक्खे कारणे व आगाढे ।

कज्जुवहि मगर वुज्जण, नावोदग तं पि जयणाए ॥

चू-तेसु थलाइपहेसु सरीरोवहितेणा दुविहा होज्ज, सीहादिसावयभयं वा होज्ज, भिक्खा वा न लब्भइ, गाढं वा अहिडक्कविसविसूइयादि गिलाणकज्जं वा होज्ज, एवमादिकारणेहिं खिप्पं ओसहेहिं कज्जं हवेज्ज, अतितुरियं वा कुलाइकज्जं हवेज्ज, उवकरणुप्पादणार्थं वा गच्छे, लेवलेवोरियेहिं वा मगरभयं, अहवा लेवलेवोरियेहिं बुज्झण भयं, एवमादिएहिं कारणेहिं नावातारिमं उदगं गच्छेज्जा, तं पि जयणाए गच्छइ। अहवा - “कुज्जवहि” ति एगाभोगो उवही करेज्जा। किं कारणं ? कयाइ पडिनीएहिं उदगे छुब्भेज्ज, तत्थ मगरभया एगाभोगकएसु पदेसु आरुभइ, एगाभोगकएसु वा बुज्झइ-तरतीत्यर्थः-। नावाए वा विणट्ठाए एगाभोगकए दगं तरतीत्यर्थः। अधवा - नावोदगं “तं पि जयणाए” ति जइ बलाभियोगेण नावाइउदगं उस्संचावेज्जेज्जा, तं जयणाए उस्सिचियव्वं॥ तं पुण एगाभोगं उवकरणं कहं करेति ? अत उच्यते-

[भा.४२५५] पुरतो दुरुहणमेगंते, पडिलेहा पुव्व पच्छ समगं वा ।

सीसे मग्गतो मज्झे, बितियं उवकरण जयणाए ॥

चू- न गिहत्थाणं पुरतो उवकरणं पडिलेहेति, एगाभियोगं वा करेति, दुरुहणित्त नावं दुरुहितुकामो एगंतमुवक्कमित्ता उवकरणं पडिलेहेति, अहोकायं रयहरणेण, उवरिकायं मुहनंतगेण, भायणेय एगाभोगे बंधित्ता तेसिं उवरिं उवहिं सुनियमितं करेइ, भायणमुवहिं च एगट्ठा करोतीत्यर्थः। अत्रे भणांति - सव्वोवही (एगट्ठा कज्जति भायणं अमत्थिएः एगट्ठाणे पुढो कज्जत । पुव्वपच्छसमगं व” ति गिहत्थाणं किं पुव्वं दुरुहियव्वं अह पच्छ अध समगं ? एत्थ भन्नति - जदि य थिरा नावा न डोलायति तो पुव्वं दुरुहियव्वं, समगं वा, न पच्छ ।

अध पंता तो न पुव्वं, मा अमंगलमिति काउं रूसेज्ज । तेसिं पंताण भावं नातुं समगं पच्छा वा आरुभेज्ज । “सीसे” ति नावाए सीसे न दुरुहियव्वं, तं देवताणं ठाणं । “मग्गतो” ति पच्छतो वि न दुरुहियव्वं, तं निज्जामगट्ठाणं । मज्झे वि न दुरुहियव्वं तं कूवगट्ठाणं, तत्थ वा चरंता भायणादि विराहेज्ज । सेसमज्झे दुरुहियव्वं । जदि मज्झे ठातो नत्थि तो सेसंते निराबाहे ठाति, जत्थ वा ते ठवेति तत्थ ठायंति । सागारं भत्तं पच्चक्खाति ति, नमोक्कारपरो ठायति । उत्तरंतो न पुव्वमुत्तरति, मज्झे उत्तरति, न पच्छ । सारुवहि पुव्वमेव अप्पसागारिया कज्जति । उस्सग्गेण तरपन्नं न दायव्वं। अह तरपन्नं नाविओ मग्गेज्ज, ताहे अनुसद्धिम्मकहादीहिं मेल्लाविज्जति । अमुंचंते बितियपदेण दायव्वं, तत्थ वि आत्मोपकरणं जं तं पंतं दिज्जति, जदि तं नेच्छति रुंभति वा तत्थ अनुकंपाए जदि अत्रो देज्ज सो न वारेयव्वो, अप्पणा वा अन्नतो मग्गित्ता दायव्वं ॥

उद्देशकः-१२ समाप्तः

मुनि दीपरत्नसागरेण संशोधिता सम्पादिता निशीथ सूत्रे द्वादशम् उद्देशकस्य  
[भद्रबाहुस्वामि रचिता निर्युक्तियुक्तं] संघदास गणि विरचितं भाष्यं  
एवं जिनदास महत्तर विरचिता चूर्णिः परिसमाप्ता ।

उद्देशकः-१३

चू- उक्तो द्वादशमोद्देशः । इदानीं त्रयोदशमः । तत्थ संबंधगाहा इमा-  
[भा.४२५६] नावाए उत्तिन्नो, इरियापहिताए कुणति उस्सग्गं ।

तमनंतरादि पुढविषु, निवारण्डेस संबंधो ॥

चू- संघट्टादि जाव नावाए उत्तिन्नो उदगं 'इरियावहियं पडिक्कमइ' तं उस्सगं अन्नं वा चेद्धा उस्सगं कथ्य करेति त्ति कथ्य वा न करेइ त्ति एस संबंधो ॥ संबंधानंतरं इमं सुत्तं-

मू. (७८९) जे भिक्खू अनंतरहियाए पुढवीए ठाणं वा सेज्जं वा निसेज्जं वा निसीहियं वा चेएइ, चेएंतं वा सातिज्जति ॥

मू. (७९०) जे भिक्खू समनिद्धाए पुढवीए ठाणं वा सेज्जं वा निसेज्जं वा निसीहियं वा चेएइ, चेएंतं वा सातिज्जति ॥

मू. (७९१) जे भिक्खू मट्टियाकडाए पुढवीए ठाणं वा सेज्जं वा निसेज्जं वा निसीहियं वा चेएइ, चेएंतं वा सातिज्जति ॥

मू. (७९२) जे भिक्खू ससरक्खाए पुढवीए ठाणं वा सेज्जं वा निसेज्जं वा निसीहियं वा चेएइ, चेएंतं वा सातिज्जति ॥

मू. (७९३) जे भिक्खू चित्तमंताए पुढवीए ठाणं वा सेज्जं वा निसेज्जं वा निसीहियं वा चेएइ, चेएंतं वा सातिज्जति ॥

मू. (७९४) जे भिक्खू चित्तमंताए सिलाए ठाणं वा सेज्जं वा निसेज्जं वा निसीहियं वा चेएइ, चेएंतं वा सातिज्जति ॥

मू. (७९५) जे भिक्खू चित्तमंताए लेलूए ठाणं वा सेज्जं वा निसेज्जं वा निसीहियं वा चेएइ, चेएंतं वा सातिज्जति ॥

मू. (७९६) जे भिक्खू कोलावासंसि वा दारुए जीवपइड्डिए सअंडे सपाणे सबीए सहरिए सओसेसउदए सउत्तिंग-पणग-दग-मट्टियमक्कडासंताणगंसि ठाणं वा सेज्जं वा निसेज्जं वा निसीहियं वा चेएइ, चेएंतं वा सातिज्जति ॥

चू- ससणिद्ध ससरक्ख सिला लेलू कोलावास सअंडे सपाणे सबीए सहरिए उत्तिंग-पणग-सउत्तंदगमट्टिय-मक्कडग-संकमणं । एते सुत्तपदा । इमं वक्खाणं-

[भा. ४२५७] पुढवीमादी ठाणा, जत्तियमेत्ता उ आहिया सुत्ते ।

तेसुट्टाणादीणी, चेएंताणादिणो दोसा ॥

चू- ठाणं काउस्सगं, आदिसद्दातो निसीयण-तुयट्टणा चेयणकरण, अनंतरहिया नाम सचिच्चा, तम्मि सट्टाणे पच्छित्तं घउलहुं ॥ अहवा-

[भा. ४२५८] अंतररहितानंतर, ईसि उल्ला उ होति ससणिद्धा ।

रन्नरण विभिन्ना, फामुगपुढवी तु ससरक्खा ॥

चू- अन्तरणं ववधानं, तेन रहिता निरंतरमित्यर्थः । अधवा - पुढवी अनंतभावेण रहिता असंखेय जीविका पज्जत्तं संखेया वि । अधवा - जीए पुढवीए अंता जीएहिं रहिया सा पुढवी अंतरहिया न अंतरहिता सर्वा सचेतना न मिश्रा इत्यर्थः । ईसि उल्ला ससणिद्धा, सेयं पुढवी अचित्ता सचित्तेण आरम्भरण वितिभिन्ना ससरक्खा ॥

[भा. ४२५९] चित्तं जीवो भणितो, तेन सह गया तु होति सच्चित्ता ।

पासाणसिला रुंदा, लेलू पुण मट्टिया लेइ ॥

घू- सचेयणा रुंदा महासिला, सचित्तो वा लेल्लू लेड्डूओ ॥

[भा. ४२६०] कोला उ घुणा तेसि, आवासो तप्पतिट्टियं दारुं ।

अंडा तु मुदिंगादी, पाणग्गहणे तसा चउरो ॥

[भा. ४२६१] बीयं तु अप्परूढं, तदेव रूढं तु होति हरितादी ।

कीडगनगरुत्तिगो, सअंकुरनिरंकुरो पणओ ॥

घू- कोला घुणा, तेसिं आवासो दारुए वा, “जीवपतिट्टिए” “सपाणे” वा दारुए पुढवीए वा, एवं “सबीए” दारुए पुढवीएवा अनंकुरियं, तं चेव अंकुरभिन्नं हरितं, कीडयणगरगो उत्तिगो, फरुगद्दभो वा, पणगो पंचवन्नो संकुरो अणंकुरो वा, उसो नेहो, अंडगा मुद्दंगादिगा, दगमट्टिया चिक्खल्लो सचित्तो मीसो वा ॥

[भा. ४२६२] मक्कडसंताणा पुण, लूता फुडतो य अफुडितो जाव ।

संकमणं तस्सेव उ, पिवीलिगादीणि अन्नेसिं ॥

घू- मक्कोडियफुडगं अफुडियसंताणगं, तस्सेव गमणकाले संकमणं भन्नति । अहवा - संताणगसंकमणं पिपीलिकमक्कोडगादीणं भन्नति । ठाणं उद्धट्टाणं, सेज्जा सयनिज्जं, निसेज्जा आसणं, निसीहिका सज्जायकरणं । एएसिं चेयणकरणं आवन्ने सट्टाणपच्छित्तं, आमादिया य दोसा, आयसंजमे य दोसा जहासंभवं भाणियव्वा ॥

पुढवादिएगिंदियाण संघट्टणादिकरणे वेयणोवमा इमा-

[भा. ४२६३] थेरुवमा अक्कंते, मत्ते सुत्ते व जारिसं दुक्खं ।

एमेव य अव्वत्ता, वियणा एगिंदियाणं तु ॥

घू- जहा थेरस्स जराए जिन्स्स वरिससतापुस्स तरुणेण बलवत्ता जमलपाणिणा सव्वत्थामेण अक्कंतस्स जारिसा वेयणा तारिसा पुढविकाइयाण अधिकतरा ठाणादिठियक्कंतेहिं वेयणा भवति, न य अव्वत्तणओ लक्खिज्जति । वेयणा य जीवस्स भवति, नाजीवस्स । ते य जीवलिंगा एगिंदिएसु अव्वत्ता । जहा मत्ते सुत्ते वा अव्वत्तं सुहुदुक्खलिंगं, एवं एगिंदिएसु वि अव्वत्ता चेयणा दट्टव्वा लिं गं ॥ किं च एगिंदियाण उवयोगपसाहगा इमे दिट्ठंता-

[भा. ४२६४] भोयणे वा रुक्खेते वा, जहा नेहो तनुत्थितो ।

पाबल्लं नेहकज्जेसु, कारेंतुं जे अपच्चल्लो ॥

घू- जहा रुक्खे ति भोयणे सुहुमो नेहगुणो अत्थि, जतो तेन आहारिएण सरिरोवचयो भवति न य अव्वत्तणओ लक्खिज्जति, तथा वा पुढवीए अत्थि नेहो सुहुमो, सो वि सुहुमत्तणेणं न दिस्सति, जओ पुढवीए तनुत्थितो अल्पः ततो तेन प्राबल्ये नेहकज्जे हत्यादि सरिरोवचणं कर्तुमशक्यं ॥ अस्स दिट्ठंतस्स उवसंधारो-

[भा. ४२६५] कोहाई परिणामा, तथा एगिंदियाण जंतूणं ।

पाबल्लं तेसु कज्जेसु, कारेउं जे अपच्चल्ला ॥

घू- एगिंदियाण कोहादिया परिणामा, सागारिया य उवयोगा, तथा सातादिया तु वेयणातो, एते सव्वे भावा सुहुमत्तणओ अणतिसयस्स अनुवलक्खा । जहा सन्नी पज्जत्ता कोहुदया उ

अक्रोसंति तिवर्लिं भिगुडिं वा करेति तेसु ते अप्पीतिकज्जेसु तहा प्राबल्येन एग्गिंदियां अप्पच्चला असमर्था इत्यर्थः । जम्हा पुढवीकाया एवविधवेदणमणुभवन्ति तम्हा तेसु ठाणादियं न कायव्वं ॥ अववादतो वा करेज्ज-

[भा. ४२६६] वोसडुकायअसिवे, गेलन्ऽद्धाण संभमेगतरे ।

वसहीवाघाएण य, असती जयणा उ जा जत्थ ॥

चू-वोसडुकायो पओवगतो सो परपपओगा अणंकंपनेन पडिनीयत्तणेण वा अनंतरहियाठाणेसु ठविजेज्जा, अतिवगहिया वसहिलमभंता रुक्खादिहेट्टेसु ठायंति, वेज्जद्धा ओसहद्धा वा गिलाणो जया निज्जति तदा वसधिअभावे अथंडिले ठाएज्ज, अद्धाणपडिवन्ना वा ठायंति, अगनिमादिसंभमे वा वसहिण्णिग्गया उप्पहे ठायंति, वसहिवाघाए वा ठायंति, सब्बहा वा वसहिएअभावे ठायंति, तेहिं अनंतरहितादिअथंडिलाण जा जत्थ जयणा संतरणमाइया संभवति पडिलेहण-पमज्जणादिया वा सा सब्बा वि कायव्वा ॥

मू. (७९७) जे भिक्खू थूणंसि वा गिलुयंसि वा उसुकालंसि वा कामजलंसि वा दुब्बद्धे दुन्निक्खित्ते अनिकंपे चलाचले ठाणं वा सेज्जं वा (निसेज्जं वा) निसीहिंय वा चेएइ, चेएंतं वा सातिज्जति ॥

[भा. ४२६७] थूणादी ठाणा खलु, जत्तियमेत्ता उ आहिया सुत्ते ।

तेसू ठाणादीणि, चेत्तेंठाणादिणो दोसा ॥

चू-थूणा वेली, गिहेलुको उंबरो, उसुकालं उक्खलं, कामजलं ण्हाणपीढं ॥

[भा. ४२६८] थूणाओ होति वियली, गिहेलुओ उंबरो उ नायव्वो ।

उदुखलं उसुकालं, सिणाणपीढं तु कामजलं ॥

चू-गतार्था । नवरं - सिणाण मज्जणा दो वि एगद्धा ॥ “दुब्बद्धे”ति बंधो दुविधो रज्जुबंधो कट्टादिसु वेहबंधो वा, तं न सुबद्धं दुबद्धं । “दुन्निक्खित्तं”ति निहितं स्थापितमित्यर्थः तं न सुनिक्खित्तं दुन्निक्खित्तं । केसिं चि दुनिरिक्खियं ति आलावगो । तं अपडिलेहिंय दुप्पडिलेहिंय वा । न नि प्रकंपं अनि प्रकंपं, अनिप्रकम्पित्वादेव चलाचलं चलाचलनस्वभावं । तादृशे स्थानादि न कर्तव्यम् ।

[भा. ४२६९] रज्जु वेहो बंधओष निहयाणिहतं हु होति निक्खमणं ।

अनिरिक्ख अपडिलेहा, चलाचलमनिष्कंपं तु ॥

चू-गतार्थाः । निहतानिहय ति निक्खयमनिक्खयं वा ॥

तारिसे सदोसे ठाणाइं करेत्तस्स इमे दोसा-

[भा. ४२७०] पवडंते कायवहो, आउवघातो य भाणभेदादी ।

तस्सेव पुणक्करणे, अहिगरणं अन्नकरणं वा ॥

चू-ततो पडंतो छण्हं कायाणं विराधनं करेज्ज । अप्पणो वा से हत्यपादादीविराधना हवेज्ज । भाणादी वा उवकरणजातं विराधेज्ज । तस्स थूणादियस्स पाडियस्स रज्जुबद्धस्स वा वोडितस्स वेहबद्धस्स वा विसंधातियस्स पुणो करणे, अन्नस्स वा अहिणवस्स करणे अधिकरणं भवति । पडिसिद्धकरणे आणादिया दोसा, चउलहुं च से पच्छित्तं ॥ बितियपदं-

[भा.४२७१] वोसड्कायअसिवे, गेलन्नद्धाण संभमेगतरे ।

वसहीवाघातेम य, असती जयणा य जा जत्थ ॥

मू. (७९८) जे भिक्खू कुलियंसि वा भित्तिसि वा सिलंसि वा लेलुंसि वा अंतरिक्खजायंसि वा दुब्बद्धे दुन्निखित्ते अनिकपे चलाचले ठाणं वा सेज्जं वा (निसेज्जं वा) निसीहियं वा चेएइ, चेएंतं वा सातिज्जति ॥

चू- कुलियं कुडं तं जतो निच्चमवतरति, इयरा सहकरभएण भित्ती, नईणं वा तडी भित्ती, सिला-लेडू पुव्वुत्ता । पढमसुत्ते नियमा सचित्ता, इह भयनिज्जा । शेषं पूर्ववत् ।

[भा.४२७२] कुलियादि ठाणा खलु, जत्तियमेत्ता उ आहिया सुत्ते ।

तेसू ठाणादीणी, चेतेतं आणमादीणि ॥

[भा.४२७३] कुलियं तु होइ कुडं, भित्ती तस्सेव गिरिनीदीणं तु ।

सिल-लेलू पुव्वुत्ता, तत्थ सचित्ता इहं भयिता ॥

[भा.४२७४] वोसड्कायअसिवे, गेलन्नद्धाण संभमेगतरे ।

वसहीवाघातेम य, असती जयणा य जा जत्थ ॥

मू. (७९९) जे भिक्खू खंधंसि वा फलहंसि वा मंचंसि वा मंडवंसि वा मालंसि वा पासायंसि वा हम्मतलंसि वा दुब्बद्धे दुन्निखित्ते अनिकपे चलाचले ठाणं वा सेज्जं वा (निसेज्जं वा) निसीहियं वा चेएइ, चेएंतं वा सातिज्जति ॥

चू- खंधं पागारो पेढं वा, फलिहो अग्गला, अकुड्डो-मंचो, सो य मंडवो, गिहोवरि मालो दुभूमिगादी, निज्जुहवगवक्खोवसोभितो पासादो, सव्वोवरि तलं हम्मतलं भूमितलं तरं वा हम्मतलं । एस सुत्तत्थो । इमा निज्जुत्ती-

[भा.४२७५] खंधादी ठाणा खलु, जत्तियमेत्ता उ आहिया सुत्ते ।

तेसू ठाणादीणि, चेतेतं आणमादीणि ॥

[भा.४२७६] खंधो खलु पायारो, पेढं वा फलिहो तु अग्गला होइ ।

अहवा खंधो उ घोरो, मंचो अकुड्डो गिहे मालो ॥

चू- अहवा - कंधो घोरो मृदिष्टकदारुसंघातो स्कन्ध इत्यर्थः-

[भा.४२७७] वोसड्कायअसिवे, गेलन्नद्धाणसंभमेगतरे ।

वसहीवाघातेम य, असती जयणा य जा जत्थ ॥

मू. (८००) जे भिक्खू अन्नउत्थियं वा गारत्थियं वा सिप्पं वा सिलोगं वा अट्ठावयं वा कक्कडंगं वा वुग्गहंसि वा सलाहत्थियंसि वा सिक्खावेइ सिक्खावेतं वा सातिज्जति ॥

चू- सिप्पं तुन्नादि, सिलोगो वन्नाणा, अट्ठावदं जूतं, कक्कडंगं हेऊ, वुग्गहो कलहो, सलाहा कव्वकरणप्पओगो । एस सुत्तत्थो । इमा निज्जुत्ती-

[भा.४२७८] सिप्पसिलोगादीहिं, सेसकलाओ वि सुइया होंति ।

गिहि अन्नतित्थियं वा, सिक्खावेते तमाणादी ॥

चू- सेसा उ गणियलक्खणसउणरूयादि सूचिता, न गिही अन्नतित्थी वा सिक्खावेयव्वो, जो सिक्खावेति तस्स आणादिया दोसा, चउलहुं च से पच्छित्तं ॥

[भा. ४२७९] सिप्पसिलोगे अट्टावए य कक्कडग-वुग्गह-सलागा ।

तुन्नागे वन्नजुते, हेतू कलहुत्तरा कव्वे ॥

चू-पुव्वद्धेण सुत्तपदसंगहो । पच्छद्धेण जहासंखं तथ्य उदाहरणं सिप्पं, जं आयरियउवदेसेण सिक्खिज्जति, जहा तुण्णमागतूणादि, सिलोगो गुणवयणेहिं वन्नणा, अट्टापदं चउरगेहिं जूतं । अहवा - इमं अट्टापदं-

[भा. ४२८०] अम्मे न वि जाणामो, पुट्ठो अट्टापयं इमं बेति ।

सुणगा वि सालिकूरं, नेच्छंति परं पभातम्मि ॥

चू-पुच्छितो अपुच्छितो वा भणाति - अम्हे निमित्तं न सुट्ठु जाणामो । एत्तियं पुण जाणामो परं पभायकाले दधिकूरं सुणगा वि खातिउं नेच्छिंहेति । अर्थपदेन ज्ञायते सुभिक्षं । कक्कडग हेऊ जत्थ भणिते उभयहा पि दोसो भवति - जहा जीवस्स निच्चत्तपरिग्गहे नारगादिभावो न भवति, अनिच्चे वा भणिते विनासई घटवत् कृतविप्रणाशादयश्च दोषा भवंति । अहवा - कर्कटहेतुसर्वभावैक्यप्रतिपत्ति, अत्रोभयथा दोषो, मूर्तिमदमूर्तसुखदुःखभेदतो ज्ञानकालभेदाच्च कारकभूतविशेषाच्च विरुद्धं सर्वभावैक्यं, अथ नैवं ततः प्रतिज्ञाहानि । “वुग्गहो” - रायादीणं अमुककाले कलहो भविस्सति, रन्नो वा जुद्धं शगडमदेसेण कलहे जयमादिसति, दोण्हं वा कलहंताणं एकस्स उत्तरं कहेति । “सलाह” ति कव्वसद्भावं कहेति, कव्वेहिं वा विकोवितो कव्वं करेति । सलाहकहत्थेणंति सव्वकलातो सूतितातो भवंति । तानि अन्नतित्थिगादीणि सिक्खावेति चउलहुं, आणादी संजमे य दोसा, अधिकरणं, उम्मग्गोवदेसो य ॥ इमं बित्तिपदं-

[भा. ४२८१] असिवे ओमोयरिए, रायददुट्ठे भए व गेलन्ने ।

अद्धाण रोहए वा, सिक्खावणया उ जयणाए ॥

चू-रायादिमन्नं वा ईसरं सिक्खावेतो असिवगहितो तप्पभावाओ ठाणगादि लभति, ओमे वा फव्वति, सोच्चा रायदुट्ठे ताणं करेति, बोहिगादिभये ताणं करेति, गिलाणस्स वा आसहातिएहिं उवग्गहं करिस्सति, अद्धाणरोहगेसु वा उवग्गहकारी भविस्सति, एवमादिकारणे अविक्खिरुण इमाए जयणाए सिक्खावेति ॥

[भा. ४२८२] संविग्गमसंविग्गो-धावियं तु गाहेज्ज पढमता गीयं ।

विवरीयमगीए पुण, साहिग्गहमाइ तेन परं ॥

चू-पणगपरिहाणीए जाहे चउलहुं पत्तो तेसु जतिउं तेसु वि असंथरंतो ताहे संविग्गोधावितं गीयत्थं सिक्खवेति, पच्छा असविग्गोधावितं गीयत्थं अगीएसु विवरीयं कज्जति, ततो असंविग्गोधावितं अगीतं, ततो संविग्गअगीयं । अत्र विपरीतकरणे हेतुर्मा तद्भावनां करिष्यति । सविग्ग अगीतार्थं पच्छा गहियानुव्वयं, ततो पच्छा दंसणसावगं, ततो पच्छा अहाभद्वयं, ततो मिच्छ अनभिग्गहाभिग्गहियं ॥

मू. (८०१) जे भिक्खू अन्नउत्थियं वा गारत्थियं वा आगाढं वयइ, वयंतं वा सातिज्जति ॥

मू. (८०२) जे भिक्खू अन्नउत्थियं वा गारत्थियं वा फरुसं वयइ, वयंतं वा सातिज्जति ॥

मू. (८०३) जे भिक्खू अन्नउत्थियं वा गारत्थियं वा आगाढं फरुसं वयइ, वयंतं वा सातिज्जति ॥

मू. (८०४) जे भिक्खू अन्नउत्थियं वा गारत्थियं वा अन्नयरीए अच्चासायणाए अच्चासाएइ, अच्चासाएतं वा सातिज्जति ॥



[भा.४२८३] आगाढ फरुस मीसग, दसमुद्देसम्भि वन्नितं पुव्वं ।  
गिहिअन्नतित्थिएहि व, तं चेव य होति तेरसमे ॥

चू-जहा दसमुद्देसे- भदंतं प्रति आगाढ-फरुस-मीसगसुत्ता भणिता तहाइहं गिहत्थअन्नउत्थियं प्रति वक्तव्याः ॥ इमेहिं जातिमादिएहिं गिहत्थं अन्नतित्थियं वा ऊणतरं परिभवंतो आगाढं फरुसं वा भणति ।

[भा.४२८४] जाति कुल रूव भासा, धण बल पाहन्न दाण परिभोगे ।  
सत्त वय बुद्धि नागर, तक्कर भयके य कम्मकरे ॥

चू-जाति कुल रूप भासा - धणेण, बलेण, पाहन्नत्तणेण य । एतेहिं दानं प्रति अदाता सति विधने । किमन्नत्तणेण ? अपरिभोगी, हीनसत्त्वः, वयसा अपडुप्पत्तो मंदबुद्धि, स्वतः नागरो तं ग्राम्यं परिभवति, तथा गिहत्थं अन्नतित्थियं वा तक्कर-भृतक-कर्मकरभावेहि ठियं परिभवति ॥

[भा.४२८५] जति ताव मम्मपरिघट्टियस्स मुणिणो वि जायते मंतुं मन्नुं ।  
किं पुण गिहीण मंतुं (मन्नुं), न भविस्सति मम्मविद्धाणं ॥

चू-जति ताव कोहणिग्गहपरा वि जतिणा जातिमादिमम्भेण घट्टिया कुप्पंति किं पुण गिहिणो ? सुतरां कोपं करिष्यन्तीत्यथः ॥ सो य उप्पन्नमंतू इमं कुञ्जा-

[भा.४२८६] खिप्पं मरेज्ज मारेज्ज, वा वि कुञ्जा व गेण्हादीणि ।  
देसच्चागं व करे, संतासंतेण पडिभिन्ने ॥

चू- अप्पणा वा मन्नुप्पन्नो मरेज्ज, कुवितो वा साहुं मारेज्ज, रुद्धो वा स हु रायकुलादिणा गेण्हावेज्जा, साधुणा वा सेहिओ देसच्चागं करेज्ज, संतेण असंतेण वा प्रत्याभिन्नो एवं कुर्यात् ॥

मू. (८०५) जे भिक्खू अन्नउत्थियाण वा गारत्थियाण वा कोउगकम्मं करेति, करेतं वा सातिज्जति ॥

मू. (८०६) जे भिक्खू अन्नउत्थियाण वा गारत्थियाण वा भूइकम्मं करेति, करेतं वा सातिज्जति ॥

मू. (८०७) जे भिक्खू अन्नउत्थियाण वा गारत्थियाण वा पसिणं वागरेइ वागरेतं वा साति ० ॥

मू. (८०८) जे भिक्खू अन्नउत्थियाण वा गारत्थियाण वा पसिणापसिणं वागरेइ वागरेतं वा सातिज्जति ॥

मू. (८०९) जे भिक्खू अन्नउत्थियाण वा गारत्थियाण वा तीयं निमित्तं करेइ, करेतं वा सातिज्जति ॥

मू. (८१०) जे भिक्खू अन्नउत्थियाण वा गारत्थियाण वा लक्खणं करेइ, करेतं वा सातिज्जति ॥

मू. (८११) जे भिक्खू अन्नउत्थियाण वा गारत्थियाण वा सुमिणं करेइ करेतं वा सातिज्जति ॥

मू. (८१२) जे भिक्खू अन्नउत्थियाण वा गारत्थियाण वा विज्जं पउंजइ, पउंजंतं वा सातिज्जति ॥

मू. (८१३) जे भिक्खू अन्नउत्थियाण वा गारत्थियाण वा मंतं पउंजइ, पउंजंतं वा साइज्जति ॥

मू. (८१४) जे भिक्खू अन्नउत्थियाण वा गारत्थियाण वा जोगं पउंजइ, पउंजंतं वा साइज्जति ॥

चू- इमा सुत्तपदसंगहणी-

[भा.४२८७] कोउग-भूतीकम्मं, पसिणापसिणं निमित्ततीतं वा ।  
लक्खणं वंजण सुमिणं, विज्जा मंतं च जोगं च ॥

[भा. ४२८८] गिहिअन्नतिथियाण व, जे कुञ्जा वागरेज्ज वा भिक्खू ।

विज्जाइं च पउंजे, सो पावति आणमादीणि ॥

चू- कोउअभूतीण करणं, पसिणस्स पसिणापसिणस्स निमित्तस्स लक्खणवंजणसुविनाण य वागरणं, सेसाणं विज्जादियाण पउंजणता ॥ कोउआदियाण इमं विसेसरूवं-

[भा. ४२८९] ण्हाणादिकोउकम्मं, भूतीकम्मं सविज्जगा भूती ।

विज्जारहिते लहुगो, चउवीसा तिन्नि पसिणसया ॥

चू- निंदुमादियाण मसाणचच्चरादिसु ण्हवणं कज्जति, रक्खानिमित्तं भूती, विज्जाभिमंतीए भूतीए चउलहुं । इयराए मासलहुं । पसिणा एते पण्हवाकरणेसु पुव्वं आसी ॥

[भा. ४२९०] पसिणापसिणं सुविणे, विज्जासिद्धं तु साहिति परस्स ।

अहवा आइंखिणिया, घंटियसिद्धं परिकहेति ॥

चू- सुविणयविज्जाकहियं कथितस्स पसिमापसिणं भवति । अहवा - विज्जाभिमंतिया घंटिया कन्नमूले चालिज्जति, तथ्य देवता कथिति, कहेतस्स पसिणापसिणं भवति, स एव इंखिणी भन्नति ॥

[भा. ४२९१] लाभालाभसुहदुहं, अनुभूय इमं तुमे सुहिहिं वा ।

जीवित्ता एवइयं, कालं सुहिणो मया तुज्झं ॥

चू- पुच्छगं भणति - अतीतकाले वट्टमामे वा इमो ते लाभो लद्धो, अनागते वा इमं भविस्सति । एव अलाभं पि निद्विस्सति, एवं सुहदुक्खे वि संवादेति । अहवा भन्नति - सुहीहिं ते इमं लद्धमनुभूतं वा । अहवा भणाति - मातापितादिते सुहिणो एवतियं कालं जीविया, अमुगे काले एव मत्ता ॥

[भा. ४२९२] दुविहा य लक्खणा खलु, अब्भितरबाहिरा उ देहीण ।

बहिया सर-वन्नाई, अंतो सब्भावसत्ताई ॥

[भा. ४२९३] बत्तीसा अट्टसयं, अट्टसहस्सं च बहुतराइं च ।

देहेसू देहीण लक्खणाणि सुहकम्मजणियाणि ॥

चू- पागयमणुयाणं बत्तीसं, अट्टसयं बलदेवावासुदेवाणं, अट्टसहस्सं चक्कवट्टितित्यकरणं । जे पुट्ठा हत्थपादादिसु लक्खिज्जति तेसिं पमाणं भणियं, जे पुण अंतो स्वभावसत्तादी तेहिं सह बहुतरा भवन्ति, ते य अन्नजम्मकयसुभणामसरीरअंगोवगकम्मोदयाओ भवन्ति ॥ लक्खणवंजणाण इमो विसेसो-

[भा. ४२९४] माणुम्माणपमाणादिलक्खणं वंजणं तु मसगादी ।

सहजं च लक्खणं, वंजणं तु पच्छा समुप्पन्नं ॥

चू- माणादियं लक्खणं, मसादिकं वंजणं । अहवा - जं सरीरेण सह उप्पन्नं तं लक्खणं, पच्छा समुप्पन्नं वंजणं ॥ माणुम्माणपमाणस्स य इमं वक्खाणं-

[भा. ४२९५] जलदोणमद्धभारं, समुहाइ समुस्सितो व जा नव तु ।

मानुम्मानपमामं, तिविहं खलु लक्खणं एयं ॥

चू- जलभरियाए दोणीए जलस्स दोणं छड्डंतो माणुजुत्तो पुरिसो, तुलारोवितो अद्धभारं तुलेमाणो उम्माणजुत्तो पुरिसो भवति, बारसंगुलपमाणाइं समुहाइं नव समुस्सितो पमानवं पुरिसो, एवमादि तिविधलक्खणेण आदिस्सति - तुमं रायादि भविस्सति ॥ इदानिं देवाणं भन्नति-

[भा.४२९६] भवपद्मइया लीणा, तु लक्खणा होंति देवदेहेसु ।

भवधारिणिएसु भवे, विउच्चित्तिसु तु त वत्ता ॥

सू- देवाणं भवधारिणिज्जसरीरेसु लक्खणा लीणा अनुपलक्ष्या उत्तरवैक्रियसरीरे व्यक्ता लक्षणा ॥ इदानिं नारक-तिरियाणं भन्नति-

[भा.४२९७] ओसन्नमलक्खणसंजुयाओ बोंदीओ होंति निरएसु ।

नामोदयपद्मइया, तिरिएसु य होंति तिविहा उ ॥

सू- ओसन्नमेकांतैनैव नेरइयाणं अलक्षणयुक्ता बोंदि सरीरमित्थर्थः । तिरिएसु लक्खण-अलक्खण-मिस्सा य तिविहा सरीरा भवन्ति, लक्खणमलक्खणं वा सव्वं माणकम्मदयाओ ॥

इदानिं सुविणं भणाति-

[भा.४२९८] नोइंदियस्स विसओ, सुमिणं जं सुत्तजागरो पासे ।

सुहदुक्खपुव्वरुवं, अरिद्धमिव सो नरगणाणं ॥

सू- नोइंदियओ मणो । तच्चिसते सुविनो नोइंद्रियविषयमित्थर्थः, मतिज्ञानविषयश्च । तं च सुविणं पायो सुत्तजागरावत्थाए पेक्खति, आगमिस्स सुहदुक्खस्स सो निमित्तं भवति । जहा मनुयाणं मरणकाले पुव्वामेव अरिद्धगमुप्पज्जति तं च सुहदुक्खनिमित्तं तिविधं भवति । कातियं वातियं माणसियं भवति ॥ जतो भन्ति-

[भा.४२९९] अक्खी बाहू फुरणादि काइओ वाइओ तु सहसुत्तं ।

अह सुमिणदंसणं पुण, माणसिओ होइ दुप्पाओ ॥

सू- कातितो बाहुफुरणादि अनेगविहो, वातितो वि सहसा भणितादि अनेगविधो मानसिओ वि (सुमिण दंसणादि अनेगविधो) ॥ सुविणुप्पातो इमो पंचविहो-

[भा.४३००] आहातच्च-पदाने, चिंता विवरीय तह य अव्वत्तो ।

पंचविहो खलु सुमिणो, परूवणा तस्सिमा होइ . ।

सू- अहातच्चं इमे परसंति, इमं च से सरूवं-

[भा.४३०१] पाएण अहातच्चं, सुमिमंपासंति संवुडा समणा ।

इयरे गिही त भतिता, जं दिट्ठं तं तहा तच्च ॥

सू- सव्वपावविरता संवुडा । इतरे पासत्था गिहत्था य अहातच्चं प्रति भयनिज्जा । जहेव दिट्ठो तहेव जो भवति सो अहातच्चो भवति ॥ पदाणादियाण तिण्हं इमं सरूवं-

[भा.४३०२] पयतो पुण संकलिता, चिंता तण्हाइ तस्स दगपानं ।

मेज्झस्स दंसणं खलु, अमेज्झमेज्झं च विवरीतं ॥

सू- प्रततः स्वप्नसंतानः श्रृंखलावत् । जागरतेण जं चित्तियं तं सुविणे पासति, एस “चिंता” सुविनो । सुइ सुगंधे मेज्झं, इतरं अमेज्झं । मेज्झे दिट्ठे सुविणे फलं अमेज्झं भवति । अमेज्झे दिट्ठे फलं से मेज्झं भवति । एस विवरीतो समिणो ॥ इमो “अव्वत्तो”-

[भा.४३०३] जं न सरति पडिबुद्धो, जं न वि भावेति पस्समाणो वि ।

एसो खलु अव्वत्तो, पंचसु विसएसु नायव्वो ॥

सू- विबुद्धो वि जं फुडं न संभरति, संभरंतो वा जस्सत्थं न वि बुज्जति सो सव्वत्तो । सो य

पंचेदियविसए संभवति । सव्वे वा सुविणे पायो इंदियविसए भवन्ति ॥ इदानीं विज्जा मंता-

[भा. ४३०४] विज्जा मंत परूवण, जोगो पुण होति पायलेवादी ।

सो उ सविज्ज अविज्जो, सविज्ज संजोयपच्छित्तं ॥

चू-इत्थिअभिहाणा विज्जा, पुरिसाभिहाणो मंतो । अहवा - सोवचारसाधणा विज्जा, पढियसिद्धो मंतो । वसीकरणविदेसणुच्छादणापादलेवंतद्धानादिया जोगा बहुविधीता, ते पुण सव्वे वि सविज्जा अविज्जा वा । सविज्जेसु चउलहुं, इयरेसु मासलहुं, मीसेसु संजोगपच्छित्तं । गिहीणं अन्नतिथियाण वा एतेसु कोउगादिएसु जोगपज्जवसाणेसु कहिज्जमाणेसु अधिकरणं, जं वा ते कहेति उच्छादणादि तन्निष्फन्नं पावति ॥ बितियपदे कोउगादि करेज्ज कहेज्ज वा मंतादी-

[भा. ४३०५] असिवे ओमोयरिए, रायदुडे भए व गेलन्ने ।

अद्धाणरोहकज्जेऽड्डजाय वादी पभावणता ॥

चू-असिवादिसु जं जत्थ संभवति तं तत्थ कायव्वं, कुलादिकज्जेसु वा अड्डजायणनिमित्तं वा वादी वा करेज्ज, पवयणपभावणद्दा वा करेज्ज ॥

मू. (८१५) जे भिक्खू अन्नउत्थियाण वा गारत्थियाण वा नट्टाणं मूढाणं विप्परियासियाणं मग्गं वा पवेएइ, संधिं वा पवेएइ, मग्गाओ (मग्गेण) वा संधिं पवेएइ, संधीओ वा मग्गं पवेएइ, पवेएंतं वा सातिज्जति ॥

[भा. ४३०६] नट्टा पंथफिडिता, मूढा उ दिसाविभागममुनेता ।

तं चिय दिसं पहं वा वच्चैति विवज्जियावन्ना ॥

चू-पंथप्रणयानां पंथं कथयति, अडवीए वा मूढाणं दिसीभागममुनेताणं दिसिविभागेण पहं कहेति, जतो चेव आगता तं चेव दिसं गच्छंताणं विवज्जतावन्नाणं सव्वभावं कहेति ॥

[भा. ४३०७] मग्गो खलु सगडपहो, पंथो व तच्चिवज्जिता संधी ।

सो खलु दिसाविभागो, पवेयणा तस्स कहणा उ ॥

चू-संधी खेडगो, जतो गमिस्सति सो दिसाभागो, तं तेसिं मूढाणं पवेदेति कथयतीत्यर्थः । सगडमग्गाओ उज्जुसंधिसंखेडयं पवेदेति, उज्जुसंधिसंखेडयाओ वा सगडमग्गं पवेदेति, कहयति ति वुत्तं भवति । अहवा - सव्वो चेव पहो मग्गो भन्नति, संधी पंथवोधेयं । अहवा - पंथुग्गमो चेव संधी, पंथस्स वा संधी अंतरे कहेति, संधीओ वा जो वामदक्खिणो पहो तं कहेति ॥

[भा. ४३०८] गिहि-अन्नतिथियाण व, मग्गं संधिं व जो पवेदेति ।

मग्गातो वा संधिं, संधीतो वा पुणो मग्गं ॥

चू-तेसिं गिहअन्नतिथियाणं मग्गादि कहेतो इमं पावति-

[भा. ४३०९] सो आणाअणवत्थं, मिच्छत्त-विराधनं तहा दुविहं ।

पावति जम्हा तेमं, एते उ पए विवज्जेज्जा ॥

चू-दुविहा आयसंजमविराधना- तेसिं साधुचिंधितेण पहेण गच्छंताणं इमे अन्ने दोसा-

[भा. ४३१०] छक्कायाण विराधना, सावय-तेणेहि वा वि दुविहेहिं ।

जं पावन्ति जतो वा, पदोस तेसिं तहऽन्नेसिं ॥

चू-जं ते गच्छंता छक्काए विराहेति, स चिंधंतो तन्निष्फन्नं पावति । तेन वा पहेण गच्छंता ते

सावतोवद्द्वं सरीरोवहितेनोवद्द्वं पावैति त्ति, जं वा ते गच्छंता अन्नेसिं उवद्द्वं करैति, जतो वा ते निद्दिद्धा तो स्वयं पावन्ति, ततो तस्स पंथचिंधगस्स साधुस्स अन्नस्स वा साधुस्स पदोसमावज्जेति अम्हे पडिनीयत्तणेण एरिसपंथे छूढा, इमेण पंतावणादी करेज्ज ॥ वादातो चिंधिज्ज-

[भा.४३११] बिइयपयमणप्पज्जे, पवेदे अविकोवितो व अप्पज्जे ।

अद्धाण असिव अभिओग आतुरादीसु जाणमवि ॥

चू- खित्तादिगो अणप्पज्जो सेहो वा अविकोवितो चिंधेज्ज, अप्पज्जो वि अद्धाणे वा सत्थस्स पहं अजाणंतस्स चिंधेज्ज, असिवे गिलाणकज्जे वा वेज्जस्स कप्पायरियस्स वा आनिज्जंतस्स पंथमुवदिसति, “अभिओगो”त्ति बला रातिणा देसितो गहितो, एवमादिकारणेहिं जाणंतो वि कहितो सुद्धो ॥

मू. (८१६) जे भिक्खू अन्नउत्थियाण वा गारत्थियाण वा धाउं पवेएइ, पवेएंत्तं वा सात्तिज्जति ॥

मू. (८१७) जे भिक्खू अन्नउत्थियाण वा गारत्थियाण वा निहिं पवएइ, पवेएंत्तं वा सात्तिज्जति ॥

चू- यस्मिन् धम्ममने सुवर्णादि पतते स धातुः ।

[भा.४३१२] अन्नतरागं धातुं, निहिं व आइक्खते तु जे भिक्खू ।

गिहिअन्नतित्थियाण व, सो पावति आणमादीणि ॥

चू- अन्नयरगहणातो बहुभेदा धातू । निधाण निधी, निहितं स्थापितं द्रविणजातमित्यर्थः । तं जो महाकालमतादिणा नाउं अक्खाति तस्स आणादिया दोसा ॥ इमे धातुभेदा-

[भा.४३१३] तिविहो य होइ धातू, पासाणरसे य मट्टिया चेव ।

सो पुण सुवन्न-उ-तंब-रयत-कालायसादीणं ॥

चू- जत्थ पासाणे जुत्तिणा जुत्ते वा धम्ममाते सुवन्नादी पडति सो पासाणधातू, जेण धातुपाणिण पंतावणादि आसितं सुवन्नादि भवति सो रसो भन्नति, जा मट्टिया जोगजुत्ता अजुत्ता वा धम्ममाणा सुवन्नादि भवति सा धातुमट्टिया, कालायसं लोहं, आदिग्गहणाओ मणि-रयण-मोत्तिय-पवालागरादि ॥ नहाणे इमो विगप्पो-

[भा.४३१४] सपरिग्गहेतरो वि य, होइ तिहा जलगओ थलगओ वा ।

निहितेतरो थलगतो, कयाकतो होति सव्वो वि ॥

चू- सो निही मणुयदेवतेहिं परिग्गहितो वा होज्ज अपरिग्गहितो वा । सो जले वा होज्ज थले वा । जा सो थले सो दुविहो - निक्खतो वा अनिक्खओ वा । सव्वो चेव गिही सरूवेण दुविधो - कयरूवो अकयरूवो वा । रूवगाऽऽभरणादि कयरूवो, चक्कलपिंडडित्तो अकयरूवो । सपरिग्गहे अधिकतरा दोसा कहेंतस्स निहाणगसामिसमीवातो ॥ धातुनिहिदंसणे इमे दोसा-

[भा.४३१५] अधिकरणं कायवहो, धातुम्पि मयूरअंकदिट्ठंतो ।

अहिगरणं जा करणं, निहिम्पि मक्कोइ गहणादी ॥

चू- कायवधमंतरे वि असंजयपरिभोगे अधिकरणं भवति, धम्ममाणे पुढवातिकायविराधना । अहवा - तं चेव साधुं धातुवायं कारवेति । एसो धातुदंसणे दोसो ॥ इमो निहाणे मयूरअंकदिट्ठंतो-

[भा.४३१६] मोर निवं कियदीनार पिहियणिहिजाणएण ते कहिया ।

दिद्धा ववहरमाणा, कओ एए परंपरा गहणं ॥

चू-मयूरंको नाम राया । तेन मयूरंकेण अंकिता दीनारा आहणावि । तेहि दीनारेहिं निहाणं ठवियं । तम्मि ठविते बहू कालो गतो । तं केणइ नेमित्तिणा निहिलकखणेण नायं, तं तेहि उक्खयं, ते दीनारा ववहरंता रायपुरिसेहिं दिट्ठा । सो वणितो तेहिं रायपुरिसेहिं रायसमीवं नीतो । रन्ना पुच्छियं - कतो एते तुज्झ दीनारा ? तेन कहियं-अमुगसमीवातो । एवं परंपरेण ताव नीयं जाव जेहिं उक्खित्तं, ते गहिता दंडिया य । असंजयणिग्गहणे अधिकरणं । निहिउक्खणेण य निसि जागरणं कायव्वं । अहवा - निहिदंसणे अधिकरणं जागरणं नाम यजनकरणं, उवलेवनधूब-पुफबलिमादिकरणे अधिकरणमित्यर्थः । निहिकखणेण य बिभीसिगामक्रोडगादी विसतुंडा भवंति तत्थ आयविराधनादी, रायपुरिसेहिं य गहणं, तत्थ गेण्हणकहण्णादिया दोसा ॥

तत्थ इमं बितियपदं-

[भा. ४३१७] असिवे ओमोयरिए, रायदुट्ठे भए व गेलन्ने ।

अद्धाणरोहकज्जऽड्डजातवादी पभावणादीसु ॥

चू-असिवे वेज्जो आनितो तस्स दंसिज्जति धातू निहाणगं वा, ओमे असंथरंता गिहिअन्नतित्थिए सहाए घेतुं धातुं करेति, निहिं वा गेण्हति, रायदुट्ठे रन्तो उवसमण्णा सयमेव जो वा तं उवसमेति तस्स घाउं निघाणं वा दंसेति, बोधिगादिभयातो जो त्राएति तस्स दंसेति । गिलाणकज्जे सयं गिण्हति, विज्जस्स वा दंसेति, अद्धाणे जो नित्थरेति, रोहगे असंथरंता सहायसहिता गेण्हति । अहवा - जो रोहगे आधारभूतो तस्स दंसेति । कुलाइकज्जे वा, संजतिमादिनिमित्तं वा अड्डजाते, वादी वा, उदासीणगहण्णा पवयणपभावण्णा पूयादिकारणमिमित्तं सहायसहितो गिहिअन्नतित्थिएहिं धातुं निहाणं वा गेण्हेज्ज ॥

मू. (८१८) जे भिक्खू मत्तए अत्तआणं देहइ, देहंतं वा सातिज्जति ॥

मू. (८१९) जे भिक्खू अद्दाए अप्पानं देहइ, देहंतं वा सातिज्जति ॥

मू. (८२०) जे भिक्खू असीए अप्पानं देहइ, देहंतं वा सातिज्जति ॥

मू. (८२१) जे भिक्खू मणिए अप्पानं देहइ, देहंतं वा सातिज्जति ॥

मू. (८२२) जे भिक्खू कुड्डापाणे अप्पानं देहइ, देहंतं वा सातिज्जति ॥

मू. (८२३) जे भिक्खू तेल्ले अप्पानं देहइ, देहंतं वा सातिज्जति ॥ [जे भिक्खू महुए अप्पानं देहइ, देहंतं वा सातिज्जति ॥ जे भिक्खू सप्पिए अप्पानं देहइ, देहंतं वा सातिज्जति ॥]

मू. (८२४) जे भिक्खू फाणिए अप्पानं देहइ, देहंतं वा सातिज्जति ॥ [जे भिक्खू मज्जए अप्पानं देहइ, देहंतं वा सातिज्जति ॥]

मू. (८२५) जे भिक्खू वसाए अप्पानं देहइ, देहंतं वा सातिज्जति ॥

चू-मत्तगो पाणगस्स भरितो, तत्थ अप्पणो मुहं पलोएति । ओएंतस्स आणादिया दोसा, चउलहुं च से मच्छित्तं । एवं पडिग्गहादिसु वि । सेसपदाणं इमा संगहणी-

[भा. ४३१८] दप्पण मणि आभरणे, सत्थ दए भायणऽन्नतरए य ।

तेल्ल-महु-सप्पि-फाणित, मज्ज-वसा-सुत्तमादीसु ॥

चू-दर्पणः आदर्श, स्फटिकादि मणि, स्थासकादि आभरणं, खड्गादि शस्त्र दगं पानीयं, तच्च अन्नतरे कुंडादिभाजने स्थितं, तिलिदिगं तैलं, मधु प्रसिद्धं, सप्पि घृतं, फाणितं गुडो,

छिद्गुरुं मज्जं, मच्छादीवसासुत्तं मज्जे कज्जति, इक्खुरसे वा गंडियास्तंत । सव्वेसु तेसु जहासंभवं  
अप्पणो अचक्खुविसयत्या नयणादिया देहावयवा पलोएइ, तत्थ स्वं रूपं पश्यति । चोदक आह  
- “किं तत् पश्यति ?” आचार्याह - आत्मच्छायां पश्यति । पुनरप्याह चोदकः- “कथं आदित्य-  
भास्वरद्रव्यजनितच्छायादिगभागं मुक्त्वा अन्यतोऽपि ष्श्यते ?” । आचार्याह- अवोच्यते, यथा  
दमरागेन्द्रनीलप्रदीपशिखादीनां आत्मस्वरूपानुरूपप्रभाछाया स्वत एव सर्वतो भवति, तथा सर्व  
- पुद्गलद्रव्याणां आत्मप्रभुनुरूपा छाया सर्वतो भवत्यनुपलक्षा वा इत्यतोऽन्यतोऽपि ष्श्यते ।  
पुनरपि चोदकराह- “जदि अप्पणो छायां देहति तो कहं अप्पणो सरीरसरिसं वन्नरूपं न पेच्छति ?”  
अत्रोच्यते-

[भा.४३१९] सामा तु दिवा छाया, अभासुरगता निसिं तु कालाभा ।  
सच्चेव भासुरगता, सदेहवन्ना मुण्येयव्वा ॥

चू- आदित्येनावभासिते दिवा अभास्वरे अदीप्ति भूम्यादिके द्र ये वृक्षादीनां निपतिता छाया  
छायेव ष्श्यते अनिर्व्यञ्जतावयवा वर्णतः श्यामाभा, तस्मिन्नेव अभास्वरे द्रव्ये भूम्यादिके रात्रौ  
निपतिता छाया वर्णतः कृष्णाभा भवति । जया पुण सच्चेव छाया दिप्तिमति दर्पणादिके द्रव्ये  
निपतिता दिवा रात्रौ वा तदा वर्णतः (शरीरवर्णतः) शरीरवर्णव्यंजितावयवा च ष्श्यते, साच  
छाया सद्दश न भवति ॥ चोदक आह - यदि छाया सद्दश न भवति, सा कथं न भवति ? किं वा  
तत् पश्यति ? अत्रोच्यते-

[भा.४३२०] उज्जोयफुडम्मि तु दप्पणम्मि संजुज्जते जया देहो ।  
होति तया पडिबिंबं, छाया व पभाससंजोगा ॥

चू- उज्जीयफुडो दप्पणो, निर्मल श्यामादिविरहितः, तम्मि यदा सरीरं अन्नं वा किं चि घडादि  
संजुज्जते तदा स्पष्टं प्रबिंबं प्रतिनिभं भवति घटादीनां । जदा पुण स दप्पणो सामाए आवरितो  
गगनं वा अब्भगादीहिं आवनरितं, तदा तम्मि चेव आयरिसे पगासद्धितै देहादिसंजुते छायामात्रं  
दिस्सति ॥ इदानिं सीसो पुच्छति - “तं पडिबिंबं छायां वा को पासति ? तत्थ भन्नति - ससमय-  
परसमयवत्तव्वयाए-

[भा.४३२१] आदरिसपडिहता उवलंभति रस्सी सरूवमन्नेसिं ।  
तं तु न जुज्जइ जम्हा, पस्सति आया न रस्सीओ ॥

चू- आत्मनः शरीरस्य या रश्मयः षड्दिशं विनिर्गताः, तासां या आदर्शे अधःकृताः प्रतिहता  
रश्मयः, ता रश्मयो बिंबादिस्वरूपं उपलभन्ति । एषोऽभिप्राय अन्येषां परतंत्राणां । जैनतंत्रव्यवस्थिता  
आहुः- न युज्जते एतत् । यस्मात् सर्वप्रमाणानि आत्माधीनानि, तस्मादात्मा पश्यति न रश्मयः ॥  
इदानीं पराभिप्राये तिरस्कृते स्वपक्षः स्थाप्यते “उज्जोयफुडम्मि तु” गाहा एषोऽर्थस्तस्यार्थस्य  
स्थिरीकरणार्थं पुनरप्याह-

[भा.४३२२] जुज्जति हु पगासफुडे, पडिबिंबं दप्पणम्मि पस्संतो ।  
तस्सेव जयावरणं, सा छाया होति बिंबं वा ॥

चू- जुज्जते घटते फुडप्पगासे दप्पणे अप्पाणं पलोएंते अडिबिंबं प्रतिरूपं निर्व्यंजितावयवं  
पस्सति, तं च पस्संतस्स जता अब्भगादीहिं अप्पगासीभूतं भवति तदा तमेव बिंबं छाया दीसति,

“बिंब” ति छायं वा पेक्खंतस्स अब्भादी आवरणावगमे तमेव छायं बिंबं पस्सति, निव्वंजितावयवं-प्रतिरूपमित्यर्थः । सीसो पुच्छति-“कम्हा सव्वे देहावयवा आदरिसे न पेच्छति ?” अतो भन्ति-

[भा. ४३२३] जे आदरिसंतत्तो, देहावयवा हवंति नयनादी ।  
तेसिं तत्थुवलद्धी, पगासजोगा न इतरेसिं ॥

चू- छद्दिसि सरीरतेयरस्सिसु पधावितासु जं दिसि आदरिसो ठितो तत्तो ये नयनहत्थादी सरीरावयवा जे आदरिसे निवडिया तेसिं तम्मि आदरिसे उवलद्धी भवति । जति य आदरिसो अब्भावगो सप्पासासेण संजुत्तो न, अंधकारव्यवस्थित इत्यर्थः । “इतरे” ति जे आदरिसेण सह न संजुत्ता, ते न तत्रोपलभ्यन्ते ॥

[भा. ४३२४] एमेव य पडिबिंबं, जं आदरिसेण होइ संजुत्तं ।  
तत्थ वि हो उवलद्धी, पगासजोगा अदिट्ठे वि ॥

चू- एवमित्यवधारणे । किं अवधारयितव्यं ? यदेतदुपलब्धिकारणमुक्तं । अनेनोपलब्धिकारणेण यदप्यन्यत् घटादिस्वरूपप्रतिबिंबं आदर्शं संयुज्यते तत्राप्युपलब्धिर्भवत्यात्मना अपश्यतोऽपि घटादिकं । एवं मणिमादीसु वि भावेयव्वं, नवरं-तेल्लजलादिसु जारिसं बिंबं आगासमतरे ति तारिसमेव दीसते ॥

[भा. ४३२५] एएसामन्नतरे, अप्पानं जे उ देहते भिक्खू ।  
सो आणाअणवत्थं, मिच्छत्त-विराधनं पावे ॥

चू- दप्पणमणिमादियाण अन्नयरे जो अप्पानं जोएति तस्स आणादिया दोसा, चउलहुं च से पच्छित्तं आयसंजमविराधना य भवति ॥ इमे य अन्ने दोसा-

[भा. ४३२६] गमणादी रूवमरूववं तु कुञ्जा निदाणमादीणि ।  
बातुस-गारवकरणं, खित्तादि निरत्थगुड्डाहो ॥

चू- आदरिसादीसु अप्पानं रूववंतं दट्ठुं विसए भुंजामि ति पडिगमनं करेति, अन्नतिथिएसु वा पविसति, सिद्धपुत्तो वा भवति, सिद्धपुत्तिं वा सेवति, सल्लिगेण वा संजतिं पडिसेवति, विरूवं वा अप्पानं दट्ठुं नियाणं करेज्जा, आदिसद्दातो देवताराहणादी वसीकरणजोगादी वा अधिजेज्ज, सरीरबाउसत्तं वा करेज्ज, आदरिसे वा अप्पणो रूवं दट्ठुं सोभामि ति गारवं करेज्ज, रूवेण हरिसिओ विरूवो वा विसादेण खित्तादिचित्तो भवेज्ज । तं कम्मखवणवज्जियं निरत्थकं, सागारिय दिट्ठे उड्डाहो । “न एस तवस्सी, कामी, एस अजिइंदिओ” ति उड्डुहं करेज्ज ॥

[भा. ४३२७] बित्थियपदमणप्पज्जे, सेहे अविकोविते व अप्पज्जे ।  
विसआतंको मज्जण, मोहतिगिच्छाए जाणमवि ॥

चू- अणप्पज्जो पराधीनत्तणतो सेहो, अविकोवितो अजाणत्तणतो, जो पुण अप्पज्जो जाणगो सो इमेहिं कारणेहिं अप्पानं आदरिसे देहति - सप्पादिविसेण अभिभूते जालागद्दभलूतातंके वा उवड्ढित्ते आदरिसविज्जाए मज्जियव्वं, तत्थ आदरिसे देहति - सप्पादिविसेण अभिभूते जालागद्दभलूतातंके वा उवड्ढित्ते आदरिसविज्जाए मज्जियव्वं, तत्थ आदरिसे अप्पणो पडिबिंबं गिलाणस्स वा उमज्जति, ततो पन्नप्पति, मोहतिगिच्छाए वा देहति ॥ अहवा इमे कारणा-

[भा. ४३२८] पुप्फग गलगंडं वा, मंडल दंतरूय जीह ओट्टे य ।  
चक्खुस्स अविसए वुट्ठिहाणि जाणट्ठता पेहे ॥



चू- अक्खिम्मि फुल्लं, गले वा गंडं, पसु त्ति मंडलं वा, दंते वा कोत्ति घुणदंतगादिरोगे ।  
अहवा - जिब्भाए ओट्टे वा किं चि उट्टियं पिलगादि । एवमादि अचक्खुविसयट्ठियं अपेक्खंतो  
तिगिच्छानिमित्तं, रोगाद्बुद्धिहाणिजाणणनिमित्तं वा अद्दाए देहति अप्पसागारिए, न दोसो ॥

मू. (८२६) जे भिक्खू वमनं करेइ, करंतं वा सातिज्जति ॥

मू. (८२७) जे भिक्खू विरेयणं करेइ, करंतं वा सातिज्जति ॥

मू. (८२८) जे भिक्खू वमण-विरेयण करेइ, करंतं वा सातिज्जति ॥

चू- उट्टविरेयो वमनं, अहो सावणं विरेयो ।

[भा. ४३२९] वमणं विरेयण वा, जे भिक्खू आइए अणट्टाए ।

सो आणा अणवत्थं, मिच्छत्त-विराधनं पावे ॥

चू- निप्पयोयणं अणट्टा । चउलहुं च पच्छित्तं पावति । स मतिरित्तऽत्यपदगहणं इमाएगाहाए-

[भा. ४३३०] वमनं विरेयनं वा, अब्भंगोच्छोलणं सिणाणं वा ।

नेहादितप्पण रसायणं व नत्थि च वत्थि वा ॥

चू- गातब्भंगो तेलादिमा, फासुगअफासुगेण देसे उच्छोलणं, सव्वगातस्स सिणाणं,  
वन्नबलादिनिमित्तं घयादिणेहपानं तप्पणं, आदिग्गहणातो अब्भंगो तप्पणं च, वयत्थंभणं  
एगमणेगदव्वोर्हिं रसायणं, नासारसादिरोगणासणत्थं नासकरणं नत्थं, कडिवायअरिसविनासणत्थं  
च अपाणद्वारेण वत्थिणा तेलादिष्पदाणं वत्थिकम्मं । किं चान्यत्-विविधाणं दव्वाणं एगाणेगपयुत्ताणं  
वीरियविवागफलं नेगविहं जाणेऊण दव्वाणं अब्भवहारं करेति ॥ जतो भन्नति-

[भा. ४३३१] वन्न-सर-रूव-मेहा, वंगवली पलित-नासणट्टा वा ।

दीहाउ तट्टता वा, थूल-किसट्टा व तं कुज्जा ॥

चू- सरीरे सुवन्नया भवति, महुरसरो पडिपुनोदियो रूववं मेहाधारणाजुत्तो भवति, वंगा  
गंडे भवंति, संकुचियगत्तवलीपलियाभयणासणट्टा उवउज्जति दव्वे । अहवा - दीहाऊ भवामि  
त्ति तदट्टा वोवयुज्जति । थूलो वा किसो वा भवामि, किसो वा थूलो वा भवामि, एतदट्टा  
तव्विधदव्वोवयोगं करेति । एवमादि करंतस्स आणादिया दोसा ॥ इमे य दोसा-

[भा. ४३३२] उभयघरणम्मि दोसा, अहकरणकाया य जं च उट्टाहो ।

पच्छन्नमग्गणं पि य, अगिलाणगिलाणकरणं वा ॥

चू- “उभए”त्ति- वमनं विरेयनं । अतीव वमणे भरेज्ज, अतिविरेयणे वा भरेज्ज । अह उभयं  
धरेति तो उट्टनिरोहे कोट्ठो, दच्चनिरोहे मरणं । अथ अतिवेगेण अयंडिलादिसु छट्टुणनिसिरणं वा,  
एत्थ छक्कायविराधना । जं च अप्पानं अगिलाणं गिलाणं करेति तन्निप्फन्नं, “चत्तसरीरा वि  
सरीरकम्मं करेति” त्ति उट्टाहो, तम्मि कते पत्थं अन्नं मग्गियव्वं, पत्थभोजनमित्यर्थः । अहवा-  
पच्छन्नं तं करेतेर्हिं अप्पसागारितो पडिस्सतो मग्गियव्वो ॥ इमं बित्थियपदं-

[भा. ४३३३] नच्चुप्पत्तियं दुक्खं, अभिभूतो वेयणाए तिव्वाए ।

अदीणो अव्वहितो, तं दुक्खंऽहियासए सम्मं ॥

[भा. ४३३४] अव्वोच्छित्तिनिमित्तं, जीवट्टाए समाहिहेउं वा ।

वमणविरेयणमादी, जयणाए आदिते भिक्खू ॥

चू- दो वि गाहातो ततियउद्देशकगमेण पूर्ववत् ॥

मू. (८२९) जे भिक्खू अरोगियपडिकम्मं करेति, करंतं वा सातिज्जति ॥

चू- अरोगो निरुवहयसरीरो । मामे रोगो भविस्सति त्ति अनागयं चेव रोगपरिकम्मं करेतितस्स चउलहुं, आणादिया य दोसा ।

[भा. ४३३५] जे भिक्खू अरोगत्ते, कुज्जा हि अनागयं तु तेगिच्छं ।

सो आणा अणवत्थं, मिच्छत्त-विराधनं पावे ॥

चू- इमेहिं कारणेहिं अववादेण कुज्जा-

[भा. ४३३६] विहरण वायण आवासगाण मा मे व ताण वा पीला ।

होज्जा हि अकीरंतं, कप्पति हु अनागयं काउं ॥

चू- विहरणं जाव मासकप्पो न पूरति ताव करोमि, मा मासकप्पे पुन्ने विहरणस्स वाघातो भविस्सति । रोगे वा उप्पन्ने मा वायणाए वाघाओ भविस्सइ । विविधाण वा आवासगजोगाणं रोगमुप्पन्ने कमं असहमाणेहिं हरितादिच्छेदणं अन्नं वा किंचि गिलाणद्धा वताइयारं करेज्ज, अनागयं पुण कीरमाणे कम्मं फासुएण कीरमाणे व्रतभंगो न भवति, तन्हा अनागयं कप्पति काउं । एमादिकारणे अवेक्खिऊण अनागयं रोगपरिकम्मं कज्जति ॥ जतो भन्नति-

[भा. ४३३७] अमुगो अमुगं कालं, कप्पति वाही ममं ति तं नातुं ।

तप्पसमणी उ किरिया, कप्पति इहरा बहू हानी ॥

चू- ममं जप्पसरीरस्स अमुगो वाही अमुगे काले अवस्समुप्पज्जति तस्स रोगस्स अनागयं चेव किरिया कज्जति । “इहर” ति उप्पन्ने रोगे किरियाए कज्जमाणीए बहू दोसा, दोसबहुत्ताओ य संजमहानी भवति ॥ अनागयं कज्जमणे इमे गुणा-

[भा. ४३३८] अप्परअनायासो, न य कायवहो न या वि परिहानी ।

न य चङ्गणा गिहीणं, नहच्छेरिणेहि दिट्ठंतो ॥

चू- अनागतं रोगपरिकम्मं कज्जमाणे अप्पणो परस्स य अनायासो भवति, कमे फासुएण कज्जमाणे कायवधो न भवति, न य सुत्तत्थे आवस्सगा परिहानी भवति, अनागतं जहालामेण सणियं कज्जमाणे गिहीणं चमढणा न भवति । किंच उवेक्खितो वाही दुच्छेज्जा भवति, जहा रुक्खो अंकुरावत्थाए नहच्छेज्जो भवति, विवद्धितो पुण जायमूलो महाखंधो कुहाडेण वि दुच्छेज्जो, रिणं पि अवद्धिअं अप्पत्तणओ सुच्छेज्जं, विवद्धियं दुगुणचउगुणं दुच्छेज्जं, एवं वाही वि अनागतं सुच्छेज्जो, पच्छा दुच्छेज्जो । जो सुत्तत्थे सुगहियत्थो गहणसमत्थो गहणसमत्थो य जो य गच्छोवग्गहकारी कुलगणसंधकज्जेसु य पमाणं तस्स एसा विधी ॥ जो पुण न इमेरिसो तस्स इमा विधो-

[भा. ४३३९] जो पुण अपुव्वगहणे, उवग्गहे वा अपच्चलो परेसिं ।

असहू उत्तरकरमे, तस्स जहिच्छा न उ निओगो ॥

चू- अभिणवाणं सुत्तत्थाणं गहणे असमत्थो, साधुवग्गस्स व वत्थपायभत्तपाणओसद्धभेसज्जादी एतेहिं उवग्गहं काउं असमत्थो, उत्तरकरणं तवोपायच्छित्तंवा तत्थ वि असहू, एरिसस्स परिसस्स इच्छा न नियोगो “अवस्समणागयं कायव्वं” ति ॥

मू. (८३०) जे भिक्खू पासत्थं वंदइ, वंदंतं वा सातिज्जति ॥

मू. (८३१) जे भिक्खू पासत्थं पसंसइ, पसंसंतं वा सातिज्जति ॥

चू- सुलद्धं ते माणुस्सं जम्मं ज साहूणं वट्टसि-एवमादिपसंसा, विधीए वंदनं उच्छोभणं वंदनं वा । एस सुत्तयो । इमा निज्जुत्ती-

[भा.४३४०] दुविधो खलु पासत्थो, देसे सव्वे य होइ नायव्वो ।

सव्वे तिन्नि विगप्पा, देसे सेज्जातरकुलादी ॥

चू- दुविधो पासत्थो - देसे सव्वे य । सव्वहा जो पासत्तो सो ति विधो । देसेण जो पासत्थो सो सेज्जातपिंडभोतिमादी अनेगविधो ॥ पासत्थनिरुत्तं इमं सव्वदेसअभेदेण भन्ति-

भा. (४३४१) दंसणनाणचरित्ते, तवे य अत्ताहितो पवयणे य ।

तेसिं पासविहारी, पासत्थं तं वियाणाहि ॥

चू- दंसणादिया पसिद्धा । पवयणं चाउवन्नो समणसंघो । अत्ता आत्मा संधिपयोगेण आभिओगेण आहितो आरोपितः स्थापितः जेहिं जेहिं साधूहिं - ते उज्जुत्तविहारिण इत्यर्थः । तेसिं साधूणं पासविहारी जो सो एवंविधो पासत्थो । पवयणं पडुच्च जम्हा साहु-साहुणि-सावग-साविगासु एगपक्खे वि न निवडति, तम्हा पवयणं पइ तेसिं पासविहारी । अधवा - दंसणादिसु अत्ता अहिओ जस्स सो अत्ताहितो । एत्थ अकारो संधीए अत्थवसा हुस्सो दडुव्वो, दर्शनादीनां विराधकमित्यर्थः । जम्हा सो विराधको तम्हा तेसिं दंसणादीणं पासविहारी ॥

इदानिं सव्वपासत्थो तिविधभेदो भन्ति-

[भा.४३४२] दंसणनाणचरित्ते, सत्थो अच्छति तहिं न उज्जमति ।

एतेण उ पासत्थो, एसो अन्नो वि पज्जाओ ॥

चू- सत्थो अच्छइ ति । सुत्तपोरिसिं वा अत्थपोरिसिं वा न करेइ नोद्यमते, दंसणाइयारेसु वट्टति, चारित्ते न वट्टति, अतिचारे वा न वज्जेति, एवं सत्थो अच्छति, तेन पासत्थो । अन्यः पर्यायः अन्यो व्याख्याप्रकारः ॥ अधवा-

[भा.४३४३] पासो त्ति बंधणं ति य, एगट्ठं बंधहेतवो पासा ।

पासत्थियपासत्था, एसो अन्नो वि पज्जातो ॥

चू- पासोत्ति वा बंधणो त्ति वा एगट्ठं, एते पदा दो वि एगट्ठा । बंधस्स हेऊ “अविरयमादी” ते पासा भन्ति, तेसु पासेसु ठितो पासत्थो ॥ सव्वपासत्थो गतो । इमो देसपासत्थो-

[भा.४३४४] सेज्जायरकुलनिस्सित, ठवणकुलपलोयणा अभिहडे य ।

पुत्विं पच्छा संथुत, नितियग्गापिंडभोति पासत्थो ॥

चू- सेज्जातरपिंडं भुंजि, सट्ठाईकुलनिस्साए विहरति, ठवणाकुलाणि वा निक्कारणे पविसति, संखडिं पलोएति, आदंसादिसु वा देहं पलोएति, अभिहडं गेण्हति भुंजति य, सयणं पडुच्च माता-पितादियं पुव्वसंथवं करेति, पच्छासंथवं वा सामुससुरादियं । दानं वा पडुच्च अदिन्ने पुव्वसंथवो, दिन्ने पच्छासंथवो, नितियं निच्चनिमंतणे निकाएति, जति दिने दिने दाहिसि अग्गपिंडो अग्गकूरो तं गेण्हति भुंजइ य, एवमादिएसुं अववादपदेसु वट्टंतो देसपासत्थो भवति ॥

मू. (८३२) जे भिक्खू ओसन्नं वंदति, वंदंतं वा सातिज्जति ॥

मू. (८३३) जे भिक्खू ओसन्नं पसंसति, पसंसंतं वा सातिज्जति ॥

चू- द्वे सूत्रे । ओसन्नदोसो । ओसन्नो बहुतरगुणावराही इत्यर्थः ।

[भा. ४३४५] आवासग सज्ज्ञाए, पडिलेह ज्ज्ञाण भिक्ख भत्तट्टे ।  
काउस्सग पडिकमणे, कितिकम्मं नेव पडिलेहा ॥

चू- “आवासग”ति अस्य व्याख्या-

[भा. ४३४६] आवासग अनियतं करेति हीनातिरिक्तविवरीयं ।  
गुरुवयणणियोग वलायमाणे इणमो उ ओसन्नो ॥

चू- अनियतं - कदातिं करेइ, कयाइ न करेति, अधिकं वा करेति, दोसेहिं वा सह करेइ, चक्कवालसामायारीए सीदमाणो आवस्सगे आलोयणवेलाए “निओइउ”ति चोदितो सम्मं अपडिवज्जंतो तहा वा अकरंतो वलायमाणो गुरुवयणो भवति, अन्नत्थ वा चोदितो गुरुवयणाओ वलायति । “सज्ज्ञाय”ति सज्ज्ञायं हीनं करेति, अतिरिक्तं वा करेति । अहवा - न करेति । विवरीयं वा कालियं उक्काले करेति, उक्कालियं वा कालवेलाए करेति, असज्ज्ञाए वा करेति । पडिलेहणाए वि एवं चेव दट्टव्वं । पुच्चावरत्तकाले ज्ज्ञाणं नो ज्ञायति । असुभं ज्ञायति ।

आलसितो भिक्खं न हिंडति, अनुवउत्तो वा भिक्खाविसोहिं न करेति, असुद्धं वा गेण्हति । “भत्तट्टं” ति-मंडलीए कदाति भुंजइ, कदाइ न भुंजति, मंडलिसामायारिं वा न करेति, दोसेहिं वा भुंजति, पविसंतो निसीहिं न करेति, नितो आवस्सियं न करेति, नितानितो न पमज्जति वा । नदिसंतरणादिसु अन्नत्थं वा गमणागमणे काउस्सगं न करेति । दोसेहिं वा करेति । “पडिकमणं”ति मिच्छादुक्कडं, तं पमायखलियादिसु न करेति । संवरणादिसु कितिकम्मठाणेसु “कतिकम्मं” वंदणं न करेति । गुरुमादीण वा विस्सामणादि कितिकम्मं न करेति । निसीअणतुयट्टणादिट्टाणं न पडिलेहे, संडासयं वा निसीयंतो आदाननिक्खंवणसु वा न पडिलेहेति न पमज्जति ॥ एस देसोसन्नो गतो । इमो सव्वोसन्नो-

[भा. ४३४७] उउबद्धपीढफलगं, ओसन्नं संजयं वियाणाहि ।

ठवियग रइयग भोती एमेता पडिवत्तीओ ॥

चू- जो य पक्खस्स पिट्टफलगादियाण बंधे मोत्तुं पडिलेहणं न करेति सो संजओ उउबद्धपीढफलगो । अधवा - निच्चथविय संथारगो, निच्चुत्थरियसंथारगो य उउबद्धपीढफलगो भन्नति । ठवियपाहुडियं भुंजति, निक्खित्तभोती वा, ठवियभोती । घंटी करगपटलगादिसु जो अवट्टियं आनेउं भुंजति सो रतियभोती ॥ अहवा - इमो संखेवओ ओसन्नो भन्नति-

[भा. ४३४८] सामायारि वितहं, ओसन्नो जं च पावती तत्थ । [गार्थार्धः]

चू- सव्वं सामायारिवितहं करंतो ओसन्नो, जं वा मूलुत्तरगुणातियारं जत्थ किरियाविसेसे पयट्टो सपावति तं अनिदंतो अनालोयंतो पच्छित्तं अकरंतो ओसन्नो भवति ॥

मू. (८३४) जे भिक्खू कुसीलं वंदति, वंदंतं वा सातिज्जति ॥

मू. (८३५) जे भिक्खू कुसीलं पसंसइ, पसंसंतं वा सातिज्जति ॥

चू- कुत्तितः शीलः, कुत्तितेषु शीलं करोतीत्यतः कुसील इमा निज्जुत्ति-

[भा. ४३४९] कोउयभूतीकम्मे, पसिणापसिणं निमित्तमाजीवी ।

कक्क-कुरुय-सुमिण-लक्खण-मूल-मंत-विज्जोवजीवी कुसिलो उ ॥

चू- निदुमादियाणं तिगचच्चरादिसु ण्हवणं करेति त्ति कोतुअं, रक्खनिमित्तं अभिमांतियं भूतिं देति, अंगुडुबाहूपसिणादी करेति, सुविणए विज्जाए अक्खियं अक्खमाणस्स पसिणापसिणं, तीतपडुप्पन्नमनागयनिमित्तोवजीवी । अधवा - आजीवी जाति-कुल-गण-कम्म-सिप्पे पंचविधं करेति । लोद्ददिकेण कक्केण जंघाइ घसति, सरीरे सुस्सूसाकरणं कुरुकुर्या, बकुसभावं करेति त्ति वुत्तं भवति, सुभासुभसुविणफलं अक्खति, इत्थिपुरिसाण मसतिलगादिलक्खणे सुभासुभे कहेति, विविधरोगपसमणे कंदमूले कहेति । अहवा - गब्भादानपडिसाइणे मूलकम्मं मंतविज्जाहिं वा जीवाणं करंतो कुशीलो भवति ॥

मू. (८३६) जे भिक्खू नितियं वंदति, वंदंतं वा सातिज्जति ॥

मू. (८३७) जे भिक्खू नितियं पसंसति, पसंसंतं वा सातिज्जति ॥

चू- निच्चमवत्थणातो नितितो ।

[भा. ४३५०] जं पुव्वं नितियं खलु, चउव्विहं वन्नियं तु बितियम्मि ।

तं आलंबणरहितो, सेवंतो होति नितिओ उ ॥

चू- दव्व-खेत्त-काल-भावा एतं चउव्विहं, इहेव अज्जयणे बितियुद्देसे वन्नियं, तं निक्कारणे सेवंतो नितितो भवति ॥

मू. (८३८) जे भिक्खू संसत्तं वंदति, वंदंतं वा सातिज्जति ॥

मू. (८३९) जे भिक्खू संसत्तं पसंसति, पसंसंतं वा सातिज्जति ॥

चू- दोसेहिं जुत्तो संसत्तो आकिन्नदोस वा संसत्तो ।

[भा. ] संसत्तो व अलदो, नडरूवी एलतो चेव ॥ [गाथार्द्धः]

चू- इमा पच्छद्धातो निज्जुत्ती - संसत्तो कहं ? अलंदमिव । जहा गोभक्तक-लंदयं अनेगदव्वनियरं किमिमादीहिं वा संसत्तं तहा सो वि । अहवा - संसत्तो अणेगरूवी नटवत् एलकवत्, जहा नडो नट्टवसा अनेगाणि रूवाणि करेति, ऊरणगो वा जहा हलिद्वारागेण रत्तो धोविउं पुणो गुलिगगेरुगादिरागेण रज्जते, एवं पुणो वि धोविउं अन्नोन्नेन रज्जति, एवं एलादिबहरुवी ॥

एवं संसत्तो इमेण विहिणा बहरुवी-

[भा. ४३५१] पासत्थ अहाछंदे, कुसील ओसन्नमेव संसत्ते ।

पियधम्मो पियधम्मेषु चेव इणमो तु संसत्तो ॥

चू- पासत्थाणं मज्जे ठितो पासत्थो, अहच्छंदेषु अहाछंदो, ओसन्नेसु ओसन्नानुवत्तिओ ओसन्नो, संसत्ताण मज्जे संसत्ताणुचरितो, पियधम्मेषु मिलितो अप्पानं पियधम्मं दंसेति, निद्धम्मेषु निद्धम्मो भवति । 'इणमो' त्ति वक्खमाणसरूवो संसत्तो ॥

[भा. ४३५२] पंचासवप्पवत्तो, जो खलु तिहि गारवेहि पडिबद्धो ।

इत्थिगिहिसंकिलिद्धो, संसत्तो सो य नायव्वो ॥

चू- पंच आसवदारा - पाणवह-मुसावाय-अदत्त-मेहुण-परिगह, एतेसु प्रवृतः । खलु अवधारणार्थो । तिन्नि गारवा - इद्धिरससायं वा, एतेसु भावतो पडिबद्धो ।

इत्थीसु मोहमोहितो संकिलिद्धो तप्पडिसेवी । गिहीसु वि समक्खपरोक्खेषु सुत्थदुत्थेषु

दुपदचउम्पदेसु वा वावारतहणपडिबद्धो संकिलिद्धो । संखेवो इमो - जो जारिसेसु मिलति सो तारिसो चेव भवति, एरिसो संसत्तो नायव्वो ॥

मू. (८४०) जे भिक्खू काहियं वंदति, वंदंतं वा सातिज्जति ॥

मू. (८४१) जे भिक्खू काहियं पसंसति, पसंसंतं वा सातिज्जति ॥

चू- द्वे सूत्रे । सज्झायादिकरनिज्जे जोगे मोत्तुं जो देसकहादिकहातो कथेति सो काहितो । इमा निज्जुत्ती-

[भा. ४३५३] आहारादीणऽद्वा, जसहेउं अहव पूयणनिमित्तं ।

तक्कम्मो जो धम्मं, कहेति सो काहिओ होति ॥

चू- धम्मकहं पि जो करेति आहारादिनिमित्तं, वत्थपातादिनिमित्तं, जसत्थी वा, वंदनादि-पूयाभिमित्तं वा, सुत्तत्थपोरिसिमुक्कवावारो अहो य रातो य धम्मकहादिपढणकहणवज्झो, तदेवास्स केवलं कर्म तक्कम्म एवंविधो काहितो भवति ॥ चोदग आह-“ननु सज्झाओ पंचविधो वायणादिगो । तस्स पंचमो भेदो धम्मकहा । तेन भव्वसत्ता पडबुज्जंति तित्थे य अब्वोच्छिती पभावणा य भवति, अतो ताओ निज्जरा चेव भवति, कहं काहियत्तं पडिसिज्जति ? ।” आचार्याह-

[भा. ४३५४] कामं खलु धम्मका, सज्झायस्सव पंचमं अंगं ।

अब्वोच्छितीइ ततो, तित्थस्स पभावना चेव ॥

चू- पूर्वाभिहिते नोदकार्यानुमते कामशब्दः । खलुशब्दो अवधारणेऽर्थे । किमवधारयति ? इमं - “सज्झायस्स पंचम एवांगं धम्मकहा” जइ य एवं-

[भा. ४३५५] तह वि य न सव्वकालं, धम्मकहा जीइ सव्वपरिहाणी ।

नाउं व खेत्त कालं, पुरिसं च पवेदते धम्मं ॥

चू- सव्वकालं धम्मो न कहेयव्वो, जतो पडिलेहणादि संजमजोगाण सुत्तत्थपोरिसीण य आयरियगिलाणमादीकिच्चाण य परिहाणी भवति, अतो न काहियत्तं कायव्वं । जदा पुण धम्मं कहेति तदा नाउं साधुसाधुणीय य बहुगच्छुवग्गहं । “खेत्तं” ति ओमकाले बहूणं साधुसाधुणीणं उवग्गहकरा इमे दानसह्वादि भविस्संति (त्ति) धम्मं कहेए । रायदिपुरिसं वा नाउं कहेज्जा, महाकले वा इमेण एक्केण उवसंतेणं पुरिसेणं बहू उवसमंतीति कहेज्जा ॥

मू. (८४२) जे भिक्खू पासणियं वंदइ, वंदंतं वा सातिज्जति ॥

मू. (८४३) जे भिक्खू पासणियं पसंसइ, पसंसंतं वा सातिज्जति ॥

चू- जनवयववहारेसु नडण्डादिसु वा जो पेक्खणं करेति सो पासणिओ ।

[भा. ४३५६] लोइयववहारेसू, लोए सत्थादिएसु कज्जेसु ।

पासणियत्तं कुणती, पासणिओ सो य नायव्वो ॥

चू- लोइयववहारेसु”ति अस्य व्याख्या-

[भा. ४३५७] साधारणे विरेगं, साहति पुत्तपडए य आहरणं ।

दोण्ह य एगो पुत्तो, दोन्नि महिलाओ एगस्स ॥

चू- दोण्हं सामन्नं साधारणं, तस्स विरेगं विभयणं, तत्थन्ने पासणिया च्छेतुमसमत्था, सो भावत्थं नाउं छिंदति । कहं ? एत्थ उदाहरणं भन्नति- एगस्स वणियस्स दो महिला, तत्थेगीए

पुत्तो । एयं उदाहरणं जहा नमोक्कारनिञ्जुत्तीए । पडगआहरणं पि जहा तत्थेव । एवं - अन्नेसु वि बहूसु लोगववहारेसु पासणियत्तं करेइ छिंदति वा ॥ “लोए सत्थादिएसु”त्ति अस्य व्याख्या-

[भा. ४३५८] छंदनिरुत्तं सद्दं, अत्थं वा लोइयाण सत्थाणं ।

भावत्थए य साहति, छलियादी उत्तरे सउणे ॥

घू- छंदादियाणं लोगसत्थाणं सुत्तं कहेति अत्थं वा, अहवा “अत्थं व”त्ति अत्थसत्थं, सेतुमादियाण वा बहूण कव्वाणं, कोह्वायाण य, वेसियमादियाण य भावत्थं पसाहति । छलिय सिंगारकहा थीवन्नगादी । “उत्तरे”त्ति - छंदुत्तरादी । अहवा - ववहारे उततर सिक्खावेइ । अहवा - “उत्तरे”त्ति लोउत्तरे वि सउण रुयादाणि कहयति ॥

मू. (८४४) जे भिक्खू मामगं वंदइ, वंदंतं वा सातिज्जति ॥

मू. (८४५) जे भिक्खू मामगं पसंसइ, पसंसंतं वा सातिज्जति ॥

घू- ममीकारं करंतं मामाओ-

[भा. ४३५६] आहार उवहि देहे, वीयार विहार वसहि कुल गामे ।

पडिसेहं च ममत्तं, जो कुणति मामतो सो उ ॥

घू- उवकरणादिसु जहासंभवं पडिसेहं करंति, मा मम उवकरणं कोइ गेणहउ । एवं अन्नेसु वि वियारबूमिमादिएसु पडिसेहं सगच्छपरगच्छयाणं वा करंति । आहारादिएसु चेव सव्वेसु ममत्तं करंति । भावपडिबंधं एवं करंतो मामओ भवति ॥

विविधदेसगुणेहि पडिबद्धो मामओ इमो-

[भा. ४३६०] अह जारिसओ देसो, जे य गुणा एत्थ सस्सगोणादी ।

सुंदरअभिजातजणो, ममाइ निक्कारणोवयति ॥

घू- “अह”त्ति अयं जारिसो देसो रुक्ख-वावि-सर-तडागोवसोभितो एरिसो अन्नो नत्थि । सुहविहारो । सुलभवसहिभत्तोवकरणादिया य बहूगुणा । सालिक्खुमादिया य बहूसस्सा निप्फजंति य । गो-महिस-पडरत्ततो य पउरगोरसं । सरीरेण वत्थादिएहिं सुंदरो जणो, अभिजायत्तणतो य कुलीणो, न साहुसुवद्वकारी, एवमादिएहिं गुणेहिं भावपडिबद्धो निक्कारणिओ वा वयति - प्रशंसतीत्यर्थः ॥

मू. (८४६) जे भिक्खू संपसारियं वंदति, वंदंतं वा सातिज्जति ॥

मू. (८४७) जे भिक्खू संपासारियं पसंसति, पसंसंतं वा सातिज्जति ॥

घू- गिहीणं कज्जाणं गुरुलाघवेणं संपसारंतो संपसारिओ ।

[भा. ४३६१] अस्संजयाण भिक्खू, कज्जे अस्संजमप्पवत्तेसु ।

जो देती सामत्थं, संपसारओ सो य नायव्वो ॥

घू- जे भिक्खू असंजयाणं असंजमकज्जपवत्ताणं पुच्छंताणं अपुच्छंताणं वा सामत्थयं देति- “मा एवं इमं वा करेहि, एत्थ बहू दोसा, जहा हं भमामि तथा करेहि” त्ति, एवं करंतो संपसारितो भवति ॥ ते य इमे असंजयकज्जा ।

[भा. ४३६२] गिहिनिक्खमणपवेसे, आवाह विवाह विक्कय कए वा ।

गुरुलाघवं कहंतै, गिहिणो खलु संपसारीओ ॥

चू- गिहीणं असंजयाणं गिहाओ दिसि जत्तए वा निग्गमयं देति । गिहि(स्स)जत्ताओ वा आगयस्स पावेसं देति । आवाहो विट्ठियालंभणयं सुहं दिवसं कहेति, मा वा एयस्स देहि, इमस्स वा देहि । विवाहपडलादिएहिं जोतिसगंधेहिं विवाहवेलं देति । अग्घकडमादिएहिं गंधेहिं इमं दव्वं विक्किणाहि, इमं वा किणाहि । एवमादिएसु कज्जेसु गिहीणं गुरुलाघवं कहेतो संपसारत्तणं पावति ॥ पासत्यादियाण सव्वेसिं इमं सामन्नं-

[भा. ४३६३] एएसामन्नतरं, जे भिक्खू पसंसए अहव वंदे ।  
सो आणा अणवत्थं, मिच्छत्तविराधनं पावे ॥

चू- मिच्छत्तं जनेति, संजमविराधनं च पावति ॥ इमाणि पसंसणकारणाणि भवंति-

[भा. ४३६४] मेहावि नीयवत्ती, दाणरूई चेइयाण अतिभत्तो ।  
लोगपगतो सुवक्को, पियवाई पुव्वभासी य ॥

चू- अनुज्जमंतस्स एते सव्वे अगुणा दट्ठव्वा, तम्हा मेहिवमादिएहिं पसंसवयणेहिं न पसंसि-  
यव्वा ॥ अन्नेसु वि सुत्तेसु पासत्यादियाण वंदणं पडिसिद्धं । जतो भन्ति-

[भा. ४३६५] ठियकप्पे पडिसेहो, सुहसीलऽज्जाण चेव कितिकम्मं ।  
नवगस्स या पसंसा, पडिसिद्धपकप्पमज्झयणे ॥

चू- इमो ठियकप्पो -

“आचेलकुद्देसिय-सेज्जातर-रायपिंड-कितिकम्मे ।  
वयजेट्ठ-पडिक्कमणे मासं पज्जोसवणकप्पे ।”

एत्थ पडिसिद्धं वंदनयं पसंसा य सुहसीलाणं । पासत्यादी अज्जाण य कितिकम्मं पडिसिद्धं ।  
कितिकम्मं वंदनयं । “नवगस्स”त्ति पासत्यादी पंच काहिकादी चउरो, एते सव्वे नव । पगप्पो  
इमं चेव निसीहज्झयणं । एत्थ नवगस्स पसंसा पडिसिद्धा ॥

इदानिं सामन्नेण सीयंतेसु वंदणपडिसेहो कज्जति-

[भा. ४३६६] मूलगुण-उत्तरगुणे, संथरमाणा वि जे पमाएंति ।  
ते होतऽवंदनिज्जा, तट्ठणारोवणा चउरो ॥

चू- जो संथरंतो मूलुत्तरगुणेसु सीदति सो अवंदनिज्जो । जं च पासत्यादि ठाणं सेवति तेहिं वा  
सह संसग्गिं करेति, अतो तट्ठणारोवणेण आरोवणा, से चउलहुं अहाछंदवज्जेसु, अहाछंदे पुण  
चउरुरु ॥ बितियपदं-

[भा. ४३६७] बितियपदमणप्पज्जे, पसंसत अविकोविए व अप्पज्जे ।  
जाणंते वा वि पुणो, भयसा तव्वादि गच्छट्ठा ॥

चू- अनवज्जो खित्तादिचित्तो पराधीणत्तणतो पसंसे, अविकोवितो सेहो सो वा दोसं अजाणंतो  
पसंसे सत्थचित्तो वि । अधवा - जाणता वि दोस भया पसंसे रायासियं । “तव्वादि”त्ति कोइ  
परवादा इमारसं पक्खं करेज्ज - पासत्यादयो न पसंसज्जा इति प्रतिज्ञा, अस्य प्रतिघातत्थं पसंसियव्वं  
न दोसो, गच्छस्स वा उग्गहकारी सो पासत्यादी पुरिसो अतो गच्छट्ठा पसंसेति ॥

इमो वंदनस्स अववातो-

[भा. ४३६८] बितियपदमणप्पज्जे, वंदे अविकिवोए व अप्पज्जे ।



जाणंते वा वि पुणो, भयसा तव्वादि गच्छद्वा ॥

चू- पूर्ववत् । अववाए उस्सग्गो भन्नति - अववादेण जदा पासत्थादियाण सरीरनिराबाहत्तग-  
वेसणं । करेति तथा वंदनविरहियं करेति ॥ जता भन्नति-

[भा.४३६९] गच्छपरिरक्खणद्वा, अनागयं आउवातकुसलेणं ।

एवं गणाधिपतिणो, सुहसीलगवेसणं कुज्जा ॥

चू- ओमरायदुद्धादिसु गच्छस्स वा उवग्गहं करेस्सति, तिगिच्छ वा “अनागयं”ति, तम्मि  
ओमादिगे कारणे अनुप्पन्ने वि “आउ”ति अस्स पासत्थादिपुरिसस्स पासातो असनवत्थादी  
संजमवद्दी वा, गच्छनिरावाहया वा आयो । उवायकुसलत्तं पुण गणाधिपतिणो तथा सुहसीलाणं  
गवेसणं करेति जहा न वंदति, ते गवेसति य न य तेसि अप्पत्तियं भवति ॥

सा य तेसिं गवेसणा इमेहिं ठाणेहिं कायव्वा-

[भा.४३७०] बाहिं आगमणपहे, उज्जाणे देउले समोसरणे ।

रच्छउवस्सगबहिया, अंतो जयणा इमा होति ॥

चू- जत्थ ते गामनगरादिसु अच्छंति तेसि बाहिं ठितो जता ते पस्सति सेज्जातरादि वा तदा  
निराबाहादि गवेसति । जया वा ते आगच्छंति भिक्खायरियादि तम्मि वा पहे दिट्ठाणं गवेसणं  
करेति । एवं उज्जाणादिट्ठाणं चेतियं वंदननिमित्तमागतो वा देवउले गवेसति, समोसरणे वा  
दिट्ठा, रच्छाए वा भिक्खादि अडंता अभिमुहा संभिमुहो संभिट्ठा गवेसति । कदाचि ते पासत्थादयो  
बाहिं दिट्ठा भणेज्ज - अन्ह पडिस्सयं न कदाइ एह, ताहे तदाणुवत्तीए तेसिं उवस्सय पि गम्मति ।  
तत्थ उवस्सयस्स बहिया ठितो सव्वं निराबाहादि गवेसति । अतिनिब्बंधे वा तेसिं अंतो उवस्सयस्स  
पविसित्ता गवेसति । इमा जयणा गवेसियव्वे भवति । अहवा जयणा इमा होति पुरिसविसेस-  
वंदने । सो य पुरिसविसेसो इमो-

[भा.४३७१] मुक्कधुरा संपागडकिच्चे चरणकरणपरिहीणे ।

लिंगावसेसमेत्ते, जं कीरति तारिसं वोच्छं ॥

चू- संजमधुरा मुक्का जेण सो मुक्कधुरो, समत्थजणस्स पागडाणि अकिच्चाणि करेति जो सो  
संपागडकिच्चो । अहवा - असंजमकिच्चाणि संपागडादि करेति जो सा संपागडकिच्चो, संपागडतेवी  
वा मूलगुणे उत्तरगुणे सेवतीत्यर्थः । सो अकिच्चपडिसेवणातो चेव चरणपरिब्भट्ठो,  
चरणकरणपडिहीणत्तणओ चेव दव्वलिंगावसेसो, दव्वलिंगं से न परिचत्तं (लिंगं) सेसं सव्वं  
परिचत्तं । मात्रशब्दः लक्षणवाची । प्रब्रज्यालक्षणं द्रव्यलिंगमात्रमित्यर्थः ॥

तारिसे दव्वमलिंगमेत्ते जारिसं वंदणं कीरति तारिसं सुणसु-

[भा.४३७२] वायाए नमोक्कारो, हत्थुस्सेहो य सीसनमनं च ।

संपुच्छणऽच्छणं छोभवंदनं वंदणं वा वि ॥

चू- बाहिं आगमणपहादिएसु ठाणेषु दिट्ठस्स पासत्थादियस्स वायाए वंदनं कायव्वं -  
‘वंदामो’ति भणाति । विसिद्धतरे उग्गसभावे वा वायाए हत्थुस्सेहं च अंजलिं करेति । अतो वि  
विसिद्धतरउग्गयतरसभावस्स वा दो वि एते करेति, ततियं च सिरप्पणामं करेति । ततो विसिद्धतरे  
तिन्नि काउं पुरुट्ठितो भत्ति पि व दरिसंतो सरीरे वट्टमाणिं पुच्छति । ततो विसिद्धतरस्स पुच्छिता

खणमेतं पञ्जुवासंतो अच्छति ।

अधवा - पुरिसविसेसं जाणिऊण उच्छोभवंदनंदेति - “इच्छामि खमासमणो वंदितं जावनिज्जाए निसीहियाए तिविहेणं” एयं उच्छोभवंदनयं । अहवा - पुरिसविसेसं नाउं संपुन्नं बारसावत्तं वंदणं देति ॥ ते य वंदनविसेसकारणा इमे-

[भा. ४३७३] परियाय परिस पुरिसं, खेतं कालं च आगमं नाउं ।

कारणजाते जाते, जहारिहं जस्स जं जोग्गं ॥

चू- बंधचेरमभग्गं विसेसितो दीहपरियातो सेसुतरगुणेहिं सीदेति । सयं सीयति, “परिस” परिवारो से संजमविणीतो मुलूत्तरगुणेषु उज्जुत्तो । “पुरिसो” रायादिदिक्खितो बहुसंमतो वा पवयणुभावगो । “खेतं” पासत्थादीभावियं तदणुगाएहिं तत्थ वसियव्वं । ओमकाले जो पासत्थो सगच्छवद्वावणं करेति तस्स जहारितो सक्कारो कायव्वो । “आगमे” से सुत्तं अत्थि, अत्थं वा से पन्नवेति - चारित्रगुणान प्रज्ञापयतीत्यर्थः । कारणा कुलादिगा । जातशब्दो प्रकारवाची । बित्तिओ जातसद्दो उप्पन्नवाची । जस्स पुरिसस्स जं वंदणं अरिहं तं कायव्वं । चोदगाह - जोग्गहणं निरत्थयं पुनरुत्तं वा । आचार्य आह - नो निरत्थयं । कहं ? भन्नति - अन्नं पि जं करनिज्जं अभुट्ठाणासण-विस्सामण-भत्तवत्थादिपदाणं तं पि सव्वं कायव्वं, एयं जोग्गहणा गहितं ॥

[भा. ४३७४] एयाइ अकुव्वंतो, जहारिहं अरिहदेसिए मग्गे ।

न भवइ पवयणभत्ती, अभत्तिमंतादिया दोसा ॥

चू- एयाइं ति वायाए नमोक्कारमातियाइं ति परियागमादियाणं पुरिसां अरिहंतदेसिए मग्गे ठियाण जहारिहं वंदणादि उवयारं अकरेंताणं नो पवयणे भत्ती कया भवति । वंदनादि उवयारं अकरेंतस्स अभत्ती भवति । आइसद्दातो निज्जर-सुगइलाभस्स वा अनाभागी भवति ॥

मू. (८४८) जे भिक्खू धातिपिंडं भुंजइ भुजंतं वा सातिज्जति”

चू- बालस्स धाइत्तणं करेंतस्स आणादिया दोसा, चउलहुं च से पच्छित्तं ।

[भा. ४३७५] जे भिक्खू धातिपिंडं, गिण्हेज्ज सयं तु अहव सातिज्जे ।

सो आणा अणवत्थं, मिच्छत्त-विराधनं पावे ॥

चू- सातिज्जणा अन्नं करेंतं अनुमोदति । सेसं कंठं ॥ धाइनिरुत्तं इमं-

[भा. ४३७६] धारयति धीयते वा, धयंति वा तमिति तेन धातीतो ।

जहविभवा आसि तया, खीराई पंचधातीओ ॥

चू- तं बालं धारयतीति धाती । तेन बालेण धीयते पीयत इत्यर्थः । सो वा बालो तं धावतीति धाती, तं पिबतीत्यर्थः । निज्जुत्तिकार आह - जता भगवता तित्थं पणीतं तदा विभवाणुरुवा पंचधातीतो आसी । तं जहा- खीरघाती मज्जण-मंडळ-कीलावणं अंकधाती य ॥ एया सव्वाओ वि समासेण दुविधा-सयंकरणे कारावणे य । अहवा - धातिं धाइत्तणे ठवेति । कहं पुण धाइत्तणं करेति ? भन्नइ - एगस्स साधुस्स एगा परिचियसद्दी । सो साधू तत्थ भिक्खाए गतो । तस्स संतियं दारगं रुदंतं दद्धं साहू इमं भणाति-

[भा. ४३७७] खीराहारो रोवति, मज्झ किताऽऽसादि देहिणं पजे ।

पच्छा व मज्झ दाहिसि, अलं व भुज्जो व एहामि ॥

चू- साहू भणति - दस दारगो खीराहारो छुहतो रोवति, ता तुमं अन्न वावारं मोत्तुं इमं ताव दारगं थणतो खीरं पजेहि । एवं कते मज्झं आसापूरणं कयं होति, मज्झ वि भिक्खं पच्छा दाहिंसि एयंमि तित्ते । अहवा भणति - भिक्खाए वि मे अलं, परं एयं पजेहि । अहवा भणाति - पुणो भिक्खानिमित्तं एहामि, इदानिं एयं पाएहि ॥ इमं च अन्नं भणाति-

[भा. ४३७८] मतिमं अरोगि दीहाउओ य होति अविमाणितो चालो ।

दुल्लभयं खु सुतमहं, पजेहि अहं व से देमि ॥

चू- बालो बालभावे वि अविमाणितो मतिमं भवति, अरोगो भवति, दीहाउगो य भवति । विमाणितो पुण मंदबुद्धी सरोगो अप्पाउतो । तं मा विमाणेहि, अन्नं च दुल्लबो पुत्तजम्मो, तं एयं पजेहि थणं । अहवा - गवादिखीरं करोडगे छोदुं देहि, अहमेतं पज्जामि ॥

साधुस्स धाइत्तणं करेंतस्स इमे दोसा-

[भा. ४४७९] अहिकरण भद्रपंता, कम्मदय गिलाणए य उड्डाहो ।

चडुगारी य अवन्नो, नीया अन्नो व नं संके ॥

चू- असंजतो पासितो अधिकरणं कम्मबंधपरूवणा य कुलमद्वियादिण भद्रपंतदोसा य । भद्रदोसा - एस तवस्सी अप्पणो गिहं चइत्ता अम्होवरि नेहं करेति विसेसेण, से भत्तपाणादी देज्जह । अगारी वा संबंधं गच्छति । पंतदोसा - अप्पणो असुभकम्मोदएण गिलाणो जातो सो बालो, ताहे भणति - किं पि एरिसं समणेण दिन्नं जेण गिलाणो जातो, एवं जनवाए उड्डाहो - “एते कम्मणकारगा ।” अहवा भणेज्जा - एते अदिन्निदाना भिक्खानिमित्तं चाडुं करेति, एवमादि लोए अवन्नं वदेज्ज । अहवा - तस्स अगारीए सयणा अन्नो वा सयणो संकेज्जा-नूनं एस संजतो एतीए अगारीए सह अनायारं सेवति जेण से पुत्तभंडादि भुंजावे ति ॥

अहवा - इमो धातिकराण विगप्पो-

[भा. ४३८०] अयमपरो उ विगप्पो, भिक्खायरि सड्ढि अद्धिती पुच्छा ।

दुक्खसहायविभासा, हितं मे धातित्तणं अज्जो ॥

चू- धातिकरणे पुव्विल्लविकप्पातो इमो अवरो अन्नो विगप्पो भन्नति - एगस्स साधुस्स एगा अगारी उवसमति, अन्नया सो तीए घरं भिक्खाए गतो, दिट्ठा य तेन साधुणा सा सड्ढी विमणी उस्सुयमणी अद्धितिमंती । ताहे सो साहू पुच्छति - किं निमित्तं विमणा - सा भणति - किं तुज्ज मम संतियेण दुक्खेण । भणियं च-

॥ १ ॥ जोयण दुक्खं पत्तो, जो य न दुक्खस्स निग्गहसमत्थो ।

जोयण दुहिए दुहिओ, न हु तस्स कहिज्जउ दुक्खं ॥

॥ २ ॥ साहू भणइ- अहयं दुक्खं पत्तो, अहयं दुक्खस्स निग्गहसमत्थो ।

अहयं दुहिए दुहिओ, ता मज्झ कहिज्जउ दुक्खं ॥

सा “दुक्खसहायविभास”ति । ताहे सा सड्ढी भणइ - जति तुमं दुक्खनिग्गहसमत्थो तो कहेमि, अमुगधरे मे धातित्तणं आसी, तत्थ तेन धाइत्तणेण सुहं जीवंती आसी, अज्ज मे तं फेडियं, अन्ना तत्थ ठविया तेनऽम्हि अज्ज संचिंता ॥ तहे साधू तं पुच्छत इमेहिं तं-

[भा. ४३८१] वय-गंड-थुल्ल-तणुय-तणेहि तं पुच्छियं अयाणंतो ।

तत्थ गतो तस्समक्खं, भणाति तं पासिउं बालं ॥

चू- जा सा ठवेता तस्स केरिसो वयो - तरुणी मज्झा वुद्धा ? गंडथणी उन्नयथणी महत्थणी अप्पथणी कोप्परथणी पतितथणी ? सरीरेण थूला तणुयी वा तं ठवियघातिं अयाणंतो एमाइएहिं पुच्छिउं तम्भि घरगतो तीए । ठवियघातीए समक्खं गिहपतिसमक्खं च तं ब लं पासिउं इमं भणइ ॥

[भा. ४३८२] अहुणुद्धियं च अनवेक्खितं च इमंगं कुलं तु मन्नामि ।

पुन्नेहि जहिच्छाए, चलति बालेण सूएमो ॥

चू-अहो! इमं कुलं ननु पितिपरंपरागयसिरियं अहुणुद्धियसिरियं एयं । अधवा - अणवेक्खियं ति, न एयं घरचिंतगा वुद्धा पडिजग्गंति, नत्थि वा एत्थ घरचिंतगा वुद्धा, अप्पणो जहिच्छाए पुन्नेहिं चलति । गिहसामो य भन्नति - अज्जो कहं जाणसि ? साधू भणइ - इमेण बालेण जाणामि ॥ जारिसी सा ठवियघाती तारिसीए दोसे उब्भासिउकामो भणति-

[भा. ४३८३] थेरी दुब्बलखीरा, चिमिढो पेल्लियमुहो अतिथणीए ।

तनुई मंदक्खीरा, कोप्परथणियं ति सूइमुहो ॥

चू-इमो बालो लक्खणजुत्तो । एयाणि से लक्खणाणि अम्मधातीए उवहम्मंति, जतो एयस्स धाती थेरी, थेरी दुब्बलखीरा भवति, एस वट्टंतो रुक्खगतो भविस्सति । अह महल्लथणी तो थणेहिं पेल्लिया नासिका चिमिटा भविस्सति, सुहं च से पेल्लियं गल्लरं भविस्सति, कृशा मंदक्खीरा भवति, अप्पाहारत्तणओ वट्टंतो किसो चेव भविस्सति । कोप्परथणीए कोप्परागारे थणे सूसंतो उट्टंतुरो सूइमुहो य भविस्सति ॥ बहुवित्थारदूसणे इमं सावन्नं भवति-

[भा. ४३८४] जा जेन होति वन्नेण उक्कडा गरहते स तेणेव ।

गरहति समणा तिव्वं, पसत्थभेदं च दुव्वन्नं ॥

चू- जा सा ठवियघाती सा जेण वन्नेण जुत्ता पसत्थेण वा अपसत्थेण वा उक्कडेण वा जहन्नेन वा स साधू तेणेव वन्नेणं तं गरहति । अध जा य ठविया जा य फेडिया ततो दो वि समवन्ना तो समवायातो वा तत्थ वि तं ठवियं तिव्वतरेण वा दुवन्नयरेण वा वन्नभेदेण जुत्तं तेनेव गरहति । जा पुण सा ठवेयव्वा तं दुव्वन्नेण वि जुत्तं पसंसति किमुत्त पसत्थेण ॥

एवं करंतस्स इमे दोसा-

[भा. ४३८५] ओवट्ठिया पदोसं, छोभग उब्भागमो य से जं तु ।

होज्जा मज्ज वि विग्घो, विसाति इयरी वि एमेव ॥

चू- जा सा धातिठाणातो साधुवयणेण उवट्ठिता पदोसमावन्ना छोभगं छुभेज्ज । छोभगो अब्भवक्खाणं । एस ते तीए सह अनायारं सेवति, तस्स वा उब्भामगो त्ति, संघाडगो अन्नो वा मेहुणसंसट्ठो पदुट्ठो जं पंतावणादि काहिति तन्निप्फन्नं च । इयरी वि जा संजएण पसंसिता धातित्तणे ठविता, सा वि चिंतैज्ज-एस समजतो पुणो तीए उलग्गिओ मज्झ दोसे काउं तीए गुणे वन्नेउं मम विग्घं धातित्तणे करेज्ज, तं जाव न करेति ताव विसं गरं वा देमि, एवं सा वि करेज्ज ॥

गता खीरधाती । इदानिं मज्जणादियाओ-

[भा. ४३८६] एमेव सेसियासु वि, सुयमादिसु करणकारणे सगिहे ।

इट्ठीसु य धाईसु य, तहेव उव्वट्ठियाण गमो ॥

चू-सेसियाओमज्जण-मंडण-कीलावण-अकधातीओय । “सुत्त” त्ति पुत्तो । तस्स मज्जणादिकं मातरि वा कारवेत्ति, “करणं” त्ति अप्पणा वा सगिहं चेव करेत्ति, जहा इट्ठिधरेसु खीरधाती ठविज्जइ तथा इट्ठिधरेसु चेव मज्जणादिधातीतो ठविज्जंति । मज्जणादिधातीण वि उव्वट्ठिताणं जो गमो खीरधातीए सो चेव गमो असेसो दट्ठव्वो ॥ इमं मज्जणधातित्तं-

[भा.४३८७] लोलति मही य धूली, य गुंडितो ण्हाण अहव नं मज्जे ।

जलभीरु अबलणयणो, अतिउप्पिलणेण रत्तच्छे ॥

चू-बालं धूलीए धवलियंगं दट्ठं, महीए वा लोलंतं दट्ठं, साधूतं पुत्तमायं भणात्ति - एयं बालं णवेहि । उदगं वा कुडगादिसु छोदुं तेहि, ताहे अहं ण्हावेमि । ण्हाणधातीए इम पच्छद्धं दूसणं-अइ(स)ज्जल्लमलण्हाणेण उवसंतो ण्विज्जंतो जलभीरु भवति, नयणा य अतिजलभरणेण दुब्बला हवंति, अनं च जलेणं उप्पिलाविया नयणा जमदूअसन्निभा रत्ता भवंति ॥

[भा.४३८८] अब्भंगिय संवाहिय, उव्वट्ठिय मज्जियं च तं बालं ।

उवनेइ ण्हाणधाती, मंडणधातीए सुइदेहं ॥

चू-सा ण्हाणधातीं तं बालं अब्भंगादिएहिं चोक्खदेहं करेत्ता मंडणधातीए समप्पेत्ति ॥

गता मज्जणधाती । इमा मंडणधाती-

[भा.४३८९] उसुकादिएहि मंडेहि ताव नं अहव नं विभूसेमि ।

हत्येव्वगा व पादे, कयमेलेच्चा व से पादे ॥

चू-उसू तिलगा । तेहिं तिलगकडगादिएहि इमं विभूसियं करेहि । अहवा - विभूसणे आनेहि, जेणाह विभूसेमि । इमो मंडणधातीए दोसो - हत्येव्वगा आभरणगा कडगादी पादे करेत्ति गल्लिवगा व से नक्खत्तमालादो पाए कया, एवं सा अलक्खणं मंडेत्ति त्ति । गता मंडणधाती ॥

इमा कीलावणधाती-

[भा.४३९०] ढट्ठसर पुन्नमुहो, मउ गिरासू य मम्मनुल्लावो ।

उल्लावणकादीहि व, करेत्ति कारेत्ति वा किडुं ॥

चू-कीलावणधातीए दोसं ताव भणात्ति - जया ढट्ठरसरा कीलावणधाती भवति तो तस्स सरेण पुन्नमुहो भवति । अह मउयगिरा तो मम्मणपलावो भवति, मउलपलावो वा भवति, मूअं वा भवति । एयं रुदंतं बालं मधुरमधुरेहिं कीला वणवयणेहिं साधू कीलावणं करेत्ति । मातरं वा भणात्ति - एयं रुदंतं बालं कीलावेहि ॥ इमा अंकधाती-

[भा.४३९१] थुल्लाए विगडपादो, भग्गकडी सुक्कडी य दुक्खं वा ।

नीमंसकक्खडकरेहि भीरुतो होइ घेप्पंते ॥

चू-थूलाए अकधातीए कडिमारोवियस्स जेन विसाला उरू भवंति तेन वियडपादो भवति, सुक्खकडीए अहो उरुविलंबियत्तणओ भग्गकडिसमाणो भवति, निमंसकडीए अट्ठीसु दुक्ख-विज्जति, किं च निमंसलेहिं करेहिं कक्खडपासेहिं निच्चं घेप्पंते भीरु भवति । तं बालं साहू अकेण धरेत्ति, मायरं वा से भणात्ति- “धरेहि त्ति बालं” ॥ धातीपिंडे इमं उदाहरणं-

[भा.४३९२] कोल्लतिरे वत्थव्वो, दत्तो आहिंडितो भवे सीसो ।

उवहरति धातिपिंडं, अंगुलिजलणे य सादिव्वं ॥

घू- एसाभदवाहुकया निज्जुत्तिगाहा । इमं से वक्खाणं-

[भा. ४३९३] ओमे संगमथेरा, गच्छ विसज्जति जंघबलहीना ।  
नवभागखेत्तवसही, दत्तस्स य आगमो ताहे ॥

घू- अत्थि संगमथेरा नामायरिया, ते विहरंता कोल्लइरं नगरं गता, तत्थ दुभिकखं, सो य आयरिओ जंघाबलपरिक्वीणो, अप्पणो सीसस्स सीहनामस्स गणं समप्पेति, विसज्जेति य गच्छं, सुभिकखे विहरह, गता ते, सो वि आयरिओ कोल्लइरे ठितो वत्थव्वो, जातो - खेत्तणितितो त्ति । तत्थ सो आयरिओ तं कोल्लइरं नवभागे काउं तत्थेव मासकप्पेण विहरति । एवं विहरंतस्स बारसमो वरिसो । ततो सीहेण सेज्जंतितो दत्तो नाम आयरियाणं सीसो गवेसगो पेसितो, सो आगतो । आयरिओ नितितो त्ति काउ परिहवेण उवस्सयस्स बाहिं ठितो, गुरुहिं सद्धिं गोयरं पविट्ठो, अन्नाउंछेणं अलभंतो संकिलिस्सति, ठवणाकुलेण दाएइ त्ति । तं गुरू जाणिऊण एगम्मि सिद्धिकुले पूयणागहियं चेदं दद्धं भणति - मा रुय चेद्ध त्ति । सा पूयणा अट्टट्टहास गुरुप्पभावेण नट्टा, सेट्ठिणी तुट्टा, तीए लडुगादी नीणियं पज्जत्तियं गुरुणा भणिओ-“गेण्हसु”त्ति । दत्तेण गहियं, सन्नियट्ठो य, चिंतितं - “एयस्स एयानिनिस्साकुलादीणि ।” आयरिओ वि अन्नाउंछं हिंडिउं आगतो । वियाले आवस्सगकरणे गुरुणा भणियं - “सम्मं आलोएहि त्ति ।” उवउत्तो - “न संभ-रामि”त्ति । गुरुणा भणिओ “धातिपिंडो तुमे भुत्तो” त्ति न सम्मं पडिवन्नो । भणियं च “अतिसुहुमाणि पिकवसि गुरुणो सुचरियतवजोगजुत्तस्स” । खेत्तदेवया उवसंता, सा तस्स रुट्टा, महदुद्धिणं विउव्वति । सो बाहिं ससीकरणे वाउणा अभिभूओ गुरुणा भणितो “अतीहि”त्ति । सो भणाति “दुवारं न पेक्खामि”त्ति । गुरुणा खेलेण अंगुली संसट्टा कया, उट्टागारा पदीवमिव जलि उमाढत्ता, एहि य इतो त्ति वुत्तं, सो तं “सादेव्वं” अतिसयं दद्धं तुट्टो, आउट्टो “मिच्छामि”त्ति भासति ॥

[भा. ४३९४] उवसग्गबहिट्टाणं, अन्नाउंछेण संकिलेसो य ।

पूयण चेडे मा रुद, पडिलाभण विगडणा सम्मं ॥

घू- एवमादि धातिपिंडो न कप्पए घेत्तुं ॥ अववादे कारणतो गेण्हंतो अदोसो-

[भा. ४३९५] असिवे ओमोयरिए, रायदुट्टे भए व गेलन्ने ।

अट्टाणरोहए वा, जयणा गहणं तु गीयत्थे ॥

घू- असिवादिकारणेहिं गीयत्थो पणगपरिहाणी जयणाए गेण्हंतो सुट्टो ॥

मू. (८४९) जे भिक्खू दूतिपिंडं भुंजति, भुंजंतं वा सातिज्जति ॥

घू- गिहिसंसेसगं नेति आनेति वा जं तन्निमित्तं पिंडं लभति सो दूतिपिंडो ।

[भा. ४३९६] जे भिक्खू दूतिपिंडं, गेण्हेज्ज सयं तु अहव सातिजे ।

सो आणा अणवत्थं, मिच्छत्त-विराधनं पावे ॥

घू- अप्पणा गेण्हति, अन्नं वा गेण्हंतं अनुजाणति, तस्स आणादिया दोसा, चउलहुं च पच्छित्तं ॥

[भा. ४३९७] सग्गाम परग्गामे, दुविहा दूती उ होइ नायव्वा ।

सा वा सो वा भणती, भणती तं छन्नवयणेणं ॥

घू- तं दूइत्तणं दुविहं - सग्गामे वा करेइ परग्गामे वा । जा सा सग्गामे पागडत्था अपागडत्था

वा । परगामे वि एसा चेव दुविधा । पुणो एक्केका दुविधा - इत्थी वा संदिसति, पुरिसो वा ॥

[भा. ४३९८] दुविहा य होइ दूती, पागड छन्ना य छन्न दुविहा य ।

लोउत्तरे तत्थेगा, बितिया पुण उभयपक्खे वि ॥

चू- पुव्वद्धं गतार्थम् । जा सा छन्न सा दुविधा - एगा लोउत्तरे, बितिया लोगे य ॥

लोगुत्तरे य इमा पागडत्था-

[भा. ४३९९] भिक्खादी वच्चंते, अप्पाह निणेति खंतिगादीहिं ।

सा ते अमुगं माता, सो च पिया पागडं कहति ॥

चू- सगामे अन्नपाडयं भिक्खाए वच्चंतं साहुं सद्धी सेज्जातरी वा धूयाए अप्पाहेति - “पागडं इमं भणेज्जाह” । साधूवि असंकितं चे पडिवज्जति - “आमं कहिस्स” ति तत्थ गओतं सेज्जायरिधूयं भणाति - “सा तुज्ज माता पिता वा ते इमं भणति” । सपक्खपरपक्खाणं असंकंतो कहेति ति ॥ इमा लोउत्तरछन्ना-

[भा. ४४००] दूतित्तं खु गरहितं, अप्पाहितो बितियपच्चं भणति ।

अविकोविता सुता ते, जा आह ममं भणति खंती ॥

चू- सगामे चेव साहुं भिक्खद्वा अन्नपाडयं गच्छंतं सेज्जातरी मातुं संदिसति - “मम माउ इमं इमं ति कहेज्जासि” । सो तं सव्वं संदेसगं सोउ बितियसाधुपच्चयद्वा तं सेज्जातरिं भणाति - “अहं दूइत्तं गरहियं” । तमेवं पडिहणित्ता सो अप्पाहियसाधू तं मातिधरं गतो । बितियसाधुपच्चया गरिहणगववदेसप्पदाणेण सद्विद्धं कहेइ, “सुणेहि सद्धी ! सा तुज्जं धूया साधुधम्मे अकोविता !” सा भणति “किं ते कतं ताए ?” साधू भणति - जा आह” ति । भणति - “अमुगं इमं इमं ति मम मातुं कहेज्जह ।” सा वि तं सोउ भणाति - “बारिज्जिहि ति, न पुणो एवं काहिति ।” जा उभयपक्खे वि घन्ना सा बिइतीए चेव गाहाए दडुव्वा । तत्थ विसेसो - जस्स संदिसति जो य सघाडइद्धो अन्नो वा कोइ पासट्ठितो तं न जाणाति ।

कहं ? भन्ति - जंघापरिजियसद्धीजामाऊ तित्थजत्तं गतो । तम्मि गते ताहिं माताधुताहिं ओवातियं - “जति सो क्खेमसिवेण एहिति तो बोक्कडेण बलिं कोट्ट्जाए दाहामो” । सो य आगतो अप्पणो घरं । तओ ताए घूताए तम्मि गामे मातिघरं । तं गामं साहू भिक्खायरियं जंता दिट्ठा, भणिया य “मं मातूते कहिज्जासि तं तहत्ति ।” तेहि कहयंतीए परियच्छियं - “आगओ जामाउ” ति, दिन्नं उवातियं । एमादिया दोसा ॥ इमे य अन्नगामे दूइत्तणे दोसा-

[भा. ४४०१] गामाण दोण्ह वेरं, सेज्जायरिधूय तत्थ खंतस्स ।

वहपरिणत्त खंतब्भत्थणं च नाते कए जुद्धं ॥

चू- दोण्ह गामाणं आसन्नट्ठियाणं परोप्परं वइरसंबंधो । तत्थेगगामे साधू ठिता । तत्थ साधूण जा सेज्जातरीए धूया तम्मि पडिवेरगामे वसति । तत्थ एगो खंतो दिने दिने भिक्खायरियं गच्छति । जत्थ ठिता ते साधू तेन गामेण संपसारिउं सन्नहिउं पडिवेरामे पडामो । तं नाउं ताए सेज्जातरीए सो भिक्खायरियं गच्छंतो अब्भत्थिओ मम धूयाए कहेज्जाहि - एस गामो तुम्होवरि पडिउकामो, भत्तुणो सुत्तं करेज्जासि । ततो खंतेण तीसे कहियं, ताए वि भत्तुणो कहियं । गामो एवं नाउं सन्नधिउं एगपासट्ठितो, इतरेसु आगतेसु जुद्धं कतं ॥

[भा. ४४०२] जामातिपुत्रपरिमारणं तु केण कहितं ति जणवातो ।

जामातिपुत्रपतिमारणं खंतेण मे सिद्धं ॥

चू- तथ जुद्धे सेज्जातरीए जामाउओ पुत्तो पती य मारिता । तथ लोगजत्तागतो जणो भासति - “केण अनागतं कहियं, जेन सन्नद्धेहिं महंतं जुद्धं कतं, जामातिपुत्रपतिमारणं च भे वत्तं ?” ताहे सेज्जातरी रुयंती जणस्स कहेति - “एयं जामातिपुत्रपरिमारणं वत्तं, एयं च खंतेन कतं, जतो तेन सिद्धं !” जम्हा एवमातिदासो भवंति तम्हा दत्तित्तणं न कायव्वं ॥

बितियपदे इमेहिं कारणेहिं करेज्ज-

[भा. ४४०३] असिवे ओमोयरिए, रायदुड्ढे भए व गेलन्ने ।

अद्धाणरोहए वा, जयणा कहणं तु गीयत्थे ॥

मू. (८५०) जे भिक्खू निमित्तपिंडं भुंजइ, भुंजंतं वा सातिज्जति ॥

चू- तीतमनागतवट्टमामत्थाणोपलद्धिकारणं निमित्तं भन्नति, जो तं पयुंजिता असनादिमुष्पादेति सो निमित्तपिंडो भन्नति । आणादिया दोसा, चउलहुं च से पच्छित्तं ।

[भा. ४४०४] जे भिक्खू निमित्तपिंडं, कहेज्ज स तं तु अहव सातिजे ।

सो आणा अणवत्थं, निच्छत्त-विराधणं पावे ॥

चू- कंठा । तिविधो कालो-तीतो वट्टमाणो आगमिस्सो, एक्केक्कं छव्विहं निमित्तं पयुंजति । तथ इमे छब्भेदा- लाभं अलाभं सुहं दुक्खं जीवियं मरणं । एयम्मि पत्ते उज्जंते नियमा संजमायपरोभया दोसा भवंति । एत्थ तीतं अप्पदोसतरं, ततो आगमिस्सं बहुदोसतरं, ततो पडुप्पन्नं बहुदोसतरं ॥ तथ पडुप्पन्ने इमं उदाहरणं-

[भा. ४४०५] नियमा तिकालविसए, नेमित्ते छव्विहे भवे दोसा ।

सज्जं तु वट्टमाणे, आउभए तत्थिमं नायं ॥

चू- इमा भद्दवाहुकया गाहा । एतीए इमा दो वक्खाणगाहातो-

[भा. ४४०६] आकंपिया निमित्तेण भोइणी भोइए चिरगयम्मि ।

पुव्वभणितं कहेत्ते, आगतो रुड्ढो व वलवाए ॥

[भा. ४४०७] दाराभोयण एगागि आगमो परियणस्स पच्चोणो ।

पुच्छा य खमणकहणं, साइयंकारे सुविनादि ॥

चू- एगम्मे गामे ओसन्नो नेमित्ती अच्छति । तथ जो गामभोतितो सो पवसितो । तस्स य जा भोइणी सा तं नेमित्तियं निमित्तं पुच्छति । ताहे तेन सा अवितहनिमित्तेण आकंपिया । अन्नदा सा तं पुच्छति-कया अमोग्गतिया एंति । सो य दिड्ढो ॥ सागते कए, पुच्छइ - कहं भे नातं ? तेन भणियं - खमणो नेमित्ती, तेन कहियं । आगतो घरं । किलिसितो मणसा एस “वभिचारि” ति । भुत्तुत्तरे नेमित्ती सद्दावितो, कहेति निमित्तं । तेन जं किं चि पुव्वभणियं भुत्तं वा अनुभूतं वा सुविनादिगतं सव्वं सत्यङ्कारेहिं कहितं, एवं कहंते वि कोवं न मुंचति ॥

[भा. ४४०८] कोहा वलवागब्भं, च पुच्छितो पंचपुंडगा संतु ।

फाडणा दिडे जति नेव तो तुहं अवितहं कति वा ॥

चू- ततो रुड्ढो (ददो) पुच्छति - एतीए वलवाए किं गब्भे ति ? नेमित्तणा उवउत्तेम होइऊण भणियं-किसोरो पंचपुंडो । ततो रुड्ढो कालं न पडिक्खति ति, फाडेह उदरं, से फाडियं, दिड्ढो



जहादिद्वे । ततो भणाति - जति एयं निमित्तं एवं न भवंतं तो तुज्झं पोडुं फाडियं होतं । तं एरिसा अवितहनेमिती केतिया भविस्संति, जतो वभिचरंति निमित्ता, छाउमत्थुवओवगा य वितहा भवंति । अधिकरणादयो य दोसा आयपरोभयसमुत्था, संकादिया य इत्थीसु दोसा । अतो न निमित्तं वागरेयव्वं ॥ अववादेणं वागरेयव्वं-

[भा. ४४०६] असिवे ओमोयरिए, रायदुडे भए व गेलन्ने ।

अद्धाणरोहए वा, जयणाए वागरे भिक्खू ॥

घू- असिवादिकारणेहिं सुट्टुवउत्तो तीताइनिमित्तं वागरेति, जाहे पणगपरिहाणीए चउलहुं पत्तो ।

मू. (८५१) जे भिक्खू आजीवियपिंडं भुंजति, भुंजंतं वा सातिज्जति ॥

घू- जातिमातिभावं उवजीवति त्ति आजीवनपिंडो ।

[भा. ४४१४] जे भिक्खूऽऽजीवपिंडं, गिण्हेज्ज सयं तु अहव सातिज्जे ॥

सो आणा अणवत्थं, निच्छत्त-विराधणं पावे ॥

घू- स्वयं गेण्हति, अन्नं वा गेण्हावति, अनुजाणति वा तस्स आणादिया य दोसा, चउलहुं च पच्छित्तं ॥ तम्मिं च आजीवणं-

[भा. ४४११] जाती-कुल-गण-कम्मे, सिप्पे आजीवणा उ पंचविहा ।

सूयाए असूयाए व, अप्पाण कहेज्ज (ति) एक्केक्को ॥

घू- एयस्स इमं वक्खाणं-

[भा. ४४१२] जाती कुले विभासा, गणो उ मल्लादि कम्म किसिमादी ।

तुन्नाति सिप्पणा वज्जगं च कममेतरा वज्जे ॥

घू- मातीसमुत्था जाती, पितिपक्खो कुलं । विभासति वक्खाणं कायव्वं । अहवा - कम्मसिप्पानं इमो विसेसो - विना आयरिओवदेसेण जं कज्जति तणहारगादि तं कम्मं, इतरं पुणजं आयरिओवदेसेण कज्जति तं सिप्पं । एतेसिं चेव इमं वक्खाणं ॥ दोण्ह वि जातीकुलाणं इमं-

[भा. ४४१३] होमातिवितहकरणे, नज्जति जह सोत्तियस्स पुत्तो त्ति ।

ओसिओ वेस गुरुकुले, आयरियगुणे व सूएति ॥

घू- जातिकुलविसुद्धो वि होमे वितहकरणे नज्जति- “एस सोत्तियपुत्तो-श्रुतिस्मृतिक्रियावर्जितो श्रोत्रिकः” । अवितहं पुन किरियं करंतो नज्जति जहा- “विसिडे गुरुकुले वसिओ सिक्खिओ वा ।” वितहकरणेण आयरितो वा वि से नज्जति अप्पहाण प्पहाणोत्ति । “सूतेति” आत्मनो क्रियाचरितेन गुरो क्रियाचरितं ज्ञापतीत्यर्थः । अहवा - “सूय” त्ति - अप्पानं सूयाए जाणावेति ॥

जतो भन्ति-

[भा. ४४१४] सम्मसम्मा किरिया, अनेन ऊणाहिया व विवरीया ।

समिधा मंताहुति द्वाण जाव काले य घोसादी ॥

घू- समिहातिका किरिया अणेण सम्मं पयुत्ता । कहं जाणसि सम्मं पउत्ता असम्मं वा ? साधू भणति- “अनेगहा मे एस किरिया अनुभूतपुव्वा ।” ताहे भणति- “किंतुमं बंभणो ?” “आमं” ति भणति । ताहे गृहे संदिसति - “इमस्साऽऽगतस्स अवस्सं भिक्खं देज्जह ।” जा असमा किरिया सा ति विधा - हीना अहिता विवीता । तं च असम्मकरणं समिहं पक्खिवंतो करेति, अन्नं वा मंतं

उच्चारति, घृतादि वा आहुतिं करेति, उक्कुडुगादिठाणं वा मंतुच्चारणं जाव उदात्तादी घोसो । एते समिहादओ अप्पणो ठाणेषु कज्जंता कालजुता भवन्ति, अन्नहा अजुत्ता । अहवा - संज्जातिगो कालो, तम्मि हीनाधियविवरीतता जोएयव्वा, जहा बंभणजातिकुलेसु अप्पानं जाणावेति ॥

[भा. ४४१५] उग्गातिकुलेसु वि एमेव गणे मंडलप्पवेसादी ।

देउलदरिसणभासा, उवणयणे दंडमादी वा (या) ॥

चू- खत्तिएसु उग्गाकुला, आदिसद्दातो वइस-सुद्धेसु वि । कुल त्ति गतं । मंडलमालिहियं दडुं मल्लादिगणेषु हिनाहियं विवरीयं वा तत्थ वि अप्पानं जाणावेति । गणत्ति गयं । सिप्पे अहिनवघडणं चिक्खयं वा सिप्पियं दडुं भणाति - “अहो ! देवकुलस्स उवणतो उवसंधारा पहाणो अहवा अप्पहाणो” ति । अहो आयामवित्थारे दडुं भणाति - “एवतिए दंडे एयस्स उ” ति । इह दंडो हस्तः । आदिशब्दग्रहणाद्धन्वादि ॥ किं चान्यत्-

[भा. ४४१६] कत्तरि पयोयणापेक्ख, वत्थु बहुवित्थरेसु एमेव ।

कम्भेसु य सिपपेसु य, सम्मसम्भेसु सुइतरा ॥

चू- कर्तरीत्येष कर्तारः, स चशिल्पी कारापको वा, पओयणं कारणं, तं च दविणं, अवेक्खाऽपेक्ष्य दृष्ट्वा इत्यर्थः वत्थु (क्खा) उस्सियादि, बहुवित्थरं अनेगभेदं । एस अवयवत्थो । इमो उवसंधारत्थो-जो कत्ता सिप्पी सो जति पभू तं दविणजातं लभति तो वत्थु सुकयं बहुवित्थरं करेति । कारावगो वि जति अत्थि पभू तं दविणजायं तो वत्थु सुकतं बहुवित्थरं कारावेति, तानि वत्थुणि बहुवित्थराणि “सम्मं” कयाणि दडुं भणाति - “सुसिप्पिणा कतं, कारावगो वा विसेसन्नु पहाणो आसित सुविद्धत्तं च दविणजातं ।” अह “असम्मं” वत्थुं कयं दडुं भणाति- “दुस्सिक्खियस्स कम्मं कारावगो वा अविसेसन्नु जेण दव्वं मुहा निजुत्तं, सुवीयमिव ऊसरे ।” एवं अप्पानं कम्भेसु वा सिप्पेसु वा जाणावेति, सुआवेत्ति अप्पानं कम्भेसु वा, अकहंतो जाणावेइ, असूयाए पुण फुडमेव अप्पानं कहेइ- “अहं पि सिप्पी पुव्वासमेण आसी” ॥ इमं बित्थियपदं-

[भा. ४४१७] असिवे ओमोयरिए, रायदुडे भए व गेलन्ने ।

अद्धाणरोहए वा, जयणाए वागरे भिक्खू ॥

मू. (८५२) जे भिक्खू वणीमगपिंडं भुंजइ, भुंजंतं वा सातिज्जति ॥

[भा. ४४१८] जे भिक्खू वणियपिंडं, भुंजे अहवा वि जो उ सातिज्जे ।

सो आणा अणवत्थं, मिच्छत्त-विराधनं पावे ॥

चू- कंठा । समणादिया साणपज्जवसाणा जे तेसु भत्ता तेसु दातारेसु अप्पानं वन्नेति । कहं ? भन्नति-

[भा. ४४१९] मयमातिवच्छगं पि व, वणेति आहारमातिलोभेणं ।

समणेषु माहणेषु य, किविनाऽतिहिसाणभत्तेसु ॥

चू- जहा मयमातिवच्छो अन्नाए गावीए वन्नेज्जति, गावी वा तम्मि वन्निज्जति, सोय आहारादिसु लुद्धो अप्पानं वन्नेति, लुद्धत्तमेव दोष इत्यर्थः । समणसद्दो इमेसु ठितो-

[भा. ४४२०] निग्गंथ सक्क तावस, गेरुय आजीव पंचहा समणा ।

तेसिं परिवेसणाए, लोभेण वणेज्ज को अप्पं ॥

चू- निग्गंथा साधू खमणा वा, सक्का रत्तपडा, तावसा वणवासिणो, गेरुआ परिवायया,

आजीवगा गोसालसिस्सा पंडरभिक्षुवा वि भन्ति । एते परिवेसज्जमाणे दडुं भत्तलोभेण ते थुणंतो दातारं च पसंसंतो अप्पानं तत्थ वन्नेति ॥ समणेसु इमेण विहिणा-

[भा.४४२१] भुंजंति चित्तकम्मड्डिता व कारुणियदाणरुइणो वा ।

अवि कामगद्भेसु वि, न नासए किं पुण जतीसु ॥

चू- जहा चित्तकर्म निव्विकारं एवं ठिता भुंजंति अन्नं च सत्तेसु कारुणिया दयं कुव्वंति । अप्पणा दानं देति, रुच्चति । अवि पदत्थसंभावणाए । इमं सभावेति - जे वि ताव कामपव्वत्ता देसु वि दानं दिन्नं न विनस्सति - फलं ददातीत्यर्थः । किमंग पुण जे इमे जइणो शीलमंता वतधारिणो य । अहो ! तेसु विट्ठं सुदिन्नं च तेन दानं बीयमिव सुखेत्ते महफलं ते भविस्सति ॥

एवं भणंतस्स इमे दोसा-

[भा.४४२२] मिच्छत्तथिरीकणं, उग्गमदोसा य तेसु वा गच्छे ।

चडुगारदिन्नदाना, पच्चत्थिय मा पुणो एंतु ॥

चू- कुसासणत्थे पसंसंतो दातारस्स निच्छत्तं थिरीकत्तं, दातारो वा तस्स तुट्ठो उग्गमदोसन्नतरव्वउं भत्तादि देज्ज । अहवा - ते पसंसंतो भोयणादिलुद्धो वा तेसु चेव पविसति । पंतो वा भणाति - इमेहिं परभवे न दिन्नं दानं, तेन सुणगा इव चाडु करंता भत्तादि पभति ।

अहवा - इमे पच्चत्थिया प्रत्यनीका बुद्धकंटका मा पुणो एज्जंति, कडुगफरुसवयणेहिं निब्भच्छंति दानं च न देति । अहवा - इमे पच्चत्थिया “मा पुणो एंतु” ति विसादि देज्ज ॥

समणे त्ति गतं । “माहणि” ति अस्य व्याख्या-

[भा.४४२३] लोकानुग्गहकारीसु भूमिदेवेसु बहुफलं दानं ।

अवि नाम बंधंधुसु, किं पुण छक्कम्मनिरएसु ॥

चू- प्रायश्चित्तदान-सूतकविशुद्धि-हस्तग्रहणकरणं, तथान्येषु बहुषु समुत्पद्यमानेषु लोकानुग्रहकारिणं, किं च एते दिवि देवा आसी, प्रजापतिना भूमौ सृष्टा देवा, एतेषु जातिमात्रसंपन्नब्रह्मबंधुष्वपि दत्तं महत् फलं । किमित्यतिशयार्थे । अतिशयेन फलं भवति षट्कर्मनिरतेषु । तानि च यजनं याजनं अध्ययनं अध्यापनं दानं प्रतिग्रहं चेति ॥

“माहणे” ति गतं । इदानिं किवणे-

[भा.४४२४] किवणेसु दुब्बलेसु य, अबंधवायंकजुंगियतेसु ।

पूया हेजे लोए, दानपडागं हरति देंतो ॥

चू- अपरित्यागशीलः कृपणः, अहवा - दारिद्र्यवहतो जायगो कृपणः, स्वभावतो रोगाद्वा दुर्बलः, अबंधुः सर्वस्वजनवर्जितः, ज्वराद्यातंकेनातंकितः, जुंगितः हस्तपादादिवर्जितः, शिरोऽ-क्षिदंतादिवेदनार्त, पूजया लोको हियते, जो एते किवणादि पूएति सो दानपडागं हरति - सर्वोत्तरं दान ददातीत्यर्थः ॥ “किवण” ति गतं । इदानिं “अतिहि” ति-

[भा.४४२५] पाएण देति लोगो, उवयारी परिजितेसु वुसिते वा ।

जो पुण अद्धाखिन्नं, अतिहिं पूएति तं दानं ॥

चू- पातोग्गहं जतो बाहुल्ये उवकारकारी, परिचितो भित्तादी वुसितो समोसिओ एगगामनिवासी वा । पायसो एरिसेसु दानं लोगो देति, तं च दानं न भवति । जो ति दाता, पुणो ति विसेसणे । किं विसेसेति ? “अद्धाणं”, तम्मि अद्धाणे जो खिन्नः श्रान्त इत्यर्थः सो अतिही भवति, नान्यः, तं

जो पूएति सो दाता, त च दानं जं तारिसस्स अतिहिस्स दिज्जति । अतिथावुपस्थितः अतिथी ॥  
अतिहि ति गतं । इदानिं “साणे” ति-

[भा. ४४२६] अवि नाम होति सुलभो, गोणादीणं तणादि आहारो ।

छिक्किकारहयाणं, न य सुलभो होति सुणगाणं ॥

चू-अवि संसावणे । किं संभावेति ? गोणादीणं साणस्स य आहारदुल्लभत्तं । नाम इति पाद-  
पूरण । अहवा - नाम इत्युपसर्ग, अयं चार्थविशेषे, किं विसेसयति ? इमं गोणातीणं दुर्लभोऽप्याहारः  
तृणादिकं सुलभ एवम मन्तव्यः अटव्यां स्वयं भूतः प्रकीर्णत्वात्, न च श्वानादीतां । कुतः ? परा-  
धीनत्वात् जुगुप्सितत्वाच्च, छिक्किकारकरणा दंडादिभिश्च हन्यमानानां न सुलभ इत्यर्थः ॥ किं च-

[भा. ४४२७] केलासभवणे एते, आगया गुञ्जगा महिं ।

चरंति जक्करूवेणं, पूयापूयहिताहिता ॥

चू-कैलासपर्वतो मेरु, तत्थ जामि देवभवणाणि तन्निवासिणो जे देवा एते इमं मच्चलोगं  
आगच्छति, जक्करूवेण खानरूपेणेत्यर्थः । अह बुद्धी - किमत्थं आगच्छंति ? भन्ति -  
पूयापूयहियाहिया । जो पूएति तस्स एते हितं ति हितं करंति, जो पुण अपूयगो तस्स एते अहियं  
करंति । अहवा - पूयापूयहितागता । पूय ति पूयनिज्जा, एतेसिं एत्थ पूयं हितं । लोगो करेति ति,  
तदत्थं एते आगता ॥ साणित्ति गतं । एवमादिपसंसाए अप्पानं वन्नेति इमे दोसा-

[भा. ४४२८] एतेण मज्झ भावो, विद्धो लोगे यणातहज्जम्भि ।

एक्केके पुव्वुत्त, भद्दग-पंताइणो दोसा ॥

चू-“यणातहज्जम्भि” ति - इम्मम्भि लोगे जो मनोगतं भावं जाणाति तस्स लोगो आउट्ठति ति  
वुत्तं भवति, सो य दाता चिंतेति - एतेण मज्झ मणोगतो भावो विद्धो ति नातो, ताहे सो दाता  
तस्स आउट्ठो भद्दो सो उग्गमादि करेज्ज, पंतो वा अदिन्नदानादिपदोसे करेज्ज । एते य एत्थेव  
पुव्वुत्ता ॥ इमं अत्यसेसं भन्ति-

[भा. ४४२९] एमेव कागमादिसु, साणग्गहणेण सूइया होंति ।

जो वा जम्भि पसत्तो, वन्नेति तहिं पुट्ठुपुट्ठो उ ॥

चू- साणगहणण कागादिभत्ता वि गहिता । जो वा जम्भि अनिद्धिडे पूयाभिरतो तं तथा  
पसंसंतो अप्पानं वन्नेति - पुच्छितो वा अपुच्छिओ वा दानफलं तस्स अनुकूलं कहयतीत्यर्थः ॥  
इमे अपत्तं अनुमतिदोसा-

[भा. ४४३०] दानं न होति अफलं, पत्तमपत्तेसु सन्निजुजंतं ।

ईय वि भणिते दोसा, पसंसतो किं पुण अपत्तं ॥

चू- सान्ने वि पसंसिते दोसो, किं पुण जो विसेसियं अपत्तं पसंसंति ॥ अपवादः-

[भा. ४४३१] असिवे आमोयरिए, रायदुट्ठे भए व गेलन्ने ।

अद्धाणरोहए वा, जयणाए पसंसते भिक्खू ॥

मू. (८५३) जे भिक्खू तिगिच्छापिंडं भुंजइ, भुंजंतं वा सातिज्जति ॥

चू- रोगावणयणं तिगिच्छ, तं जो करेति गिहस्स तस्स आणादिणो दोसा, चउलहुं च से  
पच्छितं ।

[भा.४४३२] जे भिक्खू तिगिच्छपिंडं, भुंजेज्ज सयं तु अहव सातिज्जे ।  
सो आणा अणवत्थं, मिच्छत्त-विराधनं पावे ॥

[भा.४४३३] भणइ य नाहं वेज्जो, अहवा वि कहेति अप्पणो किरियं ।  
अहवा वि वेज्जियाए, तिविह तिगिच्छा मुणेषव्वा ॥

चू- “भणति य नाहं वेज्जो” अस्य व्याख्या-

[भा.४४३४] भिक्खातिगतो रोगी, किं वेज्जो हं ति पुच्छितो भणति ।  
अत्यावत्तीए कया, अपुहाणं बोहणा एवं ॥

चू- भिक्खातिगतं साधुं रोगी पुच्छति-इमो रोगो इमं च से समुत्थाणं, कहेहि मे जेण पन्नप्पामि।  
साधू भणति - किमहं वेज्जो, जेण पुच्छसि ? एरिसयणेण तेसिं अबुहाणं बोहणं कतं अत्यावत्तीए,  
तो वेज्जं पुच्छामो ति ॥ “अहवा अप्पणो किरियं कहेति” ति अस्य व्याख्या-

[भा.४४३५] एरिसयं व दुक्खं, भेसज्जेण अमुएण पडणं मे ।  
सहमुप्पतियं च सयं, वारेमो अट्ठमादीहिं ॥

चू- साधू रोगिणा पुच्छितो भणाति - एरिसो रोगो अमुगेण मे दव्वेण पन्नत्ता, अमुगेण वा  
वेज्जेण पन्नववितो । अहवा - साधू भणाति - एरिसं रोगमुप्पन्नं जरादिगं सहसा चउत्थच्छट्ठुऽट्ठमादीहिं  
फडेमो ॥ “अहवा वि” पच्छद्धस्स इमं वक्खाणं-

[भा.४४३६] संसोहण संसमणं, निदान परिवज्जणं च जं जत्थ ।  
आगंतु धातुखोभे, व आमए कुणति किरियं तु ॥

चू- “वेज्जिया” वेज्जसत्थं, “तिविधं” ति वातितो रोगो, पत्तिओ व सिभिओ वा । एतेसु  
रोगेसु ससोहणं वमणं विरेयणं च । “संसमणं” - जेण दोसा समिज्जंति तं च परिपायणादिकं, जं  
च जत्थ रोगे “नायणं” ति जेण रोगो संभूतो जेण वा वट्ठति तस्स वज्जणं कारवेति । रोगो पुण  
दुविधो - आगंतुतो धाउखोभेण य । धाउखोभो तिविहो । आगंतुगो दुड्ढकंटगादिगो । एत्थ दुविधे  
वि किरियं करेइ ॥ तिगिच्छकरणे इमे दोसा-

[भा.४४३७] अस्संजमजोगाणं, पसंधणं कायघात अयगोले ।  
दुब्बलवग्घाहरमं, अच्चुदए गेण्हणुड्डाहो ॥

चू- रोगादभिभूतो आपुच्छमाणो पन्नवंतेण असजमजोगसु कृसिमादिएसु संधितो भवति,  
कारापितेत्यर्थः । कंदमूलादियाण य घातो कतो भवति । अस्संजतो य वट्ठंतो अयगोलसमाणो  
कातोवघाते वि पयट्ठितो भवति । एत्थ उदाहरणं-तिगिच्छिणा दुब्बलवग्घो पन्नवियो अनु-  
कंपाए । पच्छा सो वग्घो अरोगसरीरो बहुसत्ते हंतुं पवत्तो । एवं गिहत्थो वि । अथ रोगकिरियाए  
कज्जमाणीए वि अति उदितो जातो, तत्थ गेण्हणादिया दोसा, किं पि संजएण दिन्नं ति जेण  
रोगवुट्ठी जाता मतो वा । संजएण मारितो ति उड्डाहो ॥ इमं बितियपदं-

[भा.४४३८] असिवे ओमोयरिए, रायदुडे भए व गेलन्ने ।  
अच्छाण रोहए वा, जयणाए कारए भिक्खू ॥

मू. (८५४) जे भिक्खू कोवपिंडं भुंजति, भुंजंतं वा सातिज्जति ॥

चू- कोहप्रसादात्पिंडं लभते स कोर्पिंडः, चउलहं ।

[भा. ४४३९] जे भिक्खू कोवपिंडं, भुंजेज्ज सयं तु अहव सातिजे ।  
सो आणा अणवत्थं, मिच्छत्त-विराधणं पावे ॥

[भा. ४४४०] विज्जा-तवष्पावं, रायकुले वा वि वल्लहत्तं से ।  
नाउं ओरस्स बलं, जं लब्भति कोवपिंडो सो ॥

चू- विज्जासिद्धो विज्जापभावेण सावाणुग्गहसमत्थो भवति, तवष्पाभावेण व तेयलद्धिमादिसंपन्नो, रन्नो वा एस वल्लभो, अच्चंकारिओ उवघात करेस्सति, सहस्सजोही वा एस ओरसबलजुत्तो, एते कुद्धा अवकारकारिणोत्ति, दाता भया देति, गेण्हंतो वि ममेस कोवभया देति, जमेवं लब्भति तं गेण्हंतस्स कोधपिंडो भवति ॥ अहवा-

[भा. ४४४१] अन्नेसि दिज्जमाणे, जायंतो वा अलद्धिओ कुञ्जे ।  
कोवफलम्पि वि दिट्ठे, जं लब्भति कोहपिंडो उ ॥

चू- पगते अन्नेसिं धिज्जादियमादियाणं दट्ठुं अलभंतो कुञ्जति, विना वि पगएण वत्थमसणादियं जातं तो वा अलद्धे कुञ्जति, तमणुन्नवेत्ता जं संजयस्स दिज्जति सो कोधपिंडो । अहवा - कुद्धेण सावे दिन्ने सावफले दिट्ठे जं लब्भति, सो कोवपिंडो ॥ एत्थ उदाहरणं इमं-

[भा. ४४४२] करडुयभत्तमलद्धं, अन्नहि दाहित्थ भणति वच्चंतो ।  
थेराभोगण ततिए, आइक्खण खामणा दानं ॥

चू- हत्थकप्पे धम्मरुई मासखमगो मासपारणे वणियकुले मर्याकच्चं करेडुयभत्तं, तत्थ भिक्खं पविट्ठो । धिज्जातियपरिवेसणाए वग्गचित्तेहिं सो न सन्नातो । आसाए चिरं कालं ठितो । वच्चंतो भणाति - “अन्नेहिं दाहिह” । तं च थेरेण सुयं । सो वि अन्नतो पज्जत्तियं घेतुं पारेत्ता पुणो मासोववासं करेत्ता पारणट्ठा पविट्ठो तम्पि य वणियकुले । तद्विणं चेव अन्नं मतं । पुणो तस्स मासपुण्णे तत्थ पविट्ठो, तहेव अलद्धे भणाति, तं पि थेरेण सुअं । एवं तिन्नि वारा । तइयवाराए थेरेण कहियं - एयं रिसिं उवसमेह, मा सब्बे विणस्सिहिह । सो उवसामितो पज्जत्तियं घयपुन्नादि दिन्तं । एस कोधपिंडो ॥ इमं बितियपदं-

[भा. ४४४३] असिवे ओमोयरिए, रायदुडु भए व गेलन्ने ।  
अद्धाण रोहए वा, जयणाए एसए भिक्खू ॥

मू. (८५५) जे भिक्खू मानपिंडं भुंजति, भुंजंतं वा सातिज्जति ॥

चू- अभिमानतो पिंडग्गहणं करेति त्ति माणपिंडो, आणादिया य, पच्छित्तं च चउलहुं ।

[भा. ४४४४] जे भिक्खू मानपिंडं, भुंजेज्ज सयं तुअहव सातिजे ।  
सो आणा अणवत्थं, मिच्छत्त-विराधणं पावे ॥

चू- इमं मानपिंडे लक्खण-

[भा. ४४४५] उच्छाहितो परेण व, लद्धिपसंसाहि वा समुत्तुइओ ।  
अवमाणिओ परेण व, जो एसति माणपिंडो सो ॥

चू- तव्वतिरित्तो परो । तेन महाकुलपसूतातिएहिं वयणेहिं उच्छाहितो, ततो माणडित्तो जं एसति सो भाणपिंडो । तथा परेण चेव तुमं लद्धीए अणन्नसरिसा एवं पसंसित्तो समुत्तुइओ त्ति माणाभिभूतो । अहवा - विविधपायं पक्कं दट्ठुं भणाति - देहि मे इतो भत्तं । भत्तसामिणा वुत्तं - “न देमि” त्ति । पडिभणति साहू - अवस्सं दायव्वं ति । अतिमाणतो तल्लंभे उज्जमं करेत्तस्स मानपिंडो

भवति ॥ एत्थ इमं उदाहरणं-

[भा. ४४४६] इट्टगछणम्मि परिपिंडताण उल्लावो को नु हु एपति ।

आणेज्ज इट्टगाओ, खुड्डो पच्चाह हं आणे ॥

चू- अत्थि गिरफुल्लिगा नगरी, तत्थ य आयरिया बहुसिस्सपरिवसंति । अन्नदा तत्थ “इट्टगच्छणे”त्ति, इट्टगा सत्तागला (सुत्ताअला) छणो ऊसवो । तम्मि वट्टंते साहू परोपरि पिंडिता उल्लावं करंति- को अहं अज्ज इट्टगाच्छणे वट्टमाणे इट्टगाओ पज्जत्तियाओ आनेज्जति ? खुड्डो भणति - अहं आणामि त्ति ॥ साधू भणंति-

[भा. ४४४७] जइ वि य ता पज्जत्ता, अगुलघताहिं न ताहि ने कज्जं ।

जारिसयातो इच्छह, ता आणेमि त्ति निक्खंतो ॥

चू- जइ वि तुमं ता पज्जत्ताओ आणेहिंसि तहावि अहं ता हिं गुलघयवज्जियाहिं न कज्जं । एवं निकाईए खुड्डो भणाति - जारिसाओ तुब्भे भणह तारिसाओ आणेमि त्ति वोत्तुं भायणे घेत्तुं उवओगं काउं निग्गतो ॥ परियडंतेण दिट्ठा एगम्मि घरे पभूता उवसाहिया । तत्थ अगारी-

[भा. ४४४८] ओभासिय पडिसिद्धो, भणति अगारि अवस्सिमा मज्झं ।

जति लभसि ता तो मे नासाए कुणसु मोयं तु ॥

चू- तीए पडिसिद्धो । ताहे खुड्डो भणति - इमा इट्टगातो अवस्सं मज्झं भविस्संति आहत्तय, अगारी पडिभणाति-जति एया लभसि, तो तुमे मज्झ नासाए मोयं कतं-मूत्रितमित्यर्थः । ततो सो खुड्डो ततो घराओ निग्गतो ॥ सो आह-

[भा. ४४४९] कस्स घरं पुच्छिऊणं, परिसाए कतरो अमुगो पुच्छंतो ।

किं तेन अहं जायसु, सो किविनो न दाहिती तुज्झं ॥

चू- इमं कस्स घरं ? पुच्छिए कहियं-इंददत्तस्स । कत्थ सो ? इमो ? परिसाए अच्छति । ताहे परिसं गंतुं पुच्छति- “कयरो तुब्भं इंददत्तो ?” त्ति । तत्थऽन्ने भणंति - “किं तेन ? सो किवणो इत्थिवसो य न तुज्झ दाहिति जातितो । अहं जायसु दाहामो जहिच्छियं ॥ ताहे इंददत्तेण-

[भा. ४४५०] दाहं ति तेन भणितं, जति न भवति छण्हमेसि पुरिसाणं ।

अन्नतरो तो ते हं, परिसामज्झम्मि जायामि ॥

चू- ताहे खुड्डो भणइ - “जइ इमेसिं छण्हं पुरिसाणं अन्नतरो न भवसि तो ते हं इमाए परिसाए मज्झे किंचि पणएमि” ॥ ततो तेनं अन्नेहिं य भणियं - के एते छ पुरिसा ? इमे सुणसु ।

[भा. ४४५१] सेडंगुलि वग्गुडावे किंकर तित्थण्हायए चेव ।

गद्धावरंखि हद्द-न्नए य पुरिसाऽधमा छा तु ॥

चू- जदा इत्थी भणिता रंधेहि, तदा भणति - अहं उट्टेमि, ताव तुमं अधिकरणीतो छारं अवेनेहि त्ति । तस्स छारे अवेणीते सेडंगुलीतो भणति । इत्थिवयणातो दगमाणेति, सोय लोगसंकितो अप्पभाए चेव सुहसुत्ते पगे रोडेंतो आनेति त्ति वग्गुडावो । किंकरो उट्टितो इत्थि भणाति - किं करेमि त्ति ? जं भणामि तं करेसि त्ति । तित्थण्हायतो - जया सिणाणं मग्गति, तदा इत्थी भणति - गच्छ तडागं, तत्थ ण्हातो कलसं भरेतुमागच्छाहि त्ति ।

गद्धावरंखी-भोयणकाले परिवेसणाए “इतो बाहि” त्ति भणितो, ताहे गद्धो इव रिखंतो

भायणं उड्डेति । इत्थीभणितो - “कम्मं करेहि” ति । ताहे पडिभणति-“हंद अन्नयं हंद” ति । “गेण्ह अन्नयं त्तभंडं”, एयं गेण्ह, जा कम्मं करेमीत्यर्थः । एते छ पुरिसा अधमा । एतेसिं हत्थातो न गेण्हामि । ताहे जनेन कलकलो कतो - एस छहिं वि गुणेहिं जुत्तो ति ॥ इंददत्तो भणति-

[भा. ४४५२] जायसु न एरिसो हं, इट्टगा देहि पुव्वमतिगंतुं ।

माला उत्तारे गुलं भोएमो दिए तइ दुरुढा ॥

चू- ताहे खुड्डुगेण भणियं-इट्टगा देहि । तेन अब्भुवगयं देमि । जाहे घरसमीवं गतो, ताहे खुड्डुं घरासन्ने अप्पसागारियं ठवेउं, अप्पणो पुव्वं घरं पविट्ठो अगारिं भणति - मालाओ गुलं उत्तारेहि ति, जेण बंभणे भुंजावेमो । ताहे सा अगारी मालं आरूढा, तीए गुलो सम्पितो, भणिया - “उवरि गुलभायणं संजीहराहि”ति, सा गुलभायणं संजीहरी गता ॥ इयरेणावि-

[भा. ४४५३] सितिअवणण पडिलाभण दिस्सितरी बोल अंगुली नासं ।

दोणहेक्कतरपदोसे, आतविवत्ती य उभए य ॥

चू- निसेणी फेडिता खुड्डो हक्कारितो पडिलाभिउं पयत्तो । बहुपाडलाभिए अगारिए दिट्ठं, रोलं करेति - “मा देहि”ति भणाति । ताहे खुड्डो अप्पणो सागारियं सन्नेउं अंगुलिं नासियाए पक्खिवति, “नासियाए ते मोयं कयं” ति । पडिलाभितो गतो खुड्डो । एस मानपिंडो । इमे दोसा - सा अगारी दोणहं एगतरस्स पदोसं गच्छति - साहुस्स भत्तुणो वा । अगारी अभिमानतो अप्पानं विहाडेज्ज । अहवा - रुड्डा साहुस्स भत्तुणो वा उभयस्स वा विसं गरं वा दाउं विहाडेज्जा ॥

इमं वितियपदं

[भा. ४४५४] असिवे ओमोयरिए, रायदुट्ठे भए व गेलन्ने ।

अद्धाण रोहए वा, जयणाए एसए भिक्खू ॥

मू. (८५६) जे भिक्खू मायापिंडं भुंजति, भुंजंतं वा सातिज्जति ॥

मू. (८५७) जे भिक्खू लोभपिंडं भुंजति, भुंजंतं वा सातिज्जति ॥

मू. (८५८) जे भिक्खू विज्जापिंडं भुंजति, भुंजंतं वा सातिज्जति ॥

मू. (८५९) जे भिक्खू मंतपिंडं भुंजति, भुंजंतं वा सातिज्जति ॥

चू- विज्जामंतेहि पिंडं जो उप्पाएति तस्स आणादिया दोसा चउलहुं च ।

[भा. ४४५५] विज्जाए मंतेण व, जो उप्पाइऊण गिण्हए भिक्खू ।

सो आणा अणवत्थं मिच्छत्त-विराधनं पावे ॥

[भा. ४४५६] विज्जामंतपरूवण, विज्जाए भि (च्छु) क्खुवासिओ होइ ।

मंतम्मि सीसवेयण, तत्थ मरंडेण दिट्ठतो ॥

चू- इत्थिअभिधाणा ससाधणा वा विज्जा, पुरिसाभिहाणो पढियसिद्धो य मंतो । विज्जाए भिक्ख उवासगो उदाहरणं । इमं-

[भा. ४४५७] परिपिंडितमुल्लावो, अतिपंतो भिक्खुवासतो दाने ।

जति इच्छह जाण अहं, वत्थादीणं दवावेमि ॥

चू- बहू साधू इतरकहाए अच्छंता पिंडिता उल्लावं करेति-“एस भिक्खुउवासगो अतिपंतो, अभिग्गहियमिच्छदिट्ठी, साहुवग्गाःस दानं न देति ।” एवं साहू उल्लावेति । एगेण साहुणा भणितं-



जइ विज्ञापिडं इच्छह तो अहं वत्थगुलघयादीणि दवावेमि । साहूहिं अब्भुवगतं । सो साहू भिक्खूउवासगधरंगतो ॥

[भा.४४५८] गंतुं विज्ञामंतण, किं देमी घयगुल य वत्थादी ।

दिन्ने पडिसाहरणं, केन हितं केण मुट्ठो मि ॥

चू- विज्ञा आमंतेउं उवासगो वसीकतो भणति - अज्जो किं देमि ते ? साहू - “घयगुलवत्थे विविधे य खज्जगे ।” ताहे तेन भिक्खुउवासगेण हट्ठतुट्ठेण साहू पडिलाहिता गता । तेन साहुणा दिन्ने विज्ञाए उवसंचारो कतो । उव्वासगो चेतणलद्धो सत्थीभूतो भणाति - “केण मे हडं, केण वा मुट्ठो” ति । ताहे तस्स परिजणो आतिकखति “तुमे सहत्थेण सेयभिक्खूणं दिन्नं ति ॥ ताहे सो-

[भा.४४५९] पडिविज्ञथंभणादी, सो वा अन्नो व से करेज्जा हि ।

पावाजीवी मादी, कम्मणकारी भवे बितिए ॥

चू- जस्स सा पयुत्ता विज्ञा से वा अन्नो वा कोति रत्तपडादी साधू वा थंभेज्जा, पडिविज्ञाए वच्छाइ वा थंभेज्जा जहा नोवभुंजेज्जा । अहवा - यस्य प्रयुक्ताविद्या सो अवसीकतो चेव पडिविज्ञाए साहुं विज्जं वा थंभेज्ज, अन्नो वा कोइ से उवकारकारी पडिविज्ञातो विज्जं साधुं वा थंभेज्ज, एवं उड्डाहो । अन्नं च सो वा अन्नो वा लोगो भणेज्जा - “एते पावजीविनो मायाविनो कम्मणाणि य करेति, न साहुवित्तिणो एते ।” भवे बितियपदेण विज्ञापयोगा, असिवादिकारणेहि न दोसो ॥

“मंतम्मि सीस” पच्छद्धं, अस्य व्याख्या-

[भा.४४६०] जह जह पएसिणि जाणुयम्मि पालित्ततो भमाडेति ।

तह तह सीसे वियण, पनासति मुरुंडरायस्स ॥

चू- मुरुंडो राया, सीसवेयणत्तो जया वेजेहिं न सक्किओ पन्नेवेउ ताहे पालित्तायरियं हक्कारेति, सो आगतो, आसणत्थो मुरुंडेण भणिओ - वेदनं मे अवनेहि, ताहे अप्पसागारियं अप्पणो जाणुंस्सि मंतं ज्ञायंतो पदेसिणि अंगुलिं भमाडेति जहा जहा तहा तहा मुरुंडरयस्स सीसे वेयणा पणस्सति, अवगयवेयणो दिट्ठसंपच्चयो गुरुस्स पाएसु पडितो ॥ एवमादी मंतपओगे इमे दोसा-

[भा.४४६१] पडिमंतथंभणादी, सो वा अन्नो व से करेज्जाहि ।

पावाजीवी मायी, कम्मणकारी भवे बीतिए ॥

मू. (८६०) जे भिक्खू जोगपिंडं भुंजति, भुंजंतं वा सातिज्जति ॥

चू- पादलेवादिजोगेहिं आउट्ठेउं जो पिडं उप्पादेति तस्स आणादी इ ।

[भा.४४६२] जे भिक्खू जोगपिंडं, भुंजेज्ज सयं तु अहव सातिजे ।

सो आणा अणवत्थं, मिच्छत्त-विराधनं पावे ॥

चू- ते य जोगा इमेरिसा-

[भा.४४६३] सूभगदूभग्गकरा, जे जोगाऽऽहारिमे य इतरे य ।

आघंस वास धूवा, पादपलेवाइणो इतरे ॥

चू- दूभगो सुभगो कज्जति, सुभगो वा दुब्भगो कज्जति जोगेणं । ते य जोगा आहारिमा होज्जा, इतरे अनाहारिभा वा । अनाहारिमा इमे - सरीरं आधस्संति जहा चदनेनं, वत्थं वासवासियं दिज्जति, अगरुमादिणा वा जहा धूविज्जति, पादतलं वा लेविज्जति तेन दूरं जलोवरि वा गम्मति ॥

तत्थिमं उदाहरणं-

[भा. ४४६४] नदिकण्हवेन्नदीवे, पंचसया तावसाण निवसंति ।

पव्वदिवसेसु कुलवती, पादलेवुत्तारसक्कारो ॥

चू- आभीरविसए कण्हवेन्ना नाम नदी । तस्स कूले बंधदीवो । तत्थ पंचसता तावसाण परिवसंति । तेसिं जो कुलवती सो पादलेव जोग जणति । ते अट्टमिचउद्दसादिसु पव्वदिवसेसु पादलेवजोगप्पभावेण वेन्नादीपरकूलतो जलमुवरिएण पादपयारेण जह भूमीए तहा वेन्नातडनगरं एंति । ततो तेसिं सव्वजणो आउट्टो, भत्तादिणा सक्कारं करेति । जे या वि अनभिगता सट्टा ते वि तेसिं आउट्टा, अहो ! पच्चक्खो तवप्पभावो त्ति ॥

[भा. ४४६५] जन सावगाण खिसण, समियक्खण मातिठाण लेवेणं ।

सावगपयत्तकरणं, अविनयलोए चलणधोए ॥

चू- जनेन सावगा खिसिज्जंति- “तुज्झं पवयणे एरिसो अतिसओ नत्थि, एते पच्चक्खदेवता, पणमह एतेसिं ।” अन्नदा वइरसामीमाउलो समियायरिओ विहरंतो तत्थागतो, तस्स कहियं ते तुण्हिक्का ठिता । सट्टेहि दो तिन्नि वारा भणिता - ओहामिज्जति पवयणं, करेह पसायं । तेन भणितं - “एते मातिट्टाणिणो पादलेवेण उत्तरंति, तुब्भे निमंतिता सव्वे गिहे नेउं उसिणोदएण पादे पक्खालेह ।” ताहे सावगा उवट्टिता पादसोएण, ते नेच्छंति । “लोगो न याणति तुज्झं विनयं काउं, अम्हे विनयं करणे, विनएण य बहुफलं दानं भवति” ततो सावगेहिं पयत्तेणं चलणधोवणं कत्तं ॥

[भा. ४४६६] पडिलाभित वच्चंता, निबुड्डु नदिकूल मिलण समिताए ।

विम्हय पंचसया तावसाण पव्वज्ज साहा य ॥

चू- सावगेहिं भत्तादिहि पडिलाहित बहुजनपरिवारिता गया वेन्नं नतिं । तत्थ जो जहा उइन्नो सो तहा निबुड्डो । सावगेहिं जनस्स अक्खित्तं- “एते मातिट्टाणं करेति, न एतेसिं अतिसओ को वि ।” तम्मि जनसमूहे आगता नदीए तीरे ठिता भणंति आयरिया - वेन्ने ! कमं देहि त्ति । ताहे दो वि तडीओ आसन्नं ठिताओ कममेत्तवाहिणी जाता । आयरिया एगक्कमेण परतीरं गता, पिट्टओ नदी महंती जाता, पुणो तहेव पच्चागता । ताहे जनो तावसा य सव्वे परं विम्हयं गता । बहू जणो आउट्टो । ते य पंचतावससया समियायरियस्स मसीवे पव्वतिता । ततो य बंधदीवा साहा संवुत्ता । असिवादिकारणेसु वा जोगपिंडं उप्पादेज्जा, न दोस इति ॥

मू. (८६१) जे भिक्खू चुन्नयपिंडं भुंजति, भुंजंतं वा सातिज्जति ॥

चू- वसीकरणाइया चुन्ना, तेहिं जो पिंडं उप्पादेति तस्स आणादिया, चउलहुं च से पच्छित्तं ।

[भा. ४४६७] जे भिक्खू चुन्नपिंडं, भुंजेज्ज सयं तु अहव सातिज्जे ।

सो आणा अणवत्थं, मिच्छत्त-विराधन पावे ॥

चू- कंठा । विज्जामतेहिं जे दोसा ते चेव वसीकरणमादिएहि चुन्नहिं दोसा, एगाणेग-पदोसपत्थारदोसा य । असिवादिकारणेहिं वा वसीकरणमादिचुन्नेहिं पिंडं उप्पादेज्जा ॥

मू. (८६२) जे भिक्खू अंतद्धाणपिंडं भुंजति, भुंजंतं वा सातिज्जति ॥ तं सेवमाणे आवज्जइ चाउम्भासियं परिहारट्टाणं उग्घातियं ॥

चू- अप्पानं अंतरहितं करेतो जो पिंडं गेण्हति सो अंतद्धानपिंडो भन्नति । तत्थ उदाहरणं - पाडलिपुत्ते नगरे चंदगुत्तो राया, चाणक्को मंती, सुट्टिया आयरिया । ते य-

[भा.४४६८] जंघाहीणे ओमे, कुसुमपुरे सिस्स जोगरहरकरणं ।  
खुड्डुगंऽजणसुणणं, गमनं देसंत ओसरणं ॥

चू- अप्पणा गंतु असमत्था ओमकाले सीसस्स साहुगणं दाउ तं सुभिकखं पडुवेंति । तस्स य सीसस्स अंतद्धाणजोगं रहे एकांते कहेति । सो य अंजनजोगो दोहिं खुड्डुगेहिं सुतो । ततो सो गच्छो पयड्ढो जतो सुभिकखं । ततो खुड्डुगा दो वि आयरियनेहेण पडिबद्धा देसंताओ गच्छस्स ओसरित्ता आयरियसमिवमागया ॥ तत्थ य-

[भा.४४६९] भिकखे परिहायंते, थेराणं ओमे तेसि देंताणं ।  
सहभोज्ज चंदगुत्ते, ओमोयरियाए दोब्बल्लं ॥

चू- ततो ते थेरा जं लब्भंति तं तेसिं खुड्डुगाणं समतिरेगं देंति, अप्पणा ओमं करेंति । ततो तेहिं दोहिं वि खुड्डुगेहिं सो अंतद्धाणजोगो मेलिओ, एगेणं अक्खी अंजिता बितितो न पस्सति । एवं लद्धपच्चया भोयणकाले सह रन्ना चंदगुत्तेण भुंजंत, जं रन्नो सारीरयं भत्तं तं ते अंतद्धिया भुंजंति, ततो रन्नो ओमोयरियाए दोब्बलं जायं ॥ ततो चाणक्केण-

[भा.४४७०] चाणक्कपुच्छ इट्टालचुन्न दारं पिहेउ धूमो य ।  
दिस्सा कुच्छ पसंसा, थेरसमीवे उवालंभो ॥

चू- पुच्छित्तो कीस परिहाणी ? भणाति - “मज्झ भत्तं को ति अतिद्धितो पक्खिवति त्ति, न जाणामि” । ततो चाणक्केण समंता कुड्डे दाउं एगदुवारा भुंजणभूमी कता । दारमूले य सुहुमो इट्टालचुन्नो विक्खित्तो । राया अंतो एगागी निविट्ठो । ताहे खुड्डुगा आगता, पविट्ठा अंतो । दिट्ठा पयपद्धती चुन्ने । चाणक्केण नायं-पादचारिणो एते, अंजणसिद्धा ।” ताहे दारं ठवेउं धूमो कतो, अंसुणा गलंतेण गलितं अंजणं, दिट्ठं खुड्डुगदुगं । चंदगुत्तो पिच्छति - “अहमेतेहिं विट्ठालितो ।” ततो अप्पसागारियं चाणक्केण नीणिता । थेराण समीवं चाणक्को गतो “कीस खुड्डे न सारवेह ।” तेन भणियं- “संता पडिचोदणा, मिच्छा मे दुक्कडं” ति । गतो, खुड्डाण य वावारंतो पवूढो ॥

[भा.४४७१] जे विज्जमंतदोसा, ते च्चिय वसिकरणमाइचुन्नेहिं ।  
एगमणेगपदो, कुज्जा पत्थारतो वा वि ॥

[भा.४४७२] असिवे ओमोयरिए, रायदुट्ठे भए व गेलन्ने ।  
अद्धाणरोहए ँ, जयणाए भुंजई भिकखू ॥  
संकरजडमउडविभूसणस्स तन्नामसरिसनामस्स ।  
तस्स सुतेणेस कता, विसेसचुन्नी निसीहस्स ॥

उद्देशकः-१३ समाप्तः

मुनि दीपरत्नसागरेण संशोधिता सम्पादिता निशीथ सूत्रे त्रयोदशउद्देशकस्य  
(भद्रबाहुस्वामि रचिता निर्युक्ति युक्तं) संघदास गणि विरचितं भाष्यं  
एवं जिनदास महत्तर विरचिता चूर्णिः परिसमाप्ता ।

३४ प्रथम छेद सूत्रं “निशीथं-२” परिसमाप्तः

(उद्देशकः ७....१३ पर्यन्ताः समाप्ताः)

## ભાવભરી વંદના

જેમના દ્વારા સૂત્રમાં ગુંથાયેલ જિનવાણીનો ભવ્ય વારસો  
વર્તમાનકાલીન “આગમસાહિત્ય”માં પ્રાપ્ત થયો  
એ સર્વે સૂરિવર આદિ આર્ષ પૂજ્યશ્રીઓને-

|                               |                                    |            |          |
|-------------------------------|------------------------------------|------------|----------|
| પંચમ ગણધર શ્રી સુધર્મા સ્વામી | ચૌદ્ધ પૂર્વધર શ્રી ભદ્રબાહુ સ્વામી |            |          |
| દશ પૂર્વધર શ્રી શયંભવસૂરિ     | (અનામી) સર્વે શ્વત સ્થવીર મહર્ષિઓ  |            |          |
| દેવવાચક ગણિ                   | શ્રી શ્યામાચાર્ય                   |            |          |
| દેવદ્વિગણિ ક્ષમાશ્રમણ         | જિનભદ્ર ગણિ ક્ષમાશ્રમણ             |            |          |
| સંઘદાસગણિ                     | સિદ્ધસેન ગણિ                       |            |          |
| જિનદાસ ગણિ મહત્તર             | અગત્યસિંહ સૂરિ                     |            |          |
| શીલાંકાર્યાર્ય                | અભયદેવસૂરિ                         |            |          |
| મલયગિરિસૂરિ                   | ક્ષેમકીર્તિસૂરિ                    |            |          |
| હરિભદ્રસૂરિ                   | આર્ચરક્ષિત સૂરિ (?)                |            |          |
| દ્રોણાચાર્ય                   | ચંદ્ર સૂરિ                         |            |          |
| વાદિવેતાલ શાંતિચંદ્ર સૂરિ     | મલ્લધારી હેમચંદ્રસૂરિ              |            |          |
| શાંતિચંદ્ર ઉપાધ્યાય           | ધર્મસાગર ઉપાધ્યાય                  |            |          |
| ગુણરત્નસૂરી                   | વિજય વિમલગણિ                       |            |          |
| વીરભદ્ર                       | ઋષિપાલ                             | બ્રહ્મમુનિ | તિલકસૂરિ |

સૂત્ર-નિર્યુક્તિ - ભાષ્ય - ચૂર્ણિ - વૃત્તિ - આદિના રચયિતા અન્ય સર્વે પૂજ્યશ્રી

વર્તમાન કાલિન આગમ સાહિત્ય વારસાને

સંશોધન-સંપાદન-લેખન આદિ દ્વારા મુદ્રીત/અમુદ્રીત સ્વરૂપે રજૂ કર્તા

સર્વે શ્રુતાનુરાગી પૂજ્યપુરુષોને

|                 |                  |             |
|-----------------|------------------|-------------|
| આનંદ સાગરસૂરિજી | ચંદ્રસાગર સૂરિજી | મુનિ માણેક  |
| જિન વિજયજી      | પુન્યવિજયજી      | ચતુરવિજયજી  |
| જંબુ વિજયજી     | અમરમુનિજી        | કનૈયાલાલજી  |
| લાભસાગરસુરિજી   | આચાર્ય તુલસી     | ચંપક સાગરજી |

## સ્મરણાંજલિ

|               |                    |               |
|---------------|--------------------|---------------|
| બાબુ ધનપતસિંહ | પં૦ બેચરદાસ        | પં૦ જીવરાજભાઈ |
| પં૦ ભગવાનદાસ  | પં૦ રૂપેન્દ્રકુમાર | પં૦ હીરાલાલ   |

શ્વત પ્રકાશક સર્વે સંસ્થાઓ

## ४५ आगम भूण तथा विवरणनुं श्लोक प्रमाणादर्शक कोष्टक

| क्रम | आगमसूत्रनाम         | मूल<br>श्लोक प्रमाण | वृत्ति-कर्ता                | वृत्ति<br>श्लोकप्रमाण |
|------|---------------------|---------------------|-----------------------------|-----------------------|
| १.   | आचार                | २५५४                | शीलाङ्गाचार्य               | १२०००                 |
| २.   | सूत्रकृत            | २१००                | शीलाङ्गाचार्य               | १२८५०                 |
| ३.   | स्थान               | ३७००                | अभयदेवसूरि                  | १४२५०                 |
| ४.   | समवाय               | १६६७                | अभयदेवसूरि                  | ३५७५                  |
| ५.   | भगवती               | १५७५१               | अभयदेवसूरि                  | १८६१६                 |
| ६.   | ज्ञाताधर्मकथा       | ५४५०                | अभयदेवसूरि                  | ३८००                  |
| ७.   | उपासकदशा            | ८१२                 | अभयदेवसूरि                  | ८००                   |
| ८.   | अन्तवृद्धशा         | ९००                 | अभयदेवसूरि                  | ४००                   |
| ९.   | अनुत्तरोपपातिकदशा   | १९२                 | अभयदेवसूरि                  | १००                   |
| १०.  | प्रश्नव्याकरण       | १३००                | अभयदेवसूरि                  | ५६३०                  |
| ११.  | विपाकश्रुत          | १२५०                | अभयदेवसूरि                  | ९००                   |
| १२.  | औपपातिक             | ११६७                | अभयदेवसूरि                  | ३१२५                  |
| १३.  | राजप्रश्निय         | २१२०                | मलयगिरिसूरि                 | ३७००                  |
| १४.  | जीवाजीवाभिगम        | ४७००                | मलयगिरिसूरि                 | १४०००                 |
| १५.  | प्रज्ञापना          | ७७८७                | मलयगिरिसूरि                 | १६०००                 |
| १६.  | सूर्यप्रज्ञाति      | २२९६                | मलयगिरिसूरि                 | ९०००                  |
| १७.  | चन्द्रप्रज्ञाति     | २३००                | मलयगिरिसूरि                 | ९१००                  |
| १८.  | जम्बूद्वीपप्रज्ञाति | ४४५४                | शान्तिचन्द्रउपाध्याय        | १८०००                 |
| १९थी | निरयावलिका          | ११००                | चन्द्रसूरि                  | ६००                   |
| २३.  | (पञ्च उपाङ्ग)       | —                   | —                           | —                     |
| २४.  | चतुःशरण             | ८०                  | विजयविमलयगणि                | (?) २००               |
| २५.  | आतुर प्रत्याख्यान   | १००                 | गुणरत्नसूरि (अवचूरि)        | (?) १५०               |
| २६.  | महाप्रत्याख्यान     | १७६                 | आनन्दसागरसूरि (संस्कृतछाया) | १७६                   |
| २७.  | भक्तपरिज्ञा         | २१५                 | आनन्दसागरसूरि (संस्कृतछाया) | २१५                   |
| २८.  | तन्दुल वैचारिक      | ५००                 | विजयविमलयगणि                | (?) ५००               |
| २९.  | संस्तरक             | १५५                 | गुणरत्न सूरि (अवचूरि)       | ११०                   |
| ३०.  | गच्छाचार*           | १७५                 | विजयविमलयगणि                | १५६०                  |
| ३१.  | गणिविद्या           | १०५                 | आनन्दसागरसूरि (संस्कृतछाया) | १०५                   |

| ક્રમ | આગમસૂત્રનામ       | •મૂલ<br>શ્લોક પ્રમાણ | વૃત્તિ-કર્તા                              | •વૃત્તિ<br>શ્લોકપ્રમાણ |
|------|-------------------|----------------------|---|------------------------|
| ૩૨.  | દેવેન્દ્રસ્તવ     | ૩૭૫                  | આનન્દસાગરસૂરિ (સંસ્કૃત છાયા)              | ૩૭૫                    |
| ૩૩.  | મરણસમાધિ ★        | ૮૩૭                  | આનન્દસાગરસૂરિ (સંસ્કૃત છાયા)              | ૮૩૭                    |
| ૩૪.  | નિશીથ             | ૮૨૧                  | જિનદાસગણિ (ચૂર્ણિ)<br>સહ્વદાસગણિ (ભાષ્ય)  | ૨૮૦૦૦<br>૭૫૦૦          |
| ૩૫.  | વૃહત્કલ્પ         | ૪૭૩                  | મલયગિરિ+ક્ષેમકીર્તિ<br>સહ્વદાસગણિ (ભાષ્ય) | ૪૨૬૦૦<br>૭૬૦૦          |
| ૩૬.  | વ્યવહાર           | ૩૭૩                  | મલયગિરિ<br>સહ્વદાસગણિ (ભાષ્ય)             | ૩૪૦૦૦<br>૬૪૦૦          |
| ૩૭.  | દશાશ્રુતસ્કન્ધ    | ૮૧૬                  | - ? - (ચૂર્ણિ)                            | ૨૨૨૫                   |
| ૩૮.  | જીતકલ્પ ★         | ૧૩૦                  | સિદ્ધસેનગણિ (ચૂર્ણિ)                      | ૧૦૦૦                   |
| ૩૯.  | મહાનિશીથ          | ૪૫૪૮                 | -   | -                      |
| ૪૦.  | આવશ્યક            | ૧૩૦                  | હરિભદ્રસૂરિ                               | ૨૨૦૦૦                  |
| ૪૧.  | ઓઘનિર્યુક્તિ      | નિ.૧૩૫૫              | દ્રોણાચાર્ય                               | (?)૭૫૦૦                |
| -    | પિષ્ઠનિર્યુક્તિ ★ | નિ. ૮૩૫              | મલયગિરિસૂરિ                               | ૭૦૦૦                   |
| ૪૨.  | દશવૈકાલિક         | ૮૩૫                  | હરિભદ્રસૂરિ                               | ૭૦૦૦                   |
| ૪૩.  | ઉત્તરાધ્યયન       | ૨૦૦૦                 | શાંતિસૂરિ                                 | ૧૬૦૦૦                  |
| ૪૪.  | નન્દી             | ૭૦૦                  | મલયગિરિસૂરિ                               | ૭૭૩૨                   |
| ૪૫.  | અનુયોગદ્વાર       | ૨૦૦૦                 | મલધારીહેમચન્દ્રસૂરિ                       | ૫૧૦૦                   |

### નોંધ :-

- (૧) ઉક્ત ૪૫ આગમ સૂત્રોમાં વર્તમાન કાળે પહેલાં ૧ થી ૧૧ અંગસૂત્રો, ૧૨ થી ૨૩ ઉપાંગસૂત્રો, ૨૪થી૩૩ પ્રકીર્ણકસૂત્રો ૩૪થી ૩૯ છેદસૂત્રો, ૪૦ થી ૪૩ મૂલસૂત્રો, ૪૪-૪૫ ચૂલિકાસૂત્રોના નામે હાલ પ્રસિદ્ધ છે.
- (૨) ઉક્ત શ્લોક સંખ્યા અમે ઉપલબ્ધ માહિતી અને પૃષ્ઠ સંખ્યા આધારે નોંધેલ છે. જે કે તે સંખ્યા માટે મતાંતર તો જેવા મળે જ છે. જેમકે આચાર સૂત્રમાં ૨૫૦૦, ૨૫૫૪, ૨૫૨૫ એવા ત્રણ શ્લોક પ્રમાણ જાણવા મળેલ છે. આવો મત-ભેદ અન્ય સૂત્રોમાં પણ છે.
- (૩) ઉક્ત વૃત્તિ-આદિ જે નોંધ છે તે અમે કરેલ સંપાદન મુજબની છે. તે સિવાયની પણ વૃત્તિ-ચૂર્ણિ આદિ સાહિત્ય મુદ્રિત કે અમુદ્રિત અવસ્થામાં હાલ ઉપલબ્ધ છે જ.
- (૪) ગચ્છાચાર અને મરણસમાધિ ના વિકલ્પે ચંદાવેજ્ઞય અને વીરસ્તવ પ્રકીર્ણક આવે છે. જે અમે “આગમસુતાણિ” માં મૂળ રૂપે અને “આગમદીપ”માં અક્ષરશઃ ગુજરાતી અનુવાદ રૂપે આપેલ છે. તેમજ જીતકલ્પ જેના વિકલ્પ રૂપે છે એ

પંચકલ્પનું ભાષ્ય અમે “આગમસુત્તાણિ”માં સંપાદીત કર્યું છે.

- (૫) ઓઘ અને પિણ્ડ એ બંને નિર્યુક્તિ વિકલ્પે છે. જે હાલ મૂલસૂત્ર રૂપે પ્રસિધ્ધ છે. જે બંનેની વૃત્તિ અમે આપી છે. તેમજ તેમાં ભાષ્યની ગાથાઓ પણ સમાવિષ્ટ થઈ છે.
- (૬) ચાર પ્રકીર્ણક સૂત્રો અને મહાનિશીથ એ પાંચ આગમની કોઈ વૃત્તિ આદિ ઉપલબ્ધ થવાનો ઉલ્લેખ મળતો નથી. પ્રકીર્ણક ની સંસ્કૃત છાયા ઉપલબ્ધ છે તેથી મૂકી છે. નિશીથ-દશા-જિતકલ્પ એ ત્રણેની ચૂર્ણિ આપી છે. જેમાં દશા અને જિતકલ્પ એ બંને ઉપરવૃત્તિ મળતી હોવાનો ઉલ્લેખ છે, પણ અમે તે મેળવી શક્યા નથી. જ્યારે નિશીથ ઉપર તો માત્ર વીસમા ઉદ્દેશક:ની જ વૃત્તિ નો ઉલ્લેખ મળે છે.

### ► વર્તમાન કાળે ૪૫ આગમમાં ઉપલબ્ધ નિર્યુક્તિ: ◀

| ક્રમ | નિર્યુક્તિ             | શ્લોકપ્રમાણ | ક્રમ | નિર્યુક્તિ             | શ્લોકપ્રમાણ |
|------|------------------------|-------------|------|------------------------|-------------|
| ૧.   | આચાર-નિર્યુક્તિ        | ૪૫૦         | ૬.   | આવશ્યક-નિર્યુક્તિ      | ૨૫૦૦        |
| ૨.   | સૂત્રકૃત-નિર્યુક્તિ    | ૨૬૫         | ૭.   | ઓઘનિર્યુક્તિ           | ૧૩૫૫        |
| ૩.   | વૃહત્કલ્પ-નિર્યુક્તિ ★ | —           | ૮.   | પિણ્ડનિર્યુક્તિ        | ૮૩૫         |
| ૪.   | વ્યવહાર-નિર્યુક્તિ ★   | —           | ૯.   | દશવૈકાલિક-નિર્યુક્તિ   | ૫૦૦         |
| ૫.   | દશાશ્રુત૦-નિર્યુક્તિ   | ૧૮૦         | ૧૦.  | ઉત્તરાધ્યયન-નિર્યુક્તિ | ૭૦૦         |

### નોંધ :-

- (૧) અહીં આપેલ શ્લોક પ્રમાણ એ ગાથા સંખ્યા નથી. “૩૨ અક્ષરનો એક શ્લોક” એ પ્રમાણથી નોંધાયેલ શ્લોક પ્રમાણ છે.
- (૨) ★ વૃહત્કલ્પ અને વ્યવહાર એ બંને સૂત્રોની નિર્યુક્તિ હાલ ભાષ્ય માં ભળી ગઈ છે. જેનો યથાસંભવ ઉલ્લેખ વૃત્તિકાર મહર્ષિ એ ભાષ્ય ઉપરની વૃત્તિમાં કર્યો હોય તેવું જોવા મળેલ છે.
- (૩) ઓઘ અને પિણ્ડનિર્યુક્તિ સ્વતંત્ર મૂલઆગમ સ્વરૂપે સ્થાન પામેલ છે તેથી તેનું સ્વતંત્ર સંપાદન આગમ-૪૧ રૂપે થયેલ છે. (તેમજ આ સંપાદનમાં પણ છે.)
- (૪) બાકીની છ નિર્યુક્તિમાંથી દશાશ્રુતસ્કન્ધ નિર્યુક્તિ ઉપર ચૂર્ણિ અને અન્ય પાંચ નિર્યુક્તિ ઉપરની વૃત્તિ અમે અમારા સંપાદનમાં પ્રકાશીત કરી છે. જ્યાં આ છ નિર્યુક્તિ સ્પષ્ટ અલગ જોઈ શકાય છે.
- (૫) નિર્યુક્તિકર્તા તરીકે ભદ્રવાહુસ્વામી નો ઉલ્લેખ જ જોવા મળે છે.

### વર્તમાન કાળે ૪૫ આગમમાં ઉપલબ્ધ ભાષ્યં

| ક્રમ | ભાષ્ય          | શ્લોકપ્રમાણ | ક્રમ | ભાષ્ય                  | ગાથાપ્રમાણ |
|------|----------------|-------------|------|------------------------|------------|
| ૧.   | નિશીષભાષ્ય     | ૭૫૦૦        | ૬.   | આવશ્યકભાષ્ય ★          | ૪૮૩        |
| ૨.   | વૃહત્કલ્પભાષ્ય | ૭૬૦૦        | ૭.   | ઓઘનિર્યુક્તિભાષ્ય ★    | ૩૨૨        |
| ૩.   | વ્યવહારભાષ્ય   | ૬૪૦૦        | ૮.   | પિણ્ડનિર્યુક્તિભાષ્ય ★ | ૪૬         |
| ૪.   | પન્નકલ્પભાષ્ય  | ૩૧૮૫        | ૯.   | દશવૈકાલિકભાષ્ય ★       | ૬૩         |
| ૫.   | જીતકલ્પભાષ્ય   | ૩૧૨૫        | ૧૦.  | ઉત્તરાધ્યયનભાષ્ય (?)   | —          |

### નોંધ :-

- (૧) નિશીષ, વૃહત્કલ્પ અને વ્યવહારભાષ્ય ના કર્તા સહ્વદાસગણિ હોવાનું જણાય છે. અમારા સંપાદનમાં નિશીષ ભાષ્ય તેની ચૂર્ણિ સાથે અને વૃહત્કલ્પ તથા વ્યવહાર ભાષ્ય તેની-તેની વૃત્તિ સાથે સમાવિષ્ટ થયું છે.
- (૨) પન્નકલ્પભાષ્ય અમારા આગમસુતાણિ ભાગ-૩૮ માં પ્રકાશીત થયું.
- (૩) આવશ્યકભાષ્ય માં ગાથા પ્રમાણ ૪૮૩ લખ્યું જેમાં ૧૮૩ ગાથા મૂળભાષ્ય રૂપે છે અને ૩૦૦ ગાથા અન્ય એક ભાષ્યની છે. જેનો સમાવેશ આવશ્યક સૂત્ર-સટીકં માં કર્યો છે. [જો કે વિશેષાવશ્યક ભાષ્ય ખૂબજ પ્રસિધ્ધ થયું છે પણ તે સમગ્ર આવશ્યકસૂત્ર- ઉપરનું ભાષ્ય નથી અને અધ્યયનો અનુસારની અલગ અલગ વૃત્તિ આદિ પેટા વિવરણો તો આવશ્યક અને જીતકલ્પ એ બંને ઉપર મળે છે. જેનો અત્રે ઉલ્લેખ અમે કરેલ નથી.]
- (૪) ઓઘનિર્યુક્તિ, પિણ્ડનિર્યુક્તિ, દશવૈકાલિકભાષ્ય નો સમાવેશ તેની તેની વૃત્તિ માં થયો જ છે. પણ તેનો કર્તા વિશેનો ઉલ્લેખ અમોને મળેલ નથી. [ઓઘનિર્યુક્તિ ઉપર ૩૦૦૦ શ્લોક પ્રમાણ ભાષ્યનો ઉલ્લેખ પણ જોવા મળેલ છે.]
- (૫) ઉત્તરાધ્યયનભાષ્યની ગાથા નિર્યુક્તિમાં ભળી ગયાનું સંભળાય છે (?)
- (૬) આ રીતે અંગ - ઉપાંગ - પ્રકીર્ણક - ચૂલિકા એ ૩૫ આગમ સૂત્રો ઉપરનો કોઈ ભાષ્યનો ઉલ્લેખ અમારી જાણમાં આવેલ નથી. કોઈક સ્થાને સાક્ષી પાઠ-આદિ સ્વરૂપે ભાષ્યગાથા જોવા મળે છે.
- (૭) ભાષ્યકર્તા તરીકે મુખ્ય નામ સહ્વદાસગણિ જોવા મળેલ છે. તેમજ જિનભદ્રગણિ-ક્ષમાશ્રમણ અને સિદ્ધસેન ગણિ નો પણ ઉલ્લેખ મળે છે. કેટલાંક ભાષ્યના કર્તા અજ્ઞાત જ છે.



### વર્તમાન કાળે ૪૫ આગમમાં ઉપલબ્ધ ચૂર્ણ:

| ક્રમ | ચૂર્ણ                   | શ્લોકપ્રમાણ | ક્રમ | ચૂર્ણ               | શ્લોકપ્રમાણ |
|------|-------------------------|-------------|------|---------------------|-------------|
| ૧.   | આચાર-ચૂર્ણ              | ૮૩૦૦        | ૯.   | દશાશ્રુતસ્કન્ધચૂર્ણ | ૨૨૨૫        |
| ૨.   | સૂત્રકૃત-ચૂર્ણ          | ૧૧૦૦        | ૧૦.  | પદ્મકલ્પચૂર્ણ       | ૩૨૭૫        |
| ૩.   | ભગવતી-ચૂર્ણ             | ૩૧૧૪        | ૧૧.  | જીતકલ્પચૂર્ણ        | ૧૦૦૦        |
| ૪.   | જીવાભિગમ-ચૂર્ણ          | ૧૫૦૦        | ૧૨.  | આવશ્યકચૂર્ણ         | ૧૮૫૦૦       |
| ૫.   | જંબૂદ્વીપપ્રજ્ઞસિ-ચૂર્ણ | ૧૮૭૯        | ૧૩.  | દશવૈકાલિકચૂર્ણ      | ૭૦૦૦        |
| ૬.   | નિશીથચૂર્ણ              | ૨૮૦૦૦       | ૧૪.  | ઉત્તરાધ્યયનચૂર્ણ    | ૫૮૫૦        |
| ૭.   | વૃહત્કલ્પચૂર્ણ          | ૧૬૦૦૦       | ૧૫.  | નન્દીચૂર્ણ          | ૧૫૦૦        |
| ૮.   | વ્યવહારચૂર્ણ            | ૧૨૦૦        | ૧૬.  | અનુયોગદારચૂર્ણ      | ૨૨૬૫        |

### નોંધ :-

- (૧) ઉક્ત ૧૬ ચૂર્ણમાંથી નિશીથ, દશાશ્રુતસ્કન્ધ, જીતકલ્પ એ ત્રણ ચૂર્ણ અમારા આ સંપાદનમાં સમાવાઈ ગયેલ છે.
- (૨) આચાર, સૂત્રકૃત, આવશ્યક, દશવૈકાલિક, ઉત્તરાધ્યયન, નન્દી, અનુયોગદાર એ સાત ચૂર્ણ પૂજ્યપાદ આગમોદ્ધારક શ્રી એ પ્રકાશીત કરાવી છે.
- (૩) દશવૈકાલિકની બીજી એક ચૂર્ણ જે અગત્યસિંહસૂરિકૃત છે તેનું પ્રકાશન પૂજ્ય શ્રી પુન્યવિજયજીએ કરાવેલ છે.
- (૪) જંબૂદ્વીપપ્રજ્ઞસિચૂર્ણ વિશે હીરાલાલ કાપડીયા પ્રશ્નાર્થચિહ્ન ઉભું કરે છે. ભગવતી ચૂર્ણ તો મળેજ છે, પણ હજી પ્રકાશીત થઈ નથી. તેમજ વૃહત્કલ્પ, વ્યવહાર, પદ્મકલ્પ એ ત્રણ હસ્તપ્રતો અમે જોઈ છે પણ પ્રકાશીત થયાનું જાણમાં નથી.
- (૫) ચૂર્ણકાર તરીકે જિનદાસગણિમહત્તરનું નામ મુખ્યત્વે સંભળાય છે. કેટલાકના મતે અમુક ચૂર્ણના કર્તાનો સ્પષ્ટોલ્લેખ મળતો નથી.

### “આગમ-પંચાંગી” એક ચિન્ત્ય બાબત”

- ૧ વર્તમાન કાળે પ્રાપ્ત આગમ સાહિત્યની વિચારણા પછી ખરેખર આગમના પાંચ અંગોમાં કેટલું અને શું ઉપલબ્ધ છે તે જાણ્યા પછી એક પ્રશ્ન થાય કે આગમ પંચાંગી ની વાતો કેટલી ચિન્ત્ય છે. અંગ-ઉપાંગ-પ્રકીર્ણક-ચૂલિકા એ ૩૫ આગમો ઉપર ઘણા નથી. એટલે ૩૫ આગમનું એક અંગ તો અપ્રાપ્ય જ બન્યું. સૂત્ર પરત્વે ઉપલબ્ધ નિર્યુક્તિ ફક્ત છ છે. એટલે ૩૫ આગમોનું એક અંગ અપ્રાપ્ય જ બન્યું. આ રીતે ક્યાંક ઘણા, ક્યાંક નિર્યુક્તિ અને ક્યાંક ચૂર્ણના અભાવે વર્તમાન કાળે સુવ્યવસ્થિત પંચાંગી એક માત્ર આવશ્યક સૂત્રની ગણાય.
- ૨ નન્દીસૂત્ર માં પંચાંગીને બદલે સંગ્રહણી, પ્રતિપત્તિઓ વગેરેના પણ ઉલ્લેખ છે.

## ▶ ૪૫ આગમ અંતર્ગત વર્તમાન કાળે ઉપલબ્ધ વિભાગો ◀

[સૂચના :- અમે સંપાદીત કરેલ આગમસુત્તાણિ-સટીકં માં બેકી નંબરના પૃષ્ઠો ઉપર જમણી બાજુ આગમસૂત્ર ના નામ પછી અંકો આપેલ છે. જેમકે ૧/૩/૬/૨/૫૪ વગેરે. આ અંકો તે તે આગમના વિભાગીકરણને જણાવે છે. જેમકે આચારમાં પ્રથમ અંક શ્રુતસ્કન્ધનો છે તેના વિભાગ રૂપે બીજો અંક ચૂલા છે તેના પેટા વિભાગ રૂપે ત્રીજો અંક અધ્યયન નો છે. તેના પેટા વિભાગ રૂપે ચોથો અંક ઉદ્દેશક નો છે. તેના પેટા વિભાગ રૂપે છેલ્લો અંક મૂલનો છે. આ મૂલ ગદ્ય કે પદ્ય હોઈ શકે. જો ગદ્ય હોય તો ત્યાં પેરેગ્રાફ સ્ટાઈલથી કે છુટ્ટુ લખાણ છે અને ગાથા/પદ્ય ને પદ્યની સ્ટાઈલથી ॥ - ॥ ગોઠવેલ છે.

પ્રત્યેક આગમ માટે આ રીતે જ ઓબ્લિકમાં (/) પછી ના વિભાગને તેના-તેના પેટા-પેટા વિભાગ સમજવા.

જ્યાં જે-તે પેટા વિભાગ ન હોય ત્યાં (/) ઓબ્લિક પછી ડેસ મુકીને તે વિભાગ ત્યાં નથી તેમ સૂચવેલું છે.]

- (૧) આચાર - શ્રુતસ્કન્ધ:/ચૂલા/અધ્યયનં/ઉદ્દેશક:/મૂલં  
ચૂલા નામક પેટા વિભાગ બીજા શ્રુતસ્કન્ધ.માં જ છે.
- (૨) સૂત્રકૃત - શ્રુતસ્કન્ધ:/અધ્યયનં/ઉદ્દેશક:/મૂલં
- (૩) સ્થાન - સ્થાનં/અધ્યયનં/મૂલં
- (૪) સમવાય - સમવાય:/મૂલં
- (૫) ભગવતી - શતકં/વર્ગ:-અંતરશતકં/ઉદ્દેશક:/મૂલં  
અહીં શતકના પેટા વિભાગમાં બે નામો છે. (૧) વર્ગ: (૨) અંતરશતક કેમકે શતક ૨૧, ૨૨, ૨૩ માં શતક ના પેટા વિભાગનું નામ વર્ગ: જણાવેલ છે. શતક - ૩૩, ૩૪, ૩૫, ૩૬, ૪૦ ના પેટા વિભાગને અંતરશતક અથવા શતકશતક નામથી ઓળખાવાય છે.
- (૬) જ્ઞાતાધર્મકથા- શ્રુતસ્કન્ધ:/વર્ગ:/અધ્યયનં/મૂલં  
પહેલા શ્રુતસ્કન્ધ માં અધ્યયન જ છે. બીજા શ્રુતસ્કન્ધ નો પેટાવિભાગ વર્ગ નામે છે અને તે વર્ગ ના પેટા વિભાગમાં અધ્યયન છે.
- (૭) ઉપાસકદશા- અધ્યયનં/મૂલં
- (૮) અન્તકૃદ્દશા- વર્ગ:/અધ્યયનં/મૂલં
- (૯) અનુત્તરોપપાતિકદશા- વર્ગ:/અધ્યયનં/મૂલં
- (૧૦) પ્રશ્નવ્યાકરણ- દ્વારં/અધ્યયનં/મૂલં  
આશ્રવ અને સંવર એવા સ્પષ્ટ બે ભેદ છે જેને આશ્રવદ્વાર અને સંવરદ્વાર કહ્યા છે. (કોઈક દ્વાર ને બદલે શ્રુતસ્કન્ધ શબ્દ પ્રયોગ પણ કરે છે)
- (૧૧) વિપાકશ્રુત- શ્રુતસ્કન્ધ:/અધ્યયનં/મૂલં
- (૧૨) ઔપપાતિક- મૂલં
- (૧૩) રાજપ્રશ્નીય- મૂલં

- (૧૪) જીવાજીવાભિગમ- \*પ્રતિપત્તિ:/\* ઉદ્દેશક:/મૂલં  
આ આગમમાં ઉક્ત ત્રણ વિભાગો કર્યા છે તો પણ સમજણ માટે પ્રતિપત્તિ: પછી એક પેટાવિભાગ નોંધનીય છે. કેમકે પ્રતિપત્તિ -૩-માં નેરહય, તિરિક્ષજોગિય, મનુષ્ય, દેવ એવા ચાર પેટાવિભાગો પડે છે. તેથી તિપત્તિ/(નેરહયઆદિ)/ઉદ્દેશક:/મૂલં એ રીતે સ્પષ્ટ અલગ પાડેલા છે, એજ રીતે દશમી પ્રતિપત્તિ ના ઉદ્દેશક: નવ નથી પણ તે પેટાવિભાગ પ્રતિપત્તિ: નામે જ છે.
- (૧૫) પ્રજ્ઞાપના- પદં/ઉદ્દેશક:/દ્વારં/મૂલં  
પદના પેટા વિભાગમાં ક્યાંક ઉદ્દેશક: છે, ક્યાંક દ્વારં છે પણ ૫૬-૨૮ના પેટા વિભાગમાં ઉદ્દેશક: અને તેના પેટા વિભાગમાં દ્વારં પણ છે.
- (૧૬) સૂર્યપ્રજ્ઞાતિ- પ્રામૃતં/પ્રામૃતપ્રામૃતં/મૂલં
- (૧૭) ચન્દ્રપ્રજ્ઞાતિ- પ્રામૃતં/પ્રામૃતપ્રામૃતં/મૂલં  
આગમ ૧૬-૧૭માં પ્રામૃતપ્રામૃત ના પણ પ્રતિપત્તિ: નામક પેટા વિભાગ છે. પણ ઉદ્દેશક: આદિ મુજબ તેનો વિશેષ વિસ્તાર થાયેલ નથી.
- (૧૮) જમ્બૂદીપપ્રજ્ઞાતિ- વક્ષસ્કાર:/મૂલં
- (૧૯) નિરયાવલિકા - અધ્યયનં/મૂલં
- (૨૦) કલ્પવતંસિકા - અધ્યયનં/મૂલં
- (૨૧) પુષ્પિતાં - અધ્યયનં/મૂલં
- (૨૨) પુષ્પચૂલિકા - અધ્યયનં/મૂલં
- (૨૩) વણ્હિદશા - અધ્યયનં/મૂલં  
આગમ ૧૮ થી ૨૩ નિરયાવલિકાદિ નામથી સાથે જોવા મળે છે કેમકે તેને ઉપાંગના પાંચ વર્ગ તરીકે સુત્રકારે ઓળખાવેલા છે. જેમાં વર્ગ-૧, નિરયાવલિકા, વર્ગ-૨ કલ્પવતંસિકા... વગેરે જાણવા
- (૨૪ થી ૩૩) ચતુ:શરણ (આદિ દશોપયત્ના) મૂલં
- (૩૪) નિશીય - ઉદ્દેશક:/મૂલં
- (૩૫) બૃહત્કલ્પ - ઉદ્દેશક:/મૂલં
- (૩૬) વ્યવહાર - ઉદ્દેશક:/મૂલં
- (૩૭) દશાશ્રુતસ્કન્ધ - દશા/મૂલં
- (૩૮) જીતકલ્પ - મૂલં
- (૩૯) મહાનિશીય - અધ્યયનં/ઉદ્દેશક:/મૂલં
- (૪૦) આવશ્યક - અધ્યયનં/મૂલં
- (૪૧) ઓઘ/પિણ્ડનિર્યુક્તિ - મૂલં
- (૪૨) દશવૈકાલિક - અધ્યયનં/ઉદ્દેશક:/મૂલં
- (૪૩) ઉત્તરાધ્યયન - અધ્યયનં//મૂલં
- (૪૪- ૪૫) નન્દી-અનુયોગદ્વાર - મૂલં

## અમારા સંપાદીત ૪૫ આગમોમાં આવતા મૂલ નો અંક તથા તેમાં સમાવિષ્ટ ગાથા

| ક્રમ | આગમસૂત્ર          | મૂલં | ગાથા | ક્રમ | આગમસૂત્ર         | મૂલં | ગાથા |
|------|-------------------|------|------|------|------------------|------|------|
| ૧.   | આચાર              | ૫૫૨  | ૧૪૭  | ૨૪.  | ચતુઃશરણ          | ૬૩   | ૬૩   |
| ૨.   | સૂત્રકૃત          | ૮૦૬  | ૭૨૩  | ૨૫.  | આતુરપ્રત્યાહ્યાન | ૭૧   | ૭૦   |
| ૩.   | સ્થાન             | ૧૦૧૦ | ૧૬૯  | ૨૬.  | મહાપ્રત્યાહ્યાનં | ૧૪૨  | ૧૪૨  |
| ૪.   | સમવાય             | ૩૮૩  | ૯૩   | ૨૭.  | ભક્તપરિજ્ઞા      | ૧૭૨  | ૧૭૨  |
| ૫.   | ભગવતી             | ૧૦૮૭ | ૧૧૪  | ૨૮.  | તંદુલવૈચારિક     | ૧૬૧  | ૧૩૯  |
| ૬.   | જ્ઞાતાધર્મકથા     | ૨૪૧  | ૫૭   | ૨૯.  | સંસ્તારક         | ૧૩૩  | ૧૩૩  |
| ૭.   | ઉપાસક દશા         | ૭૩   | ૧૩   | ૩૦.  | ગચ્છાચાર         | ૧૩૭  | ૧૩૭  |
| ૮.   | અન્તકૃદ્દશા       | ૬૨   | ૧૨   | ૩૧.  | ગણિવિદ્યા        | ૮૨   | ૮૨   |
| ૯.   | અનુત્તરોપપાતિક    | ૧૩   | ૪    | ૩૨.  | દેવેન્દ્રસ્તવ    | ૩૦૭  | ૩૦૭  |
| ૧૦.  | પ્રશ્નવ્યાકરણ     | ૪૭   | ૧૪   | ૩૩.  | મરણસમાધિ         | ૬૬૪  | ૬૬૪  |
| ૧૧.  | વિપાકશ્રુત        | ૪૭   | ૩    | ૩૪.  | નિશીષ            | ૧૪૨૦ | —    |
| ૧૨.  | ઔપપાતિક           | ૭૭   | ૩૦   | ૩૫.  | બૃહત્કલ્પ        | ૨૧૫  | —    |
| ૧૩.  | રાજપ્રશ્નિય       | ૮૫   | —    | ૩૬.  | વ્યવહાર          | ૨૮૫  | —    |
| ૧૪.  | જીવાભિગમ          | ૩૯૮  | ૯૩   | ૩૭.  | દશાશ્રુતસ્કન્ધ   | ૧૧૪  | ૫૬   |
| ૧૫.  | પ્રજ્ઞાપના        | ૬૨૨  | ૨૩૧  | ૩૮.  | જીતકલ્પ          | ૧૦૩  | ૧૦૩  |
| ૧૬.  | સૂર્યપ્રજ્ઞાસિ    | ૨૧૪  | ૧૦૩  | ૩૯.  | મહાનિશીથ         | ૧૫૨૮ | ૮    |
| ૧૭.  | ચન્દ્રપ્રજ્ઞાસિ   | ૨૧૮  | ૧૦૭  | ૪૦.  | આવશ્યક           | ૯૨   | ૨૧   |
| ૧૮.  | જમ્બૂદીપપ્રજ્ઞાસિ | ૩૬૫  | ૧૩૧  | ૪૧.  | ઓઘનિર્યુક્તિ     | ૧૧૬૫ | ૧૧૬૫ |
| ૧૯.  | નિરયાવલિકા        | ૨૧   | —    | ૪૧.  | પિણ્ડનિર્યુક્તિ  | ૭૧૨  | ૭૧૨  |
| ૨૦.  | કલ્પવતંસિકા       | ૫    | ૧    | ૪૨.  | દશવૈકાલિક        | ૫૪૦  | ૫૧૫  |
| ૨૧.  | પુષ્પિતા          | ૧૧   | ૨    | ૪૩.  | ઉત્તરાધ્યયન      | ૧૭૩૧ | ૧૬૪૦ |
| ૨૨.  | પુષ્પચૂલિકા       | ૩    | ૧    | ૪૪.  | નન્દી            | ૧૬૮  | ૯૩   |
| ૨૩.  | વર્ણિદશા          | ૫    | ૧    | ૪૫.  | અનુયોગદ્વાર      | ૩૫૦  | ૧૪૧  |

નોંધ :- ઉક્ત ગાથા સંખ્યાનો સમાવેશ મૂલં માં થઈ જાય છે. તે મૂલ સિવાયની અલગ ગાથા સમજવી નહીં. મૂલ શબ્દ એ અમો સૂત્ર અને ગાથા બંને માટે નો આપેલો સંયુક્ત અનુક્રમ છે. ગાથા બધાંજ સંપાદનોમાં સામાન્ય અંક ધરાવતી હોવાથી તેનો અલગ અંક આપેલ છે. પણ સૂત્રના વિભાગ દરેક સંપાદકે ત્રિવિધ રીતે કર્યા હોવાથી અમે સૂત્રાંક જુદો પાડતા નથી.

## —: અમારા પ્રકાશનો :—

- [૧] અભિનવ હેમ લઘુપ્રક્રિયા - ૧ - સત્તાજીવિવરણમ્
- [૨] અભિનવ હેમ લઘુપ્રક્રિયા - ૨ - સત્તાજીવિવરણમ્
- [૩] અભિનવ હેમ લઘુપ્રક્રિયા - ૩ - સત્તાજીવિવરણમ્
- [૪] અભિનવ હેમ લઘુપ્રક્રિયા - ૪ - સત્તાજીવિવરણમ્
- [૫] વૃદ્ધન્તમાલા
- [૬] ચૈત્યવન્દન પર્વમાલા
- [૭] ચૈત્યવન્દન સહગ્રહ - તીર્થજિનવિશેષ
- [૮] ચૈત્યવન્દન ચોવિંશી
- [૯] શત્રુજય ભક્તિ [આવૃત્તિ-દો]
- [૧૦] અભિનવ જૈન પદ્માજ્ઞ - ૨૦૪૬
- [૧૧] અભિનવ ઉપદેશ પ્રાસાદ - ૧- શ્રાવક કર્તવ્ય - ૧ થી ૧૧
- [૧૨] અભિનવ ઉપદેશ પ્રાસાદ - ૨- શ્રાવક કર્તવ્ય - ૧૨ થી ૧૫
- [૧૩] અભિનવ ઉપદેશ પ્રાસાદ - ૩- શ્રાવક કર્તવ્ય - ૧૬ થી ૩૬
- [૧૪] નવપદ - શ્રીપાલ (શાશ્વતી ઓળીના વ્યાખ્યાન રૂપે)
- [૧૫] સમાધિ મરણ [વિધિ - સૂત્ર - પદ - આરાધના-મરણભેદ-સંગ્રહ]
- [૧૬] ચૈત્યવન્દન માળા [૭૭૯ ચૈત્યવન્દનોનો સંગ્રહ]
- [૧૭] તત્વાર્થ સૂત્ર પ્રબોધટીકા [અધ્યાય-૧]
- [૧૮] તત્વાર્થ સૂત્રના આગમ આધાર સ્થાનો
- [૧૯] સિદ્ધાચલનો સાથી [આવૃત્તિ - બે]
- [૨૦] ચૈત્ય પરિપાટી
- [૨૧] અમદાવાદ જિનમંદિર ઉપાશ્રય આદિ રિરેક્ટરી
- [૨૨] શત્રુજય ભક્તિ [આવૃત્તિ - બે]
- [૨૩] શ્રી નવકારમંત્ર નવલાખ જાપ નોંધપોથી
- [૨૪] શ્રી ચારિત્ર પદ એક કરોડ જાપ નોંધપોથી
- [૨૫] શ્રી ભારવત પુસ્તિકા તથા અન્ય નિયમો - [આવૃત્તિ - ચાર]
- [૨૬] અભિનવ જૈન પંચાંગ - ૨૦૪૨ [સર્વપ્રથમ ૧૩ વિભાગોમાં]
- [૨૭] શ્રી જ્ઞાનપદ પૂજા
- [૨૮] અંતિમ આરાધના તથા સાધુ સાધ્વી કાળધર્મ વિધિ
- [૨૯] શ્રાવક અંતિમ આરાધના [આવૃત્તિ ત્રણ]
- [૩૦] વીતરાગ સ્તુતિ સંચય [૧૧૫૧ ભાવવાહી સ્તુતિઓ]
- [૩૧] (પૂજ્ય આગમોદ્ધારક શ્રી ના સમુદાયના) કાયમી સંપર્ક સ્થળો
- [૩૨] તત્વાર્થાધિગમ સૂત્ર અભિનવ ટીકા - અધ્યાય-૧
- [૩૩] તત્વાર્થાધિગમ સૂત્ર અભિનવ ટીકા - અધ્યાય-૨
- [૩૪] તત્વાર્થાધિગમ સૂત્ર અભિનવ ટીકા - અધ્યાય-૩
- [૩૫] તત્વાર્થાધિગમ સૂત્ર અભિનવ ટીકા - અધ્યાય-૪

- [૩૬] તત્વાર્થાધિગમ સૂત્ર અભિનવ ટીકા - અધ્યાય-૫  
 [૩૭] તત્વાર્થાધિગમ સૂત્ર અભિનવ ટીકા - અધ્યાય-૬  
 [૩૮] તત્વાર્થાધિગમ સૂત્ર અભિનવ ટીકા - અધ્યાય-૭  
 [૩૯] તત્વાર્થાધિગમ સૂત્ર અભિનવ ટીકા - અધ્યાય-૮  
 [૪૦] તત્વાર્થાધિગમ સૂત્ર અભિનવ ટીકા - અધ્યાય-૯  
 [૪૧] તત્વાર્થાધિગમ સૂત્ર અભિનવ ટીકા - અધ્યાય-૧૦

**પ્રકાશન ૧ થી ૪૧ અભિનવશ્રુત પ્રકાશને પ્રગટ કરેલ છે.**

|                       |                  |                     |
|-----------------------|------------------|---------------------|
| [૪૨] આયારો            | [આગમસુત્તાણિ-૧]  | પદમં અંગસુત્તં      |
| [૪૩] સૂયગઢો           | [આગમસુત્તાણિ-૨]  | વીઅં અંગસુત્તં      |
| [૪૪] ઠાણં             | [આગમસુત્તાણિ-૩]  | તદયં અંગસુત્તં      |
| [૪૫] સમવાઓ            | [આગમસુત્તાણિ-૪]  | ચડત્યં અંગસુત્તં    |
| [૪૬] વિવાહપત્રતિ      | [આગમસુત્તાણિ-૫]  | પંચમં અંગસુત્તં     |
| [૪૭] નાયાધમ્મકહાઓ     | [આગમસુત્તાણિ-૬]  | છટ્ઠં અંગસુત્તં     |
| [૪૮] ઉવાસગદસાઓ        | [આગમસુત્તાણિ-૭]  | સત્તમં અંગસુત્તં    |
| [૪૯] અંતગહદસાઓ        | [આગમસુત્તાણિ-૮]  | અટ્ઠમં અંગસુત્તં    |
| [૫૦] અનુત્તોવવાઇયદસાઓ | [આગમસુત્તાણિ-૯]  | નવમં અંગસુત્તં      |
| [૫૧] પળ્હાવાગરણં      | [આગમસુત્તાણિ-૧૦] | દસમં અંગસુત્તં      |
| [૫૨] વિવાગસૂયં        | [આગમસુત્તાણિ-૧૧] | એક્કરસમં અંગસુત્તં  |
| [૫૩] ઉવવાઇયં          | [આગમસુત્તાણિ-૧૨] | પદમં ઉવંગસુત્તં     |
| [૫૪] રાયપ્પસેણિયં     | [આગમસુત્તાણિ-૧૩] | વીઅં ઉવંગસુત્તં     |
| [૫૫] જીવાજીવાભિગમં    | [આગમસુત્તાણિ-૧૪] | તદયં ઉવંગસુત્તં     |
| [૫૬] પત્રવણાસુત્તં    | [આગમસુત્તાણિ-૧૫] | ચડત્યં ઉવંગસુત્તં   |
| [૫૭] સૂરપત્રતિ:       | [આગમસુત્તાણિ-૧૬] | પંચમં ઉવંગસુત્તં    |
| [૫૮] ચંદપત્રતિ:       | [આગમસુત્તાણિ-૧૭] | છટ્ઠં ઉવંગસુત્તં    |
| [૫૯] જંબૂદ્વીવપત્રતિ  | [આગમસુત્તાણિ-૧૮] | સત્તમં ઉવંગસુત્તં   |
| [૬૦] નિરયાવલિયાણં     | [આગમસુત્તાણિ-૧૯] | અટ્ઠમં ઉવંગસુત્તં   |
| [૬૧] કપ્પવહિંસિયાણં   | [આગમસુત્તાણિ-૨૦] | નવમં ઉવંગસુત્તં     |
| [૬૨] પુષ્ફિયાણં       | [આગમસુત્તાણિ-૨૧] | દસમં ઉવંગસુત્તં     |
| [૬૩] પુષ્ફચૂલિયાણં    | [આગમસુત્તાણિ-૨૨] | એક્કરસમં ઉવંગસુત્તં |
| [૬૪] વળ્હિદસાણં       | [આગમસુત્તાણિ-૨૩] | બારસમં ઉવંગસુત્તં   |
| [૬૫] ચડસરણં           | [આગમસુત્તાણિ-૨૪] | પદમં પર્ડેણ્ણગં     |
| [૬૬] આરપદ્ધક્ષાણં     | [આગમસુત્તાણિ-૨૫] | વીઅં પર્ડેણ્ણગં     |
| [૬૭] મહાપદ્ધક્ષાણં    | [આગમસુત્તાણિ-૨૬] | તીદયં પર્ડેણ્ણગં    |
| [૬૮] ભત્તપરિણ્ણા      | [આગમસુત્તાણિ-૨૭] | ચડત્યં પર્ડેણ્ણગં   |

|      |                |                     |                   |
|------|----------------|---------------------|-------------------|
| [૬૧] | તંદુલવેયાલિયં  | [આગમસુત્તાણિ-૨૮ ]   | પંચમં પર્ણણગં     |
| [૭૦] | સંધારગં        | [આગમસુત્તાણિ-૨૯ ]   | છટ્થં પર્ણણગં     |
| [૭૧] | ગચ્છાચાર       | [આગમસુત્તાણિ-૩૦/૧ ] | સત્તમં પર્ણણગં-૧  |
| [૭૨] | ચંદાવેજ્ઞયં    | [આગમસુત્તાણિ-૩૦/૨ ] | સત્તમં પર્ણણગં-૨  |
| [૭૩] | ગણિવિજ્ઞા      | [આગમસુત્તાણિ-૩૧ ]   | અટ્થમં પર્ણણગં    |
| [૭૪] | દેવિંદત્યઓ     | [આગમસુત્તાણિ-૩૨ ]   | નવમં પર્ણણગં      |
| [૭૫] | મરણસમાહિ       | [આગમસુત્તાણિ-૩૩/૧ ] | દસમં પર્ણણગં-૧    |
| [૭૬] | વીરત્યવ        | [આગમસુત્તાણિ-૩૩/૨ ] | દસમં પર્ણણગં-૨    |
| [૭૭] | નિસીહ          | [આગમસુત્તાણિ-૩૪ ]   | પદ્મમં છેયસુત્તં  |
| [૭૮] | બુહલ્કપ્પો     | [આગમસુત્તાણિ-૩૫ ]   | વીઅં છેયસુત્તં    |
| [૭૯] | વવહાર          | [આગમસુત્તાણિ-૩૬ ]   | તદ્દયં છેયસુત્તં  |
| [૮૦] | દસાસુયક્કથં    | [આગમસુત્તાણિ-૩૭ ]   | ચઉત્થં છેયસુત્તં  |
| [૮૧] | જીયકપ્પો       | [આગમસુત્તાણિ-૩૮/૧ ] | પંચમં છેયસુત્તં-૧ |
| [૮૨] | પંચકપ્પમાસ     | [આગમસુત્તાણિ-૩૮/૨ ] | પંચમં છેયસુત્તં-૨ |
| [૮૩] | મહાનિસીહં      | [આગમસુત્તાણિ-૩૯ ]   | છટ્થં છેયસુત્તં   |
| [૮૪] | આવસસ્સયં       | [આગમસુત્તાણિ-૪૦ ]   | પદ્મમં મૂલસુત્તં  |
| [૮૫] | ઓહનિચ્છુત્તિ   | [આગમસુત્તાણિ-૪૧/૧ ] | વીઅં મૂલસુત્તં-૧  |
| [૮૬] | પિંડનિચ્છુત્તિ | [આગમસુત્તાણિ-૪૧/૨ ] | વીઅં મૂલસુત્તં-૨  |
| [૮૭] | દસવેયાલિયં     | [આગમસુત્તાણિ-૪૨ ]   | તદ્દયં મૂલસુત્તં  |
| [૮૮] | ઉત્તરજ્ઞયણં    | [આગમસુત્તાણિ-૪૩ ]   | ચઉત્થં મૂલસુત્તં  |
| [૮૯] | નંદીસૂયં       | [આગમસુત્તાણિ-૪૪ ]   | પદ્મમા ચૂલિયા     |
| [૯૦] | અનુઓગદારં      | [આગમસુત્તાણિ-૪૫ ]   | વિતિયા ચૂલિયા     |

**પ્રકાશન ૪૨ થી ૯૦ આગમશ્રુત પ્રકાશને પ્રગટ કરેલ છે.**

|       |                    |                |            |                  |
|-------|--------------------|----------------|------------|------------------|
| [૯૧]  | આચાર -             | ગુજરાતી અનુવાદ | [આગમદીપ-૧] | પહેલું અંગસૂત્ર  |
| [૯૨]  | સૂચગડ -            | ગુજરાતી અનુવાદ | [આગમદીપ-૧] | બીજું અંગસૂત્ર   |
| [૯૩]  | ઠાણ -              | ગુજરાતી અનુવાદ | [આગમદીપ-૧] | ત્રીજું અંગસૂત્ર |
| [૯૪]  | સમવાય -            | ગુજરાતી અનુવાદ | [આગમદીપ-૧] | ચોથું અંગસૂત્ર   |
| [૯૫]  | વિવાહપન્નત્તિ -    | ગુજરાતી અનુવાદ | [આગમદીપ-૨] | પાંચમું અંગસૂત્ર |
| [૯૬]  | નાયાધમ્મકહા -      | ગુજરાતી અનુવાદ | [આગમદીપ-૩] | છટ્થું અંગસૂત્ર  |
| [૯૭]  | ઉવાસગદસા -         | ગુજરાતી અનુવાદ | [આગમદીપ-૩] | સાતમું અંગસૂત્ર  |
| [૯૮]  | અંતગડદસા -         | ગુજરાતી અનુવાદ | [આગમદીપ-૩] | આઠમું અંગસૂત્ર   |
| [૯૯]  | અનુત્તરોપપાતિકદસા- | ગુજરાતી અનુવાદ | [આગમદીપ-૩] | નવમું અંગસૂત્ર   |
| [૧૦૦] | પશ્ચાવાગરણ-        | ગુજરાતી અનુવાદ | [આગમદીપ-૩] | દશમું અંગસૂત્ર   |

|       |                   |                |            |                      |
|-------|-------------------|----------------|------------|----------------------|
| [૧૦૧] | વિવાગસૂય -        | ગુજરાતી અનુવાદ | [આગમદીપ-૩] | અગિયારમું અંગસૂત્ર   |
| [૧૦૨] | ઉવવાઈય            | ગુજરાતી અનુવાદ | [આગમદીપ-૪] | પહેલું ઉપાંગસૂત્ર    |
| [૧૦૩] | રાયપ્પસેશિય -     | ગુજરાતી અનુવાદ | [આગમદીપ-૪] | બીજું ઉપાંગસૂત્ર     |
| [૧૦૪] | જીવાજીવાભિગમ -    | ગુજરાતી અનુવાદ | [આગમદીપ-૪] | ત્રીજું ઉપાંગસૂત્ર   |
| [૧૦૫] | પત્રવણાસુત્ર      | ગુજરાતી અનુવાદ | [આગમદીપ-૪] | ચોથું ઉપાંગસૂત્ર     |
| [૧૦૬] | સૂરપત્રત્તિ -     | ગુજરાતી અનુવાદ | [આગમદીપ-૫] | પાચમું ઉપાંગસૂત્ર    |
| [૧૦૭] | ચંદ્રપત્રત્તિ -   | ગુજરાતી અનુવાદ | [આગમદીપ-૫] | છઠ્ઠું ઉપાંગસૂત્ર    |
| [૧૦૮] | જંબુદીવપત્રત્તિ - | ગુજરાતી અનુવાદ | [આગમદીપ-૫] | સાતમું ઉપાંગસૂત્ર    |
| [૧૦૯] | નિરયાવલિયા -      | ગુજરાતી અનુવાદ | [આગમદીપ-૫] | આઠમું ઉપાંગસૂત્ર     |
| [૧૧૦] | કપ્પવડિંસિયા -    | ગુજરાતી અનુવાદ | [આગમદીપ-૫] | નવમું ઉપાંગસૂત્ર     |
| [૧૧૧] | પુષ્કિયા -        | ગુજરાતી અનુવાદ | [આગમદીપ-૫] | દશમું ઉપાંગસૂત્ર     |
| [૧૧૨] | પુષ્કયૂલિયા -     | ગુજરાતી અનુવાદ | [આગમદીપ-૫] | અગિયારમું ઉપાંગસૂત્ર |
| [૧૧૩] | વહિહદસા -         | ગુજરાતી અનુવાદ | [આગમદીપ-૫] | બારમું ઉપાંગસૂત્ર    |
| [૧૧૪] | ચઉસરણ -           | ગુજરાતી અનુવાદ | [આગમદીપ-૬] | પહેલો પયત્રો         |
| [૧૧૫] | આઉરપ્પચ્ચકખાણ -   | ગુજરાતી અનુવાદ | [આગમદીપ-૬] | બીજો પયત્રો          |
| [૧૧૬] | મહાપચ્ચકખાણ -     | ગુજરાતી અનુવાદ | [આગમદીપ-૬] | ત્રીજો પયત્રો        |
| [૧૧૭] | ભતપરિણ્ણા -       | ગુજરાતી અનુવાદ | [આગમદીપ-૬] | ચોથો પયત્રો          |
| [૧૧૮] | તંદુલવેયાલિય -    | ગુજરાતી અનુવાદ | [આગમદીપ-૬] | પાંચમો પયત્રો        |
| [૧૧૯] | સંધારગ -          | ગુજરાતી અનુવાદ | [આગમદીપ-૬] | છઠ્ઠો પયત્રો         |
| [૧૨૦] | ગચ્છાચાર -        | ગુજરાતી અનુવાદ | [આગમદીપ-૬] | સાતમો પયત્રો-૧       |
| [૧૨૧] | ચંદાવેજભય -       | ગુજરાતી અનુવાદ | [આગમદીપ-૬] | સાતમો પયત્રો-૨       |
| [૧૨૨] | ગણિવિજ્જા -       | ગુજરાતી અનુવાદ | [આગમદીપ-૬] | આઠમો પયત્રો          |
| [૧૨૩] | દેવિંદત્યઓ -      | ગુજરાતી અનુવાદ | [આગમદીપ-૬] | નવમો પયત્રો          |
| [૧૨૪] | વીરત્યવ -         | ગુજરાતી અનુવાદ | [આગમદીપ-૬] | દશમો પયત્રો          |
| [૧૨૫] | નિસીહ -           | ગુજરાતી અનુવાદ | [આગમદીપ-૬] | પહેલું છેદસૂત્ર      |
| [૧૨૬] | ભુહતકપ્પ -        | ગુજરાતી અનુવાદ | [આગમદીપ-૬] | બીજું છેદસૂત્ર       |
| [૧૨૭] | વવહાર -           | ગુજરાતી અનુવાદ | [આગમદીપ-૬] | ત્રીજું છેદસૂત્ર     |
| [૧૨૮] | દસાસુયકૂપંધ -     | ગુજરાતી અનુવાદ | [આગમદીપ-૬] | ચોથું છેદસૂત્ર       |
| [૧૨૯] | જ્યકપ્પો -        | ગુજરાતી અનુવાદ | [આગમદીપ-૬] | પાંચમું છેદસૂત્ર     |
| [૧૩૦] | મહાનિસીહ -        | ગુજરાતી અનુવાદ | [આગમદીપ-૬] | છઠ્ઠું છેદસૂત્ર      |
| [૧૩૧] | આવસસય -           | ગુજરાતી અનુવાદ | [આગમદીપ-૭] | પહેલું મૂલસુત્ર      |
| [૧૩૨] | ઓહનિજ્જુત્તિ -    | ગુજરાતી અનુવાદ | [આગમદીપ-૭] | બીજું મૂલસુત્ર-૧     |
| [૧૩૩] | પિંડનિજ્જુત્તિ -  | ગુજરાતી અનુવાદ | [આગમદીપ-૭] | બીજું મૂલસુત્ર-૨     |
| [૧૩૪] | દસવેયાલિય -       | ગુજરાતી અનુવાદ | [આગમદીપ-૭] | ત્રીજું મૂલસૂત્ર     |



|       |               |                |            |                |
|-------|---------------|----------------|------------|----------------|
| [૧૩૫] | ઉત્તરજૂઝપણ -  | ગુજરાતી અનુવાદ | [આગમદીપ-૭] | ચોથું મૂલસુત્ર |
| [૧૩૬] | નંદીસુત્ર -   | ગુજરાતી અનુવાદ | [આગમદીપ-૭] | પહેલી ચૂલિકા   |
| [૧૩૭] | અનુયોગદ્વાર - | ગુજરાતી અનુવાદ | [આગમદીપ-૭] | બીજી ચૂલિકા    |

પ્રકાશન ૯૧ થી ૧૩૭ આગમદીપ પ્રકાશને પ્રગટ કરેલ છે.

|       |   |  |             |             |
|-------|---|--|-------------|-------------|
| [૧૩૮] | દીક્ષા યોગાદિ વિધિ                      |  |             |             |
| [૧૩૯] | ૪૫ આગમ મહાપૂજન વિધિ                     |  |             |             |
| [૧૪૦] | આચારાઙ્ગસૂત્રં સટીકં                    |  | આગમસુત્તાણિ | સટીકં-૧     |
| [૧૪૧] | સૂત્રવૃત્તાઙ્ગસૂત્રં સટીકં              |  | આગમસુત્તાણિ | સટીકં-૨     |
| [૧૪૨] | સ્થાનાઙ્ગસૂત્રં સટીકં                   |  | આગમસુત્તાણિ | સટીકં-૩     |
| [૧૪૩] | સમવાયાઙ્ગસૂત્રં સટીકં                   |  | આગમસુત્તાણિ | સટીકં-૪     |
| [૧૪૪] | ભગવતીઅઙ્ગસૂત્રં સટીકં                   |  | આગમસુત્તાણિ | સટીકં-૫/૬   |
| [૧૪૫] | જ્ઞાતાધર્મકથાઙ્ગસૂત્રં સટીકં            |  | આગમસુત્તાણિ | સટીકં-૭     |
| [૧૪૬] | ઉપાસકદશાઙ્ગસૂત્રં સટીકં                 |  | આગમસુત્તાણિ | સટીકં-૭     |
| [૧૪૭] | અન્તવૃદ્ધશાઙ્ગસૂત્રં સટીકં              |  | આગમસુત્તાણિ | સટીકં-૭     |
| [૧૪૮] | અનુત્તરોપપાતિકદશાઙ્ગસૂત્રં સટીકં        |  | આગમસુત્તાણિ | સટીકં-૭     |
| [૧૪૯] | પ્રશ્નવ્યાકરણાઙ્ગસૂત્રં સટીકં           |  | આગમસુત્તાણિ | સટીકં-૭     |
| [૧૫૦] | વિપાકશ્રુતાઙ્ગસૂત્રં સટીકં              |  | આગમસુત્તાણિ | સટીકં-૮     |
| [૧૫૧] | ઔપપાતિકઉપાઙ્ગસૂત્રં સટીકં               |  | આગમસુત્તાણિ | સટીકં-૮     |
| [૧૫૨] | રાજપ્રશ્નિયઉપાઙ્ગસૂત્રં સટીકં           |  | આગમસુત્તાણિ | સટીકં-૮     |
| [૧૫૩] | જીવાજીવાભિગમઉપાઙ્ગસૂત્રં સટીકં          |  | આગમસુત્તાણિ | સટીકં-૯     |
| [૧૫૪] | પ્રજ્ઞાપનાઉપાઙ્ગસૂત્રં સટીકં            |  | આગમસુત્તાણિ | સટીકં-૧૦/૧૧ |
| [૧૫૫] | સૂર્યપ્રજ્ઞાસિઉપાઙ્ગસૂત્રં સટીકં        |  | આગમસુત્તાણિ | સટીકં-૧૨    |
| [૧૫૬] | ચન્દ્રપ્રજ્ઞાસિઉપાઙ્ગસૂત્રં સટીકં       |  | આગમસુત્તાણિ | સટીકં-૧૨    |
| [૧૫૭] | જન્મ્બૂદ્ધીવપ્રજ્ઞાસિઉપાઙ્ગસૂત્રં સટીકં |  | આગમસુત્તાણિ | સટીકં-૧૩    |
| [૧૫૮] | નિરયાવલિકાઉપાઙ્ગસૂત્રં સટીકં            |  | આગમસુત્તાણિ | સટીકં-૧૪    |
| [૧૫૯] | કલ્પવતંસિકાઉપાઙ્ગસૂત્રં સટીકં           |  | આગમસુત્તાણિ | સટીકં-૧૪    |
| [૧૬૦] | પુષ્પિતાઉપાઙ્ગસૂત્રં સટીકં              |  | આગમસુત્તાણિ | સટીકં-૧૪    |
| [૧૬૧] | પુષ્પચૂલિકાઉપાઙ્ગસૂત્રં સટીકં           |  | આગમસુત્તાણિ | સટીકં-૧૪    |
| [૧૬૨] | વઘ્નિદસાઉપાઙ્ગસૂત્રં સટીકં              |  | આગમસુત્તાણિ | સટીકં-૧૪    |
| [૧૬૩] | ચતુઃશરણપ્રકીર્ણકસૂત્ર સટીકં             |  | આગમસુત્તાણિ | સટીકં-૧૪    |
| [૧૬૪] | આતુરપ્રત્યાવ્યાનપ્રકીર્ણકસૂત્રં સટીકં   |  | આગમસુત્તાણિ | સટીકં-૧૪    |
| [૧૬૫] | મહાપ્રત્યાલ્યાનપ્રકીર્ણકસૂત્રં સચ્ચાયં  |  | આગમસુત્તાણિ | સટીકં-૧૪    |
| [૧૬૬] | મક્તપરિજ્ઞાપ્રકીર્ણકસૂત્રં સચ્ચાયં      |  | આગમસુત્તાણિ | સટીકં-૧૪    |

|         |                                      |                            |
|---------|--------------------------------------|----------------------------|
| [ ૧૬૭ ] | તંદુલવૈચારિકપ્રકીર્ણકસૂત્રં સટીકં    | આગમસુત્તાણિ સટીકં-૧૪       |
| [ ૧૬૮ ] | સંસ્તારકપ્રકીર્ણકસૂત્રં સચ્ચાયં      | આગમસુત્તાણિ સટીકં-૧૪       |
| [ ૧૬૯ ] | ગચ્છાચારપ્રકીર્ણકસૂત્રં સટીકં        | આગમસુત્તાણિ સટીકં-૧૪       |
| [ ૧૭૦ ] | ગણિવિદ્યાપ્રકીર્ણકસૂત્રં સચ્ચાયં     | આગમસુત્તાણિ સટીકં-૧૪       |
| [ ૧૭૧ ] | દેવેન્દ્રસ્તવપ્રકીર્ણકસૂત્રં સચ્ચાયં | આગમસુત્તાણિ સટીકં-૧૪       |
| [ ૧૭૨ ] | મરણસમાધિપ્રકીર્ણકસૂત્રં સચ્ચાયં      | આગમસુત્તાણિ સટીકં-૧૪       |
| [ ૧૭૩ ] | નિશીઘછેદસૂત્રં સટીકં                 | આગમસુત્તાણિ સટીકં-૧૫-૧૬-૧૭ |
| [ ૧૭૪ ] | બૃહત્કલ્પછેદસૂત્રં સટીકં             | આગમસુત્તાણિ સટીકં-૧૮-૧૯-૨૦ |
| [ ૧૭૫ ] | વ્યવહારછેદસૂત્રં સટીકં               | આગમ સુત્તાણિ સટીકં-૨૧-૨૨   |
| [ ૧૭૬ ] | દશાશ્રુતસ્કન્ધછેદસૂત્રં સટીકં        | આગમસુત્તાણિ સટીકં-૨૩       |
| [ ૧૭૭ ] | જીતકલ્પછેદસૂત્રં સટીકં               | આગમસુત્તાણિ સટીકં-૨૩       |
| [ ૧૭૮ ] | મહાનિશીઘસૂત્રં (મૂલં)                | આગમસુત્તાણિ સટીકં-૨૩       |
| [ ૧૭૯ ] | આવશ્યકમૂલસૂત્રં સટીકં                | આગમસુત્તાણિ સટીકં-૨૪-૨૫    |
| [ ૧૮૦ ] | ઔઘનિર્યુક્તિમૂલસૂત્રં સટીકં          | આગમ સુત્તામિ સટીકં-૨૬      |
| [ ૧૮૧ ] | પિણ્ડનિર્યુક્તિમૂલસૂત્રં સટીકં       | આગમસુત્તાણિ સટીકં-૨૬       |
| [ ૧૮૨ ] | દશવૈકાલિકમૂલસૂત્રં સટીકં             | આગમસુત્તાણિ સટીકં-૨૭       |
| [ ૧૮૩ ] | ઉત્તરાધ્યયનમૂલસૂત્રં સટીકં           | આગમસુત્તાણિ સટીકં-૨૮-૨૯    |
| [ ૧૮૪ ] | નન્દી-ચૂલિકાસૂત્રં સટીકં             | આગમસુત્તાણિ સટીકં-૩૦       |
| [ ૧૮૫ ] | અનુયોગદ્વારચૂલિકાસૂત્રં સટીકં        | આગમસુત્તાણિ સટીકં-૩૦       |

પ્રકાશન ૧૩૯ થી ૧૮૫ આગમશ્રુત પ્રકાશને પ્રગટ કરેલ છે.

—: સંપર્ક સ્થળ :-

‘આગમ આરાધના કેન્દ્ર’

શીતલનાથ સોસાયટી-વિભાગ-૧, ફ્લેટ નં-૧૩, ૪થે માળે  
શ્રી નમિનાથ જૈન ટેરાસરજી પાછળ, બ્લોઈ સેન્ટર, ખાનપુર  
અમદાવાદ-૧

“आगमसुत्ताणि-सटीकं” भाग १ थी ३० नुं विवरण

| आगमसुत्ताणि  | समाविष्टाआगमाः  |
|--------------|---|
| भाग-१        | आयार  |
| भाग-२        | सूत्रकृत  |
| भाग-३        | स्थान   |
| भाग-४        | समवाय   |
| भाग-५-६      | भगवती (अपरनाम व्याख्याप्रज्ञप्ति)   |
| भाग-७        | ज्ञाताधर्मकथा, उपासकदशा, अन्तकृद्दशा, अनुत्तरोपपातिकदशा, प्रश्नव्याकरण  |
| भाग-८        | विपाकश्रुत, औपपातिक, राजप्रश्निय  |
| भाग-९        | जीवाजीवाभिगम  |
| भाग-१०-११    | प्रज्ञापना  |
| भाग-१२       | सूर्यप्रज्ञप्ति, चन्द्रप्रज्ञप्ति   |
| भाग-१३       | जम्बूद्वीपप्रज्ञप्ति  |
| भाग-१४       | निरवायलिका, कल्पवतंसिका, पुष्पिका, पुष्पचूलिका वण्हिदशा, चातुःशरण, आतुरप्रत्याख्यान, महाप्रत्याख्यान, भक्तपरिज्ञा, तन्दुलवैवारिक, संस्तारक, गच्छचार, गणिविद्या, देवेन्द्रस्तव, मरणसमाधि |
| भाग-१५-१६-१७ | नीशीथ   |
| भाग-१८-१९-२० | बृहत्कल्प   |
| भाग-२१-२२    | व्यवहार   |
| भाग-२३       | दशाश्रुतस्कन्ध, जीतकल्प, महनिशीथ  |
| भाग-२४-२५    | आवश्यक  |
| भाग-२६       | ओघनिर्युक्ति, पिण्डनिर्युक्ति   |
| भाग-२७       | दशवैकालिक   |
| भाग-२८-२९    | उत्तराध्ययन   |
| भाग-३०       | नन्दी, अनुयोगद्वार  |

शक्तिः

चूर्णः

भाष्यं

निर्युक्तः

मूलं